



2.75

Callan/C. 44.

Monasterii Waldassensis  
1702.

MS-

completo - Frontis 72

EMBLEMATIC PLATES

0A/84



(18) 248 in 1721

23



72 EMBLEMS









*Vera Effigies Dolorosae Matris Monachij in Bavariae Metropoli Pharmaturgae*



# MATER AMORIS ET DOLORIS,

QUAM

## CHRISTUS

IN CRUCE MORIENS OMNIBUS AC SINGULIS SUIS FIDELIBUS IN MATREM LEGAVIT:

### ECCE MATER TUA.

Nunc

Explicata per Sacra Emblemata, Figuras Scripturæ quàm plurimas, Conceptus varios Prædicabiles, SS. Patrum Sententias, raras Historias, &

**PIOS AD JESUM PATIENTEM, AC SANCTISSIMAM MATREM EJUS COMPATIENTEM AFFECTUS.**

O P U S

*Omnibus JESUM & MARIAM amantibus, prædicantibus, aut meditantibus perutile*

Cum triplici Indice Considerationum, Rerum. memorabilium, & Concionatorio, formandis per annum Concionibus opportuno.

AUCTORE

**A. R. D. ANTONIO GINTHER,**

SS. Theol. Lic. Camer. ac Parocho ad SS. Crucem in Biberbach.


EDITIO SECUNDA.

CUM FACULTATE SUPERIORUM



**AUGUSTÆ VINDELICORUM,**

Sumptibus GEORGII SCHLÜTER & MARTINI HAPFACH. 1726.



*honori*

*hald*

## Vaticinium S. Simeonis.

Hic positus est in Signum, cui contradicetur; & tuam ipsius animam pertransibit gladius. *Luc. 2. 35.*

## S. Ambrosius in hunc locum.

*Istum Gladium Cor & Anima Virginis profundè immersum habuit, quia DEI Mystéria cateris profundius penetravit, & Verba DEI de Christi Passione ac cateris Operibus semper in Corde medullitus portavit juxta illud: MARIA autem conservabat omnia Verba hæc, conferens in Corde suo. Luc. 2. 19.*



AD  
MATREM DOLOROSAM  
MONACHII IN BAVARIA

IN  
ECCLESIA DUCALIS HOSPITALIS  
S. ELISABETHÆ VIDUÆ  
QUOTIDIANIS BENEFICIIS  
IN MORTALIS CONSPICUAM  
HUMILLIMA SUPPLICATIO ET DEDICATIO

AUCTORIS.

EX VOTO.



Uth pauperrima illa Moabitis in agro quondam opulentissimi Booz relictas metentium *Ruth. 2. 17.* spicas collegit, quas in manipulos congerens virgâ excussit, ut sic non duntaxat extremæ suæ confuleret inopiæ, quàm & me-

liorem fructuum illorum partem pulcherrimæ Noëmi benefactrici suæ omnium maximæ consecraret, quæ tamen non Noëmi, hoc est pulchra & decora, sed Mara, quod idem est, quàm Amara appellari voluit:

*Ne vocetis me Noëmi, id est pulchram, sed vocate me Mara, Ruth. 1. id est Amaram, quia amaritudine valde replevit me Omnipotens: Cur ergo vocatis me Noëmi, quam Dominus humiliavit, & afflixit Omnipotens?* *v. 19.*

DOMINA totius universi! VIRGO & MATER DOLOROSA! Collegi & ego Scriptum pauperrimus, ac Servorum tuorum minimus cum Ruth egentissima in fertilissimo agro S. Scripturæ post toties à Doctoribus demessam & excussam segetem adhuc aliquas superstites & decidas de laudibus tuis spicas, ac præsertim de Amore &

## DEDICATIO.

Dolore afflictissimi Cordis tui non jejunas aristas, quas pro mea sublevanda inopia in unum Fasciculum, seu compendium in notatis meis ligavi, ut in promptu semper haberem, quid fructuosè meditarer, & quem statutis temporibus parvulis de Cathedra panem frangerem. Verum cui nunc meliorem hanc fructuum, laborumque meorum partem offero?

Tibi, ô DOMINA! sub Cruce Unigeniti ac dilectissimi Filii tui stanti, & mundo perditò succurrenti, quidquid sum, quidquid habeo, tanquam Benefactrici omnium maximæ humiliter defero, consecro, ac submitto. O pulcherrima Noëmi! quantum in hac vita mortali humiliavit Te Dominus, & quanta amaritudine replevit Cor tuum Omnipotens, dum non solum Crucem sub Cruce, omnesque tunc patientis Filii tui Dolores in Corde perpeffa es, sed jam ab illa hora, quâ tibi Simeon prædixit: *Et tuam ipsius animam pertransibit gladius*, usque ad vitæ tuæ terminum non ampliùs à te recessit *Perpetuus Doloris gladius*.

Et hoc est ô DOMINA! quod non abs longè per Statuam tuam Thavmaturgam Monachii in templo Ducalis Hospitalis S. Elisabethæ Viduæ Anno à Partu tuo Virgineo 1690. die 21. Januarii Christiano populo volebas insinuare, dum in præsentia etiam Illustrum Personarum sub Litaniis Lauretanis, publicè in honorem tuum decantatis misericordes oculos tuos primò ad dulcissimum Infantulum tuum Jesum in præsepio ibidem reclinatum, & exinde ad patientem & in cruce morientem Filium tuum, ac demum ad populum Monachen-

*Ex Litteris  
publicis &  
authenticis  
Reverend.  
dis. Ordinarij  
Frisingensis an-  
no 1691.  
typis publi-  
cis impressis.*

*Luc. 2. 35.*



## DEDICATIO.

nacensem tibi singulariter devotum miro ac materno planè affectu convertisti, per quem oculorum motum à præsepio ad crucem, meo judicio, non obscurè insinuare voluisti, quòd, sicut Christus Filius tuus à primo incarnationis instanti Sacrificium crucis acceptavit; ita tu quoque jam tunc temporis in eandem consenseris crucis victimam: *Ecce Ancilla Domini, fiat mihi secundum verbum tuum.* Proinde ad omnia cum Filio petienda semper te paratam exhibuisti: *Ego, inquis ipsa ad D. Birgittam, plena fui tribulatione à nativitate Filii mei usque ad mortem ejus; tribulationem & dolorem cordis super omnem creaturam patiebar &c.* meliùs enim, quàm Prophetæ, præscivit sui Filii passionem &c.

*Luc. 1. 38.*

*Revel. S.  
Birg. l. 6.  
cap. 24.*

O DOMINA mundi! *quis mortalium digne valeat jura gratiarum, laudumque præconia tibi rependere, quæ singulari tuo assensu mundo succurristi perditio?* Ita Africa-  
num Ecclesiæ Lumen S. Augustinus.

*S. Aug. ser.  
18. de SS.  
in medio.*

Olim cives Bethulienses ad liberatricem suam, fortissimam Judith, unanimi voce succlamabant: *Benedixit te Dominus in virtute sua, quia per te ad nihilum redegit inimicos nostros, ad quorum clamorem elevavit & vocem suam Ozias princeps populi Israël: Quia hodie nomen tuum ita magnificavit, ut non recedat Laus tua de ore hominum, qui memores fuerint virtutis Domini in æternum, pro quibus non pepercisti animæ tuæ, propter angustias & tribulationem generis tui, sed subvenisti ruinæ ante conspectum Dei nostri.* Quantò magis de te hoc dicere possumus, ò Pientissima! dum non pepercisti animæ tuæ propter angustias & tribulationem generis nostri, sed subvenisti

*Judith. 13.  
22.*



# DEDICATIO.

S. Petr.  
Chrysol.  
serm. 108

ruinæ ante conspectum Dei nostri, te ipsam in Filio tuo Crucifixo immolando: *Quid aliud*, ait S. Petrus Chrysológus, *Abraham*, *quàm Corpus suum immolabat in filio?* Plus fecisti, ô afflictissima Mater! Ille in solo voto, tu re ipsâ carnem tuam in dulcissimo Unigenito tuo Æterno Patri in cruentum & gratissimum immolasti Sacrificium. *Quapropter non recedet Laus tua de ore hominum, qui memores fuerint virtutis Domini & tua in æternum.*


In quem finem tibi, ô pretiosissima VIRGO! humiliter supplex fio: accipe ab indignissimo servo tuo has, quascunque exiles, quascunque meritis tuis impares gratiarum actiones, & ne spernas, obsecro, hoc levissime Opusculum, quod horis Subsecivis de tuis Laudibus ac SS. Cordis tui Doloribus composui; Erubesco solummodo, ô MATER AMORIS & DOLORIS! quòd non omnes isti apices & characteres meo Sanguine rubeant, quem pro tuo honore & amore omni momento paratus sum profundere. Et quia pro tot à te receptis Beneficiis plus dare non possum, nec valeo, quàm me ipsum: En habes ô DOMINA! hîc vilissimum mancipium & peccatorum coriphæum ad tuos Sacratissimos pedes humiliter prostratum. Audi me ô Benigna! & fave, ac tunc præsertim, quando Suprema illa mortis imminet hora. *Amen.* Ita fiat ô DOMINA.

*Servorum ac Sodalium Tuorum Minimus*

ANTONIUS GINTHER,

Sacerdos indignus.

Censu-



## CENSURA ORDINARII.



Ræfens Opus secundum sub Titulo : **MATER AMORIS ET DOLORIS**, Auctore Adm.Rev.ac Clarissimo D.ANTONIO GINTHER SS.Theol. Licent. Camerario ac Parocho ad SS. Crucem in Biberbach, ex primo Opere jam Celeberrimo, ob Styli gratiam, varietatem rarissimorum Conceptuum, Copiam allegatorum SS. Patrum, suavissimam pariter ac genuinam Sacrae Scripturae interpretationem allegoricam, nulli secundum; ab omni errore Fidei immune, quin & tam Asceticis, quàm Verbi DEI Præconibus commodissimum ac gratissimum, ideoque aureo prælo dignum censet. Augustæ 10. Maji Anno 1710.

Imprimatur H.S. Ex Officio Vicariatûs

Augustæ die 21. Maji 1719.

JOAN. CASIMIRUS RÖLS, D.  
Episcopus Amyclensis, Suffraganeus,  
& Vicarius Generalis. mppr.

JOAN. MICHAEL SEMBLER,  
SS. Theolog Doctor, Reverendiss. ac  
Sereniss. Episc. Aug. Consil. Eccles. &  
major Pœnitentiarius, necnon Insign.  
Collegiat. Eccl. ad S. Mauritium Au-  
gustæ Canon. Librorum Censor.



# PRÆFATIO

AD

## BENEVOLUM ET MARIANUM LECTOREM.




Auci, & non nisi pauca de DOLOROSA MATRE scripserunt; habes hic plura, Mariane Lector, Cultor & Amator! pro tuo aliorumque commodo singulis diebus Sabbatinis, vel Quadragesimalibus, vel diebus Divæ Virginis per annum Festivis applicanda, meditanda, imitanda & prædicanda. Placuit autem in hoc Tractatu scribendo ( prout nuper in Tractatu de SS. CORDE JESU feci ) humili, ac facili, sed tamen terfis auribus non indigno Stylo incedere, atque Christianam æmulari potius simplicitatem, quàm Romanæ eloquentiæ nitori anxie insistere, non enim auribus sed animis pabulum apponere studui. Et quia omne tulit punctum, qui miscuit utile dulci, singulis Considerationibus aliquod Emblema æri incisum præfigere placuit, ut sic statim ex primo Considerationis intuitu, quidnam materiarum illic tractetur, intelligas; atque ut facilem reperires concionandi methodum, en Manuductionem pro pluribus formandis Conceptibus annexam? plura imposterum, & si ita DEO placuerit, CURRUM ISRAEL, ET AURIGAM EIUS tibi subministraturus. De reliquo omnia, quæ in hoc Opusculo continentur, cum primis Censuræ S. MATRIS ECCLESIAE, ac gratioso DD. Superiorum meorum, doctorumque Virorum iudicio humiliter subjicio, paratus, si in aliquo errassem, corrigi & corrigere. Tu interim optime Lector vale, ac fruire, memor semper illius Ecclesiastici:

*Et gemitus Matris tue ne obliviscaris.*

Eccl. 7. 29.

INDE





# I N D E X

## Confiderationum & Emblematum.

### PARÆNESIS.

**A**D Sodales Parthenios, eximios Beatiffimæ Virginis & Marris Dolorosæ cultores & amatores.

#### EMBLEMA.

Stella maris navem, littora linquentem, per fluctus pelagi dirigens, cum inscripto:  
*Hac monstrante viam.*

### CONSIDERATIO I.

B. Virgo & Mater Dolorosa liber est, ex cuius lectione & confideratione omnes possunt fieri docibiles DEI.

#### EMBLEMA.

Liber apertus, in quo SS. Nomen & COR MARIÆ gladio transfixum exhibetur, cum inscripto: *Omnibus in omnibus.*

### CONSIDERATIO II.

B. Virgo ideò ab omni peccato Originali immunis, quia Mater Dolorosa erat futura.

#### EMBLEMA.

Clava Herculis (Crucis typus) septem Hydræ capita confringens, cum epigrapha:  
*In virtute tua.*

### CONSIDERATIO III.

Dolorosa Virgo, quia Dolorosa, non ab Originali tantum, sed etiam ab omni actuali labe immunissima.

#### EMBLEMA.

Porta signata & clausa, cui Angelus percutiens non poterat nocere, cum inscripto:  
*Signatur, ne perdat.*

### CONSIDERATIO IV.

Dolorosa Virgo in aurora, & juxta piscinam probaticam (futuræ Passionis typum) in lucem nascitur.

#### EMBLEMA.

Aurora diem orbi prænuntians, & terram rore suo fecundans, cum inscripto lemmate: *Aurora ab lacrymis.*

### CONSIDERATIO V.

B. Virgini Dolorosæ nomen imponitur MARIA, quod dulce & amarum est, quia amarum mare.

#### EMBLEMA.

Aurantium, seu pomum aureum dulcis quidem saporis, sed amari corticis, cum lemmate: *Dulce amarum.*

### CONSIDERATIO VI.

B. Virgo nunc trimula in templo præsentata, Cor suum SS. Trinitati in perfectissimum amoris & doloris holocaustum consecrat.

#### EMBLEMA.

Altare holocausti, in quo Cor B. Virginis DEO in odorem suavem offertur, cum inscripto: *In odorem suavitatis.*

### CONSIDERATIO VII.

Confideratur puritas Dolorosæ Virginis, primæ inter omnes votum Virginitatis DEO emittentis.

#### EMBLEMA.

Candidissimum Lilium in areola horti ex-

## Index Considerationum & Emblematum

argens, cum lemmate: *Virginei laus prima pudoris.*

### CONSIDERATIO VIII.

B. Virgo Dolorosa à SS. Trinitate ob summam Cordis humilitatem in dignam Deiparentem eligitur.

#### EMBLEMA.

Genius triticum cribrans, & ventilans, cum epigrapha: *Dimittit inanes.*

### CONSIDERATIO IX.

B. Virgo Dolorosa nunc nubilis ex singulari providentia DEI cum S. Josepho desponsatur.

#### EMBLEMA.

Annulus in mensa, cui superitis à manu immittitur gemma, cum inscripto: *Honori invicem.*

### CONSIDERATIO X.

B. Virgo Dolorosa ab Angelo gratia plena denuntiatur, unde & nobis à DEO gratiam poterit impetrare.

#### EMBLEMA.

Luna plena Orbem illuminans, cum lemmate: *Plena sibi & aliis.*

### CONSIDERATIO XI.

Filius DEI descendit de Cœlis, ut Filius Hominis & Dolorosæ Matris fieret, in Cruce pro nobis immolandus.

#### EMBLEMA.

Scala Jacob à terra usque ad Cœlum pertingens, cum lemmate: *Descendendo, ascendendo.*

### CONSIDERATIO XII.

B. Virgo jam ab illo instanti, quo Mater DEI esse cœpit, in Corde Crucem & Doloris gladium portavit.

#### EMBLEMA.

Horologium solare Regis Achaz, cum epigrapha: *Altissimus obumbrat.*

### CONSIDERATIO XIII.

Mater Amoris & Doloris VERBO gravi & mirum in modum iratum Numen peccatoribus placavit.

#### EMBLEMA.

Sol in Zodiaco signum Virginis pertransiens, cum inscripto: *Sum mitius ardet.*

### CONSIDERATIO XIV.

Expenditur charitas Matris Amoris & Doloris, dum DEO grvida Elisabetham cognatam visitavit.

#### EMBLEMA.

Dux palmæ ad se invicem incurvatæ & se mutuo salutantes, cum lemmate: *Blanda se pace saluant.*

### CONSIDERATIO XV.

Virgo Dolorosa Filium suum parit, quem reclinat in Præsepio, quia non erat ei locus in diversorio.

#### EMBLEMA.

Gallina in alieno & lacerato stabulo ova sua parturiens, cum lemmate: *Parit in alieno.*

### CONSIDERATIO XVI.

Quomodo B. Virgo & Mater Dolorosa in Circumcisione Christi dulcissimi Filii se habuerit?

#### EMBLEMA.

Vitis cultro adunco usque ad lacrymas scissa, cum epigrapha: *Ut gaudeas mero.*

### CONSIDERATIO XVII.

Ex tribus muneribus Magorum Mater amoris & doloris deligit sibi solam Myrrham.

#### EMBLEMA.

Myrrha planta aromatica, cum inscripto lemmate: *Amara, sed salubris.*

### CONSIDERATIO XVIII.

B. Virgo & Mater Dolorosa Christum Filium in templo præsentat, cui Simeon Doloris gladium prædicit.

EM-

## *Index Considerationum & Emblematum.*

### EMBLEMA.

Cor MARIÆ gladio transfixum, cum  
lemmate: *Usque ad divisionem animæ.*

### CONSIDERATIO XIX.

Dolorosa Mater in fuga in Ægyptum, &  
in aliis perferendis difficultatibus Divi-  
næ voluntati se penitissimè committit.

### EMBLEMA.

Tela candida ad picturam expansa, & ad  
omnes parata recipiendos colores, cum  
lemmate: *Quæ forma placebit.*

### CONSIDERATIO XX.

Expenditur Dolor & Amor Afflictissimæ  
Matris DEI, dum Filium suum duo-  
dennem perdidit.

### EMBLEMA.

Columba consortem rostro mordens, cum  
inscripto: *Amat, & castigat.*

### CONSIDERATIO XXI.

Omne gaudium Dolorosæ Virginis in hac  
mortali vita tristi absinthio permistum  
erat.

### EMBLEMA.

Granadilla, seu flos Passionis, cum lem-  
mate: *Delectat, & cruciat.*

### CONSIDERATIO XXII.

B. Virgo etiam in nuptiis Cananæis Dolo-  
rosa, quæ non rogata ne sponsis beni-  
gnè succurrit.

### EMBLEMA.

Sol oriens, & universis, tum bonis, tum  
malis lumen suum impertiens, cum  
epigraha: *Non poscentibus offert.*

### CONSIDERATIO XXIII.

Ex visis tot injuriis & persecutionibus  
Christo Filio à Judæis illatis, augetur  
dolor dolorosæ Matris.

### EMBLEMA.

Carduelis inter pungentes spinas in car-  
duo sedens, cum lemmate: *Hic ego su-  
stentor.*

### CONSIDERATIO XXIV.

Perpenditur amor & dolor SS. CORDIS  
JESU & MARIÆ, dum ante passionem  
unum alteri peramanter valedicit.

### EMBLEMA.

Hedera arborem aridam peramicè am-  
plexans, cum inscripto: *Nec mors se-  
parabit.*

### CONSIDERATIO XXV.

Mater Dolorosa cum Christo in horto  
orante orabat, cum agonizante ago-  
nizabat.

### EMBLEMA.

Torcular, in quo SS. Cor JESU & MARIÆ  
simul torquentur, cum lemmate: *Cogit  
in unum.*

### CONSIDERATIO XXVI.

B. Virgo intelligit Filium JESUM à Juda  
in mortem esse venditum, & per dolo-  
osculo inimicis traditum.

### EMBLEMA.

Crocodilus hominem ad Nili ripam usque  
ad Calvariam devorans, cum lemmate:  
*Plorat, & devorat.*

### CONSIDERATIO XXVII.

B. Virgo quærit de nocte Filium suum ca-  
ptivum, & nunc velut Agnum mansue-  
tum furori luporum traditum.

### EMBLEMA.

Lupus rapax agnum ad lanienam asportans  
cum inscripto: *Non est, qui redimat.*

### CONSIDERATIO XXVIII.

B. Virgo omnes cruciatus & opprobria,  
quos de nocte perpeffus est Filius, velut  
præfens animo intuebatur.

### EMBLEMA.

Tulipa flos, sole ad occasum vergente, lan-  
guida, cum lemmate: *Languescit in umbra.*

### CONSIDERATIO XXIX.

Dolorosa Mater coram intuitur miserabi-  
lem dulcissimi Filii sui flagellationem.



## Index Considerationum & Emblematum.

### EMBLEMA.

Dux citharæ æqualiter intensæ, quarum una pulsatur, cum lemmate: *Unamte-rigisse sat est.*

### CONSIDERATIO XXX.

Dolorosa Mater quanto cum dolore spectabit Filium suum spinis coronari, atque illudi.

### EMBLEMA.

Lilium candidissimum spinis ubique circumdatum, cum lemmate: *Transfixum suavius.*

### CONSIDERATIO XXXI.

Quanto dolore & compassione Dolorosa Mater audierit & viderit Filium suum damnari ad mortem.

### EMBLEMA.

Jonas Propheta in mare missus iratum, cum lemmate: *Mergor, ne mergantur.*

### CONSIDERATIO XXXII.

Mater Dolorosa Christum Filium crucis pondere onustum usque ad mortem fidelis comes sequitur.

### EMBLEMA.

Stella vespertina sola solem occumbentem sequens, cum inscripto: *Sequitur desertacidentem.*

### CONSIDERATIO XXXIII.

In conspectu afflictissimæ Matris Filius JESUS infanum crucis patibulo affigitur.

### EMBLEMA.

Serpens in palo in deserto exaltatus, cum epigrapha: *Pharmacum non venenum.*

### CONSIDERATIO XXXIV.

Expenditur Dolor & Amor afflictissimæ Matris, Filium suum in Cruce affixum contemplans.

### EMBLEMA.

Aquila deficientem & eclipsatum solem considerans, cum lemmate: *Ad te levavi oculos.*

### CONSIDERATIO XXXV.

Mater Dolorosa inter Filium Crucifixum & latronem, aliosque peccatores juxta Crucem mediatrix facta est.

### EMBLEMA.

Sciurus notum animal in ligno & bacillo navigans, cum lemmate: *Ne mergar.*

### CONSIDERATIO XXXVI.

B. Virgo & Mater Dolorosa peccatorum & miserorum singulare refugium ac solamen.

### EMBLEMA.

Pharus in littore maris periclitanti navitutum monstrans portum, cum lemmate: *Errantibus una micat.*

### CONSIDERATIO XXXVII.

Cur B. Virgo & Mater Dolorosa à Christo in cruce non Mater, sed mulier fuerit appellata?

### EMBLEMA.

Rupes in mari à ventis & procellis petita ac percussa, cum lemmate: *Non commovebitur.*

### CONSIDERATIO XXXVIII.

Virgo Dolorosa S. Joanni Virgini à Christo in cruce moriente speciali modo commendatur.

### EMBLEMA.

Adamas, gemma purissima, in mensa expositus, cum lemmate: *Inpuritate pretium.*

### CONSIDERATIO XXXIX.

B. Virgo & Mater Dolorosa non tantum S. Joanni, sed & nobis à Christo in Matrem legata fuit.

### EMBLEMA.

Surculustenellis trunco implantatus, cum epigrapha: *Accipit in sua.*

### CONSIDERATIO XL.

Dolorosa Virgo stans sub umbra Crucis Mater omnium efficitur, ad quam umbram omnes invitat Christianos.



## Index Considerationum & Emblematum.

### EMBLEMA.

Christus in arbore pendens, & oves sub umbra sua fovens, cum inscripto: *Non est hac tutior umbra.*

### CONSIDERATIO XLI.

Maria Mater Dolorosa stans sub Cruce Filii omnibus Christianis admirandum patientiæ speculum.

### EMBLEMA.

Ovis inter omnes mitis Littera T. signata, cum inscripto: *Non habet redargutionem.*

### CONSIDERATIO XLII.

Dolorosa Virgo Filio in cruce agonizanti assistens, omnium fidelium agonizantium fidelissima patrona.

### EMBLEMA.

Candelabrum septemfidum perpetuo ardens lumine, cum inscripto: *Non extinguetur.*

### CONSIDERATIO XLIII.

Quanto mæore Dolorosa Mater Filium suum in Cruce pendentem viderit expirare.

### EMBLEMA.

Eclipsis Solis, in qua luminare majus totum obscuratur, cum lemmate: *Morientis sideris umbra.*

### CONSIDERATIO XLIV.

Exponitur commiseratio & amor Dolorosæ Matris, Filium suum in cruce mortuum contemplantis.

### EMBLEMA.

Iris ad occumbentem solem lacrymans, cum Epigrapha: *Definit in lacrymas.*

### CONSIDERATIO XLV.

B. Virgo & Mater Dolorosa etiam post cruentam Filii sui mortem sub cruce constantissime perseverat.

### EMBLEMA.

Cypressus ventorum turbine agitata, & tamen constans perseverans, cum lemmate: *Coniugio firmat.*

### CONSIDERATIO XLVI.

Expenditur Dolor & Amor afflictiſſimæ Matris, dum SS. Cor JESU crudeli lanceâ vulneratum vidit.

### EMBLEMA.

Cor JESU lanceâ & Cor MARLÆ Simeonis gladio transfixum, cum lemmate: *Vulneratum vulnerat.*

### CONSIDERATIO XLVII.

B. Virgo & Mater Dolorosa rectè ab Ecclesia Regina Martyrum appellatur,

### EMBLEMA.

SS. Cor MARLÆ gladio Doloris transfixum & præ omnibus aliis perpeſſionis SS. Martyrum instrumentis exaltatum, cum lemmate: *Supereminet omnes.*

### CONSIDERATIO XLVIII.

B. Virgo & Mater Dolorosa prima cultrix SS. Vulnerum Christi JESU dilectissimi Filii sui extitit.

### EMBLEMA.

Apis flores & rosas quærit, ex quibus paſcatur, cum lemmate: *Currit in odorem.*

### CONSIDERATIO XLIX.

B. Virgo & Mater Dolorosa Filium de Cruce depositum gremio excipit, & amaris deplorat lacrymis,

### EMBLEMA.

Furnus Chymicus, ex cujus syphunculis lacrymæ vi ignis intus agentis emanant, cum inscripto: *Calor elicit imbres.*

### CONSIDERATIO L.

Dolorosa Mater curat, ut Filius mortuus & de cruce depositus honestæ sepulturæ mandetur.

### EMBLEMA.

Granum frumenti seritur in agrum, cum lemmate: *ut surgat in ortum.*

### CONSIDERATIO LI.

Dolorosæ Matri in passione Filii comes indivulsa Maria Magdalena, Crucifixum Amorem suum deplorans.

## Index Considerationum & Emblematum.

### EMBLEMA.

Tela in campo exposita, & desuper aquis rigata, cum inscripto: *A lacrymis candor.*

### CONSIDERATIO LII.

Perpenduntur rationes, quare B. Virgo & Mater Dolorosa non unâ cum Filio fuerit immolata?

### EMBLEMA.

Mergula avis inter aquarum fluctus non merfa, sed semper emergens, cum lemmate: *Mersa non mergitur.*

### CONSIDERATIO LIII.

SS. Cor MARIE, consummatâ passione, per Christum Filium à mortuis resurgentem, mirè consolatur.

### EMBLEMA.

Columba Noëmica, olivæ ramum ad arcam rostro deportans, cum lemmate: *Emergere nuntiat orbem.*

### CONSIDERATIO LIV.

B. Virgo Filium in monte Olivario, ubi prius passioni initium datum, nunc ad cœlos ascendentem contemplatur.

### EMBLEMA.

Aquila volitans, & secum prædam lepuseculum asportans in aëra, cum lemmate: *Tulit prædam tartari.*

### CONSIDERATIO LV.

Secundum multitudinem dolorum consolationes Spiritûs Sancti lætificant SS. Cor Virginis.

### EMBLEMA.

Ros de cœlo descendens, & languentes erigens flosculos, cum inscripto: *Dulce refrigerium,*

### CONSIDERATIO LVI.

Matris Dolorosæ exemplo docemur, quomodo rectè & cum fructu ad DEUM orare debeamus.

### EMBLEMA.

Regula, seu amussis, juxta quam architecti

sua extruunt, & dirigunt ædificia, cum lemmate: *Recta à Recto.*

### CONSIDERATIO LVII.

B. Virgo & Mater Dolorosa assiduâ virtutum exercitatione singulare nobis præbuit specimen temporis bene locandi.

### EMBLEMA.

Ferrum super incudem locatum malleo tunditur, cum lemmate: *Dum calet.*

### CONSIDERATIO LVIII.

B. Virgo etiam post Filii in cœlum ascensionem sedulo amarissimam ejus passionem meditabatur.

### EMBLEMA.

Turtur sedens solitaria in spelunca, & confortem suum deplorans, cum lemmate: *Gemit dilectum suum.*

### CONSIDERATIO LIX.

B. Virgo & Mater Dolorosa docet modum, qualiter nos oporteat Christi Filii passionem meditari.

### EMBLEMA.

Elephas ad ostensionem sanguinis uvæ, aut mori, ad certamen animatur, cum lemmate: *Acuitur in prælium.*

### CONSIDERATIO LX.

Mater Amoris & Doloris instruit nos, quomodo semper in præsentia DEI ambulare debeamus.

### EMBLEMA.

Sol altissimus Cor adamantinum intimè penetrans, & radiis suis pervadens, cum lemmate: *Intima lufirat.*

### CONSIDERATIO LXI.

B. Virgo & Mater Amoris & Doloris docet nos terrena despiciere, & solum cœlestia desiderare.

### EMBLEMA.

Avicula, aliis sub reticulo hærentibus, ad Cœlum cursum suum accelerans, cum inscripto: *Ad sidera sursum,*

CON-

## *Index Considerationum & Emblematum.*

### CONSIDERATIO LXII.

De felicissimo obitu, funeralibus, & sepultura Dolorosæ Virginis ac Matris DEI MARIA.

#### EMBLEMA.

Avicula tenui filo alligata, & ad Cælum spirans, cum lemmate: *Cupio dissolvi.*

### CONSIDERATIO LXIII.

B. Virgo non amplius Dolorosa, sed Gloriosa à dilecto Filio ad cœlestem gloriam assumitur.

#### EMBLEMA.

Avis Paradisiaca compari suo innixa ad Cælum evehitur, cum epigrapha: *Innixa ascendit.*

### CONSIDERATIO LXIV.

B. Virgo olim Dolorosissima, nunc Gloriosissima triplici corona à SS. Trinitate coronatur.

#### EMBLEMA.

Corona argentea, ferrea & aurea B. Virgini legitimè certanti offertur, cum lemmate: *Cursu completo.*

### CONSIDERATIO LXV.

De cultu, quem Magnæ DEI Matri debemus, ejusque potentissimo in Cœlis patrocinio.

#### EMBLEMA.

Ad præsentiam Arcæ fœderis immundus Dagon à sede & folio suo dejicitur, cum lemmate: *Cui honorem, honorem.*

### CONSIDERATIO LXVI.

Præcipuus cultus B. Virgini ac Matri Dolorosæ impensus, est sedula ejus virtutum imitatio.

#### EMBLEMA.

Virga Mosaica populo per mare rubrum ac desertum viam in Palæstinam monstrans, cum lemmate: *Illuc iter, quò ostendam.*

*Mater Dolorosa.*

### CONSIDERATIO LXVII.

In B. Virginis Patrocinio In SS. Rosario omnibus Christianis magna fiducia collocanda est.

#### EMBLEMA.

Labyrinthus, ex quo manus de Cœlo missa animam errantem ad viam salutis filo dato reducit, cum lemmate: *Hac ducta via est.*

### CONSIDERATIO LXVIII.

B. Virgo in SS. Scapulari clientibus suis in hac & in altera vita benigna Mater est.

#### EMBLEMA.

Clypeus Josue in castris elevatus, per quem urbem Hai expugnavit, cum inscripto: *Præsidium & decus.*

### CONSIDERATIO LXIX.

Mater Amoris & Doloris singulariter invocanda est, ut in hora mortis nobis assistere dignetur.

#### EMBLEMA.

Horologium, ubi Index digitus horam secundam monstrat, cum epigrapha: *Ultimam secundam.*

### CONSIDERATIO LXX.

Matris Amoris & Doloris, verè Matris misericordiæ Amor beneficus in animas purgantes declaratur.

#### EMBLEMA.

Pisces de nocte ad expositum in navicula lumen natantes, cum lemmate: *Veniunt ad lucem.*

### EPILOGUS.

Cum Matre Dolorosa per multas cruces & tribulationes oportet nos intrare in regnum DEI.


#### EMBLEMA.

Arca Noëmica post exantlatos diluvii fluctus residens, & quiescens, cum lemmate: *Non mergitur, sed extollitur.*

)\*\*\*(

INDEX





# INDEX CONCIONATORIUS.

## Per Dominicas & Festa, ac per Férias Quadragesimæ.

Dominica I. Adventûs.

**S** Citote, quoniam propè est regnum DEI.  
*Luc. 21. 31.*

Regnum DEI quærendum est, mundana  
& terrena omnia despicienda. Vide  
Considerationem 61. totam, & sic de  
sequentibus hîc annotatis.

Dominica II. Adventûs.

*Tues, qui venturus es, an alium expectamus?*  
*Matth. 21. 3.*

De Adventu Christi in carne, & summo  
hujus Incarnationis beneficio. Vide  
Considerat. 11.

Dominica III. Adventûs.

*Ego vox clamantis in deserto. Joan. 1. 23.*

De virtute veræ & sinceræ humilitatis lum-  
inè nobis necessaria. Vide Conside-  
rat. 8.

Dominica IV. Adventûs.

*Et videbit omnis caro salutare DEI. Luc. 1. 6.*

Christus in utero B. Virginis mirè pecca-  
toribus placatus est. Vide Conf. 13.

Dominica infra Octav. Nat. Christi.

*Ecce, positus est hic in signum, cui contradi-  
cetur: & tuam ipsius animam pertransibit  
gladius. Luc. 2. 34.*

De gl'io Simeonis, quomodo animam  
& Cor Dolorosæ Matris fauciârît. Vide  
Confid. 18.

Dominica I. post Epiphaniam.

*Ecce, pater tuus & ego dolentes quarebamus  
te. Luc. 2. 48.*

De Doloze & Amore afflictissimæ Ma-  
tris per triduum Filium duodennem per-  
ditum quærentis. Confid. 20.

Dominica II. post Epiph.

*Dicit Mater JESU ad eum: vinum non ha-  
bent. Joan. 2. 3.*

De sollicita Matre JESU, quæ non rogata  
egenis spontis succurrit. Confid. 22.

Dominica III. post Epiph.

*Domine, puer meus jacet in domo paralyti-  
cus & malè torquetur. Matth. 8. 6.*

Ægrotantium & agonizantium singularem  
curam gerit Mater Amoris & Doloris.  
Vid. Confid. 42. & Confid. 69.

Dominica IV. post Epiph.

*Ecce, motus magnus factus est in mari, ita ut  
navicula operiretur fluctibus. Matth. 8. 24.*

Omne gaudium in hoc mundo tristi ab-  
synthio permistum est. Confid. 21.

Dominica V. post Epiph.

*Cum autem dormirent homines, venit inimi-  
cus ejus, & superseminavit Zizania.  
Matth. 11. 25.*

Non hîc nobis inter sôt pericula dormien-  
dum est, sed dum habemus tempus, ope-  
remur bonum. Confid. 57.

Dominica VI. post Epiph.

*Cum autem creverit, majus est omnibus ole-  
ribus, & sit arbor. Matth. 13. 32.*

Arbor ista Crux Dominica est, in cujus ra-  
mis volucres Cœli, id est, pie animæ ni-  
dificant. Confid. 40.

Domi-

*Per Dominicas & Festa, ac per Feras Quadragesimæ.*

**Dominica Septuagesimæ.**

*Ite & vos in vineam meam. Matth. 20. 7.*  
Non hic otia dandum est, sed per multos labores & sudores oportet nos ex hac Ecclesiæ vinea intrare in regnum DEI. Confid. 45. & Epilogus.

**Dominica Sexagesimæ.**

*Frustrum asserunt in patientia. Luc. 8. 16.*  
Patientia juxta exemplar Dolorosæ Matris nobis necessaria est, ut reportemus repromissiones. Vid. Confid. 41.

**Dominica Quinquagesimæ.**

*Ecce, ascendimus Jerusalem, & consummabuntur omnia, quæ scripta sunt per Prophetas de Filio hominis. Luc. 18. 31.*  
De injuriis & persecutionibus Christo ante passionem illatis, ex quibus visis augetur Dolor pientissimæ Matris. Vid. Conf. 23.

**Feria IV. Cinerum.**

*Fecit Tobias vale Matri suæ. Tob. 5. 22.*  
De Valedictione Christi à SS. Matre sua, nunc ad cruentem abeuntis passionem. Confid. 24.

**Feria VI. post Cineres.**

*Factus est sudor ejus sicut gutta sanguinis decurrentis in terram. Luc. 22. 44.*  
De Christo in horto agonizante, cujus cruenti agonis non ignara fuit Dolorosa Mater ejus. Confid. 25.

**Sabbato post Cineres.**

*Confestim accedens ad JESUM dixit: Ave Rabbi, & osculatus est eum. Matt. 26. 49.*  
Dolorosa Mater inaudit Filium in mortem venditum, & Judæis traditum. Conf. 26.

**Dominica I. Quadragesimæ.**

*Christus Dominus captus est in peccatis nostris. Thren. 4. 20.*  
Dolorosa Mater quærit de nocte dilectum Filium captivum nunc ad Pontifices rapatum. Confid. 27.

**Feria IV. post Dom. I. Quadr.**

*Plorans ploravit in nocte, & lacrymæ ejus in maxillis ejus. Thren. 1. 2.*

Dolorosa Mater Filii cruciatus, quos de nocte passus est, præsens animo intuebatur. Confid. 28.

**Feria VI. post Dom. I. Quadr.**

*Et fuit flagellatus tota die, & castigatio mea in matutinis. Psal. 72. 14.*

Dolorosa Mater præsens intuetur miserabilem Christi Filii sui flagellationem Consider. 29.

**Sabbato post Dom. I. Quadr.**

*Imponunt ei plectentes spineam coronam, & ceperunt salutare eum: Ave Rex Judæorum. Marc. 15. 17.*

Dolorosa Mater Filium suum spineâ redimitum coronâ contemplatur. Conf. 30.

**Dominica II. Quadragesimæ.**

*Dicit eis: Ecce Homo. Cum ergo vidissent eum Pontifices & ministri, clamabant dicentes: Crucifige, crucifige eum. Joa. 19. 5.*  
Dolorosa Mater præsens audit mortis sententiam à Præside Romano in Filium latam. Confid. 31.

**Feria IV. post Dom. II. Quadr.**

*Bajulans sibi crucem, exivit in eum, qui dicitur Calvaria locum. Joan. 19. 17.*

Dolorosa Mater Filium crucem bajulantem ad Calvaria montem comitatur. Confid. 32.

**Feria VI. post Dom. II. Quadr.**

*Postquam venerunt in locum, qui dicitur Calvaria, ibi crucifixerunt eum. Luc. 23. 33.*

Dolorosa Mater cruentæ Filii crucifixioni præsens adstat, heu quanto cum mœrore! Confid. 33.

**Sabbato post Dom. II. Quadr.**

*Attenuati sunt oculi mei, suspicientes in excelsum. Isa. 38. 14.*

## Index Concionatorius

Dolorosa Mater quo materno affectu Crucifixum Filium fuerit contemplata. Consider. 34.

Dominica III. Quadragesimæ.

*Amen dico tibi: hodie mecum eris in Paradiso. Luc. 23. 43.*

Dolorosa Mater inter Filium crucifixum & latronem in patibulo pendentem optima mediatrix facta est. Consider. 35.

Feria IV. post Dom. III. Quadr.

*Ex quo facta sum coram eo quasi pacem reperiens. Cant. 8. 10.*

Dolorosa Mater stans sub Cruce non solum Dismæ latroni, sed & omnibus miseris ac peccatoribus singulare refugium facta est. Consider. 36.

Feria VI. post Dom. III. Quadr.

*Mulier, ecce Filius tuus. Joan. 19. 26.*

Quare Dolorosa Mater stans juxta Crucem à Filio Crucifixo non Mater, sed Mulier vocata sit. Consider. 37.

Sabbato post Dom. III. Quadr.

*Deinde dicit discipulo: Ecce Mater tua. Joan. 19. 27.*

Quare Dolorosa Virgo & Mater S. Joanni speciali modo à Christo patiente fuerit commendata. Consider. 38.

Dominica IV. Quadragesimæ.

*Ecce Mater tua. Joan. 19. 27.*

Dolorosa Mater non tantum S. Joanni, sed & omnibus Christianis à Christo patiente in Matrem data, & consignata est. Consider. 39.

Feria IV. post Dom. IV. Quadr.

*In umbra tua vivemus. Thren. 4. 10.*

Mater Dolorosa omnes clientes suos ad umbram S. Crucis materno affectu invitavit. Consider. 40.

Feria VI. post Dom. IV. Quadr.

*Tu es patientia mea Domine. Psal. 70. 5.*

Mater Dolorosa stans juxta crucem Filii omnibus in tribulatione existentibus admirandum patientiæ speculum. Consider. 41.

Sabbato post Dom. IV. Quadr.

*Non relinquam vos orphanos. Joan. 14. 18.*

Mater Dolorosa Filio in cruce agonizanti assistit, & ideò clientum suorum agonizantium fidelissima Mater. vid. Consider. 42.

Dominica Passionis.

*Vidit suum dulcem natum, morientem, desolatum, dum emisit Spiritum. Eccl. in hym.*

Dolorosa Mater, quo cum dolore ac dolore dulcissimum Filium suum viderit in crucis patibulo expirantem. Consider. 43.

Feria IV. post Dom. Pass.

*Doleo super te frater mi Jonatha decore nimis, & sicut mater unicum amat Filium suum, ita ego te diligebam. 2. Reg. 1. 26.*

De Commiseratione & materno animi affectu, quo Mater amoris & doloris Filium in cruce mortuum contemplata est. Consider. 44.

Feria VI. post Dom. Pass.

*Mulierem fortem quis inveniet? Prov. 31. 10.*

De constantia & inexplicabili fortitudine Matris Dolorosæ post tam cruentam Filii mortem sub cruce perseverantis. Consider. 45.

Sabbato post Dom. Pass.

*Vulnerasti Cor meum soror mea Sponsa, vulnerasti cor meum. Cant. 4. 9.*

Non solum SS. Cor JESU, sed & Dolorosæ Matris per militis lanceam crudeliter vulneratum est. Consider. 46.

Dominica Palmarum.

*Tu supergressa es universas Prov. 31. 29.*

Dolorosa Mater verè Martyrum Regina, quorum omnium dolores dolore suo longissimè supergressa est. Consider. 47.

Feria II. post Dom. Palmarum.

*Quid sunt plagæ istæ in medio manuum tuarum*



*Per Dominicas & Festa, ac per Ferias Quadragesimæ.*

*rum: & dicit: His plagatus sum in domo eorum, qui diligebant me. Zach. 13. 6.*

Dolorosa Mater quomodo, & quo materno affectu quinque SS. Christi JESU, dilectissimi Filii sui Vulnera venerata sit. Confid. 48.

Feria III. post Dom. Palmar.

*Posuit Filium illa super gremia sua usque ad meridiem. 4. Reg. 4. 20.*

Mater Dolorosa dulcissimum natum de ligno depositum sinu suo excipit, & amarissimis deslet lacrymis. Confid. 49.

Feria IV. post Dom. Palmar.

*Erat autem in loco, ubi crucifixus est, hortus, & in horto monumentum novum: ibi ergo posuerunt Jesum. Joan. 19. 41.*

Mater Dolorosa anxie curat, ut dilectissimus Filius in Crucis patibulo mortuus, & abinde depositus honestæ mandetur sepulturæ. Confid. 50.

Feria V. in Cœna Dom.

*Plangent eum planctu quasi super unigenitum, & dolebunt super eum; ut doleri solet in morte primogeniti. Zach. 12. 10.*

De ferventissimis lacrymis Dolorosæ Matris & Mar. Magdalenæ, quibus Christo Amori suo ad sepulchrum parentârunt. Confid. 51.

Feria VI. Parasceves.

*Non moriar, sed viviam; & narrabo opera Domini. Psal. 117. 17.*

Quare unâ cum Filio afflictissima Mater non mortua, & imolata fuerit? Conf. 52.

Sabbato Sancto.

*Aspicientes in Auctorem fidei, & consummatorem Jesum, qui proposito sibi gaudio sustinuit crucem, confusione contemptâ. Hebr. 12. 1.*

Mater Dolorosa modum edocet, quomodo cum fructu Christi Filii passionem possimus meditari. Confid. 59.

Dominica Resurrectionis.

*Et siluerunt fluctus ejus. Psal. 106. 29.*

Dolorosa Mater à Christo à mortuis resurgente, primò visitatur, & consolatur. Confid. 53.

Feria II. Paschæ.

*Nonne hac oportuit pati Christum, & ita intrare in gloriam suam. Luc. 24. 26.*

Ad regnum DEI non per voluptates, sed per crucem & passionem cum Christo & Dolorosa Matre pervenitur. Vid. Epilog.

Dominica in Albis.

*Ostendit eis manus & latus. Joan. 20. 20.*

Mater Dolorosa meritò prima cultrix quinque SS. Christi Vulnerum dici debet, de quibus plura. Confid. 48.

Dominica II. post Pascha.

*Bonus Pastor animam suam dat pro ovibus suis. Joan. 10. 11.*

Quomodo cum Matre Dolorosa etiam post resurrectionem aut ascensionem Filii, ejus passionem debeamus cum fructu summo meditari. Confid. 58.

Dominica III. post Pascha.

*Quid est, quod dicit modicum? Joan. 16. 18.*  
Omnia sunt modicum, omnia vana & inania præter cum Dolorosa Matre amare DEUM & illi soli inservire. Vid. Consider. 61.

Dominica IV. post Pascha.

*Vado ad eum, qui misit me. Joan. 16. 5.*

Cum Dolorosa Matre semper oportet nos in præsentia DEI ambulare, ut securè ad Patrem veniamus. Confid. 60.

Dominica V. post Pascha.

*Si quid petieritis Patrem in Nomine meo, dabit vobis. Joan. 16. 23.*

Exemplo Dolorosæ Matris instruimur, quomodo cum optato fructu obtinendo ad DEUM orare debeamus. Confid. 56.

## Index Concionatorius

In Festo Ascensionis Domini.

*Ascendens in altum captivam duxit captivitatem. Ephes. 4. 8.*

Quo animi cum gaudio ac solatio Beata Virgo Filium suum in Cælum ascendentem, & prædam tartari auferentem, sit contemplata. Confid. 54.

Dominica VI. post Pascha.

*Hæc locutus sum vobis, ut cum venerit hora, eorum reminiscamini Joan. 16. 4.*

Nunquam immemores vivamus Christi passi & Dolorosæ Matris compatiæntis, per cujus intercessionem Spiritum S. & omnia bona facilius possumus impetrare. Vide si placet, Parænes. vel Conf. 65.

Dominica Pentecostes.

*Et repleti sunt omnes Spiritu S. Act. 2. 4.*

De nissione Spiritûs Sancti, & qualiter Cor B. Virginis ac Matris DEI omni consolatione repleverit. Confid. 55.

## INDEX CONCIONATORIUS.

### Pro Festis per Annum.

In Festo Circumcisionis Domini.

**P***ostquam consummati sunt dies octo, ut circumcideretur Puer. Luc. 2. 21.*

Quomodo B. Virgo in Circumcisione Christi Filii se habuerit. Item de SS. Nomine JESU, quod Dolorosa Mater Filio tunc imposuit. Vide Confid. 16.

Festo Epiphaniæ Domini.

*Obtulerunt ei munera, Aurum, Thus, & Myrrham. Matth. 2. 11.*

Mater JESU ex tribus oblatiis muneribus sibi Myrrham reservat. Confid. 17.

Festo Desponsationis B. V.

*Cum esset desponsata Mater ejus Maria Joseph. Matth. 1. 18.*

Quomodo, & quare B. Virgo cum S. Josepho fuerit desponsata? Confid. 9.

Festo Purificationis B. V.

*Et benedixit illis Simeon, & dixit ad Mariam Matrem ejus: Ecce positus est hic in ruinam &c. Luc. 2. 34.*

B. Virgini in templo Filium suum Patri cœlesti præsentanti, Simeon doloris gladium præfagit. Confid. 18.

Festo S. Matthiæ Apost.

*Discite à me, quia mitis sum & humilis corde. Matth. 11. 29.*

Vide de SS. Corde JESU crudeli lancea, & Corde MARIÆ doloris gladio transfixis. Confid. 46.

Festo S. Josephi.

*Joseph Fili David, noli timere accipere Mariam Conjugem tuam. Matth. 1. 20.*

Vide pro hoc Festo Conf. 9. Item 19. & 20.

Festo Annuntiationis B. V.

*Ave gratia plena. Luc. 1. 28.*

MARIA, quia gratiâ plena est, potest & nobis à DEO gratiam impetrare. Conf. 10.

Festo eodem.

*Descendit de Cœlis, & incarnatus est de Spiritu Sancto ex MARIA Virgine, & Homo factus est. Symb. Nicen.*

Vide de hoc altissimo Incarnationis mysterio. Confid. 11.

Festo eodem.

*Cuncti dies ejus Doloribus & arumnis pleni sunt. Eccles. 2. 23.*

B. Virgo ab illo momento, quo Mater DEI facta est, crucem & gladium doloris in animo gestavit. Confid. 12.

Festo Inventionis S. Crucis.

*Sub umbra illius, quem desideraveram, sedi, & fructus ejus dulcis gutturi meo. Cant. 2. 3.*

Ad

## Pro Festis per Annum.

Ad umbram S. Crucis omnes hodie invitantur Christiani. Vide Confid. 40.

Festo Visitationis B. V.

*Benedictus fructus ventris tui. Luc. 1. 42.*

B. Virgo VERBO grvida mirè iratum Numen placavit. Vide Confid. 13.

Festo eodem.

*Intravit in domum Zachariæ, & salutavit Elisabeth. Luc. 1. 40.*

De hac visitatione & salutatione Elisabeth. Vide Confid. 14.

Festo S. M. Magdalenæ.

*Lacrymis cepit rigare pedes ejus. Luc. 7. 38.*

B. M. Magdalena dolorosæ Matri in Passione Fidelis socia amarissimis lacrimis Crucifixum Amorem suum deplorat. Conf. 51.

Festo Assumptionis B. V.

*Optimam partem elegit MARIA, qua non auferetur ab ea. Luc. 10. 42.*

De felicissimo obitu & pretiosa morte B. V. Mariæ. Confid. 62.

Festo eodem & per Tricesimum.

*Intravit in quoddam castellum. Luc. 10. 38.*

B. Virgo & Mater Amoris & Doloris à Filio summo omnium cœlitum cum jubilo ad cœleste regnum assumitur. Confid. 63.

Festo eodem & per Tricesimum.

*Veni de Libano Sponsa mea, veni de Libano, veni: coronaberis. Cant. 4. 8.*

Quæ cum Pompâ B. Virgo à SS. Trinitate in Cœlo fuerit coronata. Confid. 64.

Festo eodem & per Trices.

*Et sicut qui thesaurizat, ita & qui honorificat Matrem suam. Eccl. 3. 5.*

De cultu & veneratione, quem Magnæ Cœli Reginæ debemus. Confid. 65.

Festo eodem & per Trices.

*Imitatores mei estote, sicut & ego Christi. 1. Cor. 4. 16.*

Qui B. Virginem verè colit, ejus virtutes debet imitari. Confid. 66.

Festo eodem & per Trices.

*Tu nos ab hoste protege, & horâ mortis suscipe. Ecclesia in hymn. B. V.*

Quomodo B. Virgo in hora mortis suis succurrat clientibus. Confid. 69.

Festo Nativitatis B. V.

*Qua est ista, qua progreditur quasi aurora consurgens? Cant. 6. 9.*

Quare B. Virgo in aurora & juxta piscinam probaticam in lucem nata sit? Conf. 4.

Festo eodem.

*Liber generationis JESU Christi. Matth. 1. 1.*

B. Virgo MARIA liber est generationis JESU Christi. Confid. 1.

Festo Nominis Mariæ.

*Et Nomen Virginis MARIA. Luc. 1. 27.*

Quare B. Virgini hoc Nomen MARIA fuerit impositum? Confid. 5.

Festo S. Matthæi Apost.

*Misericordiam volo, & non Sacrificium. Matth. 9. 13.*

Vide de conversione peccatorum & misericordia Crucifixi. Confid. 35. & 36.

Festo S. Michaëlis.

*Quicumque ergo humiliaverit se, sicut parvulus iste, hic est major in regno cœlorum. Matth. 18. 4.*

Quò humilior, eò DEO charior ac gratior es. Confid. 8.

Festo Simonis & Judæ Apost.

*Odio habuerunt me gratis. Joan. 15. 25.*

De injuriis & persecutionibus à Judæis ante passionem Christo illatis. Conf. 23.

Festo Omnium Sanctorum.

*Beati, qui persecutionem patiuntur propter justitiam. Matth. 5. 10.*

per crucem ad lucem, & per labores ac tribulationes venit in cœlum v. Epilog.

In Commemoratione Fidelium Animarum. *Respice in nos, & ostende nobis lucem miserationum tuarum. Eccl. 26. 1.* Amor



## *Index Concionatorius pro Festis per Annum.*

Amor Beneficius B. Virginis erga animas purgantes. Confid. 70.

Festo Præsentationis B. V.

Odoratus est Dominus odorem suavitatis. Gen. 8. 21.

B. Virgo in templo ut trimula præsentata cor suum SS. Triadi in holocaustum amoris consecrat. Confid. 6.

Festo eodem.

Adducentur Regi Virgines post eam. Ps. 44. 16.

B. Virgo prima inter omnes votum virginitatis emittit. Confid. 7.

Festo eodem.

Cum essem parvula, placui Altissimo. Ecclesia in Offic. B. V.

B. Virgo quia humillima, ideò nunc altissima & Mater Christi dignissima. Conf. 8.

Festo S. Andreæ Apost.

Salve Crux pretiosa. Ecclesia in Offic.

Vide de cruce plura. Confid. 32. item 33. & 40. &c.

Festo Conceptionis B. V.

Ipsa conteret caput tuum. Gen. 3. 15.

Quare B. Virgo ab omni originali labe immunis? Confid. 2.

Festo eodem.

Quæretur peccatum illius, & non inveniatur. Psal. 10. 15.

B. Virgo ab omni quoque labe actuali immunis extitit. Confid. 3.

Festo S. Thomæ Apost.

Infer digitum tuum huc & vide manus meas. Joan. 20. 27.

De Quinque SS. Christi Vulneribus devotè colendis. Confid. 48.

Festo eodem.

Affer manum tuam, & mitte in latus meum. Joan. 20. 27.

De latere & SS. Corde JESU vulnerato. Vide Confid. 46.

Festo Nativitatis Christi.

Et peperit Filium suum primogenitum, & pannis eum involvit, & reclinavit eum in Præsepio, quia non erat eis locus in diversorio. Luc. 2. 7.

Vide de hac admirabili Christi Nativitate. Confid. 15.

Festo S. Stephani Protomartyris.

Ecce, video celos apertos, & JESUM stantem à dextris virtutis Dei. Act. 7. 55.

Præsentia Dei omnia videntis animavit Stephanum ad tam cruentum certamen alacri animo sustinendum. Vid. Conf. 60.

Festo S. Joannis Evangelistæ.

Deinde dicit Discipulo: Ecce Mater tua. Joan. 19. 27.

Quare S. Joanni Christus in cruce moriens SS. Matrem suam commendaverit? Vide. Confid. 38. & 39.

Festo SS. Innocentium.

Surge, & accipe puerum & Matrem ejus, & fuge in Ægyptum. Matth. 2. 13.

De hac fuga & incommodis per septem annos in Ægypto à Christo, B. Virgine & S. Josepho exantlatis. Vide Confid. 19.

Festo SS. Rosarii.

Funiculus triplex difficile rumpitur. Eccl. 4. 12. De potentissimo B. Virginis patrocinio in SS. Rosario. Confid. 67.

Festo SS. Scapularis.


Clypeus est sperantibus in se. Prov. 30. 5. Quàm forte sit scutum SS. Scapulare B. V. monstrat. Confid. 68.

Festo VII. Dolorum B. V.

Genitrix Matris tuæ ne obliviscaris. Eccl. 7. 29.

Vide hac de re Parænesin, & omnes reliquas de Passione Christi & compassione Dolorosæ Matris Considerationes.

PARÆ-



# PARÆNESIS

Ad Sodales Parthenios, eximios Beatissimæ Virgini-  
nis ac Matris Dolorosæ cultores & amatores.



Iter para tutum, ut videntes Jesum, semper colla-  
temur. *Eccles. in hym. B. V.*



I. Uti in Palæstinam & sanctam urbem Jerusalem, olim  
Christi Sanguine purpuratam, migrare discupit, is ne-  
cessariò se mari Mediterraneo debet committere, cui  
inter vitæ mortisque vias incedenti unica spes ac per-  
fugium illud lignum seu navis, à qua portatur, & Cy-  
nosura seu stella Polaris, à qua regitur, esse solet, cui stellæ nunquam oc-  
ciduæ pro lemmate rectè inscribes : *Monstrat iter, tutumque facit ; vel*  
*potius :*

Hac monstrante viam.



DD. Sodales, Deo & SS. Deiparæ dilectissimi! nullus dubito, quin vehementi desiderio ad terram illam desiderabilem & Palæstinam, cœlesti lacte & melle perpetuò manantem, atque ad illam civitatem sanctam & novam Jerusalem aspiretis, quam pretiosissimus orbis Redemptor Christus sibi & omnibus Electis suis immenso sanguinis sui pretio paravit; proinde necesse erit, quia pedestri itinere illuc pervenire non potestis, ut periculosi maris fluctibus vos committatis. Et quid dico? Si hanc veritatem attentiore mentis oculo perpendo, jam jam in mari estis, in quo plenis & laxatis velis ad æternitatis portum navigatis: & quid, obsecro, hic mundus immundus aliud est, quam *mare magnum & spatiosum*, in quo assiduus tentationum, concupiscentiarum, curarum, laborum, anxietatum, morborum, persecutionum ac variarum passionum jactamini fluctibus? oportet ergo, ut inter tot animæ corporisque discrimina, inter tot æstus ac naufragii pericula, inter tot Scyllas & Charybdes de ligno, seu navi, in qua tuti ad salutis æternæ portum provehamini, atque de fida Cynosura, quæ vobis securam ad cœlestem illam Jerusalem demonstret viam, maturè & dum adhuc gratiarum aspirat Favonius, vobis provideatis. Verùm quod illud salutis lignum, & quæ illa felix Cynosura? audite Doctorem Seraphicum: *Quibus auxiliis, inquit, possunt naves inter tot pericula transire usque ad littus? certe per duo, per lignum & stellam, id est, per fidem crucis & per virtutem lucis, quam peperit nobis Maris Stella MARIA, quæ duo divinus ille amor tam arcto & sacro nexu conjunxit, ut separari, aut disjungi non possint.*

Et ecce utrumque hic vobis exhibeo: navis seu lignum, in quo tuti per varios casus & per discrimina rerum tenditis ad cœlum, crux est, ita S. Antonius Paduanus, *Crux Christi, inquit, navis est & triumphale lignum, &c.* Cynosura autem, seu Stella maris & Polaris MARIA Virgo & Mater Dolorosa est, nunquam suis occidens, unde lemma: *Non occidit unquam:* dum relicto JESU omnes fugerunt, ipsa tamen stabat, & sub cruce stabat, cum viderentur omnia susque deque verti: *Oportet, sunt verba S. Fulberti Episcopi, universos Christicolæ inter fluctus hujus sæculi remigantes attendere Maris Stellam hanc, id est, MARIAM, quæ supremo rerum cardini Deo proxima est, & respectu exempli ejus vitæ cursum dirigere.*

2. Et hoc est, ad quod peculiari modo respexit Magnus ille Patriarcha & Ecclesiæ columen S. Ignatius Loyola, Societatis JESU Fundator gloriosissimus, juxta ac dignissimus, qui, ubi militiæ sanctiori in monte Serrato initium dedit, ab eo tempore assiduo palmarem Christi Crucifixi effigiem & B. Virginis ac Matris Dolorosæ imaginem in tabella coloribus expressam, pectori suo applicitam usque ad beatissimam mortem suam circumgestare solitus fuit, quorum ope mirè protectus, speratis tot vitæ hujus discriminibus ac difficultatibus, tandem felicissimè ad æternæ beatitudinis portum appli-

Psal. 103,  
25.

S. Bonav in  
Spec. c. 3;

S. Antonius  
Pad. Serm.  
9 Dom. 4,  
post Epiph.  
Jo. 19, 25.  
S. Fulb. Ep.  
Serm de  
Nat. Virg.  
P. Guil.  
Gumpp.  
S. J. Ded.  
Item Had.  
Lyr. de Chri-  
sto Pat. &  
plures alii,



applicuit; in cujus rei memoriam etiamnum prædictam Crucifixi JESU effigiem Barcinone nobilissima Familia Pasqualina inter pretiosa cymelia religiosè asservat, imaginem verò B. Virginis Dolorosæ sub cruce sedentis & gladio doloris in pectore transfixæ Collegium Cæsaraugustanum Soc. JESU possidet, ac pio cultu veneratur, & quia à sanctissimo illo Fundatore jugiter ad COR in pectore gestata est, ideo nomen obtinuit.

## Sancta MARIA à Corde.

En Clientes Mariani hîc finem & scopum suscepti à me laboris; præsentavi nuper DD. Confratribus SS. Cordis JESU hoc Divinissimum COR Incarnati, Evcharistici & Crucifixi JESU ad meditandum, prædicandum, colendum, amandum & imitandum, nunc pari affectu vobis offero Sanctam MARIAM à Corde, seu Matrem Dolorosam, cujus SS. Cor & animam in hac mortali vita perpetuus doloris gladius pertransivit, ut cum Sancto Ignatio eandem dolorosissimam Deiparentem pari affectu & totis medullis cordium diligatis, ejusque honorem ac cultum in omnium cordibus propagare studeatis: *Attendite me, qui sequimini, quod justum est, & queritis Dominum: Attendite ad petram, unde excisi estis, & ad cavernam laci, de qua præcisi estis: Attendite ad Abraham patrem vestrum, & ad Saram, qua peperit vos.* Pater vester & petra, de qua præcisi estis, juxta D. Hieronymum & alios, Christus JESUS & hic Crucifixus est: *Petra autem erat Christus*, de cujus perfoſſo latere & Sacratissimo Corde in novam vitam estis progeniti: *Qui secundum misericordiam suam magnam regeneravit nos in spem vivam*; Sara autem (quod nomen *Dominam odoris* significat) in typo B. Virginem ac Matrem Dolorosam exprimit, dum sub cruce cunctorum viventium Mater effecta est: *Ecce Mater tua*, heu quanto dolore illic nos peperit: *Ibi dolores ut parturientis!* ô pientissima: *In dolore paries filios tuos!*

3. Mirantur, causamque investigant sacri Doctores, quare Nobilis ille Decurio Josephus ab Arimathæa, ubi intellexit JESUM inter latrones in ligno suspensum nunc expirasse, & vitam in cruce esse mortuam, posthabito omni vitæ & honoris periculo, tam audacter ad Romanum Judicem Pilatum ingressus sit, ut ab illo exanime Corpus JESU sibi deposceret: *Audacter introivit ad Pilatum, & petiit Corpus JESU*, quod & feliciter à Judice obtinuit, acceptumque de fatali ligno mundâ sindone involvit, & in proprio monumento, recens in petra viva exciso, sepelivit. O virum inestimabilem, cui se meritò omnibus modis obstrictam debet mortalitas humana! & quid, obsecro, hunc Nobilissimum Decurionem eò commovit, ut tam audacter & confidenter pendens postularet cadaver, illudque tantam sedulitate ac pietate tumulto mandaret?

Isa. 51. 1.

3. Hier. hîc apud Cornel.  
1. Cor. 10. 1.  
1. Pet 1. 3.

Jo. 19. 27.  
Psal. 47. 7.  
Gen. 3. 16.

Marc. 15.  
42.

Sim. Metaph.  
hic S. Ansel.  
Dial. de pass.  
Dom. & Fi-  
neti in Re-  
flex. Spir,  
f. 668,

Respondet Simeon Metaphrastes author antiquissimus, Josephum ad id piissimi officii genus, Crucifixo JESU deferendum, Dolorosissimæ Virginis ac Matris afflictiissimæ lacrymis & precibus inductum; S. Anselmus verò à cælo edoctus docet, Josephum peculiari quodam modo ex consideratione & commiseratione erga hanc inæstissimam Deiparentem esse commotum, ut, seposito omni metu, ad Pilatum introiret, cui inter alia etiam hoc & principalissimum argumentum objectavit: Non esse Legi & rationi conveniens, ut Mater innocens unâ cum Filio innocuo unâ simul die immoletur; perseverare illam adhuc in statione sua sub cruce penè exanimem, aspiciendo dolorosissimum & exangue Unigeniti sui Corpus adhuc insepultum, & quâ ratione suo satisfaceret amor, ignorantem; neque hanc derelictam & pauperrimam Viduam in tam immenso afflictionum & dolorum pelago aliud desiderare solamen, quàm ut filius suus de infami trabè depositus inter materna collocaretur brachia, ut illius cruorem ac livorem pientissimis ablueret lacrymis, corpusque emortuum convenienti traderet sepulturæ, &c. *Tunc Pilatus jussit reddi corpus, &c.*

Matth. 27,  
53.

3. August.  
Serm. 18.  
de San. iu  
medio,  
Joan. 3, 16.

O Clientes Mariani! videte & considerate in viro & genere & virtute nobili pulcherrimum exemplum, quod stupeant posteri, imitentur omnes; & quis, obsecro, non amet, non æstimet, non colat hanc afflictiissimam Deiparentem? *Quis dignè valeat, ut cum S. Augustino loquar, tibi, ô Virgo, justa gratiarum ac laudum præconia rependere, quæ singulari tuo assensu mundo succurristi perdito?* Et si de Patre æterno dilectus Christi Discipulus & MARIÆ Filius dicit: *Sic DEUS dilexit mundum, ut Filium suum Unigenitum daret, ut omnis, qui credit in eum, non pereat, sed habeat vitam æternam;* sic & de hac Dolorosissima Matre jure merito dicere possumus: Sic Sacratissimum COR B. Virginis MARIÆ dilexit nos, ut Filium suum Unigenitum ipsa in loco tormentorum præfens daret pro nobis in ara crucis immolandum, ut omnis, qui in ejus sperat intercessionem, eamque tenere ut Matrem amat, non æternum pereat; sed vitam consequatur sempiternam. Audis hoc, homo Christiane, & Mariophile!

4. Neque dubitandum, quin cultus ille & amor, qui Dolorosæ Matri deferitur, DEO sit gratissimus: sicut enim Christo nil magis placet, quàm devota ac grata hominis Christiani de amarissima passione sua memoria, sic SS. Deiparæ nullum obsequium gratis accidere potest, quàm si dulcissimi Cordis sui dolores & angustias, quas in passione Filii, imò per omnem vitæ cursum sustinuit, devotâ mente recolamus; sed eheu! admodum pauci nunc reperiuntur in mundo, qui huic afflictiissimæ Virgini ac Matri sincerè compatiuntur, de qua ingratitudine ipsa sanctissima Do-

Revel. S. Birg.  
lib. 2. c. 24.

mina aliquando apud sanctam Birgittam peramanter conquesta est: *Re-  
spicio ad omnes, inquebat, qui in mundo sunt, si fortè sint aliqui, qui compa-  
tiantur.*



riantur mihi, & recogitent dolorem meum, & valde paucos invenio, qui cogitant tribulationem & dolorem meum; ideo Filia, licet à multis oblita, & neglecta sim, tu tamen non obliviscaris mei, vide dolorem meum, & imitare, quantum potes, considera dolores meos & lacrymas, & dole, quòd amici DEI pauci sint, &c. O Sodales Mariani, nunquid & vos inter paucos illos eritis, qui tota cordis & omnium viscerum latitudine post JESUM Crucifixum ament & colant hanc SS. & afflictiſſimam Matrem, quæ tantum vos diligit, & jam olim in hac mortali vita dilexit, dum pariter sanguinem suum, quem in Incarnatione suo Filio obtulit, in passione per Christum pro vestra salute effudit? Audite ipsam iterum ad S. Birgittam loquentem: *Propterea dico, quòd dolor ejus erat dolor meus, quia Cor ejus erat Cor meum.* Juvat etiam hinc audire Divum Hieronymum: *Quot laciones, inquit, in Corpore Filii, tot vulnera in Corde Matris, clavi, quibus Corpus Christi vendebat in cruce, & Cor Virginis confixum habebant; nullum ictum recipiebat Corpus, cui non tristis echo respondebat in Corde Matris.* O afflictiſſimum Cor Matris Dolorosæ, quis satis amet te? Ah quis?

§. De duobus illis Cherubinis aureis supra arcam fœderis quondam DEI jussu collocatis referunt sacræ Paginæ; quòd unus alterum se mutuò versis in propitiatorium vultibus respexerit: *Duos quoque Cherubim aureos & productiles facies ex utraque parte Oraculi; Cherub unus sit in latere uno, & alter in altero, respiciantque se mutuò versis vultibus in propitiatorium.* Per unum Cherubim Christum Crucifixum, qui est propitiatio pro peccatis nostris, & per alterum sanctiſſimam ejus & afflictiſſimam Matrem sub crucis patibulo consistentem, & Filio compatiensem rectè subaudimus; heu quam lugubris erat utriusque hujus mystici Cherubini aspectus: *Gemebat Filius, subintrat hinc Sanctus Laurentius Justinianus, quòd Mater in tam horrendo esset spectaculo, & ad Cor Virginis loquebatur, dicens; ut quid venisti columba mea, formosa mea? dolor tuus meum auget, cruciatus tuus transfigit me, &c.* Cui adjungo Doctorem Seraphicum Divum Bonaventuram: *Aspicio Dominæ, inquit, cor tuum, & id, non cor, sed myrrham & absinthium & fel video: quare Matrem DEI, & ecce invenio sputa, flagella & vulnera, quia tota conversa es in ista; ô mira res, tota es in vulneribus Christi, totus Christus Crucifixus est in intimis visceribus Cordis tui, &c.*

De B. Clara de Montefalcone recenset Mallonius, ac plures alii, quòd Cor ejus absolutiſſimum speculum extiterit, in quo tota Christi Passio quodammodo ad vivum exhibebatur, dum in parte dextera illius Cordis post beatum ejus obitum quædam imago Christi JESU Crucifixi magnitudine pollicis, recentem adhuc sanguinem de vulneribus emittens, cum cæteris passionis Dominicæ instrumentis inventa fuit. O quanto magis, si introspexissetis Sacratissimum & afflictiſſimum COR intemeratæ Virgi-

Lib. 1, Revel. cap. 19.  
S. Hier. de Assumpt. Virg.

Exod. 25, 18.

1, Joan. 2, 26  
S. Laurent, Just, de Triumph, Christi agone cap. 15  
S Bonav, in Stim.

Amor. p. 1<sup>a</sup> cap. 3<sup>a</sup>  
Mallon. in Edit, Veneta apud m<sup>o</sup> f. 228,



S. Laurent,  
Just. lib. de  
Chr. ag.

Jo. 19, 25.  
S. Bonav. in  
Opusc. de  
pass. Dom.

nis ac Matris Dolorosæ, totam in eo passionis Unigeniti & dilectissimi Filii sui supellestem, velut in lucidissimo speculo observassetis velut in centro suo recollectam? proinde haud immerito prædictus S. Laurentius Justinianus illud ipsum Sacratissimum COR MARIÆ cuidam lucidissimo speculo comparavit: *Cor Virginis, inquit, clarissimum speculum passionis Christi fuit, & perfecta mortis ejus imago, &c.* Sicut enim speculum, ac præsertim concavum omnes solares radios intra sinum suum colligit, & exinde mira reverberatione in unum cogit, ac reflectit punctum; ita in afflictissimo Corde Dolorosæ Virginis MARIÆ omnia tormenta & Dolores, quos pientissimus Filius in passione ac præsertim in cruce sustinuit, erant quodammodo in unum recollecti, qui dein rursus ad amarissimum COR JESU patientis, tanquam ad punctum & centrum amoris sui reverberabantur; proinde non abs re Sanctus Bonaventura supra illa verba: *Stabat autem juxta crucem JESU Mater ejus*, ita hanc desolatissimam Deiparentem alloquitur: *O Domina ubi stas? nunquid juxta crucem? imò in cruce cum Filio cruciaris, ibi enim crucifixa es secum. Hoc solum restat, quod ipse in in corpore, tu verò in corde es passa, nec non singula vulnera per ejus corpus dispersa, in tuo corde generaliter sunt unita, quia nempe tuam ipsius animam gladius pertransivit, &c.*

S. Bernh.  
serm. 12.  
de stellis,

6. O Clientes Mariani! quis tali ac tantæ Matri non ex intimis cordis medullis compatiatur, quæ quodammodo (sanis loquor) plus passa est, quàm ipse Christus, siquidem Christi passio in morte ejus finita est, Matris autem passio & compassio non desuit, sed crevit, ac tunc peculiariter, quando Longinus immitti lanceâ latus & COR JESU aperuit: *Et quidem, ait Mellissius, posteaquam emisit spiritum tuus ille JESUS, ipsius planè non attigit animam crudelis lancea, quæ ipsius aperuit latus, sed tuam utique animam pertransivit, ipsius nimirum anima jam ibi non erat, sed tua planè inde nequibat avelli, &c.* Et quis dicet, quas cordis angustias exantlârit, ubi examine Corpus JESU de infami ligno depositum summo doloris sensu excepit? imò, quod plus est, per omnem vitam usque ad assumptionem in cælum doloris gladius ita altè ejus Sacratissimo Cordi inhæsit, ut passionem & mortem dulcissimi Nati sui non tam præteritam meminisse, quàm præsentem videretur intueri; hinc ipsa ad Sanctam Birgittam dixit: *Passio Filii mei, sive comedebam, sive laborabam, quasi recens erat in memoria mea.*

Revel. S.  
Birg. lib. 1.  
cap. 77.

Bari in  
Bland. c. 2.  
exerc. 46,

Convenit igitur, ut hujus amantissimæ Matris nostræ afflictissimi Cordis dolores, pios gemitus & lacrymas, inter quas, teste Sancto Germano (prout inferiùs dabimus) multæ fuerunt sanguineæ, frequenti memoriâ & singulari devotione récolamus. O Filii Mariani! O Bennoni! quos tanto cum dolore peperit, intueamini hanc dolentissimam Matrem vestram,


vestram, & cogitate, quâ ratione practicè illi & Filio ejus Crucifixo pos-  
 sitis ex animo sincero compati: *Memento*, inquit Siracides, *Patris & Ma-* Eccl, 23, 18:  
*tris tuæ, in medio enim magnatorum consistis, ne quando obliviscatur te DEUS.*  
 En Pater vester DEUS & HOMO CHRISTUS est, pro omnium vestra  
 salute in cruce mortuus: *Si ergo Pater ego sum, ubi amor meus?* Mater ve- Mal, 1, 6,  
 stra, quæ sub arbore crucis reparavit, quod quondam Eva in Paradiso sub  
 arbore scientiæ boni & mali destruxit, MARIA Virgo & Mater Doloro-  
 sa est: Mementote ergo hujus Patris & Matris vestræ, quia Filii Sancto-  
 rum estis, ne quando obliviscatur vestri & DEUS.

Coronidem huic nostræ Parænesi imponat Tobias senior, qui, cùm  
 brevi se crederet moriturum, filio suo Tobia juniore varia ac piissima sa-  
 lutis & virtutis monita inculcavit, inter quæ & illud non postremo loco  
 numerandum, dum ei præcepit: *Honorem habebis Matri tuæ omnibus die-* Tob. 4, 3;  
*bus vitæ ejus, memor enim esse debes, quæ & quanta pericula passa sit propter*  
*te.* Hoc & vobis in durissimo crucis lectulo moriens JESUS inculcat,  
 Sodales & Clientes Mariani: *Ecce Mater vestra*, honorem habebitis huic  
 Matri vestræ omnibus diebus vitæ vestræ, memores semper, quæ &  
 quanta pericula passa sit propter vos: *Gemitus Matris vestræ ne obli-* Eccl, 7, 29,  
*viscamini; o quàm felices tunc eritis, si in agone vestro &*  
*judicio illam habebitis propitiam, o quàm*  
*felices!*



# CONSIDERATIO I.

B. Virgo & Mater Dolorosa liber est, ex cujus lectione & consideratione omnes possunt fieri docibiles DEI.



## Liber generationis JESU Christi.

*Matth. 1, 1.*

Goracl, hic.



1.

Non absque peculiari causa Sacri investigant Scriptores, quisnam sit ille liber, de quo S. Matthæus in principio Evangelii sui testimonium perhibet: *Liber generationis JESU Christi*? volunt plures, quòd per hunc librum nil aliud intelligatur, quàm genealogia

Christi, seu catalogus avorum & proavorum, à quibus Christus secundum carnem originem suam duxit. Alii per hunc librum generationis

Menoch, hic.

Historiam vitæ Christi subaudiunt, hoc enim significare videtur verbum Hebraicum *Tholdach*, quasi dicat Evangelista: *Liber de vita Christi*. Alii per eundem librum ad propositum nostrum SS. Deiparentem MARIAM pulcher-



pulcherrimè adumbratam esse asserunt: *Sola Virgo*, ait S. Gregorius Nazianzenus, *Liber est generationis JESU Christi*, de cujus purissimis sanguinis cordialis guttulis Spiritus Sanctus, tanquam scriptor hujus Virginei libri optimus ac sapientissimus; divinissimum Corpus JESU formavit, quod exinde suo tempore tradidit pro salute univerforum in ara crucis immolandum. Est autem COR sedes amoris & misericordiæ; hinc Christus non potuit non esse quàm *Cordialis*, quia de suavissimis SS. Cordis materni sanguinis guttulis à Spiritu Sancto secundum humanitatem formatus est: *Quippe quæ stillavit*, ait Seraphicus Doctor, *è cordis venulis purissimi sanguinis guttas, ex quibus formaretur Christus ad misericordiam eximie propensus, &c.*

S. Gregor. Nazianz. 2<sup>a</sup> p. 2.  
Salmeron. tom 3. c. 9.  
Abulens. in cap. 11.  
Lev. 5. Bonavent. in Psalt. B. V. Isa. 8. 1.

Verumenimverò quid audio? imò quid video? ergone liber ille generationis JESU Christi à Spiritu Sancto scriptus est stylo ferreo: *Sume tibi librum grandem, & scribe in eo stylo hominis?* Vis videre, anima Christiana, hunc mysticum librum? intuire præfixum Emblemata, & in eo conspicaberis Sacratissimum COR Virginis Mariæ gladio doloris transfixum: ita Jeconias Rex librum Jeremiæ, quia ingrata, amara & tristitia in se continebat, indigabundus pugione transfixit, & conscissum in ardentes prunas conjecit: *Scidit illum scalpello scriba, & projecit in ignem.* Pari pugione SS. COR Mariæ transfixum cernitur, & cur hoc? audi anime mi! non ignorabis, credo, quomodo Ecclesia DEI SS. Martyribus varia perpeffionis eorum instrumenta appingere soleat, sed si SS. B. Virginis ac Matris Dolores Christiano populo vult intimare, cor acutà rhompheà perforatum proponit in peculiare signum illorum cruciatuum, quos SS. COR Deiparæ non duntaxat in cruentà Filii passione, quàm etiam per omnem hujus mortalis vitæ cursum perpeffum est; hinc meritò innocentissimum illud & afflictißimum COR Mariæ omnibus Christicolis pro libro inservire potest, ex cujus lectione & pia consideratione omnes possunt fieri docibiles DEI, proinde pro lemma te inscribere placuit:

Ier. 38. 23.  
Ier. 38. 23.  
Ier. 6. 45.

## Omnibus in omnibus.

2. Mirandum, quòd Sacri Scriptores tam pauca de hoc mystico libro & Dolorosa Matre conscripserint; Solus dilectus ille Christi Discipulus & filius adoptivus Mariæ, cui à moriente orbis Redemptore pretiosissima hæc Mater impensè commendata fuerat, pauculis verbis quasi per transfennam de ejus cordis doloribus mentionem fecit: *Stabat autem juxta crucem JESU Mater ejus*; & Lucas: *Tuam ipsius animam pertransibit gladius*; cæterorum autem Evangelistarum de hac dolentissima Matre altum est silentium; ad quid, obsecro, omnes Sacri Scriptores in enarrandis acerbissimis Virginis doloribus tam parci, tam elingues extiterunt?

Ioan 19. 25.  
Luc 2. 35.

dolentissima  
matrem  
te.

Mater Dolorosa.

B

Desine

Ecccl. 1, 2,

S. Anselm.  
lib. de Ex-  
cell. Virg.  
cap. 5.  
Nierenb. de  
Amore B. V.  
cap. 15.  
S. August.  
lib. 21 de  
Civile. c. 26.

Apoc. 5, 1.

Andr. Cret.  
Orat. 2. de  
Assumpt.

Cant. 3, 6.

Rich. à S.  
Laur. 1, 12.

Apoc. 10, 9

Desine mirari anima Christiana : *Profundum abyssi quis dimensus est ? Quis urinator profunditatem Oceani suâ bolide hætenus dimetiri potuit ?* proinde perspicuè etiam tacendo ipsi Sacri Scriptores fatentur, se tantis ac talibus recensendis cruciatibus, quos pientissimum COR MARIÆ perpeßum est, esse omnino impares ; unde D. Anselmus : *Quidquid crudelitatis infliguntur est corporibus Martyrum, leve fuit, aut potiùs nihil comparatione tuâ passionis ;* hinc haud immeritò ab Ecclesia appellatur *Regina Martyrum*, dum plus dolorum in animo, quàm cæteri Martyres in corpore, passa est : *Sola ergo anima MARIÆ*, ait Eusebius Nierenbergius, in Regia Universitate Madritensi quondam Sacrarum litterarum Professor eximius, *supergressa est Martyrum cruciatus & tormenta universa ;* ratio est, quia juxta S. Augustinum *tantum necesse est urat dolor, quantum hæserat amor ;* amor autem hujus SS. Cordis Mariani in Filium major erat, quàm cunctorum mortalium, imò & Angelorum, proinde & dolor ejus juxta mensuram amoris commensurandus erit. Accedit, quòd ipsa hæc Excellentissima Virgo & Mater doloris & amoris liber fuerit *Scriptus intus & foris, & signatus Sigillis septem ;* Scriptus intus per virtutes altissimas, foris per alias dotes incomparabiles, unde ab Andrea Cretensi appellari solet : *Liber vivus Verbi paterni calamo Spiritus Sancti inscriptus ;* est autem ille liber signatus Sigillis septem, per quæ non incongruè Septem Dolores SS. Deiparæ possumus subaudire, quibus pientissimum COR ejus à patiente Filio, veluti septem signaculis signatum fuit, unde illud Sponsi in Epithalamio : *Pone me ut signaculum super cor tuum, &c.*

3. Sed quomodo, dices, legendus est iste liber ? quomodo considerandus ? *Felix ille*, ait Richardus à S. Laurentio, *qui de libro isto quantulumcunque lectionem quotidie memoriæ mandabit ;* audi, quid S. Joanni ad Insulam Pathmos ob fidei Orthodoxæ constantiam à Trajano Imperatore relegato, & tunc ad litus maris moranti, acciderit, cui apparuit Angelus ille Apocalypticus, dextro pede mari & sinistro terræ insistens, qui Joannem ad mirabile invitaverat convivium, in quo loco ciborum librum grandem illi proposuit sine mora devorandum ; *Accipe librum, & devora illum ;* quem librum ubi Divus ille ad hortatum Angeli avidè comedit, in ore quidem ejus melleus, sed in ventre felleus & amarus factus est : *Et accepi librum de manu Angeli, & devoravi illum, & erat in ore meo tanquam mel dulce : & cum devorasssem eum, amaricatus est venter meus.* O quàm Paradoxa sunt ista ! dulcis & amarus erat ille liber ; & quomodo hoc ?

O pientissima Virgo & Mater amoris & doloris (ignosce, quod dicam) Tu, inquam, vel adumbrata es per hunc librum Apocalypticum, vel non incongruè assimilari poteris huic libro dulci & amaro : Dulcis eras 1. Quia quasi vitis fructificasti suavitatem odoris, dum DEUM & Hominem nobis

Ecccl. 24, 23.

genui-

genuisti, dulcem illum Cypri Botrum, de quo Sponsa in Epithalamio: *Botrus Cypri Dilectus meus mihi*; sed & amara fuisti, dum superiori lumine illustrata magis quam Prophetæ præcognoveras, botrum illum dilectum post aliquot annorum tractum ad ultimam usque sanguinis stillam in torculari crucis pro mundi redemptione exprimendum: *Positus est hic in Signum, cui contradicetur.* 2. Dulcis eras, quia, dum Eva, prima, sed eheu! nimis infida cunctorum viventium Mater pomum acerbum & Malum, à quo omne malum in orbem venit, nobis porrexit, de quo fructu etiamnum *dentes filiorum obstupefunt*; tu e contra dulcissimum ac benedictum ventris tui fructum JESUM ex ulnis pendentem nobis benignissime offers, in quo Solo omnis nostra consolatio, omnis pax, omnis suavitas & omne bonum invenitur; sed & amara extitisti, hoc enim significat SS. Nomen tuum *Mare amarum*, B. Albert. ideo in typo pulcherrimæ illius Noëmi noluit appellari Pulchra, sed Amara: *Ne vocetis me Noëmi, id est Pulchram, sed vocate me Mara, id est Amaram*, Magn. in cap 1. Luc. quia amaritudine valde replevit me Omnipotens. 3. Dulcis eras, & etiamnum es miseris mortalibus dulce asylum ac perfugium, unde Ecclesia te salutat: *Vita, dulcedo, & spes nostra salve!* O quot peccatorum pondere gravati, & exulceratâ cruciati conscientia per te, ô pientissima Domina! incredibile accipiunt solamen, quia facta es *refugium peccatorum*, neque à sæculo auditum est, illum à te fuisse derelictum, qui seriò opem & intercessionem tuam imploravit, unde S. Augustinus: *Tu es spes unica peccatorum, quia per te speramus veniam omnium delictorum, & in te nostrorum est expectatio præmiorum*: S. August. Serm. de sed & amara es, quia *fasciculus myrrhæ dilectus tuus JESUS* per omnem vitam inter ubera tua, imò & in SS. corde tuo, tanquam Crucifixus commoratus est: *Virgo*, inquit Taulerus, Theologiæ Mysticæ Doctör egregius, B. Virg. Cant. 1, 12, cum Christo crucifixus est in hora conceptionis, quando Mater Filii DEI esse consensit, neque unquam, dum vixit, de cruce deposita est. Taulerus Excreit. vitæ Christi, c. 18: O mortales omnes inspicite hunc librum (SS. COR MARIÆ) legite, & considerate, si tantis, ac tam immensis affecta est cruciatibus ipsa innocentissima DEI Mater, quomodo vos sine doloribus ac cruciatibus salvandos esse putatis? quale cælum vobis pinget DEUS, ô delicatuli! ô mollicelli! ô mundani!

4. De libro illo legis, qui regnante Josia pientissimo Israëlitarum Rege, cum facta teſta Templi Solymæi instaurarentur, per Helciam Sacerdotem Magnum non sine peculiari Numinis dispositione inter muros absconditus inventus est, recensent Sacri Regum Annales, quòd præfato Regi, cum à Saphan publicè legeretur, ob comminationes in eo contentas, ingentem terrorem incusserit: *Perterritum est cor Regis, &c.*

4. Reg. 2, 19,

Anima Christiana, ne terrearis, neque concidat cor tuum, si in hoc libro mystico SS. Cordis MARIÆ non videas nisi gladium, crucem, flagella, spinas,



spinas, injurias, passiones, mœrores, dolores, amaritudines &c.; sed potius hîc te oportet imitari naturam apum, quæ etiam ex amarissimis flosculis & herbis saporis amarulentissimi dulcissimum mel sibi parant, unde lemma: *Ex amaro dulce*; vel age adinstar ovium in Insula Ponto, quæ, licet quotidie absynthio & myrrhâ pascantur, illis tamen ejusmodi felleæ & amaræ herbæ, velut succus melleus, ambrosius, ac palatui gratissimus videatur, unde iterum lemma: *Dulcescit amaror*. Ita, inquam, oportet te facere, anima Christiana, si dolores Sacratissimi ac Divinissimi Cordis JESU Crucifixi & afflictissimæ Matris ejus sedulo & attentè scruteris, atque meditando rumines, tibi in gratissimam vertentur dulcedinem; & quemadmodum olim lignum illud amarum, cui Adelpha nomen, salsam Mare aquam populo Israëlito in dulcem convertit: *Qui ostendit ei lignum, quod cum misisset in aquas, in dulcedinem versa sunt*; & sicut Sal acre tempore Elisæi Prophetæ pessimas aquas in Jericho sanavit: *Sanata sunt ergo aqua usque in diem hanc*; & sicut parum farinæ ollam mortis, amarissimis colocynthidis impletam, indulcoravit: *Et non fuit amplius quidquam amaritudinis in olla*: ita Patiens JESUS & SS. Mater ejus Compatiens, si ad memoriam eorum passionum revocaveris, omnes tuas miseras, angustias, tribulationes, persecutiones, ægritudines, ipsamque denique mortem mirum in modum indulcorabunt: *Nihil adeò grave est*, ait S. Gregorius Magnus, *quod non aquanimiter feratur, si Christi passio* (addo ego: & Dolorosæ Matris ejus compassio) *in memoriam revocetur*.

§. De libro illo legis, ex pretioso lapide Angelicâ manu elaborato, in quo ipse DEUS propriâ manu majoribus litteris, ut à populo videri possent, & eminus legi, ex utraque parte tabularum integrum Decalogum scribere dignatus est: *Scriptura quoque DEI erat sculpta in tabulis*; refert Sacer Codex, quod eum Moyse, videns ingratiſſimum populum tripudiantem, & idololatrantem, ad radices Sinæi Montis confregerit: *Projecit de manu tabulas, & confregit eas*; ita lugendum in modum petiit, & confRACTUS est pretiosissimus ille liber ipso Omnipotentis DEI digito scriptus, de quo nec ulla littera amplius in orbe haberi potest; O jacturam incomparabilem!

Verum alium ac longè pretiosiores tibi ostendo librum, Anima Christiana, ipsâ DEI manu & digito Spiritus Sancti exaratum; liber hic SS. COR integerrimæ Virginis ac Matris Dolorosæ est: *Liber novus*, inquit S. Joannes Damascenus, *in quo modo mirabili DEUS VERBUM inscriptum est*; & Divus Antoninus: *MARIA*, ait, *liber fuit, quia continuit in se Divinam Sapientiam, id est, Filium DEI, & ex hoc innuitur totalis ejus puritas, scilicet in anima & corpore*; *Scriptor autem hujus libri fuit optimus, quoniam Spiritus Sanctus, qui omnium est artifex, & omnium habet sapientiam &c.* Quibus annecto Eminentissimum Hugonem S. R. E. Cardinalem: *Beata Virgo*, inquit, *liber est vitæ, in quo tot sunt virtutes, quot litteræ*; ô librum pretiosum SS. COR

MA-

Exod. 15,

25.

4 Reg. 2,

22

4. Reg. 4.

41.

S. Greg M,  
in Epist.

Exod. 15,

16,

3. Joann,  
Damascen.  
orat. 2, de  
assumpt.

3. Antonio.

4. p. Tit. 15  
cap. 5.Hugo Card,  
in cap. 23.

Eccl.

MARIÆ, in quo omnia possumus habere in uno, dum inservit omnibus in omnibus.

Vis probam, anime mi? virtutum omnium stabile fundamentum est humilitas, vis illam addiscere? inspicere, & lege hunc librum, & quid primâ fronte occurrit; hoc SS. nomen MARIA, quod idem est, ait Hadrianus Lyræus de ræus, quam *stilla vel gutta maris*; quid quæso humilior? audi ipsam loquentem: *Ecce ancilla Domini*; supra quod S. Ambrosius: *Vide humilitatem*, inquit, *ancillam se dicit Domini, quæ DEI Mater eligitur, nec repentino exaltata promisso est*; ubi nostra humilitas, cum punctum tangitur honoris? vis discere verecundiam? *Turbata est in Sermone ejus*; si castimoniam? *Virum non cognosco*; si obedientiam? *Fiat mihi secundum verbum tuum*; si paupertatem? *Non erat eis locus in diversorio*; si charitatem DEI? *Exultavit spiritus meus in DEO salutaris meo*; si dilectionem proximi? *Vinum non habent*; si orationem mentalem? *MARIA autem conservabat omnia verba hæc, conferens in corde suo*; si orationem vocalem? *Magnificat anima mea Dominum*; si mansuetudinem? *Ecce pater tuus & ego dolentes quarebamus te*; si patientiam? *Nonne hic est fabri filius? nonne Mater ejus dicitur MARIA*; si perseverantiam? *Hi omnes erant perseverantes in oratione cum MARIA Matre JESU*; si animi fortitudinem? *Et dixit (Simeon) ad MARIAM Matrem ejus: ecce hic positus est in ruinam & resurrectionem multorum in Israël, & in signum, cui contradicetur, & tuam ipsius animam pertransibit gladius*; nec fuit hic animi dolor, quem ex vaticinio Simeonis hauserat, in corde B. Virginis transiens, sed per omnem vitam permanens, unde sic aliquando ad B. Birgittam locuta est: *Quoties aspiciebam Filium meum, toties animus meus quasi novo dolore absorptus cogitabat, quomodo crucifigendus, atque ei contradicendum esset*; an non (obsecro te prudens Lector) si hanc veritatem attentiore mente consideras, SS. COR MARIÆ liber est, inserviens, prout lemma fert:

## Omnibus in omnibus.

6. Vis exempla? Franciscum Suarezium è Societate JESU, sapientissimum Theologum consule, qui eminentem suam scientiam ac pietatem nulli alii in acceptis refert, quàm SS. Matri Dolorosæ, quàm impensissimò affectu & filiali semper amore veneratus est, unde & illi liberum accessum ad Crucifixum Filium paravit, de cujus SS. Latere ac Vulneribus promicantes radii Suarezium, aliquando in cubili suo à terra duobus ferè cubitis sublevatum, mirè illustrârunt.

Eidem Sacratissimæ ac Dolorosæ Virgini B. Albertus Magnus, qui Idem loco tardissimi & ferè plumbei ingenii fuerat, suam Philosophicam doctrinam citato debet, dum sui sæculi prodigium Philosophorum & orbis portentum factus est.

Cornel. à  
Lapid. in  
Prov. in  
Dedic.

Ab hac pretiosissima Deiparente Divus Gregorius, dictus ob stupenda patrata miracula Thaumaturgus, & sui ævi alter Moyses, mirè eruditus, & illustratus est, & ne in errores Origenis Magistri sui impingeret, ei S. Joannem Evangelistam, filium sibi à Christo in cruce surrogatum, in novum Magistrum & Doctorem assignavit, qui eidem Symbolum Orthodoxæ fidei, & veræ sapientiæ ac theoriæ tradidit methodum.

Idem ibi:

Lud. de Pon-  
te in Vita  
Ven. P. Balth  
Alvarez  
cap. 43.

Quid dico de Ruperto Abbate Tuitiensi, cui B. Virgo & Mater pulchræ dilectionis tantam divinarum litterarum cognitionem indidit, ut tunc temporum intervallo nullus ei similis in orbe reperiretur? Et nunquid eadem dolentissima Virgo S. Ignatio Soc. JESU Fundatori non tam in scribendis Sacris Constitutionibus, quàm in adornandis, & faciendis Exercitiis Spiritualibus peculiarem opem tulit? proinde meritò & Patrona & Fundatrix illorum Societatis Exercitiorum dici poterit. O si omnes, præsertim illi, quibus animarum cura commissa est, hæc probarent, & facerent Exercitia!

Eccl. 15, 2.

En pie Lector! prædicti Viri illuminatissimi Dolorosam hanc Matrem non tam impenso studio & amore coluerunt, quàm etiam in rebus dubiis, adversis & difficillimis, ut librum ac Magistram consuluerunt. Tu, si prudens es, & salutem tuam amas, ad hanc Sapientiæ Sedem & Thronum gratiæ pari affectu & amore accede: *Et obviabit tibi quasi Mater honorificata, &c.*





## CONSIDERATIO II.

B. Virgo ideò ab omni peccato originali immunis,  
quia Mater Dolorosa erat futura.



*Ipsa conteret caput tuum.*

*Gen. 3. 15.*



I. Amson mortalium omnium facilè fortissimus, cùm quondam in Thamnata se conferret, ibidem inter gentiles & alienigenas de Sponsa sibi provisorus, per vineam intermediam pertransiens immanem leonem, ex specu erumpentem, sibi obvium habuit, qui rugitu gestuque corporis eum ad singulare certamen ac duellum provocavit. Quid agit in arena robustissimus athleta, cùm res moram non pateretur? citò se resolvit, & fortiter cum hoc ferocissimo leonis catulo congreditur, cujus utrâque manu apprehendens fauces, insolitâ fortitudine eas disrupit, atque leonem in frustra discerpit: *Et dilaceravit leonem, quasi hadum in frustra discerperet.* Simile Iud, 14, 5, quid

## 16 B. Virgo quare ab omni peccato originali immunis ?

quid de Hercule legitur, qui clavâ suâ ferratâ (crucis typo) leones & hydras domuit, aliaque Lernæ monstra exstirpavit; proinde non incongruè ejusmodi clavæ pro lemmate inscribes: *Rugientem exanimat*: vel potius ad nostrum propositum:

### In virtute tua.

**Prov. 30, 30.** Quæres hîc, prudens Lector, quid Samsonem ad tantam audaciam commoverit, ut cum leone bestiarum ferocissimo, *qui ad nullius pavet occursum*, non dubitaverit in arenam descendere? Observa hîc attentiore mentis oculo Scripturam, & invenies, quòd non minimam ad hanc primam luctam Samsoni ansam dederit propria parens, hunc filium suum ponè per vineam sequens, ne ergò huic leoni in prædam crederet, aut lethali morfu ab eo faucia- retur, ipse Samson, utpote non ingratus filius, priùs hanc feram aggressus est, & stupenda animi corporisque fortitudine eam in frustra dilaceravit: *Descendit itaque cum patre suo & matre sua in Thamnata &c.*

**1. Petr. 5, 8.** Adverte, anima Christiana, hîc singulare mysterium. Samson juxta S. Augustinum aliosque SS. Patres, Christum, leo verò dæmonem, *qui tanquam leo rugiens circuit, quarens, quem devoret*, præsignavit. Intenderat quidem hic infensissimus humani generis hostis etiam purissimæ DEI Matri statim in primo conceptionis suæ instanti crudelem insigere morsum, & communi labe ac veneno peccati originalis illam quoque, prout cæteros mortales omnes, inficere, sed benignissimus Filius ejus ac Redemptor noster (*plus quam Samson*) priùs Tartarei illius leonis fauces dilaceravit, quàm Virgo Mater vineam hujus mundi immundi ingrederetur; non enim ignorabis, prudens Lector, duplex redemptionis genus esse, reparativæ videlicet & præservativæ, sed longè nobilius esse solet illud redemptionis præservativæ genus, quia in majorem redimentis cedit gloriam, & ampliorem in præservante requirit virtutem, atque *major gratia*, teste S. Augustino, *impeditur illi, cui conservatur innocentia, quàm cui remittitur culpa*; proinde Christus DEUS singulari prorsus modo respectu SS. Matris suæ Redemptor extitit, dum fauces rugientis propriâ virtute, ne lædere eam posset, descripsit, & caput antiqui Serpentis baculo suæ crucis ita contudit, ut nullum electissimæ Matri suæ labem per omnem vitam potuerit afflare, hinc ipsa ait in Magnificat: *Fecit potentiam in brachio suo*, & in eodem Cantico: *Fecit mihi magna, qui potens est*. quid verò non possit Omnipotens? Quid non possit virtus Crucis: *In virtute tua.*

**2.** Vis alium de hac veritate conceptum? Assuerum in medium produco, potentissimum illum Persarum Regem, qui, cum de ruina & exterminio totius populi Israëliti, nec exceptis quidem parvulis, ageretur, soli Reginæ suæ Ester in signum peculiaris gratiæ & exemptionis virgam suam regiam super collum ejus posuit: *Noli metueri Esther: non morieris, non enim pro te,*  
sed

S. August.  
super Ge-  
nes., ad litt.

Luc. 1, 51:

Eth. 15, 12.

*sed pro omnibus hac lex constituta est. Tulit ergo auream virgam, & posuit super collum ejus, & osculatus est eam. Ad quid, obsecro, Rex virgam suam regiam solum super Esther extendit? & ad quid eandem virgam in signum singularis exemptionis super collum ejus posuit?*

Adverte: per hanc virgam, per quam Rex Assuerus Reginam Esther ab omni lege mortis immunem declaravit, D. Bonaventura, Petrus Damianus S. Bonav. & plures alii Doctorum virgam Dominicæ Crucis subaudiunt, per quam Fi- in 3. Sent.  
lius DEISS. Matrem suam ab omni actualis & originalis peccati macula ante Ep. 3. 2. 2.  
omnem lapsum exemit; si enim *Angeli*, juxta Mellissuum Bernhardum, sunt q. 2.  
*redempti Sanguine Christi, non à peccato, quod commiserunt, sed ab eo, quod pos-* S. Bernh.  
*sunt committere*, quanto magis Regina Angelorum à dulcissimo Filio suo per Serm. 21.  
merita crucis & sanguinis sui olim in passione fundendi ab omni peccati for- sup. Can-  
tica,  
de, imò & à debito proximo contrahendi peccatum originale præservata est,  
quia ita decebat tantum Filium, ut Matrem tantam & adeò dilectam, quan-  
tum potuit, & decuit, etiam à minimo dedecore præservaret, quia talis redem-  
ptio præservativa multò nobilior atque perfectior est, quàm si post lapsum,  
ut cæteri hominum, per crucem & passionem Filii DEI fuisset redempta:  
*Non enim pro te sed pro omnibus hac lex constituta est. Quam veritatem pere-* Esther. 15.  
*leganter insinuavit Jeremias Propheta, dum de Christo patiente vaticinatus* 13.  
*est: Torcular calcavit Dominus Virginii filia Juda; quod cruentum Crucis* Thren. 1,  
*torcular Christus etiam pro hac sua innocentissima Matre & Virgine calca-* 15.  
*vit, non ut à peccato mundaretur, prout pulcherrimè observat Eminentissimus* De Innocen-  
S. R. E. Cardinalis Sfondrati, *sed ne peccatum incurreret; ergo quòd siue macu-* tia Vindica-  
*la sit, & concepta & nata, debet torculari & cruci, &c.* ta fol. 26.

### In virtute tua.

3. Progredior ulteriùs. Insignem sibi laudem quondam in Sacra Scri-  
ptura commerita est Rahab Jerichontina, dum duos Exploratores, à Josue  
duce ad explorandum Jericho dimissos, non tam hospitio excepit, quàm &  
benignè fovit, ac in domo sua muro & urbis portæ vicinâ ne in hostium ma-  
nus devenirent, sollicitè occultavit, ac tandem in fune coccineo per mœnia  
civitatis demisit; ob quam causam dicti Exploratores, ut se beneficio gratos  
exhiberent, & officium officio redderent, huic liberatrici suæ suasère, ut in  
assaltu, urbisque & incolarum communi interitu eundem funem rubeum fe-  
nestræ suæ appenderet, ex quo signo domum illius inter reliquas omnes uni-  
cam esse conservandam dignoscerent: *Et illa respondit, sicut locuti estis, ita* Josue. 2, 21.  
*fiat dimittensque eos, ut pergerent, appendit funiculum coccineum in fenestra; cui*  
*pro interim pro lemmate inscribimus: In cocco una salus.*

Per hunc coccineum funiculum, per quem salus domui Rahab facta est,  
haud immeritò SS. Patres Christum JESUM & hunc Crucifixum, ejusque SS.



S. Ambros.  
lib. 5. de fide  
cap. 5.

Psal. 86, 4.

cruorem in ara crucis pro salute mundi effusum, subaudiunt; ita S. Ambrosius: *Signa fidei inquit de Rahab, atque vexilla Dominica passionis attollens, coccum in fenestra ligavit, ut species cruoris mystici, qua foret mundum redemptura, vernaret. Ita foris JESU nomen fuit præstantibus ad victoriam, intus species Dominica passionis periclitantibus ad salutem: unde quia intellexit Rahab cæleste mysterium, dicit Dominus in Psalmo: Memor ero Rahab & Babylonis scientium me &c.*

Psal. 45, 5.

S. Ildeph.  
de Virg.  
B. Mariæ  
pag. 448.  
S. Laurent.  
Just. p. 2.  
de perfect.  
gradibus,  
cap. 1.  
Gen. 3, 15.

Hic rogo, observes, Anima Christiana! in civitate Jerichontina sola domus Rahab ab incendio & communi devastatione fuit libera; & magno studio à JOSUE ab interitu conservata: & JESUS SS. Matrem suam non simili privilegio donasset, atque per coccineum funiculum SS. Crucis & Sanguinis sui à communi generis humani ruina, per noxam originalem immisâ, non conservasset immunem? Si Angeli, imò & Protoplasti sine delicto originali in prima justitia fuerunt creati, & cur Regina cælorum non eodem digna censenda erit privilegio? absit à nobis hæc periculosa cogitatio: *Sanctificavit enim Dominus tabernaculum suum*, purissimumque effecit COR illud, quod futurum aliquando foret SS. Trinitatis dignissimum habitaculum, porta semper clausa, hortus conclusus, liliū inter spinas, rosa sine sentibus, speculum sine macula, fons signatus, virga semper florida &c.. Audi S. Ildephonsum: *Ab omni pressura maledictionis non ex se se, sed ex virtute Altissimi immunis & aliena fuit &c.* Et S. Laurentius Justinianus: *Ab omni originali delicto nullus excipitur præter illam, quæ genuit mundi Salvatorem*, quia sic nequaquam caput draconis, hoc est, initium peccati contrivisset; sed potius serpens prius Virginis caput attrivisset, quod contra Scripturam est: *Ipsa conteret caput tuum*.

Josue, 3, 15.

Psal. 113, 5.

4. Recordor hic illius Arcæ fœderis, per quam DEUS tot quondam fecit, ac patravit miracula. Cum Josue Hebræorum populum in Palæstinam traducturus, nec pontem, nec naves haberet, quibus tam ingentem exercitum per Jordanem, tunc temporum intervallo ob nives in vicinis montibus liquatas, summoperè exundantem, trajiceret, prædictam Arcam à Sacerdotibus applicari jussit, ad cujus conspectum mox Jordanis retrorsum conversus est, immotusque in suo cursu stetit: *Steterunt aquæ descendentes in loco uno, & ad instar montis intumescences apparebant*. Quis, obsecro, ad tam insolitum prodigium non obstupefcat? quis non hæreat attonitus? quid est, non immerito cum Psalte Regio exclamo, quòd *tu Jordanis conversus es retrorsum? Quid est?* Dic.

S. Damasc.  
de Nat. Virg.  
Serm. 2.  
Rom. 5, 12.

Audi S. Damascenum: *Sacra, inquit, & animata arca DEI viventis MARIA est*, Jordanis verò *Rivus Judicii* interpretatur; ubi ergo in judicio Divino sententia mortis ob originale delictum in omnes posteros Adami lata fuit: *Et in omnes homines mors pertransiit*; hæc tamen sola animata DEI Arca, quia Virgam illam prodigiosam Aaronicam, & cæleste Manna, hoc est, Christum

Jesum,

Jeſum, pro ſalute mundi in ara Crucis olim immolandum, in ſuo utero ſuo tempore erat geſtatura, ob ſingulare privilegium & gratiam, nulli mortalium conceſſam, excepta fuit: Hic ſteterunt aqua descendentes à primo peccati originalis diluvio, & Arca DEI viventis innoxie pertransiit; de qua Arca ulterius referunt Sacrae Paginae, quod caput imundi illius Dagonis generose contrivit, ac longè à ſe illud Acheronticum idolum projecit: Porro Dagon ſolus truncus remanſerit in loco ſuo. Sic B. Virgo, utpote Arca Sacramentorum DEI, ita illam Saldephonſus appellat, ſtatim in primo inſtanti animationis ſuæ impium Dagonis infernalis caput contrivit, & infernale hoc monſtrum longè à ſe projecit: *MARIA* Virgo, ait Origenes, neque perſuaſione ſerpentis decepta eſt, neque ejus afflatibus infecta, non enim idonea Mater DEI fuiſſet, ſi aliquando peccaſſet, quia honor parentum in prolem redundat, juxta illud: *Gloria ſiliorum patres eorum.*

1. Reg. 5, 5.

Orig. hom.

1. in diverſ.

Prov. 17, 8

5. Sola Virga Aaronis in tabernaculo floruit, cæteris omnibus ſiccis, & aridis permanentibus: *Invenit germinare virgam Aaronis, & turgentibus gemmis eruperant flores.* Virga hæc incontaminata DEI Genitrix fuit: *Hæc Sacerdotalis virga,* ait Melliſſus, *dum ſine radice floruit &c.*

Num. 17, 8

S. Bernh.

Serm. in cap.

12, Apoc.

Sola illa Oliva ex cæteris arboribus in univerſali diluvio intacta permanſit, ex qua columba florentem ſurculum decerpiſit: *Venit ad eum ad veſperam, portans ramum olivæ virentibus foliis.* Oliva hæc immaculata Virgo fuit: *Oliva ſpecioſa in campis,* ubi noxa originalis, quaſi diluvium, univerſum terrarum orbem devaſtavit, ſola illa Oliva myſtica intacta permanſit: *Hæc olivæ ramo,* ait Cajatanus, *id eſt, MARIE, diluvium nocere non potuit &c.*

Gen. 8, 11.

Eccl. 24, 19.

Cajet. cit. 2

Fin. & in

reſt. Spirit.

Gen. 7, 23.

Chryſipp.

orat. de Virg.

Prov. 31, 14.

Sfondrati

in Innocent.

Vindicata;

Sola illa arca Noëmica in comuni cataclyſmo indemnis & illæſa ſervata eſt, unde lemma: *Communis discriminis expers;* B. Virgo, ait Chryſippus, *Arca eſt, cujus architectus & incolæ erat ipſe DEUS,* non ergo decebat, ut & illa in hoc univerſali originalis peccati diluvio periret, quia *facta eſt ſicut navis inſtitoris, de longè portans panem ſuum;* ſupra quod Eminentiffimus Sfondrati: *Navis, hoc eſt, Mater; Inſtitoris, hoc eſt, Redemptoris; de longè, hoc eſt, de cælo; portans, hoc eſt, utero geſtans; panem, hoc eſt, DEUM; hæc inter tot naves & animas, quæ hoc mare percurrunt, ſola ſcopulum peccati effugit, ad quem reliquæ omnes naufragium fecerunt.*

Sola illa terra Sacerdotalis in Ægypto, fame orbem univerſum premente, à communi laicorum onere ac tributo ſemper immunis & exempta permanſit: *Emit igitur Joſeph omnem terram Ægypti, vendentibus ſingulis poſſeſſiones ſuas præ magnitudine famis, præter terram Sacerdotum.* B. Virgo terra illa benedieta & Sacerdotalis extitit ab omni tributo peccati, tum actualis tum originalis immunis: *Tempore,* ait Antonius de Rampelogeſ, *quo fuit in mundo egeſtas gratiæ, omnis humana creatura tributaria fuit peccato, excepta Matre Sacerdotis Magi, quæ ex divino privilegio libera fuit &c.*

Gen. 47, 20

Anton. de

Ramp. in

fig. Bibl.

f. 451.



## 20 B. Virgo quare ab omni peccato originali immunis

Cant. 3, 7.  
Rich. à S.  
Laur 1. 20

S. Ambros.  
lib. 1. de  
conceptu  
virginali  
cap. 18

3, Reg. 10,  
20

Matth. 12,  
42

S. Anton.  
Pad. Dom.  
5. post Trinit.

Solus ille lectulus Sapientissimi Salomonis, ne vel minimâ contaminaretur sorde, singulari curâ & studio à fortissimis servatus est: *En lectulum Salomonis sexaginta fortes ambiunt ex fortissimis.* Supra quod Richardus à S. Laurentio: *Per lectulum Salomonis anima Mariæ significatur, in qua Beata Trinitas quievit &c.* quem floridum lectulum non sexaginta tantum, sed & innumeri fortissimorum cœlestium Spirituum custodiebant, ne levissimâ labe conspurcetur: *Decebat, subintrat hîc S. Ambrosius, ut Christi conceptio de Matre purissima fieret; nempe decens erat, ut eâ puritate, quâ major sub DEO nequit intelligi, Virgo illa niteret &c.*

De solo illo Throno, à Sapientissimo Rege Salomone ex ebore candidissimo & auro mundissimo præparato, dicitur: *Non est factum tale opus in universis regnis.* Thronus hic B. Virginem ac DEI Matrem dignissimam præsignavit, quem sibi Christus, *qui plus est quàm Salomon,* elegit, cui mystico throno pro lemmate inscribes: *Uni; vel Soli DEO.* Audi & S. Antonium Paduanum: *Tale opus, inquit, non fuit factum in universis regnis, quia nec primam similem visa est, nec habere sequentem.*

S. Anselm.  
de Concept.  
V. M.

6. O purissima Virgo, quis has veritates attentâ mente considerans, non tibi ex animo gratuletur, quòd DEUS SS. COR tuum solum ac unicum ex omnium mortalium cordibus elegerit ab omni peccati sorde immune, ac tanto Filio orbisque Redemptore dignissimum habitaculum? *Nihil tibi, Domine, aequale,* meritò exclamat D. Anselmus, *nihil comparabile, omne quod est, aut supra te, aut infra te est, supra te est solus DEUS, infra te omne illud, quod DEUS non est.*

Psal 33, 6.  
Hugo de S.  
Victor. de  
Laud. B.  
Virg.

Quid igitur superest, Mariani Cultores, nisi ut purissimam hanc Virginem, supra omnes puras creaturas à DEO benedictam, debito, quo possumus, amore, cultu ac veneratione prosequamur? Si hæc SS. Deipara speculum est absq; macula, cur non intuemur hoc mundissimum speculum, ut maculas cordis nostri emundemus? Si omnium cordium afflictorum est solatium, cur non hoc calamitoso tempore ad illam confugimus? Si abyssus gratiarum est, cur nullam gratiam per illud SS. COR Mariæ à DEO flagitamus? Si ager plenus est, cui benedixit Dominus, cur abinde benedictionem non quærimus? O miseri mortales! *Accedite, & illuminamini, & facies vestra non confundentur.* O quàm bene Hugo de S. Victore: *Si accedam, inquit, ad iudicium, & Matrem misericordiæ habuero in causa mea, quis Iudicem denegabit propitium?* An non illam Angelus gratiâ plenam pronuntiavit? ergo & nobis miseris poterit gratiam aliquam à pientissimo Numine impetrare, aliàs non esset plena gratiâ; dicamus proinde pro coronide hujus considerationis à Venerabili P. Spinola Soc. JESU Sacerdote dignissimo & famâ Sanctitatis notissimo, qui ita Deum orare solebat: *Domine, per COR Beatissimæ Virginis da mihi gratiam, ut nunquam te peccato aliquo offendam, sed semper voluntatem tuam impleam.*

Caspar.  
Tausch. de  
Marr. Dol.  
1, 3, prax. 17.

O utinam, ô utinam & mihi & tibi obtingat hæc gratiâ!

CON-




# CONSIDERATIO III.

Dolorosa Virgo, quia dolorosa, non ab originali tantum, sed etiam ab omni actuali labe immunissima.



Erit autem sanguis vobis in Signum.

*Exod. 12. 13.*



1. Bstupeſco, quoties mecum attentiore mentis oculo conſidero, quòd olim ſummus legiſlator DEUS Hebræorum domorum poſtes voluerit ſanguine agni imaculati tempore Paſchali imolati, aſpergi, ne ab Angelo vaſtatore eorum primogenita occiderentur. *Erit autem ſanguis vobis in ſignum in adibus, in quibus eritis; & videbo ſanguinem, & tranſibo vos: nec erit in vobis plaga diſperdens, quando percuſſero terram Ægypti.* Ad quid, obſecro, hic ſanguis per modum crucis (prout obſervant SS. Patres) utri- que poſti & ſuperliminari oſtiæ aſperſus? & quomodo cruor ille teſſera eſſe

*Exod. 12, 13*

poterat salutis? an Angelus vastator hoc fortasse corporeo indigebat signo? Minimè, quia Angelus erat, & quidem bonus, prout rectè monet Cornelius, ideò per se satis viderat, quænam ædes Israëlitarum, & quænam Ægyptiorum erant habitacula.

Observe hîc, prudens Lector! peculiare mysterium. Sanguis ille Agni per modum crucis in superliminaribus portarum aspersus elegantissimus typus fuit divini illius cruoris, quem Divinus ille Agnus in ara Crucis pro salute univerforum, & in copiosam animarum redemptionem erat profusus, per quem sanguinem ab ira ventura & à morte perpetua misericorditer liberati sumus: *Lavit nos à peccatis nostris in sanguine suo.* Ex qua pulcherrima figura hoc nunc formo argumentum: Si cruor ille agni typici in porta aspersus primogenita quondam Israëlitarum à morte conservavit immunia, quantò magis divinus ille Sanguis immaculati Agni JESU Christi in cruce & passione sparsus à morte & ab omni peccati labe præservavit immunem Dolorosam Virginem & Sanctissimam Deiparentem MARIAM, quam Spiritus Sanctus nominat *Primogenitam omnium creaturarum*, & in alio loco: *Ab æterno ordinatam, & ex antiquis antequàm terra fieret; nondum erant abyssi, & ego jam conceptam* &c. Proinde meritò huic portæ semper clausæ, de qua Ezechiel vaticinatus est: *Porta hac clausa erit: non aperietur: quoniam Dominus DEUS Israël ingressus est per eam*, rectè pro lemmate inscribere possumus:

### Signatur, ne perdatur.

Hic velim, cogitationem tuam figas, prudens Lector! Si enim Salomon tam peculiari amoris & honoris significatione excepit Matrem suam Bethsabeeam: *Et surrexit Rex in occursum ejus, adoravitque eam, & sedit super thronum suum; positusque est thronus Matri Regis, quæ sedit ad dexteram ejus.* Quo honore existimas, quòd ipse DEI Filius, qui plus est quàm Salomon, SS. Matrem suam in mundum ingredientem exceperit? an non pari ratione ipsi dixit: *Ecce Mater mea, neque enim fas est, ut avertam faciem tuam* &c. Sed longè ab electissima sua Matre faciem suam avertisset, si eam permisisset aliquando diabolo per peccatum fuisse subditam, DEO summè odibilem, & æternæ damnationi vel ad tempus subiectam; quid enim apud cœlestes illos Spiritus magis infame esse potest, quàm peccatum, ac præsertim mortale, quale & originale est? audi S. Vincentium Ferrerium ex Sacra D. Dominici familia nobile ac fulgentissimum fidus, qui illa verba: *Fiat lux*; ex Genesis primo mutuata, eleganter ad immaculatam B. Virg. MARIÆ conceptionem accommodat. *Non credatis, inquit, quia (lux) fuerit sicut in nobis, qui in peccatis concipimur: sed statim ac anima fuit creata, fuit sanctificata, & statim Angeli in cælo celebrârunt festum conceptionis* &c.

2. De Jeremia Propheta referunt Sacræ Paginæ, quòd aliquando à DEO jussus fuerit, ut ad domum figuli se conferret, ejusque opera ac figmenta ocu-



lo attentiore consideraret: *Descende in domum figuli.* Contigit, ut figulus opus suum super rotam & stellam faceret, illud in vas debitum formando ac complanando; & ecce dum sedulo operi incumbitur, subito inter manus artificis vas illud luteum confringitur, & in partes dissolvitur, quod lutum nihilofecius figulus de terra colligens in novam formam redegit, & inde vas in honorem, ac priore longè excellentius confecit: *Conversusque fecit illud vas alterum, sicut placuerat in oculis ejus.* Jerem. 18, 1

Adverte anime mi! per vas primum illius figuli tam citò contractum rectè Eva omnium mortalium parens prima intelligitur ex luto terræ & costa Adam à DEO summo artifice formata, quod tamen vas mox in ortu suo ex insidiis diaboli & infernalis serpentis lugendum in modum per peccatum contritum, atque dissipatum est. *Facta est tanquam vas perditum;* per secundum autem vas à DEO fabricatore longè excellentiore modo formatum subaudi debet SS. Deipara & incontaminata semper Virgo MARIA, ab omni peccato originali & actuali per merita Sanguinis Christi antecederet illi applicata semper immunis, quæ licet secundum carnem, teste B. Petro Damiano, ex eadem lutea Adami massa sit formata maculas tamen Adæ non admisit; ea propter à Spiritu S. hoc insigni elogio exornata fuit: *Vas admirabile, opus Excelsum;* & à S. Andrea Apostolo Terra nunquam maledicta, de qua secundus & melior Adam à Spiritu S. formatus est: *Sicut primus Adam, inquit, formatus fuit ex terra, antequam esset maledicta: ita secundus formatus est ex terra virginea nunquam maledicta;* unde non incongruè Poeta:

*Femina vas luteum est, ex omnibus una MARIA.*

*Eruta Virgo luto est, sed tamen absque luto.*

3. Progrediamur ulterius. Inter alia divinæ potentiæ admirabilia non potestremum sibi locum vendicat columna illa, quæ populum Israëliticum per desertum ac mare Rubrum modo prorsus stupendo in Palæstinam traduxit. Erat autem hæc columna interdiu ad instar nubis, Hebræorum castra innumbrans, & cum incederent, à gravi æstu defendens; de noctu verò tantum luminis subministravit, ut universum exercitum undequaque illuminaret, & omnibus in tentoriis existentibus in mediis tenebris pro luce inserviret: *Ne-* Exod. 13, 22  
*quaquam desuit columna nubis per diem, nec columna ignis per noctem.*

Quod olim Hebræis hæc columna nubis & ignis, hoc nobis Christicolis est Dolorosa & immaculata Virgo MARIA; columna ignis fuit, in mediis tenebris mirè refulgens, quando sine ulla peccati originalis labe (quæ tamen tenebræ omne genus humanum comprehenderunt) sola per divinam gratiam, mirabiliter eam præservantem, concepta; & in lucem nata est, cui mysticæ & igneæ columnæ rectè pro epigrapha inscribes: *In tenebris lucet;* vel illud S. Joan 1, 5 Joannis: *Et tenebræ eam non comprehenderunt;* columna verò nubis tunc potissimum extitit, quando à moriente in cruce Filio in Matrem nobis commendata est: *Ecce Mater tua;* ex quo tempore hæc mystica nubes devotos sibi clien-



S. Epiph.  
orat. de lau-  
de B. V.

clientes mirè inumbrare, protegere, atque ab æstu iræ divinæ defendere cœpit, proinde rectè S. Epiphanius hanc Dolorosam Virginem appellat *Nubem cœlestem imbrem demittentem, quò terra irrigatur.*

3. Reg. 6, 7  
S. Ildeph.  
de B. Virg.  
cap. 10

4. O pientissima Virgo! quid ulterius dicam de te? In magnificentissimo illo sapientissimi Regis Solymæi templo, dum ædificaretur, nullus malleorum ictus, *securis & omne ferramentum non sunt audita.* Per hoc templum, subintrat hîc S. Ildephonsus, unicum Factoris sui templum MARIA præsignata est, quod nullis peccati originalis, aut actualis, vel venialis ictibus fuit subiectum.

Levit. 1, 3

In Levitico quondam DEUS sanxit, ut victima prorsus immaculata sibi offerretur: *Masculum immaculatum offeret &c.* Quomodo ergo poterat Beatissima Virgo, quæ se ipsam in Filio suo in monte Calvario DEO T.O.M. in vivam præsentavit victimam, aliquâ peccati lue esse commaculata?

Dan. 1, 4

Nabuchodonosor Rex selectissimos sibi elegit pueros, *in quibus nulla esset macula, decoros formâ, & eruditos in omni sapientia*, ut quotidie coram se adstarent, & Majestati regis inservirent. Et DEUS sibi elegisset Matrem aliquâ peccati sorde fœdatam? absit, absit; hæc enim ignominia redundasset in Filium.

Esther 2, 7  
Apoc. 19,  
16

Assuero potentissimo Persarum Regi ex universis amplissimi regni sui provinciis fuerunt quæsitæ speciosissimæ puellæ ac virgines, inter quas sola placuit Hebræa Esther, *quia erat pulchra nimis & decora facie.* Et DEUS Rex Regum & Dominus dominantium sibi talem selegisset Matrem peccati aliquando cœno conspurcatam? quæ conventio lucis & umbræ?

Judic. 6, 37

Ros cœlestis in solum vellus Gedeonis descendit: *Ros in solo vellere*; dum interim universa terra sicca permansit. Supra quod pereleganter S. Doctor Mellissus: *Beatam Virginem*, inquit, *Gedeonis vellus, dum in medio sicca aræ maduit, præsignavit*, dum mortales omnes hoc singulari gratiæ rore erant privati, ita quidem, ut prius peccati hæreditarii lue inficerentur, antequam nascerentur in lucem, hæc sola rore gratiæ à Spiritu Sancto præventa est: *Ros in solo vellere.*

S. Bernh.  
Serm. in  
c. 12, Apoc.

4 Reg. 19,  
34  
S. Aug. l. 7  
de Civit.  
c. 6, B. Pet.  
Dam. de dor-  
mit. B. Virg.  
Apoc. 12,  
11

Cum Sennacherib Rex Assyriorum, vastatâ Ægypto & Asiâ universâ depopulatâ, urbem Solymæam formidabili obsideret exercitu, Dominus per Isaïam Regi Ezechizæ respondit: *Civitatem hanc non ingreditur: protegam urbem hanc, & salvabo eam propter me.* Et nunquid B. Virgo civitas DEI est, de qua gloriosa dicta sunt? ita Doctorum Phœnix S. Augustinus, & à B. Petro Damiano appellatur *Civitas vivens Regis exercituum, & civitas refugii*; non ergo decuit, ut hostis infernalis hanc Civitatem DEI ingrederetur, & per aliquod peccatum in suam redigeret potestatem: *Salvabo eam propter me.*

Michaël & Angeli boni draconem illum magnum vicerunt *propter sanguinem Agni, & propter verbum testimonii sui.* Quid ergo dicemus de Matre DEI

DEI & Regina Angelorum? an non idem sanguis Agni, ac dilectissimi Filii sui ab ea onnem in Adamo lapsum longissimè avertit: *Attende Seraphim*, ait B. Petr. Dam. B. Petrus Damianus, & videbis, quidquid majus est, minus esse Virgine, solumque Serni. de ann. Opificem opus istud supergredi?

5. Ad stabiliendam istam verissimam (ut ita dicam) veritatem revocate in memoriam admirandum illum salutationis modum, quo Gabriel Archangelus hanc Sacratissimam Virginem mox DEI Genitricem futuram salutavit: *Ave*, inquebat, *gratiâ plena, Dominus tecum* &c. Cur dixit AVE, Luc. 1, 28 & non SALVE? nunquid prorsus idem videntur significare *Salve* & *Ave*? an non universa Ecclesia Sanctissimam hanc cœli terræque Reginam per ly *Salve* salutatur: *Salve Regina*?

Adverte, Lector Mariane! hîc singulare mysterium. AVE, subintrat hîc Eminentissimus Hugo Cardinalis, idem sibi vult, quàm AVE, id est *sine* Hugo Card. vâ; ubi totum humanum genus huic communi vâ in contrahendo peccato cit. à Fineti originali erat obnoxium, hæc sola pretiosissima Virgo non per naturam sed in relex. per gratiam, non de condigno sed de congruo, sine ullo vâ, ac sine ullius no- spir. xæ originalis aut actualis labe permansit: *Cunctis*, ait prædictus Cardinalis, *qui foris sunt, dicitur vâ, vâ, sed MARIÆ dicitur in conclavi AVE*; & sicut AVE, si litteras retro legas, nomen Eva monstrat, sic quod Eva destruxit, hoc AVE reparavit, qua propter non inconcinnè Poëta:

*Pandit Ave angelicum, quod quondam clauserat EVA,  
Facta etenim porta est Virgo MARIA poli.*

6. Plura si desideras hujus immunitatis testimonia, accipe. Cùm tributum à telonariis Cæsaris Tiberii in civitate Capharnaum à Christo Domino exigeretur, mitissimus Servator ad Petrum se convertit, eique insinuavit, tributum non à filiis, sed ab alienis exigendum; & subjunxit: *Ergo liberi* Matth. 17, *sunt filii*. Peccatum originale tributum est, cui subjacent mortales universi: 25 *Erasmus naturâ filii iræ*; sed MARIA est *Filia Principis*, adeoque libera ab ulla pensione aut onere, *quia filia Principis erat*, ait Carthagena; Imperator enim eadem privilegia tribuit Augustæ, quæ & ipse habet; quantò ergo magis DEUS & Homo Christus SS. Matri suæ, quam per sacratissimam passionem suam ab omni peccati tributo præservavit?

Moyse oves Jethro paicenti apparuit DEUS in flamma ignis in medio Exod. 3, 3 rubi, ardentis quidem, sed incombusti: *Per rubum incombustum*, ait Ecclesia, *conservatam agnovimus tuam laudabilem virginitatem, DEI Genitrix*; ubi omnes homines inustum stigma ab igne originalis noxæ sentiebant, solum beatissima anima Dolorosæ Virginis adinftar rubi illæsa servata est, cur? quia Dominus erat in rubo; *Dominus autem in rubo*, subintrat hîc Cornelius, *est Christus in cruce*.

Matth. 7, 16

Subjungamus plura argumenta. Et quis ignorat, quod veritas asserit : *A fructibus eorum cognoscetis eos. Nunquid colligunt de spinis uvas, aut de tribulis ficus? sic omnis arbor bona fructus bonos facit, mala autem arbor malos fructus facit: non potest arbor bona malos fructus facere, neque arbor mala bonos fructus facere.* Si ergo Christus Dominus benedictus fructus MARIÆ est, quomodo arbor illa aliquando maledicta esse poterat? si Angelos & protoparentes nostros creavit in gratia, quanto magis decebat, ut Regina Angelorum & Domina totius universi à primo animationis instanti sine ulla labe crearetur? Juvat hîc audire Hugonem de S. Victore: *In cælo, inquit, qualis Pater, talis Filius. In cælo imago Patris, in terra imitator Matris. Talis ergo Agnus, qualis Mater Agni; ex mundis mundus: Non enim potuit arbor bona malum fructum facere, quoniam omnis arbor ex fructu suo cognoscitur.* Et tandem concludit Hugo: *Radix integra, ramus incorruptus.*

Hugo de S.  
Vict. Apoc.  
de Verb. in-  
earn. cap. 2

Psal. 46, 10

7. Ex quibus hætenus in medium productis argumentis prudens Lector colliges, quòd quidem venator ille tartareus rete inevitabile omnibus Adami filiis tetenderit, ut & SS. Deiparam viâ naturæ concepti comprehenderet, sed hîc verificatum fuit illud Regii Vatis: *Cadent in reticulo ejus peccatores: singulariter sum ego, donec transeam.* Ita, ô Dolorosa Virgo! ô benedicta inventrix gratiæ! inter mortales omnes tu sola transiisti hoc rete, sola, inquam, quia Mater Dolorosa eras designata talis ac tanti Filii, olim pro salute universorum crucifigendi, qui te per merita suæ passionis præservavit immunem.

Et quid dubitas adhuc? ille, qui liberavit Jonam à cete & de profundo maris; ille, qui Tres Pueros in camino ignis ardentis servavit illæfos; ille, qui Daniele de lacu rugientium, Davidem de laqueo vanantium, Susannam de morte, Israëlitas à jugo Pharaonis, Ezechiam de gladio Sennacherib, Jobum à flagellis diaboli eripuit; ille, inquam, talis ac tantus, tam immensus, tam potens, non liberasset à dæmonis captivitate & peccati hæreditarii servitute ipsam suam SS. Matrem? aut non potuit, aut noluit? quid dicis?

8. Vis aliqua Symbola & Emblemata de hac imūitate Dolorosæ Matris? Cupressum pinget, cum inscriptio: *Incorrupta virescit*; Speculum, ante cujus conspectum basiliscus occisus jacet, cum lemmate: *Candore peremptus*; Stellam Polarem: *Non occidit una*; Laurum à fulminis ictu immunem: *Non laeditur una*; Cygnum in medio aquarum non tinctum aut madefactum: *Non tingor ab unda*; Avem Paradisiacam rectâ ad cælum volantem; *Nilil coinquinatum*; Pyramidem perpendiculariter à Sole percussam: *Umbra nefcia*; Aurum: *Rubiginis expers*; Cristallum: *Candor illesus*; Adamantem: *sine umbra*; Carbunculum: *Emicat unus*; Lilium seu rosam inter spinas: *Innoxia floret*; Margaritam in concha: *Cælestis origo*; Nivem recens cadentem: *Meus est ab origine candor*; Triticum in agro seminatum: *Pura genesis*; Olym-



Olympum inter nubes caput condentem: *Supereminet omnes &c.* Ita est, ô Beatissima, sed & Dolorosissima Virgo! Superemines omnes, quotquot fuerunt, quotquot sunt, quotquot erunt mortales: *Beata Virgo*, inquit Angelicus, *ex hoc, quod est Mater DEI, habet quandam dignitatem infinitam ex bono infinito, quod est DEUS: & ex hac parte non potest aliquid fieri melius, sicut non potest esse aliquid melius DEO.*

S. Thom.  
Aquin. 1.  
P. 9. 25. c. 6


Hic stans delibera, quisquis es, Candide Lector! quo amore & honore, quo cultu ac reverentiâ imposterum tantam DEI Omnipotentis Matrem ac Dominam tuam prosequaris, de qua recenset S. Vincentius Ferrerius, quòd eam primo conceptionis momento omnes Angeli summâ veneratione coluerint, atque ei faustissimum in mundum adventum gratulati sint. Fac tu similiter, & horum exemplo excitatus paria ei defer obsequia. Amat autem hæc pientissima Virgo magis virtutum suarum strenuos imitatores, quàm vanos laudatores: *Agnoscit Virgo*, ait Mellissius, *& diligit diligentes se, & prope est in veritate invocantibus se, præsertim iis, quos videt conformes sibi factos in castitate & humilitate.* Ille hanc SS. Virginem Matrem compellare non meretur, qui est degener filius, neque virtutum ejus æmulator: *Si filii Abrahamæ estis, opera Abrahamæ facite*; ita quondam perstringebat Christus discipulos Judæos, qui se Abrahamæ filios plenis buccis & buccinis gloriabantur, & tamen opera Abrahamæ minimè faciebant, neque virtutes ejus, ut genuini filii sectabantur. Ita Sodalis ille, ac Cliens Marianus frustra sibi de purissimæ hujus Matris patrocinio blanditur, qui licet Officium de Immaculata ejus Conceptione recitet, MARIAM nominet, prædicet, festa ejus colat, in profesto jejunet &c. si hujus Dolorosæ Matris virtutes non satagit saltem pro possibili imitari: *Inspice, & fac secundum exemplar*, quod tibi à B. V. & Matre Dolorosa à primo animationis instanti usque ad vitæ terminum monstratum est.

S. Vincent,  
Ferrer. cit. 2.  
P. Barry  
8. Decemb.  
S. Bernh. in  
serm. 1. super  
Salv. Reg.

Joan. 8, 19

Exod. 25, 40





## CONSIDERATIO IV.

Dolorosa Virgo in aurora, & juxta piscinam probaticam (futuræ passionis typum) in lucem nascitur.



Quæ est ista, quæ progreditur quasi aurora con-  
surgens? *Cant. 6. 9.*



**M**ultis, variisque plagis contumacem quondam ac rebel-  
lem Ægyptum flagellavit DEUS justus scelerum &  
sceleratorum vindex, inter quas plagas non minima  
fuit caliginosa illa nox, ac densissimæ tenebræ, quibus  
universa Tellus Niliaca per triduum affligebatur: Ex-  
tenditque Moyses manum suam in cælum, & factæ sunt tenebræ horribiles in uni-  
versa terra Ægypti tribus diebus; nemo vidit fratrem suum, nec movit se de lo-  
co, ubi erat, &c.

*Exod. 10, 22*

Adverte :

Adverte: talis rerum facies, mundi que status extitit, antequam VERBUM incarnaretur, ubique tunc erant tenebræ peccatorum, & servitus idolorum, ac ignorantia legum tenebant populos: *Et tenebræ erant super faciem abyssi*; tunc verificabatur illud Oseæ Prophetæ: *Maledictum & mendacium, & homicidium & furtum & adulterium inundaverunt, & sanguis sanguinem tetigit &c.* Tunc nulli in cœlo adhuc erant Beati, nulli in mundo Justi, vel admodum pauci, sed omnes sedebant in tenebris & in umbra mortis, quia *cor eorum non erat rectum cum DEO, nec fideles habiti sunt in testamento ejus.* Genes. 1, 2  
Oseæ. 4, 2  
Psal. 77, 37

Sed DEO T. O. M. sint laudes infinitæ, ubi post hanc longam & caliginosam noctem (hoc est post quatuor millia annorum à creatione mundi) tandem illuxit B. Virginis MARIÆ ortus, tunc mundo immundo prima lux & optata cœli aurora oriri visa est, quæ Solem justitiæ, qui est Christus Deus, brevi venturum, & per Sanguinem suum in cruce mundum deperditum redempturum prænuntiaret; in quem finem pro Symbolo nostro auroram rotantem (quia aurora à rore nomen habet) statuimus cum lemmate:

## Aurora ab lacrymis.

Lacrymæ enim SS. Parentum & SS. Patrum hanc SS. Deiparam impetrarunt.

2. Nata est autem hæc SS. Deipara sub tempus primæ auroræ juxta Piscinam Probaticam in Jerusalem, quæ tunc à SS. Parentibus nomen accepit MARIA; singula innuunt aliquid, attentum te esse cupio. Cum quondam gens Hebræorum ob crudele edictum impii Amani jam jam ad necem & interitum venundata mœrore & angore penè conficeretur, & quasi semimortua supremam lanienæ suæ diem expectaret; ecce subito illi in hac caliginosa nocte nova lux & fida dux in mediis tribulationum tenebris affulsit, dum DEUS cor Esther Regina commovit, ut ad Assuerum, potentissimum Persarum Regem ingrederetur, à quo non duntaxat veniam suæ genti obtinuit, sed & ut litteræ omnes de mactandis Judæis in Susam & aliis in locis revocarentur; ad quod Scriptura subjungit: *Judæis autem nova lux oriri visa est, gaudium, honor & tripudium apud omnes populos, urbes atque provincias.* B. Petr. Dam.  
Serm. de  
Assumpt.  
S. Damasc.  
4. de fide  
cap. 15.  
Esther. 8, 16

Mittamus umbras; an non universum genus humanum miserrimè in tenebris peccatorum per tot sæcula oberrans, jam jam ad mortem æternam erat à Divina Nemese destinatum? litteræ, quibus ad sempiternæ damnationis barathrum à Divino Consistorio erat condemnatum, jam erant exarata, & vivâ voce per Prophetas publicata: *Anima, qua peccaverit, ipsa morietur &c.* Ezech. 18, 4 Et quis tum temporum intervallo non erat in peccatis? Vatem Jessæum consule: *Omnes declinaverunt, simul inutiles facti sunt: non est, qui faciat bonum, non est usque ad unum;* quid ergo in re tantoperè desperata consilii? O miram pietissimi Numinis clementiam! Nascitur tandem sub sideris antelu-



Esth. 8, 16

cani & auroræ tempus die 8. Septembris tot SS. Patrum & piarum mentium votis summe exoptata Virgo, ac tanto orbis Redemptore digna Mater, quæ Solem Justitiæ præcurrens, cælo & mundo gaudium annuntiavit universo; ubi adimpletum fuit, quod de Regina Esther quondam prædicatum est: *Nova lux oriri visa est, gaudium & honor & tripudium apud omnes populos, urbes atque provincias.*

Joann Ep.  
Hierosol.  
de Instit.  
Mon.

3. Reg. 18,

44

Joan. 8, 56

2. Reg. 6,

14

S. Ambros.  
Serm. 80.

Cant. 6, 9

Rup. Abb.  
in hunc loc.

Cant.

3. Hanc sacratissimæ Deiparentis natalem prævidit Elias Prophetarum zelosissimus sub umbra illius nubeculæ super mare Mediterraneum post tam diuturnam terræ siccitatem exurgens: *Ecce, nubecula parva, quasi vestigium hominis ascendebat de mari.* Hanc diem revelavit DEUS servo suo Abrahamo: *Abraham pater vester exultavit, ut videret diem meum: vidit, & gavisus est.* Eandem David Israëlitarum Rex sub typo Arcæ fœderis agnovit; proin totis viribus, & insolito gaudio perfusus coram eadem arca saltavit: *Et David saltavit totis viribus ante Dominum;* supra quod S. Ambrosius: *David elatus gaudio in salutationem prorumpit, providebat enim in Spiritu MARIAM de germine suo nascituram.* Hanc & cœlestes illi Spiritus sub typo nascentis auroræ prævidebant, unde admirabundi acclamabant: *Qua est ista, qua progreditur quasi aurora consurgens?* supra quod pereleganter Rupertus Abbas: *Quando nata es, inquit, ô Beata Virgo, tunc vera nobis aurora surrexit, aurora prænuntia dici sempiterna; quia sicut aurora quotidiana finis præterita noctis est, & initium dici sequentis, sic nativitas tua, nativitas ex semine Abraham, clara ex stirpe David, ad quos cum juramento DEI facta est repromissio benedictionis, finis dolorum & consolationis fuit initium, finis tristitiæ, & latitiæ nobis extitit principium.*

Gen. 3, 15

S. Ioan. D2-

masc. orat.

1. de Nat.

B. Virg.

Gen. 2, 8.

S. Proclus

in Gen. 1.

S. Bernh.

serm. 2. de  
Nat.

Cant. 3, 7.

Exod. 2, 3.

S. Ambr. in

1. 6. Apoc.

4. O mortales omnes, gaudete; hac die nata est fortis illa mulier, quæ venenosum callidi serpentis caput conteret: *Ipsa conteret caput tuum.* Hac die vinea illa uberrima ex Anna pullulavit, quæ uvam proferet suavissimam, botrumque illum Cypri dulcissimum, pro mundi salute in torculari crucis calcandum. Hac die plantatus est ille hortus paradisi, in quo collocandus erat novus & innocentissimus Adam Secundus: *Plantaverat autem Dominus DEUS paradisum voluptatis à principio, in quo posuit hominem, quem formaverat.* Supra quod Sanctus Proclus: *Hac est secundi Adami paradisus; & Melissus: Hortus planè deliciarum MARIA est.* Hac die præparatus erat pretiosissimus ille lectulus, quem sexaginta ex fortissimis ambiebant, in quo pacificus ille Salomon, imò qui plus est, quàm Salomon, Christus JESUS, Dominus ac DEUS noster, per novem mensium spatium quiescet: *En lectulum Salomonis.* Hac die parata est illa fiscella scirpea, in qua mysticus ille Moyses aquis tribulationum hujus mundi expositus servaretur: *Sumpsit fiscellam scirpeam, & linivit eam bitumine ac pice: posuitque intus infantulum, & exposuit eum in carecto ripæ fluminis;* supra quod D. Ambrosius: *Per fiscellam scirpeam*

Beata

*Beata Virgo MARIA designata est, Moyses Christum figurabat &c.* Hac denique die excultus est ille ager benedictionis, ex quo efflorescet granum illud electum, & frumentum Electorum in salutem animarum in cruce mortificandum: *Ipse Dominus JESUS*, ait S. Augustinus, *erat granum mortifican-* S. August. tract. 51.  
*dum, & multiplicandum: mortificandum infidelitate Judaeorum, multiplican-* in Ioann. Gen. 40, 20.  
*dum fide populorum &c.* O felicissimum natalem Virginis! Pharao Ægyptiorum Rex in veteri testamento, & Herodes in novo diem suum Natalem magna cum festivitate celebrasse dicuntur; verum uterque hanc sui natalitii diei festivitatem profusione humani sanguinis cruentavit, dum ille Præpositum pistorum, hic Sanctum Joannem, Domini Præcursores, in carcere obtruncavit; pereant illorum dies natales, qui ad exitium aliorum & ad interitum animarum nati sunt, melius enim erat, si nati non fuissent; sed tua *Nativitas, ô DEI Genitrix Virgo, gaudium annuntiavit universo mundo: ex* Eccles. 12  
*te enim ortus est Sol justitiæ, Christus DEUS noster, qui solvens maledictionem,* Offic.  
*dedit nobis benedictionem, & confundens mortem, donavit nobis vitam sempiternam.*

Hinc nullatenus dubitandum, quin jam tunc in cunis SS. Angeli hanc designatam Deiparentem, ut Reginam suam, & cœlestium ruinarum instauratricem peculiari honore venerati sint. Cura & tu, Mariane Lector, in te excitare grandem hujus SS. DEI Genitricis existimationem, eamque pro viribus ama, & cole, dum jam tunc accelerato rationis usu DEUM perfecte agnoscebat, & ardentissime amabat; imò jam tunc (prout piè observat Venerandus P. Ambrosius Spinola) pro nobis DEUM deprecabatur, at- S. Ambros. Spinola in Med. die 11. Sept.  
que in illis cunis offerebat lacrymas, & deflebat nostra peccata, dum divinitus edocta Verbum æternum in mundum venturum cognovit, & assumptâ naturâ humanâ, per passionem suam, crucem & mortem genus humanum, peccato perditum, redempturum; quibus considerandis consideratis, prudenti Lectori abundè patet, jam tunc in cunis Sacratissimum cor Virginis doloris gladium pertransiisse. Ah quantum obligati sumus huic SS. Deiparæ! & eheu quantum distat adhuc cor nostrum ab hoc purissimo Corde *MARIÆ*, quæ concepta & nata est amica DEI, & filia gratiæ, nos autem filii iræ, filii gehennæ, & inimici DEI; O quantum oportet nos humiliari, si vel istam justâ lance ponderamus nostram miseriam!

5. Progrediamur ulterius. Mirabilis fuit illa lucta, quam quondam Angelus cum Jacobo Patriarcha in patenti campo habuit: *Ecce, Vir lucta-* Gen. 32, 24.  
*batur cum eo usque mane;* Tandem Angelus, ubi auroram in vestitu deaurato, roseisque fulgentem capillis in nubibus cœli progredientem, conspicatus est, quasi victus à Jacobo, Dimissionem ab eo petiit: *Dimitte me, jam enim ascendit aurora.* Res stupenda: quid est, quòd Angelus tam festinum paraverit abitum, cum auroram surgentem vidit?

- Respondet Rupertus Abbas, Beatissimam Virginem in natiuitate sua rectè ejusmodi auroræ assimilandam, de qua Angeli admirabundi decantabant: *Quæ est ista, quæ progreditur quasi aurora consurgens?* per Angelum verò cum Jacobo per noctem colluctantem, Divinum illum magnique consilii Angelum, Filium DEI subaudimus, & per Jacobum genus humanum. Colluctabantur ergo invicem DEUS & homo per plura sæcula; luctabantur Patriarchæ & Prophetæ, cunctæque piorum animæ ferventissimis precibus ac desideriiis, ut in tenebris peccatorum & in umbra mortis sedentibus tandem lux vera, *quæ illuminat omnem hominem, venientem in hunc mundum*, id est, Christus DEUS noster, illucesceret. Vidit tandem DEI Filius MARIAM, velut mysticam auroram in natiuitate sua consurgentem; quid, inquiebat ad Patrem suum æternum, quid moror ulterius in cœlo? ad quid luctor tam diu cum Jacobo, generis humani typo? eja Pater: *Dimitte me, jam enim ascendit aurora*, hæc sola mihi inter omnes placuit: *Descendam igitur, quia vidi afflictionem populi mei, & clamorem ejus audiui; descendam, ut liberem eum per passionem meam, crucem, sanguinem, mortem*: hæc mihi socia vitæ, passionis ac redemptionis humanæ erit; jam *rutilat cælum, tempestas erit, & pluvia in cruce sequetur sanguinolenta*, per quam mundus immundus non tam abluetur à sordibus, quàm & de novo ad ferendos bonorum operum fructus restaurabitur &c. Ex his facillè rationem erues, quare pientissima Virgo sub auroræ tempus in lucem nata sit: *SS. Deipara*, ait Azorius, *illucescente aurora nata est*; adverte: aurora aut serenum aut pluviosum indicat diem, si clara & aurea est, candidum, gratumque prælagit diem, unde lemma: *Optatam feret illa diem*; si autem roseo spectabilis ore est, nimiumque rubicunda, brevi in pluvias solvetur, hinc rursus lemma: *Venturos indicat imbres*; vel brevius & melius: *Rubicunda procellas*. O pientissima Virgo, utrumque per gloriosam Natiuitatem tuam mundo annuntiasti, dum optatam ei diem tulisti, & simul sanguinæ tempestatis in cruce futuræ nuntia & prodroma extitisti: *Hæc est*, ait B. Petrus Damianus, *aurora, quam sequitur, imò de qua nascitur Sol justitia* &c.
6. Collige ex his, anima Christiana, aliquam pro te doctrinam: *Aurora*, ait B. Albertus Magnus, idem est, quàm *Aurea hora*, vel *Aura rorans*, dum non tantum orbi in tenebris sepulto primam lucem producit, sed & fecundissimo rore languentia terræ germina, fata & granina, flores, hortos & campos mirè refrigerat, atque fecundat, unde lemma: *Cælestis vegetat liquor*. Talis *aurora*, seu *aurea hora*, vel *aura rorans* etiam Beatissima Virgo in sua gloriosissima natiuitate nobis extitit, dum per eam Christus DEUS noster, quem SS. Patres per plura sæcula tot ardentibus votis ut descendentem cœli rorem desiderabant: *Rorate cali desuper, & nubes pluunt justum*; ad nos venire dignatus est, qui exinde arida mortalium corda gratiæ suæ rore mirè refrigeravit,



geravit, fecundavitque. Roga, ô anime mi, & per dulcissimum COR SS. Matris ejus obsecra amantissimum Redemptorem, ut pariter cor tuum languidum, aridum ac tepidum divino gratiæ rore dignetur perfundere: *Quæramus gratiam, inquit Mellissius, & per MARIAM quæramus, quia quod*

S. Bernh.  
in Serm.  
de Nat.

Ad conspectum auroræ volucres cœli, quasi de novo redivivæ, mirè exultare, Deumque creatorem suum concordibus laudare vocibus solent; econtrâ noxiæ bestiæ, de nocte ad rapinas & cædes excurrentes, & lucifugæ noctuæ ad ortum illius primæ lucis tremulæ aufugiunt, obscurasque in sylvis repetunt latebras, proinde huic auroræ non incongruè iterum pro lemmate inscribes: *Illuminat, & eliminat.* MARIA recens nata hæc mystica

& lucida aurora fuit, dum auream reduxit ætatem, ad cujus ortum mox aves cœli, hoc est, boni Angeli & piæ fidelium mentes mirè jubilabant; econtrâ noxiæ bestiæ & turpes noctuæ, hoc est, maligni Spiritus, qui prius orbi dominabantur, ad conspectum hujus Mysticæ auroræ fugati, & in antra sua infernalialia redire coacti sunt: & quemadmodum populus ille Israëliticus ad

Ex. 14, 24.

ortum auroræ, à durissima Ægyptiorum servitute à DEO liberatus, sicco pede per Mare Rubrum in terram desiderabilem traductus est; impio econtrâ tyranno Pharaone cum universo exercitu suo in profundo maris submerso; sic per nativitatem B. Virginis, prout canit Ecclesia, *salus mundi*

*credentibus apparuit*, dæmoni verò & exercitui ejus exitium ac interitus, dum hac ipsâ die Delphicum illud Apollinis simulacrum, ex quo hætenus dæmon ad gentiles loquebatur, horrendum edens sonum, in conspectu populi corruit; & sicut quondam in castris Assyriorum in aurora *una Mulier*

Joan. Patr.  
Jerosol. lib.  
de opere  
Menoeh.  
tom. 9. Bibl.  
p. p.

*Hebræa* (Juditham intellige) *fecit confusionem in domo Nabuchodonosor*; ita una Mulier Hebræa & Virgo MARIA vix in lucem nata in castris principis tenebrarum & in domo Luciferi maximam causavit confusionem; ô pietissimum! quàm melius de te dicere possumus, quod olim de Juditha plenis faucibus prædicatum est: *Tu gloria Jerusalem; tu latitia Israël; tu honoris-*

Judith. 14,  
16.

*centia populi nostri.* Ad adventum auroræ universa terræ facies exhilaratur: ægri, qui totâ nocte cum acerbis conflabantur doloribus, refocillantur, ac respirant; pecora & jumenta læta ad pascua se parant; artifex, villani & operarii ad labores se se accingunt: *Exibit homo ad opus suum, & ad operationem suam*

Judith. 15,  
10.

*usque ad vesperum.* Verbo: ad adventum auroræ universa reviviscit natura.

Psal 103,  
23.

O Bone DEUS, tu es, *qui fabricatus es auroram & solem*; per auroram SS. Matrem tuam, sub tempus auroræ in lucem natam, & per Solem ejus Filium, tanquam Sponsum de thalamo Virgineo prodeuntem, agnoscimus: quid non sperare possumus sub patrocinio tantæ Matris, quæ *Nata, Parens-*

Psal. 73, 16.

*que fuit?*

Mater Dolorosa.

E

7. Nata

# 34 Consideratio IV. cur B. Virgo juxta piscinam nata?

3. Ioan. Da-  
masc. l. 4.  
de fide. c. 15  
&c.  
Ioan. 5, 3.

7. Nata est autem hæc SS. Virgo juxta S. Damascenum & plures alios Jerosolymis in domo Probatica Joachim & Annæ, hoc est, juxta celeberrimam illam Piscinam probaticam, ubi jacebat multitudo magna languentium, cæcorum, claudorum, aridorum, expectantium aqua motum; & quid, obsecro, hoc aliud præsignabat, quàm quòd mitissima illa Virgo & Mater DEI electa in hoc magno mundi Xenodochio futura esset exoptata salus infirmorum, refugium peccatorum, solatium afflictorum, & omnium languentium animarum securum asylum? sic non immeritò huic Mysticæ nostræ Piscinæ Probaticæ pro lemmate majoribus & aureis caracteribus inscribimus: AFFLICTIS SPES UNICA REBUS. O Christiani! ô miseri! ô languidi! imò & desperabundi! respirate: *MARIA*, ait Doctor Mellissus, *omnibus misericordiæ sinum aperit, ut de plenitudine ejus accipiant universi: captivus redemptionem, ager curationem, tristis consolationem, peccator veniam, justus gratiam, Angelus latitiam, denique tota Trinitas gloriam, Filii Persona carnis humanæ substantiam, ut non sit, qui se abscondat à colore ejus.* Ah quid times, anime mi, accedere ad hanc pientissimam Matrem tuam? Mater est, & sufficit.

5. Bernh.  
Serm. B. Ma-  
riæ de Verb.  
Apost. f. 53.

Nata autem fuit, prout dictum est, & quod bene observandum, juxta Piscinam Probaticam, quæ habebat quinque porticus, cujus aquæ semper rubebant ex cruore victimarum, quæ in eadem abluebantur Piscina, priusquam in ara DEO per ignem cremarentur. Hæc, inquam, Piscina typus elegantissimus Dominicæ Passionis fuit; ita D. Antonius Paduanus: *Piscina est Passio Christi, porticus quinque vulnera ejus*; addit Ludolphus Carthusianus, in eadem piscina illud lignum tempore Christi Passionis esse inventum, ex quo Crux fabricata est, in qua salutis author pependit, & propriâ morte mortem omnium superavit; & juxta hanc Piscinam, observa, nata est in lucem Virgo illa intemerata & innocentissima, & quid hoc aliud præsignavit, quàm quòd aliquando juxta Crucem, ubi vera illa gratiarum piscina pro salute mundi foret adaperienda, stare deberet, ut fidelis salutis nostræ advocata, & coadjutrix redemptionis, non quidem Redemptori nostro comoriendo, sed illi subministrando humanitatem, tanquam Divinitatis instrumentum, quò ipse redemptionem operaretur: *Stabat autem juxta Crucem JESU Mater ejus &c.* O pientissima, quis non amet te?

5. Ant. in  
hunc loc.  
Ioann. 5.  
Ludolph,  
Carth. p. 1.  
cap. 77.

Ioan. 19, 25




## CONSIDERATIO V.

B. Virgini Dolorosæ nomen imponitur, MARIA,  
quod dulce & amarum est, quia amarum mare &c.



Et nomen Virginis MARIA.

*Luc. 1, 27.*

- I.  Ur Adam à DEO hoc nomine nuncupatus sit, in promptu causa est, quia *Homo ab humo*, & Adam ab *Adama*, quæ terram significat. Cur Eva ab eodem Adamo *Eva* fuerit vocitata, rationem Scriptura addit, quia futura erat *Mater cunctorum viventium*, hoc enim Evæ nomen Genes. 3, 20 designat. Sed adverte; quemadmodum Eva in vita temporali cunctorum viventium protoparens est, ita B. Virgo Dolorosa in vita spiritali & æterna, dum DEUM nobis protulit & hominem, atque sic fidelissima in generis
- E 2
- humana-



humani redemptione cooperatrix extitit, longè potiore jure ac ratione cunctorum viventium ac Christi fidelium Mater est appellanda; & nunquid *Rebus conveniens nomen in omen abit*? Hinc haud immeritò inter Doctores ac SS. Patres quæstio exorta est, quare SS. Deipara non Eva, sed MARIA octavo post nativitatem suam die à SS. Parentibus Joachimo & Anna vocata sit?

B. Alb. M.  
sup. Missus  
cap. 60.

S. August.  
Serm. 2. de  
Annunt.

Respondet B. Albertus Magnus, nequaquam conveniens fuisse, DEI Matrem Evam appellari: *Cùm Sanctissima*, inquit, *hæc Virgo primario electa non sit ad impertiendum nos vitâ spirituali, verùm ad progignendum è castissimis virginalis uteri visceribus DEI Filium, ac Mundi Redemptorem; parùm convenisset, priore nomenclaturâ neglectâ, unius posterioris curam habuisse.* Magnus Aurelius Augustinus alias subdit rationes, quare nomen Eva B. Virgini non convenerit: *Eva*, ait *damnavit*, *MARIA* *salvavit*: *illa occidendo obfuit, ista vivificando profuit*: *illa Eva vocata extitit, ista nomen Evæ mutavit, non quidem voce, sed re.* *Illa omnes homines carnaliter generavit in mundum, ista spiritualiter regeneravit in cælum: illa gratiam perdidit, ista gratiam invenit: illa facta est de latere viri dormientis, ista de corde DEI vigilantis: illa viro suo occasio fuit perditionis, hæc viro, id est, Christo, adjutorium redemptionis &c.* O qualis discrepantia inter utramque! quàm inconveniens igitur fuisset, si utrique idem nomen cessisset.

Gen. 17, 15

Sed dices, quare hæc Sacratissima Virgo non fuit appellata *Sara*, vel *Sarai*, quod nomen idem est, ac *Dominæ & Princeps plurimarum gentium*; quod ad impletum, dum Isaac, generis non duntaxat Hebraici, sed & humani delictum genuit, ex quo orbis Servator Christus suo tempore erat nasciturus? Et nunquid figurans cum figurato correspondeat, necesse est? Vel cur non nominata fuit *Rebecca*, quæ duplex Mater extitit, dum uno partu Jacob & Esau progeniuit; ita, subintrat hic Mellissius, B. Virgo duplex Mater effecta est, DEI & hominis, Regis & exulis, Christi & peccatoris? Cur non *Rachel*, quæ Joseph in lucem edidit verè *filiū accrescentem*, qui elegantissimus Christi typus per omnem vitam extitit? Aut quare non *Abigail*, quæ iratum Davidem placavit? *Esther*, quæ Hebraicum populum ab interitu servavit? Vel denique *Anna*, quia passim à Matribus nomen assumunt proles?

Genesi 25,  
25.

S. Bernh.  
sup. sig.  
Magnum,  
Genes. 49,

22.  
1. Reg. 25.  
23.  
Esth. 8, 5.

S. Vincent.  
Ferr. Serm.  
1. de Nat.  
Deip. & plu-  
res alii.

Verumenimverò nullum horum nominum placuit SS. Trinitati, sed voluit, ut MARIA appellaretur; ita enim insinuavit S. Joachimo & Annæ, Sacratissimis conjugibus per Angelum: *Et vocabis nomen ejus MARIAM.* Et quare MARIA vocata est? Interim libeat, prudens Lector! inspicere Emblemata, in quo Aurantium malum, ob certam cum auro similitudinem sic nuncupatum, tibi exhibeo, & quia hoc pomum aureum dulcis quidem Saporis est, sed amari corticis, idèò pro lemmate inscribere placuit:

Dulce amarum.

O pien-

O pientissima Virgo! rectè SS. nomen tuum MARIA cum hoc aureo pomo assimilatur, dulce enim est, sed & amarum, quam veritatem in præsentī consideratione dilucidabimus.

2. Dulce est hoc SS. Nomen MARIA, quia *Dominam* significat: *Sermo- S. Isidor.*  
*ne autem Syro*, inquit S. Isidorus, *MARIA Domina nuncupatur: pulchrè, lib. 7. Ety-*  
*quia Dominum genuit.* Ita in omnibus propemodum linguis ac nationibus molog. c. 10.  
 hoc sacrosanctum nomen exponitur, & nuncupatur DOMINA; & rectè,  
 si enim Creator ac Dominus universorum, cui venti, mare & omnia obe-  
 diunt, *erat subditus illi*, dignum & justum est, ut & ipsa omnium nuncupe- Luc. 2, 51  
 tur Domina creaturarum. Hinc cœlestis ille Legatus, à SS. Triade ad an-  
 nunciandum Verbum incarnandum ad eam missus, non ausus est proprio il-  
 lam nomine in primo ingressu suo salutare: *Ave MARIA*, sed *Ave gratia*  
*plena.* Causam subjungit Didacus Stella: *Non eam*, inquit, *proprio nomine* Luc. 1, 28  
*nuncupavit propter suæ dignitatis altitudinem*, non enim in hoc terrarum orbe Stella hic in  
 moris est, ut Imperatores, Reges ac Principes etiam in familiari alloquio Lucam.  
 proprio nomine salutemus. Disce hîc reverentiam, disce amorem erga hoc  
 SS. Nomen, si enim Domina est, quia peperit nobis mundi Dominum, ubi  
 amor, ubi cultus, ubi nostrum erga eam obsequium? Si in SS. Nomine JE-  
 SU omne genu flectitur, *cœlestium & terrestrium & infernorum*, oportet, ut Phil. 2, 10  
 & nos hoc dulcissimum Nomen *MARIÆ* summâ, quâ decet, demissione  
 veneremur.

3. Aliud pulcherrimum argumentum pro Dominio *MARIÆ* anno-  
 tavit S. Bonaventura, qui in exemplum formosissimam illam reginam Esther  
 adducit, quam duæ ad Assuerum regem comitatæ sunt ancillæ, quarum uni  
 Esther ob corporis teneritudinem innitebatur, altera verò hanc Dominam  
 suam secuta, defluentia colligebat vestimenta: *Cumque regio fulgeret habitu,* Esth. 15, 5  
*& invocasset omnium Rectorem & Salvatorem DEUM, assumpsit duas famu-*  
*las, &c.* Supra quod pereleganter memoratus Doctor Seraphicus: *Duæ S. Bonav.*  
*famulæ, inquit, quarum Regina est MARIA, sunt Angelica & humana na- in Spec.*  
*tura. Humana est famula illa, quæ sequitur Dominam, in mundo colligens ve- B. Virg.*  
*stimenta Dominae, hoc est, virtutes, & exempla MARIÆ: Angelica verò est*  
*illa altera, super quam in cælo innititur, se sociando ac deliciando cum Ange-*  
*lis, &c.* Hinc optimè observat Magnus ille Cancellarius Parisiensis, quòd Ioan. Person.  
 regnum DEI in duas partes divisum rectè dici possit, cujus pars una justi- Tr. 4. in  
 tia, alia misericordia est; justitiam sibi Filius reservat, cui Pater dedit omne Magnif.  
 judicium, alterum regni dimidium, hoc est, misericordiam *MARIÆ* con- Exerc. 5.  
 tulit. Audi & Arnoldum Carnotensem: *Christus, ait, est Dominus MA-* Arnold.  
*RIA Domina, constituta quippe est super omnem creaturam, & quicumque JE-* Carnot. tr.  
*SU curvat genu, Matri quoque pronus supplicat.* O planè immensam hujus de laud.  
 SS. Nominis *MARIÆ* dignitatem! Erige te, quicumque tandem es, Serve Virg.



In Ciro.  
Menstr. die  
28. S. Ephr.  
Orat. de  
Virg.

S. Ambros.  
lib. de In-  
stitut. Virg.  
cap. 5.  
Eucher.  
lib. 2. in-  
struct. c. 5.

S. Bonav.  
in Spec.  
B. Virg.

S. Bernh.  
hom. 2. sup.  
Missus, Euseb.  
Emes. hom.  
in Epiph.

S. Bonavent.  
in Spec.  
B. Virg.

& Cliens Mariane! erige, inquam, te, non enim duntaxat potentem, sed & clementissimam, ac benignissimam habes Dominam, quam, si sincero ac filiali amore diliges, in omnibus tuis, tum animæ, tum corporis necessitatibus senties propitiam: *Mergar*, dicit quidam devotus Asceta, *licet inferis collo tenus, inde cæli Reginam in opem vocabo, miserationi ejus integrè me committam: nemo enim potest inter MARIÆ brachia perire; & S. Ephrem: Nomen MARIÆ, inquit, est refectorium portæ cæli. Vide hîc, anime mi! quàm dulce sit nomen MARIÆ.*

4. Dulce insuper est SS. Nomen MARIA, quia juxta S. Ambrosium idem significat, quàm *DEUS ex genere meo*; vel potius: *Filius DEI ex genere meo*; quid excellentius, & quid dulcius? Item *Illuminata, & Illuminatrix*; ita D. Eucherius; sicut enim luna, testis in cælo fidelis, à sole illuminata universæ terræ, cum plena est, de nocte intempesta suam communicat lucem: ita B. Virgo, quæ *pulchra ut luna*, à Christo (Mystico justitiæ Sole) participatum lumen non Apostolis, Evangelistis, primis Martyribus ac Christianis duntaxat, dum adhuc in vivis erat, sed & omnibus Christicolis, ac præsertim de salute æterna periclitantibus, atque in umbra mortis sedentibus communicavit, & etiamnum hodie communicare assolet. Proin rectè illius SS. Nomen interpretatur *Illuminata & Illuminatrix*. Audiamus S. Bonaventuram: *Ipsa est, inquit, cujus vita gloriosa lucem dedit sæculo, ipsa est lucerna Ecclesiæ, ad hoc illuminata à DEO, ut per ipsam à tenebris mundi illuminaretur Ecclesia &c.*

5. Exponitur ulterius hoc SS. Nomen MARIA, *Stella maris*. Ita Mellissus: *Nomen Virginis MARIA, inquit, quod interpretatum Maris Stella dicitur; ipsa est præclara & eximia Stella super hoc mare magnum & spatiosum sublevata, micans meritis, illustrans exemplis. Et Eusebius Emesenus auctor antiquissimus homilia in Epiphaniam Domini ita de hoc Nomine differit: Veniunt, ait, Magi Bethlebem, stat supra domum illam, in qua erat Virgo MARIA, stat stella supra stellam, MARIA enim stella maris interpretata est. Stella itaque Filius, stella & Mater; stella oritur de stella, sed major quæ oritur, quàm illa, de qua oritur &c.* Et quemadmodum per hanc maris stellam inter tot ventorum ac procellarum furias navigantes ad optatum diriguntur portum, ne in Scopulos, Syrtes, Scyllas, Charybdes impingant, ac pereant, ita per MARIAM Christiani diriguntur ad gloriam & salutem obtinendam æternam; undè rectè Seraphicus Doctor: *Legitur, inquit, & verum est, quod nautarum mos est, ut cum in aliquam terram navigare disponant, unum sidus eligant, cujus signo luce radiante in eam, quam desiderant, partem, possint sine errore adduci: Tale certè officium est Stella nostræ MARIÆ, quæ navigantes per mundi mare in navi innocentia, vel pœnitentia dirigit ad litus cælestis patriæ.*

Vide.



Vide ex his, anime mi! atque considera, quàm dulce ac gloriosum sit hoc Sacrosanctum Nomen MARIA; Et si Romani olim in omni hostili incurfu ad suum Capitolium confugiebant, Babylonii ad turrin Babel, Burgundi ad Burgum &c. ita Sodales ac Clientes Mariani ad MARIAM, velut ad turrin fortissimam contra omnes inimicorum assultus se conferant, quia *Turris fortitudinis est à facie inimici.* Imò hoc SS. Nomen non turris dumtaxat fortissima est, sed & civitas inexpugnabilis, ita Vates Regius: *Qui diligunt Nomen ejus, habitabunt in ea;* hoc est, sub securissimo tanti Nominis patrociniò, tanquam in munitissimo propugnaculo contra omnes hostium incurfus. Audi pro tuo solatio & S. Birgittam, imò ipsam SS. Deiparam ad hanc Divam loquentem: *Omnes demones verentur hoc Nomen, & timent, qui audientes hoc Nomen MARIA, statim relinquunt animam de unguibus, quibus tenebant eam.*

Psal. 60. 4

Psal. 68, 37

S. Birgitt.

lib. 1. Rev.

cap. 9.

6. Verùm progrediamur in expositione hujus SS. Nominis MARIÆ ulterius; & quid audio? ergo hoc dulce Nomen amarum sit? quinimò amarissimum: *Myrrha maris* est, ita SS. Ambrosius, Hieronymus, Epiphanius & alii, quod colligunt ex duobus nominibus Hebraicis, videlicet *Mor*, quod myrrham, & *Jan*, quod mare significat; fuit ergo hæc dulcis Virgo præ cunctis quidem mortalibus gratiâ plenissima, sed & innumeris ac plane immensis amaritudinibus in anima repleta, quæ jam tunc temporum intervallo vix in lucem edita cum Noëmi dicere poterat: *Ne vocetis me Noëmi; id est, pulchram, sed vocate me Mara, id est, amaram, quia amaritudine valde replevit me Omnipotens.* Et si S. Joanni Damasceno, S. Bonaventuræ, B. Alberto Magno ac pluribus aliis SS. Patrum credimus, juxta etymon sui SS. Nominis MARE AMARUM per omne vitæ curriculum extitit, hoc enim propriè illius Nomen indicat. O Beatissima! Si conveniunt rebus nomina sæpe suis, quid adhuc erit de te? *Martyres*, inquit S. Joan. Damascenus, à glorioso passionum triumpho nominantur, & MARIA à futuro dolore capit nomenclationem, dum mare amarum interpretatur.

S. Ambros.

lib. de In-

stitut. Virg.

&amp; alii.

Ruth. 1, 20

S. Joann.

Damascen.

l. 4. cap. 15

Perlegantem de hac veritate nobis subministrant figuram Sacræ Pagine. Cum regnante Pharaone in Ægypto immanissimo tyranno omnes Hebræorum masculi in profluentem, velut canes vitâ indigni, abjicerentur, & amarissimus parentes inter ac amicos exoriretur luctus, Amramus & Jochabeta Israëlita & piiissimi conjuges filiam calamitoso tunc temporum intervallo natam in memoriam hujus ac tantæ amaritudinis MARIAM, id est, inquit Cornelius & passim alii, *Myrrham maris* appellarunt, quæ Maria Moysen fratrem suum germanum in scirpea fiscella in Nilo expositum, ambulans in ripa observavit, matricque jussu Therncut filix Regis nutriendum, & donec adolefceret, educandum reddidit. Tandem grandior facta, & permanens virgo, sicut Moyses virorum, ita illa mulierum dux in transitu maris Rubri

Exod. 1, 4

Exod. 15,  
20,

Rubri extitit: *Sumpsit ergo MARIA Prophetissa, soror Aaron, tympanum in manu sua, egressaque sunt omnes mulieres post eam &c.*

S. Ambros.,  
Exhort. ad  
Virg.

1. Reg. 25.

S. Bonav.  
de laud. Virg.  
cap. 7.  
Hadr. Lyr.  
in Trisag.  
Pausa 9.

Vide hîc, prudens Lector! antiquissimam Mariani Nominis etymologiam. Hæc MARIA Virgo, subintrat hîc D. Ambrosius, soror Moysis & Aaron, typus fuit intemeratæ Virginis ac Matris DEI MARIÆ, illa myrrha maris in umbra vocabatur, & hæc in veritate erat myrrha maris amarissima, imò mare amarum & pelagus omnium dolorum: *Sicut nomen ejus, sic & ipsa.* Et licet in mare diversa se se effundant flumina, ac desuper dulcibus rigetur cœli pluviis, mare tamen amarum perseverat, unde lemma: *Nil de falsedine lîquit*: ita & in mare mysticum, MARIAM, quamvis omnia flumina, id est, teste S. Bonaventura, gratiæ & charismatum dona intrare soleant, nil tamen hoc amare quidquam de falsedine perdit, sed mare amarum permanet: *Sicut nulla, ait Hadrianus Lyræus, in mari gutta est, quæ amara non sit, sic nullum Marianæ vitæ momentum, quod plurimarum afflictionum & arummarum non imbuît amaritudo.* Et hoc significat SS. Nomen MARIA, cujus si veri filii ac clientes esse discupimus, sine animi amaritudine recordari non possumus,

1. Reg. 17,  
49

S. Bonav.  
in Spec.  
Virg. cap. 1.

7. Habet autem hoc admirabile & gloriosum Nomen quinque litteras, dignas, ut à nobis intellectu attentiore considerentur. De Davide tum adhuc puero pastoritio recensent Regum libri, quòd contra Goliath pugnaturus quinque limpidissimos lapides de torrente elegerit, quorum unum fundæ imposuit, in quo nomen Josue (per anagramma O JESU) erat exaratum, in cujus SS. Nominis virtute gigantem prostravit, & insignem ab eo reportavit victoriam: *Et misit manum suam in peram, tulitque unum lapidem, & fundâ jecit, & circumducens percussit Philisthæum in fronte: & infixus est lapis in fronte ejus, & cecidit in faciem suam super terram &c.* En perelegantem typum SS. Nominis JESU & Quinque SS. Vulnerum ejus, unde rursus S. Bonaventura: *Sicut Christus, ait, quinque Vulneribus suis contulit planè remedia mundo; sic MARIA suo sanctissimo Nomine confert quotidie peccatoribus veniam in hoc mundo*: intellige per potentissimam suam intercessionem, quia Mediatrix, Adjutrix, Reparatrix, Illuminatrix, & Advocata est, ita SS. Nomen ejus MARIA.

Isidor. Cla-  
rus in hunc  
loc. Pao-  
letti & alii.  
Judith. 16,  
11

De fortissima Judith commemorant Sacrarum litterarum Interpretes, quòd quinque pretiosis gemmis, quas in Sandaliis suis collocaverat, Holofernus animum obcœcaverit, atque in sui amorem attraxerit: *Sandalia ejus rapuerunt oculos ejus &c.* Plus virtutis in Nomine MARIÆ, singulæ enim litteræ pretiosæ sunt gemmæ, quibus animæ tuæ hostes poteris debellare, &c.

M. Mar.

**M.** *Margaritham* denotat, de qua lemma: *Cælo facunda parente*, solet enim *Margaritha* è distillante, limpida & purissima roris cœlestis guttula confici, & intra concham reponi: ita in utero B. Virginis Verbum Divinum cum natura humana hypostaticè unitum est.


**A.** *Adamantem* indicat, de quo lemma: *Gemmâ pretiosior omni.*

Talis adamas B. Virgo erat, cujus dignitas tanta est, eò quòd Mater DEI<sup>Th. 1. p.</sup> sit, ut, teste Doctore Angelico, non solum omnium hominum, sed & Angelorum excedat dignitatem, excellentius enim est esse Matrem Principis, quàm<sup>q. 25. ad 6.</sup> ministrum, &c.<sup>cap. 4.</sup>

**R.** *Rubinum* designat, de quo lemma: *Cruore notabilis ipso*; quò enim rubicundior, eò pretiosior esse solet, hinc & rubore suo passionem exprimit. Ejusmodi rubinus SS. Deipara in cruenta Filii passione extitit, & licet ipsa Sanguinem suum non fuderit, Christi tamen pretioso Sanguine stans juxta crucem abundè rigata, atque delibuta est. ubi *Sanguis sanguinem tetigit.*

**I.** *Jaspidem* demonstrat cum lemmate: *Viore perenni.* Est autem Jaspis subviridis coloris & pellucidus, spei humanæ Symbolum; sed optimus ille est, cui alba linea transversa est; estque singulare, teste Dioscoride, contra venena & veneficia amuletum. O Beatissima Virgo; quid SS. Nomen tuum aliud nobis est, quàm ejusmodi salutifer Jaspis, spes & amuletum<sup>Dioscorid. l. 5. c. 160.</sup> contra omnes diabolicos & malorum insultus, ac præsertim tunc in ultimo agone, ex quo nobis pendet æternitas? *Qui hoc nomen retinet*, ait Seraphicus, S. Bonav. in Psalt. B. V. *non expavesceat in puncto mortis.*

**A.** *Amethystum* ostendit cum lemmate: *Miscetur violæ rosis.* Ita S. Isidorus *Amethystum* describit: *Amethystus purpureus est permixto violæ & quasi rosæ nitore*; Symbolum autem perfectæ charitatis & humilitatis est. Et quid, obsecro, humilior Ancillâ Domini? & quis unquam majore in DEUM & proximum excelluit charitate? O MARIA, finio cum Mellifluo, O Nomen suavissimum: certè non sum dignus te nominare; sed si non sum dignus propter me, sum dignus propter te, quia tu es digna nominari, & ab omnibus amari, & revereri, quia per te gratiam acquirimus, & gloriam impetramus.<sup>S. Bernh. hom. 2. sup. Missus.</sup>







quidquid habuit, quidquid potuit, quidquid erat, imò & cor suum totum in gratissimum holocaustum DEO consecravit, de quo fragrantissimo Sacrificio longè meliori jure dicere possumus: *Odoratusque est Dominus odorem suavitatis.* Proinde Emblemati nostro, in quo COR immaculatum hujus tenerimæ Virginis DEO in altari in suavissimum amoris & doloris holocaustum offertur, pro epigraphæ inscribere placuit:

## In odorem suavitatis.

Hanc in templo præsentationem hujus SS. Virgunculæ pulcherrimæ in Sacro Epithalamio adumbravit dilecta illa Sulamitis, quam, ubi Sponsus de deserto & agro suburbano in regiam suam gradatim ascendentem conspicatus est, eam virgulæ fumi ex optimis aromatibus myrrhæ & thuris & universi pulveris pigmentarii compositi assimilavit: *Quæ est ista, quæ ascendit* Cant. 3, 6 *per desertum sicut virgula fumi ex aromatibus myrrhæ & thuris & universi pulveris pigmentarii?*

O beatissima Virgo, tu es illa Sulamitis & mystica illa fumi virgula, dilectissimo Sponso tuo, Spiritui Sancto jam tunc in tenella ætate suavissimum virtutum spirans odorem: *Virgula*, inquam, non solum ob puerilem ætatem, sed etiam ob profundissimam humilitatem; parvula quidem virgula, sed rectissima, quia nullo peccato distorta; virgula ex myrrha præstantissima ad perfectam carnis, omniumque passionum mortificationem, & ex thure simul composita, quia soli DEO per orationem & altissimam contemplationem dedita: *Et universi pulveris pigmentarii*, hoc est: omnium S. Hieron. virtutum aromatibus, quæ in singulis resplendent fidelibus, ornata: *Quæ est* tom. 9. ep. ista, subintrat hîc S. Hieronymus, *quæ ascendit per desertum sicut virgula fu-* 10. ad Paulum & Eustachium, *mi ex aromatibus? & bene quasi virgula fumi, quia gracilis, & delicata, quia Divinis extenuata disciplinis, & concremata intus in holocaustum incendio pii amoris & desiderio charitatis, &c.*

2. Olim in Levitico præcepit DEUS, quatenus sibi populus electus spicas virentes & præcoquas in Sacrificium offerret: *Si autem obtuleris mu-* Lev. 2, 14 *nus primarum frugum tuarum Domino de spicis adhuc virentibus, torrebis igni, &c.* Per ejusmodi spicam virentem, de qua verum frumenti granum (Christus JESUS) prodiit, in cruce mortificandum & multiplicandum, rectè hanc tenellam & incontaminatam Virgunculam in templo præsentatam intelliges, quæ jam tunc SS. COR suum, velut frugum primitias, igne Divini amoris coctas, DEO in Sacrificium obtulit: *Velut ignis ferrum*, inquit S. Ildeph. S. Ildephonsus, *sic Spiritus Sanctus illud cor totum decoxit, incanduit, & igni-* ser. 1, de AG, *vit, ita ut in illo nihil sentiretur, nisi tantum ignis amoris DEI.*

Lev. 6, 12

O anima Christiana, si introspexisse jam tunc in hoc purissimum corculum illibatæ illius Virgunculæ, quæ à primo Conceptionis momento Spiritu Sancto plena extitit, & in qua usus quoque rationis anticipatus fuit, quid, obsecro, aliud vidisses, quàm fornacem ignis ardentis, de qua sanctæ flammulæ assidui in DEUM amoris, velut ab igne perpetuo jugiter in cælum volabant: *Ignis autem in altari semper ardebit?* Proinde jam tunc, prout testis est Seraphicus Bonaventura, de noctis medio de lectulo suo surgere solita est, & pergens ante altare templi cor suum ab omni sorde alienissimum in perfectissimum DEO offerebat holocaustum, O quàm tepidum è contrario est cor nostrum! non absimile ollæ aquis impletæ, quæ ad ignem posita quidem ebullit, sed semota rursus tepescit; ah quoties ignita & inflammata habemus desideria, & mox iterum cor nostrum in antiquum frigus abit! heu quàm meritò nobis timendum illud Apocalypseo: *Quia tepidus es, & nec frigidus, nec calidus, incipiam te evomere ex ore meo.*

Apoc. 3, 16

Gen. 22, 2

3. Recordor hîc illius Sacrificii, quod quondam Abraham & Jephthæ DEO litârunt. Ad Abraham dictum erat: *Tolle filium tuum unigenitum, quem diligis, Isaac, & vade in terram visionis, atque ibi offeres eum in holocaustum super unum montium, quem monstravero tibi.* Qui sine mora paratum se obtulit, ad montem perrexit, & ubi omnia ad immolationem & holocaustum erant præparata, magno animo strinxit gladium, filio vitam, quam prius illi dederat, extincturus. Et ecce adest in tempore de cælo nuntius: *Non extendas manum tuam super puerum, neque facias illi quidquam.* Bone DEUS! quid hoc est? Ad quid, obsecro, DEUS Abrahamum iussit Sacrificium offerre, si nunc prohibet ferire? Et nunquid DEUS in suo decreto est omnino immutabilis, non physicè duntaxat, sed & moraliter, ita ut ex animi inconstantia aliud velle non possit, quàm quòd semel decrevit: *Ego enim Dominus, & non mutor?*

Malach. 3, 6

Judic. 11,

31

Inspiciamus modò & Sacrificium Jephthæ, de quo recensent Sacræ Pagine, quòd ad cruentum prælium contra Ammonitarum Regem accingendus hocce votum fecerit: *Quicumque primus fuerit egressus de foribus Domus meæ, mihiq; occurrerit reverenti cum pace à filius Ammon, cum holocaustum offeram Domino.* Vicit Jephthæ, hostem debellavit, rediit Victor gloriosus, & ecce prima, quæ ei de domo sua in occursum venit, Jephthas, seu ut alii vocant, Seila unica filia fuit, quam mox juxta votum suum Supremo Numini in holocaustum destinavit: *Et fecit ei, sicut voverat,* dum eam non tantum gladio mactavit, sed & jugulatam in holocaustum in honorem DEI in igne cremavit; verùm nullus in hoc litando Sacrificio aderat de cælo nuntius; nullum hîc audiebatur cœleste oraculum; nullus, qui Patrem prohiberet, aut manum teneret, ne gladium in innocentem vibraret filiam? Proh Deum immortalem! quanta in utroque Sacrificio inæqualitas!

Respon-



Respondet dilucidè ad rem nostram Magnus Aurelius Augustinus, serm. 37. de  
quòd DEUS in Abrahamo potius cor & affectum, quàm effectum exquir-  
ferit: *Affectum tuum, ait, inquisivi, non factum exegi*, quâ bonâ & promptâ  
tum patris, tum filii voluntate DEUS contentus erat; & pergit idem san-  
ctus Ecclesiæ Doctor: *Quid à te DEUS expetit? quod Abraham illi dictum* Id. tom. 9.  
*est: da mihi unicam dilectum filium tuum; tibi dicit Sapientia: da mihi, fili, cor* tr. de 4.  
*tuum, offer Sacrificium, contritionem cordis Domino, &c.* En cordis obla-  
tio DEO acceptabile holocaustum est, super omne aurum & Topazion virtut. cha-  
ritatis,  
æstimandum.

Econtra nec Jephthe, nec Jephthas filia cor suum DEO consecrârunt,  
dum uterque invitus ac mœstus, scissis etiam vestimentis, & nonnisi magno  
cum luctu & ejulatu Sacrificium Domino litârunt: *Propterea, sunt verba* D. Anastaf.  
*Divi Anastasii Nicæni, neque Pater erat dignus beneficio Abraham post illam* Nic. tom. 1.  
*incredulitatem & voti pœnitentiam & vestium dilacerationem & lamentationem:* Biblio. P.  
*neque filia Isaci vitâ post impium luctum & duorum mensium ejulatum, ut qua ju-* P. qu. 36.  
*dic. irit hos Sacrificium esse quavis calamitate gravius.*

O beatissimi Parentes Joachim & Anna, quàm longè excellentius vos  
DEO obtulistis Sacrificium, dum Filiolam vestram MARIAM vix trimu-  
lam, charissimum pignus, DEO promptissimo animo & corde ad omnia  
parato in templo consecrâstis; ô gratum Divinis oculis munus Virgo tri-  
mula, sed meritis jam gravida, quam mox Pater æternus in filiam, Filius in  
Matrem, Spiritus Sanctus in Sponsam, & omnes Angeli in Reginam suam  
adoptârunt! ô prodigium, dignumque Angelis & hominibus spectaculum!  
*O par beatum Joachim & Anna, exclamat S. Joannes Damascenus, vo-* S. Joann.  
*bis omnis creatura obstricta est; per vos enim donum omnium donorum præ-* Damascen.  
*stantissimum Creatori obtulit, nempe castam Matrem, qua sola Creatore di-* orat. 1 de  
*gna fuit.* B. V. Nat.

4. Salomon Israëlitarum Rex DEO quondam integros ovium greges  
& taurorum armenta in holocaustum præsentavit, quorum cruore magni-  
ficum illud templum, à se recens exstructum dedicavit, consecravitque:  
*Mactavit igitur Rex Salomon hostias, boum viginti duo millia: arietum cen-* 2. Par. 7, §  
*tum viginti millia, & dedicavit domum DEI Rex & universus populus.* Plus  
vos DEO dedistis, ô SS. Parentes Joachim & Anna, plus, inquam, dedi-  
stis, & infinities plus, dum Sacratissimam Filiam vestram nunc tertium  
ætatis annum agentem SS. & individuæ Trinitati in Sacrarium & in vivum  
templum DEI viventis obtulistis, atque sic longè eminentiore modo illud  
templum Hierosolymitanum, quàm olim Salomon, illustrâstis.

3. Reg. 10,  
10

Luc. 6, 45

Proverb. 31,  
29

Gen. 43, 17

Plinius  
lib. 11. Na-  
tural.

Saba Regina Austri, quæ de finibus terræ ad Salomonem Hierosolymam venerat, ut ejus sapientiam audiret, inter alia dona huic sapientissimo Monarchæ præsentavit centum viginti talenta auri, & aromata multa nimis, gemmasque pretiosas, &c. *Non sunt allata ultra aromata tam multa, quàm ea, quæ dedit Regina Saba Regi Salomoni.* Plus dedit trimula hæc Virguncula MARIA Regi immortalis & invisibili, dum ei totum cor suum in amoris tesseram & doloris holocaustum obtulit: *Bonus homo, inquit Veritas, de bono thesauro cordis sui profert bonum.* O cœli Principes! videte, & considerate Reginam vestram, à SS. Parentibus vestitu deaurato adornatam, & omni virtutum genere ac varietate circumdatam, nunc in templo diu noctuque Domino virtutum assistentem; in veritate non sunt allata ultra aromata tam rara, ac tam multa virtutum, quàm ea, quæ dedit Regina vestra Regi pacifico Salomoni, dum ei totum SS. Cor suum (verè Cor secundum COR DEI) consignavit, & in paratissimam victimam contradidit; hinc verificatum fuit illud Proverbiorum: *Multa filia congregaverunt divitias, tu supergressa es universas.* Ita est, ô Beatissima! tu supergressa es universas.

Jacob Patriarcha per filios suos tempore communis egestatis Josepho potentissimo tunc Ægyptiorum Proregi optimos quosque fructus de Chanaan transmissit: *Sumite de optimis terræ fructibus in vasis vestris, & deserte viro munera - - - DEUS autem meus Omnipotens faciat vobis eum placabilem.* O beatissimi conjugum Joachim & Anna, vos revera in templo optimum fructum vestrum DEO obtulistis, sanctissimam nimirum ac intemeratam Filiam, de qua prodiit dulcis fructus JESUS. O pietissima Virgo, facias & nobis misellis peccatoribus hunc Omnipotentem DEUM ac Filium placabilem: *DEUS autem Omnipotens faciat vobis eum placabilem, &c.*

ε. Vis insuper scire, qualem in templo vitam hæc SS. Virgo usque ad felicissimam illam desponsationem cum S. Josepho duxerit? Audi, quid Plinius de melliferis apibus commemoret, qui libro 11. Naturalium docet, quòd Regem suum summo in honore habere soleant, quem in campum prodeuntem non duntaxat officiosè comitantur, atque pro illius salute generoso animo, si quod prælium cum fucis & adversariis exsurgat, vitam exponunt, sed etiam in alveari suo peculiarem thronum ex optima cera ei parant, quem redolentibus floribus cingunt & adornant, in quo Rex ipse solus sine aculeo reipublicæ præsidere solet.

Quid aliud erat SS. Virgo per duodecim annorum spatium in templo commorans; quàm talis argumentosa apicula, quæ jam tunc temporis DEI Filio & Regi suo venturo ex virginali cera illibatæ carnis suæ indefessò studio ac labore splendidissimum thronum præparavit, eumque omnigenis virtutum floribus exornavit, in quo de sinu Patris paulò post descensurus parat-

tum

tum sibi locum inveniret; & sicut illa columba Noëmica post diluvium nullum sibi locum in terra invenit, ubi requiesceret pes ejus, nisi in arca Noëmica; sic Filius DEI inter omnes mulieres nullam sibi sedem invenit, nisi in hac SS. Virgine; proinde meritò à S. Bonaventura appellatur: *Thronus gratia DEI*, & ab Hugone: *Thronus DEI in columna nubis*.

S. Bonavent.  
sup. c. 4. &  
Hugo sup.  
Ecccl. 24.

Cæterum mirantur Gentiles ingens illud prodigium, quod olim Claudia, Virgo Vestalis, ad probandam virginitatem suam navim onustissimam in medio Tyberis immotam hærentem, quam nullæ hominum, aut equorum vel boum vires è statione movere poterant, unicâ zonâ suâ, quâ erat præcincta, ad navim alligatâ, facillimo conatu, eò quò voluit, trahere potuerit, quod miraculum DEUS, teste S. Augustino, ad commendandam virginitatem edidit. Quantò magis admirari nos oportet, qui veræ fidei lumine illustrati sumus, quòd una Jessæ Virgo, non Claudia, sed clausa in templo, per funiculum orationis & altissimæ contemplationis suæ ipsum cunctipotentem DEI Filium de sinu Patris ad se in terram in sinum suum attraxerit? Audi Oforium: *Venit, inquit, in templum MARIA, ut pugnam cum DEO ineat, & DEUM superet, ac in terram dejiciat: templum verò est locus hujus certaminis, & licet DEUS ex pura gratia decreverit in mundum venire, & homo fieri, voluit tamen mundum ad eum dignè suscipiendum disponi, & ut mundus id mereretur, non quidem de condigno, sed de congruo, ut S. Thomas, aliique docent; sed hoc meritum de congruo impletum non fuit, donec MARIA in mundum veniret, & suis meritis ac oratione DEUM à cælis in terram deduceret, &c.*

Livius, &  
ex eo S. Aug.  
lib. 10.  
de Civit.  
cap. 16.  
Ofor. §. 3.  
Tom. 3.

6. Mirum est, quales ac quantas impensas olim David Rex pro novo ædificando templo Salomoni filio suo reliquerit: *Ecce ego, inquiebat, in paupertate mea præparavi impensas Domus Domini, auri talenta centum millia, & argenti mille millia talentorum*; hoc est, juxta computum Cornelii & aliorum interpretum: Bis mille & quadringentos milliones aureorum: & causam subjungit præfatus Rex: *Opus namque grande est, neque enim homini præparatur habitatio, sed DEO*. Hoc ipsum, anime mi, longè meliori jure asserere possumus de SS. Corde B. Virginis Mariæ, nunc trimulæ à pientissimis Parentibus suis DEO T. O. M. in novum templum præsentatæ; ô verè opus grande, dum non homini, sed DEO à Spiritu Sancto habitatio præparanda erat, in qua habitaret ipse DEUS cum hominibus! ô quot pretiosis virtutum gemmis, quot naturæ & gratiæ donis hoc mysticum templum exornavit Architectus tam nobilis, qui erat Spiritus Sanctus? Et si quondam formosa illa Esther, antequam potentissimo Persarum Monarchæ Assuero in Sponsam præsentaretur, priùs odoriferis unguentis, oleo myrrhino & delicatis aromatibus inungi, & pretiosis ornari debuit vestibus, ut uni Regi & homini mortali ac fragili placeret: *Quomodo gratiâ & virtutibus*, subintrat

I. par. 22.  
14

I. par. 29, I

Esth. 2, 12

hic



## 48 Consideratio VI. De B. Virgine in templo præsentata.

hic Cornelius, *uncta & ornata fuit B. Virgo, ut fieret Sponsa DEI & Mater Christi!*

Apoc. 12,  
14


S. Hieron.  
cit. à S. Bo-  
navent. in  
Medit.  
cap. 3.

7. Quæres hic, qualem vitam B. Virgo in templo duxerit, antequam ab Angelo salutaretur, & cum S. Josepho desponsaretur, an activam, vel contemplativam? Respondeo, quod utramque, hic enim verificatum fuit illud Apocalypsis: *Mulieri data sunt duæ alæ, & Mulier fugit in solitudinem, ubi habebat locum paratum à DEO.* Per has duas alas SS. Patres vitam B. V. activam & contemplativam subaudiunt, per solitudinem verò, templum Hierosolymitanum, ubi in cubili, vel etiam in Sanctuario à reliquorum hominum consortio separata diu noctuque DEO ferventissimis Spiritus ardoribus inserviebat: *Hanc sibi regulam, ait S. Hieronymus, B. Virgo statuerat, ut à mane usque ad horam tertiam orationibus insisteret; à tertia usque ad horam nonam externo opere se occuparet, à nona verò iterum ab oratione non recedebat, quò usque illi Angelus appareret, &c.*

Exod. 29,  
38  
Dionys. à  
Luxemb. in  
fest. præsent.  
B. V. Mariæ.

Observant autem Patres, quod hæc pientissima Virguncula non singulis duntaxat diebus ordinario Sacrificio Matutino, sed & Vespertino maximo spiritus cum fervore interfuerit, per quæ cruenta Sacrificia Agni videlicet Matutini & Vespertini, atque aliorum holocaustorum & victimarum clarissimè, velut in speculo futuram Messia passionem, ac cruentam crucis mortem prævidit, quam non sine lacrymis ac suspiriis jam tunc tenella Virgo meditabatur; omnia enim ista legalia Sacrificia Christum JESUM patientem & Crucifixum juxta Cornelium & alios præsignabant. Hinc collige, anime mi, hujus Sacratissimæ Virginis & amorem & dolorem, quibus jam tunc innocentissimum Cor ejus erga venturum orbis Redemptorem & genus humanum in peccatis deperditum afficiebatur. O quantum obligati sumus huic tenerrimæ Virgini, quæ nobis misellis jam tunc potissimum Divini Verbi incarnationem ac passionem promeruit! Fateor cum S. Bernhardo. *captus sum amore hujus Virginis, & Matris DEI MARIE, quam semper amavi, in qua post DEUM omnis mea spes, illam unicè diligo, illam inquiri, illam videre concupisco; hac est amica mea, illa pulchra illa dulcissima Virgo, &c.*

S. Bernh.  
sup. Salv.  
Reg.



# CONSIDERATIO VII.

Consideratur puritas Dolorosæ Virginis, primæ  
inter omnes votum Virginitatis DEO emittentis.



Quomodo fiet istud, quoniam virum non cognosco? *Luc. 1. 34.*

**I**N quo pretio in veteri quondam Testamento virginitas fuerit, abundè patet ex Seila Filia Jephthe, quæ, cum ex patre intellexisset, se ex voto ejus ob reportatam contra Ammonitas victoriam DEO T. O. M. in victimam esse destinatam, voluntati quidem parentis non contradixit, sed ultro sese ob amorem patriæ morti & immolationi obtulit, verum virginitatem suam, & ætatem virginalem nunc nuptiis opportunam duobus mensibus in montibus amaris deflevit lacrymis : *Dimitte me, ut duobus mensibus circummeam montes, & plangam virginitatem meam cum Sodalibus meis,* *Iudic. 11.*  
*Mater Dolorosa.* 37

erat enim illo carnali ævo valde triste, ac dedecorosum, sine prole vivere, sine hærede mori, hinc steriles maledictæ dicebantur.

Luc. 1, 34 His non obstantibus B. Virgo inter mortales omnes prima votum virginittatis Supremo Numini emittit: *Quomodo fiet istud, quoniam virum non cognosco?* Quibus verbis juxta mentem SS. Patrum castitatem Angelico Nuntio prætulit, & maluit esse Virgo, quam Mater Christi præcisè cum jactura castitatis, proinde utrumque de congruo meruit, ut Virgo perpetua permaneret, & simul Mater DEI fieret: *MARIA*, inquit S. Ambrosius, *signum sacra virginittatis extulit, & intemeratis virginibus primum Christi vexillum levavit.* Imò quod plus est, juxta mentem illuminatissimorum Theologorum, Sacratissima Virgo, quia usum rationis ad spiritualia jam à primo immaculatæ Conceptionis suæ instanti habuit, jam in utero materno voto explicito & absoluto DEO virginittatem suam consecravitt; rationem assignant docti Theologi, quia SS. Deipara jam tunc Majestatem Divinam & immensam DEI pulchritudinem, tanquam entis purissimi contemplata erat, unde summo perè in ejus amore exarsit, eumque sibi in unicum & castissimum Sponsum, *qui pascitur inter lilia*, castisque oblectatur virginibus, elegit.

Cant. 2, 16

Ila. 7, 14

Cant. 7, 2

Cornel. hic.

Psal. 44, 16

Hic verificatum fuit illud Isaïæ Prophetæ: *Ecce, Virgo concipiet, & pariet filium.* O quam benè de hac purissima Virgine & Sponsa sua Divinus ille Sponsus: *Venter tuus sicut acervus tritici, vallatus est liliis*; supra quod Cornelius: *Venter B. Virginis fuit acervus tritici, id est, Christi, qui cibus & panis est Christianorum, vallatus liliis, id est, virginibus*, quarum antesignana & princeps extitit B. Virgo MARIA: *Adducentur Regi Virgines post eam*; cui Virginæ Matri, candoris sui integritate omnes creaturas, imò & Angelos longissimè superanti, pro Symbolo candidissimum lilium statuimus cum lemmate:

## Virginei laus prima pudoris.

S. Epiph.  
lib. de laud.  
Mariæ.

Sicut enim lilium flores supergreditur omnes, sic B. Virgo, ait S. Epiphanius, *est lilium immaculatum, sublimior Angelis facta est, superior ipsis Cherubim & Seraphim, placens Christo Regi, à DEO in honore habita tanquam ancilla digna & Mater sancta, immaculata, solo DEO excepto cunctis superior existit.*

Genes. 3, 9

2. De Noë Patriarcha recensent sacræ litteræ, quòd cessante universali diluvio, & arca super montes Armeniæ requiescente, ut tempestatem exploraret, corvum & columbam dimiserit; corvus, quia sufficientem sibi escam in submersorum, tum hominum, tum pecorum cadaveribus invenit, benefactoris sui, tanquam ingratus holpes, oblitus, non amplius in arcam reversus est, sed columba, *cum non invenisset, ubi requiesceret pes ejus, re-*  
versa



*versa est ad eum in arcam, extenditque manum, & apprehensam intulit in arcam.* Res mira, quòd ista columba non potuerit in orbe reperire locum, ubi requiesceret pes ejus, & tamen corvus invenit sibi locum, ubi habitaret, & cibum, quo se reficeret? Observat hîc S. Vincentius Ferrerius, quòd per dictam columbam Spiritus Sanctus debeat subaudiri, qui in veteri Legge, & in carnalibus illis sæculis nullam sibi & VERBO incarnando dignam habitationem potuit invenire, neque voluit hæc candidissima columba cum immundo corvo in cœno, luto & fœtore immundorum humanorum cordium sibi requiem figere; quapropter justus ille Noëmus, hoc est, Pater Æternus, de novo circa vespèram mundi eandem pacificam amandavit columbam, quæ, consideratis omnium purarum creaturarum cordibus, solum in purissimo Corde B. V. MARIE primam sibi sedem, & VERBO incarnando optatam requiem invenit, ex quo SS. & Virgineo Corde, velut ex oliva speciosa virescentem illum ramusculum, hoc est, Christum, qui ab oliva nomen fortitur, mundo naufrago in signum reconciliationis in manus paternas deportavit: *Venit ad eum ad vespèram, portans ramum olivæ virentibus foliis.*

S. Vincent,  
Ferrer, serm.  
in Vigil.  
Pentec.

Gen. 8, 11

Considera ex hoc, anima Christiana, quàm mundum fuerit, & quàm purum, atque ab omni peccati labe alienum Sacratissimum COR MARIE: *Si cæli non sunt mundi in conspectu ejus:* quàm mundum igitur oportuit fuisse illud COR Virgineum, quod ipsum DEUM ad se de cœlo attraxit, *qui est candor lucis æternæ?* Et si olim arca illa Testamenti, in qua manna cum virga Aaronica asservabatur, non solum aureâ per circuitum coronâ redimita, sed & extrinsecus atque intrinsecus purissimo auro vestita, & ornata fuit: *Et deaurabis eam auro mundissimo intus & foris, &c.* Quantò magis Sacratissimum COR Virginis ac Matris DEI, velut arca animata, in qua requiesceret ipse DEUS, ab omni sorde debuit fuisse alienum? Ah quoties intrat ad nos in Divissimo Epulo ipse DEI Filius, & cor nostrum adhuc tam tepidum, tam languidum, tam durum, ne dicam, tam immundum est? *Præpara te corda vestra Domino, &c.*

Exod. 25, 11

1. Reg. 7, 1

3. Considerasti aliquando, prudens Lector, illa notatu dignissima verba, quæ Christus pientissimus Redemptor tuus, nunc de Virgineo Matris suæ utero progrediens, ad Patrem locutus est, ac tunc demum, cum in ligno crucis in manus ejusdem Patris Spiritum commendaret, de novo repetiit: *Quoniam tu es, inquiebat, qui extraxisti me de ventre: spes mea ab uberibus Matris meæ.* Quid dicis, ô mi JESU: *Qui extraxisti me de ventre?* Tertullianus antiquissimus legit? *Avulsisti me de ventre?* & cur, obsecro: *Avulsisti?* adverte, quod ab aliqua te vi avellitur, fortiter ei adhærere debet; sed Christus à ventre Matris vi avullus est, ergo fortiter ei adhæsit; ergo etiam, repones, invitus in lucem natus est?

Psal. 21, 9

Psal. 18, 6

3. Reg. 10,

18

Cant. 1, 16

Joann. 19,

41

Sim. Cass.  
lib. 13. hinc

Abſit hoc à Diviniſſimo CORDE JESU, cùm jam tunc Chriſtus in utero Matris exiſtens, amore hominum incitatus, velut gigas acceleravit ad currendam viam redemptionis noſtræ; ſed Scriptura per hoc oſtendit, quantum Chriſtus ſibi complacuerit adhuc diutius in puriſſimo Matris ſuæ utero, inò & in Corde ejus commorari, in quo velut pacificus Salomon in ſuo eburneo throno, velut Sponſus in florido ſuo lectulo, velut Sol juſtitiæ in placido Virginis ſigno, velut vermiculus tenerimus in ſuo calathiſco, & velut gemma pretioſiſſima in ſua concha, optatiſſimam ſibi ſedem elegit. Hinc cùm de cruce pro omnium ſalute paſſus & mortuus deponeretur, de novo in eodem ſinu & peſtore materno requieſcere voluit, & quemadmodum ejusmodi ſepulchrum elegit, in quo nondum quiquam poſitus fuerat, ita priùs cùm incarnaretur, ejusmodi cor & uterum elegit, in quo, prout obſervat Simon de Caſſia, nondum quiquam poſitus fuerat, neque ponendus erat.

Eccl. 26, 20

S. Beruh.

Epiſt. 42.

Symbola

varia Virginitatis.

Exod. 35, 8

Job. 39, 27

Cant. 1, 14

Matth. 5, 8

Perpende ex his, anime mi, quantum DEO placeat cor mundum & caſtum, atque ab omni mundana & carnali ſorde alienum: *Non enim*, prout loquitur Eccleſiaſticus, *eſt digna ponderatio continentis animæ*; & Doctör Mellifluus: *Differunt quidem inter ſe homo pudicus & Angelus, ſed felicitate, non virtute, eſi enim hujus caſtitas felicior, illius tamen fortior cognoscitur.* Ejusmodi cor purum & caſtum aurum eſt, inter omnia cætera metalla longè præſtantiſſimum. Roſa eſt, licet moleſtis ſubinde tentationum ſpinis juncta, cæterorum tamen ſorum fragrantiam multum ſuperans. *Thymiana* eſt, DEO, Angelis & hominibus ob ſuaviſſimum bonæ famæ & virtutis odorem acceptiſſimum. Phœnix eſt, dum dulcem nidum dilecto ſuo Sponſo & Eucharistico & Crucifixo ex lignis cinnamomi fragrantiffimis parat, eique ſoli ſeſe in dignam victimam offert. Aquila eſt, *Jovis armiger ales*, quæ duabus alis orationis & mortificationis ſublimi volatu ſupra nubes evolat, & in altiſſimis, hoc eſt, in Diviniſſimo CORDE JESU ponit nidum ſuum, ubi ſuaviter, ceu columba in foraminibus petræ, contra omnes adverſantium inſultus tuta quieſcit. Avis denique eſt para-diſiaca ſine pedibus, dum terram & carnem non tangit, ſed ſeipſam in ramis crucis ſuſpendit. *O beati nudo corde, quoniam ipſi DEUM videbunt!*

Exod. 15, 20

4. A novo ad vetus teſtamentum tranſitum faciamus. Olim Maria, ſoror Moyſis, nobilis Domina ac Virgo, inter omnes Hebræas Virgines chorum ducebat, cùm Pharaó cum exercitu ſuo in profundo maris, & in cœno impuritatis abſorptus interiit, quæ tympanum pulſans, hilariter cantavit: *Cantemus Domino glorioſè.*

Verumenimvero longè eminentiori modo in nova gratiæ lege inter omnes Virgines chorum ducit intemerata ac gloriſſima Virgo MARIA. O quot millenæ, ac millenæ Virgines, cognita hujus mundi immundi vanitate,



nitate, etiamnum in religiosis parthenonis latebris se abdunt, viventesque mortuæ sunt, ut in SS. CORDE JESU æternum vivant; quarum tu, ô beatissima! omnium Dux & Magistra fuisti, vivumque speculum, quod Sacerdotes, Religiosi ac Sanctimoniales omnes, imò & sæculares pro ratione statûs sibi ob oculos ponant, ac imitentur pro viribus: *Sit vobis*, sunt verba S. Ambrosii, *tanquam in imagine descripta virginitas, vitæque beatæ MARIE, de qua velut in speculo resulget species castitatis, & forma virtutis: hinc sumatis licet exempla vivendi, ubi tanquam in exemplari magisteria expressa probitatis, quid corrigere, quid effugere, quid tenere debeatis, ostendunt, &c.*

5. Et quid dico ulterius de te, ô innocentissima Domina? *Virgo & Mater!* *Mater & Virgo!* ita te appellare solebat S. Philippus Neri; & quid dico? Tu es illud *vas electionis*, non tantum cum Apostolo SS. Nomen JESU portans coram gentibus, sed ipsum quoque vitæ autorem in te continens. Tu es aula illa magnifica, ac splendidissimum Imperatoris æterni palatium, in quo DEO complacuit habitare cum hominibus. Tu es illa civitas DEI, cujus decorem, cum in spiritu prævidisset vates ille Regius admirabundus exclamavit: *Gloriosa dicta sunt de te civitas DEI.* Tu es fons Pfal. 86, 2 ille Jacob, & puteus altissimus, ad quem mulier Samaritana, hoc est, anima peccatrix, aquam vivam & salientem in vitam æternam cum gaudio haurire solet. Tu es iris illa in circuitu throni, mitigans iram DEI in thro-Apoc. 4, 3 no judiciali sedentis. Tu es Natatoria illa Siloë, ad quam à Christo cæcus Joan. 9, 7 ille natus missus est, ut lumen oculorum reciperet. Tu denique, ô Sacratissima & intemerata Virgo, mare es inexhaustum, omniumque gratiarum Oceanus, cui fecit Dominus magna, qui potens est, quia sunt inexplicabilia illa dona ac bona, quæ tibi contulit SS. Trinitas: *O raptrix cordium*, ex-S. Bernh. clamat Mellissus Bernhardus, *quando mihi restitues cor meum?* O purissima medit. sup. Virgo, quis satis laudet te? Salve Reg.

Pulchra erat illa Esther, Assuero potentissimo Persarum Regi in Sponsam præsentata, de qua Scriptura commemorat: *Erat Esther formosa valde, & incredibili pulchritudine omniumque oculis gratiosa & amabilis videbatur.* Esther. 2, 15 Pulchra Rebecca Bathuelis filia, de qua sacra litteræ: *Puella decora nimis, virgoque pulcherrima & incognita viro.* Gen. 24, 16 Pulchra Juditha, quam cum vidissent Assyrii, *stupentes mirati sunt nimis pulchritudinem ejus.* Judith. 10, 7 ad quam Abraham maritus: *Novi, quod pulchra sis mulier, & quod cum viderint te Ægyptii, dicturi sunt: Uxor ipsius est: & interficient me, & te reservabunt; dic ergo, obsecro, quod soror mea sis, ut bene sit mihi propter te, & vivat anima mea ob gratiam tuam.* Gen. 12, 11 Pulchræ filia Job: *Non sunt inventæ mulieres speciosæ, sicut filia Job in universa terra.* Job. 42, 15 Sed tu, ô beatissima Virgo, propter innocentiam & humilitatem CORDIS tui supergressa es universas; viderunt te filia Sion, & beatissimam prædicaverunt, & Reginæ laudave-



Cant. 1, 14  
S. Bernh.  
cit. à Cor-  
nel, hic.

daverunt te; proinde meritò à Spiritu Sancto in sacro epithalamio bis pulchra appellata es: *Ecce, tu pulchra es, amica mea; ecce, tu pulchra es.* Pulchra, subintrat hîc S. Bernhardus, propter summam innocentiam, & pulchra propter summam humilitatem, & ideò concupivit Rex decorem tuum, quia humilitatem innocentiae & virginitati sociasti.

S. Cyprian.  
de discipli-  
na & habi-  
tu Virgi-  
num,  
S. Chrysost.  
Tom. 5 hom.  
9, de pœuit.

O castæ! ô continentes animæ! O Virgines DEO sacratæ! nunc ad vos cum S. Cypriano Episcopo & Martyre mihi sermo est: Verum est: *Flos estis vos Ecclesiastici germinis, decus atque ornamentum gratia spiritalis, lata indoles, laudis & honoris opus integrum atque incorruptum, DEI imago respondens ad sanctimoniam Domini, illustrior portio gregis Christi, &c.* Sed advertite, quod Divus Chrysostomus prudentissimè monet: *Virgo à bello nunquam cessare potest, semper hîc pugnandum, semper contra sensuales appetitus luctandum erit: Virginitatis custos,* ait idem Os Aureum, *fuga & successio;* addamus nos: Oratio fervens & jejunium, fortitudo animi, Christi Crucifixi contemplatio, labor, & quinque sensuum assidua mortificatio: *Qui sunt Christi,* ait Apostolus: *carnem suam crucifixerunt cum vitiis & concupiscentiis.* Audis hoc?

Gal. 5, 24

Fab. in fest.  
S. Steph.  
Protom.

6. De Romanis potentissimis illis terrarum domitoribus recensent varii Scriptores, quòd pro mensura meritorum athleticis ac victoribus suis diversas distribuerint coronas. Illos, qui cum hoste imperii in campo generosè decertabant, coronâ castrensi donârunt; qui primi in assaltu murum conscendebant, coronâ murali; qui cives conservabant, coronâ civicâ; qui classem hostilem in mari debellabant, corona navali; & qui denique inimicum exercitum usque ad internecionem delebant, coronâ triumphali & aureâ insigniebant.

Eccl. 45, 14


Hunc modum, ut ita dicam, observat DEUS, Regum Dominus, & justus Judex, cum Christianis ac fidelibus, dum pro qualitate meritorum illis diversas decernit, ac distribuit coronas, auream quidem omnibus, tanquam præmium essentialiale, juxta illud: *Coronam auream supra mitram ejus, expressam signo sanctitatis, gloria & honoris, & opus fortitudinis;* aureolam autem (quod est singulare præmium accidentale) tantum privilegiatis quibusdam personis, quæ peculiari virtute eam in vivis meruère; in cœlesti gloria reservat; tales sunt invictissimi Martyres, qui ob arduam & cruentam pugnam, pro fide & Christo dimicatam, singulari aureolâ potiuntur; Sancti verò Ecclesiæ Doctores & Prædicatores, quia docuerunt, & sic fecerunt, parem aureolam assequuntur; & quia sacra Virgines in quotidiano & periculoso corporis & animæ duello carnem suam per assiduam mortificationem & gratiam Divinam assistentem, edomârunt, ideò tertiâ & æquè pretiosâ à Christo Sponso donantur aureolâ, Agnumque sequuntur, quocumque ierit: O quam

Sap. 4, 1

quàm pulchra est ergo casta generatio cum claritate: immortalis est enim memoria ejus, quoniam & apud Deum nota est, & apud homines.


Eja agite, animæ Christianæ! adhortor vos omnes in Christo JESU, ut hanc gratiam, & salutarem doctrinam non in vacuum recipiatis, attendite & considerate, quòd Christus ipse Virgo non nisi à Virgine nasci, & à simili Patre Nutricio sustentari voluerit: *Et erat subditis illis*; atque in cruce Luc. 2, 37 tandem moriens, tanquam *pascens* etiam tunc *inter lilia*, hoc est, Dolorosam Matrem inter & Joannem, nobilissimam animam exspiravit. Et si illi, qui in hoc sæculo castè vivunt, juxta veritatis oraculum, *similes sunt Angelis* Matth. 22, 30 *DEI in cælo*; quis, obsecro, non omnibus allaboret viribus, ut ad hanc immarcescibilem coronam & gloriam possit pervenire? Eliam zelosissimum Prophetarum vita casta in curru igneo ad paradysum transvexit: *Ascendit* 4. Reg. 2, 11 *Elias per turbineum in cælum*, Elisæum discipulum ejus, quia castè vixit, integer Angelorum exercitus defendit: *Ecce, mons plenus equorum, & curruum igneorum in circuitu Elisai*. Tres pueros Hebræorum in fornace Babylonica in medio ignis illæsos conservavit vita continens: *Non tetigit eos omnino ignis, neque contristavit, nec quidquam molestia intulit*. S. Clara, quia Virgo permansit, Assisium ab arctissima Saracenorum obsidione liberavit. S. Agnes Virgo in medio ignis illæsa perstitit. S. Luciae Virgini morienti Angeli accingebant: *O Sponsa Christi, ô columna immobilis, veni, omnes cælico-* Brev. Rom. 12, August. Id. 21. Jan. Idem. 13. Decembr. *la adventum tuum præstolantur, ut à JESU Christo coronam gloria accipias*. Si vis, anime mi, similem coronam, certa similem pugnam





# CONSIDERATIO VIII.

B. Virgo Dolorosa à SS. Trinitate ob summam  
Cordis humilitatem in dignam Deiparentem eligitur.



Et divites dimisit inanes.

*LUC. I. 53.*



**A**ssuerus potentissimus Persarum Rex, ac centum, & vi-  
ginti septem provinciarum Dominus, ubi Vasthi Regi-  
nam ob superbiam repudiavit, sibi exinde speciosissi-  
mas puellas & formosissimas virgines in diversis regni  
sui partibus inquiri jussit, inter quas omnes ob raram  
& eminentem formæ, morumque gratiam solam Esther  
in Reginam sibi selegit: *Erat enim formosa valde, & incredibili pulchritudine  
omnium oculis gratiosa, &c.*

Esther. 2,  
15

Diu



Diu & jam à mundi primordio Spiritus Sanctus ex omnibus hujus mundi puellis ac virginibus unam sibi in Sponsam & in dignam Filii DEI Matrem quæsierat, inter quas prima fronte ipsi oblata est Eva, *cunctorum viventium* Gencl. 3, 20. Mater, sed noluit eam Spiritus Sanctus in DEI Genitricem eligere, ut illa vitam pareret, quæ mortem in orbem per serpentis astum invexerat: *Dimisit inanem.*

Præsentabatur exinde Divinæ Majestati Sara, Virgo longè formosissima, de qua Abraham: *Novi, quòd pulchra sis mulier, dic ergo, obsecro te, quòd* Gen. 12, 11. *soror mea sis, ut bene sit mihi propter te, & vivat anima mea ob gratiam tui.* Sed quia hæc DEO diffidebat, & speciosè Angelis mentita est: *Negavit Sara* Gen. 18, 15. *ra dicens: Non risi, &c.* hinc meritò à tam excelsa dignitate repulsa est: *Dimisit inanem.*

Offerebatur post hanc Rebecca, puëlla eximiâ præstans & animi & corporis pulchritudine; sed quia non sine dolo cum Isaac marito suo cæco & moribundo egit, eumque insigniter decepit, dum spreto Esau primogenito, Jacobo filio natu minori supremam patris benedictionem impetravit, idcirco & ipsa ab hac dignitate rejecta est: *Dimisit inanem.*

Venit post hanc in deliberationem in Divino Consistorio elegantissima Rachel, pro qua Jacob quatuordecim annis studio planè indefesso inservit; verum quia hæc aurea patris sui Labani idola furata est: *Illa festi-* Gen. 31, 34. *nans abscondit idola subter stramenta cameli, &c.* proinde non digna extitit, ut supremum hunc dignitatis apicem conscenderet, & Mater DEI eligeretur: *Dimisit inanem.*

Quid dico de Judith, sanctâ illâ & omnibus sæculis celebratissimâ Heroïnâ, quæ singulari prudentiâ, & plus quàm virili animi fortitudine impium Assyriorum Principis Holoferni caput reseculit, & ita patriam ac regionem Judich. 14. universam ab excidio & interitu liberavit? Verum nec ista digna censa est, ut ad hanc supremam Divinæ Maternitatis excellentiam perveniret, quia valde subdole mentita est, & insuper homicidium commisit, unde irregularis facta est: *Dimisit inanem.*

Providebat denique Divinum Numen, cui omnia jam ab æterno, sicut nunc in tempore, erant præsentia, alias nobilissimas virgines ac puellas incredibili & virtutum & corporis venustate præditas, ut Susannam, Abigail, Debboram, Jahel, &c. & in novo Testamento Theclam, Catharinam, Cæciliam, Dorotheam, & innumeras alias; verum nec istæ, nec aliæ è tota sceminarum massa selectæ divinis oculis placuere, ut in dignam DEI Matrem eligerentur, quia nulla sine aliquo defectu fuit. Et ecce tandem deducitur in templum ipsum animatum Spiritus Sancti templum MARIA, annis quidem trimula, sed meritis ac virtutibus jam gravida, quam mox cœlestis Pater in Filiam, Filius DEI in Matrem.

Mater Dolorosa.

H

Spiri-

Spiritus Sanctus in Sponsam, & omnes Angeli in suam adoptarunt Reginam. O prodigium! & cur, obsecro, unica & sola hæc puella ex omnibus mulieribus in dignam Filii DEI Parentem electa est? Cur cæteras omnes dimisit inanes?

LUC. 1. 45  
S. Ildephon.  
serm. 2. de  
Assumpt.  
B. Virg.

Audi ipsam loquentem: *Respexit, inquit, humilitatem ancilla sua; supra quod pulcherrimè S. Ildephonsus: Mirâ devotione, inquit plena vox, qua dicitur: quia respexit humilitatem ancilla sua; non enim ait, quia respexit virginitatem meam, aut innocentiam, aut aliam quarumlibet virtutum gratiam; sed solam humilitatem suam respexisse Dominum humiliter fatetur, &c.*

S. Bernh. de  
prec. ad glo-  
riosam V.  
Mariam.

Ex quo patet, quanti meriti ac virtutis apud DEUM existat cor verè humile: *Nunquam, ait Mellissus de hac humili ancilla Domini, super omnes Angelos glorificata ascendisses; nisi prius infra omnes homines humiliata descendisses.* In quem finem Genium quendam statuimus, ventilabrum, seu vanum in area agitantem, ex quo grana inania, festucæ & paleæ excutiuntur, ac separantur, meliora autem in penum servantur, cum Lemmate ex Mariano Cantico mutuato:

LUC. 1. 53

## Dimittit inanes.

Jacob. 3. 6

2. Olim inter Eruditos hæc pulcherrima ventilabatur quæstio, quid in hoc mundo & maximum & minimum existat? Aliqui solem mundi oculum & astrorum Serenissimum Principem & maximum & minimum autumabant; maximum, quia juxta communissimam Astrologorum sententiam centies & sexagies major est universâ terrâ; minimum, quia intra exiguam sphaeram pupillæ oculi includitur. Alii maximum & minimum pupillam oculi judicabant, quæ, licet sit minutissima, & vix quantitatem puncti excedat, nihilosecilius usque ad cæli ambitum & firmamenti concavum sese effert. Alii maximum & minimum cum S. Jacobo in sua Canonica Epistola linguam humanam esse asserunt, *quæ quidem modicum membrum est, sed magna exaltat.* Alii cor hominis, quod licet exigua hominis portio existat, tamen per orbem non impletur: *Parrum est cor, ait Hugo à S. Victore, sed magna capit; vix ad unius milvi refectionem sufficere potest, & totus mundus ei non sufficit;* Alexandrum Magnum consule, de quo Poëta: *Unus Pellao juveni non sufficit orbis.* Nec defuerunt, qui SS. Evcharistiam & maximum & minimum esse dicebant, cui nonnemo pro Lemmate inscripsit: *Maximum in minimo.*

Hugo à S.  
Vict. lib. 3.  
de anima,  
cap. 41.

LUC. 1. 45

Si mihi licet opinionem meam in apicum proferre, dico, quod B. Virgo omnium maximum & minimum appellari possit: Maximum, quia ipsum maximum DEUM, quem cæli & terra capere non possunt, suo gremio conclusit; minimum: *Quia respexit, inquit ipsa, humilitatem ancilla sua; Cornelius legit: Vilitatem; alii ex Hebræo: Respexit annihilationem ancilla sua; quid*



quid autem minus, quàm nihilum? Et dicite, quænam major Sympathia extitit, quàm Christum inter & SS. ejus Parentem, cui illa pro Patre & Matre fuit? Nunquid uno membro patiente, compatiuntur & cætera? Nunquid Virgo dicere poterat: *Hoc os ex ossibus meis, & caro de carne mea?* Si ergo partus sequitur ventrem, non miror amplius, quòd Christus DEI & MARIÆ Filius adeò factus sit humilis, ut omnibus se sequacibus pro prima lectione proponeret: *Discite à me, quia mitis sum & humilis corde*, quia hanc summam humilitatem, ut ita dicam, à pientissima sua Matre hæreditavit, cui Virgini nihil magis cordi fuit, quàm humilitas. Audi S. Augustinum: *O vera humilitas*, inquit, *quæ DEUM hominibus peperit; vitam mortalibus edidit, cælos innovavit, mundum purificavit, paradysum aperuit, & hominum animas liberavit: facta est MARIÆ humilitas scala cælestis, per quam DEUS descendit ad terras.* Quid enim est dicere: *Respexit, nisi approbavit?* Multi enim videntur in conspectu hominum humiles esse, sed eorum humilitas à Domino non respicitur, si enim veraciter humiles essent, deinde se ab hominibus non laudari vellent; non in hoc mundo, sed in DEO spiritus eorum exultaret. Hæc S. Augustinus.

1. Cor. 12  
26  
Gencl. 2, 2;  
Matth. 11,  
29  
S. August.  
serm. 2 de  
Assumpt.

3. Progrediamur ulterius. Inquirunt SS. Patres causam, quare in veteri Testamento toties à Spiritu Sancto, B. Virgo, ex qua suo tempore Christus, orbis Repemptor, nasciturus erat, vilissimo terræ elemento, quod omnium pedibus proteritur, fuerit assimilata? Ita Isaias, Prophetarum Princeps, Christi in carne adventum ardentissimis votis præstolabatur: *Aperietur terra, & germinet Salvatorem, &c.* Ita & Vates Regius: *Veritas de terra orta est, & justitia de cælo prospexit;* hoc est, illa veritas, quæ de se ipsa ait: *Ego sum Via, Veritas & Vita;* & in alio loco idem Propheta Regius: *Etenim Dominus dabit benignitatem, & terra nostra dabit fructum suum;* hoc est, Benedictum fructum ventris sui JESUM. Miraberis in hoc, prudens Lector, quare B. Virgo toties cum terra fuerit comparata; an forte defuerunt Spiritui Sancto aliæ figuræ, & comparationes, quibus SS. Deiparam mundo in umbra manifestaret?

Respondet ad quæstionem Hugo à S. Victore: *Dicitur, inquit, terra propter suam humilitatem, terra enim est humilius elementum;* quid autem humilius DEI Matre? de qua ad amussim illud Veritatis adimpletum est: *Reclumbe in novissimo loco;* sciebat nimirum, Filium suum futurum novissimum virorum, virum dolorum, & scientem infirmitatem, &c. Unde voluit & ipsa esse novissima & indignissima omnium creaturarum, dum sese per omnem vitam infra omnes creaturas in hoc mundo humiliavit. Vis probam?

Hugo à S.  
Vict. l. 4. de  
Proprietatibus &  
Epithetis reor.  
rum. cap. 2.  
Luc. 14 10  
Isa. 53, 3  
Luc. 1, 29  
Oliva l. 4.  
strom 5.  
Multipli-

4. Salutatur hæc alma Virgo ab Archangelo: *Ave gratiâ plena;* quid ad hoc MARIA? *Turbata est in sermone ejus;* cur turbata? Respondet Oliva: *Regni Davidici nomen exhorruit, comitatu contenta fabri;* & nisi ex



cabo semen.  
suum.

verbis Angeli conjectasset, non temporalem fore Principem, cujus Regni finis non futurus predicabatur; audeo dicere, abdicasset verbum, ne à vilitate abdicaretur. Pensabat enim intra se, prout hic pereleganter observat Cornelius: Ego mihi videor indiga omnis gratiæ, quomodo ergo me Angelus appellat gratiâ plenam? Ego paupercula cum pauperibus hic dego, & converfor virginibus, quomodo ergo Angelus mihi dicit, *Dominus tecum*? Ego æstimo me fœminarum omnium minimam & vilissimam, quomodo ergo Angelus mihi insonat, *benedicta tu in mulieribus*? En profundissimam Virgineæ Matris humilitatem.

Matth. 1, 19

Cornel. hic  
in Matth.

Paulò post advertit S. Josephus Virginem esse gravidam, qui rei novitate attonitus in varios animi motus rapiebatur. Quid sibi vult iste uteri tumor? Scio illam Virginem esse sanctissimam, unde ergo gravis est? Et quia mysterium capere non poterat, nec eam volebat traducere, quia vir justus erat, hinc se resolvit, *occulte dimittere eam*. Et cur, obsecro, B. Virgo hoc arcanissimum Divinæ Bonitatis prodigium sanctissimo Sponso suo non revelavit? Respondet Cornelius: *B. Virgo ex modestia noluit ultrò secretum hoc Divinum Josepho pandere, ne sua dona tanta & tam Divina jactare videretur, sed DEO, Deique providentiæ & curæ, cujus totum hoc opus erat, idipsum resignavit, certissimè confidens, DEUM suam innocentiam & famam tutaturum, &c.*

Luc. 3, 7

Advenit tandem post novem mensium periodum tempus pariendi: *Et peperit Filium suum primogenitum, & pannis eum involvit, & reclinavit eum in praesepio, quia non erat eis locus in diversorio*. O pientissima Domina! cur non in domo Zachariæ permansisti? Vel in Domo piscinæ probaticæ tuorum SS. Parentum partûs tui adventum præstolata es? Adverte anime mi! sciebat bene humilis illa ancilla Domini, Christum Filium suum humilitatis & paupertatis fore amantissimum, hinc non aliquod palatium, sed vilissimum antrum & brutorum stabulum elegit, quasi ab omni hominum cætu rejecta: *Exinanivit se*, ait Richardus à S. Laurentio, *exemplo Filii sui, formam ancillæ suscipiens, &c.*

Richard. à  
S. Laur. 1, 4.

Luc. 2, 22

§. Et quid dico? ô cœli obstupefcite! hæc ac tanta Mater ab omni originalis & actualis peccati labe libera, omnibusque gratiæ donis supra omnes Sanctos ornatissima tam submisit de se sentiebat, ut quo profundius sese demitteret, non inveniret, hinc etiam cum immundis puerperio fœminis, quasi una vel vilissima exillis esset, & simili purificatione indigeret, in templo purificandam se stitit. Lege Evangelium & Acta Apostolorum, & invenies, quòd hæc SS. Deipara nulli unquam creaturæ se præposuerit; hinc invento, quem per triduum amiserat, in templo Filio, dixisse fertur: *Ecce, Pater tuus & ego dolentes quarebamus te*; ubi notandum, quòd priùs Patrem, licet tantum nutricium, & exinde se, velut Matrem indignam, nomi-

Luc. 2, 28

nave-

verit. Et in Actis in confessu centum viginti personarum, Spiritum Sanctum expectantium, inter omnes ultimato nominari voluit, imò & ultima, prout observat S. Bernhardus, inter omnes sedit. Act. 1, 14.

Et si ulterius lubet progredi; heu quantum humiliata est hæc SS. Virgo in passione Unigeniti sui? De Filio dicitur: *Humiliavit semetipsum, factus* Phil. 2, 8  
*obediens usque ad mortem*, dum etiam Barabbæ homicidæ sceleratissimo, & in cruce duobus famosissimis latronibus postponi voluit; quænam, obsecro, major humilitas in Filio DEI poterat inveniri? ita & SS. Virgo, attestante Mellifluo omni creaturæ posthaberi voluit; unde stans juxta crucem in medio carnificum, licitorum & petulantissimorum homuncionum, omnia opprobria, convicia & maledicta, Filio Crucifixo & sibi illata, patientissimè toleravit: *Certè*, sunt verba S. Bernh., *MARIA humiliata est præ* S. Bernh. serm. Sig. Magnum,  
*omnibus, quapropter merito facta est novissima prima*; Et sicut Filius ejus factus est vir dolorum ac novissimus virorum, sic B. Virgo facta est novissima mulierum.

6. O bone JESU! ô MARIA! ubi nostra humilitas est? Ah quorsum devenit humilitas nostra? Volumus esse humiles, sed sine despectione; patientes, sed sine tribulatione; obediens, sed sine coarctatione; pauperes, sed sine defectu; virtuosus, sed sine labore; casti, sed sine mortificatione; poenitentes, sed sine dolore; volumus laudari, sed sine virtute; amari, sed sine bonitate; honorari, sed sine sanctitate: O quàm paradoxa sunt ista! ecce JESUS, Filius DEI & MARIÆ, factus est *vermis & non homo, opprobrium* Psal. 21, 7  
*hominum & abjectio plebis*, verè vir dolorum & novissimus virorum, & SS. Mater ejus pariter facta est novissima mulierum, & præ omnibus mortalibus humiliata; & tu, ô mortalis homo! non homo, sed cinis & pulvis, cœnum, imò nihilum, audeas te in aliquo efferre, & in vanitatibus tuis gloriari? Pavo, si turpes suos cernit, & considerat pedes, vehementer erubescit, ac mox stellatam deponit caudam; ô anime mi! si neque exempla JESU & MARIÆ movere te possunt; quomodo saltem te ad humilitatem non moveant tot tuæ miseræ, quibus subjaces? Tot defectus, quibus infectus es? Tot scelera & quotidiana peccata, quibus æternum gehennæ barathrum commeritus es? Humiliare igitur sub potenti manu DEI, & audire rursus Mellifluum, quid tibi in utramque aurem, imò ad cor tuum loquatur: *Noli, inquit, comparare te majoribus, noli minoribus, noli aliquibus, noli uni;* S. Bernh. serm. 37.  
*recumbe in novissimo loco, ut solus videlicet omnium novissimus sedeas,* in Cant.  
*teque nemini, non dico praponas, sed nec comparare præsumas:* Audis hoc, anime mi? & bene audis?

7. Recordor pro coronide hujus Considerationis illius ancillæ ac puellæ parvulæ, quæ quondam de terra Israël per latrones in Regnum Syriæ translata fuit, de qua recensent Sacra Paginæ, quòd Domino suo Naamo,



## 62 Consideratio VIII. de humillimo Corde Maria Virginis.

4. Reg. 5, 9

Principi prædiviti, sed foedissimâ leprâ infecto, cum nullum huic morbo medendo remedium invenisset, hoc prudens ac saluberrimum suggererit consilium, ut, si ab illa deformi, & perniciofa corporis lepra emundari discuperet, quantocyus ad Elysæum Prophetam, tum temporis intervallo in Samaria commorantem, sese conferret: *Qua ait ad Dominam suam: utinam fuisset Dominus meus ad Prophetam, qui est in Samaria, profecto curâisset eum à lepra, quam habet.* Ibat ille hortatu puellæ persuasus; & cum in Jordanis flumine ad mandatum Elisæi septies sese abluisset: *Restituta est caro ejus, sicut caro pueri parvuli. & mundatus est.*

5. Aug. de  
agone Chri-  
stiano c. 11.

Per hunc Naamum putridâ infectum leprâ, rectè te intelliges, quicunque tandem es, amice Lector! per parvulam verò puellam, humilem illam ancillam & Matrem Christi, de qua Ecclesia: *Cum essem parvula, placui Altissimo, & de meis visceribus genui DEUM & hominem;* hæc, inquam, parvula propter summam humilitatem suam, quâ DEUM de cœlo in terram ad se attraxerat, hoc tibi optimum, ac longè saluberrimum suggerit consilium: Si vis mundari, vade ad Elisæum, hoc est ad Filium meum, Christum JESUM, & hunc Crucifixum, ibi in Jordane SS. Vulnerum ejus in animo contrito & verè humiliato lavare, & recipiet sanitatem caro tua, atque munda-beris à sordidissima lepra occultæ superbiæ & arrogantia tuæ, quæ hætenus velut lepra tibi, etiam fortasse ignoranti, adhæsit: *Quæ superbia, subintrat hîc demum Præsul Africanus & Doctorum Phœnix Augustinus, quæ superbia sanari potest, si humilitate Filii DEI non sanatur?*

Jacob, 4, 6

Agite igitur, quicunque tandem estis, ô mortales! via enim in cœlum arcta est, & porta cœli angusta, quomodo ergo illuc intrare poterit superbus, quem DEUS pati non potest? *DEUS superbis resistit, humilibus autem dat gratiam.* Ita superbiam Protoplastorum e paradiso eliminavit; Angelos superbos de cœlo in Tartarum fulminavit; Goliathum silice prostravit; Aman in infami ligno humiliavit; Nicanorem, Sennacherib & Herodem ob superbiam proculcavit, &c. & in novo Testamento irrefragabili lege sancivit: *Nisi efficiamini sicut parvuli, non intrabitis in regnum cœlorum.* Quid itaque consilii? Audite S. Petrum: *Humiliamini igitur sub potenti manu DEI,*

Matth. 18,

3.

1. Petr. 5, 6

*ut vos exaltet in tempore visitationis.* Quam gratiam nobis largiatur

DEUS per intercessionem humilis Ancillæ & Matris

CHRISTI



# CONSIDERATIO IX.

B. Virgo Dolorosa nunc nubilis ex singulari providentia DEI cum S. Josepho desponsatur.



Cum esset desponsata Mater ejus MARIA Joseph.

*Matth. I. 18.*

**B**enedictus DEUS, qui disponit omnia suaviter in finem, cum olim in veteri Lege dilectæ suæ Synagogæ de Sponso digno providere vellet, Moyfi Hebræorum Duci mandavit, quatenus duodecim virgas, seu scipiones à duodecim tribuum Principibus acciperet, easque in Sancto Sanctorum juxta Arcam Fœderis collocaret, cujus exinde sicca & arida virga altero post die inventa fuerit reviviscens, suosque progerminans fructus, illum à DEO præfatæ Synagogæ Sponsum ac Pontificem designandum.

Nam, 17, : dum. Et ecce ingens Divinæ potentix prodigium : *Sequenti die regressus (Moyfes) invenit germinasse virgam Aaron in domo Levi, & turgentibus gemmis eruperant flores.*

Non absimili forte à Spiritu Sancto in dignissimum B. Virginis ac Matris DEI MARIÆ Sponsum electus est sanctus Josephus de regia Davidis stirpe oriundus, & nunc Israëliti regni Hæres proximus, pauper tamen conditione, quia faber lignarius, sed dives virtutibus, quia justus: Cum enim Sacratissima Virgo MARIA hætenus in templo educata, nunc paulatim ad nubilem ætatem pervenisset, eique cum aliis virginibus in templo commorantibus, à Pontifice Hebræorum more indicaretur, ut ad proprias ædes reverterentur, atque ad nuptias pro more legis & patriæ ineundas sese pararent, sola hæc B. Virgo respondit, totam se DEO, ejusque obsequio esse mancipatam, eique perpetuam vovisse virginitatem, ac proinde tali se non posse parere mandato. Res nova & insolita hoc à Virgine responsum videbatur Pontifici, aliisque Sacerdotibus ad Festum encœniorum convenientibus, unde statuerunt DEUM consulere, ut, quid consilii hac in re sit capiendum, divinitus dignaretur indicare.

S. Hieron.  
in Hist. de  
ortu Mariæ,  
& alii.

Et ecce cùm Pontifex ad consulendum DEUM pro more accessit: *Nec mora*, ait S. Hieronymus, *cunctis audientibus de oraculo, & de propitiatorii loco vox facta est, requirendum esse, cui Virgo illa commendari, & desponsari deberet, cunctosque de domo David nuptui habiles, non conjugatos, virgas suas allaturos ad altare, & cujus virga floresceret, atque in ejus cacumine Spiritus Domini in specie columba consedisset, eum esse, cui Virgo commendari & desponsari deberet. Quod cùm in Josephum feliciter cecidisset, liquidò omnibus patuit, Virginem ei desponsandam fore, & sic Divina sorte, tanquam magis idoneus, Justus Joseph fuit electus.*

Nos his castissimis Sponsis, ac novis Conjugibus pro corpore Emblematis annulum pronubum & aureum adumbrari curavimus, in qua Divina Manus, è nube protensa, pretiosam inserit gemmam, cum hac gnoma super annulum suspensa:

## Honori invicem.

Ita est; sicut enim in annulo aurum exornat gemmam, & gemma vicissim aurum, ita hi Sacratissimi Sponsi sibi invicem erant honori, ambo enim erant Sanctissimi; ambo Virgines perpetuæ; ambo de regio Davidis stemmate editi; ambo moribus simillimi; & ambo à Spiritu Sancto ad hoc opus grande electi, ut in genere redemptionis humanæ, Filio DEI fierent co-operatores, &c. O ingens utriusque dignitas! *Sicut decuit*, ait doctissimus Gerson, *ut tanta MARIA puritate niteret, quâ sub DEO major nequit intelligi, ita decuit, ut S. Joseph tantâ prerogativa polleret, quâ similitudinem & convenientiam exprimeret talis Sponsi ad talem Sponsam.*

Gerson, ser.  
de Nat.  
Virg.



2. Quæres hic, pie Lector, quænam cæremoniæ in hoc felicissimo sponſalitio MARIAM inter & JOSEPHUM interceſſerint? Obſerva. Poſtquam B. V. divinitus edocta fuit, ita eſſe voluntatem Divinam, nullumque in hoc ſacro conjugio virginitatis violendæ periculum adfuturum, liberè in ejusmodi matrimonium conſenſit; in quem finem à S. Joſepho, quæ ejusmodi quoque tenendæ virginitatis propoſitum habebat, loco arrhæ ſponſali annulo donata fuit, quæ prima quondam inter Hebræos, dum matrimonio vinculo jungebantur, erat cæremonia; hinc Judas Patriarcha Thamari pro arrhabone annulum dediffe legitur: *Ait Judas, quid vis pro arrhabone dari? Reſpondit, annulum tuum.* Cujus autem materiæ ille ſancti Joſephi annulus fuerit, diſtinctè cerni, & judicari non poteſt, qui ad hunc uſque diem Peruſiæ Italiæ urbe in templo S. Laurentii religioſè & magna cum devotione aſſervatur.

Card. Baron, Annal. 1. anno 57.

Gen. 38, 18

Secunda cæremonia extitit, quâ SS. Virgo beato Joſepho deſponſata eſt, quòd idem Sponſus integerrimus pallium ſuum ſuper caſtiſſimam Sponſam ſuam palam extenderit, eamque pro more Hebræorum & patriæ cooperuerit, hæc enim communiffima tunc temporum intervallo non apud Judæos duntaxat, verum etiam apud Gentiles & Romanos vigeat conſuetudo. Conſule librum Geneſeos, ubi reperies, quòd Rebecca, puella formoſiſſima, nunc cum Isaac deſponſanda pallio fuerit cooperta: *At illa tollens citò pallium operuit ſe.* Pari modo Ruth pauper illa Moabitidis nunc cum divite Booz deſponſanda ab illo petiit: *Expandè pallium tuum ſuper famulam tuam, quia propinquus eſ;* per quam cæremoniam veteres inſinuabant, & fidelitatem ab uxore marito ſervandam, & à marito protectionem conjugii exhibendam; Lyranus addit: Sponſum ſolitum extremitatem pallii ſui ſuper Sponſam ponere, ut hoc geſtu ſignificaret, ſe eam in ſuam poteſtatem, & tutelam accipere.

Genef. 24

65

Ruth. 3, 9

Lyran, hîc.

Tertia cæremonia, quæ in his ſacris nuptiis obſervata fuit, erat, quòd S. Joſephus caſtiſſimæ Sponſæ ſux, & hæc viciffim ſuo dilecto Sponſo, dexteram porrexerint, & ſtipulata manu coram Sacerdote & propinquis fidelitatem mutuam & conjugalem amorem promiſerint: quod non obſcurè ex libro Tobix licet colligere: *Et apprehendens (Raguel) dexteram filia ſua, dextra Tobia tradidit, dicens: DEUS Abraham, DEUS Isaac, & DEUS Jacob vobiscum ſit, & ipſe conjungat vos, impleatque benedictionem ſuam in vobis. Et acceptâ charâ fecerunt conſcriptionem conjugii, & poſt hæc epulati ſunt, benedicentes DEUM, &c.* Quis neget, omnia hæc in deſponſatione JOSEPHUM inter & MARIAM eſſe adimpleta? Non erat quidem hîc cernere magnum hominum comitatum præter paucos amicos, qui his SS. Conjugibus ex animo applaudebant; verum innumeri advolabant Angeli, qui cœleſti concentu & aggratulatione hos SS. Conjuges venerati ſunt.

Tob. 7, 15

Mater Doloroſa.

I

ſunt,



Genes. 3, 6  
sunt, per quorum matrimonium illud magnum ac planè immensum refarciretur damnum, quod primi conjuges orbi in Paradiso intulerunt: Et sicut Adam & Eva ad perditionem nostram comedendo fructum prohibitum, conspirarunt, sic illi cooperante Spiritu Sancto, & illibatâ virginitate permanente, per benedictum vitæ fructum, Christum JESUM, omnia restaurarunt in integrum. O quantum igitur obligati sumus his sanctissimis Conjugibus?

Prov. 30, 10  
3: In hoc Sacratissimo Conjugio adimpletum fuit illud sapientissimi Regis Solymæi vaticinium: *Mulierem fortem quis inveniet? procul & de ultimis finibus pretium ejus: confidit in ea cor viri sui, & spoliis non indigebit, reddet ei bonum, & non malum omnibus diebus vitæ suæ, &c.*

Num. 24, 8  
O sancte Joseph! tu eras illè vir tam felix, tamque fortunatus, qui hanc mulierem fortem invenisti: *Fortem*, quia fortissimum DEUM, *cujus fortitudo similis est Rhinocerotis*, ad se de cælo in terram, & usque in purissimum sinum ac uterum suum trahet: *Fortem*, quia, quem cæli & terra capere non poterant, suo gremio conferet: *Fortem*, quia Heroïna omnium fortissima, Princeps ac Regina cunctorum SS. Martyrum erit, dum recedentibus omnibus notis & amicis ipsa sola sub cruce patientis Filii omni rupe Marpesiâ fortior, & constantior, inter tot decumanos tribulationum & persecutionum fluctus stabit: *O gratia super gratiam mulier sancta & pudorata!* de qua inventa, ô S. Joseph, vir integerrime, tibi soli poteris ex merito gratulari, proinde rectè cor tuum in illa sola post DEUM poterit confidere, non enim indigebit spoliis alienis, quæ plena est gratiâ DEI, Sapientiâ & Spiritu, omnique virtutum & SS. meritis condecorata: *Et in plenitudine Sanctorum detentio mea*; sed reddit tibi bonum, & non malum, eò quod virginitatis suæ eris in conjugio custos, & testis in cælo fidelis.

Eccles. 26, 19  
Eccles. 24, 16

Et pergit sapiens: *Quasi vitellanam & linum; & operata est consilio manuum suarum.* Ex quibus cognosces, prudens Lector, quomodo B. Virgo, nunc Sponsa S. Josephi, utramque & contemplativam & activam vitam exactissime semper in vita sua conjunxerit, per lanam enim vita activa, & per linum subtile contemplativa repræsentatur; juvat hîc audire Epiphanium Sacerdotem Constantinopolitanum: *Et ipsa*, inquit, *B. Virgo docilis & amans doctrinam, & non solum in Sacris Litteris, sed etiam in lana, & lino, serio & bysso laborabat. Erat præterea in sapientia & intelligentia super omnes illas sæculi adolescentulas, cunctis admirationi, quæ & verè conficeret ea, quorum usus in templo erat Sacerdotibus, &c.* Vide hîc, ac perpende, qualiter hæc SS. Virago & Martham, & Magdalenam pulcherrimè associaverit. O discant hîc mortales omnes, præsertim animæ religiosæ, quomodo pro viribus hanc SS. Virginem in utraque vita possint imitari.

Epiph. in vita Virg.

4. Quæris hic, prudens Lector, qua ætate hi cœlestes Conjuges, MARIA & JOSEPHUS, conjugium inierint? Respondet communissima SS. Patrum sententia, Sacratissimam Deiparam quarto decimo ætatis suæ anno jam expleto fuisse matrimonio traditam, S. Josephum verò non ætate jam grandævum ac senilem (ut quidam autumant) sed juvenem venisse, eumque trigesimum, aut ad plurimum quadragesimum annum non excessisse, ut adimpleretur illud Isaïæ Prophetæ: *habitabit enim juvenis cum Virgine*, quem Isa. 62, 5 locum Viguierius, Lyranus, Cornelius & alii de S. JOSEPHO & MARIA Cornel. hic. explicant: *Habitabit*, inquit Cornelius à Lapide, *jucundissime & sanctissime juvenis Joseph cum conjugē suā Virgine MARIA Deipara, &c.*

Cæterum finitâ hac cœlesti desponsatione antiquissimorum ac gravissimorum Patrum constans est assertio, beatissimam Virginem à sanctissimo Marito suo Nazarethum fuisse deductam, ibique in propria parentum domo Angelicam vitam duxisse, & in officiis Marthæ occupatam, magno cordis solatio sacras manus in vilissimis & abjectissimis domûs ministeriis fatigasse, sanctum Josephum verò pro more illius ævi adhuc per aliquot menses vel in domo separata, vel cognatorum conductâ, usque ad tempus à Patre definitum habitasse. Et ecce, cum tertius jam mensis ageretur, ex quo hæc SS. Virgo S. Josepho desponsata fuerat (quæ desponsatio facta est) *Missus est Angelus Gabriel à DEO in civitatem Galilææ, cui nomen Nazareth, ad Virginem desponsatam viro, cui nomen erat Joseph de domo David, & nomen Virginis MARIA; & ingressus Angelus ad eam dixit: Ave. &c.* Abrumpo solum. S. Chrysost. hom. 4. in Matth. Evod. Niceph. l. 2. c. 3. Auctor imperfecti hom. 1. in Matth. &c. Luc. 1, 26

Joseph advertit, Sacratissimam Conjugem suam esse prægnantem, & in varios animi motus rapitur rei insolitæ novitate attonitus. Credebat, & sciebat Virginem illam esse illibatam, ac sanctissimam, unde ergo (ita secum ratiocinabatur) gravida facta est? De adulterio in ædibus parentum commisso suspicari non possum, & tamen prægnans est? An fortasse, dum cognatam suam Elisabetham visitavit, ab alio vim passa est? Neque hoc possum credere. Si autem hoc mysterium à DEO est, prout ambigere non possum, profectò indignus ego sum, ut cum ipsa cohabitarem, proinde illam relinquam, remque totam DEO committam; si David olim *introducere arcam DEI in domum suam, & quomodo ingredietur ad me hæc arca DEI animata? Joseph autem vir ejus cum esset justus, & nollet eam traducere, voluit occultè dimittere eam.* O pientissima Virgo! Nunquid vidisti, & considerasti SS. Sponsum tuum de rei novitate attonitum, perplexum, dubitantem & anxium, & quare, obsecro, illi hoc mysterium omnium maximum, ex quo orbis pendebat salus, non indicasti? 2. Reg. 6. Matth. 1, 19



ſ, Perpende hîc, quaſo, anima Chriſtiana, mœores & anguſtias SS. Cordis MARLÆ, cùm Sponſum ſuum dilectiſſimum cerneret ſic torqueri, ſic angî, neque ex ſingulari modeſtia & animi humilitate hoc ſecretum Divinæ Incarnationis ei pandere auderet; proinde rem totam DEO animitus reſignavit, penitùs in illo confiſdens, quòd innocentiam ſuam ac famam in tempore opportuno eſſet tutaturus. O gladiè Simeonis! ô mucro crudelis! ſi jam ſeris SS. Cor Virginis, ubi necdum à Sancto illo Sene prædictus eras, quid ages impoſterum? Et nunquid jam tunc pientiſſima Virgo cum Sponſa dicere poterat: *Nigra ſum - - - quia decoloravit me ſol meis inclufus viſceribus?*

Cant. I, 4.

I. Cor. 10.

13.

Matth. 1,

20.

Ecc. 2, 11.

Sed fidelis DEUS, qui non patitur nos tentare ſupra id, quod poſſumus, ſed facit cum tentatione proventum, ut poſſimus ſuſtinere; hîc etiam opportuniſſimum remedium invenit; aderat enim, cùm Joſeph jam innocentiſſimam Sponſam ſuam cogitaret deferere, de repente de cœlo Angelus: *Joſeph Fili David, noli timere accipere Mariam Conjugem tuam, quod enim in ea natum eſt, de Spiritu Sancto eſt; pariet autem Filium, & vocabis nomen ejus JESUM, ipſe enim ſalvum faciet populum ſuum à peccatis eorum.* O quàm ſtupenda; quàm ingens erat hæc magni DEI pietas, qui per viſcera miſericordiæ ſuæ viſitare nos voluit ex alto! ô quanta hæc ſeges meditationum nobis eſſe poſteſt! diſcamus à SS. Deipara magnum in adverſis habere animum, atque in rebus etiam maximè arduis ſperare in DEUM: *Quia nullus ſperavit in Domino, & confuſus eſt.* Diſcamus & manſuetudinem ab ea, ac ſummam animi humilitatem; ſiluit enim, neque excuſationem vel uno verbulo prætendit, cùm videret ſe de adulterio ſaltem aliquo modo ſuſpectam; ita nimirum etiam de hominibus ſanctiſſimis ſubinde ſiniſtram fert mundus ſententiam; & ſi hoc tibi fortasſe impoſterum continget, ſile, & totum te DEO committe. Diſcamus & patientiam, cùm enim SS. Virgo ſuam innocentiam facile purgare potuiſſet, noluit tamen ſecretum DEI, quod ipſi ſoli in cubili revelatum erat, revelare, & ſic ſeiſpſam commendare, ſed Divinæ voluntati omnia etiam ad quamcunque ſui confuſionem commiſit, &c. Diſcamus & de S. Joſepho ſingularem animi prudentiam, qui in hac graviſſima dubitatione nihil ex repentino animi motu egit; nihil ſtatuit, nihil concluſit, neque Sponſam apud alios etiam ſidiſſimos amicos traduxit, ſed abſque aſenſu judicium ſuſpēdit, DEI ordinationi omnia conſignans; proinde meruit hanc ab Angelo conſolationem: *Joſeph Fili David, noli timere, &c.* O verè fidelis ſervus & prudens, quem conſtituit Dominus ſuæ Matris ſolatium, ſuæ carnis nutritium, ſolum in terris magni conſilii coadjutorem fideliffimum! verè vir ſecundum Cor DEI, quem enim tot Reges & Prophetæ tot ardentibus videre cupiebant votis, tu non vidiſti tantum, ſed etiam quotidie audire, amplecti, manibus portare, pectori adſtringere, oſculari, nutrire, cuſtodi-

S. Bernh.


hom. 2. ſup-  
miſſus eſt.




scire, ac gubernare potuisti: Cui enim aliquando Angelorum dixit DEUS: Hebr. r. 5  
*Pater meus es tu?*

6. Olim præcepit DEUS, ut super propitiatorium duo aurei Cherubim constituerentur, quorum unus alterum respiceret: *Facies propitiatorium* Ex. 25, 17  
*de auro mundissimo - - - Duos quoque Cherubim aureos - - - Respiciantque se mutuo versis vultibus in propitiatorium.* Per hoc propitiatorium Christum JESUM subaudi, quia *ipse est propitiatio pro peccatis nostris*; per duos verò 1. Joan. 2, 2  
 Cherubinos aureos versis in propitiatorium vultibus respicientes rectè B. Virgo MARIA & S. JOSEPHUS adumbrati sunt, quos DEUS Pater peculiari modo selegit, ut dilectissimo Filio suo, quem posuit propitiationem, in terris assisterent, & Divinissimorum ministeriorum fierent participes, &c.

Jacob Patriarcha dilecto quondam filio Josepho specialem benedictionem & hæreditatem reliquit: *Do tibi partem unam extra fratres tuos, quam* Genes. 48,  
*tuli de manu Amorrhæi in gladio & arcu meo.* Erat autem hæc pars ager 22  
 quidam felicissimus, quem Jacob prius in Sichem pecuniâ coëmerat, sed quia illum Amorrhæi post cladem Sichemensem occuparant, illum Jacob à possessione in gladio & arcu expulit, ac tandem Josepho filio in singularem paterni amoris tesseram donavit. O S. Joseph, Christi Pater nutritie! tibi longè meliorem partem ac fertiliorum agrum pro tua benedictione & hæreditate assignavit DEUS Pater, quem in fortitudine brachii sui de manu Amorrhæi, id est, diaboli, semper servavit immunem; ager ille B. Virgo MARIA, dilectissima tua Sponsa fuit: *Ager plenus*, inquit S. Bonaventura, cui S. Bonav.  
*benedixit Dominus*, in quo, & ex quo virgineo agro, Spiritu Sancto coopere in carmine  
 rante, natum est illud electum frumenti granum, pro omnium salute in cruce Virginis.  
 & passionem mortificandum: *Ipse Dominus*, ait S. Augustinus, erat S. Aug. Tr.  
*granum mortificandum & multiplicandum, &c.* cui sit: 21. in Joan.  
 omnis honor & gloria, &c.






## CONSIDERATIO X.

B. Virgo Dolorosa ab Angelo gratia plena denun-  
tiatur, unde & nobis à DEO gratiam poterit  
impetrare.



Ave gratia plena.

*LUC. 1. 28.*



I.

Icut sol est fons luminis, imò ipsa plenitudo lucis, à quo  
cætera cœli sidera suam lucem participant; sic Divinis-  
simum COR JESU est verus fons lucis, ac principium  
universale, à quo omnes gratiæ, velut radii, in genus  
humanum derivantur, ac transfunduntur; neque ullus  
gratiæ effectus in aliqua creatura reperiri potest, quem non promeruit hoc  
Sacratissimum COR JESU, unde Apostolus: *Quia in ipso complacuit omnem  
plenitudinem inhabitare; & dilectus Christi discipulus: De plenitudine ejus  
omnes accepimus, & gratiam pro gratia, &c.*

Huic

Huic mystico & Divino justitiæ Soli quàm proximè accedit B. Virgo MARIA, in cujus Sacratissimum Cor & animam ex speciali prærogativa ob dignitatem Matris DEI omnis plenitudo gratiarum transfusa est, unde ipsa ait: *In me gratia omnis via & veritatis, in me omnis spes vitæ & virtutis*; hinc Eccl. 24. & ab Angelo salutatur: *Gratiâ plena, & in tantum plena*; ait Richardus à S. Laurentio, *ut ex tuo redundante totus hauriat mundus*. Et S. Bernhardus, Richard. à S. Plena sibi, superplena nobis, & de plenitudine ejus omnes accepimus. Proinde Laur. lib. 1. pro Symbolo nostro rectè lunam plenam, & perfectam statuimus; sicut cap. 4. enim luna plena dominatur terræ, & obscuram noctis caliginem adeò illuminare assolet, ut homines in ea videre, iter peragere, ac res suas perficere S. Bernh. possint, haud secus ac si dies esset; ita B. Virgo, quam S. Ephrem lumen totius S. Ephrem. orbis appellat, terrigenis, & in nocte hujus sæculi errantibus clarâ gratiarum luce præfulget; unde lemma: d. Laud. Virg.

## Plena sibi, ac aliis.

Ita est, ô Beatissima! verè gratiâ plena es, non tibi tantum, quia *inveni* Luc. 1. 30. *sti gratiam apud DEUM*, sed & nobis misellis, pro quibus intervenisti; ita Lyranus: *invenisti gratiam, inquit, non solum pro te; sed etiam pro toto humano genere*. Hinc Regius Vates, cum in spiritu prævidisset, Filium DEI ex hac intemerata Virgine incarnandum, stupore plenus exclamavit: *Inclinavit celos & descendit, &c.* supra quod peraccommodè ad nostrum conceptum observat Hugo Cardinalis, quòd DEUS jam prius; hoc est, in primo Hugo Card. animationis hujus Virginis instanti omnes paradisi thesauros in Cor ejus in Luc. 1. effuderit; verum cum ipse de sinu Patris in hanc terram ad redimendum humanum genus descendit, tunc ait Hugo: *Inclinavit celos sicut vas, ut totum effunderet in Cor MARIE*; & S. Hieronymus: *Cæteris per partes præstatur*; de Assumpt. MARIE verò simul se tota infudit gratia plenitudo. O Clientes Mariani, B. V. audite ipsam vestram SS. Matrem loquentem, & affectu planè materno vos, tanquam filios, ad se invitantem: *Transite, inquit, ad me omnes, qui concupiscitis me, & à generationibus meis implemini*. Eccl. 24. 26.

2. De Abigail muliere prudente & formosâ perhibent sacri Regum Annales, quòd gratiam invenerit in oculis Davidis irati; dum enim jam cædes, & ruinam domus Nabal spiraret, eum prudens, & linguæ suada mulier mirum in modum placavit; & exitiùm à domo sua prudentissimè avertit: *Cum autem vidisset Abigail David, festinavit, &c.* 1. Reg. 25. 25.

Ruth pauper illa Moabitidis, quia humiliavit se, gratiam in oculis divitis Booz invenit: *Qua cadens in faciem suam, & adorans super terram, dixit ad eum: Unde mihi hoc, ut invenirem gratiam ante oculos tuos, & nosse me digneris peregrinam mulierem?* Ruth. 2. 10.



Esther. 2. 9

Esther ob terram & formæ & morum elegantiam apud Regem Assue-  
rum præ omnibus aliis puellis oblatis gratiam invenit singularem, ut despe-  
ctis cæteris omnibus in Reginam eligeretur: *Quæ placuit ei, & invenit grati-  
am in conspectu illius.*

Luc. 1. 30  
S. Th. Aq.  
12. q. 113.  
2. 2. ad 2.

Et ad quid istæ gratiæ humanæ? Umbræ sunt, & ad instar fumi eva-  
nescunt; MARIA autem invenit gratiam in oculis Domini, unde ad eam  
Archangelus: *Ne timeas MARIA, invenisti enim gratiam apud DEUM.*  
Et quid plus dicere poterat cœlestis ille Paronymphus? *Unus Divinæ gratiæ  
gradus*, ait Doctor Angelicus, *& vel minimus universis mundi divitiis & thesau-  
ris longè præstat, cum Divinitatis sit quadam participatio, Divina nos consortes  
naturæ efficiens.* O anime mi! considera hic, quantum te oporteat allabo-  
rare, ut ejusmodi Divinæ gratiæ fias particeps; quid enim DEO tibi propi-  
tio nocere potest? Et si Dominus pro te, quis contra te? Timeant illi, qui  
gratiam DEI non habent, nec quærunt: *O quam suaviter equitat, quem gra-  
tia DEI portat!*

Th. Kemp.  
de imit.  
Christ. 1. 2.  
cap. 9.

3. Progrediamur ulterius, & scrutemur Scripturas, quia ipsæ de hac  
veritate luculentum perhibent testimonium. Nota est illa parabola, quam  
Christus proponit de Muliere, quæ decem quondam drachmas habuit, ex  
quibus unam perdidit, quam summo exinde studio, & labore indefesso quæ-  
sivit, nec antea destitit, donec tandem per accensam lucernam eam sum-  
mo animi cum gaudio reperiret: *Accendit lucernam, evertit domum, & qua-  
rit diligenter, donec inveniat.* Et nunquid, dices, operæ pretium fuit, ut  
unica drachma tanto studio ac diligentia inquireretur? Ad quid una drach-  
ma, quæ erat una pars uncix, nec plus valens, quam Julium, seu Paulum  
Romanum, vel Regalem Hispanicum, in nostra autem moneta Germani-  
ca vix 12. Cruciferos?

Luc. 15. 8

Adverte, prudens Lector! non vile hic latet mysterium. Mulier illa  
Evangelica juxta B. Albertum M. beatissima Virgo MARIA est, per drach-  
mam verò amissam gratia originalis denotatur, protoparentibus nostris à  
DEO quondam communicata; hanc ipsi in paradiso per peccatum per-  
diderunt. Quid agit beatissima Virgo? *Quarit diligenter, donec inveniat;*  
in quem finem, *accendit lucernam;* hoc est, paravit Cor suum, tanquam  
lucernam ardentem, liquorem pinguisimum perfectionis infundens, ju-  
gibusque suspiriis, ac gemitibus pro redemptione humani generis apud  
DEUM interpellans. O quoties in templo, in quo per undecim an-

Ex. 33. 13

nos commorabatur, cum Moyse in cœlum ingeminavit: *Si inveni gra-  
tiam in conspectu tuo, ostende mihi faciem tuam.* Et ecce, tandem hæc

Luc. 1. 30

purissima Virgo exaudita est pro sua reverentia, venit enim de cœlo Nun-  
cius: *Ne timeas MARIA, invenisti enim gratiam apud DEUM; ecce concip-  
ies in utero, & paries filium, & vocabis nomen ejus JESUM.* O gratia super  
gra-

gratiam: *Hæc est illa gratia*, ait S. Chrysologus, *quæ dedit cælis gloriam, terris DEUM, fidem gentibus, finem vitiis, vitæ ordinem, moribus disciplinam.* serm. 143.  
 Proinde hæc SS. Virgo longè meliori jure, quàm mulier illa Evangelica, ad amicas sibi animas exclamare poterat: *Congratulamini mihi, quia inveni drachmam, &c.* O dulcissima Virgo! omnes tibi congratulamur in unum, quia invenisti hanc drachmam perditam, gratiam videlicet Divinam, rogamusque te impensissimè indignissimi licet clientes tui, ut & nobis miseris à Filio tuo, apud quem non est impossibile omne verbum, gratiam ad omne bonum efficacem, ac tandem in morte finalem, quæ sub nullius cadit meritum, impetrare digneris: *Sit pietatis tuæ, ô MARIA*, ait Mellissus tuus, S. Bernh. ipsam, quam apud DEUM invenisti gratiam, notam facere mundo, reis veniam, serm. 4. medelam agris, pusillis corde robur, afflictis consolationem, periclitantibus adjutorium & liberationem sanctis tuis precibus obtinendo, &c. Assumpt. fol. 56.

4. Observemus alium ex Scriptura conceptum non minore consideratione dignum. Cum Josias Rex piissimus, destructis fanis & idololatriis, & combustis eorum idolis, Domum DEI hæcenus magna ex parte desertam, restaurare intendisset, invenerunt Sacerdotes librum Legis intra muros templi absconditum, quem mox Helcias Sacerdos ad Sapham, & hic ad Regem detulit. Et ecce, cum jussu Regis publicè iste liber legeretur, ventum est ad minas ac pœnas, quas DEUS populo suo ob communissima scelera intentaverat, ad quod Rex præsentiens iratum DEUM, præ mœnore & dolore animi vestimenta regia disruptit, misitque sine mora Legatos ad Holdam Prophetidem, rogans eam, quatenus DEUM deluper consuleret, sibi que exinde Divinum referret responsum. Erat autem hæc Holda & prudentiâ & sanctitate, & in exponendis Divinis oraculis illo ævo apud omnes venerabilis ac celebris, quæ inter alia, ubi DEUM consuluit, hoc nuncii ad Regem remisit: *Hæc dicit Dominus DEUS Israël, pro eo, quod audisti verba voluminis, & perterritum est cor tuum, & scidisti vestimenta tua, & flevisti coram me, & ego audivi*, ait Dominus, *idcirco colligam te ad patres tuos, & colligeris ad sepulchrum tuum in pace, ut non videant oculi tui omnia mala, quæ inducturus sum super locum istum.* Res mira! & nunquid tunc temporis intervallo adhuc in vivis erat Jeremias Propheta? Nunquid & alii viri & sanctitate, & prudentiâ celeberrimi tunc vivebant, qui futura poterant prædicere, & hoc Legis volumen Regi explicare? Quare ergo relictis viris, Rex à muliere discipit audire consilium & oraculum?

Respondet Baëza, quia Josias Rex, prævidens vindictam Divinam sibi Baëza l. 1. & populo imminentem, per Holdam, mulierem sanctam & DEO acceptam, cap. 5. §. 8. benignum expectabat responsum, solent enim mulieres cor magis clemens ac benignum, quàm viri, habere, ideò per dictam Holdam (B. Virginis MÆ

Mater Dolorosa.

K

RIÆ



Hugo Cardinal. in  
Luc. 1.

RIÆ typum, quæ plus quàm Prophetissa fuit) non tam DEUM consulere, quàm & sibi placare studuit; & pergit citatus Baëza: *Ego autem omnes monuerim, qui volunt à DEO responsum misericordia accipere; ut consulant eum per MARIAM*, nam longè cor ejus abest à justitia vindicativa, nec mortem peccatoris, sed vitam requirit, propter peccatores enim facta est Mater

DEL. Audite pro vestra consolatione Hugonem Cardinalem: *Curant, inquit, peccatores ad Virginem, qui gratiam amiserunt peccando, & eam inveniunt apud eam, humiliter salutando, & securè dicant: Redde nobis rem nostram, quam invenisti; nec negare poterit, se invenisse, quia hoc Angelus attestatur, ait enim, invenisti gratiam apud DEUM, &c.* Et quia gratiâ plena est, poterit sine dubio etiam suis cultoribus & amatoribus gratiam à DEO impetrare, aliàs non esset gratiâ plena. O Hæretici, ô Sectarii! ah capite verbum hoc, & discite honorare, discite *salutare MARIAM*, qua multum laboravit in vobis.

Rom. 16. 6

§. Desideras, anime mi, plura de hac veritate argumenta? Observa. Postquam DEUS univerforum Dominus cælum & terram ex nihilo sui produxit, & nunc aquam ab arida in unum locum separavit, ingentem illum aquarum abyssum appellavit MARIA: *Congregentur aqua, quæ sub cælo sunt, in locum unum* - - - *Congregationesque aquarum appellavit maria; & cur*

Genes. 1. 9

S. Bonav.  
In Spec. Virg.  
cap. 2.  
S. Chrysol.  
serm. 146,

maria? Respondet ad rem Seraphicus Bonaventura & S. Chrysologus, MARIAM esse *mare gratiarum*, in quo mystico mari Pater æternus ob dignitatem Filii voluit, ut omnes gratiæ & gratiarum omnium fluentia congregarentur in unum, quod enim cæteri Sancti habuerunt divisum, in SS. Corde MARIÆ in uno loco reperies; virtutes videlicet omnes, merita omnia, omnes prærogativas, gratias & charismatum dona, ut in veritate illa dicere potuerit: *In plenitudine Sanctorum detentio mea.* Audi rursus Hugonem Cardinalem: *Per mare, inquit, intelligitur Virgo MARIA, in quo omnia flumina gratiarum & donorum spiritualium intraverunt cum ipso fonte: & non redundavit MARIA, id est, non intumuit per superbiam, &c.*

Eccl. 24.

16  
Hugo Card.  
in Eccl. 1. 7

O felix Esther, humilis & sublimis, pauper & dives, ancilla & Regina, de qua sacre recentent paginæ, quòd, cum non vocata ad Regem Assuerum, in throno auro, gemmisque coruscante tunc sedentem, introisset, eumque primo aspectu terribilem, & scintillantibus oculis formidabilem fuisset conspicata, ex tanta percussa majestate semel, iterumque animæ deliquium passa fuerit; quod videns Rex de folio surrexit, & extenso in eam sceptro regio, suam ei clementiam & gratiam insinuavit: *Qua accedens, osculata est summam virgæ, dixitque ad eam Rex: Quid vis Esther Regina? Quæ est petitio tua? Etiam si dimidiam partem regni petieris, dabitur tibi.*

Esther. 5. 2

Cæterum quòd hæc Regina Esther typus SS. V. MARIÆ fuerit, nemo Christianorum ignorat, per quam DEUS generi humano offensus, mirum



in modum & placatus, & reconciliatus est : *Invenisti enim gratiam apud DEUM.* Quod autem Esther summitatem aureæ illius virgæ tenuerit, & osculata fuerit, pulcherrimam rationem assignat Doctor Angelicus : *Summitatem virgæ, inquit, Virgo beata tetigit, quando Filium DEI in utero concepit, & sic dimidiam partem Regni DEI impetravit, ut ipsa sit Regina MISERICORDIÆ, cujus Filius est Rex JUSTITIÆ.* Ex his considera, anima Christiana, qualibus donis ac gratiis benignissimus DEUS SS. Cor & animam Sacratissimæ Matris suæ repleverit : *Illi enim quasi Matri suæ, sunt verba Cornelii à Lapide, Christus nihil negare potest : Quare summum DEI in homines post Verbum incarnatum beneficium est beata Virgo, hanc enim nobis dedit, ut per eam omnia ab ipso impetremus, ut ipsa nobis omnes clementia, Omnipotentia & Divinitatis thesauros aperiat, omnes gratias in eis reconditas largiatur per Filium suum.*

6. O dulcissima Virgo MARIA ! O Domina totius universi ! cui ulterius te comparabo ? Et nunquid SS. Cor tuum illud altare propitiationis est, de quo jam pridem Isaias vaticinatus est : *Offerrentur super placabili altari meo, & domum Majestatis mea glorificabo ?* Nota hic, prudens Lector : *Placabili, hoc est, in altari Deum placante ; quid autem Deum iratum magis placavit, quam purissimum Cor Mariæ ?* *MARIA,* sunt verba Richardi à S. Laurentio, *dicitur altare placationis Domini, qui placatur erga peccatores, cum super hoc altare offerunt dona, & Sacrificia sua, &c.* Hinc & ab Andrea Cretensi appellatur *Commune reconciliatorium.* O peccatores omnes, dives & pauper, omnes in unum, accedite ad hoc placationis altare, ad SS. Deiparam plenam gratiâ, plenam misericordiâ ; & si Paulus gentium Doctor dilectos suos Philippenses in corde suo gestasse gloriatur : *Sicut est mihi justum hoc sentire pro omnibus vobis, eò quòd habeam vos in corde meo ;* quantò magis, ô clientes ! ô filii Mariani ! hæc SS. Mater nostra in hac vita mortali, ac tunc demum in supremo mortis articulo vestri curam habebit ? *Sileat, inquit Mellissius, misericordiam tuam, beata Virgo, si quis est, qui invocatum te in necessitatibus suis sibi meminerit desuisse.*

Verum hic objectabit mihi nonnemo : Ego tenero & filiali amore prosequor beatissimam Virginem, eamque mihi in Dominam, Patronam & Advocatam, imò & in Matrem meam jam à primis vitæ annis elegi : Ego soleo in illius honorem singulis diebus Sabbathinis jejunare, Officium & Rosarium illi dicere, & hæc & illa in honorem illius facere, &c. Concedo totum ; si moribus non contradicis, valde bene agis ; sed præsumptuosè in illam agere, & sperare, & interim in peccatis mortalibus hære, est seipsum in gehennam præcipitare, talis enim in Sacratissimam Virginem injurius est, & duplici damnatione dignus ; sicut enim Filius omne peccatum mortale detestatur, sic & Mater ejus. Cura igitur, ut semper in statu gratiæ sis, & hoc erit tibi in peculiare solatium, & in signum prædestinationis tuæ, perire enim non potest, qui B. Virgini verè devotus fuerit ; audis hoc : *Verè devotus ?*

S. Th. præf. in epistol. Canon. lib. Esther. c. 5.

Cornel. in c Esther. cap. 16,

Isa. 60. 7

Rich. à S. Laur. lib. 2. de Laud. B. Virg. Andr. Cret. orat. 2. de Assumpt. Phil. 1. 7

S. Bernh. serm. 4. in Assumpt. B. Virg.

Genes. 7. 7

S. Joan. Damasc. or. 1. de Dormit. Virg. Psal. 27. 23

3. Reg. 3. 9


S. Bernh. serm. in Nat. Virg.

7. Qui olim in Arca Noë, dum universale diluvium totum terrarum inundaverat orbem, inclusi erant, à generali interitu salvati sunt. MARIA, ait S. Joannes Damascenus, est vera salutis arca; in illa octo tantum servatæ sunt animæ, per hanc omnes, modò velint, possunt salutem consequi. Illa ædificata fuit de lignis levigatis; hæc de virtutibus consummatis. Illa super aquas diluvii ferebatur; hæc nullius vitii naufragium sensit. Illa nec bruta animantia exclusit, sed nec MARIA peccatores, qui apud DEUM ut jumenta facti sunt, modò seriò velint ad frugem, & dignos penitentiae fructus redire.

Finem huic Considerationi imponat prudentissimus Salomon, qui nunc ad Imperii clavum evectus, à DEO non divitias, aut honores, nec plures provincias, aut longos vitæ annos, vel plures de hostibus victorias, sed cor docile ac prudens impensissimè petiit, ut non se duntaxat, sed & populum suum regere, omnesque suas actiones, quâ privatas, quâ publicas, juxta voluntatem Divinam ordinare, ac in finem suum disponere posset: *Dabis ergo servo tuo cor docile, &c.*

O pretiosissima Virgo! tu non Cor docile, aut sapiens, ut quondam Rex Salomon, sed cor, in quo inhabitaret Gratia Divina, à DEO instantissimè postulasti; ita tuus Mellifluus: *Prudens Virgo*, inquit, *non sapientiam, sicut Salomon, non divitias, non honores, sed gratiam requirebat; & causam hujus justissimæ postulationis subjungit: Nimirum sola est gratia, quâ salvamur: Et quid nos aliud concupiscimus fratres? Quæramus gratiam, per MARIAM quæramus, & juxta exemplum Venerabilis Patris Spinolæ de Societate JESU per SS. COR MARLÆ quæramus; quid enim aliud fuit in his terris hoc pretiosissimum COR Virginis, quàm Magnes potentissimus, qui etiam ipsum DEUM de cælo ad se in terram potuit attrahere? Ah pientissima Domina! ô benedicta Inventrix gratiæ! trahe & cor nostrum ferreum ad te, ut per te inveniamus gratiam finalem & accessum apud DEUM, ut aliquando consummato hoc Vitæ cursu ab illo audire mereamur:*

*Venite Benedicti, &c.*






## CONSIDERATIO XI.

Filius DEI descendit de cœlis, ut Filius hominis,  
& Dolorosæ Matris fieret, in cruce pro nobis  
immolandus.



Qui propter nos homines, & propter nostram salutem descendit de cœlis. *Ex Symbolo Nicæno.*

1.  **U**antò major Rex in urbem aliquam adventare solet, tantò præconum series longior præcedit; hinc infinitus DEUS tot figuras & vaticinia præmisit, quæ adventum dilectissimi Filii sui in carnem non tantum populo illi Judaico indicarent, sed & clarissimis rationibus eundem orbis Redemptorem, paulò post ex Virgine nasciturum, demonstrarent. Inter quas umbras & figuras non minima fuit mirabilis illa scala, quam Jacob Patriarcha à terra usque ad cœlum pertingentem, per eam Angelos de-



Genes. 28.

12

scendentes, & ascendentes, imò & ipsum DEUM huic scalæ innixum, atque ad descensum jamjam paratum de intempesta nocte conspicatus est: *Vidit in somnis scalam stantem super terram: & cacumen illius tangens cælum; Angelos quoque DEI ascendentes & descendentes per eam, & Dominum innixum scalæ.* Stupenda visio! portentum ingens, & pluribus refertum mysteriis. Quid, obsecro, per hanc scalam cœlestem olim Jacobo præsignatum fuit, & cur ipse Dominus huic scalæ innixus videbatur: *Et Dominum innixum scalæ?* Littera Hebraica legit: *Pedes in scala habebat veluti descensurus*; magnum hîc latet mysterium; attende.

Rup. Abb.  
hîc in Gen.

Respondet Rupertus Abbas & plures alii, quòd per dictam scalam Jacobo Patriarchæ VERBI DIVINI Incarnatio, & tota Christi generatio, ex ipso Jacobo per varios gradus & generationes usque ad Josephum & B. Virginem MARIAM descensura, fuerit repræsentata, & quòd jam tunc præfatus Jacobus in illa extasi clarissimè agnoverit, VERBUM ad nos descensurum, & carnem humanam ac passibilem suscepturum: *Pedes*, subintrat hîc Barradius, *in scala habebat, veluti descensurus, quasi diceret: Adveniet tempus, ô Jacob, cum ego descendam, humanamque naturam de stirpe tua assumam*; sed & ascendam exinde de novo per scalam, quam vidisti, in cælum, hoc est, per crucem, in qua lapsum genus humanum per sanguinem meum recuperaturus sum: *Crux*, ait Cornelius, *est scala & via, per quam Christus, omnesque Christiani in cælum conscenderunt, & indies conscendunt*: Proin prolemmate huic scalæ affiximus:

Barrad. l. 3.  
cap. 13.

Cornel. hîc.

## Descendendo : Ascendendo.

2. Pulcherrima est illa quæstio, quam in tractatu de Incarnatione VERBI movere solent Theologi, an Christus in carne humana in hunc mundum venisset, si Adam primus homo non peccasset? Sunt, qui cum subtili Scoto, Suarez, & aliis sentiunt, in dicta hypothese Christum venturum fuisse, sed non in carne passibili, cum præcipuus Incarnationis finis, ac motivum juxta illos Auctores fuerit summa tanti mysterii excellentia, & alia bona ex eo consecutura, atque à peccato omnino independentia. Verum si rem perspicaciori mentis oculo perpendimus, unicum ac præcipuum incarnationis motivum videtur fuisse reparatio generis humani, ita quidem, ut si homo non peccasset, Incarnatio ex vi præsentis Decreti facta non fuisset, &c.

Joan. 3. 16

Hanc veritatem Theologicam non tam sacræ Paginæ, quàm & SS: Patrum luculentissima testimonia confirmant: *Sic DEUS*, inquit Veritas Christus, *dilexit mundum, ut Filium suum unigenitum daret, ut omnis, qui credit in eum, non pereat, sed habeat vitam æternam.* Nota hîc, quæso, singula Christi verba, quàm magnam in se emphasim contineant, & quomodo amorem

DEI

DEI in nos miseros τὸ sic emphaticè exaggeret. Item in alio loco: *Venit* Luc. 19. 10 *Filius hominis quærere, & saluum facere, quod perierat*, aliàs non venturus, nisi homo periisset. Et in alio loco: *Ego veni, ut vitam habeant, & abundantius* Joan. 10. 10 *habeant*; audi & Apostolum: *Fidelis sermo, inquit, & omni acceptione dignus*, 1. Tim. 1. quòd Christus JESUS venit in hunc mundum, peccatores salvos facere; hinc & 15 Ecclesia in Symbolo Concilii Nicæni canit: *Qui propter nos homines, & propter nostram salutem descendit de cælis, & incarnatus est, &c.*

Accedunt testimonia SS. Patrum, unde illud S. Augustini: *Si homo non periisset, Filius hominis non venisset*; & in alio loco: *Nulla causa fuit veniendi Christo Domino, nisi peccatores salvos facere*; cui assentit S. Irenæus: *Si non haberet caro salvari, nequaquam Verbum caro factum esset*; & S. Ambrosius: *Quæ erat causa incarnationis, nisi ut caro, quæ peccaverat, redimeretur?* S. August. serm. 8. de Verbis Apost. Idem serm. 9. S. Irenæus 1. 5. cap. 14. S. Ambr. 1. de Incarn. cap. 6. S. Athanas. serm. 3. contra Arian. Quibus adjungo S. Athanasium: *Ut Verbum, inquit, fieret homo, nunquam destitutum fuisset, nisi hominis necessitas id postulasset.* Mittò quàm plurima alia SS. Patrum testimonia, asserentium, Incarnationem VERBI in remedium peccati, & redemptionem generis humani præcipuè fuisse factam, quæ sententia utpote alterâ longè probabilior, etiam multò magis Divinam in nos charitatem ac bonitatem commendat, quàm si dicatur, Christum ob perfectionem universi fuisse in mundum venturum.

Ex quibus, prudens Lector, collige immensæ in te clementiæ, & Divinæ Bonitatis argumentum, quid enim meruit homo, peccator tam abominandus, & læsæ Divinæ Majestatis reus, quàm ut cum Angelis Apostaticis propter demerita æternis deputaretur supplicii? *Quis tibi imputabit, ait Sapiens, si perierint nationes, quas tu fecisti: non enim aliud est DEUS, quam tu?* Sap. 12. 12 Et si universus terrarum orbis coram DEO non aliud est, quàm *unica guttula roris antelucani*, quota pars es tu? Proinde si totus mundus periisset, habitâ DEI ratione perinde fuisset atque si canis aut culex, vel aliquid eò minus interiisset: *Hinc bonitas effulget, sunt verba S. Damasceni, quòd figmenti sui, hoc est, hominis imbecillitatem DEUS non contempsit, sed lapsi vicem doluit, eique manum porrexit.* Sap. 11. 23 O quantum igitur obligatus es, anime mi! SS. Trinitati pro admirabili hoc consilio super animæ tuæ salute? Quantum obligatus Filio DEI, cujus Incarnationis scopus unicus fuit redemptio tua, & instauratio Divinæ Imaginis, quæ in te per peccatum tam fœdè erat deformata? Quantum denique obligatus B. Virgini Mariæ, quæ suo singulari assensu in Incarnationem mundo succurrit perditio? *Filii DEI Incarnatio & passio, ait Quaresmius, Deiparæ Virgini Mariæ fidei, obedientiæ, ac bonis operibus, singulariter tribuenda est, &c.* Quaresm. To. 4. c. 19 sect. 12. O beatissima Virgo & Mater! verè qui te non amat, anathema sit.

3. Hoc admirandum Incarnationis mysterium, ex quo totum fidei nostræ orthodoxæ fundamentum pendet, jam à prima mundi ætate revelavit DEUS Adamo, dum ei somnum immisit: *Immisit ergo Dominus DEUS so-* Genes. 3. 21 *porum*



8. August.  
quem citat  
Cornelius,  
& Alii plu-  
res hic.  
Genes. 3. 15  
Genes. 5. 29

porem in Adam, in quo somno, seu potius mentis extasi non tam scientiam infusam omnium rerum naturalium à Deo accepit, sed & sublime illud Divini Verbi aliquando incarnandi mysterium agnovit, quod illi denuo per illa verba insinuatum fuit: *Inimicitias ponam inter te & mulierem, & semen tuum & semen illius*, hoc est, per Christum ex B. Virgine incarnandum.

Genes. 6. 14  
Ven. Beda  
in hunc loc.

Agnovit & Lamech, pater Noëmi: *Vocavitque nomen ejus Noë, dicens, iste consolabitur nos ab operibus & laboribus manuum nostrarum in terra, cui maledixit Dominus.* Ubi juxta Rupertum, Cornelium, & alios, Messiam nascendum in umbra Filii sui non obscure prævidit, proinde illi nomen imposuit Noë, quod idem est, quàm: *Quies*, aut: *Quiescere faciens*, aut: *Consolatio generis humani*; consolatio autem generis humani factus est Christus JESUS ex Virgine incarnatus, & pro salute univerforum crucifixus, cujus deliciae sunt esse cum filiis hominum; hinc Venerabilis Beda verba illa: *Fac tibi arcam, &c.* Patri æterno pulcherrimè accommodat: *Quod dicit, inquit, fac tibi arcam, consilium Patris potest intelligi ad Filium de assumptione carnis, &c.*

Genes. 2. 12

Agnovit & Noë, filius Lamech, in cujus gratiam DEUS finito universali diluvio in superiori aëris regione arcum, seu iridem suspendit: *Hoc signum fœderis, quod do inter me & vos, & omnem animam viventem, &c.* Per quam iridem Noëmo & posteris ejus Verbum, suo tempore pro salute mundi incarnandum revelatum est: *Iris, inquit Cornelius: est Verbum incarnatum, & carne velatum, sive, est ipsa caro Verbi.* &c. per quod Verbum, & in quo Verbo omnia in integrum restaurata sunt. O magnum, o admirabile Divinæ Incarnationis ex Virgine mysterium, & quis est, qui hoc considerat?

Cornel. hic.

Gen. 21. 12

4. A Noëmo ad Abrahamum transeamus, genere Chaldaëum, & à DEO sæpius per varias tribulationes probatum, ac tunc præsertim, cum jam centenarius à DEO jussus est, ut filium suum unigenitum, quem diligebat, Isaac, sibi in holocaustum super unum montium immolaret; & ecce, cum alligasset Isaac, gladiumque arripuisset, quo innocentis prolis jugulum feriret, in ipso extremæ necessitatis articulo, & in ipso limite mortis adest repente de cœlo nuntius, qui filio parcere jubet: *Non extendas manum tuam contra puerum, &c.* Res miranda! nunquid DEUS omnino est immutabilis, non tam physicè, quàm & moraliter? Nunquid ex animi inconstantia aliud vellet potest, quàm quod semel decrevit? An non ipse, apud Malachiam dicit: *Ego Dominus & non mutor?* ad quid ergo hic suam immutavit sententiam? prius jusserat, ut feriret, modò vociferatur, ut parcat?

Malach. 3. 6

Gen. 21. 18

Adverte, anime mi! magnum hîc latet mysterium. Promiserat quondam idem pientissimus DEUS sancto illi Patriarchæ, quod de stirpe sua in tempore opportuno esset incarnandus Unigenitus DEI Filius: *Benedicentur in semine tuo omnes gentes*; ubi per semen Abrahæ intelligitur Christus, ex eodem Isaac secundum carnem nascendus, in qua Divina prole omnes gentes essent.



essent benedicendæ, & ab interitu (si vellent veræ fidei lumen agnoscere) redimendæ: *Abrahæ*, inquit Apostolus, *dictæ sunt promissiones*, &c. Et B. Gal. 3. 16 Virgo ad Elisabeth: *Sicut locutus est ad Patres nostros, Abraham, & semini ejus* Luc. 1. 55 *in sæcula*; quæ omnia per adventum Christi in carne adimpleta esse liquet. Vivat igitur filius tuus Isaac, & non occidatur: *Non extendas manum tuam contra puerum*, quia ex illo surget Christus de Virgine incarnandus, qui vi- ces in eodem monte suo tempore supplebit, ubi super struem lignorum, hoc est, in ara crucis pro salute omnium erit immolandus. Similitudinem cape sis ex tenero furculo, trunco veteri implantato, ut arbor nova exurgat, & fructus suos in tempore afferat, quem si confringis furculum, tota arbor, & rami ejus futuri pereant, necesse est. Sic si Isaac à Patre fuisset tunc ob- truncatus, omnis Christi generatio & genealogia ab Abraham usque ad JOSEPHUM & MARIAM uno ictu gladii fuisset extincta, & consequen- ter videtur, quòd nec Christus fuisset incarnatus ex Virgine, filia Abrahæ: *Nunquam Angelos apprehendit*, subintrat iterum Apostolus, *sed semen Abra-* Hebr. 2. 16 *hæ apprehendit*; qui tunc cum Isaac filio ob tam generosum facinus de con- gruò meruit, ut Christus ex sua prosapia, & non ex alia secundum carnem nasceretur.

5. Roboremus hanc veritatem per alium conceptum. Dicite, quare Isaac nunc senex & brevi moriturus dilecto filio suo Jacob, statim ut sensit odoris fragrantiam, quam vestibus suis spargebat, tam amanter, & insolita perfusus lætitiâ benedixit: *Det tibi DEUS de rore cæli, & de pinguedine ter-* Gen. 27. 28 *ræ*, &c. Ad quid ista benedictio?

Respondet S. Augustinus, benedictionem istam in Christi incarnatione S. Aug. l. 16. esse adimpletam, cujus adventum tunc Isaac in umbra prævidebat, unde & Civit. 37. antiqui Patres eundem orbis Salvatorem, ut rorem de cælo cadentem desi- derabant: *Rorate cæli desuper, & nubes pluant justum*; Beatus Theodoretus Isa. 45. 8 verò eleganter per illum rorem cæli Divinitatem Verbi, & per pinguedinem B. Theodor. terræ ejus humanitatem à terra virginea fuscipiendam intelligit: *Ros Christi* q. 81. in Gen. *Divinitas, pinguedo terræ humanitas*. Viden' hic, prudens Lector, & per- B. Petrus Chrysol. pende cum B. Petro Chrysologo, quomodo Incarnatio Verbi negotium fue- serm. de Annunt. rit omnium sæculorum, & quomodo ab origine mundi de communi hoc mundi remedio actum fuerit, donec tandem intra claustra Virginis Nazare- thanæ hoc summum, admirabile ac cœleste negotium completeretur: *Ecce, Isa. 7. 14* *Virgo concipiet, & pariet filium, & vocabitur nomen ejus Emmanuel*.

6. Si vis, anime mi! Agglomeremus argumenta. Dic, quænam per- sona ex SS. Trinitate Moyse, in deserto oves pascenti, in rubo ardente, & in- combusto, apparuerit: *Vidi afflictionem populi mei: Descendi, ut liberem eum?* Exod. 3. 7 Respondet Theodoretus, fuisse Filium DEI, magnum illum consilii Angelum, Theodoret. loc. cit. in

salute incarnaretur, sed placuit SS. Trinitati grande hoc opus adhuc aliquantisper & in tempus magis opportunum differre.

Dic ulterius, quisnam ille fuerit, quem olim Nabuchodonosor Rex in camino ignis ardentis, in quem Ananias, Misaël & Azarias coniecti sunt, similem Filio hominis conspiciatus est: *Et species quarti similis Filio DEI?* Respondet S. Hilarius, Justinus, Tertullianus & alii, quod ipse DEI Filius fuerit, qui jam tunc, antequam incarnaretur, humanæ naturæ similitudinem induerat, & sic ad futurum redemptionis officium se exercebat, quia *deliciae ejus sunt esse cum filiis hominum.*

Placet ulterius progredi. Dic, cur Ezechias Rex pientissimus, cum illi ab Isaia in ægritudine insinuatum fuit illud fatale: *Dispone domui tuae, quia morieris tu, & non vives*, mox ad parietem se converterit: *Et convertit Ezechias faciem ad parietem, & oravit ad Dominum?* Respondet S. Gregorius Magnus, per illum parietem orientalem, ad quem Rex ægrotans se in lecto convertit, adumbratam fuisse incarnationem & humanitatem Christi, quam à B. V. MARIA suo tempore erat suscepturus; ad hanc igitur Rex mœstissimus, & nunc morti proximus summis votis aspirabat, nam ipse stat post parietem nostrum; hinc tam amarè flebat, quia formidabat, à generatione Christi se esse exclusum, &c.

Vide hic, anima Christiana, quam ardentibus quondam vôtis Reges, Patriarchæ, & Prophetæ ad Incarnationem Verbi aspirarint; hinc Isaia ait: *Propter Sion non tacebo, & propter Jerusalem non requiescam, donec egrediatur ut splendor justus ejus, & Salvator ejus ut lampas accendatur.* O mortales omnes! cur non erubescitis, quòd hoc summum Incarnationis beneficium, & opus misericordiæ Divinæ planè immensum tam parvi faciatis? *In nullo*, inquit Mellissus Doctor, *DEUS sis commendat charitatem, quomodo in mysterio Incarnationis ejus & passionis; in nullo sic revelatur ejus pietas; in nullo sic apparet benignitas, quomodo in humanitate, &c.* Erat enim tunc porta salutis occlusa omnibus, & tot millenis annis usque ad illud tempus per flammæum, atque versatilem Cherubini gladium custodita; clavum Imperii tenebant Gentiles, & idololatræ; peccata omnium populorum totum inundabant orbem; imò & ipse populus Hebraicus, licet à DEO electus, innumeris scatebat vitiis & erroribus; verbo: *Tenebra erant super faciem abyssi*, unde succlamabant Patres: *Utinam dirumperes cælos & descenderes; & ecce ubi tandem venit plenitudo temporis, misit DEUS Filium suum, factum ex muliere, factum sub lege, ut eos, qui sub lege erant, redimeret.* O immensa charitas! ô abyssus misericordiarum DEI! quid ultra potuisset nobis facere DEUS, & non fecit? Et quis est, qui recogitat corde?

7. Mirabatur olim electus DEI populus, dum vidit mare rubrum virtute unius virgæ Moisaicæ apertum, & scissum, viamque Hebræis in Palæsti-

nam

Dan. 3. 92  
S. Hilar.  
Justin, Ter-  
tull. citari à  
Cornel. hic.  
Prov. 8. 31

Isa. 38. 1.

S. reg. M.  
cit. à R. P.  
Eustach. à  
S. Ros. in  
Proëmiali,  
Cant. 2. 9

Isa. 62. 1

S. Bernh.  
serm. de di-  
lig. Deo.  
Gen. 3. 24

Genes. 1. 8  
Isa. 64. 1  
Gal. 4. 4

Jer. 11. 12



nam ex Ægypto referantis, unde Vates Regius: *Mare vidit, & fugit.* Quid, Psal. 113. 3  
 obsecro, pensasset ille populus, si ipsum VERBUM Patris vidisset de cœlo  
 in gremium unius Puellæ Hebraicæ descendere, ac tandem per virgam cru-  
 cis viam omnibus, se sequentibus, ad cœlestem Palæstinam adaperire? Ni- S. Bernh.  
serm. 3.  
Vigil. Nat.  
f. 12.  
 hil DEO sublimius, ait Mellifluus, nihil vilius limo, & tamen tanta dignatione  
 DEUS descendit in limum, tantaque dignitate limus ascendit ad DEUM, ut  
 quidquid in eo DEUS fecit, limus fecisse credatur, tam ineffabili, quàm incompre-  
 hensibili Sacramento.


Vidit quondam, & attonitus stetit orbis terrarum, dum tempore Josue Josue. 10.  
 solem in medio cursu stantem, & tempore Regis Ezechiae per decem gradus 13  
Isa. 38. 8  
 retrogredientem spectavit. Sed quid ista? Nunquid mirari magis debet  
 mundus, dum videt ipsum DEUM, verum illum justitiæ solem, adeò in  
 utero Virginis humiliatum, adeò exinanitum, ut de se ipso dicere non vereat-  
 ur: *Vermis sum ego, & non homo?* Psal. 21. 7

Vidit Jordanis Arcam Fœderis sibi appropinquantem, & præ stupore  
 stetit ex una parte attonitus; & ex altera rapido cursu in mare mortuum ef-  
 fusus, liberum populo reliquit transitum: *Jordanis conversus est retrorsum.* Psal. 113. 3  
 Sed nunc cernit mundus veram & animatam DEI Arcam, hoc est, ipsum  
 DEUM carne humanâ vestitum, in mundum ingredientem, ut salvaret,  
 quos condidit. O maxima miseratio, quia maxima tunc erat miseria: O Psal. 8. 5  
*Domine, quid est homo, quòd memor es ejus?*

Jacob quondam ingrato Labano, cui per tot annos fideliter inservierat,  
 in faciem objectavit: *Modicum habuisti, antequam venirem ad te, & nunc di-* Gen. 30. 30  
*ves effectus es, benedixitque tibi Dominus ad introitum meum.* O anima Chri-  
 stiana! dic, quid habebat mundus, antequam Christus veniret in carnem, &  
 à Virgine mortale corpus susciperet, olim pro nobis in cruce tradendum?  
 Ah nihil habebat, nisi peccata, & omnia miseriis & calamitatibus referta:  
*Sed nunc,* rectè ait Rupertus Abbas, *dives effectus est mundus universus, benedi-* Rup. Abb.  
cap. 37. in  
Gen.  
*xitque illi DEUS ad introitum Christi Filii sui omni benedictione spiritali, quâ*  
*& imprimis illi omnia peccata condonavit, & deinde multiplicia ei contulit Spi-*  
*ritus Sancti dona, &c.* Quid igitur restat, nisi ut DEO T. O. M. animitus  
 gratulemur omnem gloriam ex tam admirabili Incarnationis opere proma-  
 nantem. Gratulemur & Christo JESU Filio DEI, dum per naturam hu-  
 manam sibi unitam factus est etiam Filius hominis, imò & frater noster.


Gratulemur tandem & SS. Matri ejus talem Filium, & omnia bona per  
 ipsum in eam derivata, dum per illum assensum in Incarna-  
 tionem plus meruit, quàm omnes Angeli &  
 Sancti DEL, &c.





# CONSIDERATIO XII.

B. Virgo jam ab illo instanti, quo Mater DEI esse  
cœpit, in Corde crucem & doloris gladium  
portavit.



Virtus Altissimi obumbrabit tibi.

LUC. I. 35.

I. **M**

Ira ac diversa à SS. Patribus purissimæ Virgini MARIÆ attribui solent elogia. B. Rupertus Abbas eam paradisum voluptatis appellat, in quo DEUS primum hominem posuit, qui apud ipsum in principio erat, hoc est, Christum JESUM, novum illum ac innocentissimum Adamum. Richardus à S. Laurentio eandem Sacratissimam Deiparam lectulo pacifici Salomonis assimilat, in quo DEI Filius novem mensium spatium quievit. S. Amadæus illam feracissimam virginitatis plantam vocat,

Rup. Abb.  
3. 4. in Cant.

Rich. l. 10

S. Amadæus  
hom. 1.

ex qua immaculatum illud castitatis liliū inter spinās, hoc est, DEUS & Homo Crucifixus prodiit. S. Ambrosius ex eadem SS. Virgine craterem tor-  
 natilem facit, qui nobis carnem & sanguinem Christi propinat. Alii ean-  
 dem appellant thesaurum omnis sanctitatis; ideam perfectionis, gratiarum  
 aquæductum, solium gloriæ DEI, microcosmum gratiarum, & radicem  
 bonorum omnium, &c. Sed nec ille à veritatis scopo aberravit, qui hanc  
 SS. Virginem horologio, seu potius solario Achaz. assimilavit: *Et ecce, re- Isa. 38. 8*  
 verti faciam umbram linearum, & per quas descenderat in horologio Achaz in  
 sole, retrorsum decem lineis. Per quem solem rectè Sol ille iustitiæ, qui est  
 Christus DEUS noster, per novem autem gradus, novem Angelorum Cho-  
 ri, per quos Sol ille Divinus retrogressus est, per decimam autem lineam  
 B. Virginis uterus, vel Crux, in quo utroque Sol ille oriens & occumbens  
 requievit, intelligi possunt, ipsum autem horologium Achaz juxta mentem  
 SS. Patrum SS. Deiparam designavit, unde eam in Officio de Immaculata  
 Conceptione passim in Ecclesia recepto, salutare solemus: *Salve horologium,*  
*quò retrogradiatur Sol in decem lineis, Verbum incarnatur, Homo ut ab inferis*  
*ad summa attollatur.* In quem finem huic nostro solario à sole meridiano  
 illustrato, & in umbra numerum decimum, id est, Crucem X. exhibenti il-  
 lud Gabrieli pro lemmate inscripsimus:

## Altissimus obumbrat.

Ita est, o pientissima Virgo! enimverò obumbravit tibi Sol ille oriens Luc. 1. 78  
 ex alto, & occumbens in cruce; proinde meritò non tam sub cruce, quàm  
 etiam in Incarnatione Verbi dicere poteras: *Nolite considerare, quòd fusca Cant. 1. 5*  
 sim, quia decoloravit me Sol, dum enim ad Archangeli vocem respondisti:  
*Fiat mihi secundum verbum tuum,* in quo instanti perfectissimā voluntate pa- Luc. 1. 38  
 ratam te exhibuisti ad omnia adversa cum Filio tuo in posterum per omnem  
 vitam toleranda. Juvat hic pro stabilienda hac veritate in testem adducere  
 magnum illum Theologiæ mysticæ Doctorem, Joannem Taulerum, qui ita Joan. Tauler.  
 cum hac SS. Deiparente sermocinatur: *O MARIA præcipua Martyrum Exercit. Vi-*  
 omnium, non hoc est initium dolorum tuorum sub cruce; non hic tua cepit pas-  
 fio; non hic prima est tui DEO obedientis abnegatio: Sed sicut Christus Filius cap. 18.  
 tuus ab initio gratissimè se subdidit ad mortem usque Patris voluntati, & toto vi-  
 ta sua spatio paupertatem, persecutiones, oblocutiones & contemptus sponte sus-  
 tinuit; sic tu Domina nostra dulcissima totam te resignasti DEO, quando Mater  
 Filii DEI esse consensisti, &c.

2. Ad roborandam hanc veritatem audiamus insignem conceptum.  
 Postquam cœlestis ille paranympus, & humanæ salutis nuntius, Gabriel  
 Archangelus, hanc magnificam legationem à SS. Trinitate acceptavit, ut



VERBUM mox incarnandum intemeratæ Virgini MARIÆ annuntiaret, non sine ambizioso plurimorum Angelorum comitatu in assumpta hominis forma ad Domum Nazaræam, ubi Virgo plùs quàm Angelica puritate conspicua commorabatur, se contulit, ad quam cùm ingrederetur, eam summâ cum veneratione salutavit: AVE. Hæret ad hanc Angeli vocem mens & lingua mea attonita; & quid hoc est, magne cœli Princeps & Archangele? Quare SS. Virginem, mox DEI Matrem futuram per *τὸ Ave* salutas? Cur non dicis: *Salve*? An non profus idem sibi volunt *Salve* & *Ave*? Non equidem ignoro, quòd per *τὸ Ave* designata fuerit tota Sanctissima Trinitas, à qua immediatè Archangelus hunc salutandi modum mutuaverat, per A. enim significatur *Alpha & Omega*, principium & finis, hoc est, Pater æternus; per V. indicatur VERBUM mox incarnandum; & per E. Emissio Spiritûs Sancti, qui à Patre, Filioque procedit; scio insuper, quòd per AVE reparatum fuerit, quod priùs ab Eva destructum fuerat; proinde si *τὸ AVE* retro legis, nomen Eva prodibit, hinc versus ille venit ex utraque parte legendus:

### Robur Ave tenet, & te tenet Eva rubor.

Scio ad hæc, quòd *τὸ AVE* idem sibi velit, quàm A - VE, hoc est, sine væ, ubi enim universum humanum genus huic communi væ in contrahendo peccato originali erat obnoxium, sola purissima Virgo sine ullo væ & noxa permansit. Sed aliud hîc latet mysterium. Observa, prudens Lector, attentiore mentis oculo *τὸ AVE*; & quid, quæso, hîc Echo Mariana resonat? *Ave, Ave, Ave --- va, va, va.* O AVE gaudiosum, sed & lacrymosum! quia non sine flebili væ hoc *Ave* pronuntiatur, & dum orbi salutem & B. Virgini Verbum incarnandum annuntiat, simul & longum væ per totam vitam SS. Cordi Mariano prædixit: *Angelus Ave dixit*, ait quidam recentior & insignis Orator de Societate JESU, *& doloris gladius MARIÆ pectus transfixit, Filium enim se parituram audivit, & eodem momento Filii flagella vidit, spinas & crucem prævidit; Concipiebat, & jam sub cruce stabat: Concipiebat, & jam Crucifixum deponebat: Concipiebat, & jam vulneratum lavabat: Concipiebat, & jam sepultum deplorabat.* O gaudiosum, sed & triste, nimisque luctuosum AVE! O anima Christiana! recordare hujus Ave, quando hanc Sacratissimam Matrem tuam Angelica salutatione honoras.

3. Verùm progrediamur ulteriùs, & inquiremus, quænam illa domus fuerit, quam sibi quondam Sapientia ædificavit, & septem firmissimis columnis suffulsi: *Sapientia ædificavit sibi domum; excidit columnas septem: immolavit victimas suas, miscuit vinum, & proposuit mensam suam.* Adverte, prudens Lector, singula hîc aliquid denotant; attentum te esse discupio.

Sapient-

R. P. Casp.  
Knittel. S.  
Jes. in Sabb.  
pass.

Prov. 9. 1



Sapientia illa æterna, Filius DEI est, qui communissimè à SS. Patribus Sapientia æterni Patris appellari affolet: Hæc, inquam, Sapientia ædificavit sibi domum, in qua habitaret DEUS cum hominibus, hoc est, sanctissimam ac purissimam Matrem suam; in cujus Sacratissimo utero per novem menses requiescere dignatus est: *Et qui creavit me, requievit in tabernaculo meo.* Eccel. 24. 12  
 Suffulsit autem hanc domum septem columnis, per quas B. Petrus Damianus septem Spiritus Sancti dona intelligit, Mellissius verò tres virtutes Theologicas: Fidem, spem, charitatem, & quatuor Cardinales, hoc est, prudentiam, justitiam, fortitudinem & temperantiam, quibus SS. Virgo dotata, & velut firma domus DEI suffulta fuit, de qua mystica domo & ille Jacob Patriarcha vaticinatus est: *Non est hic aliud, nisi Domus DEI, &c.* Et sequitur: *Immolavit victimas suas;* ubi advertit Venerabilis Beda, quòd Christus non unam, sed multas victimas obtulerit, & instar multarum victimarum fuerit, quia plurima tormenta exantlavit, quorum quodlibet ad eum necandum sufficiebat; unde in plurali dicitur, victimas immolasse. *Miscuit vinum,* quando in circumcissione, flagellatione, coronatione, crucifixione, Divinum Sanguinem largissimè pro salute nostra effusum, cum lacrymis afflictissimæ Matris suæ, quas præsertim stans sub cruce dolentissimè profudit, quodammodo immiscuit. Denique *proposuit mensam suam,* dum Carnem & Sanguinem suum in SS. Evcharistia non tam in cibum & potum, quàm etiam in victimam, hoc est, in Sacrificium, quod quotidie in altari DEO T. O. M. pro peccatis offertur, in signum infiniti amoris sui reliquit.

O anima Christiana! considera hic planè immensum SS. Cordis JESU & MARIÆ in nos amorem; quid enim aliud est Caro Christi, quàm Caro MARIÆ? Et quid Cor JESU, quàm Cor MARIÆ? De illa enim VERBUM suam carnis substantiam assumpsit, sibi que intimè univit; & quod semel assumpsit, nunquam dimisit; ergo dum SS. Evcharistiam percipis, pariter & de purissima Matris DEI Carne & Sanguine reficeris? O bone DEUS! quis hanc perpendens veritatem, non colliquescat saltem aliquo amore erga JESUM & MARIAM, quorum tota vita à primo conceptionis instanti crux fuit & martyrium? Verè immortales illis pro hoc præstantissimo nutrimento tenemur gratias persolvere. Juvat hîc audire B. Petrum Damianum: *Hîc, inquit, dilectissimi fratres; hîc rogo, perpendite, quàm debito-* B. Petr. Damian. in serm. de Nativ.  
*tores simus huic beatissimæ DEI Genitrici, quantasque illi post Dominum gratias agere debeamus: Illud siquidem corpus, quod beatissima Virgo genuit, quod in gremio fovit, quod fasciis cinxit, quod maternâ curâ nutrit, nunc de sacro altari percipimus, & ejus Sanguinem in Sacramento nostræ redemptionis haurimus. Impar est illi omne humana linguæ præconium, quæ de intemerata carnis suæ visceribus cibum nobis protulit animarum, eum videlicet, qui de se ipso perhibet: Ego sum panis vivus, qui de cælo descendi.*

Quaresm.  
Tom. 3. c. 8.  
sect. 8.  
Philipp. 2. 8

4. O pietissima Domina! cui ulteriùs te comparabo? Altare es, in quo immensus DEI Filius ingrediens mundum (quando Verbum caro factum est) statim à primo conceptionis instanti prompta voluntate & affectu se Patri æterno prima vice in holocaustum & Sacrificium, & ultro, quia voluit, morti crucis se obtulit. Ita S. Methodius, & ex eo doctissimus Quaresmius: *Cor Virginis, inquit, fuit altare, in quo Filius se ipsum obtulit in Sacrificium.* Ad quod pariter allusit Gentium Doctor Paulus, dum ad Philippen- ses scripsit: *Humiliavit semetipsum Patri, factus obediens usque ad mortem, mortem autem crucis.* O cœli obstupefcite! Christus vix incarnatus, & pro nobis jam crucifixus? O cœli obstupefcite!

Jerem. 31. 22  
Rom. 9. 28  
Gen. 2. 18

Jeremias olim, cùm in umbra tantùm hanc prævidisset veritatem, tam insolito attonitus prodigio exclamâsse perhibetur: *Novum faciet Dominus super terram; fœmina circumdabit virum.* Verum novum, & admirabile, propter Virginis concipientis integritatem, nam Mater efficitur, & permanet Virgo. Novum, propter fœtus efformationem, animæque infusionem, quæ in puncto & unico instanti à Spiritu Sancto peracta sunt. Novum, quia DEUS factus homo passibilis & mortalis. Novum, quia tenerimus Infans vix quò ad corpusculi magnitudinem cum minutissima apicula tunc comparandus, omnimodâ tamen ac Divinâ pollebat Sapientiâ. Novum, quia sanctissima anima Christi jam tunc in carcere materno inclusa essentiam DEI vidit. Novum denique & maximè novum, quia jam tunc à primo conceptionis momento Divinus ille Infans in utero Virginæ Matris suæ erat crucifixus, & cum eo pariter SS. Mater ejus: *O Verbum breviatum, quod fecit Dominus super terram!*

Hugo Car.  
in Ps. 90. 1  
S. Bernh. in  
Vigil. Nat.  
Dom.  
Luc. 15. 2

Olim de Eva dictum fuit: *Faciamus ei adjutorium simile sibi.* Hoc longè meliori jure dicere possumus de B. V. MARIA, quòd Christo Filio in Incarnatione, passione ac redemptione generis humani adjutorium simile extiterit. *Hac est,* ait Hugo Carenfis, *adjutorium Altissimi, quia juvat eum ad salvandum genus humanum.* O quàm benè igitur Mellissus Bernhardus: *Quia indigus eras, cui donaretur DEUS, datus est MARIE, ut per illam acciperes, quidquid haberes; & subjungit, Nihil nos DEUS habere voluit, quod per manus MARIE non transferit.* Et cur igitur, ô animâ tepida ac languida, non accedis ad MARIAM, nam & ipsa peccatores recipit, quia propter ipsos Mater DEI facta est?

Cant. 5. 1

5. Revocate hîc, si placet, in memoriam officiosissimam illam invitationem, quâ olim Sponsa dilectum ac cœlestem suum Sponsum invitavit, ut in hortum suum dignaretur descendere, & fructum pomorum suorum degustare: *Veniat dilectus meus in hortum suum, & comedat fructum pomorum suorum; cujus piæ ac justissimæ petitioni tandem acquiescens Sponsus respondit*  
*Veni:*



*Veni in hortum meum, Soror mea Sponsa; messui myrrham meam cum aromatibus. Magnum hîc latet mysterium; attentas arrigite aures.*

Per hanc Sponsam rectè SS. Patres SS. Deiparam subaudiunt, quæ, licet optimè novisset, quæ & quanta Unigenito DEI Filio pro salute mundi consummandâ, per omnem vitæ cursum forent sustinenda, cœlestis tamen Patris voluntati humiliter obsecundans, hunc amantissimum animæ suæ Sponsum ardentissimè invitare non dubitavit, ut tandem secundum promissâ Patribus olim factâ, de cœlo descenderet, & veniret in hortum suum, hoc est, per incarnationem in uterum suum virgineum ad comedendum fructum pomorum suorum, non infelix illud terrestris paradisi pomum, ex cujus comestione adhuc dentes posterorum obstupescunt, sed fructum pomi illius. (hoc est, quod causavit illud pomum) nimirum dolores, gemitus, persecutiones, injurias, ærumnas, verbera, flagella, spinas, crucem, mortem &c. Et placuit hæc tam ardens invitatio cœlesti Sponso, qui ad vocem Virginis: *Fiat*, descendit de cœlis, venit in uterum ejus, tanquam in hortum omni virtutum genere excultissimum: *Et Verbum caro factum est*, ubi messuit myrrham cum aromatibus, per quam myrrham assidua Christi passio adumbrata fuit. Audite superius memoratum Mellissimum: *Volve*, inquit, *& revolve vitam boni JESU, & non invenies eum nisi in cruce; ex quo enim carnem assumpsit, semper in pœna fuit, in amaritudine & angustia, &c.*

S. Bernb.  
serm. de Pass.  
Dom.

Ex his collige, anime mi, quantum obligatus sis tantæ Matri DEI & tuæ, quæ tibi non de condigno quidem, sed tamen de congruo Christi, pietissimi Redemptoris tui, meruit Incarnationem, & per consequens & passionem, & tuam salutem. Juvat hîc audire Magnum Augustinum: *MARIA*, inquit, *multum gaudeo, multum audeo; nos enim tibi, teque nobis mira vicissitudo considerat, ut licet pro nobis habeas id esse, quod es, nos verò per te id esse, quod sumus; si enim nulla præcessisset nostra transgressio, non esset secuta nostra redemptio, & si necessarium non esset redimi peccatorem, non esset necessarium parere Redemptorem, &c.*

S. August. in  
serm. de  
Virg.

6. O purissima Virgo! quid ultra possum dicere de te? Ager es fecundissimus, non trigesimum, aut sexagesimum, sed centesimum, imò & Matth. 13. millesimum fructum afferens, ex quo agro dulcis ille fructus, seu verum frumenti granum excrevit, pro omnium salute in cruce mortificandum. Vitis es fecundissima: *Ego quasi vitis fructificavi*; quæ Divinum illum botrum, Eccl. 24. 23 Verbum incarnatum protulisti, qui tandem in torculari crucis pro totius mundi redemptione ac salute usque ad ultimam sanguinis stillam expressus fuit: *Botrus Cyprî dilectus meus*. Terra es illa benedicta, de qua Psalter vaticinatus est: *DEUS autem Rex noster ante sacula, operatus est salutem in medio terra*. Scio equidem, ô benedicta Inventrix gratiæ, ô Genitrix vitæ, ô Mater salutis! quòd dulcissimus Filius, in medio terræ, hoc est, in monte Golgo-

*Mater Dolorosa.*

M

thæo



90 *Consideratio XII. Crux in Corde B. V. ab Incarnatione Filii*

thæo (qui medium terræ dicitur) passus, & cruci affixus fuerit, atque in hoc loco omnium salutem operatus sit; sed & Sacratissimus uterus tuus, ita attestante Mellissuo, fuit illud medium terræ, in quo mundi salutem incepit operari: *Et tunc jam, sunt verba S. Bernhardi, operabatur nostram salutem in medio terræ, in utero videlicet Virginis MARIE, qui mirabili proprietate terræ medium appellatur; ad illam enim tanquam ad medium, sicut ad Arcam DEI, sicut ad rerum causam, sicut ad negotium sæculorum respiciunt, & qui in cælo habitant, & qui in inferno, & qui nos præcesserunt, & nos, qui sumus, & qui sequentur, & nati natorum, & qui nascentur ab illis. Illi, qui sunt in cælo, ut resarciantur; & qui in inferno, ut eripiantur; qui præcesserunt, ut Prophetæ fideles inveniantur, qui sequuntur, ut glorificentur.*

7. Olim ad portam illam auream & speciosam mendicus ille, & claudus ex utero Matris suæ, quem ponebant quotidie ad portam templi, quæ dicitur speciosa, optatam & corporis & animæ salutem consecutus est. Et nos quid aliud sumus, quàm claudi in via virtutis, & miseri mendici? ita D. Augustinus: *Omnes mendici DEI sumus, ante januam magni Patrifamilias stamus, imò & prosternimur, supplices ingemiscimus, aliquid volentes accipere, & ipsum aliquid ipse DEUS est.* Porta illa aurea & speciosa B. Virgo & Mater DEI est, verè porta cæli, ad quam oportet nos sedere, & mendicare, per illam enim accessum habemus ad Filium, à Filio ad Patrem: *Si peccata tua premunt te, ait Mellissus Bernhardus, ut liquefias sicut cera à facie ignis, vade ad Matrem misericordiæ, & ostende sibi vulnera, & ipsa pro te Filio suo ostendet pectus & ubera, & Patri latus & vulnera; Pater non negabit Filio postulanti, neque Filius negabit Matri interpellanti, neque Mater negabit peccatori ploranti; Civitas enim est refugii: O quàm gloriosa dicta sunt de te Civitas DEI!*

Pro coronide hujus considerationis investigare oportet adhuc aliquem conceptum, quare benignissimus DEUS, qui omnia suaviter, ac prudenter ordinat in finem, pro primo & rebeli homine paradysum illum voluptatis, ac locum deliciarum condere, eumque tantopere exornare voluerit? Ad quid, obsecro, iste ornatus? Nunquid præcivit, Protoplastos brevi exinde eliminandos, imò & ipsum paradysum in generali diluvio dissipandum?

Rationem assignant SS. Patres, ut ex hoc figurante altius mente ad ipsum figuratum ascenderemus, per illum enim paradysum præsignata fuit SS. Deipara, MARIA, verè *paradysus DEI*, ita S. Bernhardus: *Paradysus deliciarum*, ita S. Ephrem: *Paradysus voluptatis*, ita S. Bonaventura: *Paradysus spiritualis secundi Adam*, ita S. Jacobus in Liturgia &c. Ad hunc ergo paradysum properemus in nostro exilio; non adstat hîc Cherubim cum gladio ignito, atque versatili; omnes accessum ad illum habemus. O pientissima Domina! respice in nos: *Ad te clamamus exules*

*filii Eva.*

CON-

S. Bernh.  
serm. 2. in  
pentec.

Astor. 3. 2


S. August.  
serm. 15.  
in Evang.  
Matth. de  
Verb. Dom.  
Gen. 28. 17  
S. Bernh.  
serm. 2. de  
Assumpt.

psal. 86. 2

S. Bernh.  
in precat. ad  
Virg.  
S. Ephrem.  
or. de Lau-  
de Virg.  
S. Bonav. in  
Spec. c. 2.

# CONSIDERATIO XIII.

Mater amoris & doloris Verbo gravida, mirum in modum iratum Numen peccatoribus placavit.



Visitavit nos oriens ex alto.

LUC. I. 78.

I. **V**isites in Sacris Litteris felicissimus Christi in carnem adventus orienti Soli comparatus est. Ita Malachias : *Orietur vobis timentibus nomen meum Sol iustitia, & sanitas in pennis ejus ; & Zacharias : Visitavit nos Oriens ex alto ; hoc est, prout exponit S. Vincentius Ferrerius : Visitavit nos Oriens ex alto in incarnatione , ad instar solis illuminando mundum.* Solet autem sol, velut supremus astrorum monarcha , mirum in modum annum & tempora distribuere ; hinc cum remotissimus à nobis est, & domum Capricorni, Aquarii & Piscatoris in Zodiaco ingreditur, aspe-

Mal. 4. 2  
Luc. 1. 78  
S. Vincent.  
Ferr. Fer. 5.  
post Latere.

ram ac tristem hyemem annuntiat. Cùm verò revoluto tempore ad signum Arietis & Tauri divertit, mox amœniora tempora & vernaes referat delicias; si verò stationem Leonis ingreditur, ardentissimus exstat, suaque gemitat incendia. Verùm cùm ad signum Virginis divertit, mirum dictu! non modò ardorem suum suaviter temperat, sed & fructus omnes facit maturefcere, & universæ naturæ optimam causare temperiem; hinc pro Symbolo nostro solem in signo Virginis divertentem effingi curavimus, cum Lemmate: *Cælestes temperat iras*; vel si magis aridet:

### Jam mitiùs ardet.

Per hunc solem in signum Virginis ingredientem rectè Christum Dominum intelligimus, qui, quamdiu in veteri Lege tum naturali, tum Mosai- ca à nobis absuit, aspera & tristis hyems exiit: *Ante adventum Christi*, ait S. Ambrosius, *hyems erat*. Venit & in signum leonis, ubi ardorem iræ suæ in peccatores terræ terribilem in modum effudit. Testatur hoc commune totius mundi naufragium; ignes de cælo lapsi, quibus etiamnum in suis cineribus jacet Pentapolis; Serpentes igniti ac venenati; terræ repentini hiatus; tot sanguinis in præliis effusi maria; immixta in gentes pestilentia, & innumera alia mala ac supplicia, quibus olim iratum Numen peccatorem, in flagranti deprehensum, non claudo sed celeri pede opprimebat. Uxorem Loth consule, ob levem culpam subitanea morte punitam; Moysen & Aaron, licet amicos optimos, propter venialem diffidentiam ab ingressu Palæstinae exclusos; Sororem Moysis Mariam ob levem murmurationem candente lepra castigatam: Prophetam Legi DEI modicè repugnantem, à leone discerptum; Beniamitharum viginti quinque millia ob unius viri delictum gladiis trucidata; quæ plura & similia Divini furoris monumenta, cùm aliquando Ezechiel attentiore mente considerasset, humiliter DEUM deprecatus est, ut mitiorem vultum indueret, sed loco responsi tulit: *Non parces oculus meus, & non miserebor*.

Verùm ubi venit plenitudo temporis, & Sol ille justitiæ, qui est Christus DEUS noster, signum Virginis ingressus est, dum humanam ab ea naturam & carnem assumpsit, mox DEUS iras suas temperare, & miseris mortalibus placari cœpit; ita S. Antoninus: *Sol materialis*, inquit, *per mundum discurrens, ex signo leonis, quando est perfectissimus calor ejus super terram, intrat in signum Virginis, ad innuendum, quod Sol justitiæ Christus DEUS noster ex tempore Veteris Testamenti, quando DEUS ultionem puniens terribiliter peccata, ex ferventissimo amoris calore intrans in uterum Virginis, totus factus est benignus, suavis & humanus*.

3. Ambros.  
ad cap. 2.  
Cant.

Gen 7 17  
Gen. 19. 24  
Num. 21. 6  
Num. 16.

13  
Genes. 19.  
26

Num. 20.  
24

Num. 12.  
10

3. Reg. 13  
24

Judic. 20.  
46

Ezech. 5.  
31

3. Antonin.  
p. 4. tit. 15  
cap. 22.



2. Pulcherrimam de hac veritate figuram nobis exhibent Sacrae Litterae. Considera, anime mi! quam magnificus ac terribilis olim fuerit adventus DEI, cum de caelo in prae-ruptum Sinai montem descendit, ut ibidem populo Israëlitico Legem suam intimaret: *Et intonuit de caelo Dominus, & Ps. 17. 14 Altissimus dedit vocem suam; grando & carbones ignis.* Ubique tunc audiebantur tonitrua, ubique micabant fulgura, ubique clangor perstrepebat buccinarum, populo interim universo prae timore & expectatione ad radices montis ferè exanimato: *Et totus mons Sinai fumabat, eò quòd descendisset Do- Exod. 19. 18 minus super eum in igne, &c.* Econtrario cum idem potentissimus DEUS & universorum Dominus in medio rubi ardentis Moysi apparere dignatus est, totum se mansuetum, totum benignum, atque pacificum demonstravit: *Ap- Exod. 3. 2 paruitque ei Dominus in flamma ignis de medio rubi, & videbat, quòd rubus arderet, & non combureretur.* Res miranda & stupore plena! cur DEUS in monte Sinai adeò se terribilem, bellicosum, & majestate plenum exhibuit, ad cujus conspectum ne quidem aliquis Israëlitarum audebat muſitare, vel ad montem hunc sanctum propius accedere, sed rogabat populus Moysen, ut ipse loco omnium ad DEUM loqueretur: *Non loquatur nobis Dominus, ne Exod. 20. 19 fortè moriamur.* Econtra in monte Horeb in medio rubi ardentis & incombusti inter ipsas spinas totum benignum se prae-buit atque misericordem: *Vidi, inquebat ad Moysen, afflictionem populi mei in Aegypto, & sciens dolorem ejus Exod. 3. 7, descendi, &c.* Quae, obsecro, ratio; & tantorum mysteriorum causa?

Observa, anima Christiana! in monte Sinai se DEUS monstravit ut summum Legislatorem ac Judicem, sed in monte Horeb in humili rubo apparens, incarnationem suam voluit praesignari; quid enim aliud per rubum illum incombustum, & in flamma ignis illæsum, praefiguratum fuit, quam SS. Virgo MARIA? Ita sancta Mater Ecclesia: *Rubum, quem viderat Moyses incombustum, conservatam agnovimus tuam laudabilem virginitatem; DEI Genitrix in- Brev. Rom. tercede pro nobis; in cujus purissimum uterum, ubi DEUS per incarnatio- ad laud. in nem descendit, & homo factus est, mox totum se benignum, misericordem Fest. Circumcis. D. N. & compassivum demonstravit. Ita de Castillo: In monte Sinai, inquit, nec in J. C. De Ca- umbra adfuit MARIA, sed in rubo erat DEUS velut in conspectu Matris. Hinc stillo de ve- merito Seraphicus Bonaventura SS. COR Virginis & Matris DEI veram mi- stib. Aaron. illat. 274. sericordiae venam appellavit, quippe quae stillavit e cordis venulis purissimi sangui- S. Bonav. in nis guttas, quibus formaretur Christus, ad misericordiam eximie propensus, &c. Psalt. Virg.*

3. Hanc veritatem eleganti Symbolo adumbravit Jeshæus Rex & Vates, dum Messiam, dilectum DEI Filium in carne venturum, unicorni, seu monoceroti assimilavit: *Et dilectus quemadmodum Filius unicornium.* De hoc Psal. 28. 6 animali recenset S. Isidorus & alii, quòd inter omnia animalia sit ferocissimum, & insuperabili virtute praeditum, quod nec blanditiis, nec minis, nec telis ob duram pellis loricam, nec alio humano labore ac studio capi potest;

sed cum venatores illi Virginem castam ac speciosam, eleganti vestimento-  
rum apparatu condecoratam, & odoriferis imbutam aromatis in deserto  
proponunt, mirum dictu! mox omni ferocitate deposita, in suavem illius  
odorem currit, atque in ejus sinum placidè sese demittens, somnum capit,  
in quo ad instar agni mansuescit, faciliq; conatu capitur, & vitâ unâ cum  
cornu (quo nihil pretiosius aut præstantius juxta medicorum effatum con-  
tra venenum esse solet) privatur, cui unicorni, in sinu Virginis placidè qui-  
escenti, quidam Academicus non incongruè pro Lemmate inscripsit: *Vir-  
gineo placatur amore*; & alius: *Cum Virgine cicur*:

O beatissima Virgo! tu illa castissima puella es, omnium mortalium  
Sanctissima, cujus purissimum Cor ob peculiarem omnium virtutum fra-  
grantiam ipsum immensum Numen, *cujus fortitudo similis est rhinocerotis*,  
de summo cœlo e sinu Patris ad se in terram attraxit, ut non tantum homo  
fieret, & de virgineo sanguine carnem, assumeret, sed & tandem pro bono  
generis humani in ara crucis innocens immolaretur victima, ubi nobis *cor-  
nu salutis*, hoc est, SS. crucem, præsentissimum contra omne peccati virus  
remedium ac pharmacum, ad medelam reliquit: *Dilectus quemadmodum fi-  
lius unicornium*.

4. De fortissimo Samsonè refert Judicum Liber, quòd in sinu Dalilæ  
omnem suam fortitudinem ac corporis robur amiserit, unde facilè à Philis-  
tæis captus, ligatus & in servitutem reductus est: *At illa dormire eum fecit  
super genua sua, & in sinu suo reclinare caput*, &c. Ignosce, ô Sacratissima  
Virgo, & Mater intemerata, si dixerò, ipsum Omnipotentem DEUM, sub  
quo curvantur, qui portant orbem, in sinu tuo inermem & imbecillem  
factum, omnique fortitudine ac robore spoliatum, *qui ab eo tempore*, pro-  
ut rectè insinuat S. Chrysologus, *amari maluit, quàm timeri*. Audi & do-  
ctissimum Alphonsum Salmeronem: *Stillæ cordis humani*, inquit, *præsertim  
Cordis Virginis mitissimi, sunt præ quovis alio totius corporis sanguine dulcissima,  
suavissima, & velut ex pietate composita: & ideo, cum Filius DEI ex hoc san-  
guine suam formârit humanitatem, quomodo poterat non esse misericors, benignus  
& compassivus, qui ex compassione & misericordia Mariæ Matris suæ erat  
compositus*, &c.

5. Vis plura hujus veritatis argumenta? Sponsam audi, & considera,  
nunc dilectum Sponsum suum fasciculo myrrhæ, nunc botro Cypri assi-  
milantem: *Fasciculus myrrhæ*, inquit, *Dilectus meus mihi, inter ubera mea  
commorabitur*; & mox in sequenti versu subjungit: *Botrus Cypri Dilectus  
meus*. Mirabile dictu! & res digna notatu! quid ais, ô Sacra Sponsa, quòd  
fasciculus myrrhæ & simul botrus Cypri sit tuus dilectus? Quid amarius  
myrrhâ, & quid dulcius Cypri botro? Quomodo conveniunt amarum  
& dulce?



Ad dilucidandum hunc conceptum apprimè infervit, quod Medici & Philosophi de prolis abiectione tradunt, quæ à matris lacte, simul & de natura, & moribus ejusdem, ut plurimum hæreditare assolet. Romulum & Remum considerate à lupa lactatos, & simul feros ejus ac brutales mores induentes. Sic Tiberius Nero cur bibulus factus sit, causam Scriptores ejus bibulæ nutrici adscribunt. Et Caligula cur adeò ferox & sanguinolentus evaserit, causam ejus altrici imponunt, quæ, dum infanti lac præbuit, mamillas suas simul recenti humano sanguine conspersit, sicque lac cum sanguine infans potavit.

O dulcissima Virgo & Mater intemerata! quàm longè suaviora ac mitiora fuerunt tua castissima ubera; quibus cælorum Regem, ac Dominum univerforum lactasti: Nihil hîc austeri, nihil fellis, nihil amaritudinis repiundum erat, sed totum Cor tuum nil nisi perfectissimum amorem, & summam spirabat clementiam ac benignitatem; quid igitur mirum est, quòd dulcissimus JESUS tuus etiam tam amabile, tam benignum, tam gratiosum ac pacificum Cor à te hæreditaverit? Quænam enim major sympathia fuit, aut esse potuit, quàm quæ in SS. CORDE JESU & MARIÆ extitit? Si verum est, quod tradunt Jurisconsulti, filios ut plurimum matrizare, non potuit optimus JESUS non penitus matrizare; dum tu illi & Mater & Pater fuisti, & sic quodammodo una utriusque complexio, unum cor & naturæ identitas extitit. Ita pulcherrimè B. Petrus Damianus: *DEUS*, inquit, *in-*  
*est uni creaturæ, videlicet MARIÆ Matri sua identitate; quia idem est cum*  
*illa; hîc taceat, & contremiscat omnis creatura, & rix audeat aspicere tantæ*  
*dignitatis immensitatem. Habitat DEUS in Virgine, cum qua natura habet*  
*identitatem, &c.*

B. Petr. Dam-  
mian. in  
serm. 2. de  
Nativ.

Ex his, prudens Lector, facile erues solutionem prioris argumenti, quòd pientissimus JESUS à Sponsa fasciculo myrrhæ & simul botro Cypri fuerit comparatus: Fasciculus myrrhæ, ait Richardus à S. Laurentio, fuit Christus in Lege, dum tunc DEUS cum impiis ac scelestis peccatoribus sine mora, & vehementi cum impetu proruebat ad supplicium; sed nunc in Lege gratiæ DEUS & Homo Christus, hærens in utero ac inter ubera virginea dilectissimæ Matris suæ, factus est velut maturus Cypri botrus mitis ac dulcis, misericors & compassivus erga miseros mortales, dum nunc omnes, non tantum justos, sed & peccatores, ad SS. COR suum peramanter ac suavissimè invitat: *Venite ad me omnes, &c.* O sanctissima Virgo, quan-

Richard. à S.  
Laur. lib. 4.  
de Laud.  
Virg.

Matth. 11.

S. Thom.  
Villan. Conc.  
1. de Nat. Chr.  
S. Bernh.  
serm. 2. sup,  
miseris Salv. Reg.

tum tibi obligatus est universus terrarum orbis, dum non duntaxat, prout loquitur S. Thomas Villanovanus, *DEUM protulisti & hominem, eumque*  
*tua pulchritudine & decore è cælis allexisti*, sed & mirum in modum eum peccatoribus placasti, ac propitium reddidisti: *Cum te aspicio*, subintrat hîc verè Mellissius Doctor Bernhardus, *nil nisi misericordiam cerno, nam pro*



*miseris Mater DEI facta es; misericordiam insuper genuisti, & demum tibi miserendi officium est commissum. O dulce solamen! quis non speret in SS. Corde MARIÆ? O quàm innumeri periissent, & jam in æternis arderent ardoribus, si per potentissimam intercessionem hujus suavissimæ Virginis ac Matris DEI non fuissent ab interitu servati!*

6. Laudent alii, atque super æthera extollant *mansuetissimum* Cor Reginæ Esther, ad quam Aman, cùm sibi à Rege malum paratum cerneret, venerabundus accurrens, ad lectulum ejus tremebundus, in genua procidit, humillimè rogans, quatenus iram Regis dignaretur temperare, & à se avertere: *Surrexit, ut rogaret Reginam pro anima sua, &c.* Sed nihil impetravit miser & infortunatus, non enim tanta erat hujus Reginæ pietas, ut seipsam vinceret, ac pro inimico suo patrocineretur. O mortales omnes! erigite vos in novam salutis spem, major est misericordia, major amor virginæ Cordis MARIÆ, dum neque insensissimos hostes à se abigit: *Verè Domina, ait S. Bonaventura, Regina es misericordia, quia non est in hac vita sic desperatus, sic miser, cui non impetres misericordiam salutarem, si ad tuum declinaverit regimen, &c.* Quis igitur de salute desperet? Certè ego non.

S. Bonav.  
in Stim.  
Div. amor.  
p. 3, c. 19.

Hanc pientissimi Cordis Mariani clementiam jam olim in umbra & figura expertus est Pincerna ille regius in aula Ægyptiaca Pharaonis, qui ideò à perditione & à laqueo mortis tam misericorditer erutus, atque in pristinum dignitatis ac prosperitatis gradum restitutus est, quia speciosam quandam vitem in somno vidit: *Videbam coram me vitem, in qua erant tres propagines, crescere paulatim in gemmas, & post flores uvæ maturescere, calicemque Pharaonis in manu mea: tuli ergo uvas, & expressi in calicem, quem tenebam, & tradidi poculum Pharaoni, &c.* per quam gratiosam vitem sanctus Isichius appositè beatissimam Virginem ac-DEI Matrem MARIAM intelligit, de cujus fœcundo, ac purissimo Corde dulcis ille fructus & verus Cypri botrus, hoc est, Christus JESUS, promanavit, qui in torculari crucis ad ultimam usque sanguinis stillam pro salute mundi expressus est. Audi ipsam SS. Deiparentem: *Ego, inquit, quasi vitis fructificavi suavitatem odoris.* Supra quod Cornelius: *Vitis, ait, est Deipara, quæ uvam pretiosissimam protulit, puta Christum, ex quo in torculari crucis presso, expressum est vinum rubrum, quod inebriat omnes fideles, &c.*

Genes. 40. 9

S. Isich. serm.  
2, de B. V.

Eccles. 24. 28  
Cornel. hinc.


Isa. 6, 6

7. Cæterum investigant Sacri Doctores, qualis illè calculus ignitus fuerit, quem olim Isaias Propheta vidit ab Angelo in cœlo forcipe aurea ab altari, in quo DEO T. O. M. suavissimum & redolentissimum offerebatur thymiamata, sublatum, ad cujus Prophetæ oris & labiorum attactum mox omnis ejus iniquitas dimissa est: *Et volavit ad me unus de Seraphim, & in manu ejus calculus, quem forcipe tulerat de altari, &c.* Ad quod SS. Patres cōmuniter respondent, quod calculus ille ignitus carbunculus fuerit, gemma omnium pretio-

pretiosissima, ardens & lucens, velut pruna seu carbo accensus, quem Angelus de altari forcipe aureâ reverentiæ causâ tulit, & ope illius labia, imò & cor prædicti Vatis mundavit. Juvat hîc audire Cornelium à Lapide, qui per Cornel. hic præfatum cûlculum ignitum VERBUM INCARNATUM subaudit: Cal- & alii. culus, inquit, hic nos accendens est Christus, sicut enim ignis unitur carboni, & carbo igni, humanitas unita est Verbo, ut Verbum incarnatum sit quasi carbo ignitus: Per forcipem autem illam auream rectè S. Anastasius SS. Deiparam intelligit: Forceps autem Christi per duas pinnulas eum tenens, est intemerata ejus S. Anastas. Mater; & quomodo forceps: Observa: Sicut enim carbo succensus sine in dicta læsione manuum contrahitur & teneri non potest; ita quondam DEUS verba Isa. (quia Dominus DEUS tuus ignis consumens est) à nulla alia creatura, quàm à cap. 6. 6. SS. Matre sua teneri, & placari potuit: Tenui eum, nec dimittam; supra quæ Deut. 4. 24 verba Richardus à S. Laurentio: Tenui eum, ne scilicet percuteret peccatores, Cant. 3. 4 nec dimittam, sed continuâ precum instantiâ furorem ipsius retinebo. Et S. An- Richard. à S. toninus Florentinorum Archiepiscopus: In Veteri Testamento, ait, erat DEUS, de Laud. ut leo rugiens, DEUS ultionum peccatores terribiliter puniens, ut patet exemplis Virg. in Sacris Litteris, sed ferventissimo amoris calore in uterum Virginis intrans, S. Antonin. factus est totus benignus, suavis & humanus. 4. p. tit. 15. §. 4.

Finem huic Considerationi imponat Abiathar Sacerdos, vir morte dignissimus, quia legitimo Regi suo rebellis, sed ideò à Salomone in vita servatus, quia Arcam Domini coram Patre suo Davide portavit: Abiathar Sacer- 3. Reg. 2. doti dixit Rex: Vade in Anathoth ad agrum tuum; equidem vir mortis es, sed 26 hodie te non interficiam, quia portasti arcam Domini, &c. O pientissima Virgo & Mater! tu es animata illa arca Domini, in qua ipse DEUS & Homo Christus per novem mensium circulum placidissimè quievit: O quàm multi, Novarin. exclamat doctissimus Novarinus, in infernum essent trusi, nisi hanc portassent in umbrâ arcam in corde suo, &c. O Christiani omnes, præsertim illi, qui aliquando Virg. in vita sua graviore noxa DEUM suum, summum illud & infinitum Bonum offenderunt, ite, ite ad SS. Matrem vestram, ut vobis iratum Numen mitiget, atque reconciliet, non enim est auditum à sæculo, quòd ille ab hac dulcissima Deiparente fuerit derelictus, qui devotus ejus servus in vita extitit: Non S. Bonav. est, ait Seraphicus Doctor, in hac vita sic desperatus, cui non impetres in Stim. Div. misericordiam salutarem, si ad tuum declinaveris regimen, &c. amor. p. 3. cap. 19.





## CONSIDERATIO XIV.

Expenditur charitas Matris amoris & doloris, dum  
DEO gravida Elifabetham cognatam visitavit.



Exurgens autem MARIA in diebus illis, abiit in  
montana cum festinatione in civitatem Juda.

*LUC. I. 39.*

3. **A**braham Patriarcharum Princeps & decus, ubi quondam  
tres illos Angelos, speciem peregrinorum indutos, ad se  
de longè venientes conspicatus est, sine mora de ostio ta-  
bernaculi sui, in quo sub meridiem & prandium sedere  
consueverat, surrexit, & cucurrit in occursum eorum de  
ostio tabernaculi, & adoravit in terram.

Gen. 18, 2

Adverte hic, anime mi! ingentem Abrahami charitatem & solertiam,  
quâ hospites & peregrinos excipere solebat, dum enim sagenam suæ hospi-  
talis expandit, non homines sed Angelos ad hospitium recipere meruit; &  
quia



quia eos Legatos DEI esse credidit, ideò illos humiliter in terram prostratus adoravit, & ad frugale convivium invitavit. Nullus hic erat in domo Abrahami otiosus, sed omnes ad exemplum Patris familias sua accelerabant obsequia, ut tanti hospites dignè exciperentur; ita ad rem nostram peraccommodè antiquissimus Origenes: *Abrahamus, inquit, currit, uxor festinat, puer accelerat, nullus est piger in domo Sapientis.* Orig. Hom. 40. in Gen.

A domo Abrahami ad domum Zachariæ transeamus. Postquam Archangelus legationis suæ officio peracto, & verbo DEI incarnato, à Virgine discessit, illico hæc SS. Virgo de visenda B. Elisabetha cognata sua, quam in summa senectute ex singulari DEI beneficio filium concepisse ex Angelo intellexerat, consilium cœpit; in quem finem de domo sua Nazarethana (quæ nunc Laureti est) *exurgens abiit in montana cum festinatione in civitatem Judæ, & intravit in domum Zachariæ, & salutavit Elisabeth.*

O anima Christiana! si vidisses hic SS. Virginem, mundi Dominam & cœli Reginam, ipsum DEUM in forma pusilli infantuli in utero suo gestantem, & per excelsa & aspera montana cum festinatione abeuntem, ut S. Elisabetham amicissimè saluaret, eique pro possibili inserviret, atque Joannem in materni uteri ergastulo inclusum, per præsentiam Verbi Incarnati à peccato originali expiaret; quid, obsecro, præ stupore & exultatione mentis dixisses? An non quasi à sensibus alienata exclamasses: *Manhu, quid est hoc?* Exod. 16.  
Interim, sicut quondam in domo Abrahamæ, ita hic in domo Zachariæ parantur omnia, ut tanta Mater & hospes, imò ipse DEUS in utero virgineo absconditus, digno quo fieri posset, obsequio exciperentur; nullus hic aderat otiosus; currit Elisabetha ad dilectos cognatæ amplexus: *Unde hoc mihi, ut veniat Mater Domini ad me?* Currit & Zacharias in occursum ejus de ostio tabernaculi, & adoravit in terram, & licet tum adhuc mutus esset, Divinorum tamen mysteriorum non ignarus fuit, &c.

Nos interim his sanctissimis Matribus, se invicem salutantibus, & arctis charitatis, amicitiaque nexibus amplexantibus, pro Emblemate duas Palmas erigamus, quæ se invicem, prout solent, respiciunt, fastigia sua inclinantes, ac mutuis osculis sese invicem salutantes, cum inscripto Lemmate:

### Blandâ se pace salutant.

Talis palma B. Virgo & Mater DEI extitit, ita Divinus Sponsus: Cant. 7. *Statura tua assimilata est palma*, per quam ejus celsitudo animi præsertim in adversis & passione Christi adumbrata fuit; sed & sancta Elisabetha palmæ comparari potest, de qua Lemma fert: *quò annosior, fructuosior*, quod patet in S. Elisabetha. Verum progrediamur ulterius.

2. Inter alia Divinæ Potentiæ prodigia non minimum illud est, quod olim populus Israëliticus sicco pede Jordanem transierit, ubi ex una parte aquæ adinstar montis in aëre pendulæ steterunt, ex altera verò in mare mortuum declinârunt; interim tum populus universus cum armentis & impedimentis pertransit, Arca in medio Jordanis firma stetit; & tandem cum transissent omnes, transiit & Arca Domini. Supra quod doctissimus Tostatus Abulensis ex traditione Hebræorum recenset, Arcam Domini tunc potius volâsse, quàm transiisse Jordanem: *Elevata est Arca in subline, & volavit super Jordanem, &c.*

A figurante ad figuratum transeamus. Arca Domini juxta mentem SS. Patrum B. Virgo est: *Arca*, inquit S. Chrysippus, *quæ excepit totius sanctitatis thesaurum.* Arca illa Testamenti ex omni parte purissimo auro erat contecta, in qua urna aurea, habens manna, & virga Æaron, qua fronderat, asservabantur; per aurum charitatem Sacratissimæ Deiparæ in DEUM & proximum subaudi, per virgam Aaronis semper florescentem ejus perpetuam virginitatem, & per manna dulcissimum Filium JESUM, quem in utero gestavit, qui de se ipso ait: *Ego sum panis vivus, qui de cælo descendi.* Hæc, inquam, Arca mystica & animata, verè Arca Sanctificationis, ubi ex Archangelo intellexit, cognatam suam B. Elisabetham ex singulari DEI dono in senectute sua concepisse Filium, mox surrexit de dulcissima contemplationis quiete, & abiit cum festinatione, imò volavit in montana, ut Elisabethæ non tam de hoc dono divinitus concessio, gratularetur, quàm & illi nunc seni & gravidæ sua deferret obsequia: *Beata Virgo*, ait Sylveria, *charitate vulnerata non potuit quiescere, quin cognatam inviseret, ac præsentia, gratiaque suâ adjuvaret, & ut Joannes adventu Verbi sanctificaretur.* Admirare hîc; anima Christiana, Divinæ Matris humilitatem & charitatem, atque ingentem illius zelum, quo Joanni Baptistæ per præsentiam VERBI succurrere voluit, ut eò citius ab originali noxa, & dæmonis servitute liberaretur; atque disce ab ea, non duntaxat propriam quietem ac commoditatem, cum agitur de salute animæ, contemnere, sed & quævis etiam dura & aspera pro unius animæ lucro tolerare, memor semper illius, quod B. Jacobus pro coronide suæ Epistolæ Canonice inculcavit: *Scire debet, quoniam qui converti fecerit peccatorem ab errore via sua, salvabit animam ejus à morte, & operiet multitudinem peccatorum.*

3. De ape recenset Ecclesiasticus, quod quidem parva & exigua inter cætera cœli volatilia existat, sed tamen fructus ejus, seu mel, quod conficit, inter omnes dulcedines primas teneat: *Brevis*, ait, *in volatilibus apis; & initium dulcoris habet fructum ejus;* solet autem apis, prout Plinius & alii argutè observant, cum vehementior ventus instat, lapillum sibi quærere, quem domum remeans, ut adversus ventos ponderosior fiat; pedibus gestat, & sic secura per ventorum furias ad alveare suum penetrat; proinde nonnemo ejus-

modi



modi apiculæ lapillum pedibus contra luctantes Euri rabies tenenti, pro Lemmate inscripsit: *Dat vires pondus*; vel si magis aridet: *Sine pondere pondus*.

O beatissima Virgo, & Mater pulchræ dilectionis, tu similis facta es ejusmodi apiculæ argumentosæ; dum Deo gravida in montana conscendisti, portans tecum in utero lapillum sine manibus de summo cæli monte decisum, hoc est, illum lapidem angularem, Christum, de quo Daniel non obscure vaticinatus est: *Donec abscissus est lapis de monte sine manibus, & percussit statum.* . . . qui factus est mons magnus, & implevit universam terram. Ex cujus my-

Dan. 2. 34

stici lapidis gestatione non modò nullum pondus sensit alma Virgo, sed potius majus robur ac vires contra omnes ventorum mundanorum & infernalium furias accepit, unde Lemma: *Dat vires pondus*; vel si mavis: *Sine pondere pondus*. Subintrat hîc pro veritatis confirmatione S. Bernhardus: *Non miror*, inquit, quòd festinârit, portans enim portabatur ab eo, qui omnia in manu sua portat, quique exultavit ut Gigas ad currendam viam suam. Et in eodem loco interjectis quibusdam idem Mellissus: *In ipso*, ait, *conceptionis initio*, quando potissimum ceteræ mulieres miserabilius affliguntur, *MARIA* tota alacritate montana conscendit, ut Elisabeth ministraret: *Sed & ascendit Bethleem*, imminente jam partu, portans pretiosissimum illud depositum, portans onus leve. Collige ex his, anima Christiana, pro te sensum moralem, quàm suave onus & jugum Christi esse soleat, & quàm bonum sit servire DEO; ô si cognoscerent mortales, ac præsertim illi, in quorum cordibus DEUS absconditus & Eucharisticus verè quotidie mansionem facere assolet, quàm suavis sit Dominus, & quomodo omnia possint in eo, qui illos confortat.

S. Bernh.  
serm. in  
signum ma-  
gnum, &c.

4. De ape ulterius refertur, & ipsa probat experientia, quòd floribus & herbusculis non soleat esse onerosa, sed delibato nonnihil suavi illorum succo & odore cum gaudio revertatur ad propria, unde aliud lemma: *Visitat; haud vitiat*. O quàm bene hoc iterum de SS. Virgine, Zachariæ & Elisabethæ domum visitante applicare possumus: *Visitat; haud vitiat*, quinimò perfectum virtutum omnium in hac domo promovit, siquidem ad ejus adventum Christi Præcursor, nunc à labe originali mundatus, lato assaltu festum plausum dedit; Mater ejus Spiritu Sancto repleta est, & Pater Zacharias defectæ loquelæ usum cum dono Prophetiæ recepit. Et ut melius agnoscas fedulitatem hujus apis argumentosæ; observat Cornelius à Lapide, quòd in hoc quadriduano itinere tertio die in transitu templum Hierosolymitanum devotissimè visitaverit, à Nazareth enim usque in Jerusalem iter tridui esse solet, & à Jerusalem usque in Civitatem Juda, hoc est, in Hebron, iter unius diei; existimat ergo præfatus Cornelius, & plures alii, quos citat, B. Virginem in templo Hierosolymitano Divinæ Majestati pro immenso hoc incarnationis beneficio summas egisse gratias, & JESUM, Filium jam conceptum & accrescentem, seque ipsam in holocaustum & victimam amoris obtulisse.

Cornel. hîc.  
in Luc. 1.

39



Isa. 37. 3

O anime mi! quando tu aliquando fies vera Divini amoris víctima? quoties te offers Deo in holocaustum, ut tecum agat pro libitu & pro sua Sacratissima voluntate; & venit parvula tentatio, & iterum in fervore succumbis miser & inconstans? An non hoc est, de quo olim Isaías vaticinatus est: *Quia venerunt Filii usque ad partum, & virtus non est pariendi.* Eja anime mi, resume animum, mœstumque mitte timorem, quia dignus est DEUS, ut illi ex toto corde, ex tota anima, ex tota mente, & ex omnibus viribus inservias.

Cant. 3. 9

5. Recordor hic illius pretiosi ferculi, quod Regum sapientissimus sibi quondam fieri curavit, quod non tam vehiculum seu lecticam, quàm & thronum regium præ se ferebat, quo Salomon de die per urbem vehebatur, suamque gloriam & magnificentiam populo ostentabat: *Ferculum fecit sibi Rex Salomon de lignis Libani; columnas ejus fecit argenteas; reclinatorium aureum, ascensum purpureum; media charitate constravit propter filias Jerusalem.* Singula innuunt, & indicant aliquid, attentum te esse cupio, prudens Lector!

Matth. 12.  
42

Per hoc ferculum rectè B. Virgo, cum nunc DEO grvida in montana conscendit, intelligi potest. Ferculum, inquam; fuit pretiosissimum, dum DEUM & Hominem Christum, *qui plus est quàm Salomon*, in SS. utero suo novem mensium spatio gestavit. Erat autem illud ferculum Salomonis de lignis Libani, omnis corruptionis expertibus; *Libanus* idem Hebraicè, quàm *Candor* significat; quid autem candidius & purius DEI Matre, quam splendor elegit, de cujus purissimo sanguine, omnis corruptionis experte, à Spiritu Sancto Humanitas Christi formata est? Columnæ hujus mystici ferculi fuerunt duo brachia, verè argentea, quia virginea, quibus stringebat DEI & suum Filium dulcissima Mater. Reclinatorium pectus ejus suavissimum, supra quod se reclinans parvulus tam suaviter inter ubera Mariana requievit,

Cant. 1. 12

non obscure adumbravit; ô verè *fasciculus myrrhæ Dilectus meus: inter ubera mea commorabitur!* Ascensus purpureus internum illud fuit B. Virginis & Matris DEI martyrium, quod per omnem vitam ejus cor & animam torfit, & affixit, non enim ignorabat hæc SS. Deipara, hunc suum suavissimum Natum ideò venisse in mundum, ut per immensum sanguinis sui pretium & mortem crucis salvaret populum suum: *Ipse enim salvum faciet populum suum à peccatis eorum.* Juvat hic audire Rupertum Abbatem Tutientem in persona Virginis ita ad nos loquentem: *O commoratio, dulcis quidem, sed plena gemitibus inenarrabilibus! ad ubera de foris stringebatur, & eisdem latebatur uberibus, simulque inter ubera intus in corde futurorum præsocio, semper parebat (apparebat) quali esset morte moriturus.*

Matth. 1.  
21  
Rup. Abb.  
lib. 1. in ci-  
vit. cap. 1.

Denique addit Sapiens: *Media charitate constravit propter filias Jerusalem;* textus Hebraicus legit: *Et medium tenet ipse incensus amore;* hoc est, prout exponit Cornelius & alii, Christus, qui totus est amor & ardor, medium Cordis SS. Matris suæ occupat, & in eo quasi in throno regali confidet, suam-

suamque charitatem diffundit in filias Jerusalem, seu in animas devotas, ad SS. Matrem suam in difficultatibus recurrentes, ipsa enim propter dignitatem VERBI INCARNATI à DEO electa est Mediatrix DEI & hominum, ita pulcherrimè Mellifluus: *Ipsa, inquit, Mediatrix nostra est, per quam suscipimus misericordiam tuam DEUS, &c.* O Christiane! quis non æstimet, non colat, non amet talem ac tantam Matrem? Si quondam lectulum, in quo de nocte cubabat Sponsus, sexaginta ex fortissimis ambiebant propter timores nocturnos; quot putas Angelorum millia stipasse latus MARIÆ, dum in ejus castissimo sinu, ceu in lectulo suavissimo requievit DEUS & Homo Christus, universorum Dominus?

S. Bernh.  
serm. 2, &  
Assumpt.  
B. Virg.  
Cant. 3, 7;

6. His consideratis considerandis, non miror amplius, quare Joannes, dilectus Christi Præcurzor, adhuc tenellus infans in utero materno adeò exultaverit, & tam insolito gaudio fuerit perfructus, cum Matrem DEO gravidam præsentem advertit. David Rex cum Arcam Fœderis solenni pompâ à domo Obededom in Sion transferret, coram ea totis viribus saltasse perhibetur: *Et David saltabat totis viribus ante Dominum.* Causam hujus saltûs assignat S. Ambrosius, quia David superiori lumine illustratus, per illam Arcam Fœderis prævidit SS. Virginem MARIAM ex germine & sanguine suo oriundam, quæ sola Christi & Messix digna Mater esset futura: *Ergo, inquit, saltavit Propheta David ante Arcam, Arcam autem quid nisi sanctam MARIAM dixerimus? Siquidem Arca intrinsecus portabat testamenti tabulas, MARIA autem ipsius testamenti gestabat haredem. Illa intra se met Legem, hæc Evangelium retinebat. Illa DEI vocem habebat, hæc Verbum, &c.* Si hoc olim in umbra David; quid, obsecro, fecisset, si SS. Virginem MARIAM, Arcam illam animatam, & DEUM in utero gestantem præsentem vidisset?

2. Reg. 6.  
14

S. Ambros.  
serm. 25.  
de Sanct.

O quàm benè igitur exultavit præ gaudio S. Joannes: *Et factum est, ut audiret salutationem MARIÆ Elisabeth, exultavit infans in utero ejus, & repleta est Spiritu Sancto Elisabeth.* Supra quod antiquissimus Origenes: *Unde, inquit, exilivit? Et non simpliciter exilivit, sed in gaudio? Senserat enim venisse Dominum suum, ut sanctificaret servum suum, antequam de Matris utero procederet.* Vide hîc, & perpende, anima Christiana, quàm efficax fuerit salutatio & precatio B. V. MARIÆ. O quàm bene Ecclesiasticus: *Sicut qui thesaurizat, ita qui honorificat Matrem,* ac præsertim illam Matrem, Eccl. 3, 5. per quam nobis omne bonum in mundum venit, & ipse DEI Filius ad nos de cœlo descendere dignatus est; proinde rectè Angelicus: *B. Virgo S. Thomæ, ex hoc quod est Mater DEI, habet quandam dignitatem infinitam ex bono infinito, quod est DEUS; & ex parte non potest fieri melius, sicut non potest esse aliquid melius DEO.*

Aqu. 1. p.  
qu. 25. a. 6.  
ad 4.



O pientissima Domina! O Mater DEI & hominis! Mater Regis & exulís! Mater Judicis & peccatoris! quid ultra habet servulus tuus, nisi ut se valde humiliet coram te? *Tu es illa navis institoris, de longè portans panem suum.* Syrus legit: *Tanquam navis mercatoris, de longinquo mercimonia advehens.* Talis, inquam, navis & tu, ó Beatissima, exististi, dum in montana conscendens, de longè panem illum vivum, per quem omnia reficiuntur, ad nos deportasti. Et si quondam ad præsentiam Arcæ fœderis domus Obededom omni benedictione repleta est: *Et benedixit Dominus Obededom, & omnem domum ejus.* Si domus Putipharis ob præsentiam Joseph pari benedictione à DEO cumulata est: *Benedixitque Dominus domui Ægyptii propter Joseph, &c.* Si domus Labani propter præsentiam Jacob similem benedictionem à benigno cœlo obtinuit: *Experimento didici, quia benedixerit mihi DEUS propter te.* Quænam mens, obsecro, cogitare, aut explanare poterit, quali benedictione dotata fuerit domus Zachariæ ob actualement præsentiam Christi Jesu, tunc stantis post parietem, respicientis per fenestras, prospicientis per cancellos, & ob præsentiam SS. Virginis Mariæ, tribus ibidem mensibus & quid ultra commorantis? *Mansit enim MARIA cum Elisabeth, sunt verba S. Bernh. usque ad diem nativitatis Joannis, donec puerum natum sinu beatissimo confoveret, & uno pariete remoto propinquiorem redderet præsentia Salvatoris.* O dicite, cœlestes Spiritus! quis tunc vobis erat sensus? Zacharias jure meritis dicere poterat cum Sapiente: *Venerunt autem mihi omnia bona pariter cum illa, & innumerabilis honestas per manus illius, &c.* O benedicta inter mulieres, quæ invenisti gratiam apud DEum; ah impetra & mihi indignissimo servulo tuo gratiam Divinam, ut DEO meo ex toto corde possim inservire, eumque in æternum tecum laudare, &c.





# CONSIDERATIO XV.

Virgo Dolorosa Filium suum parit, quem reclinat  
in præsepio, quia non erat ei locus in diversorio.



In propria venit, & sui eum non receperunt.

Joan. 1. 11.

**A**braham Patriarcharum Primas, ut filio suo Isaac con-  
dignam Sponsam seligeret, Eliezer, primarium suum  
atque fidelem Ministrum, in Mesopotamiam amanda-  
vit, qui inveniens formosam Rebeccam, eam Filio  
Domini sui desponsavit, in cujus rei fidem ei sacras  
arrbas, in aures aureas, & pretiosas armillas dedit: *Suspendi itaque in aures ad Genes. 24.  
ornandam faciem ejus, & armillas posuit in manibus ejus.*

Mitissimus DEUS, cum Unigenito Filio suo condignam Sponsam ac Matrem vellet eligere, non ex infimo ordine Angelum, sed Gabrielem unum ex primis cœli Principibus in terram ablegavit, qui, cum inter omnes creaturas solam ac unicam Sacratissimam Virginem MARIAM tanto Filio ac Sponso dignam Matrem ac Sponsam reperisset, mox, obtento illius consensu *Fiat*, eam æterni Patris Filio desponsavit, & pro arrha & dote pretiosas in aures, & armillas ei dedit: *Suspendit itaque in aures ad ornandam faciem ejus, & armillas posuit in manibus ejus*; sed quam arrham, dices, & dotem huic purissimæ Virgini assignavit? O cœli obstupescite! cruces, tribulationes, flagella, spinas, persecutiones, opprobria, & perpetuum doloris gladium, qui ex illo tempore hujus tenellæ Virginis & Matris Cor intimè pertransiit, dum enim hæc alma Virgo in incarnationem VERBI consensit, eodem quoque momento crucem, & passionem dulcissimi Filii in se suscepit, usque ad vitæ finem perferendam; hinc multi etiam gravissimi viri existimant, cœlestem illum Nuntium & Archangelum legationem usque ad novem horas protraxisse, quo tempore B. Virgo ab Angelo longè meliùs & clariùs, quàm quondam Daniel, de passione & morte dulcissimi Filii sui edocta fuit: *Et post hebdomades sexaginta duas occidetur Christus, &c.* Proinde rectè Dionysius Carthusianus: *Sic planè recolendo, inquit, quod à Gabriele perceperat: Ipse salvum faciet populum suum à peccatis eorum; vehementissimè condolebat, & concutiebantur omnia viscera ejus materna super innocentissimo Filio suo, ita ut cum Davide dicere videretur: O JESU! Fili mi JESU! quis mihi det, ut ego moriar pro te? Unde venter illius rectè vocatur acervus tritici, vallatus liliis*; supra quod pereleganter S. Isidorus: *Triticum dicitur, quia granum ejus commolitur, ac teritur; & quis contritus est propter scelera nostra, nisi Dominus JESUS, Mariæ Filius, in quo Pater posuit iniquitates omnium nostrum?*

Augebatur insuper dolor SS. CORDIS Mariæ, dum permisit DEUS, ut aliquo modo suspecta fieret de adulterio, & S. Josephus, Sponsus & Conjux ejus, in maximam incideret tristitiam, dum non poterat capere, à quo, & quomodo in utero concepisset: *Inventa est in utero habens de Spiritu Sancto: Joseph autem cum esset justus, & nollet eam traducere, voluit occultè dimittere eam.* Quam afflictionem mitissima Virgo patientissimè tulit, non purgans innocentiam suam, neque revelans arcanissimum incarnati VERBI mysterium, sed rem totam DEI voluntati commisit, qui innocentiam suam, si necesse foret, Josepho esset detecturus, quod & factum est, &c.

Accedit, cum nunc tempus partûs appropinquasset, quod hæc prægnans, ac tenera Virgo partui jam proxima, & itinere lassâ, nullum hospitium potuerit invenire, licet illud ostiatim in civitate Bethlehem cum SS. Conjuge inquisierit, unde ubique repulsam, contemptum & fortè etiam aspera

Cornel. in  
Luc. cap. 1.  
v. 38.

Dan. 9. 26

Dionys.  
Carthuf. in  
hunc loc.

Cant. 7. 2  
S. Isid. Ety.  
l. 7. cap. 3.  
Isa. 53. 10

Matth. 1. 18.



aspera ac contumeliosa verba passa, coacta est in publico & obscuro bestiarum antro tempore hyemali divertere, ubi nec sella, nec mensa, nec lectus, nec focus, nec quid aliud ad puerperium necessarium in promptu erat; & ecce: *Cum quietum silentium continerent omnia, & nox in suo cursu medium iter haberet, omnipotens sermo tuus de cælo à regalibus sedibus venit.* O anima Christiana! si vidisses hinc Sacratissimam Virginem & dignam DEI Parentem flexis genibus bovem inter & asinum consistentem, & Salvatorem mundi ac Regem omnium sæculorum sine dolore, & clauso virginali utero parturientem, quid, obsecro, pensasses? Aut quid dixisses? Et nunquid cum dilecto illo Discipulo exclamasses: *In propria venit, & sui eum non receperunt?* O ingratum, ô infidum Idumæorum genus! prius per tot sæcula innumeris votis, ac precibus fatigabant cælum, ut Salvatorem in terram mitteret in salutem Israël! nunc cum *in propria venit, sui eum non receperunt.* Hinc pro Symbolo nostro gallinam adumbrari curavimus (B. Virginis parturientis in alieno juxta S. Thomam Episcopum Villanovanum insignem typum) cum Epigraphe:

## Parit in alieno.

2. Vide hinc, & considera, anima Christiana, summam pretiosissimi Redemptoris tui & Virgineæ Matris ejus pauperiem, humilitatem, & rerum omnium temporalium, honorumque contemptum. Ille, qui pugillo mundum includit, vilissimi præsepîi nunc continetur angustiiis. Ille, *qui tribus digitis appendit molem terræ,* nunc virgineis fovetur, & gestatur in ulnis. Ille, *qui dat escam omni carni,* nunc modico Matris lacte pascitur. Ille, qui innumeris Angelorum vallatur agminibus, nunc in sordido bestiarum catabulo recumbit. Ille, *in cujus manu sunt omnes fines terræ,* veniens in mundum, non invenit locum in diverforio; ô bone JESU! nunquid *passer invenit sibi domum,* & turtur nidum suum sibi, ubi ponat pullos suos, & tu non invenisti, ubi requiesceret caput tuum? Inter bestias nasceris, & inter latrones in cruce expiras? O Filius Benoni, id est, Filius doloris! Rachel hunc suum Benoni in Chanaan juxta Bethlechem in lucem edidit; suum pra quod pulcherrimè Cornelius: *Sicut Rachel, inquit, suum Benjamin, ita B. Virgo peperit Christum in Bethlechem; Christus panis est & delicia hominum & Angelorum; Christum, inquam, quasi suum Benoni, id est, virum dolorum peperit in summa vilitate, & paupertate, quem proinde Pater cælestis suum fecit Benjamin.*

Olim formosa illa Rachel Deos aureos Labani patris sui sub fœno & stramine camelorum in stabulo abscondit: *Illæ festinans abscondit idola subter stramenta cameli.* Verùm B. Virgo non Deos aureos & falsos, sed ipsum verum DEUM & Hominem Christum, nunc recens natum infantem, in



fordido stabulo inter jumenta in sceno & stramine collocatum omnibus ad amandum, colendum & adorandum exposuit. O pientissima Domina! ergo non aderat tibi alius & commodior locus, ubi thesaurum totius mundi reponeres? Audi, anime mi, & perpende Divi Thomæ Villanovani responsum: *Non deerant, inquit, Virgini vires ad sustinendum puerum: neque illum utique tali loco posuisset, nisi magnum aliquod in illo præsepio mysterium ageretur: altissima namque nobis inde paratur eruditio; magna cathedra præsepio illud, ex quo cunctis mortalibus DEI loquitur Sapientia celestis, in stabulo Magister legit, &c.* Et quid legit, & quid docet? *Discite à me, quia mitis sum, & humilis corde; quod enim postea in virili ætate verbo docuit, nunc statim in lucem ortus ipso opere demonstravit, contemnens sæculi voluptates, corporis delicias, mundanorum honores, &c.* O divites! ô voluptuosi! ô delicatuli & effæminati! ô ignava & ventris & Veneris mancipia, *qui dormitis in lectis eburneis, & lascivitis in stratis vestris*, audite hunc novum de cathedra præsepi loquentem Concionatorem; Sileant Prophetæ omnes, quia VERBUM infans nunc loquitur: *Nisi efficiamini, sicut parvulus iste, non intrabitis in regnum cælorum.* Magna est ista lectio, & quis est, qui considerat?

3. Mirabilem quondam ac portentosam visionem habuit dilectus ille Domini Discipulus, dum mulierem quandam in cælo aëreo conspicatus est sole amictam, stellis coronatam, & pedibus lunam calcantem, quæ cum clamore & cruciatu filium suum peperit: *Et in utero habens clamabat parturiens, & cruciabatur, ut pariat - - - Et draco stetit ante Mulierem, quæ erat paritura, ut cum peperisset, Filiam ejus devoraret: Et peperit filium masculum, qui recturus erat omnes gentes in virga ferrea.*

Quod per hanc Mulierem Sacratissima Deipara fuerit præsignata, nemo est, qui ignorat, quam veritatem Mellissius Ecclesiæ Doctor & devotissimus MARIÆ Filius S. Bernhardus in hæc verba Apocalypseos: *Signum magnum apparuit, pulcherrimè dilucidavit.* Quod autem hæc B. Virgo cum clamore & cruciatu Filium suum JESUM pepererit, hoc equidem capere non possum, erat enim sine gravamine gravida, & sine dolore puerpera, imò & summo animi cum gaudio & inenarrabili cum lætitia dulcissimum ventris sui fructum in lucem edidit; audi S. Birgittam: *Erectis, inquit, manibus, & oculis in cælum intentis, stabat Virgo quasi in ekstasi contemplationis suspensa, inebriata Divinæ dulcedine: & eà sic in oratione stante, illico in momento & ictu oculi peperit filium.* Ad quid ergo S. Joannes in sua Apocalypsi commemorat, hanc B. Virginem cum clamore (prout parturientes solent) & cum cruciatu filium suum masculum peperisse, quem mox draco, id est, Herodes, prout asserit Barradius, devorare voluit, proinde *Mulier fugit in solitudinem*, hoc est, cum Filio suo in Ægyptum?

Respon-

S. Th. Vil-  
lan. Conc.  
1. de Nat.

Math. 11.  
29

Amos. 6. 4

Math. 18, 3

Apoc. 12, 2

S. Birg. l. 7.  
Revel. cap.  
21.

Barrad. lib.  
18. cap. 12.

Respondet Cornelius à Lapide, hanc Sacratissimam Deiparentem non dolore partûs, sed maximo desiderio pariendi, & videndi Christum orbis Salvatorem fuisse cruciatam, ardentissimis enim votis omnium optabat salutem per Filii passionem & merita consummandam; ita enim prius ab Angelo cum S. Josepho edocta fuit: *Ipse enim salvum faciet populum suum à peccatis eorum.* Cruciatâ insuper est molestiis itineris & alimonix, ac quàm maximè paupertate, quæ tanta fuit, ut non esset ei locus in diverforio, sed coacta fuerit tempore hyemali in stabulum secedere, & ibidem parere orbis Dominum, &c. Vide ex his, anima Christiana, quòd omne gaudium Sacratissimæ Deiparæ in hac terra morantis, interno Cordis Martyrio fuerit permistum; ô pienuissima Domina! quid adhuc tecum & cum Filio tuo fiet?

Nunc dilectissimus Natus tuus est tibi *flos campi*, sed in passione tibi fiet *fasciculus myrrhæ*. Nunc mille illum osculis veneraris, & excipis, sed in passione per insidum Judæ osculum tradetur in manus peccatorum. Nunc pauperculus eum involvis pannis, sed in passione omnibus spoliabitur vestibus. Nunc virgineo illum lacte pascis, sed in passione felle & acetâ potabitur. Nunc reclinas eum in præsepio, sed tandem suspendetur in patibulo. Nunc placidè inter duas pecudes indormit, & requiescit, sed moriens in cruce, tanquam in lectulo suo florido inter duos latrones obdormiet. Nunc nascens non invenit locum in diverforio, moriens non habebit locum nisi in sepulchro alieno. Nunc à te fasciis sollicitè in cunis ligatur, moriturus funibus, catenis & clavis ferreis constringetur. Nunc Infans vagit inter arcta conditus præsepia, moriens autem cum clamore valido, & lacrymis se Patri in victimam offeret. Nunc ad colendum eum accurrunt Pastores, in passione relicto eo omnes Discipuli aufugient. Nunc à tribus Magis ac Regibus humiliter adoratur ut DEUS; in passione à tribus iniquis Judicibus ad mortem condemnabitur. Nunc ab Angelis laudatur: *Gloria in altissimis DEO*; sed in passione ab omni hominum genere imnumeris maledictis, opprobriis & illusionibus saturabitur, &c. Opientissima Virgo! O Mater amoris & doloris! si talis est nunc Filii tui in orbem ingressus, qualis erit vitæ exitus? Si tale exordium, qualis, obsecro, erit Epilogus? Collige ex his, anime mi, sensum pro te moralem, & disce patientiam in adversis, mundi immundi contemptum, abnegationem tui, ac præsertim petulantis carnis tuæ mortificationem, cum tota vita Christi JESU & MARIÆ ferè continua crux fuerit & martyrium; & qualis est vita tua?

4. De Rebecca recensent Sacræ Litteræ, quòd Jacobum dilectum filium suum, ut eò facilius à Patre moribundo supremam obtineret bene-

Cant. 2. 1  
Cant. 1. 12  
Luc. 22. 48  
Psalm. 21.  
19  
Matth. 27.  
34  
Marc. 15.  
27  
Luc. 2. 7  
Joann. 19.  
41  
Hebr. 5. 7  
Luc. 1. 15  
Matth. 26.  
56  
Matth. 2.  
11  
Luc. 2. 14  
Thren. 3.  
36



Gen. 25. 15  
 da ac manus pelliculis hædorum protexerit : *Et vestibus Esau valde bonis, quas apud se habebat domi, induit eum, pelliculasque hædorum circumdedit manibus, & colli nuda protexit.* En rursus perelegantem Divæ Virginis & Matris typum, dilectissimum Filium suum JESUM vestibus valde bonis & odoriferis, hoc est, carne humana ac virginea induentis, & glabritiem colli ejus ac manus nudas pelliculis hædorum contegentis. Supra quod ex mente S. Augustini pulcherrimè Cornelius à Lapide : *Allegoricè, inquit, Jacob est Christus, qui induit pelles hadinas, id est, nostra peccata in se assumpsit, ut ea lueret, ideò enim VERBUM incarnatum est, ut salvum faceret populum suum à peccatis eorum : Ad hoc, inquit S. Augustinus, descendit Christus in uterum Virginis, ut exinde acciperet membra, quæ traderet cruci, &c.* O immensæ charitatis prodigium!

Cornel. hic.

S. Aug. serm.  
 10. de Nat.  
 Dom.

2. Reg. 22.  
 30  
 5. Achab Rex in Israël, cùm ad bellum progrediretur, ne ab hoste agnosceretur, *immutavit habitum suum, & ingressus est bellum.* O mi JESU! ô mi Redemptor! tu es ille Rex Israël, & omnium dominantium Dominus, qui, cùm in hunc mundum venisti, contra diabolum, mundum, carnem, peccatum & infernum pugnam, heu quàm cruentam pugnaturus, habitum tuum immutasti, & mortalem ac infirmam carnem, velut saccum (heu mille olim scissuris, ac vulneribus conscindendum) à Virgine induisti : *Semetipsum exinanivit formam servi accipiens, in similitudinem hominum factus, & habitu inventus ut homo.*

Phil. 2. 7.


Jonæ. 1. 12  
 Jonas Propheta, ne alii exortâ in mari tempestate perirent, ipse interitum elegit : *Tollite me, & mittite in mare, & cessabit mare à vobis.* Ah mitissime JESU! tu es ille Jonas, qui vix in lucem à Virgine natus, ne perirent miseri mortales, sponte te in hos dolorum laborumque fluctus abjecisti, proinde rectè S. Maximus : *Christum in has mundi procellas uterus maternus effudit.*


Exod. 2. 9

Moysen infantulum in scirpea fscella fortunæ arbitrio in Nilo expositum MARIA soror ambulans juxta ripam fluvii conservavit, ejusque sedulam curam gessit : *Ad quam locuta filia Pharaonis : accipe, ait, puerum istum, & nutri mihi, ego dabo tibi mercedem tuam.* O dulcissime JESU! tu eras ille Moyses in præsepio salutis hominum expositus, quem superba Synagoga rejecit, sed gentilitas & Ecclesia, ac cumprimis Sacratissima Mater tua cum gaudio recepit, defendit, nutritiv. & educavit, verè Ancilla & Mater, cujus brachia orbis Monarcham gestârunt, lavârunt, fasciârunt, aliaquæ oblequia sine aliarum ancillarum ope præstiterunt.



6. David, cum mirandam hanc Christi nativitatem in spiritu prævidisset, Verbumque inter duas pecudes in præsepio suo tempore, hoc est, post mille annos reclinandum, non abhorruit hunc cæli, terræque Dominum jumento comparare: *Ut jumentum factus sum apud te, & ego semper* psal. 72. 23 *tecum.* O amantissimè JESU! in veritate pro nobis ut jumentum in stabulo factus es, cum enim homo in honore esset, non intellexit: comparatus est psal. 43. 13 *jumentis insipientibus, & similis factus est illis;* superbus similis factus est pavoni, avarus cani, luxuriosus hirco, invidiosus serpenti, iratus leoni, gulosus porco, & desidiosus asino, ut ergo hæc jumenta commutaret in homines? & à servitute diabolica redimeret, ipse quasi jumentum fieri dignatus est, dum omnium iniquitates in se suscepit in cruce luendas & expiandas. O Adam ubi es? Et quid times? *Vocem tuam,* inquit, *audivi in paradiso, & abscondi me.* Ecce, qui olim tibi delinquenti objecit: *Ecce, Adam* Genes. 3. 10 *quasi unus ex nobis factus est,* nunc ipsissimus tibi similis factus est, ut te genusque humanum per passionem ac mortem suam ab æterna morte eriperet. O prodigium amoris! & quid tu rependis ac nos posteri omnes?





## CONSIDERATIO XVI.

Quomodo B. Virgo Dolorosa se in Circumcisione Christi dulcissimi Filii sui habuerit?



Postquam consummati sunt dies octo, ut circumcideretur Puer, vocatum est nomen ejus JESUS.

*LUC. 2. 21.*



**L.** Uid hoc est, ô beatissima Virgo! verè Mater amoris & doloris, quòd innocentissimum Filium tuum offeras ad circumcisionem? An ergo Legislator propriis subjacet Legibus? Nunquid partus sequitur ventrem? Si tu, ô Domina totius universi, ab omni originali & actuali peccati labe semper immunis extitisti, quantò magis Filius tuus, fons omnis Sanctitatis, & Sanctus Sanctorum? Ad quid ergo circumciditur, & iniuritur stigmate peccatoris, qui peccatum non fecit, nec facere poterat?

O cru.



O crudelis, ô barbare, ô immitis culter! quomodo ausus es vulnerare innocentissimum agnellum? Quodnam tibi jus in Filium Virginis & DEI?

Adverte, Anima Christiana, licet benignissimus orbis Reparator Christus nullo modo circumcissionis mandato fuerit subjectus, voluit tamen à SS. Matre sua & à Patre Nutricio, S. Josepho! & ad hanc circumcissionem præsentari: Primò, inquit Doctor Angelicus, *ut ostendat veritatem carnis humanae contra Manichæum, qui dixit, eum habuisse corpus phantasticum.* Secundò, *ut approbaret circumcissionem, quam olim DEUS instituerat.* Tertiò, *ut comprobaret, se esse de genere Abrahæ, qui circumcissionis mandatum acceperat in signum fidei, quam de ipso habuerat.* Quartò, *ut Judæis excusationem tolleret, ne eum reciperent, si esset incircumcissus.* Quintò, *ut obediendi virtutem nobis suo exemplo commendaret, unde & in octava die circumcissus est, sicut in Lege erat præceptum.* Sextò, *ut quia in similitudinem carnis peccati advenerat, remedium, quo caro peccati confueverat mundari, non respueret.* Septimò, *ut Legis onus in se sustinens alios à Legis onere liberaret, secundum illud ad Gal. 4. Misit DEUS Filium suum, factum sub Lege, ut eos, qui sub Lege erant, redimeret.* Tirinus adhuc aliam addit rationem, voluisse Filium DEI & Mariæ circumcidi, ut diabolum falleret, quemadmodum olim Jacob induens vestes Esau omnes fefellit, qui Jacob pulcherrimus in hoc Christi typus fuit, formam servi & peccatoris induentis. Et denique circumcidi voluit, ut arrham mundo & Ecclesiæ suæ daret subsecuturæ paulò post redemptionis per profusionem in cruce totius sanguinis, &c. In hunc finem pro corpore Emblematis nostri vitæ adumbrari curavimus, quam Genius cultro usque ad profusionem lacrymarum secat, cum inscripta Epigraphe: *Vulnerat, & medetur.* Vel potius:

## Ut mero gaudeas.

Vitis Christus est: *Ego sum vitis vera.* Vitis autem, prout eleganter observat Mellissus Bernhardus, non seminari, sed in terra benè culta plantari solet; ita Christus non seminatus, sed in terra virginea plantatus est. Vitis circumfoditur, ad palum vinculis alligatur, & tempore vernali usque ad lacrymas scinditur, ut optatos ferat fructus, unde rursus Lemma: *In lacrymis feracior:* Ita quoque Christus in passione circumfossus: *Foderunt manus meas & pedes meos,* &c. ad palum crucis funibus, inò clavis ferreis alligatus, & mox die octavo Nativitatis suæ in præsentia Matris usque ad lacrymas, plùs dico, usque ad sanguinem petrino cultro circumcissus est, ut tu, anime mi, mero illius gaudeas, hoc est, fructum lacrymarum & sanguinis ejus, cujus unica stilla totum mundum redimere poterat, &c.

2. Æternâ memoriâ dignum est, quod refertur de S. Canuto Daniæ Regis & Martyre gloriosissimo, qui, ubi regale suum diadema ad pedes Christi Crucifixi abiecit, humiliter sese illi subiciens, qui Rex Regum, & Dominus Dominantium est, prævidens nunc ex tumultuante populo mortem sibi pro-



Admirand.

pter justitiam imminere, ad templum S. Albani M. tanquam ad locum certaminis Othoniæ confugit, ubi SS. Sacramentis præmunitus, & DEO agonem suum commendans, flexis genibus ante altare pro inimicis orans, telis & lanceâ confossus est, cujus gloriosissimi Regis ac Martyris sanctitatem DEUS duplici miraculo illustravit, siquidem in eo loco, ubi occisus est, sine mora fons, sanguine Martyris purpuratus, profiliit; & cum sacrum corpus ad imperium Reginæ abinde asportaretur, & portitores cum hoc sacro pondere in foro quiescerent, mox alter fons aquæ prorupit, uterque hominum infirmitatibus saluber, ac medicus.

Et nunquid, anime mi, in circumcissione Domini nostri JESU Christi duplex fons & sanguinis & aquæ mundo scaturire cœpit? Fontem sanguineum referavit saxeus ille culter, dum in innocentissimam tenelli Infantis carnem sævire cœpit, qui dolor planè fuit acerbus, dum persæpè alii infantes ex tali cruciatu moriebantur, in Christo tamen multò acerbiorum oportet fuisse dolorem ob ætatis teneritudinem, & delicatissimum temperamentum, ac perfectam, quâ præditus erat, cognitionem, &c. quod tamen peccatoris & servi stigma patientissimè tulit, ut tuas peccatorum maculas jam tunc à prima vitæ ætate lueret. O bone JESU! quàm citò incepisti pro delictis meis pati, & pœnitentiam agere? Unde rectè Isaias tibi ex Virgine & Prophetissa nascenti, hoc nomen indidit: *Voca nomen ejus: Accelera spolia detrahare: Festina prædari.* Supra quod doctissimus Bæza: *Optimè, inquit, noverat Isaias nascentis Christi curam, quando illum vocavit: Accelera; Festina; nam vehementer festinabat sanguine suo nos redimere. Hoc erat illi in optatis: & illius Sacratissimus Sanguis pungebatur aculeo, ut quàm citissimè funderetur.* Et licet, quòd parvulus fuerit fons iste Divini cruoris, crevit tamen in immensum, dum in cruce ex toto corpore promanabant sanguinum flumina: *Parvus fons, qui crevit in fluvium.* O mitis Agnelle, jam nunc candide & rubicunde, verè sanguinum Sponsus tu mihi es.

Ecquis, obsecro, ô pientissima Virgo! erat tunc animi tui sensus, dum manantibus interim oculis, ac multis profusis lacrymis hanc primam cruentam laniemam spectasti? Et nunquid eodem ictu, quo saxeus ille culter Divinam Filioli carnem sauciabat, interim quoque SS. COR tuum acutissimo doloris gladio, antequam Simeon illum prædiceret, dissectum est? *Hodie, sunt verba Doctoris Seraphici, incepit Dominus JESUS suum Sacratissimum Sanguinem pro nobis effundere, & hodie fortiter ploravit; sed eo plorante, credisne, quòd Mater potuerit lacrymas tenere? Ploravit ergo & illa, &c.* En hic duplicem fontem & sanguinis & aquæ. O quàm durum, quàm saxeum est adhuc cor nostrum! Rupes illa in Cades à Moyse bis Virgâ percussa lacrymas aquas profudit: *Percussit petram, & fluxerunt aquæ; nos undique malis premimur, & incessanter percutimur, & stamus adhuc immobiles; Numera lacrymas tuas, anime mi! quas pro peccatis tuis contra DEum, summum illud Bonum, commissis, fudisti, an aliquas invenies?*

Hic. 8. 3

Bæza lib. 1.  
cap. 4. §. 1.

Esther. 10. 6

Exod. 4. 25

S. Bonav.  
in Medit.  
vitæ Christ.  
cap. 8.

Psal. 77. 20

3. Obſervant autem Doctores & SS. Litterarum periti, quòd B. Virgo <sup>Ab. Amb.</sup> <sup>ſpin. ſup.</sup> <sup>ſpina & ge-</sup> <sup>ſta Chriſti.</sup> <sup>ſt. br. 2. 22</sup> ſacroſanctum Cruorem in circumciſſione dilectiſſimi Filii ſui effuſum in pu-  
riſſimo vaſculo diligentiffimè collegerit, & cum præputio ingenti curâ affer-  
vârît; ſciebat enim, quòd *sine ſanguinis effuſione non fieret remiſſio*. Ecquis  
obſecro, melius immenſum hujus Divini Cruoris pretium poterat æſtimare,  
quàm talis ac tanta Mater? Ex quibus licet pauculis ſtillis prudentiſſimè col-  
ligebat, quòd forent præludium & aurora futuræ cruentæ paſſionis, poſt ali-  
quot annorum luſtra explendæ, & quòd longè clementius ille Sanguis in cœ-  
lum clamaret, quàm quondam Abelis; unde S. Gregorius M. <sup>S. Gregor,</sup> <sup>M. lib. 13.</sup> <sup>Moral.</sup> <sup>cap. 9.</sup> *JESU melius loquitur, quam ſanguis Abel, quia ſanguis Abel mortem fratris*  
*fratricidæ petiit, Sanguis autem JESU vitam, &c.* O peccatores, quid agi-  
tis? Nunquid fruſtra ille Sanguis pro nobis effuſus eſt? Si non fuit remiſſio  
niſi in Sanguine JESU, cur non remiſſionem peccatorum veſtrorum per  
hunc Diviniſſimum Sanguinem à Deo Patre poſtularis? Sanguis olim Agni <sup>Exod. 12. 7</sup>  
Legalis in poſtibus & ſuperlininaribus tinctus Hebræorum ædes à cæde pri-  
mogenitorum ſervabat immunes; quid non poterit facere pretioſiſſimus  
Divini illius Agnelli Sanguis, quem jam à vitæ ſuæ primordio pro ſalute ve-  
ſtra profudit, cujus unica ſtilla plus, quàm univerſorum Electorum merita,  
valoris habet, quia cum VERBO hypſtaticè unitus fuit? Audite pro ani-  
mæ veſtræ ſolatio S. Gregorium Nazianzenum: *Exigua, inquit, gutta San-*  
*guinis Chriſti orbem inſtaurâunt, &c.* <sup>Orat. 2. de</sup> <sup>Paſch.</sup>

4. Hic adimpletum fuit, quod olim Elias in nubecula illa parvula præ-  
vidit: *Ecce nubecula parva quaſi veſtigium hominis aſcendebat de mari*. Nube- <sup>3. Reg. 18.</sup>  
cula illa parva humanitas à Verbo aſſumpta eſt; quæ licet in circumciſſione <sup>44</sup>  
pauculas duntaxat guttas præmiſit, in paſſione tamen, ac præſertim in Cal-  
variæ monte, in grandem ac ſanguineam pluviâ effuſa fuit: *Et facta eſt plu-* <sup>Apoc. 1. 5</sup>  
*via grandis; ut eò copioſior eſſet redemptio, & ut lavaret nos à peccatis noſtris*  
*in Sanguine ſuo*. Quæ omnia prudentiſſima Virgo ſuperiore lumine illuſtra-  
ta diligentiffimè ſecum ponderabat juxta illud: *MARIA autem conſervabat* <sup>Luc. 2. 19</sup>  
*omnia verba hæc conſerens in corde ſuo*. Proinde rectè S. Hieronymus: *Pun-* <sup>S. Hieron.</sup>  
*ctura acûs, inquit, Chriſto inſcripta, vulnus lanceæ erat in Corde MARIE*. Pro <sup>c. l. à Qua-</sup>  
ſenſu morali juvat hic audire R. P. Hiereniam Drexelium è Societate JESU <sup>reſimio To. 1.</sup>  
Scriptorem præclariſſimum, juxta ac pientiffimum: *Imitemur, ait de Chriſto* <sup>cap. 12.</sup>  
*naſcente, Deiparam ſedulo, omnia Domini JESU verba, reſque illius geſtas peni-* <sup>P. Hiere-</sup>  
*tiſſimo pectore conſervemus; præſepe, flagra, columnam, ſpinas, clavos, lanceam,* <sup>mi Drex.</sup>  
*crucem, ſpongiam, ſepulchrum, ſimul & labores, cruciatus, probra, igr. ominias, lu-* <sup>Nasc.</sup>  
*dibria, mortem, cum immenſa majeſtate, gloria, dignitate conſervamus. Et* <sup>apud me,</sup>  
*quaſo ſimul etiam amoreſ illius ardentiffimum cum noſtri amoris hyeme, ſubmiſſio-* <sup>f. 396.</sup>  
*nem illius cum noſtra ſuperbia, temperantiâ illius cum gula noſtra, caſtimoniâ il-*  
*lius cum luxuria noſtra, ipſius manſuetudinem cum noſtra iracundiâ ad trutinam*  
*juſtam appendamus, & quaſi arena maris iſta gravior apparebit.*



5. Neque dubium est, quin Christus Infans tunc in dolorosa carnis suæ circumcissione, & prima Sanguinis effusione votum illud ab æterno emissum patiendi in tempore pro gloria DEI & totius mundi salute, denuo non sine lacrymis renovaverit, atque in holocaustum & Sacrificium se Patri prompta voluntate & affectu obtulerit, ad hoc enim alludit Gentium Doctor Paulus : *Hebr. 10, 5* *Ideo ingrediens mundum dicit: Hostiam & oblationem noluisti; corpus autem aptasti mihi. Holocaustumata & pro peccato non tibi placuerunt: tunc dixi: Ecce venio, offerens tibi, ô Pater! pro primitiis passionis meæ modicas has sanguinis stillas, sed & totum Corpus meum flagellis, spinis, alapis, plagis, cruci, clavis, lanceæ, morti, &c. DEus verò Pater, apud quem merces mercenarii non usque manè manere solet, sed mox eam persolvit, ita Propheta attestante: *Ecce merces ejus cum eo, & opus ejus coram illo:* continuo dilectissimo Filio suo mercedem dedit; & qualem, dices? Audi Apostolum: *Donavit illi nomen, quod est super omne nomen, ut in nomine JESU omne genu flectatur celestium, terrestrium & infernorum, &c.* Quod Sacrosanctum Nomen B. Virgo MARIA, verè & hîc Mater amoris & doloris, peractâ cruentâ circumcissione, genu flexo maxima cum devotione primò inter homines pronuntiavit, & ex Angeli jussu Filio imposuit: *Ecce concipies in utero, & paries Filium, & vocabis nomen ejus Jesum, &c.**

6. O quàm insignes doctrinas hîc possumus in nostræ animæ commodum seligere. Circumciscus est ut tenellus Infans, & jam tunc *exultavit ut Gigas ad currendam viam suam*, ut assuesceres, anima Christiana, à teneris quoque annis Deo inservire, & viam virtutis sectari: *Bonum est viro, si portaverit jugum ab adolescentia sua, &c.*

*Circumciscus est*, ut amorem suum in te, ô anima, velut olim Sichem Princeps in Dinam, testaretur: *Nec distulit adolescens, quin statim, quod petebatur, expleret: amabat enim puellam valde, &c.* Ut tu vicissim, anima mea, charitatem tuam Deo ac Christo etiam in rebus arduis & difficilibus comprobares; solet enim Deus etiam dilectissimis suis amicis, inò magis quàm reprobis, plura adversa immittere, quibus circumcidantur.

*Circumciscus est*, ut tu mentem tuam à pravis cogitationibus, cor à pravis affectibus, os & linguam à pravis locutionibus, aures à detractionibus, & sensus omnes tuos ab illicitis circumcideres.

*Circumciscus est*, ut pro peccatis tuis, contra puritatem admittis, primò hoc Sanguinis sui rore satisfaceret, ut tu disceres ejusmodi carnis illecebras & sensuales amores, quibus mundus hic immundus totus, quantus immerfus est, ex animo detestari, fugere, luere.

*Circumciscus est*, neque peccatoris characterem in se suscipere detrectavit ille Sanctus Sanctorum, ut disceres te humiliare terra & cinis, utpote qui hactenus tot infernos pro tuis delictis commeritus es, & tamen bilem tibi movet, si ab aliis peccator haberis, ah miser! gloriaris de iniquitatibus, & erubescis de remed. 3?



*Circumcisus* est denique, ut tibi ostenderet, quàm necessaria sit carnis tuæ mortificatio. En DEUS tuus & Homo Christus vix octiduum in mundo exegit, & jam summo ardet desiderio pro te patiendi, & Sanguinem fundendi, quid tu post tot transactos vitæ tuæ annos pro JESU laboris & difficultatis tolerasti? Si regnum cælorum vim patitur, & violenti rapiunt illud, ubi est tua <sup>Matth. 11-</sup> violentia? Tua mortificatio? An nescis, quid Apostolus in utramque tibi <sup>12</sup> aurem inlacet: *Si secundum carnem vixeritis, moriemini?* Et in alio loco: <sup>Rom. 8. 13</sup> *Qui Christi sunt, carnem suam crucifixerunt cum vitiis & concupiscentiis?* Colli- <sup>Gal. 5. 25</sup> ge ex his, an Christi sis, vel alterius?

7. *Et vocatum est nomen ejus JESUS.* O dulce nomen, quia non est aliud nomen sub cælo datum hominibus, in quo oportet nos salvos fieri, sed & nomen amarum, quia non nisi spargendo sanguinem illud sibi comparavit Deus & Homo Christus, quod Sacratissimum quidem Nomen dulcissimum COR Virgineæ Matris mirum in modum consolabatur, sed & peculiari quodam modo affligebat, quoties illud animo volvebat, non ignorans, amantissimum Filium suum & re & nomine esse JESUM, hoc est, orbis Salvatorem, qui per passionem suam, crucem & mortem salvum facturum esset populum suum à peccatis eorum, proinde statim in primo vitæ suæ exordio hoc Divinissimum Nomen in arrham & pignus redemptionis nostræ voluit publicari, ac tandem in virili ætate in crucis titulo ut causam mortis affigi: JESUS <sup>Jo. 19. 19</sup> NAZARENUS REX JUDÆORUM.

Quæres, cur Angeli Apostatici momento è cælo fuerint eliminati, & ad inferni barathrum sine ulla spe obtinendæ veniæ detrusi: *Videbam satanam sicut fulgur de cælo cadentem?* Respondet S. Bernhardinus, quia hoc Sacratissimum <sup>Luc. 10. 18</sup> Nomen JESU noluerunt agnoscere, illudq; debito afficere honore, quando illis <sup>S. Bernhar-</sup> tunc adhuc viatoribus intimatum fuit: *Et adorent eum omnes Angeli ejus, &c.* <sup>din. Sen. cit.</sup> à Cal. Disc.


Quid ex Saulo Paulum, ex vase perditionis vas electionis, & ex lupo agnū fecit, nonne hoc unicum SS. Nomen JESUS: *Ego sum JESUS, quem tu persequeris?* <sup>Hebr. 1. 6</sup>

Quid mendicum illum claudum ad portam templi sedentem momento <sup>Actor. 9. 5</sup> sanavit? Nun quid hoc Sacratissimum Nomen JESUS à Petro loco eleemosynæ illi donatum: *Petrus autem dixit: argentum & aurum non est mihi, quod autem habeo, hoc tibi do: In Nomine JESU Christi Nazareni surge, & ambula.* <sup>Actor. 3. 6</sup>

Quid Jobum in tot ac tantis constitutum miseriis confortavit, solidavitque, ut læto animo omnia adversa sustineret? Audi ipsum loquentem: *Sit Nomen Domini benedictum, &c.*

Quid Davidi, contra Goliathum victoriam comparavit: *Tu venis, inquit, ad me cum gladio & hastâ, & clypeo, ego autem venio ad te in Nomine Domini, &c.* <sup>1. Reg. 17. 45.</sup>

Quid Apostolos, Martyres & electos omnes inter tot pericula constitutos conservavit? *Et illi quidem ibant gaudentes à conspectu consilii, quoniam digni habiti sunt pro Nomine JESU contumeliam pati.* O dulce Nomen! cælo venerabile, dulce miseriis, & inferno terribile. O peccatores, respirate: *Omnis, qui invocaverit Nomen Domini, salvus erit.* <sup>Actor. 5. 41</sup> <sup>Joel. 2. 32</sup>



# CONSIDERATIO XVII.

Ex tribus muneribus Magorum Mater amoris & doloris deligit sibi solam myrrham.



Obtulerunt ei myrrham.

*Matth. 2. 13.*

Dioscorides  
l. 1. cap. 67.

I.



Ice[m] myrrha spinosa & amara sit, miram tamen, ac variam vim (prout auctor est Dioscorides) habere assolet, cujus arbuscula duplicem ex se liquorem fundit; primus, quem sponte sudat, stacte vocatur, estque myrrha longe optima ac odoratissima, alter ex vulnere caudicis incisi manat; uterque liquor cor mirè confortat, caput exhilarat, aërem insalubrem arcet, caliginem oculorum discutit, saporem gignit, vocem expedit, ventris tineas enecat, vulnera sanat, &c. Hinc nobiliores quondam fœminæ passim in Palæstina pendulum è collo fasciculum, ex foliis, ramusculis & floribus myrrhæ colligatum, gestare solebant, ut sanitati conservandæ, morbisque arcendis prudenter & maturè consulèrent.

Verum-



Verumenimverò longè utilior, longè salubrior est ille Divinus myrrhæ fasciculus, quem B. Virgo & Mater è collo suo pendulum inter ubera sua gestat, proinde longè meliùs, quàm Sponsa olim gloriari potest: *Fasciculus Cant. 1. 2*  
*myrrhâ dilectus meus mihi, inter ubera mea commorabitur*; Quasi diceret: *Quæ-*  
*rant aliæ mulieres & delicatulæ sua odoramenta, spicam nardi, cassiam, cina-*  
*momum, muscum & pixides olfactoriales, in quibus pretiosa balsama & li-*  
*quores condensati continentur; quæram ego unicè dilectum meum JESUM,*  
*qui est mihi odoratissimus, ac saluberrimus myrrhæ fasciculus, hunc semper*  
*memoria versabit, intellectus contemplabitur, voluntas diligit; hinc non*  
*aurum à Magis oblatum, nec thus, sed myrrham mihi reservabo, quæ licet*  
*gustui amara videatur, animæ tamen saluberrima est, unde Lemma:*

### Amara, sed salubris.

En! dilecta anima, pulcherrimum in Sacratissima Deipara exemplum, non enim ignorabat, myrrham hanc à SS. Regibus liberali manu oblatam esse prodromum futuræ passionis, mortis ac sepulturæ Filii, proinde rectè cum Sponsa tunc dicere poterat: *Manus meæ distillaverunt myrrham primam, & Cant. 5. 5*  
*digiti pleni myrrhâ probatissimâ.* Hanc, inquam, myrrham & nos ex manibus MARIÆ sumamus, & pectori nostro adstringamus: *Hæc myrrhâ, ait* Justin. Miechoviensis, *B. Virginis manus plena erant, quia illa dolores & cruciatus Filii sui continuo animoolvebat à Christi nativitate usque ad ejus mortem, imò & post ejus mortem dolores Christi perpetuo in Corde habebat, prophetica namque imò plusquam prophetica mente Filii sui mortem longè antè prævidebat: nam cum Filium suum in sinu fovebat, ulnis gestabat, uberibus lactabat, spinas, flagella, crucem, clavos, lanceam, mortem, sepulturam ejus oculis mentis contemplabatur; hinc peroptimè & longè meliori jure, quàm illa Sponsa, dicere poterat: Manus meæ distillaverunt myrrham primam.*

2. De Regina Saba recensent Regum Annales, quòd auditâ famâ de admiranda Regis Salomonis sapientia è finibus terræ magno suorum procerum comitatu & pompâ verè regiâ Hierosolymam venerit, ut ab ore Regis Solymæi audiret, ac disceret sapientiam, cui in donum dedit *centum viginti 3. Reg. 10.*  
*talenta auri, & aromata multa nimis.* Observâ hîc: Aurum Regina Saba  
 & aromata sapientissimo Regi in donum, non autem myrrham præsentavit, quam tamen SS. Magi & Reges Sabæi cum auro & thure liberali manu Christo, Regi Regum, & SS. Matri ejus offerebant, aurum quidem ut Regi sapientissimo, thus ut DEO ac Sacerdoti summo, myrrham verò ut homini pro salute & redemptione generis humani passuro, morituro & sepeliendo: *Ob-*  
*tulerunt ei myrrham.* Parcite, serenissimi Reges, ah parcite; ad quid dulcissimo ac Divinissimo Infanti vix in lucem nato, ac SS. Matri ejus myrrham præsentatis, passionis ac mortis Symbolum? Lætiora ac magis grata afferte munera.



S. Bonav.  
in lib. de vi-  
ta Christi.

S. Birgitt,  
in serm. An-  
gel. c. 16.  
& 17. item  
S. Bernh.  
serm. 40. in  
Cant.

Vide Ps. 21.  
& Isa. c. 53.

S. Bernh.  
serm. 43.

Enimverò non acceptius Christo & MARIÆ poterant offerre munus, quàm myrrham, aurum enim B. Virgo paupertatis amantissima, teste S. Bonaventura, paulò post pauperibus erogavit, thus DEO & templo in obsequium destinavit, myrrham autem sibi ac dilectissimo Filio reservavit, non ignorans, utpote superiori illustrata lumine, vitam JESU & suam continuam amaritudinem, dolorum ac laborum congeriem futuram. Juvat hinc audire S. Birgittam: *B. Virgo, ait, melius quàm Prophetæ præcivit sui Filii passionem, idè eum lactans cogitabat, quòd felle & aceto esset potandus in cruce; quando eum manibus gestabat, videbatur illi, quòd crucis brachiis esset confixus; quando dormiebat, cogitabat mortuum ex cruce depositum; quando osculabatur, Judæ osculum cogitabat; quando fasciis involvebat, funes cogitabat, quibus ligandus ab impiis carnificibus; quando manu ducebat, ducendum ad tribunalia, ut impiis judiciis sisteretur, &c.* Vide, anime mi! quomodo Mater amoris & doloris in cunctis ferè actionibus amarissimam passionis myrrham animo versârît, si enim Prophetæ longè ante Christum eam spiritu præviderunt, atque de ea tam multa etiam in particulari vaticinati sunt, certè Reginam Prophetarum ad majus obtinendum meritum horum futurorum insciam esse non decuit, nec oportuit, quia ita Patri placuit, Matrem Filio esse simillimam. Subintrat hinc Mellissius pro reflexione nostra morali: *Tu quoque si sapis, imitaberis Sponsa prudentiam, atque hunc myrrhæ tam charum fasciculum de principatu tui pectoris nec ad horam patieris avelli, amara illa omnia, quæ pro te pertulit, semper in memoria retinens, & assidua meditatione revolvens, quo possis dicere & tu: Fasciculus myrrhæ dilectus meus mihi, inter ubera mea commorabitur, &c.*

3. Et dubitas adhuc, anima Christiana, quòd myrrha Magorum Christo Infanti & SS. Matri ejus gratior auro & thure, cunctisque acceptior mundi thesauris acciderit? Adverte, quid in domo Simonis Leprosi evenerit. Erat Christus in Bethania pridie Dominicæ Palmarum ad convivium cum suis discipulis à dicto Simone, quem à lepra priùs curaverat, perhumanè invitatus; & cum Mensæ assideret, accessit ad eum Magdalena cum vase unguentario ex allabastrite factò, & magno devotionis affectu pretiosum nardi liquorem in Caput JESU effudit; indignati quidem sunt Discipuli, Judà chorago & in-centore hujus murmuris, ob inanem hujus, prout ipsi autumabant, tam pretiosi unguenti profusionem: *Ut quid perditio hac?* verum mitissimus Redemptor hanc mulierem non tam benignè defendit, quàm & publicè comendavit, quòd obsequium sibi præstiterit longè gratissimum, perpetuisque annalibus, & hominum memoriâ dignissimum: *Opus bonum, operata est in me, mittens enim hæc unguentum hoc in Corpus meum, ad sepeliendum me fecit. Amen dico vobis, ubicunque prædicatum fuerit hoc Evangelium in toto mundo, dicetur & quòd hæc fecerit, in memoriam ejus.* Quæres hinc, prudens Lector, quare hoc unguentum Christo Domino super aurum & topazion placuerit?

Audi

Audi ipsam Veritatem Christum: *Ad sepeliendum*, inquit, *me fecit*; per hoc enim odoriferum unguentum mulier, licet nesciens, prælagit, & divi-  
navit proximam Christi JESU passionem, mortem & sepulturam. Ex qui-  
bus facile rationem colliges, cur myrrha Magorum plûs auro & thure,  
omnibusque mundi gazis, Christo & Sanctissimæ Matri ejus placuerit, per  
hanc enim myrrham eidem pientissimo Redemptori & Dolorosæ Matri jam  
tunc in antro Bethlemico non aliud præfagebant, quàm carnis mortificatio-  
nem, crucem & sepulturam, proinde jam tunc in cunis Divinissimus In-  
fans ad præfatos SS. Magos dicere poterat: *Ad sepeliendum me fecistis*. Si-  
quidem myrrhâ Defunctorum corpora, ut maneat incorrupta, condiri  
assolent. Et quid dico? Nonne omnia illa tria munera, attestante Corne-  
lio, allegoricè notabant Christum passurum, crucifigendum, mortificandum,  
ac sepeliendum? *Aurum*, quia ex aurea charitate & amore hominum seip-  
sum in cruce immolavit. *Thus*, quia in cruce summam religionem, sub-  
missionem, venerationem ac latrariam erga Patrem commonstravit: *Humi-*  
*liavit semetipsum*, &c. Myrrhâ, quia amara, omnes Christi JESU & do-  
lorosæ Matris ejus amaritudines in corpore & anima in vitæ curriculo per-  
ferendas præmonstravit. O pientissima Mater! dic, obsecro, quid tunc  
animo volveris, cùm in purissimo sinu tuo tam largiter oblatam myrrham  
conspicata es? An non tunc temporis intervallo verificatum est: *Quasi Eccl. 24. 19*  
*myrrha electa dedi suavitatem odoris?*

Cornel. in

Marth. 2.

13.

Philipp. 2. 8

4. O quàm largus hîc adaperitur campus de myrrha mortificationis  
tantoperè ad salutem nobis necessaria differendi! Myrrha illa, quam Magi  
per arcanum omen recens nato orbis Salvatori ac SS. Matri ejus in peculiare  
donum præsentaverant, erant suaveolentes & concretæ arborum lacrymæ,  
amaræ quidem, sed & saluberrimæ: Et quid aliud præsignârunt, quàm cre-  
bras Christi & Matris dolorosæ lacrymas ac copiosos sudores, assiduo labo-  
re ac vario expressos dolore? Consideremus attentiore mentis oculo, quàm  
rigidam, austeram, & in omnibus sensibus mortificatam vitam hæc SS. Dei-  
para duxerit. Si specum illam perpendis, in qua mundi Redemptorem eni-  
xa est Virginea Puerpera, non reperiēs nisi summam pauperiem, inter pecu-  
des enim natus, & inter latrones crucifixus est JESUS, sed non sine Matre:  
*Invenerunt Puerum cum MARIA Matre ejus*. Anime mi! si vis cum his  
SS. Regibus invenire JESUM, sine Matre dolorosa, & sine myrrha mortifi-  
cationis non invenies. Audi ipsam hanc Sacratissimam Virginem ad B. Eli-  
sabetham loquentem: *Filia dico tibi, quòd nullam gratiam, donum vel virtu-*  
*tem habui à DEO sine magno labore, continua oratione, ardenti desiderio, pro-*  
*funda devorione & multa afflictione, exceptâ sanctificationis gratiâ, quâ sanctifi-*  
*cata fui in utero Matris*. Et addidit: *Pro firmo scias, quòd nulla gratia descen-*  
*dit in animam, nisi per orationem & corporis afflictionem*.

Marth. 2.

12

S. Bonav.

cap. 3. Me-

thar. v. 12

Christi.

Mater Dolorosa.

Q

O quàm



Cornel in  
Proverb. 31  
27

Matth. 18. 8

Luc. 9. 23

S. Birgitt.  
in serm.  
Angelico.  
cap. 16.

2. Cor. 4.  
10

S. Bernh.  
in serm. de  
O. O. 55.

Astor. 12.  
10  
V. Beda hanc  
apud Cor-  
nel.

Genes. 28.  
11  
S. Ambros.  
lib. 2. de  
Jacob.  
1. Reg. 17.  
49  
Matth. 21. 4

O quàm rara est hæc avis in terra nostra, propria videlicet corporis afflictio, & quàm multi hinc dormiunt, qui etiam boni ac seduli volunt videri Christiani! *Beata Virginis*, subintrat hic Cornelius, *severa & rigida vita fuit in jejuniis, orationibus, lacrymis, persecutionibus, doloribus, passionibus, &c.* Et qualis est vita tua, ô mi Lector! neque dicas mihi, mortificationem solis illis debere esse propriam, qui relicto sæculo in aliqua religiosa familia se DEO consecrârunt. Erras hic, bone vir! cum mortificationis studiosos esse oporteat, quotquot desiderant salvari: An non Veritas jubet, ut oculum tibi met eruas, manum reseces, pedem abscindas, si quidem periculum tibi instat, graviter offendendi DEUM? Nunquid mandat, ut abneges temetipsum, tollasque crucem tuam non semel in anno, sed *quotidie*? An observas hoc? O quàm aliter Sancti omnes! de B. Virgine scribit S. Birgitta: *Sicut rosa crescere solet inter spinas, ita B. Virgo in hoc mundo crevit inter tribulationes: Et sicut rosa crescente crescunt & spinæ, sic hæc electissima rosa, MARIA, quânto plûs crescebat ætate, tantò fortiorum tribulationum spinis acutiùs pungebatur.* Evolve res gestas Sanctorum & Electorum omnium, & invenies cunctos in se fuisse rigidissimos, *semper mortificationem JESU in corpore suo circumferentes.* Quomodo ergo tu sine myrrha mortificationis in cælum ibis? Vidêris mihi, anime mi! (ignosce, obsecro, salutem tuam quæro) ut avicula illa, quam S. Anselmus Episcopus Cantuariensis olim non sine lacrymis longiore filo à puero ligatam conspicatus, & contemplatus est; volebat hæc quidem nunc subito volatu ferri in cælum, nunc rursus à puero ludente ad ima retrahebatur. En hic lusus tuus est: modò proponis, modò iterum deficis, non absimilis illis, prout ingeniosè & piè observat Doctor Mellissuus, qui *indignantur adversus Adam, quòd obedierit voci uxoris suæ plûs quàm DEI, & ipsi quotidie Evam suam, carnem videlicet audiunt plûs quàm DEUM.*

§. Olim per portam ferream patebat ingressus in Jerusalem: *Venerunt ad portam ferream, quæ ducit ad civitatem, quæ ultro aperta est eis;* supra quod Venerabilis Beda: *Ferrea porta, inquit, quæ ducit ad Jerusalem cælestem, est crux, mortificatio, tribulatio, martyrium.* Jacob, quia durum sibi lectum paravit, Dominum cæli, ejusque Angelos nunc per scalam descendentes, nunc ascendentes videre meruit: *Tulit de lapidibus, & supponens capiti suo dormivit.* Ita, subintrat hic S. Ambrosius, *cæli aulicos durus lectus, durus victus, omnia dura decent.* Et tu, miles delicate, quid ad hæc? David contra Goliath, immanem illum gigantem pugnaturus baculo, fundâ & lapide se armavit, cui in terram prostrato proprio gladio sceleratum caput amputavit: *Percussit Philistæum in fronte, &c.* Per baculum D. Augustinus crucem Dominicam subaudit; per lapidem Christum, qui est lapis angularis, vivus, reprobatus quidem à Judæis, sed factus in caput anguli. Per Goliath, quem S. Chrysostomus *aurum carneam* appellat, rectè caro nostra rebellis intelligitur; & per gladium



mortificatio sensuum, quæ velut gladius in hac pugna spirituali insultanti carni (prout loquitur Cornelius) *caput abscindit, ne præsint, sed subsist.* Age ani- Cornel. hic me mi! apprehende arma, gladium & scutum, & contra hanc hydam (carnem tuam) generosè dimica; audi S. Augustinum: *Noli, inquit, extrinsecus* S. Aug. in *pecus, quod mactes, inquirere, habes in te, quod occidas.* Occide propriam vol- Psal. 50, untatem, & myrrham DEO gratissimam ac probatissimam cum SS. Regibus obtulisti: *Tantum enim proficies,* rectè ait Kempensis, *quantum tibi ipsi* Th. Kemp. *vim intuleris.* lib. 1. c. ult. in fine.

6. Redeo ad SS. Magos, primos Christianos, & insignes B. Virginis cultores, qui viri serenissimi, licet stellâ duce per longa terrarum spatia profecti sint, ut DEI Filium è summo cælo ad nos venientem humiliter adorarent, eique sua devotissima præstarent homagia, illa tamen non obstabant obsequia, quò minùs & SS. Deiparentem debito hyperdulci cultu venerarentur, cui proinde omnium gentium nomine gratias pro materna illa cura, quâ orbis enutritur Redemptorem, egerunt, supplices rogantes, dignaretur ipsos clientum loco habere, &c. Addit à Lapide: Non esse dubium, SS. Magos Cornel. hic cum B. Virgine, quia dono linguarum pollebat, per se Arabicè fuisse locutos, in Matth. ab eaque didicisse modum conceptionis, partus, & nativitatis Christi, ideoque Christum ut DEUM, DEIque Filium adorasse, ac terna ei munera, imò & pectora sua obtulisse. O quantum mirati sunt viri isti sancti, ubi à Virgine Parente edocti sunt, regnum Christi non in opibus, fastu, pompis, palatiis & hujus sæculi commoditatibus, sed in paupertate, humilitate, mundi contemptu & carnis mortificatione situm esse. O quàm alius est nunc mundi sensus, quàm alius moderni sæculi stylus!

Et tu, anime mi! quid agis? Quid muneris offeres DEI Filio & SS. Matri ejus? Trina pariter à te petunt munera, an recusabis? S. Mechüldis Nadasi, in Virgo enixè quondam dilectum animæ suæ Sponsum precata est, quid muneris sibi vellet offerri? Et responsum tulit: COR. An. Cæc. 1. Jan. Hoc & tu offeres, sed contritum, humiliatum ac mortificatum, nullum enim Christo & dolorosæ Matri magis est acceptabile Sacrificium. Imitare proinde Eminentissimum S. R. E. Cardinalem Robertum Bellarminum, qui, ut filialem ac integerrimum amorem suum in Christum JESUM & SS. Deiparentem testaretur, medium COR suum JESU Crucifixo, alterum verò dimidium MARIÆ Matri dolorosæ legavit. Hoc, inquam, illustrissimum & tu imitare exemplum. Si religiosa es anima, poteris offerre loco auri, thuris & myrrhæ tria substantialia statûs tui vota: pro auro paupertatem voluntariam & votivam, quia paupertas hæc ditissima est, & præ omni auro DEO ac SS. Virgini acceptissima; pro thure obedientiam, quâ DEO & Superioribus sensum tuum, intellectum, voluntatem, totumque te ipsum in holocaustum consecras; pro myrrhâ castitatem, quæ ex corporis afflictatione, je-

124 *Consideratio XVII. B. Virgo à SS. Magis myrrhâ donatur.*

junio, carnisque mortificatione nascitur, custoditur, ac servatur, & hæc myrrha illis erit probatissima.

Si Ecclesiasticus es, offerre poteris quotidie DEO tuo aurum, thus & myrrham, hoc est: Sapientiam, orationem & mortificationem; vel si mavis: Aurum benefaciendo pauperibus, thus supplicando DEO in Missæ Sacrificio, & myrrham commoriendo Christo Crucifixo, & compatiendo SS. Matri ejus dolorosæ.

Si Laicus es, habes & tu, quomodo aurum, thus & myrrham Omnipotenti quotidie offeras: Fidem ut aurum fulgens, spem ut thus odoriferum, charitatem ut myrrham, Ecclesiæ membra à corruptione servantem, ac conglutinantem. Vel si magis aridet, per ejusmodi trium Regum munera

eleëmofynam, orationem & jejunium accipe: *Aurum*, inquit S. Augustinus, *à nobis accipit Christus, si eleëmofynam facimus: Thus, si orationem fundimus, myrrham, si pro illo moriamur.* Eja anime mi! resume ani-

munum, & noli apparere vacuus in conspectu

DEI tui, &c.

3. August.  
lib. 50. ho-  
mil. in 1. l.  
in cap. 2.  
Matth.





# CONSIDERATIO XVIII.

B. Virgo & Mater Dolorosa Christum Filium in templo præsentat, cui S. Simeon doloris gladium prædicit.



Et tuam ipsius animam pertransibit gladius

LUC. 2. 34.

**M**Itor sanè, quoties mecum perpendo, quòd B. Virgo & Mater Dolorosa, cum dilectum Filium suum JESUM æterno Patri in victimam pacificam præsentavit, eundem dulcissimum Filium suum non juxta exemplum Annæ Elcanæ uxoris summo Sacerdoti reliquerit, ut perpetuo in templo, velut alter innocens Samuel, DEO inserviret, donec se tandem hominibus manifestaret ut mundi Salvatorem. Et nunquid figurans debet correspondere figurato? Si de Anna & Samuele filio dicitur: *Adduxit eum ad domum Domini in Silo: Puer autem erat adhuc infantulus, & immolaverunt vitulum, & obtulerunt puerum Heli: & commodavit eum Domino cunctis diebus.*

I. Reg. I.  
24



Et cur, obsecro, non pari ratione SS. Deipara in templo Unigenitum suum reliquit, illumque DEO Patri cunctis diebus commodavit?

Luc. Burg.  
in Luc. 2.

Gen. 2, 1

Hebr. 13,  
12

Respondet Lucas Burgensis, ideo B. Virginem oblatum Domino Puerum noluisse in templo relinquere, quemadmodum olim Anna fecerat, *quia non voluit eum Synagoga proprium esse, quem pepererat mundi Salvatorem*. Noverat enim optime SS. Virgo, quod pro salute universonum venerat, eumque esse Sponsum illum, de quo in Canticis: *Ego flos campi & lilius convallium*; itaque noluit, ut hic flos campi intra muros templi, vel unius civitatis mœnia concluderetur, sed ut omnibus ac singulis in mundo pateret, cunctique ad SS. COR JESU liberum haberent accessum, hinc suo tempore non in civitate, sed extra portas in publico campo cœlum inter & terram medius in cruce mori voluit, *ut sanctificaret per Sanguinem suum populum*, non unum, sed totius mundi.

Luc. 2, 29

Agg. 2, 3.  
Isa. 40, 12

2. Et ecce dum in templo DEO Patri hæc Divina præsentatur Hostia, eodem temporis articulo supervenit Sanctus ille Simeon, qui à Spiritu Sancto erat edoctus, non visurum se mortem, nisi prius videret Christum Domini, quem proinde ut vidit, & ut verum DEUM ac Hominem agnovit, mox submisit adoravit, atque in brachia susceptum DEO T.O.M. in sacrificium placationis pro totius mundi delictis obtulit. Tum satiatus ex hoc mundo & omni re temporali, velut Olor candidus jamjam moriturus, illud cygneum & suavissimum edidit canticum: *Nunc dimittis servum tuum Domine, secundum verbum tuum in pace, &c.* Quid hoc est, vir sanctissimè? Vix dulcissimum JESUM Infantem inter ulnas recepisti, & Cordi tuo affectuosissimè non sine lacrymis appressisti, & mox mortem subire desideras: *Nunc dimittis, &c.* Optimè senex, quid agis? An deliras? Vitam amplexaris, & mori vis? Quanto desiderio hujus Divini Pusionis expectasti adventum? En adest tandem *desideratis cunctis gentibus*, & inter tua senilia brachia dulciter quiescit, *qui appendit tribus digitis molem terra*, & tu mortem exoptas? Mortem inclamas? ut citò te conficiat? quàm paradoxa sunt ista!

Iob. 13, 26

Adverte, anime mi, Simeon à Spiritu Sancto plenissimè illuminatus, & instructus jam tunc perfectè prævidit, quæ & quanta impofterum deberet perferre tormenta SS. COR JESU; vidit igitur, quomodo hoc Divinissimum COR omnia in se susceperit hominum peccata, propria morte & sanguine in cruce expianda. O quàm graves erant amaritudines istæ! proinde jam tunc SS. COR JESU dicere, & in has querelas erumpere poterat: *Scribis contra me amaritudines, & consumere me vis peccatis*, ô homo ingratissimè! prævidit insuper sanctus ille Simeon, quomodo puerulus iste Divinus positus esset in signum, cui in passione & cruce contradicendum esset; verbo: Vidit totam vitam Christi JESU & SS. Matris ejus, quomodo futura esset continua crux & martyrium, hæc & similia venerabilem illum Senem eo promoverunt.

ut in hac mortali vita nihil ampliùs, quàm solam mortem & festinam deside- Timotheus  
 raret; ita Timotheus Hierosolymitanus: *Dimitte, inquit in persona Simeo- Hierosol. de*  
*nis, me nunc obsecro. ne videam nefarium Judaeorum in te facinus, ne videam ser- Proph. Si-*  
*rum alapam infligentem, ne videam simul & Matrem tecum clavis cruci affixam, meon,*  
*& spirantem, &c.* Unde ad SS. Deiparam conversus, illi doloris gladium,  
 qui adinstar fulminis SS. COR ejus esset transfixurus, non sine lacrymis inti-  
 mavit: *Ecce positus est hic in ruinam & resurrectionem multorum in Israël, & in* Luc. 2. 34  
*signum, cui contradicetur, & tuam ipsius animam pertransibit gladius.*

In quem finem pro nostro Symbolo castissimum COR Virginis & Ma-  
 tris DEI crudeli romphæâ transverberatum adumbrari jussimus, cui pro  
 Lemmate illud Apostoli placuit inscribere:

Hebr. 4. 12

### Usque ad divisionem animæ.

3. Hic sta, & delibera, quisquis ista legis, aut percipis, homo Christia-  
 ne, & si verus dolorosæ Matris filius & servus esse desideras, perpende, quo-  
 modo ad hoc vaticinium Simeonis pientissimæ Virginis viscera haud aliter  
 fuerint commota, ac si *rhomphæa bis acuta* SS. COR ejus pertransisset: *Com-* Eccl. 21. 4  
*mota sunt quippe viscera ejus super filio suo.* Et dic, obsecro sodes, si quis san- 3. Reg. 3.  
 ctitate conspicuus & Spiritu Prophetico clarus illustri cuidam Matronæ præ- 26.  
 diceret: Filius tuus unicus ac suavissimus, quem nunc ut cor ac animam  
 tuam diligis, paucos post annos in manus truculentorum carnificum inno-  
 cens tradetur, à quibus post sexcenta alia exantlata opprobria & innumeros  
 cruciatus tandem coram innumerabili hominum multitudine infami patibu-  
 lo suspendetur, & tu ô Domina tunc ipsa præsens in tormentis & morte filii  
 eris, ubi gladius doloris intimè COR tuum & animam transadiget. Si, in-  
 quam, vir sanctus hæc vel similia illustri cuidam Matronæ prædiceret, quid,  
 obsecro, ejusmodi infelix Mater ad tam funestum vaticinium non diceret?  
 Heu quis gemitus illius & luctus posset enarrare? An non toties cor ejus,  
 quoties imposterum in filium oculos converteret, novo dolore afficeretur?  
*Et nunquid oblivisci potest mulier infantem, ut non misceatur filio uteri sui?*

Isa. 49. 15,

Nunc perpende, quàm immenso dolore purissimum COR MARIÆ  
 fuerit affectum, cum Simeon Prophetico spiritu præditus illi in templi atrio  
 prædixit: *Ecce positus est hic in signum, cui contradicetur, & tuam ipsius ani-* Luc. 2. 34  
*am pertransibit gladius.* O tristissimum vaticinium! quid agis, veneran-  
 de Senex? Cur piissimum COR hujus tenerimæ Virginis, tunc decimum  
 quintum ætatis annum agentis, adeò affligis? Si hæc alto presusses silentio,  
 ô quot mœstissimas prævertisses lacrymas? Certè nunquam ampliùs per  
 omnem vitæ cursum hæc pientissima Virgo hujus fatalis vaticinii oblivisci  
 poterat: *Conservabat enim omnia verba hæc, conferens in corde suo;* proinde Luc. 2. 19  
 quotiescunque imposterum oculos in hunc suum dilectissimum Filium  
 convertibat, toties novus dolor ac cruciatus illius animam affligebat, ô ve-  
 re Mater amoris & doloris!

Ob-



Observa hîc, prûdens Lector, quàm alia sunt judicia DEI, quàm alia hominum, sic nimirum agere solet DEUS etiam cum suis dilectissimis, dum voluit innocentissimam Matrem Filio, cujus tota vita crux fuit & martyrium, in omnibus esse conformem atque simillimam, ut sic non tam fructuum crucis, quàm & meriti ac coronæ particeps fieret. Vide ex his, quantum te ipsum decipias, si crucem à DEO submissam execraris, & in perfruendis hujus sæculi voluptatibus tuam collocas felicitatem; ô quantum aberras!

4. Accedit, quòd hæc SS. Deipara omnium figurarum & vaticiniorum veteris testamenti perfectissimam habuerit notitiam, atque Unigeniti passionem plus, quàm Isaias cap. 53. & Prophetæ omnes, præviderit, unde dolor Sacratissimi CORDIS ejus ex consortio & colloquio Filii in dies augebatur; proinde dum suavissimo suo Nato dulce lac præbuit, animo illius obversabatur, quomodo in cruce, felle & aceto esset potandus. Dum JESUM inter duo jumenta in præsepio placidè quiescentem intuita est, latrones illi in mentem incidebant, quos inter in cruce animam esset expiraturus. Dum tenellum Filium ligavit fasciculis, & pannis involvit, cogitabat, quomodo suo tempore funibus & catenis, durissimisque clavis foret constringendus & configendus. Dum illum in cunis vagientem & lacrymantem conspicata est, contemplabatur, quomodo in ligno crucis non tam lacrymas, quàm omnem sanguinem usque ad supremam stillam esset profusus. Dum illi pedes tanquam DEO, manus tanquam Domino, & faciem ac præsertim Sacratissimum COR tanquam Filio, materno ac devotissimo delibabat osculo, occurrebant illius memoriæ quinque illa dolorosissima vulnera pro salute humani generis aliquando perferenda, &c. O beatissima Virgo! ô Mater afflictißima! quis dicet, quantam jam tunc anima tua senserit amaritudinem, dum probè noveras, quòd omnes virgineæ lactis tuæ guttæ, quibus tum tenerrimum Infantem nutrieras, in sanguinem essent convertendæ, paulò post in passione à tuo dilecto sanguinem Sponsio pro salute mundi effundendum. Audi ipsam hanc Sacratissimam Deiparam apud Rupertum Abbatem Tui-tiensem loquentem: *Nolite, inquit, solum attendere horam vel diem illam, in qua vidi talem dilectum ab impiis comprehensum male tractari, illudi, spinis coronari, flagellari, felle & aceto potari, lanceari, mori & sepeliri: nam tunc quidem gladius animam meam pertransiit; sed antequam sic pertransiret, longum per me transiit fecit, Prophetissa namque eram, & ex quo Mater ejus facta sum, scivi eum ista passurum. Cum igitur talem Filium sinu meo foverem, ulnis gestarem, uberibus lactarem, & talem ejus futuram mortem semper præ oculis haberem, & prophetica, imò plus quàm prophetica mente providerem, qualem, quantam quàm prolixam me putatis materni doloris pertulisse passionem?*

5. Occurrit hîc mihi gladius illius Cherubini, quem DEUS ante paradisi januam constituit, ut hunc voluptatis hortum custodiret, de quo gladio

Rup. Abb.  
lib. 1. in  
Cant,

com-



conmemorat Scriptura, quòd non duntaxat in omnes partes versatilis, sed & flammeus & ignitus fuerit, ut per illum eos feriret Angelus, qui post Adamum eliminatum temerè illum paradysum ingredi attentarent: *Et collo-* Genes. 3. 24.  
*cavit ante Paradysum voluptatis Cherubin, & flammeum gladium atque versatilem.* O bone DEUS! hic gladius Simeonis non tam flammeus atque versatilis, sed & fulgurans fuit, quia sicut terrificum fulgur uno momento piissima Matris viscera penetravit, dum à Simeone audivit: *Ecce, positus est hic in signum, cui contradicetur;* hoc est in signum crucis, ut quondam serpens ille æneus, de quo in libro Numerorum: *Et posuit eum pro signo, quem* Num. 21. 9.  
*cum percussit aspicerent, sanabantur;* & paulò post addidit S. Simeon: *Et tuam ipsius animam pertransibit gladius;* supra quod Euthymius: *Gladium, inquit, nominavit dolorem acutissimum, maximeque dividentem, qui penetravit Cor Matris DEI, &c.*

Gladius, quem Aod Filius Gera sibi quondam paraverat, non tantum anceps, sed & acutissimus extitit, in medio habens capulum, & ex utraque parte aciem penetrantem, quem gladium Aod sibi ipsi cudit, & exinde data occasione in viscera Regis Eglon adegit: *Extenditque Aod sinistram man-* Judic. 3. 16  
*um, & tulit sicam de dextero femore suo, infixitque eam in ventre ejus tam validè, ut capulus sequeretur ferrum.* Gladius Simeonis, quia spiritualis & ideò acutissimus, non solum uno ictu amabilissimum COR JESU, sed & Virgineum COR MARIÆ vulneravit, & pertransivit: *Ferrum pertran-* Psalm. 104.  
*sivit animam ejus.* 18

Samuel validissimo gladio Regem Agag, cui Saul contra voluntatem DEI vitam condonaverat, ex zelo justæ vindictæ per medium concidit, & in victimam Justitiæ Divinæ sacrificavit: *Et in frustra concidit eum Samuel.* 1. Reg. 15. 12  
 Gladius Simeonis non quidem intemeratæ Virginis COR materialiter fauciat, nec divisit, nec mortem ipsi intulit, sed tamen, quod plus est, usque ad divisionem animæ penetravit, erat enim *penetrabilior omni gladio anti-* Hebr. 4. 12  
*piti, & pertingens usque ad divisionem animæ ac spiritûs, compagum quoque ac medullarum.*

Abraham gladium suum, quo Isaac Filium suum DEO in holocaustum immolare statuerat, tantum per triduum in luctuoso illo itinere usque ad montem Moria portavit: *Ipse verò portabat in manibus ignem & gla-* Gen. 22. 6  
*dium.* Sed beatissima Virgo & Mater intacta immitema Simeonis gladium non per tres duntaxat dies, sed per triginta & amplius annos, imò ad finem usque vitæ suæ constanter in corde suo gestavit: *O mucro Domini! usque* Jer. 47. 6.  
*quòd non quiesces? Ingredere in vaginam tuam, refrigerare, & sile,*

6. Verumenimverò, haud immeritò hîc quæres, piè Lector, quis tandem crudelem illum & immitissimum gladium Simeonis fabricatus est?

Mater Dolorosa.

R

Quis

Quis cruentissimum hunc ensem cudit & paravit? ex cujus officina hæc fulminans rhomphæa prodiit, quæ Sacratissimum COR JESU & MARIÆ unâ simul vulneravit? Heu! ad quid interrogo miser? In promptu causa est, mea ac tua peccata, quibus DEUM offendimus, hunc vulnificum gladium parârunt. Ah pientissima Domina, ignosce, ego, ego sum, qui Filium tuum interemi, ego, ego sum ille fabricator malorum; ego, ego sum plaga tui doloris: *Ab quis dabit capiti meo aquam, & oculis meis fontem lacrymarum, & plorabo die ac nocte!*

Ierem. 9, 1

O peccator! quomodo hæc audis, & rides? Ecce Sacratissimum COR JESU pro tuis expiandis demeritis se DEO Patri prima vice in templo in victimam præsentat: *Humilians semetipsum, & factum obediens usque ad mortem.* Et tu rides? Matri innocentissimæ prædicatur lamentatio, immensus dolor & gladius pertingens usque ad divisionem animæ & spiritus: *Et tuam ipsius animam pertransibit gladius?* & tu rides? Simeon, ne videre debeat mala gentis suæ, & DEI Filium inter latrones in infami patibulo expirantem, ac Sacratissimam Matrem ejus doloribus confectam, mortem festinam desiderat: *Nunc dimittis servum tuum Domine:* Et tu rides? & peccata peccatis accumulas? O pecus ingratum, ô portentum abominandum! hæccine reddis Sacratissimo CORDI JESU & MARIÆ?

Phil, 2, 8

predag. Chr.  
p. 1. c. 2,

Audi, quid S. Coletæ contigerit; cui Divæ, cum ferventiores aliquando preces pro peccatoribus ad SS. Deiparam funderet, ipsa beatissima Virgo spectabilem se reddidit, sed vultu lugubri ac mœstissimo tenens manibus dulcissimum Filiolum suum JESUM, sed eheu interfectum, saucium, & toto corpusculo quasi in frustra concisum; ad quod lamentabile spectaculum cum S. Coleta præ incerore & compassione deficeret, Sacratissimam Deiparentem ita loquentem audivit: *Quid vis, ut pro illis intercedam, qui peccatis suis Filium meum, quantum quidem ipsi possunt, ita ut hîc videtur, in frustra discerpunt.*

Psal. 118.

139  
2. Cor. 11.  
29

Vide ex his, & perpende, anime mi! quomodo peccata tua non duntaxat Christum Dominum, Benefactorem omnium maximum ac Redemptorem tuum pretiosissimum, sed & COR SS. & afflictissimæ Matris ejus novo doloris gladio saucient, atque transigant: *David vidit pravavariantes, & tabescebat.* S. Paulus vidit scandalizatos, & urebatur; sic videns B. Virgo peccatores Filium suum graviter offendentes, offenditur & ipsa Mater, cui cum Filio ferè communia sunt omnia; ô portentosum, ô fathanicum peccatum, quod Sacratissimum COR JESU & MARIÆ uno actu & ictu tam graviter, tam protervè vulnerat!

Abner cū videret, quòd gladius Joab in Israëlitas crudeliùs sæviret, stans ex adverso in campo ad illum exclamavit : *Num usque ad internecionem tuus mucro desaviet?* O anima peccatrix! hoc idem ad te clamat pientissima Virgo & Mater doloris ac amoris, ostendens & exhibens tibi suavissimum Filium suum faucium, cruentatum, plagatum, &c. *Num usque ad internecionem tuus mucro desaviet?* Quid peccavit in te Filius meus, & quid tibi mali feci? En jam in tenella ætate dulcissimus Filius meus Patri pro tuis delictis se offert in Sacrificium matutinum, & tandem in virili ætate in ara crucis pro te se offeret in Sacrificium vespertinum, & hoc non te moveat ad eum redamandum? Nunc duos pullos columbarum, quia pauper & egenus pro te factus, Patri in hostiam præsentat, quarum sanguis super credidinem altaris effunditur, qui in cruce pro te oblaturus est corpus & animam, omnemque sanguinem in oblationem sanctam & acceptabilem, & hoc durissimum cor tuum non emolliat? Nunc quinque siclis in templo à S. Josepho redimitur, qui quinque vulneribus erat redempturus orbem universum; & tu, anima ingrata, quid pro his omnibus retribuis Domino ac DEO tuo; Si Pater ille est, ubi est amor tuus in eum? Si Dominus, ubi timor? Si ego Mater tua, quomodo me colis & honoras? *Num usque ad internecionem tuus mucro desaviet?* O pientissima Domina, habes hîc contentem reum doleo, ah doleo ob innumeras offensas meas, imposterum meliùs vivam, aut non ampliùs vivam,







plo factam in patrium solum & in oppidum Nazarethanum reversa es, ut rei domesticæ, velut sollicita Martha, curam gereres; ecce, crescente magis magisque famâ de orbis Salvatore in urbe Bethlehem in lucem nato, & à SS. Magis adorato, crevit & furor impiissimi Herodis, quo statuit Divinum hunc Infantem, quocunque tandem medio, dolo, aut sanguinis humani dispendio, è medio tollere; in quem finem scribuntur milites, parantur sicæ, acutuntur rhomphææ, vulgantur edicta, & Matribus ac prolibus cruenta in illa regione imminet tempestas. O qualis tunc tibi erat animi sensus, ô Domina mundi? O gladiæ Simeonis, quousque sævies? Tanto facinori ut occurreret DEUS, Angelum (prout credit S. Anselmus & plerique alii) S. Gabrielem, humanæ salutis Nuntium amandavit, qui Puerum ab instanti erueret laniena; unde S. Josepho in somnis apparens in tempore eum monuit, ut de fuga sibi consuleret, atque cum Puer & Matre ejus in Ægyptum secederet: *Surge, & accipe Puerum & Matrem ejus, & fuge in Ægyptum: Et estô ibi, usquedum dicam tibi; futurum est enim, ut Herodes quærat Puerum ad perdendum eum.* Matth. 2  
13

Considera hîc, Mariophile! qualiter dolorosa Mater & S. Josephus prima facie, audito hoc mœstissimo Nuntio, fuerint contristati, atque afflicti; quid enim in Ægypto, in terra aliena, inter homines tam barbaros & idololatrias, exules illi tam venerandi ac miserandi sperare poterant, quàm injurias, contemptus, ærumnas & persecutiones? Et licet pro illo temporum intervallo Puer Herodis gladio subtraheretur, truculenti tamen Pharaonis unguibus relinquebatur dilacerandus. His tamen non obstantibus, resignavit se penitissimè dolentissima Virgo in Divinam voluntatem, omnia & quæcunque adversa Divino arbitrio, ejusque SS. voluntati humiliter resignans. Unde Theophyl. rectè Theophylactus SS. Cor dolorosæ Virginis, ob altissimam obedientiam in DEUM, ac stupendam prorsus rebus in omnibus voluntatis propriæ & judicii abnegationem candidæ telæ seu tabulæ ad quamcunque picturam paratæ assimilavit: *Tabula sum pictoria, pingat pictor, quod voluerit; faciat Deus, quod ipsi placuerit.* Hinc rectè pro Lemmate inscribes ejusmodi tabulæ:

### Quæ forma placebit.

*Paratum Cor meum, DEUS, clamat MARIA, subintrat hîc S. Bernh. S. Bernh. hardus, cunctos homines suo ad imitationem provocans exemplo, paratum quantum ad dura, paratum quantum ad prospera, paratum ad humilia, paratum ad sublimia, paratum ad universa; quacunque perceperis, fiat, fiat, quidquid Divina placuerit Majestati, &c.* scm. 2. in  
c. Jejun.

2. Hanc in Ægyptum fugam jam longè antea prævidit Prophetarum Princeps Isaias: *Ecce Dominus, inquit, ascendet super nubem levem, & ingredietur Ægyptum, & commovebuntur simulacra Ægypti à facie ejus.* Per

S Ambros.  
Exhort. ad  
Virgines,

1. Reg. 5. 5

Tostatus in  
qu. 60. in  
2. c. Matth.

Abulenf. in  
c. 2. Matth.

Salmer. hîc  
in Matth. 2.

Luc. 4. 30

S. Leo serm.  
5. de Epiph.  
Salmer. Tom.  
3. Tr. 44.

quam nubem levem S. Ambrosius rectè dolorosam Virginem intelligit, cujus sacris ulnis ac brachiis Christus Infans in Ægyptum delatus est. Et quem admodum olim ad præsentiam Arcæ Domini Dagon idolum protinus in terram corruit, & in varias partes comminutus est: Porro Dagon solus truncus remanserat in loco suo, &c. Ita ad ingressum Domini JESU & SS. ac dolorosæ Matris ejus in Ægyptum omnia inania Deorum simulacra corrûere. Juvat hîc audire Tostatum: *In Heliopoli, inquit, fuit priùs Virgo cum Christo, quàm in alio loco Ægypti; & cum primò venisset, non habens aliquem locum, in quem ingrederetur, vel ad quem diverteret, intravit quoddam templum, in quo erant idola trecenta, & sexaginta quinque, juxta numerum dierum anni, quibus singulis diebus exhibebatur cultus. Ad Christi autem & Matris ejus ingressum universa idola corruerunt.* Vide hîc, & considera, anima Christiana, quomodo Pater Cœlestis dulcissimi Filii sui ac Matris dolorosæ ingressum in Ægyptum voluerit honorare, dum enim homines suum non agnoscebant Dominum, arbores incurvato in terram trunco eos veneratæ sunt, aviculæ adventantibus suavi cantu ac melodiâ applaudebant, & idola juxta Propheticum oraculum in terram cadebant. Et quid aliud sunt passionēs inordinatæ & affectus nostri malè compositi, quàm similia idola? Confringe illos, & allide ad petram, quæ Christus est. Pergamus ulteriùs.

3. Quæres hîc, Lector prudens! quare Christus à facie irati Herodis fugerit in Ægyptum, ut suæ confuleret saluti? Ad quid fuga ista? *Est autem, subintrat hîc Salmeron, omni dignum admiratione, cernere quis fugiat; videlicet Verbum æternum, incarnatum, quod vinci nequit, quod fugiat homunciones scilicet vermibus & formicis debiliores.* Ad quid Filius DEI hominem timet? Nunquid qui orbem generali extirpavit cataclysmo, Pentapolim igne sulphureo, Pharaonem & exercitum ejus in mari rubro, rebelles Idumæos per ignitos serpentes in deserto, Sennacherib & copias ejus in campo, &c. Ille talis, ac tantus, qui tribus digitis appendit molem terræ, coram quo curvantur, qui portant orbem, ad cujus nutum & imperium pendent universa; ille, inquam, cui data est omnis potestas in cœlo & in terra, faciem irati Herodis formidat, & de noctis medio cum SS. Matre sua & S. Josepho in Ægyptum fugam accelerat? O cœli obstupescite!

Suspende hîc judicium, anime mi! *quod fugit, ait Glossa hîc, sacramenti fuit, non timoris; non enim mortem fugit, qui venerat per mortem crucis de hoste reportare victoriam; poterat ad hæc (sicut alio tempore fecit, dum eum in adultiori ætate de montis supercilio volebant percipitem agere) per medium suorum hostium transire indemnus, fugit tamen, ut sanguinem suum, ait S. Leo, pro mundi redemptione fundendum in aliam differret ætatem; & citatus Salmeron: Dum parvulus est, fugit; magnus autem ultrò sese offert potentibus cum ad mortem, quia voluit domare orbem non ferro, sed ligno. Ob-*  
servant



servant hîc Doctores, quòd S. Josephus ab Angelo de hac fuga sine mora apprehendenda monitus mox pientissimæ Matri hoc divinitus denuntiatus imperium insinuaverit, quæ ad hoc triste nuncium non exposulavit, neque murmuravit, aut in re minima conquesta est, sed promptissimè DEI ordinationi ac voluntati sese submisit, atque unà cum dilectissimo Filio alacriter, licet non sine lacrymis, quas amor illi expresserat, in exilium nocte concubia & obscurâ profecta est: *Nunquam*, ait Africanum Ecclesiæ lumen, S. August. *te deseruit Mater tua, bone JESU! non in infantia, non in juven-* cir. à Vank. *tute, non in passione tua, nunquam tibi defuit ejus solatium, sed neque obsequium.* Conc. 15, *In infantia passa est circumcisionis Filii dolorem, Herodis persecutione nocturna* fol. 144. *fuga amaritudinem, in passione Judæorum crudelitatem, quia voluntatem suam perfectissimè Divinæ conformarat, dicens: Ecce, ancilla Domini, fiat mihi secundum verbum tuum: Et vocabis Nomen ejus JESUM, &c.* O si ita voluntatem nostram rebus in omnibus cum dolorosa Virgine Divinæ ordinationi subjiceremus, quàm citò perfecti essemus. Non excepit hæc tenerrima Mater contra temporis opportunitatem, non contra hyemis asperæ, aut viæ perlongæ incommoditatem, non contra homines idololatrias totius hostes honestatis, non contra infestum tyrannum, mortem Filio & exitium meditantem, non petiit ad aliquem ex tribus Magis mitti, ubi commodè, securè ac gloriosè cum Filio degere potuisset, sed promptissimè ac pientissimè DEI voluntati in omnibus quibuscunque difficultatibus se subjecit. Disce hîc perfectionem obedientiæ; disce tuam cum Divina conformare voluntatem; disce superiorum judicio te prompte submittere, &c. DEI enim ordinationi resistit, qui superioribus resistit.

4. Miror, quòd Sponsus ille Divinus dilectæ suæ Sponsæ auratas comas capillis caprinis assimilarit: *Capilli tui sicut greges caprarum, quæ ascen-* Cant. 4, 1 *derunt de monte Galaad.* Alludit hîc Sponsus ad Jacob Patriarcham, Labanum socerum suum cum capris & pecoribus fugientem, & montem hunc Galaad cum grege suo conscendentem; ita vult dicere Sponsus, est cæsaries tua, ô Sponsa! sicuti caprarum bene pastarum ex herbis pretiosis Galaad, quæ aquis crebrò lotæ nitent & fulgent. Verùm non sensum litteralem, sed mysticum hîc inquirò. Non equidem ignoro, quòd Nicephorus B. Vir-Nicephor. gini tribuat flavos, pulcherrimosque capillos: *Colore*, inquit, fuit triticum lib. 2. Hist. *referente, capillo flavo, oculis acribus, subflavis & tanquam oleæ colore pupillas* cap. 23. *in eis habens; & in rebus ejus omnibus multa divinitus inerat gratia, &c.* Et quia Christus sanctissimæ Matri suæ erat simillimus, pergit idem Nicephorus: *Egregio, vividoque vultu fuit. Corporis statura ad palmos prorsus septem; cæsariem habuit subflavam: Ex oculis subflavescentibus mixta prominebat gratia, acres ii erant, & nasus longior: barba capillus flavus, nec admodum dimissus; capitis porro capillos tulit prolixiores, novacula enim in caput* ejus

*ejus non ascendit, neque manus aliqua hominis præterquam Matris in tenera duntaxat ætate ejus. Persimilis denique per omnia fuit Divina & immaculata sua Genitrici, &c.*

Rup. Abb.  
hîc in Cant.

Hebr. II.  
37

Glossa &  
Euthym. hîc,

Maldonat.  
hîc in Matth.  
Christoph.  
de Castro  
Hist. Deip.  
cap. 10. &  
alii plerique,

Juvat hîc pro hujus conceptûs dilucidatione audire Rupertum Abbatem, qui per capillos Virginis dolorosæ ejus cogitatus omnes accipit, qui revera aurei, pulchri & sancti erant, quippe in caput suum, hoc est, in Christum dulcissimum Filium suum omni, & sereno & turbido tempore dirigebantur: *Capilli tui, inquit, sicut greges caprarum; & alloquens ulterius Virginem, ait: Tu quoque longum in cogitationibus tuis præscia futura passionis Filii tui pertulisti martyrium: Sicut illi, qui circuierunt in melotis & pellibus caprinis, diu egentes, angustii & afflictii, quibus dignus non erat mundus; in solitudinibus errantes, in montibus & speluncis & in cavernis terra. Ita, vult inferre memoratus Rupertus, ô dolorosissima Virgo! magnas tu quoque ob Christum, & cum Christo per omnem vitam tuam, ac præsertim in fuga illa & exilio tam longo passa es ærumnas, dolores, calamitates, persecutiones, ubi in terra aliena cum Dilecto & unico votorum tuorum angustiiata & afflictii in solitudinibus, montibus, speluncis & cavernis commorata es. O quot virtutes in hac tristi fuga & exilio per septem annos exercuerunt hæ sanctissimæ Personæ: Quam citò, ait Glossa, Christus apparuit mundo, incepit in eum persecutio. Et Euthymius: Vide, inquit, quomodo ipse statim à cunis appetitur insidiis: Fugit quoque Mater & Josephus, &c. Et quidem de nocte intempesta, nullam interponentes moram in obediendo DEI mandato: Credibile est, ait Maldonatus, propè fuisse carnifices, qui Puerum quærebant, quando intempesta nocte fugere iubetur. Interim mœstissima Virgo, cum S. Josephus aliquantisper in parandis necessariis in Bethlehem moraretur, in spelunca delituit, ne vertagis Herodianis unà cum Filiolo in cruentam prædam cederet, & cum DEO Infanti mammillas porrigeret, nonnullæ dulcissimi lactis ejus stillæ in durum speluncæ lapidem effusæ sunt, quæ hoc saxum non tam emollierunt, quàm & candidissimum effecerunt, ex cujus tenuissimo pulvere etiamnum Latini, Græci & Saraceni panes parvulos conficiunt, quibus ad variorum morborum sanitatem utuntur. O pietissima Virgo! pro nobis misellis etiam unicam ejusmodi virginei lactis tui guttulam, ac tunc præsertim, quando nobis in summa mortis amaritudine constitutis ad æternitatem migrandum erit.*

Cornel. in  
Matth. 2. 15.

5. Qualem autem vitam, quàm sanctam, morigeram, DEO placentem, & ad omnes honestatis leges perfectissimè compositam in exilio suo tres isti SS. Exules per septem annorum spatium duxerint, & quomodo de virtute in virtutem transferint, DEO potius, quàm hominibus patet: *Perrò non dubium est, ait Cornelius, multos Ægyptiorum visa sanctitate B. Virginis & Josephi, atque ex crebra cum eis conversatione & colloquio DEUM verum*  
cogno.

cognovisse, coluisse & amasse. Inopes erant, non tamen adeò egentes, ut stipem ostiatim colligere, & januas opulentorum obire cogerentur, sed castissima Virgo acu, & sanctus Josephus arte sua fabrilis victum & amicum sibi comparabant. Mensa erat admodum tenuis, lectus durus, & plerumque humus paleis strata, hospitium miserrimum, nam potius speluncam Heliopoli quam tectum incolebant. Neque hinc locorum certam ac stabilem sedem figere poterant, sed locum ex loco mutantes, cum non deessent persecutiones, nunc Hermopolim, nunc Memphim, nunc Tanaim, nunc Nitriam, nunc Alexandriam peregrinati sunt. Quin & Magni anni partem, ubi Nilus regionem illam quotannis inundare consuevit, huc, illucque vecti naviculis in aquis transierunt, &c.

Ludolph.  
Abulenf.  
Brocard.  
& alii.

Vide hic, anime mi! quid sit vita nostra: *Quoniam dum sumus in corpore, peregrinamur à Domino*, quod incarnata Patris Sapientia Christus cum SS. Matre sua maturè voluit experiri, ut doceret nos, quomodo in hoc exilio ad æternam patriam assiduè debeamus votis anhelare: Ille, *cujus est terra & plenitudo ejus*, non habebat, ubi caput reclinaret, & observat Ludolphus: *Quin etiam, inquit, aliquando Filius famem patiens panem petiit, nec unde daret, Mater habuit. Nonne in his & similibus totaliter concutiebantur viscera ejus?* Quid nos ad ista? Et cur adeò fugacibus ac terrenis inhiamus bonis? Ille, *cui omnia inserviunt*, maluit à vitæ primordiis eligere, quæ magis sensui sunt adversa, ut disceres sensus quoque tuos refrænare, proprium ac sensualem in te extinguere amorem. Ille, *cui venti & mare obediunt*, extorris à patria cum SS. Matre sua diversis jactabatur injuriarum, persecutionum ac dolorum fluctibus; ah quis dicet, quibus affectibus jam tunc SS. COR JESU æstuaverit, quas lacrymas mitissimus Infans propter tot offensas Divinæ Majestati illatas profuderit, & tu pergis DEUM offendere? Lacrymante JESU, lacrymabatur & Virgo nostris animitus condolens miseris, & tunc præsertim non poterat abstinere à lacrymis, cum mundi latearet Salvatorem: *Præsentiebat enim*, ait Religiosissimus quidam Asceta, *singulas guttas lactis materni, quas Divinus Infantulus duceret, in Sacratissimum ejus Sanguinem convertendas, qui flagellis, spinis, clavis, aliisque intolerandis cruciatibus ex venis omnibus illi exprimeretur, ut ne guttula superesset, etiam mortuo linceâ latus aperiendum.* O Christiane tepide! Si non amas JESUM & MARIAM, anathema sis.

Ludolph. de  
vita Christi  
P. I. c. 13.

Saint, Jul.  
rel. des estus  
c. 6. sect. 2.  
Nictrenb.

6. Accessit novus planè ingens dolor in CORDE Sacratissimæ Deiparæ, ubi cruentam illam SS. Innocentium stragem intellexit, imò & melius quam Prophetæ omnes, prævidit. Videbat, licet tunc absens à Judæa, in animo fulminantes furere fidas, stringi gladios, cruentari militum manus, parvulos ad terram allidi, pusillos à bimatu & infra calcibus obteri, Matrum sinus innocuo sanguine conspergi, &c. O crudelis laniena, quam

Mater Dolorosa.

S

unius



Hadr. Lyr.  
in Trisag.  
Mar. f. 211.  
Revel. S.  
Birg. lib. 6.  
cap. 66.

unius vilissimi, ac impiissimi homuncionis ambitio subornavit. O gratissimum cælo spectaculum, quia pro Christo mactatæ sunt victimæ, sed & Matridolorosæ dolorosissimum: *B. Virgo*, inquit Lyræus, *totidem animo vulnera, quot infantes occubuerant, excepit.* Audiamus ipsam SS. Deiparentem ad S. Birgittam loquentem: *Ille dolor, ait, non erat minimus, quem habui, quando Filium meum deserebam, fugiens in Ægyptum: Et quando audiui pueros occidi innocentes, & Herodem persequi Filium meum.*

Exod. 23.  
19

Exod. 2. 3

4. Reg. 11. 2

2. Reg. 6. 17

S. August.  
serm. 8. de  
Sanct,

Psal. 105.  
37

O impie, execranda, & omnibus diris devovende tyranne! actum agis, nimiumque insanis, dum inter tot funera dolorosæ Matris Filium è medio quæris tollere: *Non eoques hadum in lacte Matris suæ*: hoc est, non occides Christum Infantem & Matris ubera lactentem in gladio, qui reservatus est à Patre, ut aliquando in virili ætate regnaret à ligno, damna ligni ut solveret. Solus Moyfes infans, cum ex mandato Pharaonis omnes Israëlitarum filii ad mortem deposcerentur, à matre in fiscella scirpea in profluentem abjectus, per sororem Mariam indemnus conservatus est. Solus Joas Puerulus de medio filiorum Regis Ochoziæ, qui omnes interficiebantur, per Josabam absconfusus, ac tandem in Regem Israëlitarum inunctus est. Et quid ni Providentia Divina invigilaverit in protegendo Filio DEI & MARIÆ, cuius regni non erit finis? David quondam, cum Arcam Domini in civitatem suam intulisset, immolavit hostias & pacifica. Ita Pater æternus, cum humanitatem Christi (per Arcam illam præsignatam) in civitatem David intulisset, voluit, ut & sibi victimæ, non brutorum, sed filiorum Israël, immolarentur: *DEUS enim erat*, subintrat hîc S. Augustinus, *qui natus est, innocentes hi debentur victima, qui venit damnare mundi malitiam; agnelli debent immolari, quia agnus futurus est crucifigendus; & hoc in summum parvulorum commodum, qui per mortem hanc, pergit idem Ecclesiæ Doctor, ad æternam salutem pervenerunt*, qui aliàs impio fortasse Moloch à parentibus, natum DEI Filium non acceptantibus, fuissent immolati, unde Psaltes Regius: *Immolaverunt filios suos, & filias suas damoniis*: Vide ex his omnibus, quàm suaviter Divina Providentia soleat cuncta in suum ordinare finem. Disce pro coronide à dolorosa Matre in rebus omnibus & quantumvis arduis te penitus in voluntatem & arbitrium DEI resignare, qui non patietur, ut tenteris supra id, quod potes, sed faciet cum proventu finem.

## CONSIDERATIO XX.

Expenditur Dolor & amor afflictissimæ Matris  
DEI, dum Filium suum duodennum perdidit.



Ecce Pater tuus & ego dolentes quærebamus te.

*Luc. 2. 48.*

I. Ufferat quondam DEUS, ut viri omnes ter in anno, hoc est, in Festo Paschatis, Pentecostes, & Tabernaculorum in Templo Solymæo sese præsentarent, & ibidem supremum Numen specialibus donis ac oblationibus honorarent: *Ter in anno apparebit omne masculinum tuum coram Domino.* Ad hoc Divinum observandum præceptum S. Josephus, qui hætenus Nazarethi morabatur, cum Puero JESU nunc duodenni & SS. Conjuge sua MARIA Hierosolymam ad Festum Paschale ascendit. Exod. 23. 17

dit, ubi expletis septem solemnitate diebus, & peractis de more pietatis officiis, cum amicis, notisque concivibus Nazarethum in patrium solum viam relegere cœpit; verum tristi & luctuoso cum eventu, dum Puer JESUS infans parentibus solus Jerosolymæ remansit, quem piissimi Parentes in via inter cognatos, & notos summo animi cum dolore per triduum frustra quæritabant.

O triste triduum! quod teste D. Ambrosio illius afflictissimi tridui præludium extitit, in quo Christus, tanquam innocens victima à Patre pro salute mundi destinata, post 21. annos in ara crucis erat immolandus. Audi in hanc rem S. Eucherium: *Religiosi Parentes, inquit, per singulos annos ibant in Hierusalem, ut Legem audirent, Sacrificiis participarent, solemnitatibus interessent, & ejus adhuc umbra serviebant, cujus jam tenebant veritatem: Tota enim illa solemnitas Christi passionem & resurrectionem & cætera, quæ de ipso scripta sunt, significabat. Erat igitur JESUS in solemnitate, qui totus erat causa solemnitatis; ipse jugulabatur in agnis, immolabatur in vitulis, & in omnibus Sacrificiis offerebatur. Mater quoque ejus multa ibi in Lege & Prophetis cantari audiebat, quæ de ipso dici intelligebat, dum ex lectione & oraculis Prophetarum, & vel maxime ex revelatione VERBI optime cognoscebat, quod per singula ejusmodi Sacrificia, quæ propriis etiam spectabat oculis, nil aliud in umbra præsignaretur, quam Christi Unigeniti sui passio, crux & mors cruenta.* O pietissima Mater, quis mœrorem & dolorem Sacratissimi CORDIS tui condignè poterit explicare? Et tu, ô amantissime JESU! quomodo in tantum poteras affligere Sacratissimum COR innocentissimæ Matris tuæ, ut tota ejus vita tecum pari ratione fieret perpetua crux & martyrium?

2. Pro responsione & solutione hujus quæstionis præfixum oportet inspicere Emblema, in quo duæ columbæ, rostro sese invicem ferientes præsentantur. Solet autem columba mascula, prout bene in rem nostram advertit Guerricus Abbas, sociam suam, quam fido prosequitur amore, in peculiare amoris pignus sæpius rostro suo ferire, unde Lemma Aresii ex illo Proverbiorum cap. 3. v. 12. mutuatum: *Quam diligit, percutit; vel si magis arridet illud Apocalypseos c. 3. v. 13.*

### Amat & castigat.

Ita est: Amat DEUS & castigat, ô pietissima Virgo, verè Mater amoris & doloris, tu illa socia es columba: *Amica mea, columba mea, immaculata mea*, quam DEI Filius in signum summi & purissimi amoris, quo semper hanc Sacratissimam Matrem suam complexus est, innumeris prope modum afflictionibus & immensa amaritudine in hac mortali vita replevit,

ut

S. Eucher.  
hom. in  
Luc. 2.

Cant. 5. 2



ut in veritate de hoc Sacratissimo CORDE MARIÆ illud dici possit Ecclesiasticis: *Cuncti dies ejus doloribus & ærumnis pleni sunt.*

Ecclesi. 2, 23

De turture referunt, quod, si consortem perdit, assiduò gemere, & mœrere soleat, in quem finem solitaria non amplius in ramo viridi, ut priùs solebat, sed semper in arido residet, hinc Virgilius: *Nec gemere aëria cessabit turtur ab ulmo.* Talis turtur & dolentissima Virgo extitit, unde in Epithalamio: *Vox turturis audita est in terra nostra,* cujus afflictissimum COR Cant. 2. 18 ob dilectum suum, nunc per triduum amissum, diu noctuque inenarrabilibus gemitibus in cœlum suspiravit. O quoties vox hujus mysticæ turturis in hoc luctuoso triduo audita est: *Fili mi, quare nobis sic fecisti? Ecce, Pater & ego dolentes quærebamus te; quò abiisti dilecte Cordis mei? Quò declinasti? Ostende mihi iterum faciem tuam: Sonet vox tua in auribus meis, vox enim tua dulcis & facies tua decora.* Luc. 2, 48 Cant. 2. 14

3. Si videbat hæc afflictissima Mater tunc in itinere quaquaversum discurrens, rubum quendam aut dumetum, pensabat in corde suo: Fortè in hoc spineto erit Dilectus meus absconditus, quia Moyses non inter oblectamenta & rosarum, florumque delicias, sed in spinoso rubo DEUM invenit: *Apparuit ei de medio rubi.*

Exod. 3, 2

Si per florentes Palæstinæ vineas transibat pretiosa Virgo, cogitabat mœstissimum COR ejus: Fortè hic in vineis morabitur Dilectus meus, quia *Borrus Cypri est mihi in vineis Engaddi.*

Cant. 1. 13

Si dulcissimum Filium suum per vicos & urbis quærebat plateas, ostium amicorum & notorum pulsans fores, in mentem illi incidebat: Fortasse Dilectus meus inter privatos latebit parietes, quia DEUS absconditus est: *En ipse stat post parietem nostrum, respiciens per fenestras, prospiciens per cancellos.* Cant. 2. 9

Si filias Jerusalem, cognatas & amicas offendit ad illas se lacrymoso vultu convertens, rogavit: *Quò declinavit Dilectus meus? Adjuro vos filia Jerusalem, si inveneritis Dilectum meum, ut nuntietis ei, quia amore langueo?* cui Sacratissimæ Virgini responderunt Filia Sionidæ: *O pulcherrima mulierum, qualis est Dilectus tuus? Quibus subjungebat mœstissima Mater: Dilectus meus candidus & rubicundus; electus ex millibus, & speciosus præ filiis hominum.* O pientissime JESU! ô Fili Benoni! obsecro, tam diu purissimum COR SS. Parentis tuæ poteras affligere? Cant. 5. 8

4. Sic Anna quondam ineffabili cordis cum dolore dilectum & unicū filium suum Tobiam, in peregrinas ac remotas regiones abeuntem, quotidie inquirebat; proinde ad montana excurrere de longè speculabatur, quando tandem adventurus esset tot desiderii exoptatus Filius: *Illa autem nullo modo consolari poterat, sed quotidie exiliens circumspiciebat, & circuibat vias omnes, per quas spes remeandi videretur, ut procul videret eum, si fieri posset, venientem.* Tob. 1, 7

Ita Sponsa Veteris Testamenti, cum Dilectum cordis sui amisisset, omnis moræ impatiens non destitit eum ubique locorum inquirere, unde ad forum contendit, existimans, quod fortè dilectus animæ Sponsus in conventu hominum foret inveniendus. Civitatem exinde petiit, omnesque ejus plateas peragravit, sed nec invento illo ad vicos & pagos pertransiit:

Cant. 3. 2 *Surgam, inquit, & circuibo civitatem, per vicos & plateas, quarum, quem diligit anima mea: Quasiivi illum, & non inveni.*

Quis ignorat, qua animi cum sollicitudine bonus ille Pastor oviculam suam perditam quæsierit, quem ab investigando nec horridum desertum, nec viarum longitudo, nec spinarum austeritas, nec fames aut sitis, nec alia sexcenta incommoda poterant abstertere, *Vadit ad illam, quæ perierat, donec inveniat eam.*

Luc. 15. 4

Pari curâ & studio prorsus indefesso Mulier illa Evangelica drachmam suam amissam inquisivit, dum Lucernam accendit, cunctos lustrans domus angulos, ubi spes affulgebat, hanc suam pretiosam reperiundi drachmam:

Luc. 15. 8 *Quærit diligenter, donec inveniat.*

De Ruben refert Scriptura, quòd, cùm ad cisternam veterem, in qua Joseph detinebatur, denuò reverfus fuisset, nec ibidem hunc fratrem suum reperisset, præ doloris vehementia ipse sibi vestimenta sua consciderit, lacrymosa voce in cælum inclamans: *Puer non comparet, & ego quò ibo?*

Genes. 37.

39

5. Nunc considera, anima Christiana, quantus debuit fuisse dolor & amor afflictissimi CORDIS MARIÆ, dum in peregrinatione Hierosolymitana inter tot hominum millena suavissimum Filium suum, amorem ac solamen suum unicum perdidit! O quoties in hoc luctuoso triduo per montes & valles, per aspera & plana, per sylvas & agros ambulans hoc lugubre in cælum ingeminavit: *Puer non comparet, & ego quò ibo?* Sciverat nimirum beatissima Virgo, illum esse DEUM, thesaurus totius mundi, & Bonum ineffabile, ac omnia benè ordinare in suum finem, proinde existimabat, se fortasse in aliquo peccasse, quod tanto Filio displiceret, & ob quam causam ad Patrem cœlestem usque ad aliud redemptionis tempus ascendisset. O mœror! ô luctus innocentissimi CORDIS MARIÆ! quis explicet mortalium, quo cum doloris sensu hæc dolentissima Mater hoc triduum traduxerit, & quam ingentem lacrymarum vim ob tam immensam jacturam profuderit? O bone DEUS! ubi sunt nostræ lacrymæ, ubi cordis mœror, ubi vera ac sincera contritio? Ah quoties te, ô summum Bonum! ô infinitum Bonum! ô immensum Bonum! per peccata nostra perdidimus, & rideamus miseri, & plaudimus, neque emendamus?

6. Sed dic, obsecro, amantissime JESU! quid peccavit in te innocentissima Mater tua, quòd tota vita illius ferè assiduus mœror & dolor, crux & martyrium fuerit? Unde meritò cum Job dicere poterat: *Et hæc mihi sit con-*

Iob. 6. 10

con-

*consolatio, ut affligens me dolore non parcat; Si illam amas, ô mi Salvator, super omnia creata simul, quare ergo eam tam durè castigas? Et hocine amare est, ô mi JESU! castigare & amare?*

Siste judicium tuum, anime mi, & tuam paulisper differ sententiam. Dic, quæso, an non DEUS Pater super omnia Filium suum Unigenitum dilexit? Audi illum de cælo intonantem: *Hic est Filius meus dilectus*; sed quomodo & qua ratione dilectus? Audi Apostolum: *Quid ergo dicemus ad Rom. 8. 31 hac? qui etiam proprio Filio suo non pepercit, sed pro nobis omnibus tradidit illum.* Ergo hoc diligere est: *Flagellat, & diligit?* O amor mirandus, ô charitas inaudita! ut servum redimeret, DEUS Filium suum tradidit, & tamen amavit. O portentum amoris!

Proinde nullatenus mirandum est, quod DEI Filius neque Sacratissimæ Matri suæ pepercerit, sed in hac vita mortali Sacratissimum COR & animam ejus perpetuis affligeret doloribus: *Quia acceptus eras DEO*, dicebat quondam ad Tobiam Angelus, *neceffe fuit, ut tentatio probaret te*; & ipsa Veritas: *Ego quos amo, arguo, & castigo*; nam in DEI amore non vivitur sine dolore, imò & ipse amor mensura doloris est: Voluit itaque benignus Dominus hic singulare nobis in Sacratissima Matre subministrare exemplum, quomodo pariter DEUM dolentes debeamus quærere, qui in deliciis minime invenitur. Et nunquid Joseph Ægyptiorum Pro-Rex Benjaminum super omnes fratres suos dilexit? Qui tamen illi neutiquam pepercit, sed sacco illius, ac si omnium fur & latro pessimus fuisset, scyphum suum argenteum imposuisset, & durius illum cæteris omnibus tractavit. Tob. 12. 13  
Apoc. 3. 19  
Gen. 44. 2

En typum perelegantem, quomodo Sapientia æterna ludere soleat cum Electis suis, quos in hac vita mortali durius, quàm reprobos pati, contemni, atque vexari finit, ut illos tandem ad gloriam majori cum merito exaltet, atque æternum coronet; sic Christus Dominus præ cæteris omnibus dilectis suis primò Sacratissimæ & amantissimæ Matri suæ passionis suæ calicem longè amarissimum degustandum præbuit, ut non tantum Martyrum coronas omni jure mereretur, sed & tandem, tanquam Regina Martyrum, in cælesti regno super omnes creaturas exaltaretur.

7. Figuram pulcherrimam de hac veritate Sacræ subministrant Paginæ; & nunquid Assuerus potentissimus Persarum Rex Esther Reginam suam super omnia dilexit: *Et adamavit eam Rex plus, quàm omnes mulieres, habuitque gratiam & misericordiam coram eo super omnes mulieres, & posuit diadema regni in capite ejus?* Et tamen contra eam virgam suam extendit, & super colulum ejus imposuit: *Extendit contra eam virgam auream, quam tenebat manu, ipsaque accedens osculata est summam virgæ ejus.* Esth. 2. 17  
Esth. 15. 15

Per Assuerum Christum JESUM, Regem Regum, & Dominum Dominantium subaudi, qui in hac vita mortali contra innocentissimam ac dilectissimam




144 *Consideratio XX. De dolore B. Virginis in amissione Filii.*

simam Matrem suam, quam unicè, ut pupillam oculi adamaverat, pariter virgam regni, hoc est, prout observat Seraphicus Doctor, virgam crucis liberaliter extendit: *Et posuit super collum ejus*, imò & in CORDE ipsius, non duntaxat virgam crucis, sed & passiones & afflictiones omnes, quas ipse pro salute generis humani perpeffus est, in quem finem eam interesse voluit quibuslibet luétuosissimis Spectaculis & ipsi morti crucis, *ut sic*, prout optimè infert devotissimus Landspergius, *Christi passionis, redemptionis quoque nostra fieret particeps & cooperatrix, quomodo Incarnationis fuerit Divina.*

8. Proinde non mirare ampliùs, anima Christiana, si te DEUS in hac vita caduca diversimodè arguit, atque in multis exercitat adversitatibus: *Quem enim diligit Dominus, corripit, & quasi pater in filio complacet sibi*; sic enim definitum est, neque tibi DEUS & Homo Christus ad cœlum viam aliam pinget, quàm illam, quam sibi & dulcissimæ Matri suæ dolorosæ præparavit: *Lava ejus*, dicebat quondam Sponsa, *sub capite meo, & dextera illius amplexabitur me.* Per lævam seu sinistram, Cornelio à Lapide attestante, adversa hujus mundi, & per dexteram prospera ac felicia indicantur; priùs Christus sub capite Sacratissimæ Genitricis suæ lævam supposuit, sed tandem in fine Sacrarissimum COR ejus immenso gaudiorum pelago replevit: *Justum*, ait Sapiens, *deduxit Dominus per vias rectas, & ostendit illi regnum DEI*, per quas vias rectas Jonathas Chaldæus in sua Paraphrasi hujus mundi adversitates intelligit: *Filium*, ait, *deduxit Dominus per vias asperas*, &c. Hæc enim via aspera crucis, via regia, via sancta, via rectissima est, per quam omnes Electi & Dilecti DEI ad cœlestem patriam pervenerunt: *Quoniam per multas tribulationes oportet nos intrare in regnum cœlorum.* Vis & tu, ô mi Lector?

Redeo pro coronide ad afflictissimam Deiparentem MARIAM: ô mitissima Domina, siste nunc lacrymas, & pone luétum tuum, Filia Sion! inventus est, quem tot votis hætenus per triduum desideravit anima tua; en in templo in medio Doctorum sedet, cujus sapientiam mirantur omnes, suscipiunt universi; ô quis dicet, quàm ineffabili gaudio Sacratissimum COR tantæ Virginis ac Matris tunc temporis afficiebatur? Tunc demum revixit spiritus ejus, velut quondam Patriarchæ Jacob, cùm Joseph filium suum, quem tot annis perditum credidit, rursus sanum & incolumem invenit: *Jam latius moriar, quia vidi faciem tuam.* O beatissima Virgo! ô Mater doloris & amoris! lætamur & nos indignissimi clientes tui in unum, atque ob tantum repertum thesaurum tibi omnes ex tota cordis latitudine congratulamur, humiliter te deprecantes, quatenus nobis miseris ac pauperculis hanc à DEO gratiam exorare digneris, ut post hunc mortalis vitæ cursum JESUM Filium tuum invenire, & unà tecum in cœlesti gloria æternum gaudere possimus.



## CONSIDERATIO XXI.

Omne gaudium Dolorosæ Virginis in hac vita  
mortali tristi absynthio permistum erat.



Replevit me amaritudinibus, inebriavit me absyn-  
thio. *Thren. 3. 15.*

I. **I**nter omnes mundi flores facile principem sibi locum  
vindicat Granadilla, seu flos passionis, cujus decor &  
odor venustatem, odoremque rosæ longè excedit, ac  
superat; hinc Indi, atque Americani ejusmodi florem  
secum ad pectus gestare assolent, ut & ipsi hujus admi-  
rabilis flosculi beneficio odoriferi reddantur. Solet autem flos ille distinctè  
ac dilucidè Sacratissimæ passionis Dominicæ instrumenta præ se ferre, unde  
non absque peculiari gustu in illo cernes columnam cum basi & capitello  
*Mater Dolorosa.* T ad

ad formam illius columnæ, quæ nunc Romæ in templo S. Prædix religionis asservatur, ad quam NUDA VERITAS Christus flagellatus est. Videbis insuper in eodem prodioso flore coronam ex quinque virgulis se invicem illigantibus & vincientibus efformatam, ac septuaginta duabus spinis rigidam, tot enim sentibus venerandum Christi caput dolorosissimè fuisse fauciatum etiamnum hodie sacra Sindon Augustæ Taurinorum piissimè asservata satis luculenter demonstrat. Conspicies adhuc in hoc venustissimo flore Dominicam crucem, tres & subinde quatuor clavos abinde pullulantes, spongiam cum vase aceti, funes, arundinem, lanceam ac præsertim quinque SS. vulnera rubeis totidem notis eleganter depicta, proinde rectè à nonnullis flos quinque plagarum solet appellari. Et si quis acutius oculo hoc naturæ portentum considerat, non reliquam duntaxat Dominicæ passionis suppellectilem, sed & septem gladiolos in memoriam septem dolorum B. Virginis & Matris dolorosæ inveniet, ita Drexelius: *sub rotundo, inquit, folio emergunt viridantia septem oblonga & acuta foliola, velut mucrones aut gladioli.* Solet autem flos ille quàm maximè in partibus Indiæ Occidentalis sponte sua in campo nasci, ex quibus locis unus in Europam ad Paulum V. Pont. Max. delatus brevi temporis intervallo adeò adauctus fuit, ut in multis Italiæ partibus modò similes Granadillæ reperiantur: *Atque hinc apparet, subintrat hic doctissimus Quaresmius, quàm admirabilis fuerit natura Opifex in ista Granadilla arbuscula, cum in gratiam dilectissimi Filii sui & passionis ejus, quàm voluit in flores convertere, & illam in nostrum commodum spirituale ac corporale transire, dum ex illius aspectu in nobis Domini- ca passionis refricatur memoria; & illius fructu pascimur, & potamur.* Audi Poëtam:

R. P. Drex.  
de Christ.  
Mor. apud  
mc. f. 540.

Quaresm  
lib. 1. c. 2.  
sect. 5.

R. P. Joan.  
Nierenb.  
Arist. nar.  
l. 14. c. 10.

*Pulcher in America Moscho redolentior est flos,  
Qui gerit occisi nobile stemma DEL.  
Conscia flagrorum croceo stat in orbe columna,  
Circumstant granis vulnera quinque rubris.  
Cum clavis residet spinosum in vertice sertum,  
Respersus violam pingit ubique cruor.  
Visitur in plantæ foliis penetrabile ferrum,  
Sacrum quo fodit lancea dira latus.  
Sed quæ vulnifici flores dant poma cadentes,  
Ambrosius miscet, Nectareusque sapor.  
Portenti novitas, & consona rebus imago;  
Adstruit antiquam, clarificatque fidem.*



*Missaque Pontifici Romano, circuit orbem,  
Fertque salutiferæ nuntia læta crucis.  
Nam DEUS Omnipotens nostros tulit ipse labores,  
Ipsius est nobis Crux paradisus, Amen.*

Ex quibus colliges, prudens Lector! quòd pro Lemmate ejusmodi Granadillæ non inconcinne Itali inscribant: *Rassemblerano fiori, è sono tormenti*, quod idem est: *Specie flores, re ipsa sunt tormenta*; vel brevius: *Christi tormenta figurat*. Aut si mavis ad propositum nostrum melius dilucidandum:

## Delectat, & cruciat.

2. Ita est: Granadilla *delectat & cruciat*. Et quid dico? Si Gentiles & Barbari ad Orientem & Occidentem tanti suam faciunt Granadillam, eamque ob plurima comoda in pectore deferunt; quid Christi fideles oportet facere? An non pari ratione hunc passionis florem in corde suo gerant, ut uberrimos inde passionis Dominicæ fructus ex illius vel aspectu, vel meditatione, velut apes argumentosæ, colligant? Unde argutè nonnemo Ascetarum huic flori inscripsit: *Unde pia pascantur apes*? Et licet Granadilla fasciculus myrrhæ non sit, est tamen significatione, virtute & effectu, quia pleraque Dominicæ passionis mysteria adumbrat, imò & ad vivum repræsentat, proinde meritò inter ubera nostra, imò & intimis cordis medullis quotidie circumferatur juxta exemplar, quod nobis dolorosa Mater non in monte Calvario tantum, sed & per omnem vitæ suæ cursum commonstravit, quæ eundem fasciculum nedum per jugem meditationem, sed & per sedulam imitationem jugiter in corde suo portavit; hinc Richardus à S. Laurentio supra illud Canticorum: *Coma capitis tui sicut purpura Regis vinctæ* Cant. 7. 5 *canalibus*, rectè & piè commentatur: *Coma tua, id est, cogitationes tuæ tinctæ sunt in memoria Dominicæ passionis, & sic effectæ sunt cogitationes tuæ, quæ si recentem viderent sanguinem de Filii vulneribus distillantem*. Rich. à S. Laurent. lib. de Laud. B. V. c. 5; En quomodo assiduò Crucifixus JESUS in CORDE dolorosæ Virginis tanquam floridus Nazaræus sit commoratus, delectans quidem, sed & crucians; delectans, inquam, quia flos erat elegantissimus, juxta ac odoratissimus, sed & crucians, quia passionem semper circumferebat, ex quibus necessariò sequitur; omne gaudium B. Virginis absynthio immixtum.

3. Perelegantem de hac veritate attendamus figuram. Jacob, quia Joseph filium suum ob singularem vitæ, morumque innocentiam plùs quàm cæteros omnes natos suos dilexerat, ei in peculiarem paterni amoris tesseram tunicam polymitam, id est, ex fructis & liciis diversi coloris variegatam fieri curavit: *Israhel autem diligebat Joseph super omnes filios, eò quòd in senectute* Genes. 37. 3  
T 2 genu.

*genuisset eum: fecitque ei tunicam polymitam.* Ad quid, obsecro, hæc tunica & vestimentum variis contextum coloribus? Quare soli Joseph ejusmodi vestem procuravit Pater?

3. Chrysof.  
hom. 8. in  
Matth. 2.

Observa, non sine peculiari ratione hoc factum esse, prophetavit nimirum per hoc pientissimus Pater, talem & vitam filii sui Josephi esse futuram, variis tribulationibus ac consolationibus immixtam: *Dedit ei, ait D. Chrysostomus, tunicam polymitam, id est, varii coloris; latis tristitia miscentur, &c.* Mellissius verò Bernhardus per Patriarcham Jacobum Patrem cœlestem subaudit, qui in senectute sua, hoc est, ab æterno Filium suum genuit, per polymitam autem humanitatem Christi à Virgine susceptam, variisque contextam coloribus, id est, nunc gaudiis & consolationibus, nunc tribulationibus ac passionibus, nunc gloriâ & honore, nunc contumeliis & opprobriis immixtam intelligit; tum ad Patrem cœlestem conversus Mellissius ait: *Respice Domine sancte Pater de Sanctuario tuo, & de excelsu cœlorum habitaculo: Cognosce veram tunicam Filii tui Joseph: Hac fera pessima devoravit eum, & conculcavit in furore suo vestimentum ejus, omnem decorem ejus reliquiis cruoris inquinavit; & ecce, quinque scissuras lamentabiles in ea reliquit. Hoc est Domine vestimentum, quod in manu Ægyptia meretricis innocens puer tuus dereliquit.*

9. Bernh.  
serm. de Pass.  
Dom.

3. Chrysof.  
loc. cit.

O pientissima Domina! ô Mater amoris & doloris! an non cum Unigenito Filio tuo omnis pariter vita similis ejusmodi tunica polymita, id est, varii coloris extitit? Audiamus dictum Oratorem Aureum: *Enimverò misericors DELLS mœstis rebus quadam etiam jucunda permiscuit. Quod certè in Sanctis omnibus facit, quos neque tribulationes, neque jucunditates finit habere continuas: Sed tum ex adversis, tum ex prosperis justorum vitam quasi admirabili varietate contextit, quod hîc quoque eum fecisse considera, &c.*

S. Epiphani.  
Ep. orat. de  
Laud. Virg.

4. Probam audite, & invenietis, quòd gaudium & dolor, consolatio & afflictio semper alternativè in vita dolorosæ Virginis sibi invicem successerint. Impetratur à DEO, tanquam donum omnium præstantissimum, à sanctis sterilibus parentibus, sed nonnisi per multas orationes, mortificationes, jejunia & fletus; unde quemadmodum S. Augustinus filius lacrymarum nuncupatus est, eò quia per lacrymas S. Monicæ Matris ad meliorem vitam fuit progenitus; ita & hæc Sacratissima Virgo meritò lacrymarum filia nominari potest, quam in commodum totius terrarum orbis pia & assiduæ parentum lacrymæ impetrârunt. Nascitur post novem mensium spatium summo parentum cum gaudio imò & Angelorum omnium in hunc mundum, sed non nisi juxta piscinam probaticam, quæ erat futuræ Dominicæ passionis typus. Præsentatur cum gaudio jam trimula in templo, ut à negotiis sæcularibus remota eò liberius soli DEO vacaret, in quo tamen templo quotidie non nisi cruenta spectavit Sacrificia, quæ omnia, attestante

3. Damasc.  
l. 4. de fide  
cap. 15.

Eucher.  
homil. in  
Luc. 2.



Cornelio & aliis, Christum in ara crucis suo tempore pro salute mundi immolandum præsignabant, cujus passionis hæc tenera Virgo non ignara fuit. Desponsatur S. Josepho applaudente cælo, sed mox ob occultationem Sa- Matth. 2. 13  
 cramenti Incarnationis Divinæ in suspicionem venit, videndo quippe S. Jo- Luc. 2. 7  
 seph gravidam Virginem, in conturbationem incidit maximam. Parit Fili-  
 um suum primogenitum & unigenitum cum exultatione, sed non nisi in vil-  
 lissimo tugurio, quia non erat ei locus in diversorio, quod sine dubio ani-  
 mum hujus Sacratissimæ Deiparæ summè cruciabat. Laetatur gaudens Filium  
 suum ubere de cælo pleno, sed non ignara, lac illud virgineum in sanguinem  
 illum pretiosissimum vertendum, quo suo tempore mundus redimeretur  
 universus. Offert hunc suum dulcissimum Natum secundum Legem ad  
 circumcisionem, eique Sacratissimum Nomen JESUS, quod prius ab An- Luc. 2. 23  
 gelo audierat, venerabunda imponit, sed quo dolore, putas, COR ejus fau-  
 ciatum fuit, dum tenellum hunc Infantulum de vulnere cruentum, lacry-  
 mantem, & quasi exanimem in materno sinu recepit? Honoratur à Magis, Matth. 2. 13  
 qui apertis thesauris suis liberali manu aurum & thus ei offerebant, sed &  
 myrrham ab eis in sinu suo recepit futuræ Filii passionis, mortis ac sepulturæ  
 typum & prodromum. Præsentat delicias suas in templo æterno Patri in  
 Sacrificium matutinum, gaudent Angeli, laudantes & benedicentes Domi-  
 num; sed quis dicet, quo mœrore materna tunc viscera torquebantur, cùm  
 à Simeone audit: *Positus est hic in signum, cui contradicetur.* &c. *Et tuam* Luc. 2. 34  
*ipsius animam pertransibit gladius?* In domum exinde Nazarethanam rever-  
 titur, & in re domestica sollicitam Martham agit, verum mox iterum tu-  
 multus: Herodes Puero machinatur necem, & tenera Puerpera intempesta  
 nocte, ac rigida hyemis statione cogitur fugam in Ægyptum arripere. Dic,  
 quo animi cum luctu? O quot gemitus ac suspiria tunc mœstissima Virgo  
 edebat auditâ tot infantium cæde? Defuncto Herode ad Angeli monitum  
 cum gaudio revertitur ad patrium solum: *Vade in terram Israël, defuncti sunt* Matth. 2. 19  
*enim, qui quærebant animam Pueri.* Sed mox iterum mœror; audiens enim,  
 quòd Archelaus pro Herode patre suo regnaret, timuit illò ire. Ascendit  
 cum filio suo duodenni in templum, DEUM in spiritu & veritate adoratura,  
 verum rursus hîc cithara versa est in luctum, dum per triduum suavissi-  
 mo Filio suo, ac unico animi solatio privata est. Collige ex his, anime  
 mi! an non omne gaudium Sacratissimæ Deiparæ in hac vita tristi fuerit com-  
 mixtum absynthio? Unde rectè Propheta Threnologus: *Replevit me ama-* Thren. 3. 15  
*ritudinibus, inebriavit me absynthio.*

§. Quid reliquum commemorem hujus dolorosæ Virginis vitæ cur-  
 sum? Spondanus refert, quòd Serenissimus Marchio Badensis inter alia sua spond. ad  
 cymelia pretiosum quendam lapidem habuerit, olim ab homine Villano in an. 1415.  
 agro inventum, qui, in quamcunque demum partem vertebatur, singulari



Bosius de  
Cruce tri-  
umph.

Henr. Canis,  
lect. antiq.  
tom. 5. fol.  
112. Nadaf,  
in Eremo  
Div. amor.  
num. 537.

turæ miraculo accuratam Crucifixi JESU effigiem referebat. Bosius recenset, quod in Hispania in Valle Soletana Crucifixi Servatoris imago in vite prodigiosè crescens, fuerit reperta. Anno Christi 1698. die 23. Decembris Augustæ Vindelicorum Crux in fago, cum à rustico securi funderetur, quasi ligno innata, & ita à natura impressa reperta est, cujus schema æri incisum penès me retineo. De pomo Paradisiaco refert Henricus Canisius (qui fructus in Syria & Cypro crescit) quodd, si conscindatur medium, crucis signum, & in ea pendentem orbis Redemptorem apertissimè demonstret. P. Nadasius S. J. commemorat, quod Memphi & Alexandria in Ægypto in hodiernum usque diem crescere soleant ejusmodi mala, dulcis & super omnem ficum saporis, quæ, cum intus aperiuntur, aut cultro dissecantur, effigiem crucis & Christum in cruce fixum stupendo naturæ prodigio exhibere solent: *Quotquot, sunt Auctoris verba, illius pomi segmenta buccellasque cultro dissecueris, totidem deprehendes suis signatas crucibus, & in crucem compacti Servatoris effigies.*

Consid, 5.

S. Bernhar-  
din. Senens  
tom. 3. serm.  
6. a. 2.

Agedum Lector Mariophile! introspeciamus COR dolorosissimæ Matris DEI & nostræ; & quid in eo reperiemus nisi crucem implantatam, & in ea per omnem illius vitæ cursum pendentem JESUM? Si enim Christus (prout in Tractatu de Sacratissimo CORDE JESU abunde demonstravimus) à primo conceptionis suæ instanti per vivam ac clarissimam futuræ passionis suæ apprehensionem, velut in assidua cruce distentus fuit, ita quoque Sacratissima Deipara ab illo temporis momento, quo Mater JESU esse cœpit, perpetuò usque ad vitæ finem sub cruce stetit: *B. Virgo, sunt verba S. Bernhardini Senensis, cum Christo crucifixa est in hora ejus conceptionis, tunc enim obtulit se; & prompta fuit ad exponendum se morti & martyrio.* O tristis & flebilis Amarantus! cui rectè pro epigraphe inscribis: *Lacrymis mea vita virescit.* Sed dic, obsecro, ô dulcissima Virgo! quomodo possibile fuit hanc per omnem vitam sustinere rerum ac dolorum vicissitudinem? Quid cogitabas, ô Domina, quando vidisti, quod ubique locorum Filio tuo contradiceretur, & Sanctus Sanctorum tot contumeliis, blasphemis, convitiis, opprobriis ac persecutionibus proscinderetur? Quàm immensa tunc amaritudo COR & animam tuam replevit, ubi intellexisti tot Filio parari præcipitia, tot intendi lapidationes, ipsamque denique amarissimam imminere crucis mortem? Et si Petrus infame crucis supplicium, tanquam rem indignissimam, & Christo Magistro suo (prout arbitrabatur) probrosissimam, audire non poterat: *Abstine a te Domine: non erit tibi hoc.* Quid de tali Matre sentiendum, quæ conservabat omnia verba hæc, conferens ea in corde suo? Audi S. Birgittam: *Ille, inquit, doloris gladius Cordi Virginis omni hora tantò se propius approximabat, quantò suus dilectus Filius passionis tempore magis appropinquabat. Unde credendum est, quòd ille piissimus DEI Filius innocentissima suæ Matri filialiter compatiens,*

Luc. 4. 29  
Joan. 8. 59  
Joann. 11.  
53

Matth. 16.  
22  
Luc. 2 19  
Revel. 5.  
Birg. in serm.  
Ang. ser. 6.  
lect. 2. c. 17.


patiens.

patiens, dolores ejus frequentibus consolationibus temperabat; alioquin ejus vita usque ad Filii mortem sustinere minimè valuisset.

6. Cæterum inquirunt SS. Patres rationem, quare DEI Filius, qui fabricatus est auroram & solem, etiam filius fabri lignarii esse voluerit: Nonne hic est fabri filius? Nonne Mater ejus dicitur MARIA? Ad quæstionem respondet S. Chrysostomus: Ideò fabra lignario MARIA desponsata erat, quoniam Christus Ecclesiæ Sponsus omnium salutem hominum operaturus erat per lignum crucis. Et quemadmodum Noë Arcam fabricatus est, in qua salvare tur genus humanum; ita & iste fabri Filius JESUS, plus quàm Noë, in officina S. Josephi arcam crucis parare cœpit, per quam ipse saluum faceret populum suum a peccatis eorum; & quia nondum venerat hora illa, quâ pro humana consummanda redemptione in lignum configeretur, voluit saltem lignum crucis & cætera passionis suæ instrumenta semper in memoria, atque in conspectu suo habere, ut sic tota vita JESU crux fieret & martyrium: Et dolor meus in conspectu meo semper.

Eadem ratio pugnat etiam pro dolorosa Matre; sciverat enim hunc dilectum Filium suum esse positum in signum, hoc est in crucem, cui contradiceretur, cum qua & mitissimus JESUS (prout nullus sanæ mentis dubitare potest) sæpiùs de hoc argumento locutus est: Baptismo habeo baptizari, & quomodo coarctor, donec perficiatur? Ex abundantia enim cordis os ejus loquebatur de excessu, quem completurus esset in Jerusalem, &c. Ex quibus omnibus Lectori prudenti & rerum æstimanti abundè patet, quòd omne Virginis dolorosæ gaudium in hoc orbe amarissimo fuerit permistum absynbio, quæ tamen adversa omnia æquissimo sustinuit animo, semper suam cum Divina conformans voluntatem. O Christiani! ubi vestra in adversis patientia? ubi cum voluntate Divina conformitas? &c.





## CONSIDERATIO XXII.

B. Virgo etiam in nuptiis Cananæis Dolorosa, quæ non rogata Neosponsis benigne succurrit.



Et deficiente vino, dicit Mater JESU ad eum: Vinum non habent, *Joan. 2. 3.*

1. **M**

Eritò in Sacris Litteris commendatur formosa illa & officiosa Rebecca, quæ Eliezer servo Abrahami primario ab itinere lasso non duntaxat potum frigidæ ex hydria, quam portaverat, promptissimè subministravit, sed & camelis ejus non requisita, aut rogata liberali-

Genes. 24.  
ES

ter aquam obtulit: Quæ respondit: Bibe Domine mi; celeriterque deposuit hydriam super ulnam suam, & dedit ei potum. Cumque ille bibisset, adjecit: Quin & camelis tuis hauriam aquam, donec cuncti bibant, effundensque hydriam in canalibus, recurrit ad puteum, ut hauriret aquam: & haustam omnibus camelis dedit.



En typum in Sacratissima Virgine MARIA expletum, quæ non solum ad se fugientibus, sed etiam subinde non se invocantibus, aut rogantibus gratiarum fontem adaperire solet; imò & injustos ac peccatores, qui per camelos deformes, & gibbosos rectè adumbrantur, non à se repellit, sed omnes tanquam benignissima Mater ad se invitat: *Transite ad me omnes, qui concupiscitis me, & à generationibus meis implemini.* Audi & Richardum à S. Victore de prompta ac gratuita hac opitulandi B. Virginis voluntate in hæc verba scribentem: *Velocius, inquit, occurrit ejus pietas, quam invocetur, & causas miserorum anticipat:* Non absimilis fonti, qui non sibi, sed aliis etiam non poscentibus in commodum fluit, vel soli orienti, unde Lemma accepit:

## Non poscentibus offert.

2. Perelegantem hujus veritatis probam nobis exhibent Sacra Pagina, dum hæc pientissima Virgo pauperum & sæcularium nuptiis interesse non dedignata est: *Nuptia facta sunt in Cana Galilææ, & erat Mater JESU ibi.* Et quid, obsecro, Mater JESU in nuptiis? Speculum omnis sanctitatis, norma vitæ & disciplinæ, ac perfectissimum virtutum omnium exemplar in nuptiis? quem, obsecro, hæc consideratio prima facie non in admirationem rapiat?

Suspende judicium, anime mi! Nuptias has juxta Cornelium & alios celebrabat Simon Cananæus, postea Apostolus, qui erat filius Cleophæ fratris S. Josephi, Christi Patris Nutritii, & Sponsi B. V. Mariæ dignissimi; vocata est autem hæc Sacratissima Deipara ad nuptias, prout observat Euthymius, tanquam familiaris & cognata, ut per præsentiam suam non tam Sponsos honoraret, quàm & eorum paupertati consuleret, atque pro viribus eos adjuvaret; proinde existimat S. Bonaventura, quòd convivio minimè accubuerit, sed velut sollicita Martha in domo Neosponsorum ministraverit.

Vocatus est autem & JESUS, tanquam consobrinus Sponsi cum aliquot Discipulis, puta: Nathanaële, Philippo, Petro, & Andrea, qui primo à Christo vocati sunt; & cum vinum paulatim deficeret, ne Sponsi coram invitatis confunderentur, mitissima Virgo Filium accessit, eique vini defectum non rogata modestissime insinuavit: *Dicit Mater JESU ad eum: Vinum non habent.* Supra quod mellifluè Mellifluus Bernhardus: *Compassa est enim earum verecundia, sicut benignissima. Quid de fonte pietatis procederet nisi pietas? Quid, inquam, mirum, si pietatem exhibent viscera pietatis?* Vide hic, & considera, anima Christiana, quàm benigna ac misericors in miseros mortales semper extiterit B. Virgo & Mater pulchræ dilectionis, non enim ignara mali miseris succurrere didicit, quia & ipsa omnigenis per omnem vitæ cursum miseris & adversitatibus, ita DEO permittente, exercita fuit.

Mater Dolorosa.

U

3. Ne-

Luc, 2. 51  
 Joan, II. 3  
 S. August.  
 Tract. 49.  
 in Joan.

3. Neque hoc beneficium hæc pientissima Mater à Filio, vel imperando, quia erat *subditus illi*, vel impensius rogando postulavit, sed permodestè tantummodò ei indicavit: *Vinum non habent*. Ita & duæ sorores Martha & Magdalena per submissum nuntium fratris sui Lazari infirmitatem indicarunt: *Domine: Ecce quem amas, infirmatur*; supra quod pereleganter Magnum illud Ecclesiæ fidus S. Augustinus: *Non dixerunt: Veni; amanti enim tantummodò nuntiandum fuit: Domine, ecce quem amas, infirmatur; sufficit, ut noveris: non enim amas, & deseris*. Observa hîc peculiarem modestiam ac prudentiam pretiosissimæ Virginis.

S. August.  
 Tract. 119.  
 in Joan.  
 Joan, 19.  
 27

Verùm quid ad hoc JESUS morum Magister & temperantiæ exemplar? *Nondum, inquit ad Matrem, venit hora mea*. O bone JESU! qualis ergo hæc hora fuit? *Hora passionis*, subintrat hîc iterum D. Aurelius Augustinus, ubi in crucem suffixus, ac moriens Salvator charissimam Matrem suam dilectò Discipulo sub cruce stanti commendavit: *Ecce Mater tua; & ex illa hora accepit eam Discipulus in sua*. O tristis hora! adverte, anime mi, quomodo mitissimus JESUS tuus etiam inter medias nuptiarum delicias suæ amarissimæ passionis & crucis non immemor esse voluerit; adeò nihil in orbe faustum, jucundum & deliciosum est, quod non aliquâ miseriâ, felle & absynthio est permistum. Proinde, anime mi, B. Virginem Deiparam etiam inter medios nuptiarum plausus consistentem rectè Matrem dolorosam appellare poteris, non enim illius horæ, à Filio tunc prædictæ, & paulò post securæ ignara fuit: *Sic semper, inquit ipsa ad S. Birgittam, erat mixta latitia mea cum dolore*; & S. Irenæus: *Fervore quodam ducebatur Deipara bibendi Sanguinis Christi poculum*.

4. Elucet autem in his nuptiis Cananæis singularis pietas & misericordia Sacratissimæ Deiparæ, quæ tunc cum Noëmi ad pauperes Neosponso meritò dicere poterat: *Quia vestra angustia magis me premit*; & licet videatur Christus duriusculè Matri suæ esse locutus: *Quid mihi & tibi est mulier?* Quæ tamen verba, prout notat S. Justinus, non indignantis, aut objurgantis erant: *Non, inquit, objurganda Matris causâ à Salvatore dictum est: Quid mihi & tibi mulier! Non enim Christus Matrem verbo objurgavit, quàm re honoravit, & ad illius instantiam protinus miraculum edidit; unde mitissima Virgo optimè intelligens dilectissimi Filii sui loquentis verba & animum, sciensque Filium concessurum, quod ipsa petierat, mox ad ministros conversa dixit: Quodcumque dixerit vobis, facite*. Et si olim Salomon Matri dixit: *Pete Matre mea, neque enim fas est, ut avertam faciem tuam*; quomodo, obsecro Christus, qui plus est, quàm Salomon, publicè in nuptiis confundere poterat faciem Matris suæ tam dilectæ? *Impossibile est*, ait S. Antoninus, *eam non exaudiri: quod èo magis debet verificari de oratione Virginis ejusdem nunc in cælis gloriosa*.

Sand. in  
 Scauroph. lib.  
 2. Tit. 13.  
 S. Irenæus  
 1. 6. cap. 18.

Ruth. I. 13

S. Iustin.  
 qu. 136.

3. Reg. 2.  
 20

S. Antonin.  
 4. p. tit. 15.  
 cap. 17.

Neque mysterio vacat, quòd Sacratissima Deipara à dulcissimo Filio vinum postulaverit, vinum enim lætitiæ & consolationis Symbolum esse solet

let juxta illud Regii Vatis: *Vinum lætificat cor hominis; & Sapiens: Date sic-* Psalm 103.  
*ram mœrentibus, & vinum his, qui amaro sunt animo: Bibant & obliviscantur* 15  
*egeſtatis ſuæ, & doloris non recordentur ampliùs.* Econtrario aqua Symbolum Prov. 31. 6  
 tribulationum & anguſtiarum eſt; hinc rectè memoratus Pfalter: *Libera* Pſal. 143. 7  
*me de aquis multis,* id eſt, de tribulationibus, calamitatibus ac miſeriis, quæ ut  
 aquæ circumdederunt animam meam.

Verumenimverò B. Virgo & ſollicita Mater non aquam, ſed vinum pro  
 Neosponſis & convivis poſtulavit, ut per hoc oſtenderetur, futuram illam  
 eſſe mœrentium & deſolatorum advocatam benigniſſimam, hinc rectè ite-  
 rum Mellifluus: *Vocem tuam audivimus,* inquit, *ô Domina rerum, ad filium:* S. Bernhard,  
*Vinum non habent; deſcit vinum in cadis noſtris, vinum ſcilicet lætificans cor ho-* ſerm. 4. ſup.  
*minis; vinum quærimus, quod germinat Virgines; calix in manu tua, &c.* Et in 21. Reg.  
 alio loco idem S. Doct̃or loquens de myſticis animæ cum DEO nuptiis hæc  
 ſcribit: *Hic, ait, nonnunquam vinum deſcit, gratia ſcilicet devotionis, & fervor* Idem ſerm.  
*charitatis. Quoties mihi neceſſe eſt, fratres, poſt lacrymoſas querimonias veſtras,* 2. in Dom.  
*exorare Matrem miſericordia, ut ſuggerat ſuo benigniſſimo Filio, quoniam vinum* 1. poſt Oct.  
*non habeatis? & ipſa, dico vobis chariſſimi, ſi piè a nobis pulſata fuerit, non de-* Epiph.  
*erit neceſſitati noſtræ, quoniam miſericors eſt & Mater miſericordia.*

§. Revertamur pro more noſtro ad Scripturam. De Ana, qui fuit fi-  
 lius Sebeonis, recenſet Moyſes, quòd in ſolitudine aquas ſalutiferas, ſeu ther-  
 mas aquenſes & medicinales invenerit: *Iſte eſt Ana, qui invenit aquas calidas.* Genef. 36.  
 Plus MARIA, quæ venam vitæ & omnis miſericordiæ reperit: *Inveniſti* 24.  
*gratiam apud DEUM,* quem & generi humano proprium reddidit; proin- Luc. 1. 30  
 de rectè à S. Bonaventura appellata eſt *Vena vitæ, vena benediſta, & vena mi-* S. Bonav.  
*ſericordia.* Mulier illa Thecuitis ultro ex compaſſione reconciliationem Ab- in Spec.  
 ſolonis fugitivi & exulis in ſe ſuſcepit, & Regis Davidis iram mirè placavit: cap. 15.  
*Ecce placatus ſeci verbum tuum.* Quid non poterit miſericordiſſima Virgo, 2. Reg. 14.  
 ſi pro nobis in hac lacrymarum valle exulantibus apud Deum Patrem dulciſ- 21  
 ſimumque Filium interceſſerit: *Magna fuit, ſubintrat hîc rurfus Seraphicus*  
 Doct̃or, *erga miſeros miſericordia Mariæ adhuc exulantis in mundo; ſed mul-* S. Bonav. in  
*tud major erga miſeros eſt miſericordia eiùs jam regnantis in cælo; majorem per be-* Spec. Virg.  
*neſicia innumerabilia nunc oſtendit hominibus miſericordiam, quia magis nunc vi-* cap. 8.  
*det innumerabilem hominum miſeriam. Quis eſt, ſuper quem ſol non luceat? Quis*  
*eſt, ſuper quem miſericordia non reſplendeat?*

Eliam Theſbitem famelicum Mulier in Sareptha pane ſubcinericio pavit,  
 & reſecit: *Surge & vade in Sareptha Sidoniorum, & manebis ibi, præcepi enim* 3. Reg. 17. 9  
*ibi mulieri viduæ, ut paſcat te.* Ex quo rerum conſideranti ingens fides & li-  
 beralitas hujus mulieris ſatis luculenter apparet, dum urgente fame modi-  
 cum & ultimum farinæ ſibi ad vitam in tanta penuria ſuſtentandam adhuc ne-  
 ceſſarium liberaliter Eliæ ſubminiſtravit. Sed nec minor fuit liberalitas & mi-



S. Bernhard.  
sup. missus  
est.  
Gregor. Ni-  
comed. de  
oblatione  
Mariæ.

fericordia pretiosissimæ Deiparæ, dum in his terris versabatur, ubi ne quidem rogata egenorum miseræ benignè succurrebat: *Quid mirum, ait S. Bernhardus, si invocata adest, quæ etiam non vocata præsto est?* Et observat Gregorius Nicomediensis, B. Virginem in templo adhuc existentem quotidie cibum suum pauperibus erogasse: *Quotidie, inquit, videbatur ei Angelus loqui, & quasi charissima sorori vel Matri obtemperabat ei, quæ Ambrosium nutrimentum de manu Angeli accipiebat, eoque reficiebatur; victum verò, quem à Pontificibus templi accipiebat, pauperibus erogabat, &c.* Vide hîc, & perpende, anima Christiana, qualiter hæc Sacratissima Virgo longe meliori jure, quàm olim Princeps Hussæus dicere possit: *Ab infantia mea crevit mecum miseria, & de utero Matris meæ egressa est mecum.*

Iob. 31. 18

6. Ad Davidem quondam in spelunca Odolla commorantem confugiebant miseri, afflicti & angustiiati, quos benignè suscepit, & ad omnem justitiam

2. Reg. 22. 2

& honestatem instruxit: *Convenerunt ad eum omnes, qui erant in angustia constituti, & oppressi ære alieno & amaro animo, & factus est eorum Princeps.* O miseri, ægri, desolati, afflicti, & pœnitentes, qui ære alieno & pondere peccatorum gravati estis, nec habetis, quomodo & qualiter Justitiæ Divinæ satisfaciatis, ite, & confugite ad filiam Davidis ac Matrem vestram clementissimam, ut per potentissimam intercessionem suam propitium vobis reddat Filium Judicem; ostendit hic quidem nobis Sacratissima vulnera sua, & omnes calamito-

Matth. 11.  
28

fos ac delinquentes ad se benignè invitat: *Venite ad me omnes, qui laboratis, & onerati estis, & ego reficiam vos.* Sed nescio, quid intus animo nos reos subinde terreat: Candidè loquor; suprema ejus & judiciaria potestas; sic infans læsus & nocens, vel patris iram metuens primùm ad sinum matris accurrit. O bone Jesu! ignosce, quod dicam, spes unica, prima & ultima nostræ salutis tu es, sed

Matth. 12.  
36

scimus, te simul esse Judicem districtissimum, qui de omni verbo otioso rationem requires exactissimam, proinde in timore ac tremore coram te nos oportet salutem nostram operari; sed tibi sint laudes immortales, infinitæ, immensæ, quia dedisti nobis Sacratissimam Matrem tuam in subsidium, solatium, refugium, & auxilium, ut, quod infirmitas nostra non potest, ejus nobis intercessio-

Nicephor. de  
Laud. Virg.

ne donetur, unde rectè Nicephorus: *Multa, inquit, petuntur à Deo, nec obtinentur; multa petuntur à Maria, & obtinentur, non quia potentior sit, sed quia Deus eam decrevit sic honorare, ut sciant homines omnia per ipsam obtinere posse à Deo.* Audi in solamen tuum & Mellissimum Bernhardum ita misericordiæ Matrem alloquentem: *O Mater Dei & hominis, & Mater Judicis & rei, & Mater Regis & exulis, cum sis Mater utriusque, non decet, ut inter filios discordiam esse patiaris.*

S. Bernhard.  
cit. à Pistor.  
& Matre  
admirab.

7. Bona Advocata apud Davidem quondam extitit Abigail, mulier sanè prudentissima & blandiloqua, cum enim David belli Dux à Nabale, viro opulentissimo & ingrato, annonam pro se & militibus suis peteret, & ille non nisi in eum convicia ac contumelias retorqueret, iratus David statuit, & juravit, se

Naba-

Nabalem cum omnibus suis, & ne cane quidem vivo relicto, interfectorum. Audit hoc fortè prudentissima Abigail, quæ, ut Davidem iratum, & jam cum cohortibus suis ad evertendam Nabalis domum properantem præveniret, citò ei in occursum venit, illumque orationis suadâ & munificentia mirum in modum placavit: *Cum autem vidisset Abigail David, festinavit, & descendit de asino, & procidit coram David super faciem suam, & adoravit super terram, & cecidit ad pedes ejus, & dixit: In me sit, Domine mi, hæc iniquitas, &c.* 1. Reg. 25, 23

Vide hic, & considera, anima Christiana, in Abigail insignem Sacratissimæ Virginis MARIE typum, omnium miserorum & afflictorum potentissimæ apud DEUM Advocatæ & Patronæ, si enim in nuptiis Cananæis ad illius instantiam Christus Dominus non solùm memoratos Neosponso, sed & omnes convivas præsentis primo miraculo honoravit, & optimo vino consolatus est, quid modò ad illius intercessionem faciet in cælo? Audi in hanc rem S. Bernhardinum Senensem: *Mater, inquit, in nuptiis in Cana Galilææ interpellat, ac si ad eam cura omnium pertineret, & omnium hominum advocatam se sentiens, quæ præ omnibus creaturis cunctarum facta fuerat Virgo Mater, officium advocacy & pia auxiliatricis assumpsit etiam non rogata.* S. Bernbardin. de Serm. 9. art. 3. cap. 2.

Solet autem hæc benignissima Virgo afflictis in omni statu conditione libentissimè compati, quia omnium afflictiones & ipsa experta est. B. Ivo Presbyter, & in utroque jure apprimè excultus, in judiciis pauperum & derelictorum causas gratis ob amorem DEI & proximi in se suscepit defendendas, quod modò pauci Juristæ sine minervalis compensatione facere assolent. Verumenimverò hæc Sacratissima Virgo omnium pauperum, afflictorum & desolatorum totius mundi, si velint, & ad ipsam recurrerint, Patrona & advocata apud Deum esse discipit, Virginum cumprimis, quia & ipsa semper Virgo permansit; Conjugatorum, quia & ipsa conjugii miseria experta est; Viduarum, quia & ipsa vidua extitit Sponso & Filio orbata; pauperum & calamitosorum omnium, quia cum ipsis in hac vita mortali semper coacta fuit; proinde rectè cum S. Augustino & Ecclesia oramus:

*Sancta MARIA succurre miseris, juva pusillanimes, refove fletibiles, &c.* Et cum S. Augustin, S. Bonaventura: *Affiduè roganda est MARIA, & congratulatio beatitudinis ejus sit semper apud nos, ut compassio miseriæ nostræ sit semper apud eam.* Serm. 18. de Sanct.

O animæ Christianæ, desolatæ, afflictæ & mille objectæ miseriis, ne cedite malis, annuntio vobis gaudium magnum, DEum habebitis verè benignum, verè clementem, ac præstabilem super malitia, imò & Pater est misericordiarum & DEus totius consolationis; sed nec Mater vobis deest, verè Mater misericordiæ, dum enim misericordiam Virgo genuit, meritò Mater misericordiæ, prout illam appellat universa Ecclesia, effecta est: *Et nunquid potest Mulier oblivisci infantem suum, ut non misereatur filio uteri sui? & si illa oblita fuerit, ego tamen (ait misericordiarum Mater) non obliviscar tui, in corde enim meo descripsi te.* S. Bonav in Spec. B. Virg. cap. 9. Joël. 2. 13. 2. Cor. 1. 3. Isa. 49. 15.





## CONSIDERATIO XXIII.

Ex visis tot injuriis & persecutionibus Christo Filio  
à Judæis illatis, augetur & dolor Dolorosæ Matris.



Cuncti dies ejus doloribus & ærumnis pleni.

*Eccl. 2. 23.*



**H** Abent hoc in corpore humano membra, ut, si illorum  
aliquid gravius quid patiat, mox & cætera ob com-  
munionem sanguinis, per totum corpus discursantis,  
læsæ parti intimè condoleant. Experientiam, si lubet,  
cape sis in pede spina cruenta saucio, ad quam eruen-  
dam, doloremque levandum mox omnia membra in corpore humano con-  
current. Oculi non sine compassione aut lacrymis plagam inspicient; au-  
res ad remedium applicandum erunt erectæ; os & lingua vehementem.  
quem planta ex spina sentit, explicabunt dolorem; nares ob purulentas cor-  
rugabunt execrationes; manus sollicitæ eo allaborabunt, quomodo cruen-  
tam



eruentam hanc spinam valeant enodare; venter, vorax ille heluo, ob compassionem in socium membrum præ dolore abhorrebit ab esca; pes alter sanus nulli parcat labori, ut vel baculo innixus malo fratris sui ægroti opportunum quærat remedium; imò & ipsum cor, reliquarum artuum & artuum princeps, prius quiescere haud poterit, donec pes læsus pristinae restitatur saluti. Verbo: Omnia membra, licet non habeant eundem actum & operationem, in hoc tamen conspirant, unitisque consentiunt viribus, quæ ratione parti malè affectæ queant præstare opem, petitumque iuvamen. Juvat hîc audire Oratorem Aureum: *Si patiatur oculus*, inquit, *omnia dolebunt*, s. Jo. Chrysostom. cit. *omnia cessabunt, non pedes ibunt, non manus operabuntur, non frui jam consuetis cibis ventri lubebit, oculorum licet sit dolor. Quid ventrem oculo mordet? Quid pedes remoraris? Quid manus vincis? Quia innexa natura sunt omnia, modoque ineffabili compatiuntur.*

Et hoc est, ad quod alludit Gentium Doctor Paulus, ut orbi ostendat, quantum sese invicem in charitate non ficta diligere debeant Christiani, hac familiari ad Corinthios utitur similitudine: *Et si quid, ait, patitur unum membrum, compatiuntur omnia membra: sive gloriatur unum membrum, congraudent omnia membra.* Vide hîc, prudens Lector! & considera, quàm mirabilem in uno, eodemque corpore membra omnia habeant sympathiam; ratio est, quia sanguis cum sanguine conspirat, qui per circulationem spatium duarum horarum totum corpus pervadit.

Et quid dico? Nunquid Sanguis Christi sanguis erat MARIE? Nunquid jure merito illa dicere poterat: *Hoc os ex ossibus meis, & caro de carne mea?* Proinde necessariò sequitur, inter utramque Sanctissimam Personam perfectissimam fuisse sympathiam, & non tam dolorum, quàm & gaudiorum communicationem; & si unum membrum alteri malè affecto adeò condolere assolet, qualem, obsecro, oportuit fuisse cordis dolorem hujus affectissimæ Matris, cum dulcissimum Filium, nunc Evangelium prædicantem, omnibusque beneficientem, nihilofecius tot à Judæis, ingratis hominibus, injuriis affici & contumeliis obrui conspiciata est? Ex quibus omnibus Virgo prudentissima facile conjicere poterat finem Evangelii passionem fore Filii sui. Hinc (mea opinione) non incongruè illi pro Symbolo struthionem appinges, clavos ferreos (prout solet) concoquentem, cum Lemmate: *Durissima coquit.* Vel si mavis, carduelem, notam aviculam, inter asperos spineti aculeos carduo æquè sentibus horrido adhærentem, & ex eo seminibus vefcentem, cum epigrapha

### His ego sustentor.

Ita est, ô dolorosissima Virgo! sustentata es pane doloris & tribulationis, cum dilectissimo Filio tuo: *Passio Filii mei*, inquis ipsa ad S. Birgittam, cap. 77.

*sive*

*sive comedebam, sive laborabam, quasi recens erat in memoria mea; sciebat enim, idè illum venisse in mundum, ut per sanguinem ac passionem suam, hominem lapsum ab interitu redimeret, hinc omnes contumeliæ, injuriæ, blasphemix, ærumnæ & persecutiones, quibus affectus erat Filius, & Matris COR vehementer torquebant. Et quid multis? Mater erat, & quidem talis ac tanti Filii! Plura de hac veritate in præsentī considerabimus.*

2. Multoties mitissimus Redemptor orbis, cū in hac vita mortali inter mortales versaretur, de sua acerbissima passione ac morte crucis mentionem facere dignatus est, neque illi gravior musica, quā loqui & audire de passione fuit; proinde sapius cum amicis suis de hoc argumento sermonem instituit. Nunc inter ambulandum cum Discipulis de hac brevi imminente passione sua locutus est: *Cæpit illis dicere, quæ essent ei eventura, &c.* Nunc inter medias delicias in nuptiis Cananæis tristis illius horæ memor esse voluit: *Et dicit ei JESUS: Quid mihi & tibi Mulier? Nondum venit hora mea.* Nunc in monte Taboræo, cū transfiguratus est, de eadem passione cum Moyse & Elia collocutus est: *Et ecce duo viri loquebantur cum illo, erant autem Moyses & Elias visi in majestate, & dicebant excessum ejus, quem completurus esset in Jerusalem.* Nunc cū duo filii Zebedæi primatum in regno suo futuro præ cæteris Apostolis avidius per Matrem suam sollicitarent, illis de passione & cruce memoriam refricavit: *Potestis bibere calicem, quem ego bibiturus sum?* Nunc cū Jerosolymam cum Discipulis ascenderet, rursus illis crucis mortem intimavit: *Et tradent eum gentibus ad illudendum, & flagellandum & crucifigendum.* Nunc cū de nocte intempesta cum Nicodemo colloqueretur, eandem crucifixionem illi per typum serpentis, in deserto quondam exaltati insinuavit: *Sicut Moyses exaltavit serpentem in deserto, ita exaltari oportet Filium hominis.* Mitto plura Sacræ Scripturæ testimonia, ex quibus luculenter apparet, quantus amoris zelus in divinissimo Corde JESu flagraret pro salute generis humani citò suum sanguinem fundendi, quod ingens desiderium graves illi faciebat omnes horas, quibus passio differebatur, idè de hoc Divini amoris excessu tam sæpè cum amicis suis peramicè locutus est.

O quoties mitissimus JESUS de hoc argumento cum Sacratissima Matre sua sermonem instituit! & quis illi magis amicus, quā Mater? Si Apostolis omnia, quæ audivit à Patre, nota fecit, quid de Matre dicendum? Quæ sanè tantò magis in dies affligebatur, quantò velocius tempus passionis adventabat, proinde necesse fuit eam sapius solari, quam Christus semel, cū eam ob futuram passionem solito tristiore observasset, teste Nebridio, hisce verbis allocutus est: *Non credis, Mater, quia ego in Patre, & Pater in me est? Nunquid tu polluta es ad ingressum meum? Aut ad egressum in partu tribulata? Cur ergo mæore contraheris? Voluntas Patris mei est, ut subeam mortem, imò voluntas etiam mea est.*

Quod

Marc. 10.

32

Joan. 2. 4

Luc. 9. 30

Matth. 20.

22

Matth. 20.

19

Joan. 3. 14

Joan. 15. 15

Nebri-  
d. in  
Fasc. Myr.  
cap. 1.

*Quod habeo de Patre, pati nequit, sola caro, quæ de te est, patietur, &c.* O quam dulcia hæc vel similia Filii eloquia faucibus mœrissimæ Matris acciderunt, quæ tamen ob animi teneritudinem & immensum amorem, quo erga talem Filium ferebatur, non poterat non flumina lacrymarum profundere. Et quid dubitas, anime mi! Mater erat omnium cruciatuum ac dolorum perferendorum præscia, igitur fieri non poterat, quin magno cum sensu de tam cruenta Filii passione ac morte appropinquante doleret, submittebat tamen omnia DEI nutui ac voluntati, licet, vel ipsâ attestante, *nullam Lib. 6. Rec. horam sine tribulatione cordis transfixi in terris habuerit.* O anima Christiana! vel. S. Birg. cap. 9.  
solare hanc afflictissimam Matrem, eique ex animo compatere, digna enim est, ut tu cum illa deplangas dulcissimum JESUM, nunc ob demerita tua expiandâ ad passionem & mortem crucis anhelantem, & magnis passibus adinstar gigantis properantem.

3. Vis, anime mi! ut de hac veritate plura agglomerem argumenta? An non dolorosæ Matri acerba videbatur illa separatio, quâ dilectissimus Filius post beatum obitum S. Josephi ipsi peramanter valedixit, & accepto à S. Joanne baptismate, in eremum secessit, ut corpore ibidem jejuniis macerato, nova bella Orco indiceret, pro Adami pomo & posterorum gulæ deliciis satisfaceret? Neque sine gravi cruciatu hoc jejunium extitit; Moyfi & Eliæ quondam DEUS per miraculum indulgit, ut per 40. dies jejunantes non famem aut sitim sentirent, sed Christus, ut erat patiendi cupidissimus, solum ad meditandum, orandum, ac patiendum vires sustentavit, fame interim crescente, ac sæviante, quæ sine dubio ipsum peremisset, nisi Divinitas ad amplius patiendum ei vitam prorogasset; ubi tandem ter in suggestis tentationibus devicto diabolo, *Angeli acceperunt, & ministrabant ei,* cui tan- Matth. 4. 11.  
quam victori humani corporis specie ex aëre assumpta congratulantes cibos deferebant, & ad mensam, in vasta illa eremo paratam, ministrabant. Sed S. Bonav. in  
ubi locorum, quæres, Angeli escam parârunt, aut à quo eam receperunt? vita Chr.  
Respondet S. Bonaventura, dolorosam Virginem acerbi hujus jejunii non fuisse ignaram, eamque pro more suo præparasse escas, quibus humanitas Christi tam diuturno jejunio attenuata denuo reficeretur. Et nunquid talis ac tam diuturna Christi maceratio cor quoque Matris summè affixit? Qualis est tua corporis castigatio, anime mi? S. Paulus de se dicebat: *Ca- 1. Cor. 9. 27,*  
*stigo corpus meum, & in servitutem redigo, &c.* Et quomodo tu corpus tuum castigas? Quomodo jejunas, delicatule? Qualem tibi vim inferis? Si regnum celorum vim patitur; qualem tu adhibes?

4. Pergamus ulterius. Iniquissima cæde ab impio Herode plectitur innocentissimus Redemptoris nostri Præcursor & Cognatus dolorosæ Matris, ad cujus quondam visitationem & præsentiam in utero materno exultavit infans præ gaudio: Infausta hæc nuntia Consanguinei & Dilecti deferuntur

*Mater Dolorosa.*

X

ad



ad JESUM & Sacratissimam Matrem ejus; hîc novus luctus, novus mœror, qui non cor duntaxat (more humano loquor) pientissimi JESU, sed & pretiosissimæ Matris ejus profundè feriebat, de hoc enim Sacratissimo Præcursore non ignorabat (ut opinor) hæc Sacratissima Mater, quòd de Filio suo JESU vaticinatus sit: *Illum oportet crescere, me autem minui.* Enim verò crevit Jesus in cruce, & S. Joannes minutus est capite. O dolorem dolorosæ Virginis ex nuntio tam infausto & fatali! JESUS in cruce exaltandus? & Confanguineus tam Dilectus jam capite minutus?

Jean. 3. 30

Joan. 8. 59

Alio tempore perfidissimi Judæi *tulerunt lapides, ut jacerent in JESUM.* O quàm triste hoc erat afflictiissimæ Matri præludium paulo post futuræ necis amantissimi Filii sui! Ille, qui prius pertransiens benefecit omnibus, qui cæcis visum, surdis auditum, claudis gressum, leprosis munditiem, ægrotis sanitatem, & mortuis vitam restituit, nunc pro tot exhibitis benefactis aliam non spectat mercedem, quàm *tulerunt lapides, ut jacerent in eum?* Vah ingratitudinem abominandam! quam tamen patientissimo animo ferebat mitissimus JESUS: tolerabat & Mater, bona pro malis malevolis reddendo capitibus: *Non murmurabat Virgo, inquit S. Antoninus, quòd Filius innocentissimus pateretur: Non blasphemabat Judæos, quòd ab eis, quibus tot fecerat beneficia, tam crudeliter tractaretur: Non vindictam à DEO petebat, quòd illi à terra vivi absorberentur, ut merebantur; quid ergo fecit? Voluntati DEI conformans se sciebat beata Virgo, quòd DEI voluntas erat. Filium suum pati, & propter hoc in mundum venerat, & Scripturæ, quæ sibi satis notæ erant, hoc prænuntiabant, &c.* En formam hîc habes, anima Christiana! quam imiteris, si pro benefactis similem recipis mercedem; commenda rem totam Divinæ Providentiæ, & ipse DEUS erit merces tua magna nimis.

S. Antonin.  
4. part. tit.  
15. cap. 41.  
5. 1.

Genes. 15. 1

5. Quid commemoro sumam Nazarenorum ingratitudinem, qui mitissimum Jesum concivem suum, velut impium in patriam suam, extra civitatem suam in altissimum montis culmen duxerunt, ut ex eo in saxa præcipitatum colliderent, & toto corpore conquassarent. Magna sine dubio hæc erat Christo pœna ac injuria, sed quia nondum venerat hora passionis ejus, illeque ex decreto Patris Hierosolymæ crucifigi, non verò in Nazareth præcipitari debebat, ideò *transiens per medium illorum ibat.* Interim, anime mi! consideremus Sanctissimam Matrem JESU, tum temporis intervallo (prout nullatenus dubitandum) Nazarethi præsentem, & in ædibus suis comorantem; heu quis quis dicet, quo mœrore ac dolore pia dolorosæ Matris viscera fuerint percussa, dum universam civitatem ob infontissimum Filium suum commotam vidit: *Et repleti sunt omnes in Synagoga irâ hæc audientes, & surrexerunt, & ejecerunt illum extra civitatem.* O pientissima Domina! quid tu ad ista, cum concives tui ipso diabolo erant deteriores, hic enim Filio tuo in pinna templi constituto solummodò dixit: *Mitte te deorsum, illi verò vi fage-*

Luc. 4. 30

Matth. 4. 6

tagebant eum deorsum in saxa præcipitare. O insensati cives! sistite furorem, veniet enim tempus, quo ipse sponte ad Calvarium montem tendet, pro vestra, omniumque salute Patri in ara crucis in victimam immolandus. Parcite saltem innocentissimæ Matri ejus, & quid illa in vos peccavit? Nullum læsit, nullum offendit, omnibus, quantum poterat, benefecit; ô mœstissima Virgo! per summum illum cordis tui dolorem, quo percepisti Filium tuum nunc esse de monte præcipitandum, rogo te, ne permittas me indignissimum servulum tuum in peccatorum & damnationis ferri præcipitium.

6. Sed hæc præludia sunt in comparatione sequentium. Agedum Sanctissima Mater! venio tibi durus nuntius. Lata est sententia; Filius tuus non amplius est Filius tuus, sed mortis; lapides effugit, præcipitium evitavit, nunc incidit in scyllam & charybdim, ex qua sine vitæ naufragio non poterit evadere. In quem finem, resuscitato à mortuis Lazaro, cogitur concilium, accusatur mitissimus JESUS, primò quòd mortui corpus effodisset, & hinc esse sacrilegium; secundò magicum hoc esse ac præstigiosum miraculum, proinde illum tanquam præstigiatores à medio tollendum; alii evidentia & miraculi magnitudine convicti, cum veritatem negare non possent, in hoc politicum & Machiavellicum abiere consilium, præferendam esse religioni publicam regni salutem: *Si dimittimus eum sic, omnes credent in eum: Et* IOHANN. II.  
*venient Romani, & tollent locum nostrum & gentem:* 48 Supra quod Divus Augustinus: *Non dicebant, inquit, credamus, plus enim perdit homines cogita-* S. Aug. hic.  
*bant, quomodo nocerent, ut perderent, quam quomodo sibi consulerent, ne perirent.* Tum demum consultantibus cæteris, nec invenientibus, quid in re tanti momenti agendum, Caiphas tanquam Pontifex ultimum suggerit consilium, & definit: *Vos nescitis quidquam, nec cogitatis, quia expedit vobis, ut unus homo moriatur pro populo, & non tota gens pereat.* Sic finita consultatione communi statuerunt decreto & quasi Senatus consulto, Christum in cruce quàm proximè necandum.

O pientissima Domina! quàm durus tibi venio nuntius; ah Filius tuus non amplius tuus, sed Filius nunc mortis est, ita conclusum, ita decretum, ut moriatur justus pro injustis, pastor pro ovibus, Dominus pro servis, Deus & Homo Christus in ligno pro homine indigno: O quàm fatale hoc dolentissimæ Matri erat nuntium: *Non miremini,* ait S. Bernhardus, *fratres, quòd* S. Bernhard.  
*MARIA Martyr in anima fuisse dicitur; miretur, qui non meminerit se audisse* serm. Sig.  
*Paulum inter maxima gentium crimina memorantem, quòd se affectione fuissent,* Mag.  
*longè id fuit à MARIE visceribus, longè sit à servulis ejus.*

7. JESUS ergo jam non in palam ambulabat, quia omnia, quæ de se statuerant Judæi, tanquam Deus cognovit, sed ut homo per aliquot dies eorum interim se subduxit furori, ut paulo post, hoc est, sequenti septimanâ, victima Paschalis occumberet. Hæc omnia præsentiebat pientissimum COR MA-

164 *Consideratio XXIII. Ærumnis Christi dolor Virginis &c.*


Nebrid. in  
Fasc. Myrrh,  
cap. 5.

Sabellicus  
lib. 3,

S. Bernhard.  
de Lament.  
V. M.

RIÆ. Exhorruit utique tota pretiosissima Virgo, cum nunc tempus cruentissimæ passionis, de qua omnes Prophetæ vaticinati sunt, adesse conspexit, proinde pallente vultu, & ruente ex oculis ingenti lacrymarum imbre ad dulcissimum Filium accesit, eique in Jerusalem ascendenti dixit, prout observat Nebridius: *Parata sum, mi JESU, tecum non modò in Judæam, verùm in acerbissimam mortem ac sepulturam ire: Fiat mihi sicut desiderat anima tua; quòd si bonum in oculis tuis est, sitim, quâ ita astuas ad redimendum humanum genus, libenter explebo sanguine meo, &c.*

Recordor hîc illius Solonis quondam Legislatoris Atheniensis, viri aliàs gravissimi, cui cum nuntius referret: *Filius tuus Filius mortis est*, adeò ex hoc insperato nuntio mente consternatus est, ut projectus in terram ambabus manibus capillos capitis & barbæ sibi evelleret, vestes dilaceraret, & incondito ejulatu aërem repleret, ut intimum ac vehementem CORDIS sui dolorem demonstraret. Non sic pientissima Virgo, non sic, ubi de hoc iniquissimo consilio & impiè latâ mortis in dulcissimum Unigenitum suum sententiâ intellexit; dolebat quidem, & super omnem modum dolebat: *Non credo*, ait Mellissus, *plene enarrari, vel meditari posse dolorem Virginis, nisi tantum fuisse credamus, quantum unquam dolere potuit de tali filio talis Mater*; sed tamen Caiphæ & iniquissimis Pharisæis non maledicebat, non fulmina aut tonitrua imprecabatur, non vindictam à cælo in hostes expetebat, non capillos capitis sui sibi eruebat, aut incondito gestu, vel ejulatu aut clamore CORDIS sui afflictissimi indicabat mœrorem, sed totam rem & adversa omnia, quantumvis ardua, DEO T. O. M. penitissimè commendabat. O Christiani omnes! adeste & considerate visionem hanc magnam; ecce ardet rubus (Sacratissimum COR dolorosæ Matris) immenso amoris igne in DEUM & Filium, & rubus ille ab igne tribulationis & afflictionis non læditur, non comburitur, non consumitur. O Cor quovis adamante fortius, & nec sanguine Filii innocentissimi Agni emolliendum!





# CONSIDERATIO XXIV.

Perpenditur amor & dolor SS. Cordis JESU & MARIAE, dum ante passionem unum alteri peramanter valedicit.



Fecit Tobias valē Matri suæ.

*Tob. 5. 22.*

1. **B**i cor unum & anima una est, eò difficilior & animorum & corporum separatio est. Plures de hac veritate subministrant figuras ipsæ sacrae Paginæ. Cum nunc junior Tobias, senioris Tobiae & Annæ conjugum filius, ad periculosam & remotam peregrinationem sese accingeret, ut à Gabelo in Rages civitate Medorum decem argenti talenta reciperet, prius dilectissimis parentibus suis peramanter valedixit, cujus amantissimi filii absentiam Mater Anna irremediabilibus deslevit lacrymis: *Cum-Tob. 5. 23. que profecti essent, capit Mater ejus flere, &c.*

Genef. 22. 3. Sic Isaac unigenitus Abrahami & Saræ filius, cum ad montem Moria (nunc Calvariæ) cum patre pergeret, ibidem super struem lignorum DEO, supremo vitæ necisque Domino, in gratissimum holocaustum immolandus, juxta mentem S. Augustini prius mœstissimæ Matri suæ triste & lacrymosum vale dixit: *Sara, inquit, unigenitum Isaac in montem Moria ad Sacrificium tendentem, dolens à se dimittit. Nam conscia fuit necis futura.*

Ita David Jonathæ fidelissimo amico suo, quem Principem ut cor suum diligebat, cum nunc ob insanum improbi Saulis Regis furorem exulare cogeretur, supremum vale multis cum lacrymis & animi suspiriis reddidit: *Et osculantes se alterutrum, fleverunt, David autem amplius.*

1. Reg. 20.  
41.

Pari ratione Jacob Patriarcha morti vicinus singulis filiis suis ultimum vale insinuavit, cujus optimi parentis abitum & obitum filii omnes, ac præsertim Joseph, Ægyptiorum Pro-Rex, amaris lacrymis deplanxerunt: *Quod cernens Joseph, ruit super faciem patris, flens, & deosculans eum, &c.*

Gen. 50. 1.

Nec minori amore S. Paulus charissimis amicis suis, postquam eis Ecclesiæ curam impensissimè commendasset, supremum vale annuntiavit: *Magnus autem fletus factus est omnium, & procumbentes super collum Pauli, osculabantur eum, dolentes maxime in verbo, quod dixerat, quoniam amplius faciem ejus non essent visuri, & deducebant eum ad navem.*

Act. 20.  
37.

2. Umbras recensui; ad JESUM transeo, mœstissimæ Matri suæ, quam ut cor & animam suam semper dilexerat, cum nunc ad mortem crucis anhelaret, supremum vale dicentem; de qua luctuosissima valedictione S. Bonaventura commemorat, quod Filius DEI seorsum cum Sacratissima Matre sua collocutus fuerit: *Seorsum colloquens cum ea, & copiam ei suæ præsentia præbens, quam in brevi subtrahiturus erat ab ea.* Heu! quis utriusque SS. CORDIS amorem & dolorem pro condigno poterit exprimere? Inspice Emblemata, ubi hederæ viridis expallescentem Ulmum amplectitur, & ab ejus charo amplexu ac casto amore nec quidem per mortem aut casum Ulmi separatur; cui hederæ vel viti rectè pro Lemmate inscribes: *Et arida tecum* vel potius illud Apostoli ad Romanos c. 8. v. 35.

S. Bonav.  
c. 27. Medit  
vitæ Chr.

## Nec mors separabit.

Lib. 1. Re-  
vel. & Mal-  
ton, f. 88.

Talis, inquam, hederæ & beatissima Virgo, verè Mater amoris & doloris extitit, quæ à dulcissimo Filio nec quidem per passionem & mortem ejus poterat avelli, quia anima ejus magis fuit, ubi amavit, quam ubi animavit, amavit autem unicè Sacratissimum COR JESU, velut amoris sui centrum dignissimum, ergo magis ibi COR MARLÆ fuit, quam in se ipsa; audi ipsam hanc pretiosissimam Deiparentem ad S. Birgittam loquentem: *Propterea, inquit, audacter dico; quod dolor ejus erat dolor meus, quia Cor ejus erat Cor meum; o quam dura igitur videbatur separatio Sacratissimi CORDIS JESU*

à pu-



à purissimo CORDE MARIÆ! gloriabatur quidem Apostolus, quòd ab amore amantissimi CORDIS JESU per nullam creaturam aut vim potuerit divelli. *Quis ergo me separabit à Charitate Christi? Tribulatio? An angustia?* Rom. 8. 35. *An fames? An nuditas? An periculum? An persecutio? An gladius? &c.* Quantò magis hoc dicere poterat pientissima Deipara: Quis me separabit à suavissimo ac Divinissimo CORDE JESU dilectissimi Filii mei?

Si Israël discessum filii sui Joseph, quem à fera pessima devoratum existimabat, tot amarissimis lacrymis & assiduus suspiriis deploravit: *Scissisque vestibus, indutus est cilicio, lugens filium suum multo tempore.* Si Rachel adeò deploravit filios suos, ut præ mœroris magitudine nullum amplius admitteret solamen: *Vox in Rama audita est, ploratus & ululatus multus: Rachel plorans filios suos, & noluit consolari, quia non sunt.* Si Vidua in Naim unicum filium suum adeò luxit, ut præ dolore cordis in largissimas lacrymas profunderetur: *Quam cum vidisset Dominus, misericordiâ motus super eam dixit: Noli flere.* Si mulier illa Sunamitis, dum unicum filium suum amisit, ad pedes Elisæi procidens, præ doloris vehementia vix non animam egit: *Cumque venisset ad virum DEI in montem, apprehendit pedes ejus, & accessit Giezi, ut amoveret eam, & ait homo DEI: Dimitte illam, anima enim ejus in amaritudine est.* Heu! quantus ac qualis debuit fuisse ille dolor & mœror afflictissimi Cordis MARIÆ, dum Filium suum unigenitum, super omnes mundi thesauros dilectum, ad victimam, ad lanienam, ad crucem, ad mortem abeuntem vidit? *Virginis dolor, sunt verba S. Bernhardi, fuit major plùs quàm omnes creatura portare possunt; quantò enim plùs amabat Christum, tantò plùs dolebat.* S. Bernhard. serm. de Lament. B. V.

3. Et quid putas, anime mi, Filium DEI pro supremo vale ad hanc suam afflictissimam Parentem dixisse? Non quidem hoc exprimunt Evangelistæ; credibile tamen est, sic mitissimum JESUM ad COR Matris esse locutum: *Agedum dilectissima Mater, tempus me vocat, ut revertar ad eum, qui me misit, sed non per aliam viam, quàm per viam regiam crucis; sic enim oportet Christum pati, flagellari, conspui, illudi, ad mortem condemnari, ac tandem in crucem agi, & sic intrare in gloriam suam: ita in Concilio Divino ab æterno decretum; ita præsignârunt figuræ; ita Prophetæ omnes prædixerunt: Necessè est impleri omnia, quæ scripta sunt in Lege Moysis & Prophetis & Psalmis de me; & quia alio modo Justitiæ Divinæ, per inobedientiam Adæ, aliaque innumera mortalium peccata summæ læsæ, satisfieri non potest, nec mundus à perditione redimi, nec ruina Angelorum reparari, nisi per mortem & sanguinem crucis, idcirco expedit, ut unus moriatur pro populo, & non tota gens pereat.* Ioan. 11. 50. *Pensa, ô sanctissima Mater, quòd ipsamet neci meæ subscripseris, dum in incarnatione mea ad Angelum effata es: FIAT; hoc etiam indicat Sacratissimum Nomen meum JESUS: Ipse enim salvum faciet populum suum à peccatis eorum.* Luc. 1. 38. Math. 1. 21. Hæc dicens, & COR ad COR loquens JESUS,



JESUS, abitum ē Bethania in Jerusalem parare cœpit. Heu! heu! Agnus ad victimam; Vita ad mortem.

O anime mi! quid interim responsi expectas ab afflictissima Deiparente? *Siccine separat*, reponit mœstissima Virgo, *ah! siccine separat amara mors!* 1. Reg. 15. 32. *ô mœror, ô luctus, ô triste vale!* 2. Reg. 18. 33. *ô JESU! ô Fili mi Benoni! quis mihi tribuat, ut moriar pro te?* Genes. 37. 31. *O felix Jacob, qui vestem dilecti filii tui Joseph in sanguine hædi solum intinctam, ac laceratam spectasti: Tulerunt autem tunicam ejus, & in sanguine hædi, quem occiderant, tinxerunt; & ego, heu! Mater doloris & amoris humanitatem dilectissimi Filii mei (per dictam Josephi tunicam præfiguratam) cruentis flagellis laceratam, dirissimis spinis sauciatam, clavis ferreis in cruce perforatam, ac tandem post consummatam passionem ipsum Sacratissimum Cor ejus crudeli lanceâ transverberatum siccis spectare potero luminibus? ô dura separatio! ô mœsta divulsio! Siccine separat amara mors?* Ah saltem permitte, optime JESU, amor & unicum Cor meum! si ita decretum est, & aliter fieri non potest, quàm ut immenso Sanguinis tui pretio redimatur orbis, si non pro te, saltem tecum mori. Plures voces recluserant copiosissimæ lacrymæ ex oculis erumpentes, & immensi Virginei CORDIS dolores. O quoties nos per peccatum JESUM perdimus, summum illud & infinitum Bonum! & ridemus miseri ad nostrum ipsum interitum? A quàm malè timeo, ne multis accidat Christianis, quod ipsa Veritas Christus, nunc ex hoc mundo ad Patrem vadens, in incredulos quondam Judæos fulminavit: *Ego vado, & quæretis me, & in peccato vestro moriemini.*

Joân. 8, 21.

Stapleton.

in vita Thom.

Morj c. 19.

4. De Thoma Moro, fortissimo illo pro fide Orthodoxa & justitia athleta in Anglia refert Stapletonius, quòd cum innocens, velut læsæ Majestatis reus ad mortem duceretur, filius unicus, Joannes Morus, ad illum accesserit, & in genua provolutus, patrique filiali amore valedicens, multis profusis lacrymis supremam ab eo benedictionem flagitaverit, quem mox subsecuta est Margaritha, dulcissima filia, quæ se ipsâ fortior per medios satellites, populique turmam ad amantissimum Patrem penetrans, & super ejus collum ruens, arcto amplexu illud aliquamdiu tenuit, nihil aliud ingeminans, quàm hoc unum: *Ah mi Pater!* fortis hic ictus fuit, qui tamen generosum Parentis animum, in voluntatem Divinam penitissimè resignatum, minimè labefactavit, quin fortiter pro fide & justitia truculento carnificis ferro collum præberet.

Anima, Christi Sanguine redempta! non Thomam Morum Angliæ Cancellarium, sed ipsum Angelorum Regem, Christum JESUM hîc tibi exhibeo, quomodo amantissimæ Matri suæ ante mortem crucis peramantissimè valedicat. O si vidisses hanc dulcisissimam Matrem in ultimos amplexus & oscula ruentem Filii! ô grandis amor, ô charitas planè immensa, quam nec aqua multa potuerunt extinguere, nec flumina obruent illam; O si penitus potuisses

Cart. 3, 7.

tuiſſes inſpicere Sacraſſimum COR JEſu ante mortem ſubire, & COR Vir-  
ginis Matris præ amoris & doloris magnitudine contabefcens: *Factum eſt Cor* Pſal. 21, 15.  
*neum, tanquam cera liqueſcens*: O ſæbilis dolor! quid, inquam, tunc COR  
tuum penſâſſet? An fortasſe ipsis ſaxis ac petris durisſimis durius extitiſſet,  
quæ in morte Chriſti ſciſſa ſunt? O anime mi! quid agis? nondum doles de  
peccatis tuis? Vide, & conſidera, quomodo JEſus tuus modo ſupra o-  
niam modum mirando diligit te, atque pro te ipſa Vita rapiatur ad mortem;  
& tu, delicatule, & mollicelle! illum de novo tradas in mortem crucis? An  
ignoras, quid tibi Gentium Doct̃or in utramque inclamet aurem: *Rurſum* hebr. 6. 6.  
*cruciſigentes ſibi met ipsis Filium DEI & oſtentui habentes*? O anima peccatrix,  
quæ omnium iſtorum dolorum, quos unquam Sacraſſimum COR JEſu  
perpeſſum eſt, cauſa moralis es, audi Melliflui conſilium: *Si flere*, inquit, S. Bernhard,  
*non poteris ex amore & compaſſione Redemptoris, quomodo ſaltem propter mul-* in Tract.  
*titudinem peccatorum tuorum non flebis*? O ſancta Mater, iſtud agas, Cruci- de paſſ. D.  
fixi fige plagas, CORDI meo validè. N. I. Chr.

5. Venit hîc mihi in mentem, quod olim DEUS ſanxit, Moyſique præ-  
cepit, ut pro leproſo mundando duæ columbæ, aut (prout noſtra habet Vul-  
gata) duo paſſeres offerrentur, de quibus una avis retorto ad pectus collo  
occidebatur, & DEO in holocauſtum pro peccato leproſi imolabatur; alte-  
ra autem liberè permittebatur avolare, ſic tamen, ut priùs in ſanguine occiſæ  
viſtimæ ſepties intingeretur: *Quo aſperget illum, qui mundandus eſt, ſepties.* Levit. 14, 7.

En perelegantem typum in Chriſto JEſu & MARIA adimpletum! am-  
bæ caſtiſſimæ columbæ pro peccatis totius mundi, ut à peccati lepra munda-  
retur, offeruntur & portantur nunc ad viſtimam; Filius, ut in ſanguine ſuo,  
ac retorto ad pectus collo (quia *inclinato capite tradidit ſpiritum*) DEO Patri Joann. 19.  
in acceptiſſimum amoris holocauſtum immolaretur, & Mater, ut ſepties im-  
maculato illius ſanguine, per ſeptem videlicet Dominici cruoris effuſiones aſ-  
perſa, liberè permitteretur aliò abire. O pientiſſima Domina! Quis tibi tunc  
ſenſus? Quis animus? Quomodo contremuere omnia viſcera tua? Verè  
tunc poteras dicere cum Regio Propheta: *Et cor meum dereliquit me.* Cer- Pſalm 39.  
tè hæc corporalis ſeparatio à tuo dilectiſſimo Nato nihil differebat à morte, 13.  
quia COR tuum quodammodo erat conglutinatum Sacraſſimo CORDI  
JEſu: *Non credo*, ait Doct̃or Mellifluus, *plenè enarrari, vel meditari poſſe* S. Bernhard.  
*dolorem Virginis, niſi tantum fuiſſe credatur, quantum unquam dolere potuit de* ſerm. de La-  
*tali Filio talis Mater, &c.* ment, B. V.

Audite caſum & narratu & auditu dignum. Cùm regnante Michæle  
Palæologo Imperatore Conſtantinopolitano Turcæ in Græcia multas Pro-  
vincias & Regiones ex negligentia & diſſidione Chriſtianorum ſuo imperio  
ſubjicerent, accidit, ut in direptione cujuſdam civitatis duæ nobiles ſorores  
adoleſcentulæ ab eis caperentur, quæ, cùm nunc ab invicem eſſent ſeparan-  
Mater Doloroſa. Y dæ,

Engelgr.  
Dom. infra  
Oſt. Nat.  
Dom.



da, & diversis Dominis Paganis, tanquam mancipia & nobilis belli præda, donanda, tanto cordis dolore & amore sibi invicem valedixere, ut ambæ ad mutuum amplexum & supremum osculum unâ simul expirarent.

Nunc cogita, si tamen cogitare potes, qualis dolor & amor purissimum COR MARIÆ repleverit, cum Filius nunc ad gravissimam & cruentam pergens lanienam, extremum moestissimæ Matri suæ vale diceret, atque nunc ex præsentia & conspectu ejus rectâ abiret in mortem. Hærent hic omnium linguæ, nec aliud effari possunt, nisi quod olim Mellifluus Bernhardus: *Dicat, qui potest, cogitet, qui potest, meditetur, si potest, quæ doloris immensitas tunc Virginis animam cruciabat, nisi tantum fuisse credamus, quantum dolere de tali Filio potuit talis Mater.*

S. Bernh. de  
Lam. Virg.

Vincent,  
Belluacens.  
in Spec.  
Histor lib.  
13, cap. 18,  
& alii,

6. De S. Romano gloriosissimo Martyre Antiochenfi refert Vincentius Belluacensis, quod tempore Galerii Imperatoris, Asclepiadi tyranno, cum Ecclesiam DEI per varias ac cruentas persecutiones radicitus niteretur extirpare, generose ac plûs quàm virili animo restiterit, cæterosque Christianos ad fortiter pro Christi fide pugnandum adhortatus sit; in hoc fortissimo SS. Martyrum exercitu & Puerulus reperiebatur nomine Barula, vix à Matre ablaçtatus, quem S. Romanus ad confundendam gentilium superstitionem coram tyranno & omni populi multitudine interrogabat: *Utrum melius esset unum DEum colere, an plures Deos?* Respondit audacter Puerulus superiore lumine illustratus: *Christus est verus DEUS, & Deorum genera multa nec pueri putant.* Hæsit ad hanc Pueruli vocem tyrannus aliquantisper attonitus, & cum ulterius ab eo sciscitaretur, quis hujus vocis auctor esset? Respondit Barula: *Mihi Mater, & Matri DEUS.* Tunc clamans Asclepiades tyrannus, Matrem adesse jubet, in cujus conspectu hunc tenellum filiolum cum primis virgis crudeliter cædi, & exinde decollari imperat. Quid ad hanc feralem sententiam Mater & Filiolus? Uterque animo hilari, & in voluntatem Divinam plenissimè resignato decantat: *Paratum cor meum DEUS: Paratum cor meum.* Proinde Mater nihil cunctata, nec fletibus immorata, sed suspiciens in cælum, dulcissimo Filio supremum osculum imprimit, & simul carnifici ad lanienam in manus tradit: *Vale, inquit, dulcissime, & cum beatus Christi regna intraveris, memento Matris, &c.* Dixit, Puerulus caput ferro inflexit, & in cælum abiit. O luctuosam valedictionem, ô mirandam fortitudinem & Filii & Matris!

Psal, 56. 2.

Et quid dico? Acerbus sine dubio, & prorsus ineffabilis fuit ille dolor & amor in Divinissimo CORDE JESU & in purissimo Corde MARIÆ, cum sibi invicem valedicerent, & nunc suavissimus JESUS ad vincula, ad flagra, ad crudelissimam mortem abriperetur; flevit quidem ex filiali amoris teneritudine tunc amantissimus JESUS, sed Mater ampliùs: *Et osculantes se alterutrum, fleverunt, David autem amplius.* Vicit tamen in utroque Corde amor



amor ille ardentissimus, quo generis humani in peccatis deperditi quærebant & affectabant salutem, atque ut in omnibus perfectissimo modo Patris æterni adimpleretur voluntas, hinc ambo dicebant, ambo ingeminabant: *Si non potest transire calix iste, fiat voluntas tua.* Audi in hanc rem Seraphicum Bonaventuram: *Et in hoc*, inquit, *B. Virgo miro modo debet laudari, & amari, quod adeo compassa est, ut si fieri potuisset, omnia tormenta, quæ Filius pertulit, ipsa libentius sustinuisset: Et nihilominus placuit ei, quod Unigenitus ejus pro salute generis humani offerretur. Verè ergo fuit fortis & pia, dulcis pariter & severa; idè nobis amanda & veneranda post Trinitatem, &c.* Huc usque Doctor ille Seraphicus. Et tu, prudens Lector! quid ad ista? Et nunquid tu amas & amabis imposterum hanc dolorosissimam Matrem post DEum T. O. M. super omnia? Mater JESU & tua est, ergo digna est, ut ipsam honores, & diligas: *Sileat*, inquit Mellifluus, *miser ricordiam tuam, Virgo beata, si quis est, qui invocatum te in suis necessitatibus sibi meminerit defuisse.*

S. Bonavent.  
in 1. dist.  
48. q. 2.


S. Bernhard.  
serm. 4. de  
Assumpt.

O pientissima Domina, quid restat, nisi ut magno animo ad thronum gratiæ tuæ accedamus, quia non pepercisti Filio tuo Unigenito, & pro nobis omnibus eum in mortem tradidisti, semper voluntati Patris conjunctissima. Cedat Abraham, ad imperium Numinis filium suum Isaac immolaturus: Ecce plus hîc quàm Isaac, quem pro salute generis humani genuisti, lactasti, enutristi, educasti, ac tandem in victimam placationis in ara crucis obtulisti. O dura separatio! ô triste vale, cùm Dilectum tuum in manus inimicorum dimisisti, in quo salutis ac redemptionis nostræ cooperatrix sicut quondam S. Bonavent.  
in Psalms.  
Virg.  
Incar nationis Divinæ facta es: Eja Mater, fons amoris & doloris, compa-  
tere & mihi misello, & in die mortis meæ, ô Domina, conforta animam  
*meam, deduc me ad portam salutis, & spiritum meum redde factori suo, &c.*



## CONSIDERATIO XXV.

Mater dolorosa cum Christo in horto orante orabat, cum agonizante agonizabat.



Anxiatus est in me Spiritus meus, in me turbatum est Cor meum. *Psal. 142. 4.*

Vide Isa.  
53.

Isa. 63. 3.

1.



Saías Prophetarum Princeps adeò planè & clarè de Christi passione scripsit, ut non Prophetam, sed Evangelistam agere videatur; inter alia etiam de hoc mitissimo Redemptore nostro vaticinatus est: *Torcular calcavi solus, & de gentibus non est vir mecum.* Per quod torcular juxta communissimam sententiam rectè cruenta ejus passio designata est, ita Cornelius hic: *Passio fuit torcular Christi, quo ejus Sanguis expressus fuit.* Sed & dolorosissimæ Matri passio Dominica torcular extitit, dum purissimum COR illius ita torfit, ita presfit, ut in abundantissimas, imò san-

sanguineas stillant lacrymas: *O divam torcular*, exclamat Mallonius, quod *Mallon de externa Filii membra, internum Matris Cor ita comprimit, ut inde sanguinem*, S. Sind. c. 7. hinc lacrymas, inde mortem, hinc mortis agones extorqueat. Finge pro Sym- fol. 99. bolo torcular, in quo Sacratissimum COR JESU & MARIÆ torquentur, cum epigrapha inscripta:

## Cogit in unum.

Ita est: Cogit in unum, COR enim JESU & MARIÆ COR unum fuit; audiamus verba dolorosæ Matris ad S. Birgittam: *Propterea*, inquit, Lib. 1. Res- vel. S. Bir- gitt. cum nasceretur ex me (Filius meus) sensi ego, quod quasi dimidium Cor meum nasceretur, & exiret ex me; & cum ipse pateretur, sensi, quod quasi Cor meum patiebatur; licet enim illud, quod dimidium est extra, & dimidium intra, & si illud pungitur, quod est extra, aquè sentit dolorem, quod est intus. Sic ego, cum flagellaretur, & pungeretur filius meus, quasi Cor meum flagellabatur, & pungebatur. Ego fui ei propinquior in passione, nec separabar ab eo. Ego stabam vicinior cruci ejus, & sicut hoc gravius punit, quod vicinior est cordi, sic dolor ejus gravior præ cæteris erat mihi; cumque respexisset ad me de cruce, & ego ad eum, tunc de oculis meis quasi de venis lacrymæ exibant, & cum ipse me serneret, in tantum amaricabatur de dolore meo, quod omnis dolor vulnorum suorum quasi sopitus erat præ dolore meo, quem in me videbat. Propterea audacter dico, quod dolor ejus erat dolor meus, quia Cor ejus erat Cor meum: Ideo, filia mea, cogita qualis eram in morte Filii mei, & non erit tibi grave relinquere mundum. Hucusque dolorosa Mater ad Divam Birgittam; ex quibus verbis satis luculenter apparet, sub eodem cruento passionis torculari & pientissimum COR Virginis cum CORDE Filii fuisse compressum.

Audiamus rursus verba Prophetæ in persona Christi loquentis: *Torcu- lta 63. 3. tar calcavi solus, & de gentibus non est vir mecum*. Supra quod pereleganter Rich. de S. Richardus de S. Victore: *Verum*, inquit, est, Domine, quod non est vir tecum, Vict. l. 1. de Laud. sed mulier una est tecum, quæ omnia vulnera, quæ tu suscepisti in corpore, suscepit in Corde; & sicut lancea militis perforavit latus tuum, ita gladius doloris ejus animam pertransivit, & eo majori ac vehementiori cum dolore, quia dilectissimo Filio super omnia unice dilecto in passione ferè ubique locorum, quoad fieri potuit, præsens adstitit; ita Didacus Stella: *Ostenditur*, inquit, Didac. Stella magnum fuisse ejus dolorem ex præsentia Christi patientis; objectum enim præsens in Lucam. fortius movet potentiam, quam absens.

2. His præmissis, & consideratis considerandis, quæritur, an dolorosissima Virgo & Mater etiam in monte Olivario cum Christo orante & agonizante præsens fuerit? Observa hîc, prudens Lector; venit Christus in villam Gethsemani, ubi cruentum initium dedit passioni; Gethsemani autem, Math. 26. prout eleganter advertit Alphonsus Salmeron, secundum primam Syllabam 36-



Salmer. Tom.  
10. tr. 10.  
fol. 100.  
Matth. 16.  
36.  
Ila. 63. 2.

Geth significat in Hebraico *Torcular*, & Scemen *oleum*. quia in illo loco ob olivarum copiam torcular erat collocatū non uvarum, sed olivarum, ad quod Christus discipulos suos sedere iussit: *Sedete hic*. Vidit ergo Isaias Propheeta in spiritu hīc Christum præsentem, prae filiis quidem hominum formā speciosum, sed mox à sudore sanguineo vestimentis sordidis, ac recenti cruore aspersis, amictum, proinde eum interrogavit: *Quare rubrum est indumentum tuum, sicut calcantium in torculari?* Et respondit: *Torcular calcavi solus, &c.* Hoc est: Non in cruce duntaxat, sed & in monte Olivario, ad quod primario hīc videtur alluisse Isaias, Christus enim in cruce omnibus erat privatus vestibus, hīc autem eum Vates Divinus sanguinolentus indutum vestibus conspicatus est: *Quare rubrum est indumentum tuum, & vestimenta tua sicut calcantium in torculari?* Quæritur ergo hīc, an etiam in illo olivarum horto afflictissima Mater præsens, vel saltem non longē ab eo distans fuerit?

Hierem.  
Drexel. de  
Christo  
mor. p. 2.  
cap. 12.

Respondet Hieremias Drexelius, Sacratissimam Deiparam eo temporum intervallo, quo Christus in horto ad Patrem oravit, sanguinemque sudavit, in suo cubiculo domi orasse, & Patri Filium lacrymosum illud obsequium in cruce altero die consummandum obtulisse. Ita communiter & alii sentiunt, asserentes Virginem tunc in spiritu omnia vidisse, quæ in monte Oliveti cum Filio accidere; si enim quondam DEUS Abrahamo amico & servo suo fidei secretum suum celare non potuit: *Dixitque Dominus: Num celare poterō Abraham, quæ gesturus sum?* Quando min⁹ hunc sanguineum agonem dulcissimæ Matri suæ poterat abscondere? Enimverò satis credibile est, inquit Josephus Mansi, *Deiparam eodem tempore certioreu factam fuisse de agonia & sudore sanguineo, qui in horto guttatim decurrit in terram.*

Genes. 18.  
17.

Mansi in  
Bibl. Rom.  
3. tract. 66.  
disc. 2. Justin.  
Miechovienf.  
Tom. 2.  
disc. 333.

Juvat hīc quoque audire R. P. Justinum Miechoviensem: *Tametsi*, inquit, *illa, cum Filio compassionem suam auspicabatur, in horto non erat, semper tamen animo & cogitatione ei cohærebat, extremasque illius Divini Cordis angustias oculis fidei contuebatur. Si Filius mortis metu consernebatur, illius ipsa morte perterrebat; Filius orante, illam quoque orationi instituisse, & unā cum Filio dixisse: Pater si possibile est, transeat iste calix à Filio meo; Filius voluntatem suam in voluntatem Patris resignante, & ipsa suam resignabat, dicens: Fiat voluntas tua. Illo in genua se sua abjiciente, imò in terram procidente, prosternebat & se ipsa. Illo sanguineum sudorem emittente, lacrymas illa sanguineas emittebat. Illo in agone deficiente, & ipsa deficiebat. Cum ille ab Angelo confortabatur, confortabatur & ipsa; &c.*

3. Alii Doctores existimant, & non improbabiliter, eandem Sacratissimam Deiparam etiam in ipso monte Olivario huic primæ sanguinolentæ vindexi fuisse præsentem; ita S. Bonaventura hanc afflictissimam Virginem sub acerbissimæ passionis exordio cum Filio patiente versantem alloquitur: *Revertere Domina ad locum pristinum, ne cum percussione Pastoris te etiam amittas*

S. Bonavent.  
Stim. Div.  
amor. p. 1.  
cap. 3.

mus, ut non unâ horâ utriusque privemur regimine. Cui adjungo recentiorē Leopoldum Mancinum ē Societate JESU, qui hac quæstione benè ponderatâ, in hanc declinat sententiam, B. Virginem in illo cruento Filii sui agone in horto non animo tantum, sed & corpore fuisse præsentem; in confirmationem hujus oportet propria Auctoris verba in apicem proferre. *Evaserat, inquit, illa in montem Calvaria, cur non peraquè in montem Oliveti? Stabat juxta crucem, cur non etiam juxta hortum? Videbat Filium, & audiebat affigi cruci; cur eundem non vidisset & capi, ligari, ac duci? Accurrerit ergo Virgo Mater, quæ etiam nuntio silente, qui omnes hortenses cruciatus retulerat, sui sanguinis, adhuc de terra clamantis, in Filio patiente poterat voces audire. Ibi, ibi vidit tunc illa cælestem Adamum innocens Eva, è paradiso non delictorum, sed dolorum expulsam. Et quis, oro, dubitet, eam sanguinis de terra clamorem tunc secutam, ubique ruentis notas ore venerabundo fuisse deosculatam, adorasseque in illis Sacramentum Divinitatis, &c.*

Manciu. de  
Pass. D. N.  
J. C. lib. 5.  
dissert. 1.  
punct. 1.

Ex his circumstantiis maturiore intellectu consideratis, collige, pie Lector, pro te sensum moralem. Si JESUS & MARIA in tam acerbis doloribus & angustis; cur tu vivere vis in deliciis & sæculi voluptatibus? Si illi affecti innumeris contumeliis, cur tu inhias honoribus, & mundi vanitatibus? Si ipsi eò intensius orant, quo majores sunt animi luctantis angustia; cur tu tam tepidè, tam negligenter ad DEUM preces fundis? An ignoras, eum à DEO maledictum, qui opus DEI facit fraudulenter & negligenter? Si illi quæcunque asperrima Divinæ resignant voluntati: *Non mea voluntas, sed tua fiat*; quomodo tu in rebus adversis te geris? An omnia Divinæ committis ordinationi? Reflecte in te mentem, hic enim rei totius cardo volvitur, ut in omnibus studeas DEI voluntatem perficere. O Mater amoris & doloris! hanc, quæso, gratiam à Filio tuo nobis exora. Sed pergamus ulterius.

Ierem. 48.  
10.

4. Elephantibus olim, prout sacer habet Machabæorum liber, ostendunt sanguinem uvæ & mori, ad acuendos eos in prælium. Supra quod pereleganter Richardus de S. Laurentio: *Elephas, inquit, viso sanguine non timet mori, sed magis acuitur in prælium: Sic B. Virgo viso sanguine Filii sui effuso in cruce, mori cum ipso non timuit, sed magis optavit, & si animam pro ipso non posuit, exposuit tamen, & quod potuit, fecit.* Addit hic devotissimus Quarasmus? pretiosissimam Virginem etiam ex viso sanguine Filii in horto effuso, tanquam generosam elephantem animatam, eò fortius ad cruentum passionis prælium cucurrisse, & ex virtute hujus Divini Sanguinis cum Filio patiente fortiter usque ad finem perseverasse, millies tunc animo ingeminantem? *Quis me separabit à Charitate JESU?*

1. Mach. 6.  
34.  
Richard. à  
S. Laurent.  
lib. 10. de  
Laud. B. V.  
Quaresm.  
Tom. 5. c. 1.  
sect. 12.

Considerabat nimirum hæc Sacratissima Virgo, dilectissimum Filium suum, verum illum esse amoris Pelicanum, cujus sanguine & livore sanandus esset mundus: *Effusus est sanguis Medici*, ait D. Augustinus, & factum est medicamentum phreneticis. Neque ignorabat ipsum esse verum illum Cypri bo-

Psal. 101. 7.  
D. Aug. in  
Ioan. tr. 15.  
Cant. 1, 13.



- trum, olim inter ubera commorantem, sed nunc ut maturum sponte sua, & non impiorum manibus pressum, aut calcibus contritum, rubentem, unde
- Cant. 5. 13. Lemma: *A se ipso liquorem.* Sciebat insuper, illum esse præsignatum per illam electam myrrhæ arborem, quæ sponte, & neque incisa per poros suos primam ubertim distillaret myrrham. O pientissima Domina! cui te comparabo? Rosa tunc eras, roscida effusione lacrymarum dulcis quidem & amabilis, sed & languida & non sine spina. Oliva eras, non amplius speciosa in campis, sed amara nimis, quia amaritudine valde replevit te omnipotens.
- Eccles. 39. 17. Luna eras, non pulchra, sed pallida, vel ex vultu tuo & lacrymis prælagiens
- Eccles. 24. 19. ingentem, ac nimis cruentam tempestatem: *Et tempestas in circuitu tuo valida.* Et tu interim, anima mea omni ex parte infirma, quid agis? Cur non ad hoc salutare properas lavacrum, ut à tuis faneris infirmitatibus? Noli, ah
- Ruth. 1. 20. noli conqueri cum illo Paralytico: *Hominem non habeo, ut, cum turbata fuerit aqua, mittat me in piscinam.* Ecce hîc hominem habes Jesum, & Sacratissimam Matrem ejus dolorosam, hunc, ut te à peccatorum sordibus in hac saluberrima sanguinei sudoris sui piscina abluat, illam, ut pro te Jesum fideliter exoret, atque misericordiam impetret. Quid ergo prohibet baptizari in hoc Jordanis flumine? Et nunquid copiosa apud eum est redemptio?
- Psal. 49. 3. Audi Cassiodorum: *Pretiosus, inquit, ille sanguis fuit tanta virtute ditissimus, ut velut quoddam diluvium salutare orbem terrarum à suis sordibus expurgaret.* Neque vindictam, sed misericordiam clamat ille sanguis, longè mitius, quàm sanguis Abelis loquens: *Accessistis ad sanguinem, melius loquentem, quàm Abel,* quia etiam pro transgressoribus fusus pro eorum salute oravit, ut eo notarentur, atque ultricem DEI manum effugerent; hinc dictum fuit: *Erit autem sanguis vobis in signum: Videbo sanguinem, & transibo vos: Nec erit in vobis plaga disperdens, quando percussero terram Ægypti.*
- Act. 8. 36. 5. Cæterum miror, quoties mecum vivaciori perpendo intellectu illa Christi in horto Gethsemano agonizantis verba, ad Patrem dicentis, & ingeminantis: *Pater mi, si possibile est, transeat à me calix iste.* Et cur, obsecro, dicis, ô mi Domine: *Transeat?* Imò potius: *Veniat?* Et nunquid hunc passionis calicem, licet amarissimum, jamjam à primo conceptionis tuæ momento avidissimè & ardenti desiderasti amore? *Tunc dixi: Ecce venio; in capite libri scriptum est de me, ut facerem voluntatem tuam?* Cur ergo nunc illum reformidas, atque recusas: *Transeat à me?* En mi Salvator, homo ille Jerichuntinus expectat Samaritanum; ovis perdita suum Pastorem; prodigus Patrem; ægrotus medicum; Patres in limbo Redemptorem, & totus mundus in maligno positus suum Salvatorem; & tu dicis: *Transeat à me calix iste?* Ad quid ergo venisti in mundum?
- Matth. 26. 34. Suspende judicium, prudens Lector! quare Christus dixit: *Transeat à me calix iste,* ideo factum est, ut naturam suam demonstraret humanam, secundum
- Luc. 10. 30. *dum*
- Luc. 15. 4. *dum*
- Luc. 15. 13. *dum*
- Isa. 64. 1. *dum*



dum quam pati necesse erat, humanæ enim naturæ proprium est timere mortem, & quidem mortem tam acerbam, ac longè crudelissimam, qualis erat crucis. Ita S. Bernhardinus: *Ut homo, inquit, dicebat nolle bibere, sed prout ratio superiori obediebat veritati, prompto animo esuriebat, propterea subdit: Veruntamen non sicut ego volo, sed sicut tu vis.* Aliam rationem assignat Cornelius, quia videbat Christus multos suæ passioni futuros esse ingratos, mansuros in peccatis, atque sic æternum damnandos, & hic, inquit, erat illi dolor maximus, quem hîc calicem vocavit: *Transseat à me calix iste.* Alii alias adstruunt rationes, inter quas ad nostrum propòsitum summoperè mihi placet illa, quam assignat Reverendissimus Episcopus Hebronensis Fridericus Fornerus, quòd afflictissimæ Matris compassio & condolentia Christum super omnia in illo Olivario horto affligeret, amabat enim eam citra DEum supra omnes creaturas, quæ vel sunt in cælo, vel in terra, ideo ex ejus condolentia ineffabilem quoque concipiebat dolorem, hinc petiit à Patre: *Transseat à me calix iste.* Quam opinionem pulcherrimè confirmat Doctor Seraphicus: *Rediens, inquit, Christus ad orationem secundo & tertio eundem sermonem oravit, & addidit: Pater si sic decrevisti, ut penitus crucis patibulum subeam, fiat voluntas tua. Sed recomendo tibi dilectissimam Matrem meam, &c. Serva eam amodo.* O luctuosus calix! qui sanguinem ex omnibus Christi membris, & amarissimas lacrymas ex oculis dolorosæ Matris expressisti; & quemadmodum abundantes aquæ, quibus in rivo ad tempus interdictus erat exitus, ablato, ac recluso repagulo, sine mora ingenti impetu in subjacentem erumpunt planitiem, eamque copiosissimè irrigant: Sic Divinissimus Sanguis, qui interim ad mœstissimum COR JESU confluebat, ut illi, prout in gravi mœrore & agone fieri assolet, suppetias ferret, audito Patris voluntate, & Angeli confortatione adjecta, vehementissimo impetu ex patefactis omnibus poris erupit: *Et factus est sudor ejus, sicut gutta sanguinis decurrentis in terram.* O Domine JESU! O Mater amoris & doloris! etiam unicam stillam pro anima mea miserrima; atque tunc præsertim, quando in supremo illo agone cum tota æternitate erit decertatura: *Veniat sanguis tuus super me.*

S. Bernhard,  
Tom. 1. 9.  
55. art. 1.  
cap. 2.

Frider. Fornerus  
in Paradis.  
Malor. Pun.  
Conc. 81.  
S. Bonavent.  
in vita Chr.  
cap. 75.

Luc. 22. 44

Matth. 27.

25.

6. De Elia recensent Sacræ Litteræ, quòd furorem impiæ Jezabelis declinans ad desertum fugerit, ubi sedens subter unam Juniperum, & præ mœrore animi ferè contabescens ab Angelo mirè confortatus est: *Et ecce Angelus Domine tetigit eum, & dixit illi: Surge & comede, grandis enim tibi restat via.*

3. Reg. 19.

4.

O pientissima Mater! ad quid ista enarro? Typus iste in tuo Filio expletus est, cum enim à facie impiæ Synagogæ, quæ per Jezabelem adumbrata fuit, ad Olivum Olivarum contenderet, ut ibidè pro more suo de nocte orationi instaret, priusquam morti traderetur, ab Angelo confortatus: *Apparuit autem illi Angelus de cælo, confortans eum.* Sed quid dixit ille Angelus? Credo, quod per priorem ad aures Eliæ intimatum fuit: *Surge, & comede, grandis enim tibi restat via.*

Luc. 21. 45.

Mater Dolorosa.

Z

O mœ-


178 *Consideratio XXV. De sudore sanguineo in horto*

Vide R. P.  
Paul. Barry S. J. in  
Anno Mariano apud  
me fol. 69,

O mœstissima Domina! venio ad te durus nuntius: amantissimo Filio tuo & tibi adhuc grandis restat via: *Surge & comede.* Enimverò comedit prior Filius tuus non panem subcinericium, sed Evcharisticum, ex quo confortatus hanc grandem luctam ingressus est. Comedisti & tu, ô Domina! (ita censent cum Metaphrasste gravissimi Doctores Albertus M. Salazar, Suarez, Canisius, Christophorus de Castro, & alii, asserentes, hanc Sacratissimam Deiparam omnium primam in ultima cœna in conclavi separato, jubente Christo, per S. Petrum hoc Divinissimo Epulo esse refectam, & prout observat Paulus Barry, *adversus extremum merorem, in Servatoris sibi unice chari captivitate cruciatibus ac morte paulò post oriturum*) ô Domina! quia ergo hoc Evcharistico pane, cor hominis confirmante, confortata es, para te ad luctam heu nimis luctuosam & cruentam, *grandis enim tibi,* & Filio tuo adhuc *restat via.* A monte Oliveti ad torrentem Cedron, de quo Filius tuus in via bibet. A torrente ad Annæ palatium, ubi Dilectus gravissima alapa percutietur. A palatio Annæ ad Caipham, ubi à Petro negabitur. A Caipha ad Concilium Senedricum, in quo reus mortis declarabitur. A Concilio hoc iniquissimo ad Romanum Præsidem, ubi à falsis testibus accusabitur. A Pilato ad Herodem, ubi dementis instar albâ veste illudetur. Ab Herode rursus ad prætorium Pilati, ubi Barrabæ parricidæ postponetur, flagellabitur, spinis coronabitur, & ad mortem crucis condemnabitur. Tandem ab hoc prætorio ad montem Golgothæum, ubi Agnus ille Divinus & Paschalis non tantum pro peccatis suæ gentis, sed etiam pro universorum salute in ara crucis, te, ô dolorosissima Mater! præsentē & videntē, immolabitur. O Domina! *quàm grandis adhuc tibi restat via?* O pulcherrima mulierum! ô tristissima Noëmi! quàm lacrymabile nimis hoc erit in universo orbi spectaculum, DEUM videre & hominem ac Sacratissimam Matrem ejus in tanto supplicio! ô pientissima! in æternum sis benedicta, quæ, ut miseriam ac orbitatem nostram refarcires, te unico CORDIS tui privasti solatio, Filiumque tradidisti in mortem, ut per eum vitam con-

sequeremur æternam: *Benedicta tu Filia*

*à Domino.*





# CONSIDERATIO XXVI.

B. Virgo intelligit Filium JESUM à Juda in mortem esse venditum, & perfido osculo inimicis traditum.



JESUS autem dixit illi: Juda, osculo Filium hominis tradis? *LUC. 22. 48.*



I. Ualis est amicitia crocodili, talis est amicitia mundi. De crocodilo recensent, quòd sit amphibius, rapax, durus, dolosus & occultus viatorum latro, qui in littore septemgemini Nili latitans in publicum nunquam prodire affolet, nisi in exitium hominis, quem si devoravit, in largas prorumpit lacrymas, quasi adhuc illius neci & calamitati intimo ex corde condoleret; proinde meritò à DEO inter immunda animalia connumeratus est: *Hac quoque inter immunda reputabuntur: Crocodilus, &c. LAVIS. 11.*  
Cui rectè pro Lemmate affigès:

Plorat, & devorat.



Luc. 22. 48.

Astor. 13.

10.

S. Anselm.  
Dial. de pass  
cap. 7.2. Reg. 20.  
9.

Judic. 3. 19.

Sueton, de  
Jul, Cæs.Frider. For-  
mer. in Pa-  
radis. Ma-  
lorum Pu-  
nicorum  
Conc. 83.Nebrid, in  
Fasc. Myrrh.  
cap. 4.

En typum fallacis mundi & impii Judæ proditoris, qui vir duplex cor-  
de sub larva adulantis crocodili ad Christum JESUM, optimum Magistrum  
suum in horto accedens, eum fallaci osculo sub specie sumæ amicitiae in ma-  
nus tradidit peccatorum: *Jesus autem dixit illi: Juda osculo Filium hominis  
tradis? O plene omni dolo & omni fallaciâ, fili diaboli, inimice omnis justiti-  
æ, quid peccavit in te DEus tuus? Et tu, Domine JESU, quomodo, obse-  
cro, hoc perfidissimum os & immanis hujus crocodili fallacias tanta cum  
mansuetudine potuisti sustinere? Accedentem, ait S. Anselmus, ad osculum  
sanctissimi oris tui cruentam bestiam aversatus non es, &c.* O amoris prodigi-  
um! amicum vocas, & in mortem traderis? *Amice ad quid venisti? Quasi  
diceret: Novi truculentum impostorem, sub pelle ovina lupum tegentem:  
Talis erat Joab, Amasam belli ducem peramicè amplectentem, & salutan-  
tem: Salve mi frater, & interim crudelis pugio ejus transadegit viscera. Ta-  
lis amicus erat Aod Regi Eglon: Verbum secretum habeo ad te ô Rex . . . Et  
tulit sicam de dextero femore suo, infixitque eam in ventre ejus tam validè, ut ca-  
pulus sequeretur ferrum in vulnere.* Talis erat Brutus Julio Cæsari in conspira-  
tione Romæ à Senatoribus contra eundem Cæsarem subornata: *Et tu fili mi  
Brute? O Juda nunquid simili osculo Filium hominis tradis in mortem? Quid  
feci tibi, aut in quo molestus fui tibi? Responde mihi. Si vis necem meam,  
longè ardentius illam subire desidero, quàm tu conaris eam mihi tam subdolè  
procurare? Revertere igitur, ô miser! revertere; en paratum cor meum ad  
ignoscendum, &c.* Juvat hîc audire Reverendissimum Fridericum Fornerum  
Episcopum Hebronensem & Suffraganeum Bambergensem, qui inter alias  
rationes, quas Sacratissimum COR JESU ad cor Judæ loquebatur, etiam  
hanc introducit: *Si te nec mei, nec tui te miseret, cur saltem afflictiissima Matris  
meæ non misereris? Matris, inquam, meæ, quam morte mea viduam supra modum  
omnem desolatam relinques? Ah recordare, quàm suaviter illa tibi serviverit, cum  
fatigatus ex itineribus unâ mecum domum illius ingredereris? Nonne ut famula &  
ancilla mei causâ tibi ministravit? Nonne ad vitæ sustentationem necessaria tibi  
unâ mecum sollicitè procuravit, & paravit? Nonne quacunque ob rei familiaris  
angustias tibi exhibere poterat, reculas promptissimè suppeditavit? Et tu ô Juda  
osculo Filium hominis tradis? Amice ad quid venisti?*

2. Et quid interim pientissima Virgo, quæ domi in Bethania, vel non  
longè à monte Olivario distans, præ expectatione futurorum penè tabesce-  
bat? Ubi intellexit, dulcissimum Filium suum à pessimo Juda in mortem ef-  
se venditum, atque in manus peccatorum contradictum, obmutuit ad hoc fe-  
rale nuntium inestissima Mater, nec ultra in ea erat spiritus; ubi autem re-  
sumptis nonnihil viribus se collegit, in hæc vel similia verba & lamenta Sa-  
cratissimum Cor ejus, Nebridio attestante, solutum est: *O Juda nefandi sceleris  
auctor, quid fecit tibi filius meus, Magister tuus? Nonne ipse te elegit Aposto-  
lum*

lum suum? Quomodo conversa es in amaritudinem, vitis ab ipso DEO electa & probata? Quomodo ad tantam ingratitudinem devenire potuisti? Haccine est gratia, quam reddis Benefactori tuo? Hac fidelitas, quam debes Domino tuo? Hac reverentia, quam exhibes Magistro tuo? Hiccine denique est amor tuus, quem præstas parenti tuo? Si tantum valuit apud te argenti amor, ut eum venderes Judais, cur non id indicasti mihi, circumiissem mendicans mare & aridam, & mendicatos non modò triginta argenteos, sed trecentos aureos in manu tua appendissem, ut mihi meum Filium reliquisses! O unice mi Nate, desiderate votorum meorum, quid jam agetur tecum? cur te dimisi unquam? &c. O tristis nox, non computanda in cæteris noctibus anni, quia Filium unicum ac summè dilectum Matri omnium sanctissimæ & afflictissimæ rapuisti; heu quàm altos & acerbos gemitus Mater illa amoris & doloris illa nocte edidit: O JESU! Fili mi JESU! quis mihi tribuat, ut ego patiar & moriar pro te! O anima Christiana! hanc, quæso, noctem cogites, si ob graves curas, persecutiones, dolores, ægritudinem, labores, &c. subinde dormire non poteris; cogita, inquam, patientissimum JESUM & Sacratissimam Matrem ejus compatiens, atque ex animo compatiens illis: Et nihil adeò grave erit, ait S. Gregorius, quod non aquanimiter tolere, si Christi passionem ad memoriam revoces. S. Gregor. M. in Epist. Aquas illas amarulentas de Mara, cum populus à servitute Ægyptiaca liberatus ad terram promissionis proficisceretur, lignum à Moyse immissum dulces & potabiles reddidit: At ille clamavit ad Dominum, qui ostendit illi lignum, quod cum misisset in aquas, in dulcedinem versa sunt. Exod. 15. 13. Si tribulationes hujus temporis, injuriæ dolores, cruciatus & tormenta tibi nimis videntur amara, anima Christiana, mitte lignum crucis & gladium dolorosæ Matris in has aquas, & indulcorabuntur: Ligno crucis misso, ait S. Antoninus, id est, meditatione habitâ de passione, efficiuntur dulces. S. Antonin. P. 4. Tom. 3. cap. 7.

3. David Rex in Israël, cum ob cruentam Absolonis persecutionem, relicta urbe ad montem Olivarium in fugam sese converteret, præ omnibus aliis Senatoribus, qui ad hunc rebellem filium suum defecerant, quàm maximè de Achitophèle doluit, & ingemuit, erat enim hic Achitophel intimus, familiarissimus & primarius Davidis Consiliarius, qui, quia rebellium antesignanus factus est, optima quæque poterat, hosti suggerere consilia, &c. Audiamus ipsum Vatem Regium psallentem: Quoniam si inimicus meus maledixisset mihi, sustinuissem utique; & si is, qui oderat me, super me magna locutus fuisset; abscondidissem me forsitan ab eo: Tu verò homo unanimis, Dux meus, & notus meus, qui simul mecum dulces capiebas cibos, &c. Observa hîc, prudens Lector, quòd Rex absentem alloquatur Achitophèlem: Tu verò homo unanimis, &c. Per quem proditorem (Angelomo, Ruperto, Cornelio & aliis attestantibus) rectè Judas Domini proditor adumbratus fuit, quia uterque Dominum suum prodidit, & in fine laqueo se suspendit. Ad te me converto, ô Domina mundi,



Nunquid & tu cum Davide contra impiissimum proditorem Judam has movere poteris querelas: *Si inimicus meus maledixisset mihi! Si Phariseus infensus, si scriba inimicus, si homo gentilis, si barbarus, aut alius extraneus tam vili pretio vendidisset atque tradidisset dilectissimum Natum meum, DEum & Hominem in mortem, sustinuissem utique; Tu vero, (ô Juda) homo unanims, qui simul mecum dulces capiebas cibos (maximè verò Evcharistiæ) amoris signo Filium meum tradis in mortem? Oblatione mellis aspidum propinas venenum? Et sub pallio charitatis veræ & non fictæ innocuum fundis sanguinem? Et nunquid in socium & Apostolorum Senatum te elegit Filius meus? Nunquid pedes sordidos etiam lacrymis suis tibi in cœna abluit? Nunquid omnia peccata tua tibi misericorditer condonavit, & insuper potestatem dedit super omnia dæmonia, & ut languidos curares ab infirmitatibus? Et quod omne meritum excedit, te hæredem hæreditatis cœlestis adscribere voluit? Et quid, quæso, ultra tibi potuit facere, & non fecit? Ah amice ad quid venisti, ut Filium perdas & Matrem? O scorpio, qui quidem blandè amplexaris, sed simul etiam toxicum evomis! ô vipera, quæ occultè mordens vulnere venenum intillas, & interficis! ô scarabæe, qui in horto Gethsemani ex odoriferis virtutum floribus Floridi Nazaræi non dulce mel, sed amarissimum fel ad propriam & animæ & corporis perniciem fuxisti! Hæc vel similia ad tam triste nuntium dolentissima Virgo in conclavi Bethanico poterat secum rationari, & digerere; interim, quia amor otiosus non est, vel si otiosus est, amor non est, sine mora etiam de nocte intempesta itineri sese accingit, & Hierosolymam, ut dilectum sanguinum Sponsum suum inquireret, cum nonnullis amicorum contendit. Nebridius hinc eam ita loquentem introducit: *Si tam propitius mihi DEUS erit, ut videam ipsum, nemo me abstrahet ab ipso: nullus Judæus tam robustus erit, nullus barbarus tam savus, nullus miles tam truculentus, ut me ab ipso divellat. His ego brachiis amplectar ipsum; hoc inter gremium locabo ipsum; Dilectus meus est, inter ubera mea commorabitur; & si non potest esse, ut servem vivum, hæc inter viscera tumulabo defunctum. Præsens ero, ubicumque fuerit. Quis scit? Fortasse lacrymis meis bacchantium rabiem temperabo, aut duritiem savientium emolliam. Audiamus pro dictorum confirmatione & Seraphicum Doctorem: Heu Domina! quò vadis, inquit ipse, revertere, Domina, ad locum pristinum, ne cum percussione pastoris te etiam amittamus, ut non unâ horâ utriusque privemur regimine, &c.**

Nebri-  
d. in  
Fasc. Myrrh.  
cap. 4.

S. Bonavent.  
Stim. Div.  
amor. p. 1.  
c. 3.

Genes. 37.

23.

Matth. 26.

15.

4. Sine, Domina, ah sine, ut loquatur servulus tuus indignissimus ad te verbum: Joseph typus dulcissimi Filii tui à perfidis fratribus viginti argenteis Ismaëlitis in servitutem venundatus est: *Extrahentes eum de cisterna, vendiderunt eum Ismaëlitis viginti argenteis.* JESUS autem Filius DEI & tuus, ô MARIA, triginta argenteis, & sic decem dignior, quàm servus æstimatus est: *Quid vultis mihi dare, & ego vobis eum tradam?* O vilissimum pretium



in consideratione summi illius, infiniti & imēsi Boni; quia nimirum unico pomi morfu diabolo in interitum venditi eramus, ideo ipse DEI Filius & tuus, ô Virgo, vendi voluit, ut lytrum ac pretium animarum nostrarum exsolveret; qui erat pretium sine pretio. Et dic, obsecro, ô Domina mundi, quid vis mihi dare, & ego JESUM tibi de novo tradam? Ah ignosce omnium Matrum afflictissima (melior enim sensu & intentione, quam Judas, ad te loquor, licet sim ipso Judâ deterior) ecce Dominus meus, ac DEUS meus, Filius tuus pretiosissimus quotidie sit meus captivus in Sacratissimo Missæ Sacrificio & Comuniōne; ibi meus est JESUS, & ad me pertinet totus, possumque cum illo agere, quidquid mihi lubet, quia mihi se in hoc Sacratissimo Sacramento donavit, *quid ergo, ô Domina! vis mihi dare, & ego tibi eum tradam?* Non peto triginta argenteos, heu nimis vile & abjectum pretium, dum non plus quam 15. florenos Brabanticos, & in nostra moneta Imperiali currente vix 12. florenos faciebant; plus ego à te pro Filio tuo Divinissimo requiro; non milliones aureorum, non regna mundi, nec quidquid aliud in mundo pretiosum esse potest; sed hoc rogo, ô Domina, ut mihi impetres peccatorum miserrimo à dulcissimo Filio meorum veniam delictorum, & gratiam Divinam atque efficacem, eamque finalem, quæ sub nullius cadere potest meritum, & hoc sufficit mihi: *Sic ego tibi eum tradam.*

§. Verumenimverò ad quid hæcenus indignatus sum Judæ? Et ad quid hunc ingraticissimum & infidum accusavi nebulonem? O quot similes Judæ fratres, versipelles, simoniaci & pseudopolitici etiamnum in hoc orbe Christiano reperiuntur, & utinam non etiam inter N. N.? Judas vilissimo pretio DEUM cœli & terræ in mortem tradidit: *Quid, inquit, vultis Matth. 26. mihi dare, & ego vobis eum tradam? At illi constituerunt ei triginta argenteos. 15.* In quo mercatu observandum, quod pessimus ille homuncio omnino voluntati Judæorum reliquerit, quidnam pretii pro Christo Virginis Filio vellet exsolvere, quasi diceret: Ego libenter eum vobis tradam, date mihi, quidquid vobis lubet, & si unum teruntium? O pessimum mercatorem! e contra idem Judas unguentum, quo Magdalena venerandos Christi pedes inungebat, trecentis denariis æstimavit: *Poterat enim unguentum istud vā Marc 14. 5. mundari plus, quam trecentis denariis, & dari pauperibus?* O insaniam! trecenti isti denarii in nostra pecunia faciunt 75. florenos, & triginta argentei, prout dictum est, 12. florenos. Ergone unguentum pluris à te, quam ipse DEUS & homo Christus ductus est? O proditor abominande, mille infernis dignissime! Core, Dathan & Abiron, seditionem contra Moysen moventes; terra vivos absorbit: *Et aperiens os suum devoravit illos; & quo-* Num. 16,  
modo infernus potuit se continere, quin te pariter vivum deglutiret? Esau 32.  
verè fatuus & stolidus primogenituram suam pro pulmento lentis vendidit: Genes. 25,  
34.

*Et sic accepto pane & lentis edulio comedit, & bibit, & abiit parvi pendens, quod primogenita vendidisset; verum tu, ô nefarie proditor! Primogenitum & Unigenitum æterni Patris, & MARIÆ Virginis Matris, ad necem crucis vendidisti; ô facinus indignissimum, crudele, inauditum! & pro tantillo pretio?*

Dixi, ad quid indignor, & irascor Judæ traditori? O anima peccatrix, sta hîc, & pensa, quia deprehensa es, non enim mihi poteris effugere; dic mihi, quo pretio optimum Redemptorem tuum, qui te innumeris cumulavit beneficiis, hætenus æstimasti? O miseriam omnium lacrymis non sat deplorandam, dum illum uno crucifero, unâ turpissimâ & foetidâ carnis voluptulâ, uno impuro verbo aut cogitatu de novo audes prodere, & vitam tradere in mortem? *Obstupescite celi super hoc, &c.*

Jerem. 2, 12.

Judæ, postquam Creatorem suum in mortem tradidit, rectè & justissimè Divina gratia subtrahita est, unde quasi massa perdita magis magisque ad æternam volutabatur perniciem; & sicut lapis, quando semel de excelsa collis fastigio cadere incipit, non amplius quiescit, donec ad ima terræ devolvatur; ita hic impius Christi desertor & apostatarum antesignanus non amplius quievit, donec laqueo se ipsum suffocans ad Tartarum descendit. Hic attende, quisquis es, qui vel semel peccato mortali DEUM tuum offendisti, & cum Juda ob vilissimæ ac momentaneæ voluptatis amorem Summum Bonum prodidisti. Attende, inquam, & si semel per misericordiam DEI ab æterno exitio liberatus es, ne iterum committas, ex quo jacturam Divinæ gratiæ & æternam de novo incurras damnationem. Sæpe ergo, & dum modo licet, dic ex animo: O bone JESU! cur unquam te offendi? quare te omnium bonorum fontem unquam dereliqui? Ah fluite lacrymæ: *Quis dabit capiti meo aquam, & oculis meis fontem lacrymarum, & plorabo die ac nocte? Ah quis dabit?*

Jerem. 9, 1.

6. Revivamus afflictissimam Matrem nostram. De Heli supremo illo in Lege Sacerdote recensent Regum Annales, quod ad deplorabile illud nuntium: *Arca DEI capta est*, mox de sella retrorsum juxta ostium domus ceciderit, & fractis cervicibus expirarit. Per Arcam illam juxta Divum Gregorium & alios Humanitas Christi præsignata fuit; ah quis dicet, quo animi sensu pientissima Virgo fatale hoc nuntium audierit: *Arca DEI capta est? Venerunt*, ait S. Anselmus, *Discipuli currentes, & lacrymabiliter clamantes: O charissima Domina, dilectus Filius tuus, Magister noster captus est, & nescimus quò ducatur, vel quid fiat.* O quàm crudelis, quàm truculentus erat hic gladius, qui Sacratissimum COR Virginis transfixit: Cum audisset, subintrat hîc S. Bonaventura, quod *Filius ejus captus esset à Judæis, januis clausis, sacrum pectus tundere, & lacrymas effundere non cessavit.* Si enim Mathathiæ cor & omnia viscera ejus commota sunt, ubi intellexit templum DEI à

1. Reg. 4.  
18.

S. Anselm.  
Dialog. de  
pass. Dom.

S. Bonavent.  
in vita Chr.

Gentj.


Gentibus & Barbaris esse profanatum, & Legem violatam: *Et vidit Mathias, & doluit, & contremuerunt renes ejus.* Heu quanto magis doluit tenerimum Cor Virginis, ubi nuntium recepit, Templum DEI vivum, hoc est, Divinissimum Filium suum à Juda esse profanatum, & à Judæis captum, &c. Attende hîc, quisquis es ô Christiane, & si vel guttulam adhuc in venis habes Christiani sanguinis, attende, inquam, & considera utriusque Sacratissimi CORDIS JESU & MARIÆ dolores planè immensos; ô te miserum, si non aliquo commiserationis & reciproci amoris sensu erga illos tangaris: *O anima mea*, inquit S. Laurentius Justinianus, *si qua pietatis in te remansit scintilla, compedes madesacito lacrymis, solve manus ligatas à tergo, vincula dirumpe, præcide funes, & quanta vales virtute, in pristinam libertatem restitue Redemptorem.* Quod tunc fiet, quando aliquando cessabis peccare. Ah cur non hoc momento ex animo execraris universa delicta tua, quæ Christo JESU & Sacratissimæ Matri ejus tantorum fuerunt causa dolorum? O dulcis JESU! qui etiam proditorem tuum amicum appellare, & velut amicum complecti dignatus es, ne, obsecro, avertas amabilissimam faciem tuam à me, quia servus tuus sum ego, & Filius Ancillæ tuæ.

Recordor hîc illius famosæ peccatricis Mariæ Ægyptiacæ, quæ ter ab adoratione Dominicæ Crucis divinitus repulsa, cum nunc pœnitens antea vitæ ad dolorosam Matrem sese convertisset, ad gratiam quoque Filii admissa est, quam dolorosam Virginem impensissimè exinde rogavit, quatenus sibi veram ac securam salutis viam dignaretur ostendere, à qua hanc vocem audivit: *Si Jordanem transferis, illic invenies bonam requiem*, quo transfretato in summa vitæ austeritate 47. annos sub præsidio dolorosæ Matris sanctissimè transegit, cujus sacrum Caput Augustæ Vindelicorum in templo Societatis JESU religiosè asservatur. Anima Christiana, si secutus es errantem, sequere & pœnitentem; si Filium times ut justissimum tuorum scelerum vindicem, curre ad Matrem dolorosam: *Exaudiet Matrem Filius*, inquit Mellifluus, & *exaudiet Filium Pater: Filioli, hæc peccatorum scala, hæc mea maxima fiducia est, hæc tota ratio spei mea, &c.*

Sophron. in  
Vitis PP. Sux.  
9. April.  
S. Bernhard,  
serm. Nat.  
B. V. M.







## CONSIDERATIO XXVII.

B. Virgo quærit de nocte Filium suum captivum,  
& nunc velut agnum mansuetum furori luporum  
traditum.



Comprehenderunt JESUM & ligaverunt eum.


*Joan. 18. 12.*

*Gen. 4. 4.*

*Genes. 22.*

12.

*Exod. 12. 6.*



I.

Æpius in Sacris Litteris pientissimus orbis Reparator  
Christus per agnum præfiguratus fuit. Abel primo-  
genita ovium, id est, agnos Domino DEO jam ab ori-  
gine mundi obtulit, & ipsemet quasi agnus innocens  
DEO victima factus est. Abraham pro Filio suo  
Isaac agnum masculum substituit, & DEO in gratissimum holocaustum  
immolavit. Moyses Paschalis agni immolandi & comedendi ritum præ-  
scripsit,

scripsit, ejusque sanguine domorum superliminaria illiniri voluit. Idem ex mandato Divino morem in Israël introduxit, ut quotidie ab Hebræis manè & vespere agnus immaculatus supremo rerum Numini immolaretur. Isaïas & Jeremias Christum in carne venturum agno mansueto assimilârunt: *Et ego quasi agnus mansuetus, qui portatur ad victimam, & non cognovi, quia cogitaverunt super me consilia, dicentes: Mistamus lignum in panem ejus, & eradamus eum de terra viventium, & nomen ejus non memoretur ampliùs.* Joannes Baptista eundem DEI Filium, & mundi Redemptorem agnum appellare consuevit: *Ecce, agnus DEI, ecce, qui tollit peccata mundi.* Hunc secutus est Joannes Evangelista, qui agnum Christum identidem in sua Apocalypsi nuncupavit. Petrus Redemptos nos esse asserit pretioso sanguine quasi agni immaculati Christi, & incontaminati, præcogniti quidem ante mundi constitutionem, manifestati autem novissimis temporibus. Hinc haud immeritò nos in Ecclesia inolevit, Christum in specie agni depingendi, ut in memoriam nobis ejus passio & actio, mansuetudo, patientia, innocentia, vita & mors reduceretur; quem Divinissimum Agnum à sanguinario lupo ad lanienam raptatum pro corpore Emblematis nostri adumbrari curavimus, cum epigraphe ex verbis Davidis mutuata;

Exod. 24.

38.

Isa. 53. 7.

Jerem. 11.

12.

Joan. 1. 29.

1. Petr. 1.

19.

## Non est, qui redimat.

Ita est, ô chare Lector: *Non est, qui redimat.* De S. Francisco Seraphico legitur, quòd agnum à lanione ad macellum ductum & precibus & pretio redemerit, considerabat enim hic Vir sanctissimus in hoc agno Divini illius Agni innocentiam, qui orbem terrarum non ferro sed ligno, non feriendo sed patièdo, non mactando sed moriendo domuit; unde quoties hoc nomen *Agnus* audivit, vel legit, mox in teneros affectus & pias lacrymas solutus est.

Psalm. 73.

In vita S.

Francisc.

Seraph.

Cognosce ex hoc, anima Christiana, tenerimum Matris dolorosæ affectum, dolorem & amorem, ubi intellexit ex sancto Joanne, Bethaniam capto JESU excurrente, dilectissimum Filium, ut nostra solveret vincula, adinstar latronis esse captum, vinculis ferreis & funibus ligatum, atque velut Agnum mansuetissimum à nocturnis & rabidis lupis ad lanienam, heu nimium cruentam raptatum: *Heu me*, exclamabat mœstissima Matrum (ita eam loquentem inducit Nebridius) *heu me, quàm dies mali nuntii dies hæc.* O Fili mi, translata est gloria ab Israël, quia arca Domini, inò Dominus arca captus est: *Vadam tamen, si forte videre potero desideratam ejus faciem, priusquam moriatur.* Dixit, surrexit, & eadem nocte festinavit in Jerusalem, heu quo animi cum dolore & mœrore, ah quis dicet? Quoties ingeminavit illud Sponsæ: *Surgam, & circuibo civitatem per vicos & plateas, quæram, quem diligit anima mea.*

Nebrid. 1.

Fasciculo

Myrrh. c. 4.

Cant. 3. 2.

Genes. 37.  
20.

Math. 2, 18.

Platina in  
Vit. Pontif.  
fol. 211.

Justin. Mic-  
chov. disc.  
333. de Ro-  
sa Myst.

2. Et dic, obsecro, prudens Lector, si adhuc in vivis fuisset formosa illa Rachel, quando Joseph filius accrescens & unice dilectus à perfidis fratribus, velut innocens ovicula à feris lupis cinctus, ligatus, Ismaëlitis venditus, & in durissimam servitutem abductus est, quid, quæso, Rachel Mater ad lucuosum hoc sensisset, aut dixisset spectaculum? Et si insuper audisset feralem illum invidorum fratrum clamorem: *Venite, occidamus eum, & mittamus in cisternam veterem, dicemusque, fera pessima devoravit eum?* An non omnia viscera Rachelis fuissent commota, & cor ejus ingenti dolore, cruciatu & amaritudine repletum? Loquantur hîc Matres, quæ de materno in unicum filium amore melius, quàm alii possunt dijudicare. Umbras hâtenus enarravi; plus hîc quàm Rachel & Joseph; de Rachel dicitur: *Vox in Rama audita est, ploratus & ululatus multus: Rachel plorans filios suos, & noluit consolari, quia non sunt.* O dicite, montes & valles, vineæ & prata, agri & campi, sylvæ & dumeta, nunquid audistis de intempesta nocte gemitus mœstissimæ turturis, ac Dominæ vestræ, plorantis Filium suum, nunc in manus peccatorum contraditum? O flebilem noctem, non computandam in noctibus anni, in qua plures ex oculis dolorosissimæ Matris fluxerunt lacrymæ, quàm momenta de tempore! ô nox crudelis! quomodo aula es tantum committere facinus?

De Urbano III. Pont. Max. referunt, quòd, ubi ex nuntio intellexit, Hierosolymam, civitatem illam sanctam, à Saladino esse captam, direptam, atque profanatam, præ dolore animi, quem ex tanta jactura & ex calamitate Christianorum acceperat, Ferrariæ in itinere expiravit. Quid de te dico, dolentissima Virgo, ubi intellexisti dulcissimum ac dilectum votorum tuorum à Judæis esse comprehensum, laqueis, catenisque latronis instar vinctum, & nunc ab omnibus Discipulis & amicis desertum ad iniquissimos Judices in urbem raptatum? Quos, obsecro, cruciatus, mœrores & amaritudines tunc maternum COR tuum persensit? O Cor omnium cordium fortissimum, exclamat hîc Justinus Miechoviensis, ô Cor adamantinum, quomodo disruptum non es? *Matris hujus afflictæ dolor adeò magnus erat, ut eum mens humana comprehendere non valeat; talem namque amittebat filium, qualis nunquam exiit, nec quoad corpus, nec quoad animam; erat enim DEUS & homo. Unde sicut nunquam talis exiit Mater, nec talis Filius, ita nunquam talis visa est amaritudo.* O si tali ac tanto dolore doleret cor meum ob offensum DEUM, quemadmodum doluit afflictissimum COR Virginis in captivitate & in passione Filii! ô pietissima Domina! ô mare dolorum! rogo te per dolores & luctus tuos, per suspiria & lacrymas, exora mihi peccatorum miserrimo cor verè contritum & humiliatum, & ne sinas me æternum perire; ah Domina mea; num poteris subscribere sententiæ æternæ damnationis meæ? Non poteris, non poteris, nimis enim in clientes tuos misericors es. Verum progrediamur ulterius.

3. Pro-



3. Proinde ab hac Matre dolorosa ad Filium, virum dolum ac novissimum virorum, me converto. Dic, obsecro, ô mitissimè JESU! nunc captive, & inter manus peccatorum ad judicia & ad mortem crucis raptate, dic, inquam, ubi nunc sunt Discipuli & amici tui? Sola Mater tua, ubi percepit captum esse JESUM à Nazareth, nocte concubiâ te sequitur, cæteris omnibus in fugam dilapsis. Quid? Ergone nullus servorum te Dominum universorum ad tribunal comitabitur, ut innocentiam tuam testetur, & defendat? Ubi nunc Thomas, qui prius dicebat: *Eamus & nos, ut moriamur cum eo?* Joana. II, 16. Ubi Petrus, qui audacter promisit: *Tecum paratus sum in carcerem & in mortem ire?* Ubi cæteri Discipuli, qui omnes sub eadem fide se obligabant: *Similiter & omnes Discipuli...* Luc. 22, 33. *...xerunt, &c.* Opientissime JESU! videris mihi, ut quondam Rex Sedecias, qui in expugnatione Urbis Solymææ, à Nabuchodonosore armatâ manu captæ, ab omnibus militibus & subditis derelictus in durissimam captivitatem deductus est, paulò post ignominiosa morte extinguendus: *Omnes bellatores, qui erant cum eo, dispersi sunt, & reliquerunt eum.* 4. Reg. 25.

Ite nunc, mundani, & ulterius in amicis vestris confidite! en clarissimum in patientissimo JESU prototypon, qui meritò cum afflictissimo Jobo dicere poterat: *Noti mei quasi alieni recesserunt à me.* Vide, an vel unicus Discipulorum prius in domo Simonis, ubi lautè cænabatur, ab epulis defuerit? Sic scilicet inter patinas & inter prospera amicus amatur, & quæritur, & in adversis deseritur: *Non novi hominem.* Nota hîc tibi pro reflexione morali, prudens lector, qualis & tua tunc rerum facies in agone erit: *Et relicto eo omnes fugerunt.* Ita videlicet, quamdiu sanus es, quamdiu aliis prodesse potes, opibus & auctoritate polles, amicos habebis plurimos, qui latus tuum & mensam stipabunt: Verùm quando ultima illa appropinquabit scena, & pallida mors languentes claudet oculos, tunc enimvero te solo in agone relicto, à te fugient omnes, nec ullus etiam intimorum ac fidelissimorum amicorum ad supremum illum ac justissimum Judicem te comitabitur. Heu quid tunc erit, quando *circumdabunt te inimici tui vallo, & coangustabunt te undique, & ad terram prosternebant te, eò quòd non cognoveris tempus visitationis tuæ?* Hæc maturè, cum adhuc tempus est, considera, & discè in rem tuam & salutem vigilare. O quam felix tunc eris, si tibi nunc dolorosissimam Matrem propitiam feceris: *Velocior,* inquit Divus Anselmus, *est nonnunquam salus memorato nomine MARIE, quam invocato nomine Domini JESU unici Filii sui.* Et id lib. de Ex-cell. Virg. cap. 6. *quidem non ideo fit, quòd ipsa major & potentior sit; nec enim ipse magnus & potens est per eam, sed illa per ipsum.* Quare ergo propitior salus in recordatione ejus, quam Filii sui sæpe percipitur? Dicam quid sentio: *Filius ejus Dominus est, & Judex omnium, discernens merita singulorum, dum igitur ipse à quovis suo nomine invocatus non statim exaudit, profectò id justè facit; invocato autem nomine Matris, etsi merita invocantis non merentur, ut exaudiat, merita tamen Matris intercedunt, ut exaudiat,*

4. De Davide recenset Regum Codex, quòd à facie Absolonis profu-

gus cum amicis torrentem Cedron pertransierit, ut per montem Olivarium fugeret in desertum, ibique sese à furore rebellium subditorum absconderet;

2. Reg. 15. 23. *Omnes flebant voce magnâ, & universus populus transibat: Rex quoque transgrediebatur torrentem Cedron.* Ecce insignem typum in Christo Davidis

Cornel. hic. Filio suo tempore expletum, qui Judam & Judæos, perfidos rebelles, ad tempus fugiens cum Discipulis suis, velut intimis amicis, ante passionem suam

Joan. 18. 1. eundem torrentem Cedron pertransivit: *Egressus est cum Discipulis suis trans torrentem Cedron.* Verum ubi ab impijs ibidem captus & ligatus est, in

Psal. 109. 8. eundem torrentem ignominiosè præcipitatus, & protractus fuit, ut adimpleretur illud Regii Vatis: *De torrente in via bibet, &c.* Considera hîc, anima

Christiana, quomodo Rex Regum, mitissimus JESUS, nudo capite, revinctis post tergum manibus & catenâ collo impositâ, velut latronum coriphæus in urbem ad tribunalia rapiatur. Hic ipsius barbam, ille capitis

crines vellicat; hic fuste, alius venabulo, ille nodosâ & ferratâ clavâ eum pulsat, atque propellit. O quàm lugubre hoc erat spectaculum, videre

Dominum univèrsorum inter cruentas carnificum manus pecudis instar protractum; & quia huc illucque trahebatur, coactus est sæpius in terram pro-

cidere, quem pedum tursionibus, ut surgeret, barbarâ crudelitate compellebant. O mîtis Agnelle! sicine *captus es in peccatis nostris?* Ut nos liber-

Thren. 4. 20. rares à captivitate perpetua, ipse capi voluisti, quem nec cœli nec terra capiunt? Ut vincula delictorum nostrorum dissolveres, ipse vinculis oneratus, & funibus constrictus es? Sic videlicet luit Dominus, quod Adam

Judic. 9, 16. servus nequam peccavit, dum manus ad exitiale pomum extendit? Samson à Dalila ligatus sine mora omnia vincula dirupit, & quare, ô dulcis JESU, non similiter fecisti? Ah scio, quid manus tuas tenuerit: Amor hæc fecit,

amor ligavit, amor in mortem te tradidit amoris victimam. O infinita, ô immensa Bonitas! excedens omnem bonitatem, ut me liberares à damnationis vinculis, ipse ea subire & pati non recusasti; ah mi Domine! quous-

que te pro salute animæ meæ demisisti? Et quid ego pro te? Quando aliquando amabo te ex toto corde, ex tota mente, ex omnibus viribus, & ex

omnium viscerum latitudine?

5. Et quid interim dolorosissima Mater! altum hîc est Evangelistarum silentium; sed quod illi præ amoris & affectûs teneritudine, mentisque

compassione subticuere, pia sanctarum mentium meditatio revelavit; proinde rectè memoratus Justinus Miechoviensis: *Dum Filius, inquit, Cedron*

pertransibat, anima ejus ingentem dolorum torrentem pertransiit. Filio dolente, tristante, payente, morente, orante, ipsam quoque dolentem, tristantem,

paventem, morentem, orantem fuisse, minime dubium est. Summa fuit inter Christum & MARIAM sympathia naturarum, complexionum, morum, pro-

pen-

Justinus Miechoviensis, loc. cit.



personarum, ac voluntatum conjunctio: consequenter eximia quadam gaudiorum  
ac dolorum communicatio, &c. O quoties hæc dolentissima Virgo in illo  
luctuoso itinere, dum urbem de nocte petebat in cælum ingemuit: Ah Fili  
mi JESU, quis det, ut moriar pro te? O mitis ovicula, quam in utero meo  
portavi, sinu fovi, lacte enutrivì, sollicitè educavi, ergo sine Matre ibis  
ad victimam? Sine comite ad lanienam? Sine me ad occisionem? Vivit  
Dominus meus, & vivit Dominus meus Rex, quoniam in quocunque lo-  
co fueris, Domine & Fili mi, sive in morte, sive in vita, ibi erit & Mater  
tua; præsens ero, ubicunque fueris. Ah Pater æterne! itane placitum fuit  
ante te, ut proprio Filio non parceres, sed pro omnibus illum traderes?  
Ah ad quid parcis Matri ejus, cum sit COR unum & Matris & Filii? O  
dilecte votorum meorum, quò abiisti? ô lumen oculorum meorum, ô gau-  
dium meum, ô corona mea, ô dulcedo mea, quò declinasti? ah fluite la-  
crymæ: Idcirco ego plorans, & oculus meus deducens aquas; quia longè factus  
est à me Consolator. JESU Fili mi, ubi te inveniam, quia renuit consolari  
anima mea, nisi in te DEUS meus, &c. Hæc & similia secum mente vol-  
vens & digerens venit in urbem, quam videre facile poterat universam esse  
commotam. Juvat hîc audire piissimum Ludolphum de Saxonia: Cum  
enim per omnes plateas Jerusalem diceretur, quòd Dominus JESUS captus es-  
set: Percipiens hos rumores terribiles dolorosa Mater ejus (quæ tamen, cum pri-  
mò caperetur, hoc in spiritu cognoverat) ducta est ad eum inastimabili tamen-  
to, & venit ad videndum Filium suum dilectum, plorans incessanter per civitatem  
Jerusalem, & dicens: ubi es dulcissime Fili? ubi te inveniam?

6. Interim sistitur mitissimus JESUS coram Anna, ad quem ideo  
(prout observat Cornelius à Lapide) à Juda traditore primò ductus est, ut  
promissum venditionis Christi pretium ab eo reciperet, quia hæctenus tri-  
ginta illos argenteos nondum acceperat, hoc enim indicant illa verba: At  
illi constituerunt ei triginta argenteos; & in alio loco: Promiserunt ei pecu-  
niam se daturus, quos denarios in aula Annæ peracto tam nefario facinore  
recepit. Verùm quid audio, ô bone JESU? Unus assistens ministrorum de-  
dit alapam JESU! O cœli obstupefcite! Supra quod rectè S. Chrysosto-  
mus: Quid hoc impudentius, inquit, exhorrescat cælum, contremiscat terra  
de Christi patientia & servorum impudentia. Alapis DEUS percuti potuit?  
O Angeli, qui hæc intuemini, quomodo siletis? Quomodo manus continere po-  
testis? Quomodo pro Domino vestro non respondetis? An hoc ita facitis, quòd  
attonitos vos teneat tanta insolentia & tanta mansuetudo, tanta perversitas, &  
tanta patientia?

Cæterùm observat in hac alapa S. Vincentius Ferrerius, quòd Domi-  
num cœlorum in terram prostraverit, armata enim manus erat, cujus stigma-  
ta adhuc hodie in velo S. Veronicæ, quod Romæ magnâ religione asserva-  
tur,

2. Reg. 15.

21.

Thren. 1. 16.

Ludolph. in  
Vita Christ.  
part. 2. cap.

61.

Math. 26.

15.

Marc. 14.

11

Joann. 18.

22.

S. Chrysost.

Hom. 81. in

Joan.

S. Vincent.

Ferr. apud

Salm. Tom.

10. 12. 26.



Mancin. de  
pass. D. fol.  
506.

Threnor. 3.  
16.

S. Io. Chryl.  
apud Man-  
cin. de pass.  
fol. 406.

Tauler. de  
pass. D. cap.  
18.

Ruth. I. 20.

tur, sunt conspicua; & verisimile est, quod ex tam immani alapa sanguis per os & nares profluxerit, licet id sacri Scriptores non exprimant; imò & dentes Christo Domino per hanc immitissimam colaphizationem fuisse excusos, multi apud Mancinum tradunt, unde Jeremias in persona Christi ait: *Fregit inimicus ad numerum dentes meos, &c.*

O mœstissima Matrum, O afflictissima Virginum! num etiam hanc cruentam audisti, vel spectasti alapam, Divinissimo Filio tuo à diaboli ministro impactam? Ita, subintrat hic S. Joannes Chrysostomus: *Porro eandem DEI Matrem in domo Anna interfuisse iniquo iudicio, & ejus cor crudeliter fuisse percussum ab alapa, quam unus assistens ministrorum ori Divino impexit, &c.* O peccator, dum graviter delinquis, quid aliud facis, quàm ut Christo de novo similem alapam impingas? Ah siste aliquando. Parce & dolorosæ Matri ejus, in quo enim te offendit hæc benignissima Virgo? An quia Salvatorem mundi peperit, & unà cum illo pro tua salute in victimam se obtulit? Audi Taulerum ita hanc desolatissimam Deiparam alloquentem: *Sicut, inquit, ad Filii DEI generationem te obtulisti, ita & ad mortem & passionem te resignasti, &c.* Proinde omni amore & veneratione dignissima est. O Mater dolorum, O tristissima Noëmi! quàm benè de te dictum fuit: *Ne vocetis me Noëmi, id est, pulchram, sed vocate me Mara, id est, amarā, quia amaritudine valde replevit me Omnipotens: Impetra, obsecro, mihi clientum ac servorum tuorum infimo, & omnibus, qui dolorum afflictissima CORDIS tui meminerint, in supremo illo vitæ agone, ex quo pendet æternitas, cor verè contritum, ut amore DEI & tui liquefiat anima nostra, atque misericordias DEI & tuas in æternum possimus decantare, &c.*



# CONSIDERATIO XXVIII.

B. Virgo omnes cruciatus, & opprobria, quos de nocte perpeſſus eſt Filius, velut præſens animo intuebatur.



Opprobria exprobrantium tibi ceciderunt super me. *Pſal. 68. 10.*

I. **I**ngens fuit amor ille, quo Sponſa quondam in ſuum fe-  
rebatur Dilectum, dum illum perditum inter varia pe-  
ricula etiam de nocte intempeſta quærere non deſtitit:  
*Quaſivi, inquit ipſa, & non inveni illum: Vocavi, & Cant. 5. 6*  
*non reſpondit mihi: Invenerunt me cuſtodes, qui circum-*  
*eunt civitatem; percufferunt me, & vulneraverunt me: Tulerunt pallium meum*  
*mihi cuſtodes murorum.* En pulcherrimum typum in B. Virgine, Sponſa  
& Matre Chriſti JESU adimpletum, dum de nocte per vicos & plateas  
*Mater Doloroſa.* Bb civi.

Guilielm.  
Abb. in hunc  
loc. Cant.

S. Bernhar-  
din. Senen-  
Tom. I. serm.  
95. art. 2.  
cap. 2.

civitatis Solymæ non cessavit Dilectum animæ suæ Sponsum & Filium inquirere, & licet corporaliter percussa, aut vulnerata non sit ab urbis custodibus, cum Filio tamen vulnerato, contempto, & opprobriis repleto & ipsa in anima vulnerata, contempta & opprobriis repleta fuit. Ita in hunc Scripturæ locum Guilielmus Abbas: *Ed ipso, inquit in persona dolorosæ Matris, quò famam Dilecti mei gladio lingua sua tam crudeliter lancinaverunt, maternum in me affectum inscriptis dolorum vulneribus consauciârunt. Præterea, quod potuere, exspoliaverunt me stolâ gloriæ meæ, pallio laudis, quo operiebar, cum diceretur: Beatus venter, qui Magistrum bonum portavit, & ubera, quæ sugere dignatus est: Hæc gloriâ me nudantes, quantum potuerunt, induerunt me diploide confusionis, infamando me tanquam Matrem pestilentissimi seductoris: Sed evasiborum omnium manus, nec Filius meus passus est amplius eos in me savire.* Juvat etiam hic audire S. Bernhardinum Senensem: *B. Virgo, ait, concito gressu, plorantibus cunctis, Hierosolymam adit. Cum obviaret custodibus, dicunt ei: Quid ploras mulier? Quid quaris? Respondet: Num, quem diligit anima mea, vidistis? At illi: Qualis est Dilectus tuus, ô pulcherrima mulierum? Et illa: Dilectus meus candidus & rubicundus, electus ex millibus. Et illi: An fortè Filius tuus est ille, qui hac nocte tanquam malefactor & latro ductus est ad domum Caiphæ Pontificis, ligatus & verberatus, & tam atrociter laceratus? ô fatale, ô crudele nuntium! ô mi JESU! ô MARIA! quis omnes hujus noctis infelicitis pœnas, cruciatus, dolores, & opprobria, quæ pro salute nostra patientissimo animo sustinivistis, calamo poterit exprimere, linguâ effari, aut mente complecti?*

*Quis cladem illius noctis, quis funera fando  
Explicit, aut possit lacrymis aquare dolorem?*

2. Videtur mihi hæc mœstissima Virginum ut Tulipa flos ad præsentis solis radios se quidem pandens, sed ubi umbra vel nubes eodem solis radios interceperit, sine mora contractis foliis dolet, languescit, & clauditur; unde Lemma: *Mæror pro sole relictus.* Vel si magis arridet:

## Languescit in umbra.

1. Paral. 21.  
11.  
B. Amed.  
Homil. 5.

Heu quis dicet, quo mœrore sanctissimum Virginis pectus fuerit cummulatum, ubi mysticum Justitiæ Solem in mortis occasum vergentem conspicata, & contemplata est? Et nunquid jure merito illud Davidis usurpare poterat: *Ex omni parte me angustia premunt: Audi & B. Amedeum: Ineffabili, inquit, dolore gloriosa Virginis pectus urebatur, & altissimo pietatis jaculo consossum, extremas spirabat inter angustias; ibi mæror, ibi dolor, ibi agonia, ibi æstus animi, ibi incendia, ibi mors morte durior, ubi vita non tollitur, & mortis angustia toleratur.*



Augebat autem hujus Sacratissimæ CORDIS MARIÆ dolores infolita Hebræorum in Christo JESU torquendo & affligendo lætitia: *Exultabant enim in rebus pessimis.* Hinc major accrescebat Matris ab omnibus desertæ inœstitia, dum præ omnibus aliis tam indignè patientis Filii dignitatem, ejusque summam agnoverat innocentiam; ô quàm crudele ferrum tunc *pertransiit animam ejus!* Affligebat eam insuper materna illa cura, cui à Patre æterno Filius tantopere dilectus per triginta annos & ampliùs in custodiam consignatus est, dum nunc illum captivum, & inter tot tormenta & opprobria constitutum vidit paulò post inter infames latrones in funesto ligno suspendendum. Accedit, quòd personæ nobili & honoratæ longè major accrescat injuria, si ab infami & infimâ plebe, imò hominum facie impetatur injuriis, saturetur opprobriis, & proculcetur pedibus; quis autem nobilior Christo & Sacratissima Matre ejus? *Considerans*, inquit S. Antoninus, *tantam confusionem publicandam per orbem, non poterat non summè dolere.* Mater enim erat, & quidem talis Filii. O anima Christiana, compatere ex animo huic dolentissimæ Matri tuæ, tibi què indignare, quia causa es omnium illorum cruciatuum, quos JESUS & MARIA pro tua salute perpassi sunt, dole, ignosce, & emenda.

3. Interim mitissimus JESUS sistitur captivus coram Caipha Sacerdotum Principe, apud quem synedrium, seu Concilium magnum Scribarum & Seniorum convenerat, examinatur ab illo publicè, & quia Filium DEI se profitebatur, reus mortis ab omnibus declaratus est: *Tunc exspuerunt in faciem ejus, & colaphis eum ceciderunt.* Vide hîc, & considera, anime mi, dignitatem personæ, & gravissimum contumeliæ genus: *Horreto*, inquit Euthymius, *cælum & terra, universaque creatura, in quam faciem intulerunt injuriam?* Ah in quam faciem? *Conspuerunt*, ait S. Ephrem, *perditissimi illi immaculatissimam faciem ejus, ad cujus aspectum omnes cælorum Potestates Angelorumque Ordines contremiscant.*

Ita quondam Samson, cùm à Philistæis captivus in vinculis teneretur, ab infima hominum facie illus, sputis fœdatus, & tanquam jumentum tractatus est: *Quem, cùm apprehendissent Philistiim, statim eruerunt oculos ejus, & duxerunt Gazam vinctum catenis, &c.* Ita Job ulceribus ac opprobriis saturatus, in sterquilinio sedens à Satana & pessima uxore fœdissimis sputis conspurcatus est: *Abominantur me, & longè fugiunt à me, & faciem meam conspuere non verentur.* Verùm plùs hîc quàm Samson & Job: Pensa & repensa, anima Christiana, quidquid poteris pensare, & excogitare injuriarum, plùs tamen passus est Christus, quia pro omnibus passus est, & quidem illâ nocte luctuosâ tam turpia, tam obscœna, tam nefanda, quæ ob turpitudinem Evangelistæ, teste S. Hieronymo, noluerunt, nec potuerunt verbis exprimere.

Deus, 25. 9.

Luc. 22. 63.

1. Petr. 1.

12.

Luc 10. 24

Revel. 5.

Birg. lib. 6.

cap. 1.

Ludovic,  
Carthus. in  
Histor. vi-  
ar. Christ.Mancin. de  
Pass. Dom.  
Inl. 406.Taul. Exer-  
citi. de vita  
Chr. cap. 19.

Vir ille Israëlita, si relictam defuncti fratris sui viduam ad suscitandam sobolem ducere recusavit, scdissimis illius mulierculæ sputis & perpetuâ ignominia inter omnes tribus Israël notatus fuit: *Accedet mulier ad eum coram Senioribus, & tollet calceamentum de pede ejus, spuetque in faciem illius, & dicet: Sic fiet homini, qui non adificat domum fratris sui.* O pietissime JESU! agnosco ex hac umbra lucem & ex figurante figuratum; quia pessimam & ingratissimam Synagogam in Sponsam tibi eligere recusasti, atque in illius locum gentilitatem tibi desponsasti, ideo hæc pessima vidua (Synagoga) Divinam faciem tuam tot turpissimis sputis scdare non abhorruit: *Illudebant ei cæcæ lentes, & velaverunt eum, & percutiebant faciem ejus, &c.*

Siste gratum hic, quisquis es homo Christiane! en illa facies à foetentibus lurconibus conspuatur, in quam desiderant Angeli prospicere; illa facies, quam multi Reges & Prophetæ voluerunt videre, & non viderunt; illa facies, quæ omnes mæstos, imò & inimicos mirè consolabitur: *Filius meus*, sunt verba Sacratissimæ Deiparæ ad B. Birgittam, *tanta pulchritudine præditus erat, ut, quicumque eum inspiceret, consolaretur in dolore cordis, quem habebat: Ideo & multi Judæi dicebant ad invicem: Eamus ad Filiam MARIE, ut consolari possimus, &c.* Hæc, inquam, Divinissima facies sordidissimis sputis & opprobriis repleta est; ô cœli obstupescite! ô peccator quid agis? An non pari sputorum foetore faciem Christi inhonoras, dum peccas? Quid enim aliud agit blasphemus, perjurus, turpiloquus, impurus, detractor, susurro, adulator & vanus jactator sui, quàm quòd de novo excrementa oris & cordis sui in Christi faciem conjiciat? Ah anime mi, *computare Christo*, subintrat hic devotissimus Ludovicus Carthusianus, *quia pro te omnia sustinet, jugiterque lacrymas fundens, speciosissimam faciem ejus, quam illi impudenter suis illiniunt sputis, tu reverenter tuis lava lacrymis.*

4. Quæres hic, pie Lector, an etiam dolorosa Mater in aula Caiphæ tunc præsens fuerit? Audi Mancinum pro sententia affirmativa auctoritatem Seraphici Doctoris allegantem: *Addit, inquit, S. Bonaventura in suis meditationibus & vita Christi, fuisse Deiparam in aula quoque Pontificis simul cum Joanne, & execrandas Petri negationes, crudeles satellitum irrisones, aliæque omnia inaudita, & invisa antea immanitatis argumenta audivisse, & spectasse.* Alii existimant, Sacratissimam Deiparam, quia Spiritu Sancto plena fuit, & plius quàm omnes Prophetæ ab eo illuminata, omnes has injurias, dolores & cruciatus, quos dilectissimus Filius hæc mœstissimâ nocte in aula Caiphæ perpeffus est, velut præsens in animo & spiritu vidisse; ita Joannes Taulerus: *Cujus cor, inquit, cogitare possit, quantam perpeffa sit crucem & afflictionem nocte illâ turpissimâ, quâ dilectus Filius ejus manibus est traditus hominum impiorum, & à propriis relictus Discipulis? Satis quidem credibile est, eam (quoniam plena erat Spiritu Sancto) vidisse in spiritu omnem*

dolo-



dolorem & cruciatum, quem unicus ejus nocte illa horribili expertus eſt. Et quid dico? Si quondam DEUS fideli ſervo & amico ſuo Abrahamo ſecre-  
tum cordis ſui celare non potuit: Num celare poterò Abraham, quæ geſtu-  
rus ſum? Si Prophetæ clariffimè de Chriſti-Paſſione & injuriis, illà infauſtâ  
noctè Redemptori noſtro illatis, à Spiritu ſuperiore illuminati ſcripſerunt:  
Corpus meum, ait Iſaias, dedi percutientibus, & genas meas vellentibus: Fa-  
ciem meam non averti ab increpantibus & conſpuentibus in me, &c. Quid,  
quæſo, ſentiendum & dicendum de Sacratiffima & doloroſiſſima Virgine  
MARIA, quæ plùs quam Prophetiſſa, imò & Mater Filii DEI fuit? Sicut  
electa erat à DEO, ſubintrat hîc iterum Taulerus, ut in generatione humani  
generis redemptioni cooperaretur: Ita nihilo minùs & in paſſione huic eam vo-  
luit cooperari; ut quemadmodum parens nobis fuit generans nobis Salvatorem,  
ita & liberatrix eſſet, portans intrinſecus paſſionis crucem cum Filio ſuo, & do-  
loris ſentiens gladium peracutum. O dira nox, quàm crudelis fuiſti mitiſſi-  
mo JESU & Sacratiffimæ Matri ejus? Factus ſum, ait ipſe apud Davidem,  
ſicut nycticorax in domicilio; ſicut enim hæc avis, cum in lucem prodit,  
omnibus aliis volucris ludibrium & opprobrium eſſe ſolet, quam roſtro  
vellicant, mordent, deplumant, conſpuunt, & dilacerant; ita Chriſtus  
Virginis Filius noctè illà factus eſt opprobrium abundantibus, & deſpectio ſu-  
perbis, ac noviffimus virorum, qui in domo Caiphæ in abjecto angulo & an-  
tro tenebroſo, ad quod omnes domùs ſordes & fœtores purgamentorum  
congeriebantur, perditiffimis hominibus velut ſcopus omnium factus eſt  
ignominiarum. O nox, quàm amara, quàm longa fuiſti doloroſiſſimæ  
Matri, dum tot vituperia, maledicentias ac blaſphemias contra dulciſſi-  
mum ſuum Natum jactata percepit: Si Judæi, ait ſupra memoratus Joan-  
nes Taulerus, illi ſimulatores & hypocrita, auditâ blaſphemiâ veſtes ſuas conſci-  
derunt, tanquam in doloris argumentum, quomodo ſciſſum eſt præ dolore piſſi-  
ſſimum Cor tuum, ô MARIA, cum omnes illas execrabiles atque horrendas ad-  
verſus Filium tuum blaſphemias, injurias, atque contemptum jaculari, & conſpice-  
res, & audires? Sic enim Dominus ait: Scindite corda veſtra & non veſtimen-  
ta veſtra: Et quidem hac ipſa die ſinceriffimum Cor tuum non ſemel, ſed plùs cen-  
ties ſciſſum eſt.

Genef. 18.  
17

Iſa. 50. 6.

Tauler. de  
Paſſ. Dom.  
cap. 18.

Pla. 107. 7

Pla. 112. 8.  
Iſa. 53. 3.

Joan. Tauler.  
cap. 44.

Joel. 2. 12

Cogitent hanc triſtiſſimam noctem ægroti, contempti, deſerti, vul-  
nerati, incarcèrati & afflicti omnes; habent hîc, quomodo ad patientiam  
ſeſe diſponant. Cogitent & delicatuli ac mollicelli, qui in ſtratis eburneis  
lâſcivunt, de quibus Huſſæus Princeps: Ducunt in bonis dies ſuos, & in  
puncto ad inferna deſcendunt. Cogitent & belluones ac lurcones omnes, qui  
ludendo, ſaltando, compotando, jocando, & ne dicam, quid aliud agen-  
do noctes conſumunt integras, &c. O qualis tunc erit rerum facies, quan-  
do veniet nox illa ſuprema, in qua non ampliùs pro animæ ſalutè licebit:



Ioan. 9. 4  
 Math. 22.  
 13

operari: *Venit nox, quando nemo potest operari?* Ah quid erit, quando fatalis illa à districtissimo Iudice feretur sententia: *Ligatis manibus & pedibus ejus, mittite eum in tenebras exteriores: Ibi erit fletus & stridor dentium?* Ah quid erit?

Jerem. 28. 6

5. Dum hæc agebantur, nocte jam adultâ concilium malignantium dissolvitur, & JESUS reus mortis judicatus terrimo carceri mancipatur. Ita quondam Jeremias Propheta ob prædicatam veritatem in squalidum ac limosum carcerem conjectus est: *Tulerunt ergo Jeremiam, & projecerunt eum in lacum Melechia filii Amelech, qui erat in vestibulo carceris, & submiserunt Jeremiam funibus in lacum, in quo non erat aqua, sed lutum: Descendit itaque Jeremias in cœnum.* Ita Joseph à perfidis Fratribus, donec Ismaëlitis venundaretur, in carcerem, seu in cisternam veterem abstrusus fuit: *Nudaverunt eum tunicâ talari & polymita, miseruntque eum in cisternam veterem.* Ita Daniel in lacum leonum missus est: *Tunc præcepit Rex, & adduxerunt Danielelem, & miserunt eum in lacum leonum.* O pietissime JESU, qui pertransisti benefaciendo, & sanando omnes oppressos à diabolo, cœcos illuminando, claudos erigendo, ægros sanando, mortuos resuscitando, &c. Et pro his,

Genes. 37.  
 23

Dan. 6. 16

Actor. 10.

38

Psal. 37.  
 10

Psal. 87. 7

Mallon. de  
 S. Sind. apud  
 me fol. 66.


allisque benefactis innumeris quid mercedis & gratiarum recepisti? *Traditus sum*, inquis ipse apud Psalterium Regium, id est, in carcerem teterrimum, squalidum, limosum ac subterraneum *& non egrediebar*, licet facile tenentium & ligantium manus potuissim evadere: *Oculi mei languerunt præ inopia*, hoc est, attenuati, & defatigati sunt ob lacrymas & sanguinem decurrentem, quas stillas vehementia passionis, Judæ ac Petri lapsus, Judæorum ingratitude & omnium hominum scelera funestissima illâ nocte mihi excutiebant: *Posuerunt me in lacu inferiori, in tenebris & in umbra mortis*, in quo tetro ergastulo ad columnam lapideam vinctis post terga manibus, annulo ferreo ac catenâ onerosâ in collo adstrictus per reliquam noctis partem non habuit, unde lassum, colaphis contusum, & mille livoribus deformatum caput reclinaret: *Postquam Caiphas, inquit Mallonius, in cathedra pestilentie sedens cum consilio malignantium impiam illam in Christi Caput sententiam protulisset, dicens: Reus est mortis, Christum impiis Ministris tradidit, cautè, usque dum illucesceret, custodiendum, gravissimisque ignominii afficiendum, præcipiens eis, ut illum tutò custodirent, protinus turba satellitum Christum in teterrimum carcerem in ejusdem palatio existentem, cujus adhuc dicuntur extare vestigia, conjiciunt, ibi ad lapideam columnam vinctis post terga manibus ligant, pugnis, calcibus, colaphis, alapis, loris, flagellis contundunt, lacerant, suamque in eum rabiem effundunt, adeoque crudeliter tractant, ut proximum morti vix non vitâ privârint, &c.*

O anime mi! si canis tuus, quem amas, ita indignè ac crudeliter fuisset tractatus, colaphizatus, percussus, & in foedissimum carcerem compactus, aliquâ


aliquā saltem commiseratione erga illum tangereris. Et ecce hæc ac tanta, imò & longè graviora pro te passus est Unigenitus DEI & MARIE Filius, Pater tuus amantissimus, benefactorum maximus, & quidem amore & causā tui; & tu ingrata ne quidem aliqua commiseratione & compassio- nis affectu erga DEUM tuum tangeris? O si sensum haberes, cum S. Fran- cisco foras prodires, & omnia ejulatu ac suspiriis compleres, quòd Domi- nus ac DEUS tuus tanta ac tam indigna pro te passus sit, quæ primum su- prema illa judicii dies proferet in apicum. O nox, ô nox, quā amara est memoria tua animæ verè DEUM suum amanti? Et quid interim per illam lu- ctuosissimam noctem dolentissima Mater? Juvat hîc audire devotissi- mum Blossium, ita hanc afflictiissimam Deiparam alloquentem: *O MARIA* Blossius  
*maestissima Mater! quā acerba, quā tristis nox ista tibi fuit! ut gladius Si-* Margarith.  
*meonis sæviit in Corde tuo! quis cogitare queat, quā ignita verba, quā servi-* Spir. P. 3.  
*das amoris scintillas totā illā nocte (velut è fornace) ardentissimum Cor tuum emi-* cap. 6.  
*serit? Forstā enim hoc, similive modo dicebas: O JESU Fili mi, Fili mi dul-*  
*cissime JESU! quis te mihi eripuit? Quis Matrem à tam charo separavit pigno-*  
*re? Ut quid non video te lumen desiderabile oculorum meorum? Quis det mihi*  
*JESU unicum Cordis mei solamen! Cur non tecum ivi ad mortem? Cur non con-*  
*festim te secuta sum abeuntem? O dulcis JESU! bone Fili, ubinam hodie per-*  
*noctas? In cujus es manibus? Quid modò pateris? ô si furentes Judæi suam in*  
*me crudelitatem evomere vellent! multò mihi dulciùs esset mori, quā in tantis*  
*angustiis videre te, &c.*

O anima Christiana, quid nunc restat? Audi consilium meum. Olim in extremo judicii die ingratis peccatoribus objiciet DEUS & Homo Chri- stus, nunc ut Judex univerforum à Patre constitutus: *Infirmus eram & in car-* Math. 25.  
*cere, & non vixistis me; Visitemus ergo nunc sæpiùs hunc infirmum & in-* 43  
*carceratum JESUM, ac Sacratissimam Matrem ejus, tota nocte la-*  
*mentis & lacrymis vacantem, ut mereamur audire:*

*Venite Benedicti, &c.*







## CONSIDERATIO XXIX.

Dolorosa Mater coram intuetur miserabilem dul-  
cissimi Filii sui flagellationem.



Pro peccatis suæ Gentis, vidit JESUM in tormen-  
tis & flagellis subditum. *Eccles. in Hym.*

I.



Uid musica in luctu? An non inopportuna narratio?  
Et tamen David, cum in summo luctu & vitæ peri-  
culo versaretur, musicam adhibuit: *Exurge gloria mea,  
exurge Psalterium & cithara, cantabo, & Psalmum di-  
cam.* Ad quid, obsecro, cithara ad cruentum bellum?

Erat tum temporis intervallo, quo hunc Psalmum composuit David in spe-  
cu Enggadiano, urgebant eum foris pugnae, intus timores, nam Saul hostis  
infensissimus cum suo exercitu eandem obsederat speluncam, ut Davidem  
regni



regni sui æmulum armata manu comprehensum perderet, & nihilofecius David in tanto rerum discrimine citharam suam apprehendit, ludit, ac cantat: *Exurge gloria mea, exurge Psalterium & cithara, cantabo, & psalmum dicam?* O mi David! non est tempus modò citharizandi & psallendi, quinimò apprehende armâ & scutum, & ad defensionem tuam respice: *Musica* Eccl. 22. 6 *enim in luctu inopportuna narratio.*

Observe hic, prudens Lector, rectè Davidem in hoc præsentissimo vitæ suæ periculo ad citharam suam confugisse, per illam enim, teste S. Augustino, Christus Dominus Filius David pro nobis patiens, flagellatus & crucifixus adumbratus est, proinde hæc mystica cithara, quam tunc in Spiritu Prophetico David præviderat, merirò illi etiam in rebus afflictissimis unico solamini fuit: *Caro humana patiens*, ait memoratus Antistes Hipponensis, *cithara est*; S. August. in *sonet cithara, esuriant, sitiant, dormiant, teneatur, flagelletur, irrideatur, crucifigatur, psalm. 56. sepeliatur, &c.* O luctuosa cithara! quàm flebilem sonum dedisti, dum cruentis impiissimorum militum manibus toties in passionè, ac præsertim in flagellatione, inspectante afflictissima Matre, pulsata es; ô quàm benè mœstissima Virgo tunc dicere poterat: *Versa est in luctum cithara mea, & organum Iob. 38. 11, meum in vocem fletum!* Audi naturæ Sympatheticæ prodigium.

2. Admodum R. P. Athanasius Kircherus S. J. vir in omni scientiarum genere excultissimus, in arte magnetica, magnetismo & musica recenset, quòd, cum aliquando Moguntia in Collegio Societatis JESU versaretur, in odeo illius Collegii chelyn majorem ad parietem appensam probaverit, atque invenerit ad contactum organi ita argutè resonasse, ac consonasse, atque si perita manu & plectro raderetur, causa erat, quia chordæ illius chelys æqualiter cum fistulis organi erant attemperatæ.

De duabus citharis, si fidibus æqualiter intensis instructæ sunt, & in S. Gregor. aliquo cubiculo è diametro sibi opponantur, refert S. Gregorius Magnus, M. in pri- quòd, si una sola earum peritâ citharædi manu pulsetur, altera quoque li- cip. lib. Mo- cet non tacta eadem suavi harmonia eosdem sonos & cantus referre soleat. ral. Naturæ hoc est sympathicæ singulare prodigium, proinde mea quidem opinione haud incongruè ejusmodi duabus citharis pro epigrapha inscribes: *Resonat & altera.* Vel potius & rectius:

## Unam tetigisse sat est.

Ita est, ô mi Lector! CHRISTUS, inquit doctissimus Fineti, & MA- Fineti Ita- RIA erant duæ citharæ mysticæ, quarum unâ sonante, resonat altera, nullo lus in Riffel- etiam pullante; JESU dolente, dolet & MARIA, JESU flagellato, flagel- si di Spir. latur & Mater, JESU crucifixo, crucifigitur & Mater, hic in corpore, illa in mente: *Quot laciones*, ait D. Hieronymus, *in corpore Filii, tot vulnera in S. Hier. de Corde Matris; nullum ictum recipiebat corpus, cui non tristis echo responderet* Assumpt. B. V.

Mater Dolorosa.

C c

in

S. Anselm. de  
Compasf.  
B. V.

*Corde Matris, &c.* O dulcissimum COR Virginis! quomodo capax fuisti unam in cruentissima flagellatione sufferre legionem plagarum? O Domina, subintrat hic S. Anselmus, quos fontes lacrymarum dicam erupisse de pudicissimis oculis tuis, cum attenderes unicum Filium tuum innocentem coram te ligari, flagellari, & carnem de carne tua ab impiis ita crudeliter dissecari?

Astor. 22.  
25

3. Erat autem flagellatio apud Romanos valde infamis, utpote vilissimis mancipiis ac pessimis latronibus, tum ad extorquendam veritatem, tum etiam ad condignè eos puniendos à Senatu destinata; hinc scelus erat flagellare civem Romanum, quia omnes nobiles & ingenui reputabantur; proinde D. Paulus Apostolus, natus Tarsensis sed civis Romanus, cum Hierosolymis in arce Antoniana, ubi præsidium Romanum erat, à Tribuno juberetur flagellari, & torqueri, ad columnam loris alligatus exclamavit: *Si hominem Romanum & inconvictum licet vobis flagellare?*

Judic. 15.  
14.

O bone JESU! quis unquam mortalium te nobilior fuit? Quare ergo tantum dedecus, ignominiam & pœnam per publicam ac tam cruentam flagellationem subire dignatus es? Cur non adinstar Samsonis funes & catenas, quibus ad columnam alligatus es, dirupisti? Si quis miles in castris, quia fortè transfuga extitit, aut aliud patravit delictum, virgicidio adjudicatur, ut unâ, vel alterâ vice ferulas cohortis sustinere cogatur, ô quanto metu percellitur miser! quantum vociferatur, quantum ejulat, dum à tot virgis & plagis illi tergum rubet! nullus hic videtur commilito, qui illius loco ad hoc se offerret supplicium perferendum. Umbras enarro, anima Christiana, plus pro te mitissimus Servator tuus in hac dirissima flagellatione sustinuit, ictus numero sexies millè, sexcentos sexaginta sex, ô numerum horrendum! nunquam hæctenus auditum! in quo cruciату haud dubiè expirasset JESUS, nisi divinitus ad crucem usque fuisset servatus: *Sacrosanctum & virgineum Corpus*, ait S. Laurentius Justinianus, *ita crudeliter in hac flagellorum tortura laniatum, ut ossa etiam in variis membris nudata carne & pelle apparuerint.* O laniem! vel in vilissima bestia, nedum in DEI & MARIE Filio miserandam!

S. Laurent.  
Justin. de  
agone Chr.  
cap. 34.

Virg. 2.  
Æcid.

Vide hic, & considera, anime mi, cum dolorosissima Matre: quàm dolorosis virgarum, flagellorum, scuticarum, & catenarum plectris hæc mystica cithara (innocentissima caro Christi) fuerit pulsata, & si quondam ab armorum sonitu, teste Virgilio, *ingemere cava, sonitumque dedere caverna*, multò magis tristes echo resonabat in tenerimo CORDE Virginis; ô quàm inenarrabili mentis cruciату, & lacrymantibus oculis aspexit, & contemplata est dulcissimum & unigenitum suum Natum; CORDIS sui unicum solamen, ad columnam marmoream ignominiosissimè, sicut natus erat, nudatum, loris alligatum, petulantissima militum cohorte cinctum, & nunc quidem speciosum forma præ filiis hominum, sed mox velut agnum mitissi-

um.



num ab ululantibus lupis discerpendum. Interim vidit accedere quatuor apparitores robustissimos, qui manu validissima, flagellis uncis ferreis horridis tenerrimum Corpus JESU discruciabant, & his lassatis, mox novi, novique succedebant, mutatis torturæ instrumentis. Eheu quantum contremuere tunc pia viscera Matris! nihil in hoc foro audiebatur nisi virgarum sonitus, flagellorum ictus, catenarum strepitus, blasphemiarum circumstantium, risus omnium. Interim madebat totum pavementum purpureo & Divinissimo Sanguine JESU, quem canes illi pedibus proculcabant. Ah quantus erat dolor afflictiissimo Jesu intueri coram dolentissimam Matrem suam; & licet Corpus illius ex hac carnificina ineffabiles senserit cruciatus, in animo tamen longè vehementius discruciabatur ex præsentia Matris, quam Pater voluit esse præsentem, ut Martyrum palmas omni jure mereretur, & ut reparet, quod Eva quondam destruxit; oportet hinc audire ipsa verba dolorosissimæ Matris: *Resumpto spiritu*, ait ad Birgittam, *vidi Corpus ejus verberatum Revel. lib. 1, & flagellatum usque ad costas, ita ut costæ ejus viderentur: Et quod amarius erat, cap. 18.* cum retraherentur flagella, carnes ipsis flagellis sulcabantur. Cumque Filius meus totus sanguinolentus, totus sic laceratus stabat, ut in eo non inveniretur sanitas, nec quid flagellaretur: Tunc unus concitato in se spiritu quasivit: Nunquid interficietis eum sic injudicatum? Et statim secuit vincula ejus. Inde Filius meus induit se vestibus suis; tunc locum, ubi stabant pedes Filii mei, totum repletum vidi sanguine, & ex vestigiis Filii mei cognoscebam incessum ejus: quod enim procedebat, apparebat terra infusa sanguine, nec ipsi patiebantur, ut se indueret; sed compulerunt, & traxerunt eum, ut acceleraret, cum autem duceretur, quasi latro, ipse Filius meus exterfis sanguinem ab oculis suis, &c. O lugubre spectaculum! & tu, homo Christiane, ad tam luctuosam tragœdiam quid agis? En totus JESUS tuus tui causa unum corpore toto vulnus fuit; & tu, inquam, quid agis? Non ingemiscis? Non erubescis? Non doles? Innocentissima Christi caro tam dirè affigitur, & tu tuam tam molliter tractas, toties gehennæ, & æternæ damnationis ream? Et quid tandem erit de te? Dic tibi ipsi sententiam, an sis membrum capiti conforme? Verùm progrediamur ulterius.

4. De Jacob Patriarcha recensent Sacræ Paginæ, quòd nunc in Ægypto moriturus de Messia in carne venturo, qui erit expectatio gentium, hoc illustre vaticinium tulerit: *Lavabit in vino stolam suam, & in sanguine uvæ pat-* Genes. 49.  
*lium suum.* Et quid hoc? Audi antiquissimum Tertullianum: *Lavit, inquit, II*  
*Christus stolam carnis & pallium corporis, quò Divinitas tegebatur, in rubro san-* Tertullian.  
*guinis sui vino tum maxime, quando innumeris flagellorum ictibus toto corpore* lib. 4. con-  
*cruentabatur.* O balneum saluberrimum, longè illo excellentius, quod quon- tra Marcionem.  
dam Constantino Magno, foeda corporis lepra infecto, ex innocuo infantium sanguine ex consilio Medicorum erat parandum. Veni igitur, anime mi! immergamus nos in hanc piscinam probaticam: *Et qui prior descendisset* Ioan. 5. 4.



in piscina post motionem, aqua, sanus fiebat à quacunque detinebatur infirmitate. Imitemur Naamum leprosum, & in his thermis salutiferis recipiemus animæ nostræ salutem: *Descendit, & lavit in Jordane septies juxta sermonem viri DEI, & restituta est caro ejus, sicut caro parvuli, & mundatus est.*

5. Sed quæres ulterius, quare mitissimi Servatoris nostri flagellatio ita præter modum cruenta ac crudelis fuerit? Si Judicem Romanum interroges, dicet, quia sine hac sanguinis pensione tumultuantibus Judæis non poterat satisfieri, ut ergo illorum animos ad commiserationem fleteret, jussit eum tam horrendè cædi. O crudelis, ô impia misericordia! Si JESUM interrogabis: *Quare rubrum est indumentum tuum sicut calcantium in torculari?* Respondabit: *Amor hæc fecit; ita S. Laurentius Justinianus: O charitas, inquit, quàm magnum est vinculum tuum, quo DEUS ligari potuit? Nullum vinculum Filium DEI ad columnam tenere potuisset, si charitatis vinculum defuisset.* Si Patrem æternum roges, quare in dulcissimo Filio suo tam acerbam permiserit flagellationem? Reponet: *Multa flagella peccatoris, ideo & multa inflicta sunt flagella Salvatori: Propter scelus populi mei percussit eum.* Si Matrem doloris & amoris? Dicet, ut te peccatorem ab æternis redimeret flagellis, & ne servus inobediens vapularet multis, ideo Filius meus Patri in omnibus obsequentissimus verberatus est multis plagis ac vulneribus; si Angelos? respondebunt: *Quia benignissimus JESUS te, ô mi peccator! nocentissimam Divinæ Justitiæ victimam & virum morte dignum dimisit, æquum erat satisfacere vadem.* O charitas infinita! peccat iniquus, & punitur justus: *Cujus, oro, subintrat hic S. Laurentius Justinianus, tam ferreum pectus tanta non emolliret benignitas Redemptoris? Ligatur, caditur, totoque flagris corpore dissipatur. Nunc scapulas, nunc ventrem, nunc brachia, nunc crura cingunt, vulnera vulneribus, plagas plagis recentibus addunt. Hinc livor tumens, inde sanguis erumpens, variatum cute detracta corpus adeo, ut membrorum compages visibiles fierent, &c.* O JESU flagellate! quid tibi debemus? Et quid tibi, ô Mater dolorosissima! quid? Et dic, quæso, sodes! si canem tuum domesticum cerneret tot plagis laucium & excoriatum, & si denuo ille de novo crudeliter fustibus etiam sine causa pulsaretur, nonne saltem aliqua commiseratione in illum tangereris? Et Agnus ille Divinus atque immaculatus ad ossa usque pro tua salute excarnificatus te ad compassionem & feriam peccatorum detestationem non moveat? *Illi, si cognovissent, nunquam Dominum gloriæ crucifixissent; tu autem cognoscis eum, in quem peccas, & tamen peccas? Væ tibi, si neque per sanguinem JESU flagellati, neque per lacrymas dolorosissimæ Matris ad compassionem & vitæ emendationem commovearis.*

6. Recordor hic Clothildis Reginæ, de qua referunt, quòd, cùm Regi Amalerico, homini gentili, barbaro, & inculto, matrimonio fuisset tradita, & ab eo multis injuriis, verbis asperis, imò & verberibus ad sanguinem usque afflige-

4. Reg. 5.  
14

Isa. 63.

S. Laurent.  
Just. lib. de  
ligno vitæ.

Psalm. 31.

Isa. 53. 8

3. Reg. 20.

S. Laurent.  
Just. de Tri-  
umph. age-  
ne Christi,  
cap. 14.

1. Cor. 2.

Vanb. in  
Quadr. de  
Pass. §. 4.

affigeretur, linteum pretiosum proprio cruore suo intinctum per nuntium loco litterarum ad fratrem suum germanum Gildebertum Franconiae Regem submisit, ut vel ex hoc miserabilem sororis statum ac conditionem agnosceret, & in tempore opportuno suppetias ferret. Intellexit sororis mentem frater Gildebertus & coacto exercitu Amalericum ad saniora compulit.

Lector Christiane, linteum sanguineis madens lacrymis & tibi transmittit non Clothildis Regina, sed Regina omnium Sanctorum, de qua refert Bary & alii, quod in passione & morte Unigeniti triginta lacrymarum millia & nongentas profuderit, in quo uberrimo lacrymarum effuso imbrey, testibus S. Germano, Theophilo, Mallonio & aliis, multas etiam sanguineas lacrymas emisit. O Sodalis, o Client Mariane! vel ex hoc agnosce dolores & gemitus Matris tuae. Et si quondam S. Gregorius M. cum amarissimas penitentis Magdalenae lacrymas, quibus sacros Christi pedes abluit, attentiore animo observasset, in similem amarum fletum prorupit: *Cogitanti mihi de Maria Magdalena penitentia, flere magis libet, quam aliquid dicere; cujus enim vel saxum pectus illa hujus peccatricis lacryma ad exemplum penitendi non emolliant?* Quid ergo dicemus de amarissimo lacrymarum torrente, quibus afflictißima Mater afflictißimum deplanxit Filium? Juvat hic audire Danielem Mallonium: *Hareo, inquit, & ita afficior, ut incertum mihi maxime relinquitur, debeamne magis Christi passionem, an MARIAE compassionem meditari: Divisum Imperium cum Jove Caesar habet: At divisam passionem cum Matre Christus habet; scinditur caro Christi flagellis, sed eisdem Matris Cor scinditur, nec minus MARIAE Cor, quam Christi Corpus laceratur; fluit sanguine Christi Corpus, fluunt lacrymis Matris oculi. Atrox spectaculum, horrida scena, in qua cum Christi patientia decertat tortorum savitia, & Christi cruciatui Matris cruciatus adjungitur. Quod tam saxum pectus, quod tam ferreum cor, quod Christi flagella non scindant, sanguis non leniat, & Matris lacryma non emolliant? Flagellatur Christus, adstat Mater, cum Filio Mater cruciatur, languentem, spirantem, animam agentem, spiritum quodammodo exhalantem Mater conspicietur, nec remedium praestare, nec ictus moderari, nec supplicia retardare, nec plagas tergere, nec dolorem lenire potest.* O dolentissima Virgo! quis tibi non ex animo compatiatur? Quis tecum non lugeat? Ah quomodo possibile fuit, quod pra dolorum multitudine & magnitudine tristissimum ac mater-num COR tuum non in mille dissilierit partes? O Domina! *Magna est, velut mare contritio tua, quis medebitur tibi?*

7. De Viro Religioso asseverat Mancinus, quod, cum in die Parasceves Augustae Taurinorum in Subalpinis Sacrosanctam Sindonem, in qua totius Corporis JESU flagellati, & undique convulnerati effigies exhibetur, vidisset, ac devota mente considerasset, ita commotus fuerit, ut mox

206 *Consideratio XXIX. B. Virgo adstat flagellationi.*

animo linqueretur. Cernitur autem in hac Sacra Sindone præter innumeras alias plagas, quibus virgineum Corpus JESU dilaceratum fuit, horribile quoddam vulnus in lumbis ejus, quod vix sine lacrymis & animi motu videri, ac considerari potest; quod ideo in sanguinaria illa flagellatione mitissimus Servator tuus in lumbis perpeti voluit, ut extingueret in te, ô Lector Christiane! fomitem ardentis libidinis, & ut in te maneret virtus continentia & castitatis; asseritque Mallonius, meditationem hujus plagæ horribilis in lumbis innocentissimi JESU peculiarem contra carnis petulantiam, quæ in lumbis residere dicitur, esse medicinam, atque præsidium evidentissimum.


Mallon. cap.  
9. num. 8.

Ad te me converto, ô pientissima Mater! si umbra & imago in sanguine Filii tui purpuratæ sindonis videntium animos non tam salutariter percellit timore, quàm etiam ad pias permovet amoris lacrymas, quid, obsecro, non umbra aut imago, sed ipse præsens dulcissimi Filii tui pro nobis tam atrociter flagellati aspectus in te fecit? O pelagus dolorum! ô abyssus desolationum! ô peccator! quid tu ad hæc? Et tunc audeas de novo in DEUM tuum peccare, & vulnera vulneribus addere? O brutum ingratum! moveant te lacrymæ sanguineæ hujus mœstissimæ Matris tuæ; moveat te sanguis innocentis Agnelli pro te tam largiter effusus: *Cur addimus*, inquit Melissus, *afflictionem afflicto? Magis aggravant vulnera peccati nostri, quàm vulnera Corporis sui, &c.*

S. Bernhard,  
serm. 2. Paschæ.







# CONSIDERATIO XXX.

Dolorosa Mater quanto cum dolore spectârit Filium suum spinis coronari, atque illudi.



Sicut lilium inter spinas; sic amica mea inter filias.

*Cant. 2. 2.*

1. **M**isor, dum mente attentiore perpendo, quod Divinus ille sanguinum Sponsus in Sacro Epithalamio non se flori horti, sed campi assimilavit: *Ego flos campi, & lilium con-* Cant, 2. 1).  
*vallium?* Rationem assignant Patres; quia flos horti hortulani manibus plantatus muro, aut asseribus clauditur, nec omnibus nisi domino horti patet; sed flos campi omnibus carpendus, fovendusque exponitur; hac de causa Christus non in urbe, sed in agro & campo nasci, atque crucifigi voluit; ut omnes ad eum liberum haberent accessum: *Flos*, inquit S. Ambrosius, *MARIÆ* Christus, qui bonum odorem fi-S. Ambros. lib. 2. de Spirit. cap. 5.  
*dei toto sparsurus orbe, virginali ex utero germinavit.* *Flos odorem suum* lib. 2. de Spirit. cap. 5.  
*su-*

*succisus reservat, & contritus accumulat, nec avulsus amittit: Ita & Dominus JESUS in illo patibulo crucis nec contritus emarcuit, nec avulsus evanuit; sed illā lancea punctione succisus, sacro speciosior fusi coloris cruore vernavit, mori ipse nescius, & mortuis aeternā vitæ munus exhalans.*

Observat autem Vatablus & alii in hunc locum, quod per florem illum campi non alius, quàm rosa subaudiri debeat, quid autem pulchrius, quid salubrius, quid odoratius rosa? Sic, subintrat hîc Cornelius, *Christus decor, odor, & salus est mundi, & sicut rosa sine spina non est, imò inter spinas nascitur, educatur, ac moritur; ita bonus JESUS, qui erat quasi plantatio rosa in Jericho, non nisi inter spinas natus, educatus, passus & mortuus est.*

Addit dilectus animæ Sponsus: *Et lilium convallium*; erat quippe lilium convallium, quando de supremo cœlorum throno, & de sinu æterni Patris in hanc infimam mundi vallem delapsus, factus est *novissimus virorum*, inter pecudes natus, inter latrones cruci suffixus, Judæ proditori in lotione pedum, & Barabbæ parricidæ in morte postpositus, an, obsecro, locus inferior in orbe terrarum? Sed & factus est sicut lilium inter spinas? *Christus*, inquit memoratus Ambrosius, *erat lilium in medio spinarum, quando erat in medio Judæorum, qui ipsum calumniati sunt, accusarunt, & crucifixerunt.*

Ejusmodi lilium & B. Virgo ac Mater dolorosa est, ita prædictus sanguinem Sponsus, ubi se flori campi & lilio convallium comparavit, mox ad Dilectam suam transgressus est: *Sicut lilium*, inquiebat, *inter spinas, sic amica mea inter filias*; supra quod pereleganter Rupertus Abbas: *Sicut Christus, ait, velut lilium, spinis Judæorum fuit transpunctus, sic & B. Virgo iisdem fuit compuncta, & transfixa, ac tunc præsertim, quando ipsa præsens hunc dilectissimum Filium suum in prætorio Romani Præsidis ab armatis, ferratisque manibus vidit, heu quanto cum luctu! spinoso, ac ringentibus aculeis horrido*

serto coronari; audi ipsam loquentem: *Aptaverunt, inquit, coronam de spinis capiti ejus, quæ tam vehementer reverendum Caput Filii mei pupugit, ut ex sanguine fluente replerentur oculi ejus, obstruerentur aures, & barba tota decurrente sanguine deturbaretur; cumque sic sanguinolentus staret, condolens mihi adstanti, & gementi, respexit sanguinolentis oculis, &c.* Et in alio loco eadem

dolorosa Virgo ad Divam Birgittam: *Tunc corona spinea capiti ejus artissimè imposita fuit, quæ ad medium frontis descendebat, plurimis rivis sanguinis ex aculeis infixis decurrentibus per faciem ejus, & crines & oculos, & barbam replentibus, ut quasi nihil nisi sanguis totus videretur.* O pientissima Domina,

omnium Matrum afflictissima! verè sicut lilium inter spinas tunc extitisti, quando in medio improborum huic luctuosæ, & hæctenus nunquam auditæ coronationi præsens interfuisti, stans tota tremebunda, & defixis nunc in cælum ad Patrem, nunc in patientem Filium oculis, & fortè etiam cum sanguineis lacrymis, nulli maledicens, sed patientissimè voluntati Divinæ omnia remitt-

Eccles. 24.  
18.

S. Ambros. de  
Instit. Virg.  
cap. 14.

Cant. 2. 2.

S. Birgitt,  
lib. 2. cap.  
10.

Lib. 4. cap.  
70.



remittens; unde Lenuma huic nostro mystico lilio inter pungentes spinas crescenti, aculeisque transfixo adjicere placuit:

## Transfixum suavius.

2. Varios quondam ritus ac ceremonias in coronatione Regum suorum observabant Hebræi, quos ad fontem vel ad arborem extra civitatem deducebant, ubi per Sacerdotes sacro oleo erant inuncti, supra thronum exinde regium collocati, & diademate redimiti, quibus & Liber Legis in manus tradebatur, ut Legem noscerent servare, ac defendere; his peractis, omnis populus aggratulabundus acclamavit: *Vivat Rex, vivat Rex.* Typum de hac veritate nobis exhibet pacificus Salomon in Gihon propè fontem inunctus: *Sumpsitque Sadoc Sacerdos cornu olei de tabernaculo, & inunxit Salomonem & cecinerunt buccinâ, & dixit omnis populus: Vivat Rex Salomon, &c.*

3. Reg. 1.  
39

Anime mi! ad aliam hodie invitaris coronationem; eheu quàm dissimilem, quàm luctuosam, quàm cruentam! vide, & contemplare dulcissimum JESUM DEI & Mariæ Filium, qui longè plùs est quàm Salomon, non quidem ad fontem, quia ipse erat *fons vita*, sed in prætorio Romani Judicis coronatum, non regali diademate, sed cruentis spinarum aculeis, non oleo sacro, sed pretioso sanguine suo inunctum, non in throno Regni sui, sed super durissimum lapidem collocatum, non Sceptro Regio, sed vilissima arundine insignitum. O quàm dissimilis isthæc erat coronatio inter utrumque Davidis filium! huic in die coronationis solennissimum adornabatur convivium; Christus Rex sæculorum *saturatus est opprobriis*; illi inter varios generis honores pretiosa quæque unguenta & suaves odores, odor nardi, odor thuris, & odor malogranatorum deferebantur; in patientissimum JESUM spinis coronatum non nisi putida & foetentia mittebantur phlegmata & oris excrementa: *Consuebant eum, & ponentes genua adorabant eum*; isti recens coronato lætæ gratulationes, & acclamationes à primatibus Regni, & ab universo populo fiebant: *Cecinerunt buccinâ, & dixit omnis populus: Vivat Rex Salomon*: heu quàm dispares plausus & aggratulationes in coronatione JESU audiebantur: *Veniebant ad eum, & dicebant: Ave Rex Judæorum; & dabant ei alapas.* Tandem dum Pilatus Præses Romanus hunc cœli, terræque Regem, cunctis gentibus desideratum, populo Judaico proponit ad adorandum: *Ecce Rex vester*, non audiebatur nisi illud ferale: *Tolle, tolle, crucifige eum.* O quanta hæc erat rerum metamorphosis! paucis abhinc diebus, hoc est, die palmarum acclamabant Judæi: *Benedictus, qui venit in nomine Domini, Rex Israël*; nunc: *tolle, tolle.* Ecce hic mundi stylus est; noli confidere mundo.

Matth. 12.  
42  
Ecclesi. 2. 1.  
26

Threnor. 1.  
30

Marc. 15.  
19  
3. Reg. 1.  
39  
Ioan. 19. 3

Ioan. 12;  
13

3. O mœstissima Virgo! quis tibi tum temporis intervallo talia, ac tam indigna cernenti, & accedenti animi sensus fuit? Bethsabæa Regina filium

*Mater Dolorosa.*

D d

suura



Cant. 3. 11

suum Salomonem in die desponsationis illius, ubi cum Sulamitide Ægyptia Regis Pharaonis filia desponsatus est, pretiosissima diademate, inæstimabilibus gemmis & margaritis intexto condecoravit: *Videte filiæ Sion Regem Salomonem in diademate, quo coronavit eum Mater sua in die desponsationis illius; & tu, ô pretiosissima Virgo, cœlestis Salomonis Mater, quæ in die incarnationis, ubi in thalamo virginiei uteri tui humana natura cum Divina desponsata est, hanc ipsam Filii tui Divinitatem corona carnis nostræ coronasti; ô tristis Mater! ô tristis Virgo! vide, ah vide, quomodo pessima, impia & crudelis Synagoga (ah quàm ingrata noverca) in hac die desponsationis JESU cum Ecclesia, eundem dulcissimum Natum tuum non diademate aureo, sed corona aculeatis vepribus horrida coronet: *Plectentes coronam de spinis, posuerunt super caput ejus, & tanta vi, ut plerique veprium aculei non duntaxat cutis teneritudinem perforarent, sed & ipsa ossa penetrarent, ita S. Vincentius Ferrerius: Plectentes, inquit, coronam de spinis marinis, quæ acutiores & longiores spinas habent cæteris spinis, capiti ejus imposuerunt, quæ eum in capite in septuaginta duobus locis crudeliter vuiderunt, nam erat ad modum pilei, ita quòd undique caput tegetet, & tangeret, ita quòd aculei ossa penetrarent, &c.* O sanè gravis dolor, qui omnem nostram superat fidem. Interim aperiuntur sacrosanctæ venæ, fluit, & currit undique cruor, & facies illa, in quam desiderant Angeli prospicere, non nisi sanguis erat, qui de vulneribus Divini verticis decurrens oculos, genas, aures, nares, barbam, os, ipsosque humeros non modò tinxit, sed & opplevit. O anime mi! quis hîc enarrabit, quinam major fuerit dolor aut amor in Sacratissimo CORDE JESU & MARIÆ? Certè uterque summus erat, & tamen mitissimus JESUS, cùm Matrem in tanto videret supplicio, plus dolore Matris, quàm suo affligebatur.*

Matth. 27.  
29S. Vincent.  
Ferrer. in  
Parasc.Nebrid. in  
suo Fascic.  
Myrrh. cap.  
10.

Cæterùm stabat in principio hujus inauditæ coronationis dolentissima Virgo sine sensu, sine voce, sed non sine amarissimis lacrymis, tandem verò in hæc erumpebat lamenta, prout pereleganter observat Nebridius: *O mi Fili, quam informem te aspicio! hiccine est vultus tuus, ô Salomon, quem videre desiderat universa terra? O Angeli, qui ministrastis ei in deserto, quin abstergitis eum? ô æterne Pater! en Unigenitus tuus, speciosus formâ præ Filiis hominum, quomodo deformatus est; mutatus est color optimus, ac tetrrior leproso est, qui quondam rutilavit ut sol. O mi JESU, quis mihi det mutari in te, ad pro te patiendum dolores hos! ô spina, ô spina quàm acerbè transfigitis animam meam. Vos, ut experior, ille mihi Simeonis gladius estis: Vos illæ spinæ estis, quas DEUS Pater in paradiso peccati prædixit Adamo. Heu me miseram! si spinis expungendum delictum Adami est, adeste milites, prius peccavit sæmina, prius quoque sæmina pœnam sentiat. En si non sufficit caput, habete totum corpus meum, vulnerate, compungite, laniate sicut vultis: Coronate me quoque in Reginam;*

nam

*nam hujus Regis ego Mater sum. Quid parcendo me affligitis? Si parcere vultis, lœdite me cum Filio. O Filia Jerusalem, venite, egredimini, & videte Regem Salomonem in diademate, quo coronavit eum hæc impia turba militum in hoc amaritudinis die. O anima Christiana, quis non animitus compatiatur tanto Filio? Tantæ Matri? Si cætera membra compatiuntur capiti, dum affigitur, ubi amor noster, ubi mœror, & compassio? Verè qui hic non dolet, & non compatitur CHRISTO patienti Capiti & Sacratissimæ Matri ejus dolorosæ, hoc ipso ostendit, se non esse membrum Christi, nec Clientem Mariæ.*

4. Quæres hîc, pie Lector, quare dolorosissimus JESUS, postquam jam cruenta subiit flagella, etiam spinis coronari voluerit? Reges alii & victores olim pro egregiis suis facinoribus diversis redimebantur coronis aliquando ex auro, gemmis & Margaritis, aliquando ex lauro, oliva, hedera, quercu; aliquando ex odoratis herbis, floribus, rosis & liliis intextis, sed floridus noster Nazaræus pretiosissimus JESUS corona spinis horrente, & sentibus hispida, paliurisque asperrima coronatur; ô quàm indignum diadema! non præceperat Pilatus ludum tam tragicum, tam funestum, tam cruentum, sed dæmon & barbara militum rabies novam hanc, & hætenus invisam ac prorsus inauditam paravit scenam, audierant enim impii Sathanæ ministri, innocentissimum JESUM à Judæorum principibus Regem appellari, mox furia Romana, pecuniis à Judæis in hunc finem subornata, decrevit coronam, & quidem de spinis, ut majori ludibrio impii deicidæ Filium DEI afficerent, & COR Matris dolorosæ amplius torquerent, erat enim hæc corona adinstar fulminantis gladii, aut crudelissimæ lanceæ, quæ maternum pectus transfigebat, ita ipsa Diva Virgo ad S. Birgittam: *Tertia lancea mihi erat S. Birgitt. spinea corona ejus, quæ sic immaniter pupugit caput ejus sanctissimum, ut sanguis lib. 1. c. 27 deflueret in os ejus, in barbam, & in aures ejus.*

Causam hujus probatissimæ coronationis assignant Patres, ideo Serviatori nostro Caput spinis præinctum, ut maledictum solveretur, quod primus homo per peccatum contraxerat; ita Divus Hieronymus: *In corona Genes. 3. 18 spinea maledictum solvit antiquum: Spinas & tribulos germinabit tibi. Coronatus est ex spinis & tribulis, ait Tertullianus, in figuram delictorum, quæ nobis Vide Mal-  
protulit terra carnis, omnes aculeos mortis in Dominici capitis tolerantia obtundens. Coronatus est spinis, ut adimpleretur Scriptura: A planta pedis usque ad verticem non est in eo sanitas; Corpus enim totum virgis, flagris, catenis, & aculeatis flagellis erat concisum, facies colaphis lurida & sputis fœdata, dentes luxati, aures oppletæ maledictis, &c. Solus vertex adhuc aliquid habebat sanitatis, quod sentium aculeis erat obliguriendum. O bone Cact. 7. f  
JESU, nunquid caput tuum sicut purpura Regis, & vertex tuus plenus rore, & siccini*



3. Bernhard.  
serm. 5. in  
Fest. O.O. Ss.

*cicinni tui guttis noctium?* Coronatus est insuper, quia non tantum Rex noster & animarum Sponsus erat, sed & victima pro salute totius mundi in ara crucis immolanda, moris autem erat tum apud Judæos, tum Romanos, ut DEO T. O. M. victimæ viridi serito coronatæ offerrentur. Coronatus denique est, quia capitibus nostris multa delicta committimus, tum interna per malas cogitationes, tum externa nimio luxu & ornatu; vide, & mirare, optime Lector, qualia capillitia, quàm pretiosa, & crispata nunc gestent viri effœminati, & quousque mulierum vanitas suas erigat cristas? & hoc inter Christianos & Orthodoxos? Christo Sponso nostro relinquimus spinas, & nos coronemus nos rosis? *Pudeat, subintrat hîc Mellifluus, sectari gloriam membra, quibus caput suum tam inglorium exhibetur! pudeat sub spinato capite membrum fieri delicatum.*

Joan. 19. 5.  
Nebrid. in  
Fasc. cap. 11.

Genes. 22.  
13.

Exod. 3. 2

Isa. 53. 2

5. O Mater doloris & amoris, quæ à Filio tuo nec poteras, nec volebas separari, dic nobis, quid tum senserit COR tuum, ubi dilectum votorum tuorum & innocentissimum Filium mortuo & excoriato pecori, quàm homini vivo similiorem spectasti? Ah quid tunc pensabat COR tuum, ô omnium afflictissima Matrum? Sed nondum hîc tormentorum finis, plus ultra, ô Domina! facta hac coronatione, milites JESUM (prout erat) nudatum, toto corpore saucium, & lacernulâ, seu frusto obsoletæ purpuræ vix tegendo dorso sufficiente vestitum, arundinemque (vanitatis Symbolum) manu gestantem, per atrium ac prætorium ad præsidem & iniquissimum Judicem rapiunt: *Exivit ergo JESUS portans coronam spineam & purpureum vestimentum.* Observat hîc citatus Nebridius: *Jesus autem transibat Matrem cum gemitu, qua etiam post milites secuta est eum intro, nam per totam passionem, quantum poterat, ei appropinquabat, neque unquam ab eo separabatur.* Ah quid tunc pensabat afflictissima COR tuum, ô Virgo dolentissima? Credo, & firmiter mihi persuadeo, illo temporis tractu tibi venisse in mentem agnum illum masculum vepribus coronatum, loco Isaaci in monte quondam Moria ab Abrahamo immolatum: Ergone (ita tecum suspirabas) ô mi JESU! tu es ille agnus innocuus, immaculatus, spinisque cinctus, qui pro delictis totius populi hodie in Calvario monte eris immolandus? Moyse quondam in typo, ô Fili mi! in rubo spinoso, ardente quidem, sed incombusto, apparere dignatus es, nunc ipse ingenti tormento cruentis es redimitus, & circumdatus spinis? Aaronem summum Sacerdotem pretiosa voluisti coronari tiara, & caput ejus odorifero inungi, ac perfundi unguento, quod per barbam & vestimenta decurrens universæ multitudini gratissimum sparsit odorem: *Sicut unguentum in capite, quod descendit ad oram vestimenti ejus;* Heu Fili mi JESU, Sacerdos & victima, quàm dispari tiarâ redimitus es? fuit & pretiosum unguentum Sacrosancti cruoris tui de capite per genas, barbam & faciem, plurimis sese dif-



fundens rivulis, totumque vestimentum, quod est Ecclesia, vitæ & æternæ salutis odore perfundens. O Pater æterne! quomodo permittis tanta, ac tam indigna pati dilectissimum Filium tuum? Video immensi tui amoris in genus humanum affectum & effectum:

*Pungentem caput, & cerebrum gestare coronam  
Cogit amor, cogit vulnera tanta pati.*

Et quia ita tibi placuit, ô Pater! placet & mihi indignissimæ Matri ejus; fiat, ô Domine, in omnibus sanctissima voluntas tua. Hæc vel similia secum animo volvens mœstissima Mater, alto ingemuit suspirio, cum Prophetæ threnologo compassioni, planctui ac lacrymis omnes laxans habenas: *Deduc quasi torrentem lacrymas, per diem & noctem: Non des requiem tibi, neque taceat pupilla oculi tui, &c.* Et tu, anime mi! qui hæc legis, quid agis? ô dolorosissime JESU! ô dolorosissima Mater, quis hæc mente attenta considerans, etsi ferreus ac adamantinus sit, non emolliatur? Quis non ex animo vobis condoleat? dolent saxa & rupes, & ego, qui per innumera mea delicta istorum omnium sum causa dolorum, adhuc persisto immotus? O lacrymæ meæ, ubi estis? Plangam, ah plangam & ego diebus ac noctibus omnes iniquitates meas; tibi, ô mœstissima Mater! me in planctu sociare desidero, ut totus tecum mergar in compassionis Oceano.





## CONSIDERATIO XXXI.

Quanto dolore & compassione Dolorosa Mater  
audierit, & viderit Filium suum damnari ad mortem.



Captabunt in animara iusti, & sanguinem innocentem condemnabunt. *Psal. 93. 21.*

I. **I**bi Jonas Propheta mari mediterraneo se quondam commisit, ut felici vento à portu Joppenfi in Tharsin transmitteret, subito ingens procella & tempestas excitata est. Nautæ videntes hanc repentinam malaciam à DEO scelerum vindice immiffam, statuerunt sortem mittere, quisnam inter ipsos reus ad placandam Numinis iram in iratum pelagus mitteretur: *Et cecidit fors super Jonam*; dum videlicet prima chartula, cui nomen Jonæ inscriptum erat, primâ vice ab urna deducta Jonam reum proclamavit. Verum quid ad hoc Jonas? Vide, anime mi, & admirare ex-

celsum Prophetæ animum: *Tollite me, inquit, & mittite in mare, & cessabit mare à vobis*; quem cum viri non reluctanter arriperent, & in fretum præcipitem agerent, extemplò omnis tempestas cessavit: *Et stetit mare à furore suo*. Nos in præfixo nostro Emblemate huic Prophetæ in mare misso pro epigraphæ inscribimus:

## Mergor, ne mergantur.

Per hunc Jonam mitissimum Redemptorem nostrum ad mortem crucis ab iniquissimo Judice Pilato condemnatum rectè intelligunt Patres, dum sese ultrò ac voluntariè pro salute universi generis humani, ne æternum periret, in cruentum passionis mare demitti permisit: *Tollite me, & mittite in mare; & cessabit mare à vobis*. Videamus modò, quomodo inspectante Matre dolorosa hæc vita nostra damnata sit ad mortem.

2. Joseph Jacobi Patriarchæ filius, decorus aspectu, & cultu regio insignis, cum nunc tanquam Pro-Rex Ægypti & Salvator Regionis in curru regali sublimis per urbem veheretur, tantus subitò inter filias civitatis concursus factus est, ut non plateas duntaxat, sed & muros & fenestras omnes replerent, ut ejus pulchritudinem & faciei majestatem possent contemplari: *Filius accrescens Joseph, filius accrescens, & decorus aspectu, filia discurrunt super murum, &c.* Genes. 49, 22

Egredimini filia Sion, & videte Regem vestrum, *speciosum formâ præfatus hominum*, quem tot olim votis Abraham & Patriarchæ videre gestierunt, nunc in diademate suo è prætorio Romani præsidis Pilati ad populum egredientem. Eheu quid video? O spectaculum funestum omnium creaturarum lacrymis deplorandum! *Exivit ergo JESUS, portans coronam spineam, & purpureum vestimentum, & dicit eis (Pilatus) ecce homo*. O superi! quid hoc est? Loco regalis diadematis hic Rex Regum coronam de pungentibus spinis horridam, & loco sceptri vilissimam arundinem tenet, pro pretiosa purpura abjectum & laceratum militare vestimentum, atque pro vellere aureo crassum funem, vel ut alii volunt, catenam ferream in collo gestat, totumque corpus ejus innumeris ferè plagis & flagris, sputis & livoribus adeò deformatum est, ut excoriatam pecudem facilius, quàm hominem repræsentet: *Egredimini, & videte filia Sion Regem Salomonem in diademate, quo coronavit illum Mater sua* (impia, scelerata, & ingratißima Synagoga) *in die desponsationis illius*. O Pater Cœlestis, respice in faciem Christi tui, & vide, num sit hic Filius tuus dilectus, in quo tibi semper benè complacuisti? O Mater amoris & doloris, quæ præsens spectasti tam cruentum, tam indignum, tam miserabile spectaculum, an hic Filius tuus, in quem desiderant Angeli prospicere? Paulò antè dicebant Judæi, & præsertim afflicti, miseri, desolati: *Eamus ad S. Birgitt. lib. 6 c. 58.*



mus virorum, cujus pulchritudinem sol & luna mirantur? O Domina! dic nobis, si tamen præ dolorum magnitudine dicere quid possis, an hic Filius tuus DEus & Homo Christus? Ah non homo, sed vermis est, & abjectio plebis! & quid peccavit dulcis ille JESUS tuus? Ah fluite, fluite lachrymæ: *Deduc quasi torrentem lacrymas per diem & noctem: Non des requiem mihi, neque taceas pupilla oculi mei.* Ego, ego sum reus tam cruentæ tragœdiæ & necis Christi! Judæos incuso, & ego ipse sum ille vir mortis: O afflictissima Domina! pudore suffundor coram facie tua ob innumeras iniquitates meas, quibus offendi Dominum ac Deum meum; ah ego, ego interemi Filium tuum, ô Mater dolorum, en habes hîc confitentem reum, ah ignosce! quod fuit nunc Deus, ego deliqui; exora mihi, obsecro, cor contritum & humiliatum, &c.

Threnor. 2.  
18

3. Jobum pientissimum illum virum ubi quondam Eliphaz, Baldad & Sophar, tres amici conspicati sunt toto corpore plagatum, excruciatum, & à diabolo pessimis ulceribus percussum, magnitudine mali percussus non poterant eum cognoscere; tanta erat fortunæ, vultûsque mutatio; *Cumque ele- vassent procul oculos suos, non cognoverunt eum, & exclamantes ploraverunt, scissisque vestibus sparserunt pulverem super caput suum in cælum, & sederunt cum eo in terra septem diebus & septem noctibus, & nemo loquebatur ei verbum: Videbant enim dolorem esse vehementem.*

Job. 2, 12.

Joan. 19. 8

Ecce plus hîc quàm Job: *Exivit ergo JESUS portans coronam spineam & purpureum vestimentum,* & à planta pedis usque ad verticem non erat in eo sanitas, quem Pilatus Judex Populo universo, diducto vestimento purpureo, & extento digito monstrans, ait? *Ecce homo;* ita nimirum mitissimus Agnus ab invidis illis & ferocissimis lupis erat tractatus, flagrisque contritus, ut in homine homo quærendus esset. O qualis tunc animi sensus tibi fuit, ô mœstissima Matrum! ubi hoc luctuosissimum, nunquam auditum, & toti orbi heu nimis lacrymabile spectaculum vidisti? Si adeò de calamitate Jobi doluere tres illi prænominati amici: *Exclamantes ploraverunt, &c.* Quis, obsecro, explicet, aut mente concipere possit animi tui dolores, ô Mater dolorum, cum non Jobum, sed unigenitum tuum ac dulcissimum animæ Sponsum, quem quondam fasciis ligasti, in præsepio reclinasti, & virgineo lacte enutristi, nunc nudatum vestibus, funibus & catenis ligatum, spūis fœdatum, à crudelibus virgatoribus verberatum, spinoso ferto redimitum, & inhumanissimè excarnificatum conspicata es, ut factus sit, quantus erat totus, unum vulnus? Et si dilectissimi Filii tui Corpus in passione supra quinque vulnorum millia pertulit, revera non paucioribus SS. Cor tuum convulneratum fuit: *Sicut,* inquit Richardus à S. Laurentio, *non fuit dolor, sicut dolor ille, qui pertransivit corpus & membra Filii, sic non fuit dolor, sicut dolor ille, qui ad Matris viscera per compassionem pertransivit.* O anime mi! quis vel ferreus hæc considerans non emolliatur? O lacrymæ ubi nunc estis? Quoties etiam pro rebus vilissimis expe-

Rich. à S.  
Laur. lib. 3,  
fol. 143.

ditæ curritis, & nunc moramini? Ah fluite, fluite. O dolorosissime JESU! ô Mater afflictiſſima! adaperite cataractas duriffimi cordis mei, ut deſeam diebus ac noctibus non tam paſſionem veſtram, quam & innumera delicta mea, quibus tantorum fui cauſa dolorum.

4. De Joiada Hebræorum Pontiſce recenſent Regum Annales, quòd in conjuratione contra impiam Athaliam populo, in templo in unum tunc congregato, Joas Regium Principem ex Ochozia oriundum (quem jam pridem omnes mortuum & occiſum autumabant) in medium produxerit, quem ſtans in loco elatiore univerſæ populi multitudinì, ut legitimum ac unicum Regni Iſraëlitici hæredem, ac Regem inaugurandum præſentavit: *Ecce Rex veſter*. Quid hîc expectatis, amici? Applaudunt omnes: *Vivat Rex* Audi Scripturam: *Produxitque Filium Regis, & poſuit ſuper eum diadema & teſtimonium, ſecerantque eum Regem, & unxerunt, & plaudentes manu dixerunt: Vivat Rex.* 4. Reg. 11. 12.

Age anime mi, & unâ mecum Regem cœlorum, ac Dominum univerſorum, non jam clarum imperio, ſed plenum opprobrio conſidera, quomodo eum Pilatus, homo gentilis & idololatra, in ſuperiori palatii ſui ambulacro populo Iſraëlitico, tanquam promiſſum à Deo Meſſiam, Regemque tot ſæculis ab illo populo deſideratum, publicè demonſtret: *Ecce Rex veſter*. Quid hic reſponſi ab univerſa plebis multitudine? Heu lugendam rerum humanarum metamorphoſin! paucis abhinc diebus, hoc eſt, Dominicâ Palmarum acclamabant omnes: *Ecce Rex tuus venit tibi manſuetus, ſedens ſuper aſinam, & pullum Filium ſubjugalis; & benediſtus, qui venit in nomine Domini; nunc à Phariſæis, & omni populo non alius auditur clamor, & vociferatio, quàm illud ferale: Tolle, tolle, crucifige eum: Non habemus Regem, niſi Caſarem.* Ite nunc, mortales, & in mundi hujus imundi conſtantia confidite. Nuper cum quinque hominum millia quinque panibus hordeaceis & duobus piſcibus abundantiſſimè ſatiâſſet, miraculo moti eum in Regem ſuum inaugurare volebant, nunc eundem cœli terræque Dominum latroni poſtponunt, homuncioni tam vili, & DEum parricidæ? O Mater dolentiſſima, quæ per totam ferè paſſionem Filio quàm maximè appropinquabas, Mater non jam Filii Dei, ſed Filii mortis, quid tu, obſecro, ad hunc feralem populi clamorem? *Crucifige, crucifige eum?* Ah quid ad tot blaſphemias, injurias, & inſanas rabies? *Minimè*, ait Nebridius, *immodeſtè clamabat, aut ejulabat, evellens ſibi crines, aut inſtar inſanè lugentium ſæminarum brachia hinc inde contorquens, ſed ſtabat pallida, gemens ac tremens, totosque lacrymarum torrentes in ſilentio profundens, multaque cogitans, pauca loquebatur, ſic, ut nec inimici ejus aliud in ea deprehenderent quàm gravitatem. Deſebat autem non tam Filii ſuave calamitatem, quàm inauditum contemptum, quo Deus æternus tot contumeliis à perditiffimis hominibus afficiebatur; itaque ſecuta milites, inò potiùs ſanguineas guttas, quæ de capite Domini ubertim diſtillantes viam demonſtrabant, ipſum ingreſſa eſt prætorium, ne fortè Filius absque ſe moreretur.* Ioann. 19. Matth. 2. 5. Ioann. 6. 15. cap. 11.

Mater Doloroſa.

Ee

5. Re-



Dan. 6. 14

5. Recordor hîc Danielis, apud Darium Persarum Regem quondam ab invidis regni satrapis accusati, quòd contra edictum regum egisset, dum ter de die DEum suum flexis genibus adorasset, hinc non tam mortis reum, quàm dignum esse, qui vivus in lacum leonum mitteretur, à cruentis faucibus devorandus. Quid ad hanc calumniam Darius Rex? *Contristatus est*, inquit Scriptura, & pro Daniele posuit cor, ut liberaret eum, & usque ad occasum solis laborabat, ut erueret illum. Verùm nihil profecit hæc Regis in Daniele benignitas: *Scito Rex*, sic enim interpellant Darium satrapæ, *quia lex Medorum atque Persarum est, ut omne decretum, quod constituerit Rex, non liceat immutari*; unde invitus sententiam tulit: *Tunc Rex præcepit, & adduxerunt Danielem, & miserunt eum in lacum leonum.*

Iean. 19. 7

O benignissime JESU! tu per illum Danielem præfiguratus es, dum per summam invidiam accusatus, & ad lacum leonum, mortemque crucis injustissimè damnatus es. Noverat quidem Romanus Præfes tuam innocentiam, proinde variis modis allaboravit, ut te è manu Judæorum liberaret, & in pristinam assereret libertatem: *Et pro Daniele posuit Cor, ut liberaret eum*; verùm nihil profecit hæc Judicis benignitas: *Nos legem habemus* (ita succlamabant omnes illi impiissimi deicidæ) *& secundum legem debet mori; & si hunc dimittis, non es amicus Caesaris.* Hic nodus erat, à quo tandem fractus est Judicis animus; hinc ex respectu merè humano & vano timore vitam morti adjudicat, atque in JESUM sententiam judicariam & irrevocabilem non Hebræo sed Latino idiomate scribit: *JESUM Nazarenum, subversorem gentis, contemptorem Caesaris, & falsum Messiam, ut majorum sua gentis testimonio probatum est, ducite ad communis supplicii locum, & cum ludibrio Regiæ Majestatis in medio duorum latronum cruci affigite. I licitor, expedi cruces.* Quam funestam & injustissimam sententiam pretiosissimus orbis Salvator etiam flexis genibus excepit, offerens se ultrò Cœlesti Patri in gratissimam victimam, nunc pro salute mundi in ara crucis immolandam. O anime mi! pensa hîc, & repensa, quomodo amore tui Christus Dominus ac DEUS tuus factus sit obediens usque ad mortem, mortem autem crucis: *Dilexit me, & tradidit semetipsum pro me*; ô prodigium amoris! cogitavit de te amantissimus JESUS, quasi non esset alius præter te in mundo, pro quo vitam, sanguinem & omnia expenderet; & tu, ingratisime homuncio! non ames JESUM pro tua salute ad crucis mortem condemnatum? Ut tu viveres æternùm, mortua est pro te heu vita æterna! tanti ponderis erant peccata tua; & lubet adhuc peccare, atque Christum de novo morti tradere?

Gal. 2. 20

Expendede insuper hîc sensum dolorosissimæ Virginis Mariæ, quæ, ut piè creditur, & plures Scriptorum asserunt, hanc condemnationis sententiam præfens audivit. Heu quàm acerbum oportuit fuisse illum dolorem in teneerrimo CORDE MARIÆ, dum ex ore Judicis audivit hanc condemnatoriam sen-

Ambr. Spi-  
nol. in Med.  
apud me fol.  
466.



entiam: Ego Pontius Pilatus JESUM cruci adjudico, quod idem est dicere: Ego pulvis, terra, & nihil, Authorem vitæ, & Dominum cœli & terræ mori addico, & quidem morti turpissimæ crucis. Si commota sunt omnia viscera illius Mulieris, cujus Filium Regum prudentissimus præcepit, ut in duas partes divideretur; quid dicemus de tali ac tanta Matre, dum Romanus Julex contra omne fas & æquum, atque contra propriam conscientiam, in innocentissimum Filium mortis & crucifixionis tulit sententiam? *Quis tibi tunc sensus, cum cernis talia, Virgo?* O Angeli, advolate, ubi estis? Daniele m' lacu leonum liberastis; Isaacum à gladio parentis; Petrum à carcere, & manu Herodis; Tobiam à cete & Asmodæo; tres pueros à camino ignis ardentis; Juditham à manu Assyriorum; Loth ab incendio; Davidem à peste, &c. Et ecce Creator vester, DEUS & Homo Christus, qui peccatum non fecit, nec inventus est dolus in ore ejus, injustissimè ab impiissimis sycophantis condemnatur & rapitur ad mortem? O Angeli, ubi estis? Quare non liberastis innocentissimum JESUM à manu peccatorum, & reddidistis eum doctissimæ Matri suæ incolumem? Actum ago: Altum hîc factum est in cœlo silentium, & Angeli pacis omnes amarè flebant, quia in Consistorio Divino statutum erat, ut unus homo moreretur pro populo, ut non tota gens periret. Attende hic, anime mi, quanto pretio steteris: Excita igitur in te magnam in DEUM fiduciam, & in infinita Christi merita, ac roga piensissimum JESUM per afflictissimum COR SS. Matris suæ, ut non intret tecum in judicium, pro quo ipse judicium mortis subire dignatus est.

6. Cum Regina Saba ex Æthiopia Hierosolymam veniens Salomonem in sua gloria cerneret, ejusque præsens audiret sapientiam, præ admiratione & stupore tantæ Majestatis extra se rapta est: *Non habebat ultra spiritum.* Ubi Esther Regem Assuerum insolita cum Majestate in throno suo confidentem conspexit, tremore percussa, quasi exanimata corruit: *Regina corruit, & in pallorem colore mutato, lassum super ancillulam reclinavit caput.*

Num B. Virgo & Mater dolorosa, ubi JESUM dilectissimum Filium suum, Regem sæculorum (qui plus est quàm Salomon, aut Assuerus) nunc adeò deformatum, adeò dirè tractatum, sanguine perfusum, & ad mortem crucis condemnatum vidit, animi deliquium passa sit, certò non constat; subintrat tamen hîc S. Anselmus: *Estne aliquis, inquit, qui queat percipere qualitatem pectoris ejus?* O afflictissimum COR MARLÆ, quis tuos hîc exprimet dolores? *Adstabat MARIA,* ait Joannes Taulerus, *cum eum Pilatus ad populum produceret, dicens: Ecce homo; sed cujus possit animus capere, quis te dolor invaserit, cum eundem unicum tuum tam dirè ligatum, tam ex verberibus, sputis sanguine miserandum in modum deformem cerneret, ut penè hominis speciem videretur amisisse?* Et quidem omnino verisimile est, amabilem Dominum dulcissimam Matrem suam, quàm potuit placidissimè, respexisse, quodque verbis nequivit,

3. Reg. 3.  
55.

Dan. 6. 22.  
Genes. 22.

11  
Act. 12. 7  
Tob. 6. 3.  
Dan. 3. 95.  
Judith. 12.

20  
Genes. 19.  
15  
2. Reg. 24.  
16

3. Reg. 10. 5  
Esther. 15.  
10.

S. Anselm.  
de Excell.  
Virg. cap. 5.  
Jo. Tauler.  
Exercit.  
vitæ Christi.  
c. 19.

In Cant. p.  
118.  
S. Laurent.  
Justin, lib.  
de agone  
Christi. c. 12.

*amicabili fecisse aspectu*: O tristis aspectus! *Mutuo se aspicientes*, inquit Asterius, *mutua sibi fiunt specula*: proinde haud immerito S. Laurentius Justinianus illud SS. Cor Virginis clarissimo speculo passionis Christi, & perfectæ mortis imagini comparavit; sicut enim si quis sanguinolentus, vel vulneratus in speculo se intuetur, idem speculum illius hominis effigiem pariter sanguinolentam vel vulneratam referre solet, ita in Corde dolorosæ Matris totus Sponsus sanguinum vulneratus & cruentatus videre fuit. O anima Christiana, imitare dolorosam Matrem, & non aliud tibi speculum propone, quàm *ecce homo*: Si tentaris, condemnaris, mortificaris, infirmaris, cruciaris, tristaris, moreris, cogita *Ecce homo*: *Fecisti*, ait S. Drogo, *ô bone JESU, de Corpore tuo speculum animæ meæ*, & quid est, quod non æquanimiter toleremus, si Christi passionem ad mentem revocamus? *Christo igitur passo in carne, & vos eadem cogitatione armamini.*

S. Drogo  
Ep. Hort. de  
Pass.  
1. Petr. 4. 1

7. Interea milites, latâ & publicatâ mortis sententiâ, optimum JESUM de loco illo sublimi, ex quo circumfusæ multitudini à Pilato in spectaculum proponebatur, de novo secum in prætorium rapiunt, in quo eum exutâ purpurâ, propriis induerunt vestibus, jubulantibus interim & plaudentibus Sacerdotum principibus, Scribis & Phariseis, quod nunc è medio tolleretur ille, qui hætenus toties eorum taxabat, & corripbat crimina.

Genes. 37.  
27.

Fratres Joseph, licet barbari, inhumani & invidi, qui non aliud nisi cædem & sanguinem innocui fratris sui sitiebant, ubi audierunt à Juda hoc consilium: *Melius est, ut venundetur* (Joseph) *Ismaëlitis & manus nostra non polluantur, frater enim & caro nostra est*; sine mora acquieverunt ad consilium ejus, & motos iræ compoluere fluctus: *Acquieverunt fratres sermonibus illius, eò quia frater & caro eorum erat.* O quàm crudeliores & inhumaniores fuerunt Judæi erga Christum, dum neque per sanguinem Fratris sui JESU ad aliquam compassionem & pietatem fuerunt permoti, sed sicut feri elephantis viso sanguine JESU ferociores facti sunt? *Et elephantis ostenderunt sanguinem uvæ & mori, ad acuendos eos in prælium*; unde clamantur & petierunt etiam in propriam perniciem: *Sanguis ejus super nos.* O mitissime JESU, hoc & ego clamo & rogo, sed alia mente & sensu, ut sanguis tuus veniat super me, non in vindictam, sed in ablutionem peccatorum meorum; sit mihi pretiosissimus sanguis tuus à Spiritu Sancto formatus, & in passione toties effusus, ille *funiculus coccineus in fenestra*, qui, cùm Jericho, hoc est, corpus meum de luto formatum, à morte brevi destruetur, me ad vitam & ad æternam perducatur salutem, ut in sanguine Agni dealbatus cum omnibus Sanctis & Electis

1. Mach. 6.  
34  
Matth. 27.  
25

Josue 2. 18


Apoc. 5. 9

tuis in æternum tibi cantare valeam: *Redemisti nos DEUS in sanguine tuo.* Hoc mihi exora, ô Mater doloris & amoris.



# CONSIDERATIO XXXII.

Mater Dolorosa Christum Filium crucis pondere  
onustum usque ad mortem fidelis comes sequitur.



Bajulans sibi crucem, exivit in eum, qui dicitur  
Calvariae, locum. *Joan. 19. 17.*

1. **I** Ribus potissimum stellis à SS. Patribus SS. Deipara affimi-  
lari affolet: *Matutina*, quia *quasi stella Matutina in me-* *Eccles. 50. 6*  
*dio nebula* exorta est, Solemque Justitiæ, qui est Christus  
DEUS noster, præcurrens optatum mundo diem tulit.  
*Maris*, seu stellæ transmontanæ, de qua Ecclesia: *Stella*  
*maris succurre cadenti*; & D. Bernhardus: *Ne avertas oculos à fulgore hujus* *S. Bernhard.*  
*fideris, si non vis obrui procellis*; & *Vespertina*, quæ solem in suo cursu ad hom, super  
occasum vergentem sola & proxima sequitur, proinde haud incongruè pro Missus est,  
Lemmate tulit: *Comes fidissima Solis*; vel: *Sola cum sole*; vel si mavis:  
*Sequitur deserta cadentem.*



B. Amadeus  
hom. 5. de  
laud. Virg.

Talis, inquam, Stella Vespertina B. Virgo & Mater amoris ac doloris extitit, cæteris enim Discipulis ob metum in fugam actis, sola ac deserta mysticum suum solem, amantissimum JESUM, usque ad rupem Golgothæam & ad supplicii locum constantissimè secuta est; hinc peraccommodè B. Amadeus: *Currit, inquit, post JESUM, non tantum in odorem unguentorum, sed & in multitudine dolorum, non solum in gaudio consolationum, sed & in abundantia passionum.* Plura de hac veritate in præsentiarum considerabimus.

2. Mach. 3.  
14.

2. Cùm Onias summus quondam in Lege Sacerdos, vir Deo & hominibus dilectus, ob templi Solymæi defensionem, ne ab impio Heliodoro profanaretur, in summo versaretur periculo, tota civitas trepidasse, & ad hoc spectaculum accurrisse perhibetur: *Non modica verò per universam civitatem erat trepidatio: Sacerdotes autem ante altare cum stolis Sacerdotalibus jactaverunt se, & invocabant de cælo eum, qui de depositis legem posuit, ut his, qui ea deposuerant, ea salva custodiret; jam verò qui videbat summi Sacerdotis vultum, mente vulnerabatur; facies enim & color immutatus declarabat internum animi dolorem, circumfusa enim erat mœstitia quædam viro, & horror corporis, per quem manifestus aspicientibus dolor cordis ejus efficiebatur. Alii etiam gregatim de domibus confluebant, publica supplicatione obsecrantes, pro eo quòd in contemptum locus esset venturus; accinctæque mulieres ciliciis pectus per plateas confluebant, sed & Virgines, quæ conclusæ erant, procurrebant ad Oniam, alia autem ad muros, quædam verò per fenestras aspiciebant; universa autem protendentes manus in cælum deprecabantur, erat enim misera commista multitudinis & magni Sacerdotis in agone constituti expectatio.* O filia Sionidæ! ô animæ Christianæ! accurrite omnes, & considerate cum dolorosissima Matre summi vestri Sacerdotis nunc ad mortem condemnati vultum, non pretiosâ tiarâ sed sentibus redimitum, lacrymis perplutum, verberibus lividum, sputis & sanguine decoloratum. O Mater doloris & amoris, respice & tu in faciem Christi tui & nostri, ah hæccine, inquis, est facies illius, in quem desiderant Angeli prospicere, de qua scriptum est: *Beati oculi, qui vident, quæ vos videtis?* O mutatio dexteræ Excelsi! & si Sionidarum quondam mentes ingenti vulnerabantur dolore, dum Oniam magnum Sacerdotem in agone constitutum contemplabantur, & quid tu, mœstissima Mater, ubi summum Sacerdotem, qui plius est quàm Onias, dilectissimum Filium tuum, nunc aram crucis, in qua pro delictis omnium populorum non tam sacrificaret, quàm & sacrificaretur, propriis ac lassatis humeris ad Calvariæ montem bajulantem, stans in platea juxta fontem præsens spectasti? O bone DEUS, qualis hic mœror, qualis luctus? explicet, qui potest.

Luc. 10. 23

3. Videamus nunc crucis processionem, quâ tristiores nunquam orbis conspicatus est. Postquam ab ore iniquissimi Judicis sententia mortis, quam Judæi bibulis exceperunt auribus, in vitæ authorem prolata fuit, sine mora

mora omnia hujus feralis pompæ instrumenta parabantur: Ante prætorium jam stabat crux parata, & cum ea carnifices, clavis, malleis, forcipe, restibus, scallis, ligonibus, aceto, felle, vino myrrhato, & aliis ad crucifixionem necessariis instructi. Interim Dominus JESUS funibus victus, lacrymis perfusus, sanguine cruentatus, innumeris vulneribus saucius, ac velut Rex Judæorum scenicus dirissimis spinis coronatus extrahitur, & ad conspectum crucis sistitur. O si vidisses, anime mi! quo tunc amore & tenerrimi animi desiderio mitissimus Redemptor tuus hoc ferele crucis patibulum, in quo te ab interitu redimeret, amplexatus, & deosculatus sit, quam mox propria sponte in faucibus humeros elevavit, non sine pientissimis lacrymis ac gemitu, Patri se denuo pro mundi salute in victimam pacificam offerens: *Ita Pater, quia sic placitum fuit ante te.* O si tali quoque affectu & amore à DEO immixtam nobis crucem acceptaremus, quam citò sancti effemus; sed proh dolor! quam multi nunc sunt hujus mundi imundi comptuli, & delicati Christiani, qui crucem quidem commendant, eamque summis extollunt laudum præconiis, imò & Sacratissimæ crucis Dominicæ particulam aut segmentum illius è collo ad pectus pendulum gerunt, eamque osculantur, venerantur, & adorant, qui tamen, si vitam illorum consideras, inimici sunt crucis Christi, dum quotidianis eum peccatis de novo in crucem agunt. O Christiani! quam paradoxa sunt ista: Audite veritatem: *Qui non accipit crucem suam, & sequitur me, non est me dignus.* Audis hoc? Matth. 11, 26

Hæc inter, dum fit concursus per compita, vicos & plateas, adornatur feralis illa processio, in qua præcedebat quidam justitiæ minister funestam instans tubam, ut adimpleretur illud Jeremiæ: *Sibilaverunt, & fremuerunt dentibus, & dixerunt: Devorabimus: En ista est dies, quam expectabamus, &c.* Alius præferebat in pertica mortis causam, seu titulum in tabella candida stylo ferreo incisum: JESUS NAZARENUS REX JUDÆORUM, cujus litteræ minio, seu rubro colore erant tinctæ, tum ut terrorem mortis spectantibus incuterent, tum etiam ut potestatem Romani Præsidis ostentarent. Post hæc sequebatur ingens armatorum militum Romanorum, & equitum cataphractorum agmen, ut, si fortè tumultus in populo suboriretur, illum arcerent, atque compellerent. Hos proximè infecuti sunt barbari satellites, apparitores, lictores & carnifices, infima fax hominum, instrumenta ad tam cruentam lanienam requisita gestantes, & prout observat S. Anselmus, lutum ac lapides in Christum projicientes. Tandem processit circumcinctus tortoribus, propriisque vestimentis, ut à circumfusa populi multitudine agnosci posset, indutus Rex *Regum & Dominus Dominantium*, prægrandi crucis trabe, in qua necandus esset, onustus, & catenâ ferreâ in collo oneratus, atque duobus latronibus secum crucifigendis stipatus. O Angeli pacis, quid, obsecro, tunc pensastis, quando Dominum vestrum inter duos latrones medium tanquam eorum coriphæum Threnor. 2, 16  
vidi-



Hebr. 1. 6

2, Reg. 20.  
12

Isa, 59, 14

S. Bonavent  
lib. meditat.  
vitæ Christ  
cap. 77. &  
Suarez. Tom.  
2 in 3. p.  
disput. 98.  
sect. 2.Luc. 23. 26  
S. Bernhard.  
lib. Medit.  
cap. 77.Vide R. P.  
Jodoc. An-  
dries S. I.  
de perpet.  
cruce f. 75.

vidistis, qui inter duas Divinas Personas Patrem inter & Spiritum Sanctum medius est? Olim in cœlo illum subinississima devotione adorastis: *Et adorarent eum omnes Angeli*; nunc ab omnibus contemptum, & velut canem immundum impiissimorum homuncionum pedibus proculcatum cernitis? O cœli obstupescite! tantine ponderis peccatum est? *Amasa quondam conspersus sanguine jacebat in media via*; hîc ipse DEI Filius præ defectu virium cruenta sub cruce humi prolabitur? Heu quomodo *corrui in platea VERITAS*? Ah tantine ponderis peccata mea sunt? O lacrymæ? ubi estis modò?

4. O pientissima Domina! ô Mater amoris & doloris, ubi interim, dum hæc fiunt, commoraris? Et nunquid adhuc valedices Filio tuo, antequam moriatur, si non verbis, saltem nutu aliquo? Ita est, ô mi Lector! in hunc enim finem à turba, quacum hæctenus ibat, paulisper separata, breviorque viam per aliam plateam eligens, locum juxta fontem occupavit, ubi necessario Filio erat transeundum; ibi ergo cum staret, & cum lacrymis, intimoque cordis dolore Dilectum suum vehementissimo desiderio expectaret; ecce subito feralis aperta est scena: *Mæstissimo Filio*, inquit S. Bonaventura, *mæstissima Mater occurrit*. O tristis aspectus! ô lamentabilis occurfus! ô mœstum vale! videre innocentissimum Agnum in medio luporum, exhaustis jam omnibus viribus, immani crucis ponderi succumbentem, & sanguine suo ipsas Hierosolymæ signantem plateas: Ah quis fando dicet, quo dolore ac mœrore piissima Virginis viscera tunc fuerint discruciatæ? Certè uterque & Filius & Mater ex hoc mutuo aspectu præ dolore & comiseratione viribus defecerunt, ubi neuter ad alterum nec unum quidem verbum poterat effari. De Jesu dicitur, quòd totus tremens & angustis repletus, quasi mox animam acturus, super obvium fortè lapidem relederit, proinde quia cernebant milites, eum ferendæ ulterius cruci imparem, angariaverunt Simonem Cyrenæum, ut ejus crucem tolleret: *Imposuerunt illi crucem portare post JESUM*; de dolorosa autem Virgine refert S. Bernhardus: *Cernens eum oneratum ligno tam grandi semimortua facta est præ angustia, nec verbum dicere potuit*. O animæ Christianæ! audiamus saltem hujus dolentissimæ Matris COR loquens, dum lingua ejus præ dolorum multitudine in verba solvi non potest. Audite cœli, & obstupescite; audiat terra verba oris ejus: *An meus iste Filius? An meus est? Inquit Mater, & DEus meus? DEus qui sedet inter Cherubinos, hîc incedit inter latrones? DEus qui adoratur in cœlo à millibus Angelorum, hîc vilipenditur in terra à millibus hominum? DEus qui tribus digitis sustinet molem terræ, hîc velut imbecillis curvatur sub cruce: DEUS qui omnibus benedicit, hîc maledicitur ab omnibus? Hicne est unigenitus meus? Illene formosus præ filiis hominum, cui jam neque species, neque decor? Illene Filius hominis, qui jam vermis, & non homo. opprobrium hominum & abjectio plebis? Illene Judex omnium, qui ab omnibus judicatus, & ad infamiam crucem damnatus? Fluite lacrymæ, fluite, neque cessate*



*cessate aut die, aut nocte.* Ah fluite cum lacrymante dolorosissima Matre & meæ lacrymæ, fluite, fluite, ego enim omnium horum dolorum, angustiarum, cruciatuum causa sum, quia peccavi in DEum meum. O si sanguine meo fieri posset, ut non offendissem te, ô mi JESU! ô MARIA!

§. Sed nondum hîc hujus luctuosissimæ catastrophes & cruciatuum finis. Plus ultra, ô mi JESU! ô MARIA! plus ultra, ad montem myrrhæ & ad montem thuris, ibi magnum illud redemptionis nostræ opus, quod vobis Pater imposuit, perficietis: Progredere igitur, ô mi JESU! sed quid dico: Progredere? repit potius, quia vermis factus, pientissimus JESUS, quàm incedit; procedendum tamen est; sequitur & Mater, Stella Vespertina suum cadentem solem: *Et venerunt in locum, qui dicitur Golgatha, quod est Calvaria* Matth. 27. locus, ubi benignissimus JESUS per ascensum montis non patiebatur, ut notus ille Cyrenæus tantam crucis molem solus ad supplicii locum gestaret, sed sponte sua subjectis, licet crudelissimè dilaniatis humeris, anteriorem & majorem crucis partem portavit, Simone interim pedem crucis sublevante. Et quid hæc inter omnium afflictissima & sanctissima Matrum?

Vidi, dum studiis excultioribus quondam Monachii Baviaræ Superioris Metropoli vacarem, tres una die Mercurii proles uncis manibus rapaces ad patibulum condemnatas, ad quod spectaculum ingens hominum turma, velut torrens affluxit, inter quos & junioris latronis Mater extitit, quæ ubi Filium suum ad ferele hoc theatrum progredientem animadvertit, repente viribus destituta vix non animam expiravit. O Domina mundi! ô Mater amoris & doloris! quomodo possibile fuit, Christi Filii tui sanguinolenta sequi vestigia, & inter latrones, qui incomparabiliter illo mitius habiti sunt, solum innocentissimum Natum tuum trabale crucis lignum, in quo interficeretur, trahentem? Et quid, obsecro, tum temporis intervallo secum ruminabat afflictissimum COR Matris DEI? Ita mi Pater (suspirabat secum) quia tu ita jubes, placet & mihi; acerbissimum quidem est hæc intueri, ac tam indigna pro indignis pati, placet tamen, quia tibi placet, proinde me totam in SS. COR tuum resigno, paratissima unà cum Filio tuo, imò & meo, si non corpore, animo saltem crucifigi. Vade igitur, ô Fili mi, & velut alter Isaac porta ligna holocausti super unum montium, quem nunc Pater monstrabit tibi. Vade in agrum, Abel innocentissime, in quo à perfidis Caini fratribus etiam sine causa furcâ ligneâ occideris. Vade, justissime Noëme, & per crucem tuam arcam mundo naufrago præpara, in qua in secundo diluvio salvetur genus humanum. Vade, ô mitis Agnelle, ad macellum & ad cruentissimam lanienam, in qua non lanam duntaxat, sed & supremam sanguinis stillam pro salute mundi dabis. Vade, mansuetissime Moyse, Dux & Legifer noster, ac virga SS. crucis tuæ non tantum rubrum passionis mare divide, sed & viam omnibus tuis fidelibus ad cœlestem Palæstinam pande. Vade, ô Fili David,

*Mater Dolorosa.*

Ff

& cla-

Ma. 9. 6  
Psalm. 95.  
10.

2. Reg. 15.  
21  
1. Reg. 14.  
13

Cant. 3. 6

& clavem Regni tui porta lassatis & luxatis humeris, quā paradysum, tot retro sæculis oclusum, aperies. Vade, ô Princeps pacis, jam enim à primo conceptionis tuæ momento tibi à Patre insinuatum fuit: *Et principatus ejus super humerum ejus*; habes, inquam, nunc principatum tuum, nam Dominus à ligno regnabit. Vade denique, ô omne bonum meum! vade ad mortem, & quidem mortem omnium crudelissimam, sequar & ego te, quocunque ieris. Ethai Davidem inter tot tribulationum fluctus constantissimè secutus est, faciam & ego hoc: *Vivit Dominus meus, & vivit Dominus meus Rex! quoniam in quocunque loco fuerit Dominus meus, sive in morte, sive in vita, ibi erit & Mater, imò & ancilla tua.* Armiger ille contempto omni mortis periculo ducem suum Jonatham secutus est per loca excessa, per rupes præaltas, manibus ac pedibus post Dominum suum reptans; sequar & ego, & si præ virium lassitudine incedere ampliùs non potero, reptabo pedibus ac manibus ad Calvariæ rupem, ut cum dilecto meo si non corpore, saltem animo patiar, & commoriar; & quis me separabit à Charitate JESU? *Quia fortis est, ut mors, dilectio; aqua multa hanc non poterunt extinguere charitatem, nec flumina obruent illam.* O anime mi! quid tu ad hæc & ista? Si ferreus, si saxeus, si adamantinus esses? deberes saltem aliqua commiseratione erga JESUM patientem & SS. Matrem ejus compatientem tangi; & tu, ô miser! adhuc stas immotus? Et dic, quæso fodes! si quis te ex tuis amicis à morte redemisset, manu una pro tua defensione perditâ, mutilusque per reliquum vitæ cursum permaneret, num ingenti te illi profitereris obstrictum beneficio? An non, quoties in tuum veniret conspectum, te ad aliquam saltem excitaret commiserationem, & reciprocum amorem? Anime mi! leva oculos tuos, & JESUM pro te gravissimam crucem bajulantem, ac SS. Matrem ejus sequentem considera; quid pro tua salute ultra poterant facere, & non fecerunt? O quantum debes Redemptori tuo ac SS. Virgini! gratias proinde illis summas repende, & in animo verè contrito ac humiliato ad eorum pedes prostratus, ingratitudinis tuæ, omniumque delictorum veniam suppliciter pete, &c.

Luc. 1. 31


Matth. 21.  
38

6. Revertor ad te, ô Domina mundi! & quid appello te mundi Dominam, cum nunc sis omnium novissima mulierum, quia Filius tuus novissimus virorum? Dic tamen, ô Domina! obsecro te, an non in mentem tunc tibi venerit illa Archangeli promissio olim in conclavi Nazarethano tibi facta: *Dabit illi Dominus sedem David patris ejus, & regnabit in domo Jacob in æternum, & regni ejus non erit finis?* Nunquid cogitare, & Angelo salutis humanæ nuntio nunc objicere poteras: Qualis hæc sedes David? Quale Regnum in domo Jacob? Si Filius meus etiam quā homo Regni Davidici legitimus hæres est, quia Filius David, quare hunc legitimum hæredem hodie cum tanta infamia ejecerunt extra civitatem: *Hic est hæres: Venite, occidamus eum, & habebimus hæreditatem ejus; & apprehensum eum ejecerunt extra vineam, & occiderunt?*

unt? Si promissum est eum in domo Jacob regnaturum, ubi hoc regnum? *Ista. 53. 2*  
 Ubi corona? Ubi sceptrum? Ubi regalis purpura? Ubi majestas? *Ab vilinus eum, & non erat aspectus: Despectum & novissimum virorum.* O domus  
 Jacob! quomodo in te regnabit Filius meus, dum illum hodie coram Roma-  
 no Præsidente negasti: *Non habemus Regem nisi Casarem?* Quomodo ergo, ô mi *Ioann. 19.*  
 Angele! hæc tua promissio verificatur? Ita, inquam, pretiosissima Deipara *15*  
 miserando illo temporum intervallo secum in animo ratiocinari poterat. Sed  
 magnum hîc absconditum est mysterium; alia enim sunt Dei, alia hominum  
 iudicia; enimverò dedit illi Pater æternus sedem & regnum David non tem-  
 porale, sed æternum, ast non nisi per passionem & crucem obtinendum, in  
 igno enim oportebat Christum pati, & ita intrare in gloriam suam, unde Ec-  
 clesia: *Regnavit à ligno Deus; & Vates Regius: Dominus regnavit à ligno; Psalm. 95.*  
 quæ ultima verba à ligno impii Judæi crucis Christi æmuli dato studio, ne à *10*  
 Christianis convincerentur, sustulerunt, ita S. Justinus & plures SS. Patrum;  
 proinde sensus est, Christum non vi, aut armis, nec per publicam populi ele-  
 ctionem regnum suum consecuturum, sed à ligno in domo Jacob, hoc est, in  
 Ecclesia regnaturum, & per hoc in æternum in cœlo triumphaturum. Et  
 hoc erat dolentissimæ Matri hujus Sacramenti non ignaræ unicum in tot ad-  
 versis solatium, proinde magno animo omnes cruces, passiones & adversita-  
 tes cum Filio sustinuit; hinc rectè à S. Epiphanio crux appellata est, cujus  
 verba sunt: *Dico sanctam Virginem esse calum, thronum & crucem.* *S. Epiphani-  
 de Laud.  
 Deip.*

Age hîc, quisquis es ô homo Christiane! & disce, non esse satis ad sa-  
 lutem consequendam, quòd Christus nobis crucem portaverit, sed insuper  
 oportet, ut & tu eam post Christum feras, ita attestante veritate: *Si quis  
 vult venire post me, tollat crucem suam, & sequatur me.* Si Christianus es, de-  
 bes esse & *Crucianus*, tota enim vita Christi JESU & MARIÆ crux fuit &  
 martyrium, ergo si DEUS te amat, tibi non aliam in cœlum viam pandet,  
 quàm crucem: *Math. 16. 24*

Per crucem ad lucem.







Trajani damnatus ad bestias Romam victus missus, præsentē ipso Trajano Imp. & circumsedente Senatu primò immanissimis pœnarum suppliciis affectus, ac tandem rugientibus leonibus in cibum objectus est, quorum dentibus præfocatus, & ut frumentum Christi, prout desideraverat, comminutus, digna Christi hostia effectus est.

Verum longè crudelius, longè immanius est istud, quod tibi hodie, anima Christiana, exhibebitur spectaculum, de quo S. Lucas commemorat: *Et omnis turba eorum, qui simul aderant ad spectaculum istud, & videbant, quæ fiebant, percutientes pectora sua revertebantur.* O tremendum, ô luctuosum, ô cruentum spectaculum, videre JESUM, Agnum illum innocentissimum, DEI & MARIÆ Filium, in conspectu afflictissimæ Matris & totius populi dentibus efferatorum leonum objici, & quasi brutum excoriatum pro peccatis nostris in infami crucis patibulo durissimis clavis affigi: *O celi obstupe-* Jerem. 2, 12 *scite super hoc, & porta ejus desolamini vehementer.*

Moyfes olim pro spectaculo in publicis castris vastissimæ molis serpentem ex ære candente conflatum in alta furca adinstar litteræ T. fabricatâ, ingratisimo populo Judaico, à venenatis tunc anguium moribus percusso, proponi curavit, ut in eum intuentes ab infirmitate & lue grassante pestifera liberarentur: *Quem cum percussi aspicerent, sanabantur,* cui serpenti rectè pro Num. 21. 9 Lemmate inscribes:

## Pharmacum, non venenum.

O bone JESU, ô Amor crucifixe! tu nobis per illum æneum serpentem præsignatus es: *Sicut Moyfes, inquis ipse, exaltavit serpentem in deserto, ita exaltari oportet Filium hominis, ut omnis, qui credit in ipsum, non pereat, sed habeat vitam æternam;* in qua pœnosissima, ac dolorosissima exaltatione adimpletum fuit illud justî Simeonis vaticinium: *Ecce positus est hic in signum, cui contradicetur, & tuam (ô Mater) ipsius animam pertransibit gladius.* O anima Christiana! veni unâ mecum, & ascendamus cum hac dolorosissima Matre ad montem myrrhæ, & ad collem thuris, & videamus visionem hanc magnam, DEUM & Hominem pro salute nostra crucifixum: *Non te pigeat, ait Mellissius Bernhardus, videre serpentem in patibulo pendentem, si vis videre Regem in solio residentem:* Et S. Augustinus: cir. à Cor- *Fratres, inquit, ut à peccato sanemur, Christum crucifixum intueamur, quomodo, qui intuebantur serpentem aneum in deserto, non peribant; sic qui intuentur fide Christi mortem, sanantur à moribus peccatorum.* Proinde non incongruè Poëta ille Christianus:

*Pharmaca sunt potius, quàm vulnera Vulnera Christi,  
Curat enim plagis vulnera nostra suis.*



Luc. 23. 33

2- *Postquam venerunt in locum, qui vocatur Calvaria, ibi crucifixerunt eum.*

Et quis, obsecro, hic non obstupescat, pie Lector, quod cuncti Evangelistæ hoc summum redemptionis nostræ mysterium non pluribus, quam duobus tantummodo verbis adumbrarint: *Crucifixerunt eum*? quare tam parci fuere hi sacri Scriptores in describendo hoc funestissimo, omnibusq; oculis inaudito spectaculo, cum nullus modum addat, quomodo DEI & MARIE Filius, an in jacente, aut in erecta cruce sit clavis confixus? Respondet Simon de Cassia, Salmeron & alii, quod Evangelistæ præ verecundia, teneritudine & compassione animi tam horrendum ac luctuosum facinus non potuerint pluribus explare, vel dilucidare verbis, tremebat enim tunc, cum arripere calamum, manus scribens, oculi madebant lacrymis, cor insolito perfundebatur horrore, imò & ipsa penna rigebat stupefacta, ad consignandum posteritati tam indignum, tam cruentum, & luctuosissimum spectaculum. Addit S. Bernhardinus, ita placuisse Spiritui Sancto, qui sic breviter scribi voluit, ut pia consideratio, non expressa per atramentum, pia meditatione ad meritum Fidelium remaneret.

s. Bernhard.

Tom. 1. ser.

15. art. 4.

cap. 3.

S. Anselm.

Dialog. de

Pass. Dom.

S. Laurent.

Justin. de

Pass. &amp; alii.

Barrad. Tom

4. lib. 7. cap

83.

Hunc crucifixionis modum multi cum SS. Anselmo, Cyrillo, Leone, Laurentio Justiniano, & aliis meditantur in cruce jacente factam, in quam Salvator mundi à carnificibus prostratus, ac supinus super cruce jacens eidem clavis ferreis pluribus malleorum ictibus affixus est, quem exinde impii ministri Satanæ in altum elevatum in scrobem in rupe illa Golgothæ defossam, inhumanè dejecerunt, non sine maxima cunctorum membrorum concussionem & dolore inexplicabili. Alii cum Barradio censent, manus pientissimi Jesu ligno humi jacenti affixas, pedes verò erectâ jam cruce eidem esse suffixos. Verumenimverò qui antiquissimos Patres consulunt, & Romanum crucifigendi modum, à quibus & Christus crucifixus est, attentiore mentis oculo considerant, expensis rationibus, facile in hanc declinabunt sententiam, mitissimum orbis Reparatorem Christum cruci jam fixâ, & humi depactâ, ac solidè in scrobe firmatâ in alto per scalas fuisse affixum, quia hic modus Romanis, prout benè observat Justus Lipsius, usitator, & ad majorem crucifigendi ignominiam, populique spectantis terrorem inserviebat. Accedit & ratio, quia furca seu patibulum prius erigi, & trabibus in terra firmari solet, antequam fontes in eo suspendantur; unde etiam provenit usitatus ille loquendi modus: *In crucem agere, in crucem tollere*; In hunc enim finem Judæi ad Præsidem Pilatum succlamârunt: *Tolle, tolle, & exinde primum: Crucifige eum.* Quod & Jacob Patriarcha in spiritu prævidit, dum moriens filio suo Judæ in persona futuri Messæ intimavit: *Catulus Leonis Juda ad prædam Fili mi ascendi*; tunc enim Christus tanquam Leo de tribu Juda ad prædam ascendit, quando in cruce tulit prædam Tartari. Item Sponsus: *Ascendam in palmam, & apprehendam fructus ejus*; quibus assentit S. Mater Ecclesia, dum in oratione

Lipsius lib.

2. de cruce

cap. 7.

Ioann. 19.

15

Genes. 49. 9

Cant. 7. 8



te de Missa Passionis Domini, cujus initium: *Humiliavit*, ita orare assolet: *S. Gregorius Turon. cit. Domine JESU Christe, qui hora sexta crucis patibulum ascendisti. &c.* Quibus à le Blanc, djungamus SS. Patres & cumprimis S. Gregorium Turonensem, qui asserit, Tom. 2. Psal. Christi pedibus suppositam fuisse tabulam: *Super hanc verò tabulam*, inquit, 21. v. 18. *anquam stantis hominis sacra affixa sunt planta, &c.* S. Augustinus: *Ascen-* S. Aug. lib. *lit Sponsus noster thalami sui lignum, &c.* S. Bernhardus: *Exaltato in crucem* de fide ad *perforantur manus & pedes Viri optimi benigni JESU.* Mitto S. Cyprianum, Catechum. Joannem Chrysostomum, Gregorium M. Gregorium Nyssenum in tragœ- S. Bernhard. lia, Nazianzenum, Normunt, & quàm plurimos recentiores, &c. Tractat. de Pass. Dom. cap. 5.

O bone DEUS! quàm lugubre hoc erat spectaculum, videre Jesum nudum, vulneratum, ab omnibus desertum, inter truculentas carnicum S. Io. Chry- nanus in conspectu totius populi insultantis scalas seu tabulationem juxta sost. in 1. crucem erectam perreptare, ubi stans in pegmate facie in cœlum conversa se ad Cor. 2. lenuo Patri Cœlesti in victimam & holocaustum totius mundi obtulit; ita Seraphicus Bonaventura: *Aspicit in cœlum, Patri dicens: Ecce hic sum, Pater* S. Bonavent. *ni, usque ad crucem me humiliare voluisti, pro amore & salute generis humani,* lib. Meditar. *placet, accepto, & pro eis me tibi offero, quos dedisti mihi, & fratres esse vo-* vitæ Christi *luisti; accepta igitur & tu, Pater, & deinceps placabilis esto mei amore, & om-* cap. 78. *nium maculas veteres absterge, & elonga ab eis; Me tibi pro eis offero, Pater;* &c. O utinam mortales omnes hæc Christi patientis verba altius animo suo inscriberent; ita nimirum par est, ut loquamur, præsertim ubi crux aliqua: cœlo nobis submittitur.

3. Et quid interea dolentissima Mater? Penetrat illa immensam tur- bam (tanta est vis amoris) & exadversum cruci se collocat, ubi videret, & audiret omnia. O fortis Machabæa, quæ non ad montem Thaborum ad gaudia, sed ad collem Golgothæum luctibus & doloribus inundantem, ut unâ cum Filio in anima crucifigeretur, ascendit: *Super omnia autem Ma-* z. Mach. 7. *ter mirabilis, & bonorum memoriâ digna, quæ pereuntem Filium conspiciens,* 20 *bono animo ferebat propter spem, quàm in DEUM habebat:* Proinde cum vidisset dulcissimum Natum tam probrosè nudatum, ei capitis sui velum vel per alium submisit, vel potius ipsa, prout S. Anselmo revelavit, lumbis patientis Filii sui circumligavit; audi ipsam mœstissimam Virginem loquentem: *Audi Anselme, quod modo referam, nimis est lamentabile, & nullus Evan-* S. Anselm. *gelistarum scribit. Cum venissent ad locum Calvaria ignominiosissimum, ubi can-* Dialog. de *es, & alia morticina projiciebantur, nudaverunt JESUM Filium meum to-* Passione, *taliter vestibus suis, & ego exanimis facta fui, tamen velamen capitis mei acci-* piens circumligavi lumbis ejus.

O pientissima Domina! si Adam Protoparens noster ob nuditatem Genes. 3. 7 suam adeò erubuit, ut in medio ligni paradisi sese absconderet, ac nuditatem Genes. 9. 21 suam foliis ficûs contegeret. Si Noë nudatus in tabernaculo jacens ingenti vere-

2. Reg. 10. 4 verecundiâ perfusus est, ubi nuditatem suam ex aliis intellexit. Si Ligati illi Davidis ab Ammonitis turpiter rasi, & usque ad lumbos denudati non ausi sunt propter vestes præcisas in publico comparere. Si Pater in filio prodigo non poterat ferre ignominiosam ejus nuditatem: *Cito proferte stolam primam*; heu qualis ac quanta oportet fuisse castissimorum pectorum JESU & Mariæ erubescencia? O cœli quid agitis? Ubi vestra sunt fulmina? Ubi fulgura? Ubi sagittæ Potentis acutæ? Olim Bethsamitas subitanea morte percussistis, quod arcam nudatam curiosius inspexerint; & nunc arcam vivam impune respiciunt tot improbi & sceleratissimi mortalium? O impii, ô execrandi Deicidæ, nunquid Dominus *adduxit vos quadraginta annis per desertum, & non sunt attrita vestimenta vestra*, & hoc beneficium ita pessimè DEI Filio recompensatis? Omnes planetæ cœlestes erga JESUM ignominiosissimè denudatum suam exhibuere compassionem: *Et tenebræ factæ sunt super universam terram*. O impudici, ô libidinosi, discite & vos verecundiam à verecundissimo JESU, non enim minima causa hujus probrosissimæ denudationis vestra insana libido extitit; audite Poëtam:

*Luce obiit Veneris; Veneris fle turba! videtur  
Causa DEI passi non minima esse Venus.*

4. Interim parantur clavi, mallei, funes, scalæ, titulus, & alia ad hanc cruentam tragœdiam necessaria. Juvat hîc rursus audire dolorosam Matrem, ita ad S. Birgittam asserentem: *Erat autem crux fixa & brachia ejus elevata, ita ut nodus crucis inter scapulas esset, nec ullum capiti reclinatorium crux præbebat, & tabula tituli utrique brachio super caput eminenti affixa erat. Ad crucem igitur jussus dorsum vertit, & manum postulat, primò dexteram extendit, & inde alia manus ad reliquum cornu non attingens distenditur: Et pedes similiter ad foramina sua distenduntur, cancellatique & quasi infra à tibiis distincti, duobus clavis stipitem per solidum os, sicut & manus erant, crucifiguntur. Ad primum igitur ictum ferientis mallei ego ex dolore in extasi fio, & evigilans Filium meum confixum video, colloquentes etiam homines, alterum ad alterum audio: Quid hic fecit? furtum? rapinam? vel mendacium? aliis respondentibus, quod mendax esset. Et tunc corona spinea capiti ejus artissimè imposita fuit, quæ ad medium frontis descendebat, plurimis rivis sanguinis ex aculeis infixis decurrentibus in faciem ejus, & crines & oculos & barbam replentibus, ut quasi nil nisi sanguis totum videretur, nec ipse me adstantem cruci videre potuit, nisi sanguine expresso per ciliorum compressionem, &c.* Huc usque dolorosissima Virgo ad S. Birgittam.

- Genos. 15. 5 Considera nunc, anima Christiana, utriusque & Filii in cruce pendentis, & afflictiissimæ Matris juxta crucem stantis dolores: *Numerâ stellas, si potes, olim ad Abraham dictum fuit; & tu, anime mi, numerâ plagas, si potes, pientissimi*



Redemptoris tui, & dolorissimæ Matris ejus immensos CORDIS dolores. Aspice venerandum JESU crucifixi Caput mille puncturis spinarum saucium: 1. Petr. 1.  
 Vide Divinam ejus faciem, in quem Angeli desiderant prospicere, nunc cruore, 12  
 livoribus & alapis deformatam: Intuere manus & pedes ferreis nunc clavis Genes. 2. 10  
 crudeliter perforatos, ex quibus quatuor illi paradisi fontes promanant, quibus orbis universus rigatur, & à peccatorum sordibus abluitur. Expende  
 ossa luxata, & membra omnia per extensionem è statione sua mota: Dinu- Psalm. 11.  
 meraverunt omnia ossa mea; ac denique considera totum corpus ejus à planta 13  
 pedis usque ad verticem capitis, & nil nisi unum vulnus videbis; dic nunc, obsecro, quid ultra debuit tibi facere Salvator tuus, & non fecit? O Christiane, qui hæc audis, num etiam tu ex illis es, qui rursus crucifigis tibi metipsum  
 Filium DEI, & ostentui habes? Plures Judæi sunt, dicebat mitissimus Re- Hebr. 6. 6  
 demptor de cruce ad B. Margaritam de Cortona, qui me hoc tempore crucifi-  
 gunt, quàm fuerint in die passionis meæ. O lacrymæ, ubi nunc estis? Moyses Vita 22. Feb.  
 percussit petram, & fluxerunt aquæ; & cor meum petra, & silice durius erit? apud Bol-  
 Condolebant huic crucifixo Domino meo creaturæ omnes: Angeli pacis land.  
 amarè flebant; sol & luna & cuncta cœli sidera à tam cruento spectaculo Psalm. 77.  
 suos retraxerunt radios; obstupuere saxa & rupes, sepulchra & monumen- 20  
 ta disrupta sunt; orbis universus horrendo terræ motu conquassatus, & qua- Isa. 33. 7  
 si à suo centro convulsus est; & ego, heu ingratissimus peccator, ob amo-  
 rem meum crucifixum, toties à me offensum, non doleam? O Domina! ve-  
 rè Mater amoris & doloris, hoc, quæso, mecum agas, Crucifixi fige plagas  
 cordi meo valide; iterum rogo, ô Domina! ah valide.

5. Nondum à te discedo, ô mœstissima Mater! de aquila referunt, quòd non tantum radiantem, sed & eclypsatum solem irretortis oculis considerare soleat, unde lemma: Etiam cum deficit; aut: Videndo non expleor. O do-  
 lentissima Domina, quid dico de te? Aquila eras, & es etiamnum magna Ezech. 17. 3  
 rum alarum, quia multos sub alis maternæ pietatis tuæ fovere soles filios; dic, obsecro, quàm immenso gaudio subinde perfruebatur cor tuum, cum dul-  
 cissimum Filium tuum speciosum formâ præ filiis hominum, tanquam radiantem Psal. 44. 3  
 & mysticum justitiæ solem, poteras in vita intueri, ac contemplari? Cumque Revel. 5.  
 conspicerem eum, inquis ipsa, & considerare pulchritudinem ejus, anima mea Birgit lib.  
 quasi rorem præ gaudio stillabat. Verumenimverò mutata nunc est scena, 1. cap. 10.  
 ô pientissima! declinavit Dilectus tuus, & factus est tanquam vas perditum, Psalm. 39.  
 vulnus & livor, & plaga tumens est indumentum ejus, ah quantum jam in 13  
 cruce mutatus ab ipso est? Quomodo obscuratum est aurum, mutatus est color Thren. 4. 1  
 optimus? Hæc mutatio dexteræ Excelsi dulcissimum COR tuum non tam  
 scindebat, quàm & imenso replebat dolorum pelago: Eram, ais ipsa, sicut mu- S. Birg. lib.  
 lier pariens, cujus omnia membra post partum tremula sunt; stabas tamen, & juxta 2. cap. 21.  
 crucem stabas à meridie usque ad vespèram, contemplans patientem, mori-  
 entem



234 *Consideratio XXXIII. De Crucifixione JESU.*

entem & eclypſatum juſtitiaꝝ Solem, unde rectè prædictum Lemma tibi applicare poſſumus: *Etiam cum deficit; vel: Videndo non expleor.*

Genef. 4. 8

Gen. 22. 9

Exod. 12. 7

Cant. 5. 10


Cant. 1. 15

1. Petr. 2.


25

Arnoldus  
Carnotens.  
& Richard.  
lib. 4. de  
laud. Virg.

Nunc conſiderabas eum, ut innocentem Abelem, à perfidis Caini fratribus in agro Golgothæo occiſum, nunc ut Iſaacum ſuper ſtruem lignorum locatum, ut DEO in holocauſtum immolaretur; nunc ut Agnum Paſchalem & veſperinum, veru ligneo crucis inſixum, & Divino amoris igne aſſatum, de cujus ſanguine domorum poſtes aſpergebantur; nunc ut Sponſum dilectiſſimum, candidum & rubicundum, candidum per ſumam innocentiam, & rubicundum per paſſionem; nunc ut floridum Nazaræum, cujus leſtulus (aſpera crux) omni ſelectiſſimorum florum & virtutum genere erat exornatus. Denique conſiderabas hunc crucifixum Amorem & Filium tuum, ut Sacerdotem ſumum, & *Episcopum animarum noſtrarum*, ſolemnnem ſuam, ſed eheu! quàm cruentam miſſam publicè extra caſtra in monte Calvario pro ſalute totius mundi celebrantem, cujus ara crux fuit; tiara corona ſpinea; calix, quem dedit ei Pater, myrrhâ, felle & aceto miſtus; panem Judæi ei in lignum mittebant; veſtis Sacerdotalis caro virginea, ſed nunc conciſa, & ſanguine purpurata; annuli clavi ferrei; & peſtorale SS. Cor apertum, ex quo ſanguis & aqua manabant: *Terra, pontus, aſtra, mundus, quo lavantur flumine.* O triſte, ô luëtuoſum Sacrificium! *Chriſtus carnem*, ait Arnoldus Carnotensis, *MARIA* immolabat animam; optabat quidem ipſa ad ſanguinem animæ & carnis ſua adolere ſanguinem, & elevatis in cruce manibus celebrare cum Filio Sacrificium veſperinum, & cum Domino JESU corporali morte redemptionis noſtræ conſummare myſterium; ſed hoc ſummi Sacerdotis ſolius privilegium erat. O anima Chriſtiana! quot modos, & quàm latiſſimum campum hîc habes cum doloroſa Matre de Crucifixo JESU cogitandi, & meditando: Quis patitur? Quid patitur? pro quo? quare? quo loco? quo tempore? à quibus? quomodo? in quem finem? & quid tandem huic ſummo Benefactori tuo crucifixo JESU & SS. Matri ejus doloroſæ poſſis rependere? &c. Ah cogita!



CON-




# CONSIDERATIO XXXIV.

Expenditur dolor & amor afflictissimæ Matris, Filium suum in cruce suffixum contemplantis.



Attenuati sunt oculi mei, suspicientes in excelsum.

*Isa. 38. 14.*

- I.  Zechias pientissimus Israëlitarum Rex, cum in gravissimum ac lethalem morbum incidisset, & ab Isaia nunc audiret: *Morieris tu, & non vives*, impensissimè Deum pro salute sua flagitare cœpit; quatenus sibi ad aliquot adhuc annorum tractus vitam & sanitatem ob spem prolis (ne catalogo generationis Christi scintilla sua extingueretur) prorogaret; in quem finem assidue, intentè & ex imo non tantum ore, sed & pectore gembundus in cœlum suspiravit, ut abinde auxilium impetraret
4. Reg. 20.  
I.
- Gg 2
- in

Mat. 38. 14.

Mat. 38. 8

in tempore opportuno; Audi ipsum loquentem: *Attenuati sunt oculi mei, suspicientes in excelsum.* Et ecce dum lassos ac moribundos ad cælum levat oculos, solem astrorum Principem advertit in solario Achaz decem lineis per gradus retrorsum descendentem, & in gradu decimo, qui per crucem X. notari affolet, consistentem: *Et reversus est sol decem lineis, per gradus, quos descenderat.* Vide hic, prudens Lector! quantum potentissimus DEUS suos æstimet servos, dum non sol duntaxat, sed & luna, omnesque orbes cœlestes in gratiam hujus moribundi Regis retrogressi sunt, quia aliàs totus ordo & harmonia cœlestis fuisset perturbatus.

Pulcherrima est hæc figura, quæ Christum, mysticum illum Justitiæ Solem, repræsentabat, decem lineis infra omnes Angelorum, hominumque choros, tanquam virorum novissimum, in passione sua usque ad crucem X. descendentem, ad quem in umbra patiens ac moriens Ezechias jam tunc suos sublevavit oculos, ut optatam per illius merita reperiret salutem. O Mater amoris & doloris! dic, quæso, quomodo tibi Cordi fuerit, dum stans ad radicem crucis, lassâ ac gemeunda Solem tuum mysticum, amantissimum JESUM in Sanguine suo rubentem, & in cruce, decimo gradu occumbentem conspicata, ac contemplata es? Nunquid cum Ezechia ægrotante tunc dicere poteras: *Attenuati sunt oculi mei, suspicientes in excelsum?* Et revera, ô Domina! attenuati sunt oculi tui adinstitæ aquilæ, non radiantem duntaxat Phœbum, sed & obnubilatum ac eclipsatum irretortis oculis considerantis, cum Lemmate ex Psalmis Jessæ Vatis mutuato:

Psalm. 122. 1.

Psalm. 24. 1.

Psalm. 41. 8

Psalm. 41. 8

### Ad te levavi oculos.

Ita est, ô pientissima! *oculi tui semper ad Dominum*, ac tunc præsertim, cum in cruce pro omnium salute extremos perferret dolores! ubi *omnia excelsa ejus & fluctus ejus super te transferunt*; ibi enim verificatum erat illud: *Abyssus abyssum invocat*; abyssus videlicet passionis dilectissimi Filii tui abyssum invocavit compassionis mœstissimæ Matris suæ. O Mater! non Mater, sed omnium afflictissimarum parentum infelix simulacrum! proinde non miror, quod mitissimus orbis melioris Reparator Christus ad dilectam Sponsam suam B. Veronicam de Binasco, quæ solum hujus Divinissimi Sponsi sanguinem passionem meditari consueverat, teste Bollando hæc sequentia dixerit: *Intellige, Filia mea, lacrymas passionis meæ gratia a meditantibus manantes, mihi quàm gratissimas fore: At cum mei Genitricem, cœlorum Reginam, inexcogitato amore prosequar, gravior mihi est dolorum, quas in passione mea perpessa est, attentata meditatio.* Audis hoc, Mariane Lector? Et quomodo poteris oblivisci gemitus Matris tuæ? Ah quomodo?

Bolland.

12. Jan. fol.

107.

Iscl. 7. 29



*En Mater stat fixa loco, truncumque madentem  
Sanguine perfundit fletibus usque suis.  
Nunc lacrymis madidos convertit ad athera vultus,  
Nunc tenet in Nato lumina fixa suo.  
Heu quid agat? maneat? prohibet dolor; inde recedat?  
Fortior immotam sub cruce sistit amor.  
Dure amor! has servas leges? sic jungis amantes?  
Quàm non sunt regni mollia jura tui!*

2. Perpetuâ memoriâ digna est sancta illa, juxta ac fortissima Machabæorum Mater, quæ omnia tormenta pro Lege DEI à septem filiis generoso animo exantlata coram & immota spectavit, quam proinde meritò Div. Augustinus sumis laudum extollit præconiis, eamque septemPLICEM Martyrem appellat: *Isti singuli, inquit, in se sentiendo, illa videndo in omnibus* S. Augustin. lerm. 109. *passa est. Facta Mater septem Martyrum, septies Martyr; à filiis non separata spectando, & filius addita moriendo. Videbat omnes, amabat omnes. Fe-* in app. de divers. *rebat in oculis, quod in carne omnes. Verùm hîc observes, rogo, prudens & Mariane Lector! quod sacer insinuat textus: Contigit autem & septem fratres unâ cum Matre sua comprehensos compelli à Rege, &c. Adverte Tò compelli. Ex quibus facile conjicies, neque Matrem, neque filios sponte propriâ sese Regi Antiocho ad lanienam præsentasse.*

Verùm longè major atque excellentior fuit illa animi fortitudo, amor & dolor afflictissimæ Matris DEI, dum non septies duntaxat, sed plùs quàm millies Martyr extitit, ac tunc præsertim, quando vitam suam in cruce ante se pendentem à meridie usque ad vespèram inumbrantem contemplata est: *Ibi ferebat in corde, quod Filius in carne.* Neque coacta, aut compulsâ ab humana vi, vel jussâ à Filio ad locum cruenti hujus certaminis festinavit, sed ul- tro citroque cunctis periculis ac doloribus unâ cum Filio pro salute humani generis sese subjiciens, in medium turbarum ac ferocissimorum satellitum usq; ad ipsas crucis radices penetravit, ubi stillicidium Divini cruoris ex hiantibus Nati vulneribus largissimè in terram promanans, non tam coram (heu quo animi cum luctu?) spectavit, quàm & ipso pretiosissimo hoc cruore in velo ac vestimentis abundè proluta est. O luctuosum spectaculum! Mater & Filius; Filius & Mater! dolebat hæc omnium Matrum afflictis- sima, ac desolatissima, Divinum illum Sanguinem, cujus pretium immensum optimè noverat, velut inæstimabiles margarithas ab immundis canibus & porcis conculcari, ac profanari; dolebat vicissim & Filius, cùm Matrem videret in tanto supplicio: *Flebat Mater, inquit Nebridius, ob dolores Fi-* Nebrid. in lii. *atque effusione lacrymarum irrigabat totum montem; flebat quoque pius Do-* Fasc. Myrrh. *minus ex compassione Matris, imberque lacrymarum mixtus sanguine defluebat* cap. 11.

Exod. 12. 7

*interram de cruce ante faciem Matris. Et tu, anime mi! quid agis? Quare non accedis cum hac dolentissima Matre ad pedem crucis, & pretiosas has lambis Divini cruoris stillas? Si quondam Sanguis ille Agni typici in Ægypto primogenita Israëlitarum à morte servavit. immunia, quid possit sanguis tam prodigè fusus immaculati illius Agni pro omnium salute in crucis ara imolati? Roga igitur, iterumque roga hanc dolorosissimam Virginem: Ah Domina! unicam stillulam etiam pro me omnium peccatorum miserrimo; ah Domina! quæso, ne deneges mihi, licet clientum ac sodalium tuorum infimo, hanc gratiam, ac tunc præsertim, quando in supremo illo iudicio agetur de æterna animæ salute; Domina! unicam stillulam rogo, & sufficit mihi.*

Psalm. 103.

24

*3. Ad te nunc humilis sermo meus, ô Pater cœlestis! qui omnia in sapientia fecisti, & cuncta suaviter in suum disponis finem; Quare, obsecro, voluisti, ut dilectissimo Filio tuo in tragœdia illa tam cruenta, tam luctuosa, tam funesta, cum salutem nostram in medio terra in cruce pendens operaretur, & Mater dolorum socia ei assisteret? Noëino pepercisti, includens eum in arca, ne generalem videret humani generis interitum: Et inclusit eum Dominus desoris.*

Psalm. 37.

12

Genes. 7. 16

Gen. 22. 3

Genes. 21.

17

Match, 3, 17

*Cum Sara dispensasti, ut dum Filius ejus nunc erat in victimam tibi litandus, ipsa interim domi remaneret. Agar ob morientem in deserto filium per Angelum solatus es: Quid agis Agar? Noli timere, &c. Et innocentissimæ Matris Filii tui, in quo, & in qua tibi semper benè complacuisti, non parcis? Ad quid mitis hæc agnella inter cruentas luporum manus? Ad quid intemerata hæc Virgo hæctenus solitudinis amantissima & publici semper fugiens in tanto rerum tumultu? Nunquid poterat in suo cubiculo mortem Unigeniti sui materno affectu prosequi, & tibi æterno Patri pro humani generis offerre salute? O bone DEUS! quam lamentabilis hic erat aspectus, suum videre sanguinem de infami ligno, tot vulneribus, tot patefactis defluere ostiis!*

Psalm. 35. 7

*Adverte, anima Christiana! Judicia Dei abyssus multa, quia primus Adam peccavit in ligno, secundus & melior culpam luit, ac diluit in ligno; & quia Eva ex arbore prohibitum decerpendo fructum omnis nostræ ruinæ instrumentum fuit, voluit benignus Deus, ut nova & melior Eva sub arbore crucis repararet, quod prius illa destruxerat: Sicut Heva, inquit doctissimus Taule-  
rus, usurpans temerè de arbore scientia boni & mali, homines in Adam perdidit; ita tu de arbore crucis dolorem in te suscepisti, satiataque amaritudine, unà cum Filio tuo hominem redemisti. Et quia Christus pro peccatoribus primariò in monte Golgothæo passus, crucifixus & mortuus est, æquum fuit ac conveniens, ut & Mater, quæ est Refugium peccatorum, pro eis intercedendo ad crucem adstaret. Mitto plures rationes. Audiamus S. Bernhardinum Senensem: Tota commigraverat, ait de hac dolorosa Matre, in Dilectum, & dum ille corpus, ista spiritum immolabat. Sed quâ parte stabat Virgo juxta crucem? Utrique ad sinistram Christi, juxta Alexandrum de Ales, scilicet ut pro peccatoribus Filium ex-*

Jo. Tauler.  
cap. 18.S. Bernhar-  
din. Senens.  
Tom. 1. ser.  
55. art. 12.  
par. princ.  
cap. 3.

oraret.



*eraret, qui à sinistris Domini sunt.* O peccatores omnes, respirate, & in novam vos spem erigite: Maria facta est sub cruce Refugium peccatorum, Consolatrix afflictorum, Auxilium Christianorum, Atlas mundi, Arca salutis & Civitas refugii; ite ad hanc Matrem dolorosam, & si faciem Christi Crucifixi, cujus interfectores fuistis, ob demerita vestra pertimescitis, ite, inquam, prius ad Matrem, & hanc dolorosam, ut vobis viam paret ad veniam & ad æternam consequendam misericordiam: *Sicut pia Mater,* sunt verba Richardi, *abscondit Filium suum sub pallio, quando pater vult eum verberare: Sic B. Virgo refugientes ad se, Christi justitiam formidantes.* O pientissima Mater! quis non diligit te? Richard. lib. 12. de laud. B. V.

4. Et si ulterius libeat progredi, quare dolentissima Mater non eminus, sed proxima Filio juxta crucem steterit, verè cum Crucifixo crucifixa, perpendere oportet rationem, quam veritas in sacro eloquio nobis inculcat: *Ubi,* Math. 6. 21 inquit, *est thesaurus tuus, ibi est & cor tuum;* sed quis magis dilectus atque gratior poterat esse thesaurus tantæ Matri quàm talis Filius? Ergo COR MARIÆ penitus in SS. CORDE JESU erat absorptum, proinde à Dilecto suo abesse non poterat, etsi mille oportuisset eam subire necesse, non tribulatio Rom. 8. 35 aut angustia, non fames aut sitis, non periculum aut persecutio, non gladius aut ignis, vel creatura alia illam separare poterant à charitate DEI, quæ est in Christo JESU Domino nostro.

Videntur mihi JESUS Crucifixus & cum eo in anima crucifixa Mater, ut duo specula sibi invicem opposita, quorum unum alteri solares splendores mirandâ prorsus vicissitudine reverberatos comunicat, adjecto Lemmate: *Alterum ab altero.* Vel si mavis: *Fertque, refertque.* Ejusmodi mutua sibi specula erant JESUS & MARIA, dolorem & amorem sibi invicem comunicantes: *Clarissimum speculum passionis Christi,* ait S. Laurentius Justinianus, *effectum erat Cor Virginis, & perfecta mortis imago; in illo agnoscebantur sputa, convitia, verbera & vulnera Redemptoris.* S. Laurent. Justinian. de Triumph. Christi, ag. cap. 21. O quis dicet, quo animi sensu hæc mœrentissima Virgo hunc crucifixum Amorem suum à meridie usque ad vesperam in cruce pendentem fuerit contemplata? Noverat quippe, quis esset; quid pateretur; pro quo pateretur; in quem finem pateretur; & quod *posuerit Dominus in eo iniquitatem omnium nostram.* Isa. 53. 6 O quot pientissimos affectus hæc pretiosissima Mater tunc stans sub cruce in DEUM & HOMINEM Christum eliciebat: Comiserationis, gratiarum actionis, admirationis, amoris, fiducia, imitationis, &c. Nunc patientis & morientis Filii considerabat vultum, heu quàm lugubrem, lividum, saucium, percussum, totum cruentum, & spineo ferto redimitum: Hæccine, intra se suspirabat, estne facies illa, in quam desiderant Angeli prospicere? O cœli obstupescite! nunc manus ejus intuebatur, olim tornatiles, plenas hyacinthis & in omnes beneficas: *Et imponens manus* Marc. 16. *super illos, benedicebat eos.* Sed modò, at quàm crudelibus terebratas clavis? 16

Nunc



Nunc venerandos oculis lustrabat pedes, triginta & ampliùs annis pro salute nostra fatigatos, & ecce, qui sidera & maria priùs calcare poterant, nunc trabalibus sunt clavis perforati. Nunc totum corpus contemplabatur, ô spectaculum sacro plenum horrore! & non nisi sanguinem & unum vulnus cernebat: Et hiccine, inquebat, est Filius meus? An meus ille Filius? Qui inter Cherubinos sedet, nunc inter latrones pendet quasi pecus excoriatum, & non est ei species neque decor; verè, ô mi JESU! *novissimus virorum factus es, vermis & non homo, opprobrium hominum & abjectio plebis.* Supra omnia autem hæc pientissima Mater Sacratissimum ac Divinissimum Cor JESU meditabatur, illum amoris thronum, Divinitatis thalamum & librum Electorum (ô beati, quorum nomina in hoc libro vitæ scripta sunt) sed quid vidit mœstissima Matrum? O Domina! claude oculos, ah claude, & noli fulminantem videre lanceam, quâ miles truculentus te præsentem illud transverberabit.

O luctuosissima Mater! qualis, obsecro, tunc tibi animi sensus? Quis dolor? Quis amor? Dicat, qui potest, & ego eum tibi explicabo. Et si S. Paulus de se affirmat, quòd per frequentem meditationem stigmata Domini JESU in Corpore suo portaverit, qui tamen Christum patientem non viderat; quid de dolorosa Virgine dicendum, cujus COR unum cum CORDE JESU fuerat, quæ omnia præsens & coram spectavit? Magnum ergo miraculum extitit, quòd hæc tenerrima Virgo non ad pedem crucis expirârît; audi Mellissimum: *MARIA quia plus omnibus dilexit, singulare miraculum DEUS Patet in ea perpetravit, idèd etiam dicit ipsa Canticum 5. Anima mea liquefacta est per incendium charitatis, sicut metalla liquefiunt per vehementiam ignis.* O bone JESU! ô Mater doloris & amoris! Ubi noster in vos amor est? Ubi compassio; Ubi lacrymæ? Ubi vera contritio? Ubi seria vitæ emendatio? Ah quando tandem carnem nostram cum vitiis crucifigemus? Si non compatimur, quomodo cum illis conglorificabimur? Audi, mi Lector! Crucifixum amorem tuum ad cor tuum de cruce loquentem:

*Aspice me, quicumque refers cognomine Christum.*

*Te propter volui hanc sponte subire necem.*

*Ecce patent ferro disruptis brachia nervis,*

*Confossum latâ cuspide pectus hiat.*

*Planta superfixo contunditur utraque clavo:*

*En regale caput spineaserta tegunt:*

*Plurimus è lacero discurrit corpore sanguis.*

*Tabifico cervix sparsa cruore nota:*

*Lumina livefcunt, mortis torpore propinqua.*

*Luridus exsanguis pallor in ore sedet.*

*Quid cessas grato suspiria ducere corde?*

*Ecce tua immerito hac pœna luenda fuit.*

Mat. 53. 3  
psal. 21. 7

Galat. 6. 17

S. Bernhard.  
in Cant. 5.

§. Recordor hîc illius Cherubini, quem quondam DEUS post expulsos ex horto voluptatis protoparentes nostros cum gladio ignito atque verâ illi ad fores paradisi constituit: *Collocavit ante paradisum voluptatis Cherubim, & flammæum gladium, atque versatilem, ad custodiendam viam ligni vitæ.* Supra quod pulcherrimè cōmentatur Doctor Seraphicus: *Ecce, inquit, aperta est annua paradisi, & per lanceam militis gladius versatilis est amorus.* Et hoc est, quod Dilectus ille discipulus Christi nobis insinuasse videtur, dum scripsit: *Unus militum lanceâ latus ejus aperuit.* Adverte *τὸ aperuit*, non vulneravit, auciavit, &c. sed *aperuit* latus JESU adinstar Januæ aut portæ, per quam omnes Christi fideles ad SS. Cor Redemptoris sui apertum ac liberum habent introitum, ad quem mysticum paradisum (SS. Cor JESU) clavem dolorosa Virgo & Mater habet, ita rursus idem Seraphicus: *MARIA, ait est clavigera cœlestis*, per illam enim accessum habemus ad Filium, & à Filio ad Patrem. Sanctam Mechtildem consulite, quæ cùm aliquando Sacram historiam de passione secundum Joannem mente attentâ ac devotâ legeret, dum ad illa morientis Redemptoris nostri verba pervenit: *Ecce Mater tua*, Crucifixum hunc Amorem suum impensius rogare cœpit, quatenus & sibi, sicut quondam S. Joanni, hanc SS. ac dolorosam Matrem suam consignaret. Attende mitissimum Cor JESU, mox annuit benignus orbis Reparator Christus, & hanc SS. Matrem suam non duntaxat ei in Matrem legavit, sed & voluit, ut singularem imposterum Mechtildis curam haberet. Audiamus hîc propria Auctoris verba: *Illico, ait, Christus tradit eam in manus Matris suæ: Mater, inquit, mea, ego hanc tibi cōmendo, ut plagas meas, & quasi saucius ante te jacerem, conante te iterum vulneribus meis mederi: Ad eundem planè modum opto te ejus curam suscipere, eamque solari, ubi usus feret. Iterum illam tibi commendo, tanquam mei pretium, meminisseque te velim, quanti illam feci, cùm ejus amore captus, pro ejus salute mortem crucis obierim. Denique eam cōmendo, tanquam cordis mei delicias & amores, cùm non ignores delicias meas esse cum filiis hominum. Tunc ad Christum S. Mechtildis: Nonne hoc idem, ô bone Domine, præstare velles quibuscunque, qui id exoptant? Imo, respondit Christus Dominus, neque enim acceptio personarum apud me est. Si hoc ita est, prout in veritate ita est, quare ergo, ô peccatores! ad hanc SS. Matrem dolorosam non festinatis? Si Mater vestra est, ubi reciprocus in illam amor? Audite pro coronide Jo. Berchmanum S. J. fama sanctitatis notissimum? *Necessarius, inquit, cuilibet est, certus aliquis persugii locus, in quo velut in asyllum se recipiat subitis adversisque rebus: Nullus autem tutior est sinu, plagisque sanctissimis Christi, & pallio Reginæ cœlorum, &c.**

G n. l. 3 24

S. Bonavent.  
Tom. 7 Stim.  
amor. cap. 1.  
Joan. 19.


27

In Specul.  
parvo.

Anton. Baling. in Calend. Mar. 26 Februar.  
Et P. Georg. Recb S. J. in Reg. rud. Christ. p 3. fol. 76.

Herm. Hugo in ejus vita part. 2.





## CONSIDERATIO XXXV.

Mater Dolorosa inter Filium crucifixum & latronem, aliosque peccatores juxta crucem Mediatrix facta est.



Deducit me in terram rectam.

*Psal. 142. 10.*

1.



Hecuitis mulier illa prudens iratum quondam Davidem Israëlitarum Regem cum Absolone filio rebelle fratri-  
cida mirum in modum blandiloquentiâ suâ placavit:  
*Itaque cum ingressa fuisset mulier Thecuitis ad Regem, ce-  
cidit coram eo super terram, & adoravit, & dixit: Ser-*

2 Reg. 14.

4.

*va me Rex, &c.*

Beatissima Virgo & Mater dolorosa, plus quam illa  
Thecuitis, stans juxta crucem inter Filium crucifixum & Dismam latro-  
nem media, inter utrumque quoque Mediatrix facta est, dum in extre-  
mâ vitæ periodo prædoni illi non duntaxat veniæ locum, sed & paradi-  
sum



sum per suam efficacissimam intercessionem obtinuit. Ita Novarinus: *Sub* Novarin.  
*MARIÆ umbra*, inquit, *ac tegmine fuit bonus ille latro, qui cum Christo pen-* lib. 4. excu-  
*bat in cruce, nam, ut multorum sententia est: Virginis præcipuè precibus ad Chri-* su 72.  
*stum conversus est, &c.* Vide in hanc rem & Eminentissimum S. R. E. Car- num. 713.  
 dinalem B. Petrum Damianum, qui in pluribus locis confirmat, latronem il- B. Petrus  
 lum, qui Christo crucifixo à dextris erat, ope ac precibus dolorosæ Matris ad Damian. in  
 DEUM esse conversum: *Bonus latro*, ait, *resipuit, quia Beatissima Virgo inter* serm. de hoc  
*crucem Filii & crucem latronis posita, Filium pro latrone deprecabatur.* Idem & passim  
 paulò inferius: *Latro in cruce conversus: Sed cur non ante? Cur non resipuit,* alii.  
*cùm JESUM in via sequeretur? cùm cum crucem ferentem vidit, & comitaba-*  
*tur? Tunc convertitur, cùm MARIA juxta crucem stabat: Tunc ex latrone*  
*factus est Martyr, cùm pro eo MARIA deprecabatur.*

2. Videtur mihi hîc felix latro, ut Sciurus quidam, qui fluvium, aut stagnum trajeſturus lignum arripit pro navicula, & bacillum pro remigio, quibus mediantibus, & aura prospera aspirante, feliciter ad alteram transvehitur ripam. Proinde haud incongruè huic naviganti Sciuro loco epigraphes illud ex Psalmis Vatis Regii inscribes: *Deducet me in terram rectam.* Ita, sub- Psalm. 142.  
 intrat hîc D. Ambrosius: *Ubique latro diu oberrans, & naufragus, aliter ad pa-* 10.  
*triam redire non poterat, nisi fuerit arbori alligatus.* S. Ambros.  
 serm. 55.

Vel si magis arridet, pro Symbolo hujus veritatis adhuc magè dilucidandæ, hirundinem contemplare, quæ ingruente dura hiemis statione, in aliam ac remotissimam orbis regionem trans mare avolare assolet, & ne in emetiendo tantarum viarum spatîo, labore ac volatu fatigata, in aquas decidat submerganda, sibi maturè de uno vel altero exiguo prospicit bacillo, supra quo, volatu fessâ, tranquillo mari sustentata, & velut in navicula remigans, aspirante aura benigna, secuta ad alterum immensi æquoris portum appellit, hinc rectè ejusmodi hirundini pro Lemmate affiges:

## Ne mergar.

Ita bonus latro in cruce fecit, in qua, velut in cymba tutissima, ad optatum paradisi & æternæ beatitudinis portum, aspirante dolorosæ Matris gratiosa aura, transmeavit: *Instituit*, inquit S. Augustinus, *DEUS lignum,* S. Augustin.  
*quo mare transeamus; nemo enim potest transire mare hujus sæculi, nisi cruce Chri-* To. 9. tract.  
*sti portatus.* 2. in Ioan.

3. Verumenimverò non solum pro conversione Dismæ latronis, sed & pro omnium salute, adeoque etiam pro tua, ô mi Lector! dolentissima S. Bonavent.  
 Virgo stans ad pedem crucis, imò etiam genibus flexis (prout observat S. Bo- in vita Chri-  
 naventura cum aliis) DEUM Patrem impensissimè orabat: *Pater dimitte* sti P. Shall.  
*illis.* Et licet imensa tunc repleta esset amaritudine, & inebriata absinthio; no- S. J. con. 88.  
 bis tamen sub cruce facta est quasi favus distillans, & oleum effusum, atque Thre. 3. 15  
 Apoc. 4. 3.

velut iris in circuitu sedis; sedes autem, seu thronus, à quo regnavit Dominus, non erat alius, quàm lignum crucis proprio Regis Sanguine purpuratum. O Domina! ubi stabas tunc? O quàm benè de te dixit & scripsit Orator ille Aureus, quòd calamitoso illo temporum intervallo in rupe Calvaria facta sis *Columba in medio accipitrum, ovis in medio luporum; lilium in medio spinarum, stella in medio nubium, germen justitiæ in medio iniquitatis*; nihiloscitùs sicut olim tempore Elisæi præcisum lignum grave ex aquis ad se attraxit ferrum: *Præcidit ergo lignum, & misit illuc, natavitque ferrum.* Sic tu, ô Pientissima! quæ à S. Damasceno appellaris: *Lignum plantatum secùs decursus aquarum*, ferreum latronem, aliosque innumeros peccatores per tuam intercessionem de profundo lacu perditionis, velut gravissimum ferrum ad te attraxisti, qui latro exinde, attestante D. Hugone, in sanguine & aqua, ex aperto crucifixi Jesu latere largiter profluente, baptizatus, & ab omni peccatorum sorde mundatus est: *Sacratissimo Sanguine*, inquit, *latro ille aspersus est, idèd in ictu oculi paradisum intravit.*

Hic adimpletum fuit illud Zachariæ: *In illa die erit fons patens domui David, & habitantibus Jerusalem in ablutionem peccatoris.* Ubi observa, quòd Propheta hîc Christum crucifixum ac plagatum, non clausum, sed patentem fontem nominet, qui omnibus indifferenter prostat, non latroni tantùm in cruce ad frugem redeunti, sed & omnibus, ac quàm maximè peccatoribus, ut ex eo, si velint, aquam hauriant salutis.

Sed & dolorosa Mater fons est, patens omnibus Christicolis, non enim à Filii clementia, qui peccatores recipiebat, & manducabat cum illis, aliena esse debuit, vel potuit, utpote quæ gratiarum ac misericordiarum fontem mundo peperit; proinde cum Disma rectè ad eam currunt peccatores omnes, etiam desperatissimi, qui, si verè pœniteant, per ejus intercessionem veniæ locum, gratiæ augmentum, & vitam consequentur æternam; proinde rectè Mellissius: *Tu, inquit, peccatorem à desperationis barathro pia manu retrahis, spei medicamen aspiras, foves, nec deseris, quousque horrendo Judici miserum reconcilies.* Disce ergo, anime mi! ex omnibus votis, totisque cordis medullis venerari dolorosam Matrem tuam, quia sic est voluntas ejus, qui totum nos habere voluit per MARIAM.

4. O Domina mea! verè Mater amoris & doloris, cui ulteriùs te affimilabo? *Lignum vitæ* es in medio paradisi plantatum, qui ad te, confugiunt, non lædentur à morte secunda. *Arca* Noë es, qui ad te recurrit, à diluvio peccatorum salvabitur indemnus. *Mons salutis* es, in quo tempore incendii & subversionis Pentapoleos Loth servatus est incolumis. *Civitas refugii* es, ad quam confugiens peccator à Divinæ Justitiæ ira tutus latitat: *Peccator*, ait Richardus, *debet ad eam confugere, quia ipsa est civitas refugii.* *Murus & antemurale* es cunctis tuis clientibus, devotè te invocantibus, inter DEUM enim & nos

Me-

3. J. Chryf.  
hom. 2. de  
patientia

4. Reg. 6. 6  
S. Damasc.  
de dormit. V.

D. Hugo  
lib. de ani-  
mar. regress.  
Zach. 13. 1

3. Bernhard.  
serm. 2. de  
Virg. Deip.

Genes. 2. 9

Genes. 6. 14

Genes. 19.

17

Josue. 21.

36

Rich. lib. 2.

p. 3.

Mat. 26. 1



Mediatrix es post Filium primaria, ne ob demerita nostra æternum nos puniat. *Luminare minus* es, quia Filius tuus *luminare majus* est, qui præest diei, id est, Justis; sed tu, ô Beatissima! velut *luminare minus* præes nocti, id est, ait Hugo Cardinalis, *peccatoribus*. *Nubes* es fecundissima, ardorem Solis Justitiæ, qui est Christus DEUS noster, tanquam supremi Judicis, mirè temperans. *Oliua* es, non horti, sed campi: *Quasi oliua speciosa in campis*, ad opitulandum omni tempore, velut in patulo campo omnibus exposita. *Virga* *Moyſis* es, quæ ex petra, qui Christus est, aquam produxisti salutiferam, fontemque in vitam æternam salientem. *Atlas* denique es totius orbis: *Cælum & terra*, subintrat hic S. Fulgentius, *jam dudum ruiſſent, si non MARIA precibus sustentasset*. Periiſſet sine dubio & Dismas, latro ille famosus & infamis, nisi per te apud dulcissimum Filium gratiam invenisset. Periiſſem absque dubio & ego peccatorum miserrimus jam pridem, inter tot ac tanta constitutus pericula, nisi tu, Domina! me indignissimum servulum tuum tam benignè hactenus sustentasses; quas ergo tibi, ô Virgo! potero referre dignas gratiarum actiones? O si tot vitas haberẽ, quot pro tua laude scribo caracteres, quàm lubenti animo eas pro tuo honore expendere, & in sanguine meo consecrarem?

5. Sed nondum hîc benignitatis tuæ ac clementiæ finis est, ô piētissima Mater! Assuerus centum viginti ac septem provinciarum Dominus, ut munificentiam suam in Estherem explicaret, ei dimidiam regni partem obtulit: *Quid petis*, inquit, *ut detur tibi? Et pro qua re postulas? Etiam si dimidiam partem regni mei petieris, impetrabis*. Enimverò impetrabis? Qui tamen ex post facto nihil dedit. Ita & Herodes, qui Præcurſorem Domini decollari mandavit, in die natali suo Herodiadi Filiæ, impiæ saltatrici in præmium unius saltûs dimidium regni sui pollicitus est: *Pete à me, quod vis, quia quidquid petieris, dabo tibi, licet dimidium regni mei*. Stat hîc attonitus Orator Aureus, quòd Rex ille pro levissimo saltu dimidiam regni sui partem lascivæ filiæ prælentarit: *O infelix*, exclamat ille, *itane tibi mentis oculi cæcutiunt? Tanti regnum facis? Quid si secundo saltaverit? Postea tibi erit mendicandum*. Collige ex his, prudens Lector! modernum mundi stylum; adi aulas Magnorum & Illustrium, multa tibi promittent, & pauca servabunt; ita neuter Rex, licet posterior promissum suum etiam juramento confirmarit, pactum suum servasse legitur. Sed longè fidelior est DEUS & Homo Christus in promissis suis, dum ad instantiam & intercessionem SS. Matris suæ latroni pœnitenti non dimidium sed totum regnum suum promisit, ac dedit: *Amen dico tibi: Hodie mecum eris in paradiso*. Luc. 23. 43

O cœli obstupeſcite! latro ille pœnitens, immanium suorum non imemor scelerum, non ausus erat à Christo patiente petere: *Hodie*, sed humiliter pro uno duntaxat *Memento* in hoc cruento Missæ Sacrificio, pro salute totius mundi oblato, summum Sacerdotem JESUM deprecatus est: *Domine, memento mei; & sine mora responsum ac promissum accepit: Hodie*. O cœli obstupeſcite,

Genes. 1. 16  
Hugo Cardinalis, hic.  
3. Reg. 18.  
44  
Ecclesi. 24.  
19  
Num. 20.  
11  
S. Fulgent.  
lib. 4. Mytholog.

Esther. 5. 6  
Marc. 6. 22  
S. Chryſost.  
hom. 49. in  
Matth.



dum per potentissimam Matris dolorosæ intercessionem latro ille impius uno momento ex inferni titione paradisi civis, ex inimico Dei amicus optimus & ex mancipio diaboli Angelorum socius, cœlique hæres factus est. Sed dic, ô Domina! quid tunc stans juxta crucem animo volveris? Quid cogitaveris, dum hoc verbum omni solatio plenum à moriente Filio non fracta sed sonora voce prolatum percepisti: *Hodie?* Credo, hanc Sacratissimam, juxta ac afflictissimam Christi Matrem tum temporis intervallo apud semetipsam ita in Corde suo altum suspirasse: *O mi JESU! ô amor crucifixe! ô omne bonum meum! ad parvulam petitionem meam huic prædonum sceleratissimo non solum omnia relaxasti delicta, sed & insuper eum hæredem regni tui cœlestis adscripsisti; ô quàm felix est iste latro, quia tecum hodie in amœna paradisi semper virentia intrabit: Et ego Mater tua manebo hic in doloribus? in ærumnis? in persecutionibus? Ah quàm diu adhuc? O mi JESU! ô Fili mi! ah quàm diu? O quis mihi tribuat unâ tecum mori, ô vita mea? Veruntamen non mea, sed tua fiat sanctissima voluntas. Ita ô mi Domine! ita ô mi JESU! quia sic placitum fuit ante te, placet & mihi afflictissimæ Matri tuæ; manebo ergo interim superstes Mater tua, ah non Mater amplius, sed orphana, flentis ac deserta infelix simulacrum. O pie Lector! hæccine legis, & dolentissimæ Matri non condoles? Quare non eam impensissimè rogas: Ah Domina mea! sancta MARIA! impetra, ah impetra & mihi clientum tuorum infimo similem in agone gratiam, ut merear audire: *Hodie mecum eris in paradiso.**

5. Cæterum inquirunt SS. Patres & SS. litterarum Interpretes, qualis huic bono latroni patria & religio fuerit? Aut Hebræus aut Gentilis extiterit? Altum hîc est Evangelistarum silentium, quibus sufficiebat (ita Spiritu Sancto calamum gubernante) ejus ad Christum tam mirabilem enarrasse conversionem. Verum S. Anselmus existimat, prædonem illum natione fuisse Ægyptium; & quia olim in illa fuga SS. Deiparæ, iram Herodis cum Filio declinanti, peculiare præstitit beneficium, ideò aliquo modo meritum, ut pro ejus conversione tam impensè Filium sit deprecata. Evergistus verò hujus opinionis est, latronem illum civem Nazaræum extitisse, atque Divæ Virginis patriotam, proinde SS. Deiparam ejus tam benignè esse misertam, eique veniam & gratiam à DEO obtinuisse: *In domo, ait, habitabat latro, quæ domui B. Virginis vicina erat: & B. Virgo inter Christum posita instanter orabat pro latrone.*

Quidquid sit hac de re, aliis tamen longè probabilius videtur, ideò dolorosissimam Virginem huic bono latroni à Filio suo animum contritum, noxarum veniam ac paradisum impetrasse, quia ipsa præsens in Calvariæ monte imò juxta crucem audiebat latronem illum in conspectu omnium publicè innocentiam Filii sui in cruce defendere, ubi alii eum innumeris injuriis, blasphemiiis & opprobriis defatigabant: *Hic autem nihil mali gessit.* Ideò subintrat hîc Josephus Mansi, quia ipsa est refugium peccatorum, ei à Filio suo peccit & impe-

S. Anselm.  
ad sororem.  
& Alphonf  
1. de Vita  
Christi,

Evergist.  
Tub. S. Vin-  
cent. fol 92.

Mansi in  
Bibl. Tom. 3.  
fol. 1193.

impetravit peccatorum remissionem, cunctasque alias cœlestes benedictiones. Audiamus & Simonem Cassianum: *Ipse solus* (loquitur de bono latrone) *cum tacente Virgine confitetur, & in maioribus tam horrendis socius fuit Virginis in fide, atque dolore, Christi confessor, atque suæ innocentia tutor.* Econtra subinfert S. Chrysostomus, *Petrus, qui claves regni acceperat, cum gloriæ Regem in crucem actum videret, abjectis clavibus se coniecit in fugam: at latro cœlorum reserans januam, claves ipse rapuit paradisi.* Vide hic, anime mi! ac considera, quomodo dolorosissima Mater vel minima quoque obsequia Filio crucifixo, aut sibi præstita, recompenfare soleat; proinde cole eam, ac venerare, quantum potes, & senties in cunctis necessitatibus tuis opportunum ab ea auxilium. Audi pro tuo solatio auream Doctoris Seraphici sententiam: *Domina nostra, inquit, omnes diligit, omnibus succurrit, pro omnibus intercedit, pro omnibus advocatam se fecit; nec ullum à charitate sua secludit: propter hoc est luna assimilata, quia sicut luna, quæ inter corpora cœlestia & terrena est media, & quod ab illis accipit, ad inferiora refundit: Sic Virgo Regina inter nos & DEUM nostrum est media, & gratiam ipsa nobis refundit.*

Sim. Cassian. lib. 13:

3. Chrysost., orat. de infer. desc. & latr.

S. Bonavent., serm. 14. in Nat. Dom. Cant. 6. 9

6. Historiam, si lubet, miram accipe. Virgo quædam dives ac nobilis (prout auctor est Michaël Sanchez de Ortega) hujus mundi vanitatibus pertractata, ad Religionem S. Benedicti, tanquam ad securum salutis portum, in Magna Britannia in Monasterio nomine Fuercobain confugit, ubi per aliquot annos ob singulares virtutes ac merita omnibus consorioribus in amore & deliciis erat. Verum antiquus ille serpens, qui olim Protoplastos fraudulenter circumvenit, hanc quoque Virginem variis dolis & modis, ac præsertim carnis tentationibus aggredi statuit. In hunc finem juvenem quandam vultu speciosum vaftrum, & mundanis illecebris affabrè irretitum submisit, cujus cœco amore puella paulatim capta, & inescata, importunisque suggestionibus carnalibus tandem ficta statuit adultæ nocte è claustris abitum parare, & postliminio ad sæculum redire. Et ecce cum jamjam conclavi suo egressa per templum ad amatorem suum properat, ac veterem quandam Crucifixi imaginem, cultu ac veneratione fidelium celebrem pertransit, à dolorosa Matre in effigie sub cruce stante hæc verba percipit: *Quò properas infelix? Cur pro dæmonio Filium meum abdicas?* Hæsit ad cœlestem hanc vocem attonita misera desertrix, & cum nihiloseciùs tremebunda pararet effugium, audi rem miram. Illo temporis momento Christus & hic Crucifixus in sua effigie manum dextram à cruce sibi revellit, qua clavum ferreum, quo affixa erat, fortiter apprehendit, & valido ictu in maxillam hujus deserttricis projicit, ac graviter sauciat, quæ consternata plagâ muliercula semianimis in terram collapsa, ad auroram usque proprio natans in cruore jacuit. Hæc inter in Conventu signo ad preces matutinas dato, sacræ Virgines ad templum descendunt, ubi has de cœlo voces audiunt: *Venite charæ sorores, accipite vestram Monialem, & de terra*

Mich. Sanchez Ortega de veste nuptiali. Mancin. S. J. de Pass. fol. 715.

248 *Consideratio XXXV. B. Virgo latroni veniam obtinet.*

levate, quam isto vulnere sauciavit Crucifixus ob pessimam perfidiam suam, tam in se, quàm Matrem commissam. Accurrunt omnes, & infelicem Sponsi cœlestis desertricem in sanguine adhuc innatantem, ac cruciatibus penè confectam inveniunt, cui clavum ferreum de maxilla extrahentes, cruorem abluunt, plagam obligant, & ad cellam deportant, in qua non nisi post longas preces & amaram pœnitentiam gratiæ Divinæ & sanitati pristinæ restituta est. Cæterùm imago hujus miraculosi Crucifixi brachium ac manum dexteram à cruce & clavo remotam in tanti prodigii memoriam adhuc in præsentem usque diem sic retinere dicitur.

Vide hîc, anime mi! ac perpende peculiarem, quam dolorosa Mater stans sub cruce huic desertrici exhibuit, curam, dum eam, ne ad diabolium transiret infelix, maternè ac seriò monuit. David quondam in aula Regis Saulis gloriabatur, quòd ex faucibus truculenti leonis & ursi raptas eruerit oviculas; ô quot dolorosa Mater peccatrices animas ex inferni & orci faucibus hætenus eripuit? Testantur hoc quàm plurima diversis in locis circa dolorosæ Matris statuas ac imagines miseris mortalibus exhibita beneficia. O Adam! primæ generis humanæ parens, quàm rectè abscondisti te cum uxore tua à facie irati Numinis in medio ligni paradisi; per illud enim lignum SS. Deipara adumbrata fuit, ita S. Ephrem, qui hanc Sacratissimam Virginem salutat: *Ave lignum vitæ, gaudium & voluptas.* O filii Adam! si secuti sumus errantem, sequamur & pœnitentem, & ad crucifixum JESUM ac dolorosam Matrem ejus, ne æternis deputemur suppliciiis, magno animo curramus. Mater est: Et quid ultra requiris? à moriente JESU nobis per testamentum legata est in Matrem: *Ecce Mater tua*; ad quid ergo ad illam accedere trepidas? Sed peccator sum, dices? Et ego dico tibi, necdum despera, quia & ipsa peccatores recipit. Nunquid Mater Filiolum, si in terram ruit, benignè sublevat, ac consolatur? Ita & Dolorosa Mater: *Quomodo si cui Mater blandiatur; ita & ego consolabor vos, &c.*





# CONSIDERATIO XXXVI.

B. Virgo & Mater Dolorosa peccatorum & miserorum singulare refugium ac solamen.



Tu es refugium meum à tribulatione, quæ circumdedit me. *Psal. 31. 7.*

1. **E**stè Ecclesiasticus : Qui navigant mare, enarrant pericula ejus, & audientes auribus nostris admirabimur, quæ, ac quanta ejusmodi navigantibus immineant rerum discrimina; proinde non aberravit ille à scopo, qui animam hominis Christiani viatoris cuidam naviculæ, in mediis tempestatum fluctibus jactatæ, comparavit: *Per navim*, ait Hugo Cardinalis, *significatur anima*, sicut enim navis pluribus periculis in Oceano obnoxia & exposita est, ne in rupes & scopulos, Charybdes aut Syrtis

*Eccles. 43.*

*26*

Hugo Card.  
ex O. P. in  
Comment.  
in Script.

*Mater Dolorosa.*

I i

impin-

impingat, ne ventorum rabie, aut procellarum vi in certam perniciem devolvatur, ne in altitudine aut profundo maris funestum patiatur naufragium: Sic anima hominis Christiani in hac vita mortali assiduus discriminibus, hostium insultibus & tentationum fluctibus obiecta est, donec tandem post longam & diurnam vexationem ad optatum salutis portum perveniat, ubi deinceps nullum amplius erit pertimescendum naufragium. Portus autem tutissimus, cunctisque patens mortalibus, post Christum crucifixum B. Virgo & Mater dolorosa est, ad cujus misericordiae sinum omnes in periculis & angustiis constituti, ne æternum animarum patiantur naufragium, securè confugiunt, quibus adinstar Phari esse solet, in mari Ægyptiaco ad Nili ostia nocturno tempore navigantibus, ne malus eos auferat error, per accensam lucernam tutissimam ad portum viam commonstrantis, cum inscripto Lemmate: *Iter parat tutum*; vel potius:

### Errantibus una micat.

2. Dismam latronem consulamus, cum Christo orbis Redemptore ob sua gravissima scelera in crucem suffixum, & tandem ultimâ vitæ horâ, postquam quadraginta annos juxta S. Leonem Papam in omni scelerum turpitudine complevit, ad DEUM conversum: *Et dicebat ad JESUM: Domine memento mei, cum veneris in regnum tuum*; unde, obsecro, subintrat hic S. Augustinus, *hac mutatio latronis dextera Excelsi est?* Mira fuit conversio Petri, Christum in atrio Caiaphæ negantis: *Et conversus Dominus respexit Petrum*, Mira conversio Sauli in Paulum, ad quem Christus de cælo fulminavit: *Saule, Saule, quid me persequeris?* Mira conversio Thomæ: *Noli esse incredulus, sed fidelis*. Mira conversio Magdalenæ: *Et ecce mulier, quæ erat in civitate peccatrix*. Mira conversio Centurionis: *Verè Filius DEI erat iste*. Mira conversio Matthæi: *Vidit hominem sedentem in telonio, &c.* Mira conversio Zachæi in Sycomoro: *Zachæe festinans descende, &c.* Sed longè mirabilior conversio Dismæ latronis extitit, cæteri enim vel Christum audiebant prædicantem, vel videbant patrantem miraula; verum hic latro nihil simile audiebat, vel videbat, & tamen Christum in ipso infami patibulo pendentem, atque atrocissimum latronum supplicium sustinentem, ut verum DEUM, ac supremum rerum omnium Dominum, in cujus potestate cunctorum mortalium salus pendet, non tam fide agnovit, quàm & illum publicè ut Messiam, DEI filium, & Salvatorem mundi professus est: *Et nos quidem justè, nam digna factis recipimus: Hic verò nihil mali gessit; & dicebat ad Jesum: Domine memento mei, cum veneris in regnum tuum*. Quid, obsecro, boni fecit hic latro, quòd momento uno in virum alterum, & ex scelestissimo in optimum ac sanctissimum fuerit commutatus?

Advertit hîc beatus Petrus Damianus, Sylveria, Salmeron & plures alii, quod B. Virgo ac dolorosissima Mater, utpote peccatorum omnium singulare refugium, stans juxta crucem, & cernens ac agnoscens tunc latronem, utpote de Nazareth oriundum, sese tanquam Mediatrix Filium inter & ipsum interposuerit; & quia quondam singulare SS. Deiparæ in Ægyptum ob Herodis rabiem fugienti beneficium præstitit, eamque illæsam cum Puero in via dimisit, ideò non inmemor B. Virgo hujus obsequii pro ejus conversione & animæ salute efficaciter intercessit, eique gratiam finalem à DEO impetravit: *Hodie mecum eris in paradiso.* O peccatores, quid agitis? Respirate, & ad dolorosam Matrem vestram sub cruce stantem confugite, MARIA enim Mater vestra est, etiamsi vos sitis peccatores, ita ipsamet S. Birgitta insinuavit: *Mater sum omnium peccantium, se emendare volentium.* Si igitur ab illa humiliter flagitaveris, ut pro tua salute DEUM oret, repulsam non patieris Filius à Matre: *Ecce Mater tua.*

B. Petrus Dam. serm. de latr Sylveria, Tom. 5. l. 2. cap. 16. §. 8.

Revel. 5. Birg. lib. 4. cap. 138.

3. Verum ut hanc veritatem magis penetrare valeas, anime mi! ad id attende, quod enarrabo. Quærunt Sacri Doctores, quo in loco, & ex qua parte hæc compatientissima Mater steterit, dum amantissimus Filius plenus doloribus, plenus afflictionibus, plenus & saturatus opprobriis, inter latrones medius, tanquam sceleratorum princeps & coriphæus, in patibulo crucis pendebat? Respondet Adrichomius in Descriptione Jerusalem, in qua omnia passionis Christi loca graphicè depinxit, atque dimensus est, B. Virginem cum S. Joanne, Magdalena & aliis piis mulieribus stetit in loco, quindecim ulnis à cruce distante, tunc temporis, quando Christus crucifixus est, ubi tota tremebunda, defixis in Crucifixum oculis, ejus cruentam passionem & agonem spectabat: Stetit autem, prout observat Mellissus Bernhardus, hæc dolentissima Virgo ad partem sinistram crucis: *Beata Virgo, inquit, pingi debet ad sinistram crucis, id est, ad Aquilonem, &c.* Et quare hoc? Quia pars sinistra, seu Aquilo, unde panditur omne malum, partem peccatorum designat, ad quam in supremo judicii die omnes reprobi statuentur: *Et statuet oves quidem à dextris suis, hædos autem à sinistris.* Ut Iergo hæc Sacratissima Deiparens demonstraret, se esse peccatorum ad DEUM se convertere volentium fidelissimam Matrem, omniumque afflictorum solamen tutissimum, idcirco in crucifixione JESU in Calvarix jugo sinistram peccatorum partem tenere voluit, pro quorum conversione & salute pretiosissimus Filius tanta ac tam indigna patiebatur; in quem finem illi in Sacro Cantico à Sanguinum Sponso dictum est: *Pasce hædos tuos;* supra quod Guilielmus Parisiensis: *Pasce, inquit, hædos tuos, quia eos, qui à sinistris in judicio erant collocandi, tua intercessione efficies, ut collocentur à dextris, &c.* O peccatores omnes, quid timidi estis? Quid dubitatis modicæ fidei? *Quare moriemini domus Israël? Revertimini & vivite,* adhuc gratiarum

Adrichom. in descript. Jerus.

S. Bernhard. à Vanh. in Mar. f. 64.

Matth. 25. 33

Cant. 1. 7 Guiliel. Paris. hîc. Ezech. 18. 31

Luc. 15, 2



Domina & Mater vestra vivit, quæ & ipsa cum Filio crucifixo peccatores recipit; ite igitur ad hanc afflictissimam & dolorosissimam Parentem, eamque per Sacratissimum COR JESU dulcissimi Filii orate, ut vestris succurrat miseriis; non deseret filios, licet degeneres, hæc pientissima Mater, si in animo contrito & verè humiliato ad hunc gratiarum thronum accesserint: *Sileat*, sunt verba Melliflui Doctoris, *miser ricordiam tuam, Virgo beata, si quis est, qui invocatum te in necessitatibus suis sibi meminerit de fuisse.*

S. Bernhard,  
serm. 4. de  
Assumpt.

4. Jonatham & Achimam, cùm à facie Absolonis, eos persequen-  
tis, fugam arriperent, & nunc à puero præditi non haberent, quo se reci-  
perent, Baguritha mulier defendit, quæ illorum calamitati condolens, eos  
prointerim in puteo sollicitè abscondit, & ne proderentur, aut videri pos-  
sent, velum seu pallium super os putei expandit, donec milites Absolo-  
nis, eos frustra quærentes, per aliam viam ad castra sua redire fuerint co-  
acti: *Tulit autem mulier, & expandit velamen super os putei, quasi siccans pri-  
sanas, & sic res latuit.*

2. Reg. 17.  
19  
Genes. 27.  
21

Jacobum, cui frater Esau post Patris obitum mortem intentavit: *Ve-  
nient dies luctus Patris mei, & occidam Jacob fratrem meum*; Mater Rebec-  
ca incolumem servavit, dum eum in Mesopotaniam ad Labanum Fratrem  
ablegavit, quo in loco non tantum furorem Esau dexterrimè declinavit,  
sed & ditior, variisque locupletatus bonis temporalibus suo tempore in  
patriam rediit.

Esth. 4. 16

Mardocheum Hebræum & Judæos omnes in Susan, jamjam per edi-  
ctum publicum ad necem destinatos, Esther Regina servavit immunes,  
dum pro salute eorum voluntariè se se mortis periculo exponens, non vo-  
cata ad Regem intravit, & ab eo, quidquid voluit, impetravit: *Ingre-  
diar ad Regem contra legem faciens vocata, tradensque me morti & pericu-  
lo, &c.*

Can. 4. 6

Anima Christiana! eamus *ad montem myrrhæ & ad collem thuris*, ubi  
ad sinistram crucis longè benigniorem Matrem, ac protectricem invenie-  
mus. Baguritha quidem Jonatham & Achimam velo ac pallio suo, ne in  
hostium manus devenirent, contexit; Rebecca Jacobum, filium suum, ab  
ira fratris Esau mirè defendit; Esther addictum sibi populum à morte vin-  
dicavit, & in libertatem transtulit, &c. Sed B. Virgo, ac Mater doloro-  
sa clientes suos fideles non duntaxat sub gratiarum pallio tegit, & misericor-  
diæ sinu fovet, sed & illos à facie irati Numinis per suam potentissimam  
intercessionem mirè protegit, conservat, atque ab inferni faucibus miseri-  
corditer liberat: *Potentior*, ait S. Ildephonsus, *ad placandam iram Judi-  
cis invenire non possumus, quam te, quæ meruisti Mater existere ejusdem redem-  
ptoris & Judicis, &c.* Quam veritatem optime agnovit Eminentissimus  
ille,

S. Ildephons,  
serm. 9. de  
Assumpt.

ille, juxta ac Sanctissimus S. R. E. Cardinalis Carolus Borromæus, qui hanc Sacratissimam ac dolorosam Matrem ita quotidie exorare consuevit: *Et tu, ô gloriosissima Mater DEI MÆRIA, dignare me vel unico aspectu, ex iis, quos ipsa sub cruce stans habuisti, desigendo in unicum Filium tuum virgineos oculos tuos, ut suscipias me in eorum numerum, qui tuis precibus & meritis in die judicii obtinebunt salutem & vitam sempiternam.* Et tu, prudens Lector, quid ad hæc? Nunquid & tu hanc Sacratissimam & dolorosam Matrem variis obsequiis tibi reconciliabis, ut in mortis articulo eam reperias propitiam?

Ex Orati-  
onibus S. Ca-  
roli Borom,

5. De Adonia referunt Sacra Paginæ, quod læsæ Majestatis reus ad altare templi, ejusque propitiatorium confugerit, cujus cornu cum fortiter manu teneret, nec ab eo vellet discedere, à sapientissimo Salomone non tantum commissi sceleris veniam, sed & vitam ac gratiam ob sacri altaris reverentiam impetravit: *Adonias autem timens Salomonem, surrexit, & abiit, tenuitque cornu altaris; & nuntiaverunt Salomoni, dicentes: Ecce, Adonias timens Regem Salomonem, tenuit cornu altaris, dicens; Juret mihi Rex Salomon hodie, quod non interficiat servum suum gladio, &c.*

3. Reg. 1.  
50

Observe, anima Christiana, omnia hæc facta sunt in figura, scripta sunt autem ad correptionem & doctrinam nostram, per quod altare sanctus Methodius B. Virginem MARIAM intelligit, quam *Altare animatum* S. Method. nominat, dum in Calvariæ monte in Altari Sacratissimi CORDIS sui æterno Patri dilectum Filium suum, velut agnum immaculatum, in gratissimum holocaustum pro peccatis totius mundi præsentavit, & obtulit. Ad hoc igitur Altare & Propitiatorium, ô peccator, qui pariter Divinæ Majestatis læsæ reus inveniris, cum Adonia accurre: hoc cornu salutis utraq; manu fortiter tene, & inclama cum S. Bernhardo: *O piissima Domina, habe me tibi commendatum, ad te hodie, unica spes miserorum, consugio plenus fiducia; noli ergo, ô piâ Mater! spernere me, propter eum, qui amore mei nudus & laceratus pendit coram te in cruce, &c.*

S. Bernhard.  
serm. Sig.  
Magn.

6. Davidi quondam in diversis constituto periculis, ac sexcentis oppresso calamitatibus singulare solamen baculus & virga fuit: *Virga tua & baculus tuus, ipsa me consolata sunt.* Et quænam illa virga & baculus? Per baculum Hugo Cardinalis Crucem Dominicam subaudit, in cujus virtute Jacob Patriarcha quondam Jordanem (quod idem est, quam flumen judicii) transivit: *In baculo meo transivi Jordanem istum.* Per Virgam autem idem Cardinalis Beatissimam Virginem, Matrem amoris & doloris, intelligit, quæ Davidi jam tunc in umbra in calamitatibus existenti peculiari solatio fuit.

Psal. 22. 4  
Hugo Card.  
cit. à Blanc.  
in hunc loc.  
Genes. 32.  
10

S. Bernhard.  
sup. Sig.  
Magu.

Anime mi, si hoc olim in umbra, quid modò in veritate? *O felix MARIA*, inclamat S. Bernhardus, *tu Mater Regis, tu Mater exuli, tu Mater DEI, tu Mater Iudicis, tu Mater DEI & hominis; cum autem sis Mater utriusque, discordiam inter filios tuos sustinere nequis; neque permittes, ut Filius tuus, Dominus, DEUS, ac Iudex noster, filios tuos adoptivos, fratres suos secundum carnem, in tenebras projiciat exteriores, ubi erit fletus & stridor dentium: Idèd, subintrat hîc S. Joannes Chrysostomus, tu Mater DDI praelecta es ab aeterno, ut, quod DEUS salvare non potest per suam meritissimam justitiam, tu per tuam salvas pietatem & misericordiam. O pietissima, quis non amet te? Quod cor tam durum, quod non colat te? Non æstimet te?*

S. Chrysost.  
hom. in Hyp.  
Domini.

Joann. 19.  
30

7. Cæterum varii varias adstruunt rationes, quare Christus Dominus in cruce moriturus caput suum inclinaverit? *Et inclinato capite tradidit spiritum?* Alii morientes, prout quotidiana demonstrat experientia, primò spiritum axhalant, & exinde caput versùs pectus inclinant, sed moriens JESUS priùs caput suum inclinavit, & dein emisit spiritum. Grande hic latet mysterium, attentum te esse cupio.

S. Chrysost.  
Hom. 48.

S. Athanas.  
qu. 6, ad  
Antioch.

Tauler. cap.  
36, de vita  
& Pass.

Lansp. hom.  
52, de pass.

Gliffand,  
qu. 302.

Mallon. de  
S. Sind.

c. 20.

Caput inclinavit, ait S. Chrysostomus, *ut non necessitate, sed voluntariè se mori ostenderet.*

Caput inclinavit, inquit D. Athanasius, *quia mors Christum metuens, ad ipsum non audebat accedere, Christus autem inclinato capite eam vocavit.*

Caput inclinavit, ait Taulerus, *quo pacis nobis reconciliationisque & amoris præberet osculum.*

Caput inclinavit, inquit Lanspergius, *quia omnium peccata cum portaret; eorum onere gravabatur.*

Caput inclinavit, ait Gliffandus, *ut ostenderet, quòd moriebatur ex obedientia.*

Caput inclinavit, inquit Mallonius, & quidem ad occidentalem plagam, quasi illam salutaturus, in qua Ecclesiam suam supra petram erat ædificaturus, econtra Judæis & Synagogæ dorsum ostendit, quasi diceret, ait idem Mallonius: *En popule meus, en pro te morior, ad quem caput inclino, &c.*

Hugo Card.  
in hunc loc.

Caput inclinavit, ait Hugo Cardinalis, *quasi supponens humerum ad portandum nos & onera nostra*, erat enim fidelissimus ille Pastor, qui oviculam perditam sollicitè quæsit, & nunc in cruce inventam, humerisque impositam, salvam ad ovile suum reportavit, qui autem grave onus portat, caput inclinare solet; & quid gravius peccato?

S. Laur. Just.  
de Triumph.  
Agon, Chri.  
c. 20.

Caput inclinavit, inquit S. Laurentius Justinianus, *ad misericordiam, flexit ad gratiam, & inclinavit ad indulgentiam.*

Caput




Caput inclinavit, ait Salmeron, quasi gratias egisse Patri videtur caput inclinando, pro venia peccatorum obtenta, pro victoria contra peccatum, diabolum, mortem, infernum ac mundum impetrata, & pro Patre placato, ac reconciliato mundo. Salmer. Tom. 19. tr. 46.

Mitto plures alias Patrum rationes, quare pientissimus orbis Salvator JESUS in luctuosissima morte caput suum versus terram inclinaverit, inter quas ad nostrum propositum peraccommoda & optima illa est, quam assignat S. Vincentius Ferrerius: *Inclinato capite*, inquit, *quasi vale diceret Matri*, sic emisit Spiritum; & Hugo Cardinalis: *Inclinato capite ex parte Matris suæ*, quasi diceret, *per ipsam veniam petite*, ipsa est oraculum misericordiæ.

S. Vincent,  
in serm. de  
Parasceve.  
Hugo Card.  
eit. à Fineti  
hic.

O peccatores omnes, respirate, Christus moriens in cruce sui loco MARIAM Sacratissimam Matrem suam vobis reliquit in peculiare refugium, solatium, & auxilium; ite ergo ad hanc dolorosam & compatientem Matrem vestram. Si filius ille prodigus adhuc Matrem suam in vivis habuisset, nunquam ad talem calamitatem & miseriam fuisset reductus; & nunquid oblivisci potest mulier infantem suum, ut non misereatur filio uteri sui? Et si illa oblita fuerit? MARIA tamen, & Mater Dolorosa, verè Mater misericordiæ, non obliviscetur vestri: *MARIÆ*, ita quondam DEUS Pater B. Virgini Catharinæ insinuavit: *unigeniti Filii mei gloriosa Genitrici à bonitate mea concessum est*, propter incarnati Verbi reverentiam, ut quicumque etiam peccator ad eam devota veneratione recurrit, nullo modo diripiatur à damone infernali; hac enim est à me electa, parata, & posita tanquam esca dulcissima ad capiendos homines & præcipuè animas peccatorum, &c. Isa. 49. 15  
Lud Blosius  
Conclavi  
animæ fide-  
lis cap. 1.





## CONSIDERATIO XXXVII.

Cur B. Virgo & Mater Dolorosa à Christo in cruce non Mater, sed Mulier appellata?



Mulier ecce Filius tuus.

*Joan. 19. 26.*



r.

Agnum illud humanæ sapientiæ oraculum, prudentissimus Rex Salomon, multum quondam allaboravit, ubi locorum, & in quibus terræ partibus mulierem fortem, virtuosam ac strenuam inveniret, cujus pretium ne quidem cum pretiosissimis gemmis ac margaritis.

Proverb. 31

10

aut quidquid in orbe pretiosum esse potest, æquiparandum: *Mulierem fortem quis inveniet?* Et respondet ipse sibi Regum sapientissimus: *Procul de ultimis finibus pretium ejus.*

Værum

Verumenimvero quid agis, Rex inclyte? Quid quæris? *Mulierem fortem*, reponis? Non equidem opus est, ut ad ultimas Indorum oras, vel ad Hesperiam Thulem ultra Orcades sitam te conferas, ad hanc fortem mulierem reperiundam; aperi paulisper oculos, & prope urbem Solymam fortissimam hanc Mulierem in monte Calvario sub cruce dilectissimi Filii sui stantem invenies: *B. Virgo*, ait Cornelius à Lapide, *Mulier illa fortis est, imò* Cornel. à Lap. in hunc locum, *heroina omnium fortissima, ac Martyrum Princeps & Regina*, quæ, dum orbis universus videbatur in antiquum abire chaos, & tota dissolvi mundi machina, constantissimè tamen, & ad finem usque fortiter sub cruce stetit: *Amor*, inquit S. Mechtildis, *in passione Unigeniti sui in ea tantum prevaluit, ut* S. Mechtild, lib. 1. Revel. cap. 56. *omnem humanum affectum penitus devinceret, & extingueret, quia omni creaturâ in morte Filii dolente, ipsa sola cum Divinitate immobilis, & gaudens Filium suum pro mundi salute voluit immolari.*

Hanc ob causam à Christo JESU crucifixo non Mater. sed Mulier appellata fuit: *Mulier ecce Filius tuus*, ut per hoc mitissimus Servator orbis Joan. 19. 26. omnibus creaturis, tum Angelis, tum hominibus innueret, hanc Sacratissimam Matrem suam illam esse fortissimam Mulierem, quam sapiens in typo præsignavit: *Mulierem fortem quis inveniet?* Audi rursus Cornelium: *Dicit* Cornel. in Joan. 19. 26 *Christus, inquit, Mulier, non Mater, ne nominando Matrem ipsius animam maiori dolore afficiat. Secundo ne adstantes Judæos & Scribas contra eam concitet, & ut Matrem ad fortitudinem & animum excelsum omnia hac fortiter tolerandi excitet, memoremque faciat, se esse illam, de qua prædixerat Salomon: Mulierem fortem quis inveniet?* Proinde huic fortissimæ Mulieri non immeritò petram quandam pro Emblemate appingimus, quam feri maris fluctus ex omni parte cingunt, ac concutiunt, quæ tamen seipsâ fortior etiam inter medias ventorum fluctuumque furias immota semper persistit, cum epigraphe ex Psalmis mutuata:

## Non commovebitur.

Ps. 111. 6.

Ita est, non commota fuit hæc fortissima, juxta ac sanctissima Mulier, licet in passione Filii morientis universus terrarum orbis fuerit concussus: *Perpende*, ait Toletus Cardinalis, *constantissimum B. Virginis erga Filium amor* Card. Tolet, in Commem- tario super Joannem. *rem, plenum fide & fortitudine, non enim timuit, nec erubuit inter tam feros & multos inimicos, quamvis Mater ejus, qui crucifigebatur, agnosceretur, assiste- re, & publico in loco, omnibusque conspicuo stare, &c. O Mulier fortis! non forte vinum, non fortis Rex, non fortis Regina, sed Mater Veritatis MARIA* Esai. 3. 10 *stans sub cruce.*

2. Per me licet: Extollat mundus fortitudinem Jahel, quæ Sisaram belli Ducem clavo ferreo per tempora ejus adactò, in tabernaculo suo dormientem occidit. Tulit itaque *Jahel uxor Haber clavum tabernaculi, assumens* Judic. 4. 21

*Mater Dolorosa.*

Kk

pari-



*pariter & malleum: Et ingressa absconditè & cum silentio, posuit supra tempus capitis ejus clavum, percussumque malleo defixit in cerebrum usque ad terram: Qui soporem morti consocians defecit, & mortuus est.*

Judith. 13.  
10

Commendet orbis fortitudinem Judith, quæ impium Holofernis, Assyriorum Ducis caput in obsidione Bethuliæ secundo ictu ab humeris rescuit, & sic gloriosam ab hoste victoriam & patriæ pacem impetravit: *Cumque evaginasset illum (pugionem) apprehendit comam capitis ejus, & ait: Confirma me Domine DEUS in hac hora; & percussit bis in cervicem ejus, & abscidit caput ejus, & abstulit conopeum ejus à columnis, & evolvit corpus ejus truncum, &c.*

Judic. 9. 53

Laudent Thebani illius heroinæ ac civis suæ fortitudinem, quæ Abimelecho Regi & Sichimorum tyranno in obsidione Thebes fragmine molæ cerebrum comminuit: *Et ecce una mulier fragmen molæ desuper jaciens, illisfit capiti Abimelech, & confregit cerebrum ejus.*

Baptist. Fulgof. lib. 3.  
30.

Celebrent Galli suam Joannam, Virginem Aurelianensem, quæ non tantum Aureliam civitatem ab arctissima obsidione liberavit, sed & in multis certaminibus ac cruentis præliis contra Anglos semper victrices lauros, & gloriosa trophæa reportavit, &c.

2. Mach. 7.  
10

Elevent denique super sidera Judæi suam Esther, Belgi suam Kennavam, Gentiles suas Amazonas, Machabæi suam Salome, Romani suam Felicitatem, quæ verbo & exemplo septem filios suos erudivè ad crudelissimum martyrium læto ac generoso animo pro fide & Christo perferendum, &c. *Supra modum autem Mater mirabilis, & bonorum memoria digna, quæ pereuntes septem filios sub unius diei tempore conspiciens, bono animo ferebat, propter spem, quam in DEUM habebat.*

Aloyf. Juglar. in Elog. Vir. Christ. Elog. 21.

Has & similes heroínas, per me, inquam, licet extollat, & admiretur mundus universus, earumque generosa facinora ac insolitas virtutes de prædicent nationes in generationes singulas; sed cedant umbræ luci, cum omnium heroinarum fortissima, & Martyrum Princeps ac Regina existat B. Virgo & Mater dolorosa; ô verè Mater amoris & doloris, & agnitionis ac sanctæ spei! audi Aloysium Juglarem, qui in hæc verba Joannis: *Stabat autem juxta crucem JESU Mater ejus*, ita emphaticâ voce commentatur: *Deficiente DEO, inquit, cur mundus non omnino ruerit, causam attende: Stabat adhuc MARIA: Regendo mundo potuit ista sufficere.* O Mulier fortis, quæ ruente mundo unâ cum Filio stabat juxta crucem immobilis, & quasi, *columna in templo DEI.* Ideò meritò à Christo *Mulier* vocata est; supra quod iterum memoratus Aloysius: *Describere, inquit, Christus mirabili magnitudinem voluit, cum eam, quam debuisset Matrem, Mulierem dixit. Et titulo fragilitatis, amplificavit insolentiam roboris, &c.* Audi & doctissimum

Apoc. 3. 12  
Juglar in  
leam, 19.

num Quaresinium: *MARIAM* Virginem, ait, vocat *Mulierem* per excellentiam, ut ostenderet eam esse *Mulierem* illam, de qua olim prædictum fuerat: *Inimicitias ponam inter te, & Mulierem.* O *Mulier* fortis, quæ non duntaxat in ortu suo, sed & tunc potissimum sub cruce Acherontici serpentis contrivit caput.

Quaresm.  
tom 2. c. 5.  
f. 2. fol.  
143  
Genes. 3. 15

3. Cum Moyses Hebræorum Dux & Legifer virgam suam, ingentium prodigiorum operatricem, contra mare rubrum extendisset, mox aquæ in duo maris latera divisæ sunt, quæ quasi duo muri ex utraque parte consistebant, medium Hebræis transitum præbentes; & cum præeunte Moysæ cæteræ adhuc trepidarent turmæ insolito prodigio stupefactæ, primus omnium post Moysen ingressus est Aminadab cum tribu sua Juda, in qua principalior & Dux ipse fuerat; hinc meritò tribus illa principatum meruit & regnum obtinere, ex qua tribu & ipse Rex Regum Christus secundum carnem suam traxit originem.

Exod. 14.  
22

Litar. hic.

Non Moysen Hebræorum Ducem, mare rubrum cum Virga sua ingredientem, sed qui per Moysen præsignatus est, Christum JESUM, virgam regni sui, hoc est, crucem super humeros bajulantem, & mare rubrum amarissimæ passionis suæ intrantem hîc tibi exhibeo, anima Christiana: *Passio Christi* inquit D. Augustinus, *est mare rubrum sanguine Domini consecratum;* venit, inquam, amantissimus JESUS usque ad altitudinem hujus maris, & tempestas demersit eum; prima, quæ eum secuta est, beatissima & dolentissima Virgo extitit, de qua meritò illud Regii Vatis dicere possumus: *Intra verunt aquæ usque ad animam meam.* Moyses facili conatu siccoque pede per illud mare rubrum viam in Palæstinam reperit, quia ad instar montium & murorum stabant fluctus: Sed in hoc turbulento passionis mari omnes fluctus tribulationum irruerunt super *MARIAM*, *Omnes fluctus tuos induxisti super me.* Et tamen stabat *MARIA* & juxta crucem dilectissimi Filii sui; ô similem *Mulierem* fortem quis inveniet? Hinc meritissimo omnium Martyrum Princeps & Regina facta est, cujus martyrium omnium Martyrum tormentis superius fuit: Cum alii Martyres, sunt verba Richardi à S. Laurentio, *passi sint propter fidem, MARIA passa est propter charitatem, unde dicit in Canticis secundum aliam litteram, quam ponit Gregorius: Vulnerata charitate ego sum; & sicut charitas major est, quàm fides; 1. Cor. 13. Major autem horum est charitas; sic MARIE martyrium quantalibet excellit martyria Sanctorum.* Collige ex hoc, anime mi! immensam quandam Cordis Mariani fortitudinem, & quam meritò à Christo moriente vocata sit *Mulier*: O Mariophile! *Vides hanc Mulierem, quæ nec primam similem visa est, nec habere sequentem?* Sed audi. Sicuti in futuro sæculo nihil beatius, quàm esse cum Christo & SS. Matre ejus in gloria; ita in præsentî vita nihil est utilius, quàm esse similem in passione: *Si tamen compatimur, ut & conglorificemur.*

S. August. in  
Psal. 80.

Psal. 68. 2

Psal. 87. 2

Richard. à S.  
Laur. lib. 3.  
de Laud.  
Virg. f. 196.

Luc. 7. 44.

Rom. 8. 17



Ioan. Ma-  
rianus lib. 5  
de reb. Hisp.

4. *Æternâ memoriâ dignum est, quod à probatis, fideque dignis Authoribus de Alphonso Hispaniarum Rege traditur. Hic à Maroccio Maurorum Rege in urbe Cartera, munimento fortissimo, longâ cingebatur obsidione, in qua & dilectus Alphonfi filius, unicum patris delictum, & posteritatis solamen, nescio, quo sinistro fato, in aliqua excursionem in Maurorum potestatem devenit, quem Maroccus tyrannus ferreis oneratum catenis, funibusque ad palum alligatum ante obsessæ urbis portam exponi fecit, atque interim tubicinem ad Alphonsum Regem Carteram amandavit, ut aut civitatem traderet, aut filium intueretur barbarâ crudelitate trucidandum. Quid ad hæc Alphonfus Pater? Dum ex una parte dilectum filium, utpote regni paterni hæredem unicum, senectutis suæ baculum, & subditorum solamen maximum, ex altera verò communem civium salutem attentiore mentis oculo perpendit; mirum dictu! quantis tunc curarum fluctibus anxius Alphonfianus agebatur: Resolvit tamen citò se generosa mens, & amorem paternum publicæ subditorum saluti postponens decernit, filium potius, quàm cives & subditos perdendos; in quem finem elevatâ voce ad hostes per mœnia clamavit: *Moriatur filius! cives vivant*; & unâ simul gladium suum, quo erat præcinctus, è vagina extractum per muros in castra hostilia ad Maroccium projecit: Vociferans: *Meo gladio meum filium jugulate*.*

O factum cedro & perpetuâ hominum memoriâ dignissimum! sed altius nunc erigamus oculos, Christiani. Per hunc Alphonfi filium, vinculis ferreis onustum, palo alligatum, & nunc pro salute civium cruenta Paganorum manu immolandum, quid aliud intelligere possumus, quàm JESUM Christum & hunc Crucifixum? Quid agit dolorosissima ejus Mater ipsa huic funestissimæ præsens laniæ? ex una parte dulcissimum & unigenitum Filium suum crucis palo alligatum, ferreisque suffixum clavis considerat, & omnia in eâ materna commoventur viscera; ex altera parte salutem humani generis intuetur, aut æternam illius ruinam, nisi Filii sui morte ab infernalium Maurorum servitute redimatur. Quid ergo consilii in re tanti momenti? O Mulierem fortem! gladium, qui ejus Sacratissimum COR jam prius iteratis per vitam ictibus immenso cum dolore transfixerat, generosè arripit, & ultrò, ut ita dicam, inimicis tradit: *Moriatur, inquit, Filius: Cives vivant: Meo gladio meum Filium jugulate*. O DEUM immortalem! quis unquam audivit tale, aut huic vidit simile? O amorem planè immensum, quem hæc SS. Deipara erga genus humanum præ se tulit, dum Filium tradidit, ut peccatores viverent, & salvarentur. Audite S. Antoninum, ita hanc fortissimam Mulierem, juxta crucem Filii sui stantem, alloquentem: *Ita, inquit, Divina voluntati conformis fuisti, ut salutis humani generis avidissima es- ses, ut dicere audeam, quod si nullus fuisset repertus, qui illum crucifigeret, ad hoc ut sequeretur salus hominum, & adimpleretur voluntas DEI secundum ratio-*

S. Antonin.  
p. 4. tit. 15.  
c. 43 §. 1.

nem,



*nem, si oportuisset, ipsa posuisset in crucem. Neque enim credendum est, minoris fuisse perfectionis & obedientia ad DEUM, quàm Abraham, qui proprium filium obtulit DEO in Sacrificium, propriis manibus occidendum, & comburendum.*

Verumenimverò non imèritò hìc quæres, prudens Lector, quare DEUS & mitissimus orbis Redemptor Christus hanc Sacratissimam Matrem suam in omni passione sua, ac præsertim in suprema illa & funestissima mortis suæ tragœdia, quâ crudeliorem nunquam viderat mundus, præsentem habere voluerit, cum aliàs in jure & Legibus cautum sit, ne Matres ad similes lanienas & publicas filiorum neces admittantur; quod & insinuare videntur ipsæ Sacræ Litteræ, quæ mandant, ne ovis Mater simul cum agno suo immoletur: *Sive illa bos, sive ovis, non immolabuntur una die cum sœtibus suis?*

Lev. 22, 18

Relictis aliorum opinionibus, pulcherrimam Tauleri rationem in medium adducamus. Eva, inquit, ad perditionem generis humani ut plurimum cooperata est, dum vetitum ab arbore pomum decerpfit, & comedit, sicque primum nostræ ruinæ instrumentum & origo omnium humanarum miserationum extitit; Christus ut damnum resarciret, ad arborem crucis manus extendit, in qua per sanguinem suum genus humanum restauravit: Verum non solus in cruce pendere voluit, quin secum præsentem haberet & Matrem, ut illa per dolorum suorum amaritudinem id resarciret, quòd Eva prius per inobedientiam destruxisset; unde canit Ecclesia: *Quod Eva tristis abstulit, tu reddis almo germine.* Audite & citatum Taulerum, ita dolorosissimam Vir- Taul, c, 18: ginem juxta crucem alloquentem: *Sicut Eva, ait, usurpans temerè de arbore scientia boni & mali, homines in Adam perdidit, ita tu de arbore crucis dolorem in te suscepisti, satiataque amaritudine unà cum Filio tuo hominem redemisti.* Ad quod pariter alludit Mellifluus Bernhardus: *Vehementer, inquit, nobis vir S. Bernhard, unus & Mulier una nocuere, sed gratias DEO, per unum nihilominus virum &* in illud, Sig. *Mulierem unam omnia restaurantur, &c.* O Mulier fortis! ô MARIA! apparuit, quantum tibi obligatus est mundus universus?

6. De Judith fortissima Muliere commemorant Sacræ Paginæ, quòd pro salute gentis suæ, ut patriam & cives suos ab arctissimo obsidio & excidio liberaret, animam suam evidenti mortis periculo exposuerit; unde, cum trucidato inimico, & partâ victoriâ in urbem rediisset, Ozias populi Princeps ei acclamavit: *Benedicta es tu, filia, à Domino DEO excelso præ omnibus mulieribus super terram. Benedictus Dominus, qui creavit cælum & terram, qui Judith. 13: te direxit in vulnera capitis principis inimicorum nostrorum; quia hodie nomen tuum ita magnificavit, ut non recedat laus tua de ore hominum, qui memores fuerint virtutis Domini, in æternum, pro quibus non pepercisti animæ tuæ, propter angustias & tribulationem generis tui, sed subvenisti ruinâ ante conspectum Dei nostri.*

En perelegantem typum, in Sacratissima & dolorosissima Deipara, stante in monte Calvario, ne periret orbis, expletum! & certè nullibi B. Vir-

## 262 Consideratio XXXVII. Cur B. Virgo Mulier vocata?


S. Ambros.  
cir. à San-  
dæo in Stan-  
roph. lib. 2.  
Tit. 13.

ginis MARIÆ invictum robur & specimen fortitudinis magis apparuit, quàm ubi juxta crucem pendentis Filii stetit: *Stetit*, inquam, *non cecidit*, cùm universa mundi machina videretur dissolvi: *Stetit*, ait S. Ambrosius, *juxta crucem, non ut Filii passionem videret, sed ut mundi redemptionem expectaret*; & licet ærumnossissima Mater illa cogitatione & maternæ commiserationis affectu planè tota in dolorum crucifixi JESU acerbiter & vehementiam fuerit immersa, ad passionis tamen fructus, & animarum salutem. per sanguinem Filii restauratam, quàm maximè attendit, unde etiam pro peccatoribus (prout observat Doctor Seraphicus) sub cruce poplite flexo ad Patrem cœlestem oravit. Proinde meritò Ecclesia illi in Missa de septem doloribus, ut quondam Bethulienses Judithæ liberatrici suæ, accinere assollet: *Quia hodie nomen tuum ita magnificavit, ut non recedat laus tua de ore hominum. qui memores fuerint virtutis Domini, in æternum, pro quibus non pepercisti animæ tuæ, propter angustias & tribulationem generis tui, sed subvenisti ruina ante conspectum DEI nostri.*


S. Bonav. in  
vita Christi,

S. August.  
serm. 18. de  
Sanct,

O pientissima Domina! liceat mihi indignissimo servulo tuo, ut cum S. Augustino, summo Ecclesiæ Doctore, te pro coronide hujus Considerationis humillimo cordis affectu alloquar: O beata MARIA, quis tibi dignè valeat jura gratiarum ac laudum præconia rependere, quæ singulari tuo assensu jam tunc in incarnatione, ac tunc demum stans sub cruce Filii mundo succurristi perditio? Quas tibi, obsecro, laudes fragilitas humani generis persolvat, quæ solo tuo commercio recuperandi cœli aditum invenisti? Recordare, ô Domina, quomodo steteris in monte visionis ante conspectum DEI, & totius populi, ut averteres indignationem DEI à nobis. O Virgo! ô Mater amoris & doloris! licet ob peccata mea meritis sim, ut de libro viventium deletus æternis addicar suppliciis, tu tamen à DEO constituta es Mater misericordiæ; monstra ergo te esse Matrem meam, præsertim in supremo mortis articulo: Ah Domina! rogo te per Sacratissimum COR JESU Crucifixi Filii tui: Monstra te Matrem, & tua deprecatione justum Judicem muta in Patrem, &c.








# CONSIDERATIO XXXVIII.

Virgo Dolorosa S. Joanni Virgini à Christo in cruce moriente speciali modo commendatur,



Deinde dicit Discipulo: Ecce Mater tua.

*Joan. 19. 27.*

1. **B** Avid Israëuitarum Rex mortì nunc proximus diversa filio suo Salomoni dedit monita, ubi inter alia & fidelitatem Berzellai, quòd in omni adversitate sibi constans ac fidelis permanferit, emphaticè illi commendavit; & quia tum temporis intervallo Berzellai jam profectæ erat ætatis, voluit moriturus Rex, ut & pòsteris ejus ac filiis idem honor haberetur: Sed & filiis Berzellai Galaaditis reddes gratiam, eruntque comedentes in mensa<sup>3.</sup> Reg. 2. 7 tua: Occurrerunt enim mihi, quando fugiebam à facie Absolon fratris tui.

Non



Non Davidem in molli lectulo morientem hodie ad considerandum tibi propono, anima Christiana! sed Filium Davidis in durissimo crucis trunco expirantem, heu quam dissimilis utriusque lectus, vita & mors! ille moriens Berzellai fidem summis extulit laudibus; hic dilecti sui Discipuli fidelitatem, amorem & constantiam: *Tu es, qui pertransisti mecum in tentationibus*; proinde jure merito præ aliis Apostolis hoc peculiari titulo honoratus est: *Discipulus, quem diligebat JESUS*. Et ut amorem suum pientissimus JESUS nunc in cruce moriens adhuc majori cum energia in eum demonstraret, dolorosissimam Matrem suam, quâ nihil habebat pretiosius, illi tanquam fratri suo in Matrem, solatium ac præsidium designavit: *Deinde dicit Discipulo: Ecce Mater tua*. O dilecte Christi Discipule! quomodo facta est tibi hæreditas tua præclara! Verè magnam in conspectu crucifixi Magistri tui invenisti gratiam, dum factus es hæres, ac filius talis ac tantæ Matris, imò & frater Filii DEI, gloria hæc sola tua est, & illarum piarum mentium Christo crucifixo & dolorosæ Matri ejus fideliter inservientium, ac cruci adstantium.

2. Sed dic, ô Domine! quare hanc Sacratissimam Matrem tuam non Petro, aut Andreæ, aut Jacobo, aut alii Discipulorum tuorum commendasti? Subintrat hîc B. Petrus Damianus: *Committit, inquit, Dominus Petro claves Ecclesiæ, voluit & B. Joanni custodiam Mariæ delegare, utraque nimirum Mater, Mater MARIA, Mater Ecclesiæ, sed MARIA Mater Christi, Ecclesiæ Mater populi Christiani: de MARIA Christum carnem suscepit, Ecclesiæ verò de lateris sui carne produxit*. Verumenimverò hîc advertas, rogo, prudens Lector! magnam inter utramque Matrem disparitatem, sicut enim Sacratissima Deipara longè dignior est Ecclesiâ, quia Mater DEI est, quæ dignitas juxta Angelicum aliquam habet infinitatem, ita & dilectus ille Christi Discipulus longè eminentiori gradu in hoc S. Petrum antecedit. Quare ergo non Principi Apostolorum aut alii Discipulorum hæc pientissima Mater commendata est? Rationem assignat S. Epiphanius: *Manifestum est, inquit, quod propter virginitatem Joanni Matrem commendavit Dominus*. Et S. Ambrosius: *Tradita est Virgo Joanni conjugium nescienti*. Hîc & Ecclesiæ: *Cui Christus in cruce Matrem Virginem, Virgini commendavit*. O beata Virginitas! ô salutaris continentia! quanto in pretio apud DEUM & Hominem Christum es, qui etiam in cruce moriens inter lilia pasci voluit, O anime mi! si vis B. Virginem habere in Matrem, imitare pro viribus S. Joannis puritatem: *Et obviabit tibi quasi Mater honorificata*; & sicut in gemmarum republica princeps est adamas, eò pretiosior, quò purior, unde Lemma:

In puritate pretium.

Luc. 22. 28

Ioan. 21. 7

Ioan. 19.  
27

B. Damian.  
serm. 1, de  
S. Ioan,

S. Epiphani.  
hæresi. 78.

S. Ambros.  
de institut.  
Virg. cap. 7.

Eccl. 15. 2.

Ita continentis anima non est digna ponderatio: Gemmâ pretiosior omni Eccl. 6. 15  
 est; impuros odit, & arcet hæc purissima Virgo: Casta placent superis; fo-  
 lis canes & impudici. Audite Mellissimum: Virgo, inquit, diligit diligentes S. Bernhard.  
 e, & prope est in veritate invocantibus se, præsertim his, quos videt conformes sibi in serm. sup.  
 castos in castitate & humilitate, &c. Salve.

3. Recordor hîc illius Ethani Gethæi, qui quondam Davidi Regi à fa-  
 cie impii Absolonis profugo, dum nunc clivum olivarum nudis pedibus &  
 aperto capite flens ascenderet, ex industria occurrit, ei se ad eosdem casus &  
 ærumnas, ipsamque mortem perferendam offerens: Vivit Dominus, & vivit 2. Reg. 15.  
 Dominus meus Rex, quoniam in quocunque loco fueris, Domine mi Rex, sive in 22  
 parte, sive in vita, ibi erit servus tuus, Plus in S. Joanne, quàm in Ethai su-  
 spice, qui non tantum Dominum ac Regem suum ac clivum olivarum, sed  
 ad clivum Golgothæum, ubi erat cruci suffigendus, contempto omni mor-  
 tis periculo & Judæorum odio ac opprobrio, cum afflictißima Matre fide-  
 lißimus comes secutus est, quem ubi patiens JESUS sanguineis oculis juxta  
 crucem stantem vidit, priusquam Spiritum suum in manus Patris commen-  
 daret, hunc suum Dilectum in manus Matris suæ commendare voluit: Mu-  
 lier ecce Filius tuus. Mulier dixit: Ne materna pium laceraret pectora nomen.  
 ait Baptista Mantuanus. Tum ad Discipulum conversus ait: Ecce Mater  
 tua: hanc proinde filiali amore observa, cole, solare, ama & cura, & siquid  
 mihi debes, illi impende, quemadmodum à me vidisti eam coli, amari &  
 curari. Juvat hîc audire S. Augustinum: Ecce Mater tua; curam, inquit, S. Augustin.  
 illius habe, eam tibi commendo, suscipe Matrem tuam. Dum hæc pauca dice- serm. de pass.  
 ret: Illi duo dilecti lacrymas fundere non cessabant; tacebant ambo illi Martyres,  
 & præ nimio dolore loqui non poterant; isti duo Virgines Christum audiebant &  
 voce loquentem, & ipsum videbant paulatim morientem, amare flebant, qui ama-  
 re dolebant: Nam gladius doloris Christi animas utrorumque transibat. O si  
 stylo ferreo hoc tertium Christi morientis Verbum intimis cordis nostri me-  
 dullis insculperemus! secundum exemplar illius Religiosissimi Viri, de quo  
 recenset Landulphus, qui, quotiescunque hæc verba: Ecce Mater tua; vel Landulph.  
 audiebat, vel meditabatur, totus ibat in lacrymas, quibus cibum & potum in vita Chr.  
 sapißimè miscebat. Heu ubi nostra compassio? Ubi nostræ lacrymæ & hîc.  
 animi contritio? Ubi verus & sincerus amor erga talem Filium ac Matrem?  
 O pientissima Domina! transfige cor nostrum eodem & amoris & dolo-  
 ris gladio, ut afflictißimi cordis tui semper memores intimè tibi compati-  
 mur, atque pro viribus in sustinendis adversis te imitemur. Ita fiat, ô Do-  
 mina! sed pergamus ulterius.

4. Magnam sibi laudem quondam promeruit adolescens ille genero-  
 sus, & armiger Jonathæ, qui Domino suo ultro sese obtulit, ad quæcunque  
 cum ipso sustinenda pericula: Dixitque ei armiger suus: Fac omnia, quæ pla- 1. Reg. 14.  
 Mater Dolorosa. Ll cent 7.



cent animo tuo: *Perge, quò cupis, & ero tecum ubicunque volueris.* Accidit, ut Jonathas peculiari instinctu DEI difficillimam contra Philistæos pararet expeditionem, ubi necesse erat per altas & præruptas petras manibus ac pedibus reptare. Et quid hic adolescens? *Ascendit autem Jonathas & manibus & pedibus reptans, & armiger ejus post eum;* qui exinde unà cum hero suo maximam Philistinorum stragem edidit, dum ipsi hostes mutuâ se cæde trucidârunt.

Per Jonatham Christum subaudi cruce oneratum, & manibus ac pedibus per alperriam Calvariæ rupem reptantem, ut prælium cum hostibus suis, vah quàm cruentum consummaret. Per armigerum rectè S. Joannem intelliges cum dolorosissima Matre Dominum suum in ascensu tam difficili constantissimè sequentem, & inter medios & acerrimos hostes prorumpentem, nec eorum opprobria, tela, enses & hastas formidantem. Tanta vis amoris sinceri est. O fidelissimum amicum, de quo rectè illud sapientis:

Proverb. 17.

17

*Omni tempore diligit, qui amicus est: Et frater in angustiis comprobatur.* In convivio Simonis & in cœna ultima nullus Discipulorum defuit; sic nimirum ubi de patinis agitur, multos numerabis amicos, jam cùm pendet in patibulo mitissimus Magister, vix unus cohæret Discipulus & cum eo dolentissima Mater; dignus proinde, quia socius passionis, ut & Christi Frater fieret & Filius tantæ Matris. O verus *Benjamin*, id est, Filius doloris, quia sub cruce tempore passionis & summi doloris genitus est: *Ecce Filius tuus.* Supra quod Guaricus Abbas: *Decebat, inquit, ut Matri Domini non alius obsequeretur, quàm Dilectus Filii; quatenus & Mater semper suspirans Filium, in Dilectum Filii suavius respiraret.*

Genes. 44.

20

Guartic,

Abb. serm. 4.

de Assumpt.

§. Mirabitur nonnemo, quare Joseph Ægyptiorum Pro-Rex, vir aliàs mitissimus, in fratres tamen suos adeò austerus fuerit, & tanquam ad alienos durissimis verbis sit illis locutus? aut forte non amabat illos? & quidem sincero ac fraterno amore? cur ergo illos tam durè tractavit, ac præsertim uterinum fratrem suum Benjaminum, in cujus sacco occultè calicem suum imponi, & velut furem ingratiissimum eum comprehendi jussit: *Scyphum autem meum argenteum & pretium quod dedit tritici, pone in ore sacci junioris. Factumque est ita.*

Genes. 44. 2

Verumenimverò alia sunt DEI, alia hominum judicia, ad hoc enim faciendum eum summus compulit amor, amabat quippe fratres suos, & ideo quia amabat, eos cruciabat, non ignorans, quòd in amore non vivatur sine dolore; hinc & dilectissimo & innocentissimo fratri suo Benjamin omnium minimo calicem in saccum occultè mitti jussit, quia eum ferventius quàm cæteros omnes diligebat: *Scyphum misit,* ait S. Ambrosius, *ut fratrem, quem diligebat, piâ fraude revocaret: reum statuit rapina, ut obidem teneret gratia.*

S. Ambr. in  
hunc loc.

Dixi:



Dixi: Inter cæteros Apostolos S. Joannes Christo verus Benjamin exiit, & inter dilectos omnes dilectissimus, unde & in suprema illa cœna ob eminentem castimoniam decorem eum in Divinissimo pectore suo recumbere fecit, ut ex hoc gratiarum fonte fluentia hauriret sacri Evangelii & secreta Divinitatis. Sed & amarissimum passionis suæ calicem ipsi præ cæteris omnibus propinavit, atque inter Apostolos primum Martyrem effecit, non tunc, quando calicem veneno mistum sine damno ebibit, aut in ferventis olei dolium missus est, aut ob invictam evangelizandi constantiam in Pathmos insulam relegatus, sed tunc potissimum passionis & martyrii calicem bibit, quando patienti JESU in cruce & afflictissimæ Matri ejus concrucifixæ adstitit. Audiamus doctissimum Osorium: *Crucifixus, inquit, fuit ejus gladius, hic eum Martyrem fecit, & idem doloris gladius, qui Cor MARIE transverberavit, scilicet Christus in carne, hic idem Joannem Martyrem fecit; ô illustre martyrium! quem Christi dolores Martyrem effecerunt, verè calicem Christi bibit Joannes, dum Christi passione ipse torquetur.* Valde igitur honorandus est beatus Joannes, quia Filio DEI dilectissimus, quia ei simillimus, quia Virgo in ævum permansit; quia Christo patienti & dolorosæ Matri individuus comes; quia à moriente JESU in donum SS. Matrem suam accepit, quod summopere ejus celsitudinem commendat; quia cum Matre dolorosa viginti duos circiter annos sanctissimè conversatus, &c. Quas ergo referemus tanto viro gratias? Quid pro tot fidelissimis SS. Deiparæ ac Domine nostræ obsequiis impensis? Et quid est, quod apud talem ac tantam Matrem nobis non valeat impetrare? Hinc rectè Arnoldus Carnotensis: *In- Arnold. tueor ergo quadrigam, quæ currendum est ad Patrem, sic debere distingui, ut per Carnor. tr. te, ô Joannes! ad Matrem, per Matrem ad Filium, per Filium verò pertingere pos-* de V. D.  
*sit pœnitentis affectus ad Patrem.* Fac hoc, mi Lector! & vives.

6. Revertor ad afflictissimam Matrem, jam non Matrem DEI, sed Filii Zebedæi: *Mulier, ait moriens JESUS, ecce Filius tuus.* O duram ab ex- Ioann. 19.  
pirante tali ac tanto Filio consolationem, omnium piarum mentium com- 26  
miseratione dignissimam: O sermo, subintrat hîc Mellifluus, qui & ipse hîc  
definit esse melleus: O sermo! penetrabilior omni gladio ancipiti, pertingens S. Bernhard,  
usque ad divisionem animæ & spiritûs; quomodo sanctissimam animam tuam non serm. super  
pertransiret hac auditio, quando hac nostra, licet saxeâ, licet ferrea pectora solâ Sig. Maga.  
recordatione franguntur: *Mulier ecce Filius tuus? O commutationem! Joannes tibi pro JESU traditur, servus pro Domino, Discipulus pro Magistro, Filius Zebedæi pro Filio Dei, homo purus pro Deo vero.* Et quid ad hoc mœstissima Virgo? Audi ipsam ad S. Birgittam loquentem: *Tunc rupta sunt omnia viscera mea præ compassione Filii mei, &c.* Audiebat quidem vocem dulcissimi sui Jacob, vocem amabilem, vocem sibi notissimam atque dilectissimam, & quidem nunc supremam: *Anima mea liquefacta est, ut Dilectus meus Cant. 5. 6*

Zach. 3. 3 *locutus est.* Sed non aliud videbat nisi manus Esau: *Et JESUS erat indutus vestibus sordidis*, tormenta enim, quæ patiebatur, illum mortis reum, ac peccatorem infamem indigitabant, vox autem infontem declarabat Jacobum, quia *ipse peccata multorum tulit.* O luctus! ô meror! ô dolor! magnus quidem erat S. Joannes, sed tamen Filius DEI non erat, sed Zebedæi piscatoris. Verùm quia placuit Divinissimo Filio, placuit & dolorosissimæ Matri, quorum cor unum & anima una erat, hinc eum in Filium adoptivum lubenti animo acceptavit, & loco amantissimi Filii, quoad vixit, & in cœlum migravit, constanter habuit, cum quo sæpius de Christi patientis & crucifixi doloribus, aliisque arcanissimis mysteriis peramanter conferebat: Et quis dicet, quantum dilectus ille MARIÆ Filius ex quotidiana hac conversatione in virtutum ac scientiarum sublimissimarum genere profecerit?

B. Damian.  
in hunc loc.

Ex Vita  
S. Elzearii.

Juvat hîc pro reflexione morali audire B. Petrum Damianum: *Sicut*, inquit, *S. Joannes stans reipsa cum Virgine juxta crucem, eam à Christo in Matrem accepit; ita si meditatione frequenti illi ad crucem affiteris, idem te impetraturum esse confide.* S. Elzearium consulamus, quem adhuc infantulum ad preces Garzendæ piissimæ Matronæ Christus Dominus SS. Matri suæ, velut alterum Joannem comendavit: *Ne sis sollicita*, inquebat Christus ad Garzendam, *ego enim illum jam commisi meæ Matri, eamque dedi illi in Magistram.* O quantus Discipulus sub tali ac tanta Magistra! virginitatem in honorem hujus dolorosæ Virginis etiam in conjugio servavit illibatam, ferè assiduò per meditationem habitans in Vulneribus & CORDE JESU! ô utinam omnes, qui Christiano gloriantur nomine, hanc dolorosam Virginem in Matrem eligerent, simul & Magistram, ejusque salutaria monita ac doctrinam audirent:

Prov. 3. 34

*Beatus*, inquit ipsa, *qui audit me; qui me invenerit, invenerit vitam.*

7. Mirabilis fuit illa visio, quam quondam Jacob de via fessus, capite super lapide inclinato, placidam captans quietem habuit, ubi prodigiosam illam scalam super terram stantem, atque cacumen ejus cœlos tangens, Angelos quoque per eam ascendentes & descendentes, ac denique ipsum cœli terræque Dominum huic scalæ innixum conspicatus est, ex qua visione mirum in modum confortatus, & insolitâ lætitiâ perfusus, de somno evigilans exclamavit: *Verè Dominus est in loco isto, &c.*

Gencl. 28.  
16

Plura in hac pereleganti figura abscondita sunt mysteria, quæ à diversis diversimodè dilucidantur; sed ad nostrum propositum peroptimè à Lapide: *Dominus*, inquit, *scalæ incumbens est Christus in cruce pendens; crux enim est scala & via, per quam Christus, omnesque Christiani in cœlum conscenderunt, & in dies conscendant; neque aliam tibi viam finge, aut pingere, prudens Lector!*

S. Bernh. de  
E. V. p. 394

Per eandem mirabilem scalam S. Bernhardus SS. Deiparam ac Matrem dolorosam subaudit: *Hæc*, inquit, *est scala Jacob, &c. per quam, & qua median-*



mediante Electi, imò & peccatores verè contriti ac pœnitentes ad cœlestem patriam possunt ascendere. Ita quondam vidit V. P. Leo intimus S. Francisci Seraphici Socius, cui in visione duæ objectæ sunt scalæ, rubei coloris una, altera candidi, quarum summitas apicis ad cœlum usque pertingebat; rubræ innixus erat Christus non amœno, sed subirato vultu ad severum animas evocans tribunal; & dum plures per scalam illam ad cœlum contende-  
bant evadere, casso labore ac superiore vi repulsæ à summo deorsum cor-  
ruebant, dum interim aliæ animæ per scalam niveam, quam SS. Virgo & Mater Christi tenebat, facili conatu ad cœlum conscenderunt. O quàm dispar hic erat eventus! Mysterium accipe.

Licet pientissimus orbis Reparator Christus per passionem ac mortem suam condignè & abundanter pro nobis apud Patrem satisfecerit: *Delens quod adversus nos erat chirographum decreti, quod erat contrarium nobis, & ipsum tulit de medio, affigens illud cruci:* Et hinc meritò omnis spes nostra & tota prædestinationis series in meritis & passione Christi debeat esse funda-  
ta; sed quia simul & districtissimi Judicis officium sustinet, qui secundum justitiam & nostra judicabit merita ac demerita; ideò necessaria valde nobis est dolorosæ & pientissimæ Matris misericordia, qua erigamur, & fulciamur, potens enim est, quia Mater Judicis. Proinde rectè ad illius clemen-  
tiæ thronum omnes appellant miseri, ut per merita crucifixi JESU & poten-  
tissimam hujus afflictissimæ Matris intercessionem vita gratiæ & gloriæ ater-  
nùm vivant: *Potens est*, subintrat hîc Richardus à S. Laurentio, *MARIA ad protegendam: Unde ipsi potest securè dicere servus ejus illud Job: Pone me juxta te, & cujusvis manus pugnet contra me.* Et nunquid olim in Ægypto à Phaaraone dictum fuit: *Ite ad Joseph, & quidquid ipse vobis dixerit, facite.* Erat sine dubio solus ille Phaaraos Ægyptiorum Rex, & terræ illius, atque sub-  
ditorum Dominus, voluit tamen realiter honorari Josephum, dum ei plena-  
riam conferebat auctoritatem pro libitu de alimentis & subditorum salute dis-  
ponendi. Ita benignissimus DEUS & Homo Christus Rex sæculorum, ut SS. Matrem suam honoraret, voluit, ut per eam tum dona gratiæ & glo-  
riæ, aliæque corporis & animæ bona obtineamus. *Ite proinde, ô Clientes Mariani! ad hanc SS. Matrem vestram, & hanc dolorosam, & quidquid ipsa vobis dixerit, facite.*

Ex Chroni-  
co Minorum  
latino, lib.  
6. cap. 17.

Coloss. 2. 14

Richard, à  
S. Laurent.  
lib de laud.  
Virg. part. 1.  
Job. 17. 3  
Genes. 41.  
56





thufianus: *Hoc tertium Verbum Christi*, inquit, *fuit maxima sollicitudinis & pietatis, eò quòd in tantis doloribus constitutus, Matrì mœstissimæ curam gessit, & ei pro Ministro providit; cujus curam S. Joannes fideliter, prout jussus fuerat, in se suscepit, eique semper pro viribus & indefessis obsequiis inferviit, nec ante obitum hujus Almæ Virginis in provinciam sibi delegatam abiit: Et ex illa hora accepit eam Discipulus in sua.* Ludolph. Card. p. 2. c. 63, f. 352.

Hunc filialem affectum & amorem hujus dilecti Discipuli in SS. Deiparentem pulcherrimo Symbolo adumbravit Reverendissimus Aresius, qui S. Joanni Evangelistæ truncum quendam tenerum, cui furculus inoculatus & tenellus à Genio implantabatur, appingi curavit, cum hac epigrapha ex prædictis Evangelistæ verbis mutuata:

## Accipit in sua.

O felicem Discipulum: O felix, ait S. Bernhardus, *B. Joannes, cui S. Bernhard. talem thesaurum Dominus dignatus est commendare! ô Christi dilecte præ omni- de Lament, bus, & prudens, quem constituit Dominus privatum Camerarium aulæ suæ specio- Virg. sissimæ.* Vide hîc, anima Christiana, pauperrimi JESU in cruce morientis ditissimum testamentum: *Testabatur enim de cruce*, inquit S. Ambrosius, *& S. Ambr. in testamentum ejus signabat Joannes, dignus tanto testatore testis.* c. 23. Luc.

2. De Elia Thesbite commemorant Sacræ Litteræ, quòd pro ultima sua voluntate, cùm in igneo curru in paradysum transveheretur, Elisæo dilecto suo Discipulo in signum singularis amoris pallium suum legaverit: *Et levavit pallium, quod ceciderat ei.*

4. Reg. 2.

Jacob Patriarcha, cùm morti proximus esset, Josepho filio suo unam partem extra fratres suos, hoc est, agrum Sichar in signum peculiaris affectûs paterni legavit: *Et ait ad Joseph filium suum: En ego morior, do ti- Genes. 48. bi partem unam extra fratres tuos, &c.*

21

David in mortis lectulo locatus Salomoni filio suo ingentem auri argentiqûe vim pro testamento reliquit: *Ecce, ego in paupertate mea præparavi 1. Par. 22. impensas domûs Domini, auri talenta centum millia, &c.*

14

Jonathas Davidi, quem ut animam suam diligebat, proprias vestes consignavit: *Expoliavit se Jonathas tunicâ, quâ erat indutus, & dedit eam Da- 1. Reg. 18, 3 vid, & reliqua vestimenta sua usque ad gladium.*

Mathathias Sacerdos, qui solus inter Judæos Antiochi furori sese constantissimè opposuit, cùm ultima vitæ hora appropinquaret, quinque filios ad se vocari voluit, quibus præter alia salutaria monita pro testamento Simonem in patrem legavit: *Ipsam audite semper, & ipse erit vobis 1. Mach. 2; pater.*

65

Anima Christiana! leva nunc oculos tuos ad Christum in cruce suffixum, qui S. Joanni dilecto suo Discipulo non pallium suum, ut Elias, nec ut Jacob Josepho agrum, nec ut David Salomoni divitias, nec ut Jonathas Davidi sua vestimenta, nec denique ut Mathathias filiis suis Simonem in patrem, sed ipsam suam dulcissimam ac pretiosissimam parentem, quâ nihil charius, nihil unquam pretiosius habebat in orbe, pro ultima sua voluntate in Matrem legavit: *Ecce Mater tua.* Peccatoribus reliquit veniam: *Patef*

Ioann. 19.

27

Luc. 23. 34

Luc. 23. 42

Ioann. 19.

24

Adrichomius  
& Mallon,  
de S. sindon.

Dionysius  
Carthuf. cit.  
à Mansi in  
prompt. sa-  
cro Disc. 5.  
de S. Ioan.

*dimitte illis; latroni Paradisum: Hodie mecum eris in Paradiso;* militibus vestes & pallium: *Partiti sunt vestimenta mea;* Veronicæ sudarium, in quo lamentabilem sacrosancti vultus sui effigiem impressit; Nicodemo ampullam sanguinis, clavos, lanceam, coronam; Josepho ab Arimathea lintamina & sacram sindonem, quibus erat in sepulchro involutus; Ecclesiæ suæ Sponsæ lectulum suum floridum, hoc est, SS. crucem; sed S. Joanni amantissimam suam Matrem: *Ecce Mater tua.* O pretiosum testamentum JESU in cruce morientis: *Quantus tibi, subintrat hîc devotissimus Dionysius Carthusianus, est honor & gloria, quàm incomparabilis iste thesaurus, vas omnis sanctitatis, Domina mundi, Regina cæli, quæ cum Patre æterno habet, ac genuit unum, eundemque Filium, à quo Spiritus Sanctus verè procedit, datur, & mittitur, tibi committitur, Mater tua efficitur, & tu Filius ejus appellaris: Verè diligebat te JESUS, quem ad tantam gratiam prælegit.*

S. Thom.  
Vill. conc.  
de S. Ioan.

3. Verùm quid dico? Ergo in hoc testamento solus Joannes sibi optimam partem eligat? Audite S. Thomam Villanovanum: *Pendebat, inquit, Christus in cruce moriturus; aderat ibi Dilectus, quid sibi legaretur expectans. Quid tibi Dilecte legabo? Ecce Mater tua; hæc omnium, quæ possideo, charissima gemma est, hanc tibi trado, hanc tibi dono.* O magnam veræ dilectionis thesseram! ô prodigium amoris! ex quo facile rerum consideranti patet, quàm intenso amoris affectu Christus Dominus S. Joannem fuerit persecutus; & quemadmodum Pater Cœlestis nullum excellentius donum mundo præstare potuit, quàm cùm ei Filium suum unigenitum donavit: *Sic DEUS dilexit mundum, ut Filium suum unigenitum daret;* Ita pariter Christus nunc ex hac mortali vita discessurus nullum majus amoris signum Joanni exhibere valuit, quàm ut ipsi SS. Matrem suam pro ultima sua voluntate legaret: *Ecce Mater tua.*

Ioan. 3. 16

Verùm nullum testamentum sine exceptione, sine Glossa & interpretatione esse solet; loquatur servulus tuus, terra, pulvis & cinis, imò nihilum, unicum ad te verbum, ô mi pientissime JESU! ô Amor crucifixe! ô omne bonum! loquatur, inquam, unicum verbum; & quid loquor? Ah ignosce Domine! *Verus amor nullum novit habere modum.* Contra hoc testamentum tuum ego indignissima creatura tua, & unâ mecum fideles omnes solennissimè protestamur, & excipimus. Quid? Ergone

Domi-



Domine, D. Joanni dilecto tuo Discipulo, soli & unico hanc Sacratissimam Matrem tuam legabis? *Audite cæli, quæ loquor, audiat terra verba oris mei:* Ego protestor, protestor contra hoc testamentum; quia SS. Mater tua & nostra Mater est, ad quam fideles omnes in omni necessitate, in vita & in morte confugere oportet; ergo non soli S. Joanni eam concedimus, quia & nostra Mater est; ita devotissimus Dionysius Carthusianus. *Discipulus ille electus, inquit, designat unumquemque fidelem, quemadmodum ergo Christus dixit Joanni: Ecce Mater tua! sic unicuique Christiano dedit Matrem suam in Matrem,* sub cujus almo præsidio & gratiosa umbra contra omnes animæ nostræ hostes meritò omnem tutelam ac protectionem sperare possumus; unde S. Thomas de Villanova: *Sicut pulli, ait, volitantibus desuper milvis ad gallinæ alas accurrunt, ita & nos sub velamento alarum tuarum abscondimur. Nescimus aliud refugium, nisi te. Tu sola es unica spes nostra, in qua confidimus, &c.*

Dionys. Carthuf. in Ioan. super hæc verba: Ecce Mater tua. S. Thom. de Villanov. conc. 3. in Nat. Virg.

4. Verùm non immeritò hic quæres, prudens Lector, cur Sacratissima Virgo à Christo Domino tunc demum in cruce & non in stabulo Bethlehémico in Matrem nobis designata sit? Nunquid Rebecca uno partu duplex Mater effecta est? *Perrexit, ut consuleret Dominum, qui respondens ait: Duæ gentes sunt in utero tuo, & duo populi ex ventre tuo dividuntur; paulò pòst, cum tempus partus adventasset, inventi sunt duo gemelli, videlicet Jacob & Esau?*

Genes. 25, 22

Priusquam ad hanc quæstionem respondeamus, oportet nos Rahelem consulere, quæ, cum in periculoso partu prævidisset, præ vehementia dolorum brevi se morituram, filium suum in ipsa effusione partûs Benoni vocavit: *Egrediente autem animâ præ dolore, & imminente jam morte, vocavit nomen filii sui Benoni, id est, filium doloris mei;* Jacob verò Pater, ut leniret dolorem ejus, hunc filium suum non Benoni, sed Benjamin, id est, filium dextræ nominavit. Mysterium hic ingens percipe. Per Rahelem parturientem rectè dolorosissimam Matrem sub cruce stantem intelliges, ubi hominem peccatorem in summo & acerbissimo animi dolore ad vitam gratiæ parturivit, quem meritò ob exantlatos tam decumanos dolorum fluctus appellare poterat *Benoni, id est, Filium doloris mei.* Verùm Pater æternus ob amorem erga hanc dolorosissimam Matrem omnes illos fideles, quos erga illam devotos fore prævidit, non Benoni, sed *Benjamin, id est, filios dextræ* vocari voluit, quia olim in judicio ad dextram Christi stabunt, hanc consolatione plenam sententiam audituri: *Venite Benedicti.*

Genes. 35, 18

Ex quibus facile rationem colliges, quare DEUS & Homo Christus tunc primum in cruce moriens hanc dilectissimam Genitricem suam, ut nostram quoque Matrem declaraverit: *Ecce Mater tua;* ratio est, quia, dum Christum in antro Bethlehémico peperit, nullos ibidem partûs dolores sentit.

Mater Dolorosa.

M m

lit,

Psal. 47. 7.  
Rup. Abb.  
lib. 14. in  
Ioan. c. 19.

Ludov. Car-  
thuf. c. 63.

Luc. 2, 6

Genes. 3, 20  
Lansperg.  
in hom. de  
B. V.

Mat. 49, 15

fit, sed ubi hunc Filium suum in ligno pendentem, & pro omnium salutem morientem conspicata est, ah quis dicet, quibus tunc cruciatibus pia torquebantur MARIÆ viscera? Ibi passa est dolores, ut dolores parturientis, milliesque cum Rahel mortua fuisset, nisi Spiritus Sanctus eam solidasset: *Mulier*, inquit Rupertus Abbas, *cum parit, tristitiam habet, quia verè ibi dolores, ut parturientis, sustinuit in passione Unigeniti sui omnium nostrum salutem B. Virgo peperit, & facta planè est omnium nostrum Mater. O nos felices, qui sub tutela tantæ Matris vivimus: Si, ô peccator, MARIA est Mater tua, subintrat hîc devotissimus Ludolphus Carthusianus, ergo & JESUS est Frater tuus, & Pater ejus Pater tuus; ergo & regnum ejus & hæreditas tua est, ergo gratia MARIÆ, quam invenit, est thesaurus tuus, &c.*

5. Cæterum sæpius hætenus miratus fui, quare in Natali Christi in Sacro Evangelio de hac Alma Virgine & DEI Genitrice dicatur: *Et peperit Filium suum primogenitum.* Quid dicis, Evangelista? Primogenitum? Cur non Unigenitum? An fortasse hæc Sacratissima Mater plures filios habuit, qui in sacro Codice *Fratres Domini* appellantur? Minimè, hæc enim illa Porta Orientalis fuit semper clausa, & nulli unquam aperta, per quam solus summus Pontifex noster, Christus Dominus, ingressus, & egressus est. Quare ergo dicit Scriptura: *Et peperit Filium suum primogenitum?*

Adverte: Primogenitus etiam ille est, qui primò gignitur, etiamsi nullus alius post eum progeneretur: Primogenitus ergo Virgineæ Matris JESUS extitit, nos verò sub cruce ab eadem Sacratissima Deipara in summis CORDIS ejus doloribus in vitam meliorem prognati, meritò secundogeniti appellari possumus, proinde hæc dolorosissima Mater longè meliori jure, quàm quondam Eva, *cunctorum viventium Mater* appellanda erit: *Debebat*, ait Lanspergius, *piissima Christi Mater sub cruce nos parere filios adoptionis, ut quæ naturalis (hoc est corporalis) esset Mater Christi, esset adoptione atque spiritualiter omnium quoque nostrum Mater.*

O Sacratissima Virgo! ô Mater doloris & amoris! deprehensa nunc es; jam non poteris te negare esse Matrem nostram; indue ergo affectum Matris etiam erga nos miseros; sicut enim infans à facie irati parentis sui ad sinum Matris suæ recurrere solet, ut ibidem tutelam ac protectionem inveniat; en sic nos pari ratione in cunctis angustis ac miseriis nostris ad tuum præsidium & dulcissimum misericordiæ sinum confugimus, ut ob amorem tui nobis parcat DEI Filius, quem toties hætenus peccatis nostris, ah tam protervè offendimus: *Et nunquid, ô pientissima Domina! oblivisci potest mulier infantem suum, ut non misereatur filio uteri sui?* Quomodo ergo tu, ô afflictissima Mater; oblivisci illorum poteris, quos sub cruce tanto cum dolore ac gemitu peperisti? Ubi clientes ac fideles tuos non dun-



duntaxat in manibus, sed & in CORDE tuo, doloris & amoris gladio transfixo, descripsisti.

6. Recordor hîc illius Matris Chananææ, cujus quondam filia male à dæmonio vexabatur; unde de finibus Tyri & Sidonis egressa, Christumque in itinere secuta, ubi ad illius conspectum pervenit, eum humiliter adorans, magnâ voce & affectu clamavit: *Miserere mei Domine, Fili David: Filia mea male à dæmonio vexatur.* Richardus à S. Laurentio per hanc Matrem Chananæam Sacratissimam Deiparam subaudit, Matrem DEI & Matrem Hominis, Matrem Regis & Matrem exulis; per filiam verò à dæmone male agitatam, animam peccatricem: *MARIA*, inquit, Richard. 1. *clamat ad DEUM pro filia, id est, peccatrice animâ, cujus etiam personam S. Laur. 1. 6. transformat in se, dicens: Miserere mei Fili David, cui misericorditer respondet Filius: O Mulier! magna est fides tua; fiat tibi, sicut vis. O charæ animæ! si mulier ista Chananæa Sacratissimum COR JESU ad misericordiam flexit, ut, quidquid flagitabat, ei benignissimè largiretur; quid non poterit dolorosissima Mater, quæ sicut Materfamilias, prout ait Nierenbergius, in domo DEI misericordie claves habet? Audite in solamen vestrum & S. Anselmum: Si ipsa, inquit, propter peccatores, scilicet propter me, meique similes, facta est DEI Mater; quomodo immanitas peccatorum meorum cogere poterit desperare veniam eorum.* Nierenberg. lib. 2, de Ador. c. 1. S. Anselm. de Excell. Virg. cap. 13.

7. Considera ex hoc, anima Christiana! quàm sollicitæ Matres esse soleant in procuranda, aut promovenda filiorum salute; Rebecca in se suscepit maledictionem ob amorem Jacob filii, quem ob morum formæque elegantiam tenerrimo prosequabatur amore: *Ad quem Mater: in me sit, ait, ista maledictio, fili mi: tantum audi vocem meam, &c.* Genes. 27. 13

Jochabed Mater Moysis, cum aliter non posset servare filium, quantâ, obsecro, sollicitudine eum abscondit, ac demum in scirpea fiscella, ad aquas arcendas pice & bitumine oblita, in Nilo exposuit? Et ne periret missellus infans, ei Mariam puellam in subsidium amandavit, Exod. 2. 3

Bethsabée, Adoniâ regnum occupante, non acquievit, donec filio suo Salomoni à Davide Patre, senio jam confecto, regnum & sceptrum impetraret: *Ingressa est itaque Beshsabée ad Regem in cubiculum, &c.* 3. Reg. 1. 15

Sunamitis illa, ad quam pater filium, ob torrentem solis æstum ægro-tantem, de campo submisit: *Tolle, & duc eum ad Matrem suam; nulli labori ac curæ parcebat, ut eum sanitati restitueret, unde posuit illum super genua sua, &c.* Cujus tamen charitas efficere non potuit, quin in sinu Matris moreretur filius tam dilectus, 4. Reg. 4. 19



O quantò beator est illa anima , quæ in hoc mundo immundo ad Matris dolorosæ sinum properat; non invideo Lazaro sinum Abrahamæ, sed melior est sinus MARIÆ. Si prodigus ille adhuc Matrem suam habuisset in vita superstitem, non in tantam calamitatum abyssum pervenisset; solent enim Matres majorem plerumque curam suarum habere prolium , quàm patres; & quando tandem respuit miser iste, priùs sine dubio ad Matrem suam accurrisset, ut offensum patrem sibi placaret; sic pavo Mater pullos suos abscondere assolet , ne à patre irâ succenso pedibus proterantur. O quoties Divina Nemesis te, ô peccator inveterate! ob innumera demerita tua ad inferni barathrum præcipitasset, nisi hæc pientissima Mater tua & Virgo dolorosissima suâ deprecatione te ab hoc æterno præservasset interitu : *O summe misericors Domina ! exclamat S. Germanus Patriarcha , si tu nos deserueris , quonam confugiemus ? Quid de nobis fiet , ô Sacratissima Dei-para ? Memento , obsecro , quòc ad pedem crucis acceperis nos in filios : Ibi peperisti nos , non ex utero , sed ex corde. Finio cum Seraphico Do-*

*ctore : Abyssus , inquit , est MARIA in bonitate & in misericordia ; certè , Domina , cùm te aspicio , nihil , nisi misericordiam cerno , pro miseria enim facta es Mater DEI. Quis ergo non amet te ,*


*ô Pientissima ?*

S. German.  
Patr. Con-  
stantinop.  
in adoratio-  
ne zonæ  
Deip. S. Bo-  
nav. in Spec,  
B. V.



# CONSIDERATIO XL.

Dolorosa Virgo stans sub umbra crucis Mater  
omnium efficitur, ad quam umbram omnes invitat  
Christianos.



Sub umbra tua vivemus.

*Thren. 4. 20.*



Agnum sanè beneficium contra solis ardentis æstum homini peregrino ac viatori optata arboris umbra esse solet, sub qua non duntaxat anhelus sarcinam suam deponit, sed & placidè sub illius tegmine quiescens, restauratis viribus, cœptum lætus & alacer peragit iter.

Anima Christiana, omnes nos in hac terra viatores sumus, atque peregrini: Quoniam dum sumus in corpore, peregrinamur à Domino; & in alio lo-2. Cor. 5. 6.

Hebr. 13.  
14

co idem Apostolus ac Doctor gentium: *Non enim habemus hic manentem civitatem, sed futuram inquirimus.* Oportet ergo, ut inter tot æstus, pericula, rerumque varietates nobis de salubri & vivifica provideamus umbra, sub qua tutò respirare, latere, ac languentes animæ vires possumus refocillare; umbra autem hæc non alia est, quàm umbra crucifixi JESU. Ita Julius II. Pontifex Maximus, qui sibi Christum, orbis Redemptorem in arbore opaca pendulum, durisque clavis in ea fixum politiori penicillo pingi voluit, cum hoc Lemmate inscripto:

## Non est hâc tutior umbra.

Joan. 19.  
25  
Cant. 2, 3

Et ad hanc umbram omnes suaviter invitat Christianos dolorosissima Virgo MARIA; de qua recensent Sacræ Paginæ: *Stabat autem juxta crucem JESU Mater ejus.* Observa, anime mi! non scribit sacer Historicus, quòd federit sub umbra crucis, sed quòd steterit: *Stabat:* De Sponsa autem dilecta dicitur: *Sub umbra illius, quem desideraveram, sedi; & fructus ejus dulcis gutturi meo.* Versabatur nimirum tunc Sponsa in tranquilla contemplatione crucifixi Amoris sui, de cujus passionis fructibus mirum in modum consolabatur; sed Regina Sponsarum ac Domina mundi *stabat* sub umbra crucis, non tam ut invictam animi sui fortitudinem designaret, quàm ut nos misellos clientes suos, in portanda cruce valde debiles, ac inconstantes adjuvaret; *stare enim adjuvantis est, sedere autem judicantis;* sic de de Christo perhibetur, quòd ad dexteram DEI sedere soleat, quem tamen S. Stephanus Proto-Martyr in cruento suo certamine stantem vidit, ut generosum hunc athletam magis animaret, juvaret, ac confortaret. O pietissima Domina stans sub umbra crucis, adjuva & nos indignos filios tuos, quomodo pariter in omnibus difficultatibus ac tentationibus nostris ad salutiferam crucis umbram debeamus confugere, &c.

Marc. 16.  
19  
Astor. 7. 55

Cant. 8. 5

2. Benignus DEUS, qui omnia prudentissimè ordinat in finem suum, voluit, ut dilectus Filius, in quo sibi semper benè complacuit, non ferro, sed ligno domaret, ac redimeret orbem, ut perpetratum in ligno ab Adamo & Eva peccatum crucis ligno expiaretur, & sic pœna corresponderet delicto, satisfactio crimini, & pharmacum morbo; proinde dicit Sponsus ad Dilectam: *Sub arbore malo suscitavi te: Ibi corrupta est mater tua; ibi violata est genitrix tua;* per quam Matrem & genitricem Eva cunctorum viventium Mater, à serpente sub arbore malo corrupta ac decepta, designata est, quam Christus unà cum Adamo patiens in arbore crucis ad meliorem vitam resuscitavit, & velut verus pelicanus amoris exanimis & veneno aspidis enectas proles per sanguinem suum è pectore, sacrisque vulneribus elicitum vivificavit. Voluit autem mitissimus DEUS, ut sub umbra crucifixi JESU & mœstissima Mater adstaret, ut per præsentiam suam, animique dolores id repararet, quod



quod Eva stans sub arbore scientiæ boni & mali consentiendo diabolo destruxit; proinde meritò loco Evæ sub eadem crucis umbra nobis in Matrem designata fuit Maria; & quemadmodum olim in Nazarethano conclavi sub umbra Spiritus Sancti Mater Dei effecta est: *Spiritus Sanctus superveniet in te*, Luc. 1. 35. & *virtus Altissimi obumbrabit tibi*; ita nunc sub umbra crucifixi Filii non unius tantum Joannis, sed omnium Christianorum Mater declarata, & effecta fuit: *Deinde dicit Discipulo: Ecce Mater tua.* Supra quod rectè Sylveira: *Non ait, dicit Joanni; sed Discipulo; Joannes est nomen particulare; Discipulus commune, ut denotetur, quòd MARIA omnibus detur in Matrem.* O feliciem, ô fecundam Sanctissimæ Crucis umbram, quæ nobis talem ac tantam Matrem reliquit, nosque filios MARIÆ effecit; nunquid meritò cum Jeremia dicere possumus: *Sub umbra tua vivemus in gentibus? Et cum Propheta Regio: Filii autem hominum in tegmine alarum tuarum sperabant?* Psal. 35. 8

3. De Agar refert Scriptura, quòd Filium suum Ismaëlem non potuerit videre morientem, sed longè ab eo discesserit: *Seditque à regione procul, quantum potest arcus jacere, dixit enim: Non videbo morientem puerum.* Genes. 21. 15

Jochabed filia Levi, & Mater Moysis, filium suum in scirpea fiscella in Nilo expositum alterius custodiæ commisit, ipsa autem in littore de longè petivit, rerum & fortunæ eventum considerans, & miseris filii sui condonens: *Exposuit eum in carecto ripæ fluminis; stante procul sorore ejus & considerante eventum rei.* Exod. 2. 3

Mulieres illæ, quæ Christum, pientissimum Redemptorem nostrum, usque ad crucem & mortem secutæ sunt, inter quas erant Maria Magdalena, Maria Jacobi, Joseph Mater, & Salome, Mater filiorum Zebedæi, Veronica, Joanna, &c. non cominus sed eminus stabant, spectantes hoc cruentum, & heu nimis luctuosum crucifixionis spectaculum, in monte Calvario orbi monstratum: *Erant autem & mulieres de longè aspicientes, &c.*

Non sic dolentissima Virgo, & omnium Matrum afflissima Mater MARIA; non sic, sed appropinquabat per cuneos militum penetrans usque ad ipsam crucem Filii: *Stabat autem juxta crucem*; supra quod Div. Ambrosius: *Stabat ante crucem; piis oculis spectabat vulnera Filii*; & Mellissus Bernhardus: *Summatibus, inquit, pedum innitens, manus levabat in altum, amplectens rubicundam crucem, atque in oscula ejus ruens ea parte, quâ unda pretiosissimi Sanguinis defluebat; ô grande martyrium! ô frequens suspirium! ô languens pectus virgineum!* ah pientissima Mater, verè Mater amoris & doloris, quis tuos explicet animi mœrores, ac CORDIS dolores, quos stans sub umbra crucis perpeffa es? Verè Altissimus obumbravit tibi. O tristis umbra! ô umbra fatalis! sed & salubris SS. Crucis, cui rectè pro Lemmate inscribes: *Opratam fert umbra me delam.* Olim DEUS dixit: *Faciamus hominem ad imaginem & similitudinem nostram*, ubi ex Hebræo legit Oleaster, & alii: *Faciamus hominem in umbra nostra*

Marc. 15

40

Ioann. 19.

25

S. Ambros.

de instit. Virg.

cap. 7.

S. Bernhard.

de Lament.

B. Virg.

Genes. 1. 26

Oleastr. hic.

S. Athanas.  
Sina. lib. 1.  
orat. Con.  
templ. in  
Genes.  
S. Bernhard.  
serm. 4. in  
Virg. Nat.  
S. Bonavent.  
in Stim. Div.  
amor.  
Isa. 4. 6.

*nostra secundum similitudinem nostram; & quomodo in umbra nostra? Audi S. Athanasium: Homo, inquit, ad formam crucis figuratam habet imaginem; ut qui sit ad imaginem Crucifixi; & quomodo hoc? Extende parum brachia tua, & crucifixum Redemptorem tuum in umbra repræsentabis; audi & S. Bernhardum: Crux, ait, nos sumus, cui Christus memoratur infixus, homo enim formam crucis habet, quam, si manus extenderit, exprimet manifestius, &c. Vide ex his, anime mi, quomodo & natura & figura, Christus crucifixus & Mater dolorosa cum ipso crucifixæ (ita Seraphicus Bonaventura: Cum Filio ibi crucifixæ erat, sed hoc distat, quod ipse in corpore, illa autem in mente) ad umbram salutiferæ crucis te invitent, de qua Isaias: Erit in umbraculum diei ab æstu, & in securitatem & absconsonem à turbine & à pluvia, &c. O Christiani, quid agitis? Omnibus hîc requies: alias cur quaritis umbras? Nullus unquam peccatorum ad hanc umbram contritus & humiliatus venit, qui non optatam abinde medelam tulit: Per crucem ad lucem.*

3. Reg. 19. 4

Rup. Abb.  
l. 5. in Reg.  
cap. 20.

4. Elias Prophetarum zelosissimus in summis vitæ angustiiis ac periculis constitutus, cum ab impia Jezebele per emissarios milites ad necem inquireretur, unicum suum perfugium sub Juniperi umbra quæsiuit, & invenit: *Cumque venisset, & sederet subter unam Juniperum, petivit animæ suæ, ut moreretur, & ait: Sufficit mihi Domine, tolle animam meam, neque enim melior sum, quàm Patres mei, projecitque se, & obdormivit in umbra, &c. Per quam Juniperum Rupertus Abbas peraccommodè sanctissimam Crucem intelligit: Elias, inquit, confugit ad vivificum crucis lignum, illic ambit mortem, illic festinat commori Christo, &c.*

Genes, 35. 4

Typot. in  
Isagog.

Jacob in persecutione invidi fratris sui Esau ad amœnam Terebinthi umbram se contulit, sub qua aurea & argentea domesticorum idola in pulverem comminuta, infodit: *At ille infodit ea subter Terebinthum, quæ est post urbem Sichem.* Per quam Terebinthum Typotius appositè SS. Crucem subaudit: *Terebinthus, inquit, ea arbor est, sub qua infodit Patriarcha Jacobus signa; crux, inquam, quæ unius DEI cultu idolomaniam obruit salo & solo, restnam fundit ita salubrem, animæ hæc, ut illa corpori, &c.*

Exod. 3. 1

Corael. hic.

Moyse cum adhuc opilionem ageret, in solis meridiani æstu lanigerum gregem suum sub opacæ arborum umbram in interiori deserto minare consuevit, in quo loco à DEO, in rubo ardente & non combusto ipsi apparente, in pastorem animarum, ducemque Israëlitiçi populi electus est: *Cumque minasset gregem ad interiora deserti, venit ad montem Horeb: Apparuitque ei Dominus in flamma ignis de medio rubi; & videbat, quod rubus arderet, & non combureretur.* Supra quod Cornelius à Lapide: *Verbum DEI in rubo, inquit, est Verbum DEI in cruce, quia utrobique inter spinas, ad cujus umbram jam tunc Moyse suas minabat oviculas, nullibi melius quàm sub umbra crucis pascendas.*



Imò ipsa animalia ac bruta irrationabilia natura duce turmatim ad pro-  
feram illam, ac longè fertilissimam Danielis arborem, in medio terræ consi-  
tentem properabant, ut sub illius desiderata umbra non tam vitæ necessaria  
invenirent, quàm etiam ab æstu, aliisque incommodis ac periculis protege-  
rentur: *Ecce arbor in medio terræ; & altitudo ejus nimia; magna arbor, & for-* Dan. 4. 7  
*is, & proceritas ejus contigens cælum: Aspectus illius erat usque ad terminos uni-*  
*versa terræ, folia ejus pulcherrima, & fructus ejus nimius, & esca universorum in*  
*ea, subter eam habitabant animalia & bestia, & in ramis ejus conversabantur vo-*  
*lucres cæli, & ex ea vescébatur omnis caro.* Per hanc arborem rectè Anto-  
nius de Rampellogis SS. Crucem præsignatam esse asserit: *Crux Christi, ait,* Anton. de  
*arbor magna, lata & frondosa, & fructus satietatis & suavitatis tribuens, & fi-* Rampel. in  
*deles omnes protegit à demonibus, & ab omnibus peccatorum & vitiorum incur-* 6g. Bibl.  
*sibus.* Fuit autem crux posita in medio terræ juxta illud Davidici: *DEUS* fol. 564,  
*autem Rex noster ante sæcula: Operatus est salutem in medio terræ; cujus pro-* Psalm. 73.  
*ceritas usque ad cælum attingebat, quia non est alia ad cælum via, quàm*  
*Crux: O felix illa anima, quæ habitat sub hac salutifera crucis umbra!*

§. Sponsam cogitate, Sponsam considerate, amantissimum Sponsum  
suum, candidum, & rubicundum, inquirentem: *Indica mihi, quem diligit ani-* Cant. 1. 6  
*ma mea, ubi pascas, ubi cubes in meridie?* Erat tunc Sponsa, si litteram inspici-  
mus, custodiendo vineas suas oberrans, & vehementer ardentibus solis ra-  
diis uisa, proinde in tali ardore meridiano à Sponso pastore umbraculum  
expetiit, ubi non tam solis æstum declinaret, quàm & optatam inveniret  
quietem, & juxta votum invenit; audi in hanc rem S. Drogonem Episcopum S. Drogo  
Ostiensensem. *Nunquam, ait, te inveniam, nisi tantum in cruce: ibi dormis, ibi pas-* Ep de Sa-  
*cis, ibi cubas in meridie.* Subintrat hîc Cornelius: *Accipias, inquit, per me-* cram, Dom.  
*ridiem Christi crucifixionem, in meridie enim crucifixus est, atque crux Christi* Pass.  
*Ecclesiæ & fidelibus contra omnes persecutionum, & tribulationum æstus cer-* Cornel. hîc.  
*tum, fidumque præstat umbraculum & solatium.*

O Domina totius universi! ô Mater doloris & amoris! dic nobis, in-  
dignissimis tuis clientibus, ubi tuam invenisti requiem? hanc insinuat Evan-  
gelista paucis, sed verbis emphaticis: *Juxta crucem JESU;* ergone hæc re-  
quies tua, ô Domina? *Juxta crucem Filii pendentis?* imò, subintrat hîc S.  
Bernhardinus Senensis, non juxta crucem, sed in cruce Filii morientis? pro-  
inde sic Evangelistam alloquitur: *Parum dixisti, ô Evangelista! stabat, inquis,* Ioan. 19.  
*juxta crucem JESU Mater ejus, cum in ipsa cruce penderet; vel ei plùs utique* 25  
*debes, quàm reliquis? Omnino illa plùs ad crucem appropinquabat, quàm quicun-* S. Bernhard.  
*que alii, quia non solum juxta crucem stabat, verùm etiam in cruce pende-* Senens. de  
*bat in anima crucifixæ; ô triste spectaculum! ô statio luctuosa! ô umbra fatalis!* B. V.  
*& quomodo stabat? dic nobis, sancte Joannes, qui non procul ab hac SS.*  
*Matre tua pariter sub umbra crucis steteras; & quomodo stabat? Plùs non*  
*Mater Dolorosa.* N n pos.



S. Bernhard.  
de Lament.  
B. V.

psal. 90. 4.

Le Blanc.  
hic.

Matth. 23.

37

Deuter. 32.

11.

S. Ambros.

in psal. 90

Hebr. 7. 27

Exod. 13.

22

possum dicere, reponit ille dilectus Christi Discipulus: *Stabat*, cum mundi machina, pendente in patibulo Creatore, videretur dissolvi; ubi omnis creatura ingemuit, terra mota est, velum templi disruptum, sol obscuratus & petra scissæ sunt; *stabat* tamen sub umbra crucis ærumnosissima Mater petris firmior; heu in quo mari dolorum? *Cogitare non licet*, ait Mellissus, *quantus fuerit dolor Matris, cum sic dolebant, quæ insensibilia erant, & quanto magis doluit cor tantæ Matris?* O felix anima! si illi ex animo compateris, ut & cum illa aliquando possis congrificari; felix, inquam, si pariter cum ea ad umbram crucifixi JESU te recipis, ubi enim tutior requies, quam sub brachiis Salvatoris tui & sub pallio dolorosæ Matris? *Sub brachiis Salvatoris mei* dicebat quondam magnus ille Antistes Hipponensis, *& vivere volo, & mori cupio*; & Vates Regius: *Scapulis suis obumbravit tibi, & sub pennis ejus sperabis*. Per quos scapulos & pennas rectè SS. Patres extenta Christi JESU in cruce brachia intelligunt: *Christus*, ait le Blanc in hunc locum; *in cruce nos obumbrabat scapulis suis, brachiis & manibus*, sub quibus nos sub nube ab æstu furoris DEI protegit, abscondit, refrigerat, alit & fovet; sicut gallina sub umbra alarum suarum à rapacibus milvis tuetur, ac fovet pullos suos; aut quemadmodum aquila ad volandum provocans pullos, & super eos volitans expandit alas: *Nobis quoque*, inquit S. Ambrosius, *manus suas expandit JESUS, ut totum mundum obumbraret*. Quomodo non sumus in umbra, quos crucifixus à malignitate sæculi & corporis ardore defendit. Addo ego: quomodo non sumus in umbra; pro quibus dolorosissima & afflictissima Mater JESU ad Patrem intercedit, offerens ei in hostiam placationis Sacratissimum ac divinissimum Cor JESU, unigeniti Filii sui, pro salute univerforum in ara crucis immolati? O quàm benè agunt Sacerdotes illi, qui, cum quotidie DEO T. O. M. imprimis pro suis delictis, ac dein pro peccatis totius populi hostiam immaculatam (Carnem & Sanguinem unigeniti Filii Dei) offerunt, si hoc immaculatum Sacrificium per purissimas manus B. Virginis ac Matris dolorosa DEO Patri repræsentant! & quidem eadem intentione, quemadmodum illa Mater amoris & doloris stans sub umbra crucis pro peccatis totius mundi hunc dilectissimum Filium suum Patri æterno in victimam placationis obtulit; an poterit esse repulsa, ubi tot sunt amoris insignia?

6. Recordor hinc illius prodigiæ columnæ nubis & ignis, quæ Hebræis quondam in exitu Israël Dux & Comes in Palæstinam extitit: *Nunquam desinit columna nubis per diem, nec columna ignis per noctem*. O pietissima Domina! dulcissimus Filius tuus in cruce pendens, & amoris igne totus, columna illa ignis fuit; illuminans omnem hominem, quia ipse erat lux mundi, etiam in mediis tenebris in candelabro crucis magis illucescens; tu verò, ô Virgo dolorosa, per columnam nubis adumbrata es, quia nos, ut nubes, ab æstu iræ Divinæ protegis, sub umbra gratiarum foves, lacrymis tuis rigas;


gas, atque fecundas; & hæc est causa, quòd S. Andreas Cretensis te, ô Do-  
 mina, appellaverit *Columnam nubis spiritualis Israël*; & S. Epiphanius: *nubem,*  
*replestem imbrem demittentem, quo terra irrigatur.* S. Andr.  
Cretens. in  
Exod. 13  
S. Epiphanius,  
orat. de  
Jona. 4. 5

De Jona refert Scriptura, quòd fecerit sibi umbraculum, & sederit sub  
 illud in umbra, donec videret, quid accideret civitati; verùm brevi hæc lau-  
 dæ umbra duravit, nam paulò post *præparavit DEUS vermem ascensu dilu-*  
*uli in crastinum, & percussit hæderam, & exaruit.* Sic nimirum sunt omnes  
 hujus sæculi umbræ, sub quibus nulla salus, aut infirmum est sperandum re-  
 fugium, omnes enim hujus mundi gratiæ & favores quid aliud sunt, quàm  
 evanescens tela, arundo fragilis, umbra labilis, & fumus inanis? Ite nunc, mi-  
 seri mortales, & in umbra principum ac filiorum hominum, in quibus non  
 est salus, sperate; solus ille beatus est, qui sperat in Domino JESU crucifixo,  
 & in Sacratissima Matre ejus dolorosa, qui, cum omnes in agone tuo te de-  
 derent, hi soli, si nunc eos tibi facies amicos, te non derelinquent: *Respicite*  
*filii, nationes hominum, quia nullus speravit in Domino, & confusus est.* Eccl. 2. 11


Idcirco ad te, mitissime JESU, in arbore crucis durissimis suffixe clavis,  
 & ad te, ô Mater doloris & amoris! me totum converto; ad vos tanquam  
 ad Patrem & Matrem redeo filius prodigus, ac peccatorum miserrimus, cum  
 psalte humiliter supplicans: *Sub umbra alarum vestrarum protegit me.* Et si  
 quondam umbra S. Petri Apostolorum Principis varios ægros à suis infirmi-  
 tatibus sanavit, ita ut in plateas ejicerent infirmos, &c. Quid non facere po-  
 terit umbra crucifixi Redemptoris mei, & cum eo crucifixæ Matris? Psal. 16. 8  
Act. 19. 12

Disnam latronem illum ad dexteram Christi crucifixum, juxta S. Vin-  
 centium Ferrerium umbra dextri brachii Christi JESU in cruce pendentis, an-  
 tequam factæ sint tenebræ supra universam terram, nonnihil adumbravit, ex  
 cujus virtute mox mirabiliter conversus, ad consortium crucis Christi, ejus-  
 que gloriam assumptus est, quod prævidens Oseas Propheta: *Convertentur,*  
*inquit, sedentes in umbra ejus.* O JESU! ô MARIA! convertar & ego ali-  
 quando ex toto corde ad vos; sedeo & ego in umbra vestra servus indignif-  
 simus, ah liceat mihi dicere cum Psalte Regio: *In hac umbra sperabo.* S. Vincent.  
Ferrer. in  
parasc. 4.  
heb. d. maj.  
Oseas, 14. 8  
Psal. 56. 2

*donec transeat iniquitas.*







## CONSIDERATIO XLI.

Maria Mater Dolorosa stans sub cruce Filii omnibus Christianis admirandum patientiæ speculum.



Stabat juxta crucem JESU Mater ejus.

*Joan. 19. 25.*



Iversa sunt Christianæ patientiæ, & infractæ tolerantæ Symbola. Hanc repræsentant rosæ, inter pungentes spinas magis florentes, odoremque suum latius spirantes, cum Lemate: *Olent suavius*. Rupes inter allisos irati maris fluctus inconcussa, cum Lemate: *Eadem sum semper*. Incus nullis malleorum ictibus cedens, cum epigraphe Italarum: *Ogni durezza vinco*; vel: *Dura omnia vinco*; seu brevius: *Durabo*. Item palma adversus pondera surgens, cum inscripto: *Quò pressior, altior*; & arundo inter omnes



omnes ventorum furias infracta, addito Lemate: *Firma, licet infirma.* Vel amaranthus flos: *Nec gelu, nec aestu.* Aut adamas: *Nec ferro, nec igne.* Vel denique Salamandra inter flammam consistens: *Nec lador, nec terreor, &c.*

Verum inter ejusmodi Symbola, quæ de dolorosæ & afflictissimæ Matris patientia formari possunt, nullum magis mihi arridet, quàm mitis quædam ovicula, quæ, licet ad lanienam & macellum trahatur, nunc jugulanda, & excorianda, nullum tamen impatientiæ signum edere, vel querelas spargere, aut inimicis ferocitatem exprobrare assolet, sed tolerantiam animo cuncta adversa, ipsamque cruentam necem sustinet; proinde ejusmodi oviculæ, signo T. seu crucis notatæ, illud Regii Vatis rectè pro Lemmate inscribes:

## Non habet redargutionem.

psalm. 37.

En perelegantem typum in dolorosa & afflictissima Matre JESU expressum; quæ, dum Filius innocentissimus, quasi *agnus mansuetus, ad victimam* raptatus est, velut *oris inter omnes mitis* non aperuit os suum, nec in ore aut corde suo redargutionem habuit contra infandos & scelestissimos deicidas, sed summa cum patientia sanguinolenta patientis Filii vestigia secuta est, omnesque injurias, opprobria, ac cruciatus dulcissimo Nato & sibi illatos invictâ planè & admirandâ tolerantia sustinuit: *Quoniam tu,* dicebat in corde suo, *es patientia mea, Domine;* hoc est unica causa, quòd libenter tecum hæc omnia perferam adversa, cum non ignorem, omnem hanc afflictionem à te esse profectam, cujus sanctissimæ voluntati me in omnibus humiliter subjicio; ita Pater, quoniam sic placitum fuit ante te, placet & mihi cum Filio pati, crucifigi, mori. Audi devotissimum Blosium: *Attendens, inquit, beata Virgo, ut ille Filius suus acerbissimam passionem plenissima cum patientia absque ullo murmure, ex ingenti atque ardentissimo erga nos amore cum gaudio spiritus pertulisset; ipsa quidquid patiendum occurrebat, flagranti desiderio & aestuanti cum latitia tolerabat.* O quàm dissimiles sumus (si quid ad tolerandum occurrit) patienti JESU & SS. Matri ejus compatienti!

15

Jerem. 11.

19

psal. 70. 3

Math. 11.

26

Blos. Spirit.

Inst. appen.

l. c. 2. n. 5.

2. De Jacob Patriarcha commemorant Sacræ Paginæ, quòd, cum tunicam filii sui Josephi, super omnes natos dilecti, nunc in sanguine hædi intinctam & dilaceratam, per submissum nuntium recepisset: *Hanc invenimus:* *Vide utrùm tunica filii tui sit, an non?* Præ nimio animi dolore non sine impatientia vestimenta sua disciderit: *Scissisque vestibus, indutus est cilicio, lugens filium suum multo tempore.*

Genes. 37.

32

Ita Job, Hussæus ille Princeps, aliàs patientissimus, & nullis hæcenus fortunæ adversæ casibus fractus, cum nuntium de inopinata filiorum suorum morte recepit, immemor pristinæ tolerantia vestes suas non sine aliqua in-

Job. 1. 10 indignatione in partes dirupit: *Tunc surrexit Job, & scidit vestimenta sua, & tonso capite corruens in terram adoravit.*

Jud. 5. 28 Ita & desolata illa Mater infelicitis belli Ducis Sisarae, cum ei, domi moranti, ob moram, quâ aberat filius, mens pavida eadem ejusdem sui nati praesagiret, & paulo post per fenestras prospiciens, illius interitum inaudisset, quod nimirum ferro clavo per tempora ejus à Jabele adactò, in terra affixus, miserrimâ morte animam expirasset, dolori impar in lamenta & ululatus inconditos erupit, universamque domum mœrore insolito complevit: *Per fenestram prospiciens, ululabat Mater ejus, & de cornaculo loquebatur, cur moratur regredi currus ejus?*

Non sic beatissima Virgo & Mater crucifixi JESU, non sic, cum Filium suum, unicum COR suum, captum, accusatum, flagellatum, spinis cruentatum, crucis ligno onustum ac denique in infami patibulo luctuosissimâ morte expirantem conspiciat; non ideo murmuravit, non vociferata est, non vestes ob aliquem impatientiae motum dirupit, non ejulavit, non rugiit dolore; non capillos e capite revulsit, ut in gravi luctu aliae solent Matres agere, sed omnes hos efferatos maris fluctus, licet stans in medio luporum adinstar patientissimae oviculæ, invictissimâ tolerantia superavit: *Stabat*, ait Petrus Canisius, *B. Virgo, sua virtutis atque constantia, quae rebus adversis probanda erat, memorandum exemplum posteris praeitura, quandoquidem nec tribulatio, nec angustia, nec periculum, nec persecutio, nec gladius, nec mors, nec vita, neque alia creatura illam separare posset à charitate Christi, cui mente cohaerebat.*

4. Reg. 1. 9 3. Incidit hic mihi in mentem zelosissimus Propheta Elias Thesbites, ad quem in vertice montis Carmeli commorantem Rex Ochozias ægrotans duos quinquagenarios amandavit, ut eum aut vi, aut dolo, caperent, atque ad se etiam invitum perducerent: *Homo DEI, Rex praecepit, ut descendas; ad quod Elias spiritu vehementiori succensus ignem de caelo, qui illos devoraret milites, non sine prodigio devocavit: Si homo DEI sum, descendat ignis de caelo, & devoret te, & quinquaginta tuos, &c.*

4. Reg. 2. 23 Pari zelo Elias discipulus, in petulantes illos pueros, qui in Bethel sibi proterve insultabant, animadvertit, dum non duntaxat eis in nomine Domini maledixit, sed & duos urfos de saltu evocavit, qui in condignam sceleris punitionem quadraginta ex dictis pueris in frustra dilacerarunt: *Egressi sunt duo ursi de saltu, &c.*

Luc. 9. 53 Ita duo filii Zebedæi, cum inurbanitatem & ingratitudinem Samaritanorum observassent, quod pientissimo orbis Redemptori Christo in civitate sua ne quidem nocte imminente hospitium ad pernoctandum concedere vellet: *Et non receperunt eum; ex nimio zelo commoti sine mora vindictam eis de caelo intendarunt: Domine, vis, dicimus, ut ignis descendat de caelo, & consumat illos?* Ita



Ita & Paulus in concilio causam suam agens, & innocentiam suam publice defendens, cum à Pontifice Anania juberetur, ut à circumstantibus os Pauli pugnīs obturaretur: *Præcepit adstantibus sibi percutere os ejus; sine mora Actor. 23. 3* auctoritate Apostolica ex justitiæ zelo illi Pontifici ultionem à DEO justissimo scelerum Vindice intentavit: *Percutiet te DEUS, paries dealbate.*

De Epiroina muliere forti & gentili recenset Plutarchus, quod, cum si-plutarch. in  
lium suum Argicum cum Rege Pyrrho in pugna digladiatoria congregien-vita pyrrhi.  
tem per fenestram tecti vidisset; filiumque à Rege in primo assaltu certò confodiendum observasset, absque ulla mora tegulam de tecto arripuerit, quam virili impetu in caput Regis dejecit; eumque in arena occidit.

O quam aliter dolorosa Virgo & Mater crucifixi JESU stans in Calvaria rupe, & spectans Filii sui cruentum agonem, contra inimicos sese exhibuit! de qua pariter illud Regii Vatis verificatum fuit: *Circumdederunt me vituli multi, & tauri pingues obsederunt me.* Illudebat ei plebs furiosa, & mili-psalm. 21,  
tum ac servorum caterva petulantissima adinstar lascivientium vitulorum ac 12  
pinguium taurorum ei insultabat; Scribæ & Pharisei etiam digito extento illam juxta crucem dilectissimi Filii sui stantem cæteris circumstantibus monstrabant: *Hæc est Mater Seductoris, &c.* Interim jamjam se parabant omnia elementa ad condignam ultionem de impiis his deicidis sumendam; sol obscuratus est, terra contremuit, petra scissæ, & monumenta aperta sunt, & ipse infernus dilatavit os suum, ut execrandos illos peccatores vivos degluteret; sed quid ad hæc omnia afflictissima, juxta ac mitissima Virgo? Num fortasse ignem de cælo devocavit, ut Elias? Sciebat enim JESUM Filium suum Eliam longè esse majorem, ac proinde injuriam ipsi illatam infinites gravio-  
riorem? Num alicui maledixit, ut Elisæus? *Maledixit eis in nomine Domi-4. Reg. 2.  
ni?* Num vindictam petiit ut filii Zebedæi, & ideo rectè *Boanerges* vocati; 23  
hoc est, filii tonitru? Num indignata fuit injustis Pontificibus & iniquis-  
simo Judici Pilato, ut quondam Paulus Ananiæ: *Percutiet vos DEUS?* Num denique lapides præ indignatione e terra eruit; & in maledicta carnificum capita misit, ut Epiroina? Nihil simile repèries in hac dolentissima Matre, sed potius quod omnes ejusmodi injurias ac contemptus; Filio & sibi illatos, humili ac patientissimo animo sustinuerit, imò & pro transgressoribus oravit, *quasi non habens in ore suo redargutionem;* ita observat Doctor Sera-psalm. 37,  
phicus: Cum crucifixus JESUS ad Patrem clamasset: *Pater dimitte illis;* 11  
interim MARIA, ah verè Mater amoris & doloris! in genua juxta crucem sese demisit, & flens, ac lacrymans, unà cum patiente Filio eandem  
orationem ad Cælestem Patrem ingeminavit: *Pater dimitte illis.* O patientiam admirandam! O tolerantiam nullis unquam sæculis auditam! S. Bernhar-  
Magna erat velut mare contritio tua, ait S. Bernhardinus, & hoc mare per-din tom. 3.  
impatientiam non redundabat. Omnia flumina intrant in mare, id est, in f. 2. a. 3. c. 4.  
MA.



**MARIAM.** & mare non redundat, scilicet per impatientiam. O bone DEUS! ubi nostra patientia est, qui vix unum verbulum durius (non dico verbera) & nec levissimam injuriolam æquo possumus sufferre & petiti animo. O Christiani, dilcite ab hac sanctissima & afflictissima Matre vestra: *Patientia vobis necessaria est, ut voluntatem DEI facientes, repositis promissionem.*

Hebr. 10.  
36

Math. 27.  
42

4. Cæterum mirantur, causamque inquirunt SS. Patres, ac Sacrarum litterarum gnari, quare Christus Dominus non de cruce descenderit, cum Judæi in Calvariæ jugo cruentum hunc pientissimi Redemptoris nostri agonem spectantes instantissimè petierint, ut de cruce descenderet: *Si Rex Israël est, descendat de cruce, & credimus ei?* O bone JESU! en optatissima hic sese offert occasio, tandem obstinata hæc Judæorum pectora, pro quorum salute hæcenus tantum & usque ad sanguinis profusionem laborasti, ad frugem convertendi; descende igitur de crucis ligno, solve manus ac pedes trabalibus suffixos clavis, & ecce salva sunt omnia; omnes in te credent, atque te ut Messiam suum ac Regem cœlestem venerabundi agnoscent ac suscipient. Verum nihilofecius in cruce constans, perseverat mitissimus JESUS, atque

9. Augustin.  
in Tr. 37.  
in Ioan.  
S. Bernhard.  
serm. 1. de  
Resur. Dom.

in ea vivere & mori discupit. Causam subjungit D. Augustinus: *Quia patientiam docebat, ideo potentiam differebat: Si enim commotus ad eorum verba descenderet, victus conviciorum dolore putaretur.* Cui subjungo S. Bernhardum: *Descendat, inquit, de cruce, si Rex Israël est, titulum Regni non deserat, virgam Imperii non deponat, cujus nimirum Imperium super humerum ejus, sicut præcinit Isaias. Noli, inquit, Judæi ad Pilatum, noli scribere Rex Judæorum, sed quia ipse dixit: Rex sum Judæorum; & Pilatus. Quod scripsi, scripsi. Si Pilatus quod scripsit, scripsit, Christus non perficiet, quod incepit? Ipse enim cepit, & salvabit nos. Sed dicunt, alios salvos fecit, seipsum non potest salvum facere; imò verò si descenderit, neminem salvum faciet, cum enim salvus esse non possit, nisi qui perseveraverit usque in finem, quanto minus poterit esse Salvator? Alios ergo salvos fecit, nam salvatione, cum sit salus, ipse non indiget, &c.*

S. Bernhard.  
loc. cit.

Aliam causam, cur Christus licet à Judæis sollicitatus non descenderit de cruce, subjungit idem Mellissius: *Ne daret, inquit, occasionem surripienda nobis perseverantiæ, qua sola coronatur, &c.*

Mancin. de  
pass. Dom.  
lib. 5. diff.  
1. punct 1.

Revertor ad te, ô Mater dolorosissima, quæ non procul sed juxta cruce Filii tui stare consueveras, ita quidem, ut etiam sanguine illius de Sacris Vulneribus copiosè scaturiente, proluerêris, & maderes, prout etiamnum velum capitis tui, Sacrosancto Christi cruore rubens, in regno Bohemiæ inter alia pretiosa lipsana religiosè asservatum, satis luculenter hanc veritatem demonstrat. Dic, obsecro, ô Domina, quare proximè adstare cruci voluisti? Agar quondam non poterat videre filium suum morientem, unde abjecto subter unam arborum puero, abit, seditque à regione procul, quantum potest

potest arcus jacere, dixit enim: *Non video morientem puerum; & tu, ô Do-* Genes. 27.  
*mina! nec latum quidem unguem à cruce discedis? Observa, anima Christi-* 15  
*na, quemadmodum ille, cui cor dolet, condolens illi manum apponit: si*  
*caput, capiti; si dens, denti; si venter, ventri, &c. Sic afflictissima Mater,*  
*cujus Cor unum cum Corde JESU fuerat, in omni passione, ac tunc præfer-*  
*im in cruce morienti Filio adhærere voluit, quia in ea totus illius dolor erat;*  
*proin cum patiente Filio & dolores & injurias illatas patientissimè sustinuit;*  
*unde in Epithalamio in typo illius dilectæ Sulamitidis ad Sionidas dixisse fer-*  
*ur: Nolite me considerare, quòd fusca sim, quia decoloravit me sol. O pientis-* Cant. 1. 6  
*ima Domina! quomodo & qualis sol pulchritudinem tuam potuit deco-*  
*orare?*

Adverte. Quòd B. Virgo quoad naturalem colorem aliquatenus sub-  
 nigra & fusca fuerit, refert S. Epiphanius, qui hujus Sacratissimæ Deiparæ for- S. Epiphanius  
 mam patheticè descripsit, unde eam tanquam Palæstinam colore triticeo, & & Niceph.  
 decenter nigram fuisse asserit: *Colore, inquit, fuit triticeo, capillo flavo, oculis* lib. 2. Hist.  
*acribus, subflavas & tanquam oleæ colore pupillas in eis habens: Supercilia ei erant* cap. 23.  
*inflexa & decenter nigra, nasus longior, labia florida, & verborum suavitate plena,*  
*facies non rotunda & acuta, sed aliquanto longior, manus simul & digiti longio-*  
*res, &c. Verumenimverò non hîc litteram, sed sensum ac mysterium in-*  
*quiro.*

Per solem rectè Christum JESUM in cruce exaltatum subaudies, sub quo  
 mystico Sole à meridie usque ad ejus occasum B. Virgo & Mater afflictissi-  
 ma in veste pulla (prout aliqui observant) constantissimè stetit, acerbissimos  
 dulcissimi Nati sui spectans, ac considerans cruciatus; *idcirco non tam solis*  
 (prout loquitur Cornelius) *quàm doloris ardoribus fuit fuscata*, dum hæc Sa- Cornel. in  
 cratissima Deipara, licet ab omni peccati labe alienissima, passim tamen pec- hunc loc.  
 catrix, Mater summi malefactoris, & coriphæi latronum, ac pessimi homun-  
 cionis nutrix dicebatur, quas contumelias dolentissima Virgo summa cum  
 patientia toleravit, atque cum Filio despecto despecta nec sibi maledicenti-  
 bus maledixit, *quasi non habens in ore suo redargutionem.* Psalm. 37.

§. Viden' anima Christiana, quomodo hæc Sacratissima Deipara in 15  
 ore quidem hominum nigra, sed in conspectu DEI & Angelorum tota pul-  
 chra & formosa fuerit: *Nigra sum sed formosa.* O quàm longè adhuc à san- Cant. 1. 4  
 ctitate hujus Sacratissimæ Virginis absumus, qui in peccatis nati, & educati  
 sumus? ah ubi patientia nostra in adversis? ubi tolerantia in persecutioni-  
 bus? ubi fortitudo in tentationibus? Ubi æquus animus in sustinendis in- Tob. 12. 1;  
 juriis? Ubi perseverantia usque in finem? *quia acceptus eras DEO*, dicebat Job 1. &  
 quondam Archangelus ad seniore Tobiam, *neceffe fuit, ut tentatio probaret* seq.  
 te. Per patientiam Job probatus, & justus inventus est. Joseph, quia pa- Genes. 40.  
 tienter tulit injuriam à fratribus & uxore Putipharis sibi illatam, in Pro-Re- 40  
 2. Reg. 16. 7

Mater Dolorosa.

O o

geim



gem Ægyptiorum electus fuit. David, quia contumelias & persecutiones à Semei & aliis perduellibus, imò & à proprio filio suo sibi illatas, patienti animo pertulit, non tantum in regio solio confirmatus, sed & vir secundum

Astor. 13.

22

2. Mach. 6.

24

2. Mach. 7.

1.

Cor DEI appellatus est: *Inveni David filium Jesse, virum secundum Cor meum, qui faciet omnes voluntates meas.* Eleazarus pro Lege DEI durissimos cruciatus patienti & generoso animo perpeffus est, &c. Cui annecto fortissimos Machabæos & universum SS. Martyrum candidatum exercitum nonnisi per patientiam salvatum. *O nos felices! subintrat hic S. Gregorius Magnus, qui sine flamma & ferro Martyres esse possumus, si patientiam veraciter in animo custodiamus.* Et nunquid ignis omnia devorat, atque consumit? Sed aurum & argentum probat, ac purgat: Sic homo justus in adversis per patientiam à

DEO probari solet, sine adversario enim marcet virtus. Si aqua non movetur, necesse est, ut computrescat, vermes ac bufones progignat. Aër si non ventis agitur, contagiones causabit ac pestes. Aromata non nisi in pistillo contusa fragrantiam suam spargunt. O chara patientia! tu es optimum omnium malorum remedium; tu es porta illa ferrea, quæ ducit ad civitatem cœlestem Jerusalem. Centurio, quia Christi in cruce pendentis im-

Astor. 12.

10

mensam patientiam vidit, sine mora ad DEUM & verè fidei lumen conversus est. *Verè hic homo Filius DEI erat.* O Christiani! levate & Vos capita vestra, & intuemini crucifixum Amorem vestrum, ac Sacratissimam Matrem ejus dolorosam sub cruce stantem, *qui facti sunt pro nobis exemplum, ut sequamur vestigia eorum.* Agite: *In patientia vestra posside-*

Marc. 15.


39

1. Petr. 2.

21

Luc. 21. 19


*bitis animas vestras, &c.*





# CONSIDERATIO XLII.

Dolorosa Virgo Filio in cruce agonizanti assistens  
omnium fidelium agonizantium fidelissima Patrona.



Illuminare his, qui in tenebris, & in umbra mortis  
sedent. *LUC. 1. 79.*

**I** Ermagni quondam ab Israëlítico populo æstimatum fuit  
candelabrum illud aureum, septisidum, septemque ar-  
dentibus lucernis instructum, quod in tabernaculo te-  
stimonii collocatum Sanctum Sanctorum de nocte illu-  
minabat; & ut perpetuò in Domo DEI arderet, neque  
de nocte extingueretur, à DEO constituti sunt Aaron & filii ejus, qui hu-  
jus sanctæ lucernæ sedulam gererent curam, eamque statutis temporibus  
oleo nutrent purissimo: *Ardeat lucerna semper in tabernaculo testimonii. Exod. 27.*  
*&c.* Per hoc aureum candelabrum, seu lucernam septem lychnis (prout 29  
in nostro Emblemate videre est) adornatam, semperque de die ac nocte ar-  
den.

S. Epiphan.  
or. de laud.  
Deip.  
S. Cyrill.  
serm. contra  
Nestorium.

dentem, S. Epiphanius, SS. Deiparam intelligit: *MARIA Virgo*, inquit, *est candelabrum, quod ab altissimo throno accepit ter lucidum ignem*, & S. Cyrillus eandem SS. DEI Genitricem *lampadem inextinguibilem* appellat, quæ non de die duntaxat, sed etiam de nocte & in tenebris, hoc est, in passione & morte unigeniti Filii sui in cruce pendentis, miseris mortalibus, in umbra mortis ambulanti- bus, mirè illuxit; in cujus rei finem in hebdomade sacra, dum mysterium passionis Dominicæ in Ecclesia lugubri cantu & ornatu recolitur, omnes lampades, una sola excepta, & in candelabro trigono cunctæ reliquæ candelæ extingui solent (una iterum sola remanente, & juxta aram maximam in tenebris reposita) quæ lucerna afflictissimam Deiparentem designat, quæ, recedentibus à patiente Filio omnibus notis & amicis, sola tanquam fidei, & charitatis lucerna semper ardens, etiam in mediis persecutionum tenebris constantissimè perseveravit, atque Filio morienti fideliter usque ad finem adstetit; imò nec per mortem ab illo separari potuit; proinde meruit, ut omnium fidelium in Christo morientium fidelissima Patrona & Advocata designaretur: *Potentior*, inquit S. Ildephonsus, *ad placandam iram Judæis invenire non possumus, quam te, quæ meruisti Mater existere ejusdem Redemptoris & Judæis*. Cui mysticæ lucernæ ob septem doloris gladios exantlatos septididæ, & oleo charitatis in nos semper redundanti rectè pro Lemate inscribes: *Hu, qui in tenebris*; vel si magis aridet, illud proverbiorum:

S. Ildephonsus,  
lib. de Ex-  
cell V. serm.  
de Assumpt.

## Non extinguetur.

Proverb. 31.

18

Joan. 9. 4

Psal. 10. 9

Cencl. 3. 15

Apocal. 12.

12

Ephes. 6. 12

Jerem. 2. 19

Psal. 74. 3

1. Petr. 4.

18

Eccles. 9. 1

2. Ita est: *Non extinguetur in nocte lucerna ejus*; per quam noctem mors designatur! unde Veritas Christus: *Venit nox, in qua nemo potest operari*. O periculosa, ô caliginosa, ô formidanda nox, dum nobis taliter, qualiter dispositis ex hac vita mortali ad longam, longissimam æternitatem migrandum erit, heu qualem? Ah quid erit, quando hostis ille capitalis & Tartareus insidiabitur in abscondito: quasi leo in spelunca sua, ut rapiat pauperem? Quid erit, quando draco ille magnus insidiabitur calcaneo (hoc est, ultimo vitæ tuæ termino) habens iram magnam, sciens, quia modicum tempus habet? Quid erit, quando tibi, colluctatio erit non adversus carnem & sanguinem, sed adversus potestates tenebrarum! Quid dico de doloribus, quibus tunc corpus & anima obruentur? Tunc enim verò videbis, quam amarum sit, reliquisse te Dominum DEUM tuum, qui nunc ut justus ac districtissimus Judex, stans ad januam æternitatis, de cogitatis, dictis & factis tuis omnibus ac singulis rationem à te requirit exactissimam. O bone JESU! ô Amor crucifixæ! quid mecum fiet, si etiam justitias judicaveris: Cum accepero tempus, ego justitias judicabo? Si justus vix salvabitur, impius & peccator ubi parebunt? Heu anima mea misera & afflictæ, quia ignara, an odia vel amore digna sis, quid tunc in mor.



morte de te fiet, cum ab omnibus notis & amicis derelicta, quasi tremula ovicula inter rabidos lupos, & quasi columba seducta inter rapaces milvos, aut tanquam lepusculus invalidus inter feros molossos constituëris?

Ad S. Anselmum Episcopum quondam lepus, ne venatoribus & ca-<sup>S. Fran. de</sup> nibus in prædam cederet, anhelans & pavidus confugit, sub cujus prote-<sup>Sales in Phi-</sup> ctionis pallio & vitam & libertatem conservavit. Verum quò ego fugiam<sup>lothea,</sup> miser tunc agonizans, & cum paulatim actum fuerit de vita mea? O anime mi, & cliens Mariane! licet sis Benoni, & Filius doloris dolorosæ Matris MARIÆ, macte virtute esto: Resume animum, mæstunisque timorem mitte: Nullus, qui speravit in Domino, confusus est; Addo ego: Nullus, qui Eccl. 2. 11 intercessionem dolorosæ Matris JESU humiliter imploravit, derelictus est, & quomodo hæc Domina nostra poterit sententiæ subscibere æternæ damnationis nostræ, quos tanto cum dolore & gemitu peperit sub cruce? Sileat, S. Bernhard. subintrat hic Mellifluus, misericordiam tuam Virgo beata, si quis est, qui invo-<sup>ferm. 4 de</sup> catam te in suis necessitatibus meminerit desuisse; & quid, obsecro, mali timea-<sup>Assumpt.</sup> mus, si ipsa Mater Judicis nobiscum erit? Proinde merito cum Psalte Regio exclamare possumus: Si ambulavero in medio umbræ mortis, non timebo mala, Psal. 22. 4 quoniam tu mecum es, ô Virgo dolorosissima! Patrona mea; & Advocata mea! imò & Mater mea.

3. Miram quondam fiduciam Jacob laudatissimus ille Patriarcha in suo baculo collocavit, ubi enim ab Angelo, per totam noctem secum col-<sup>Genes. 32:</sup> luctante, nervum sui femoris per vehementem percussione & collisionem nunc luxatum & claudum advertit: Tetigit nervum femoris ejus, & statim<sup>25</sup> emarcuit; claudicans pede baculum adhibere coactus est, cujus ope Jord- nem fluvium feliciter se superasse profitetur: In baculo meo transivi Jorda- nem istum: Et nunc cum duabus turmis regredior.

David Israëlitarum Rex de se ipso fert testimonium, quòd, cum adhuc opilionem ageret, virgæ & baculi sui opem sæpe numero expertus sit; nemo enim ignorat, pastores virgâ oves suas regere, & baculo ferro præfixo contra lupos pugnare, unde ad hoc pastorale pedum suum alludens dixit: Vir-<sup>Psal 22. 4</sup> ga tua & baculus tuus ipsa me consolata sunt.

Verum altius erigamus mentis nostræ oculos. Per utrumque hunc baculum & Jacobi & Davidis juxta mentem S. Augustini & aliorum Domi-<sup>S. Augustin.</sup> nica crux designata fuit, in qua Christus sumus animarum nostrarum Pastor<sup>ferm 79. de</sup> Jordanem Passionis transivit, & cum duabus turmis, velut alter Jacob, una<sup>temp.</sup> Angelorum, altera hominum, in cœlestem Patriam, à qua exierat, regres- sus est; per virgam autem consolatricem Davidis, subintrat hic Hadrianus<sup>Hadr. Lyr.</sup> Lyræus, rectè dolorosa Virgo & Mater JESU crucifixi juxta crucem Filii<sup>S. J. de Chr;</sup> stans præsignata est, ipsa enim est virga consurgens de Israël, quæ percutiet,<sup>Pat. f. 522,</sup> duces Moab, hoc est, dæmones impiorum duces, qui quidem velut canes ca-<sup>Num. 24,</sup>



tenis alligati, in vita & in morte allatrare nos poterunt, nocere autem, & mordere non valebunt nisi volentes; & quemadmodum canis baculum & virgam, qua percussus est, timet, & perhorrescit, ita diabolus crucifixum JESUM, per quem in cruce devictus est, & SS. Matrem ejus dolorosam, à qua in capite contritus fuit, formidat, atque ad eorum SS. Nominum invocationem protinus in fugam agitur. Et hoc est, anima Christiana, quod nobis peculiari solamini esse debeat, quia in agone nostro, si utriusque opem nunc in vita sedulo imploraverimus, sine dubio & illorum auxilium sentiemus, atque Jordanem (quod idem est ac *fluvius judicii*) feliciter superabimus: *Habet tunc homo, ait Mellissius, Mediatorem causæ suæ ante Patrem ipsum Filium, & ante Filium Matrem: Christus Patri ostendit latus & vulnera, MARIA Christo pectus & ubera; nec omnino potest esse repulsa, ubi concurrunt, & orant. omni linguâ disertius hæc clementia monumenta.*

S. Bernhard.  
in serm. sup.  
Salve.

1. Reg. 4. 3

4. Mira quondam DEUS per arcam prodigia facere consueverat. Si cruentum imminabat bellum, arca ante omnes præcedebat: *Afferamus ad nos de Silo Arcam fæderis Domini, & veniat in medium nostri, ut salvet nos de manu inimicorum nostrorum.*

Josue, 6. 8

Si civitas erat expugnanda (uti patet in everfione Jericho) Arcam Domini applicabant, qua circumeunte, & omni populo vociferante, muri illico collapsi sunt: *Cumque Josue verba finisset, & septem Sacerdotes septem buccinis clangerent ante Arcam fæderis Domini, &c.*

Josue 3. 11

Si flumen ingens ac periculosum cum exercitu erat trajiciendum, rursus ad Arcam confugiebant, qua duce & comite securi ad alteram fluminis ripam transmeabant; consule librum Josue, in quo reperies, quàm ingenti prodigio Arca Domini, humeris Sacerdotum delata, universum populum sicco pede per Jordanem in Palæstinam, terram illam desiderabilem, melle & lacte manantem, traduxerit: *Ecce Arca fæderis Domini omnis terræ antecedit vos per Jordanem, &c.*

2. Reg. 14.  
14

Anima Christiana, necessario nobis hoc flumen Jordanis, mortis & judicii erit transeundum; non datur hic effugii locus: *Omnes enim morimur, & sicut aqua dilabimur: Jordanis flumen olim ex una parte ad instar montis stabat, populo liberum permittens ad terram promissionis transitum, ex altera verò parte decurrebat in mare mortuum; ita est, ad hoc mare mortuum omnes quotidie magnis passibus decurrimus. Provideamus ergo nobis de vera salutis Arca, ut itineris nostri tantis obnoxii periculis duxque comesque fiat, quia hostis noster diabolus tunc in mortis lucta cunctas suas exeret vires, quibus nos perdat, & in inferni barathro æternum demergat; est autem hæc salutis & vitæ Arca non alia, quam pretiosissima Virgo & Mater dolorosa: *Hæc Arca est, inquit Mellissius, in qua naufragium evadimus. O quàm multi mortalium cum indurato Pharaone periculosum hoc vadum non transierunt,**

S. Bernhard.  
de Verb.  
Apoc.

runt, sed in peccatis suis immersi infelicitè in ejus quoque fluctibus immersi sunt: Ferebanturque in profundum. Nos verò Clientes Mariani! afferamus ad nos Arcam fœderis Domini, & veniat in medium nostrum, ut salvet nos de manu inimicorum nostrorum; perire enim non poterit, qui devotus ac fidelis MARIAE, Virginis ac Matris dolorosæ servus ac filius extiterit: *Impossibile est*, ait S. Anselmus, quòd illi, à quibus Virgo MARIA oculos misericordiæ suæ avertit, salventur, ita necessarium, quòd hi, ad quos convertit oculos suos pro eis advocans, justificentur & glorificentur.

Exod. 14.

25

1. Reg. 4. 3

S. Anselm:  
cit. à S. An-  
tonin. 4. p.  
tit. 25. cap.  
14. §. 7°

5. Miror, quoties considero promptitudinem & alacritatem magni illius Patriarchæ Abrahami, dum sine mora ad crudele illud, ipsisque naturæ legibus repugnans mandatum sese paratum exhibuit, ad Filium suum unigenitum, quem diligebat, super unum montium DEO in holocaustum immolandum: *De nocte consurgens... abiit ad locum, quem praeceperat ei DEUS.* Et ecce cùm nunc manus in puerum extendisset super struem lignorum, adest in tempore de cælo nuntius: *Non extendas manum tuam super puerum, &c.* Mitto cætera, & pergo ad illam benedictionem ac mercedem, quam heroico illo actu promeruit, dum Filium suum unigenitum ac unicè dilectum DEO T. O. M. in victimam destinavit: *Quia fecisti hanc rem, & non pepercisti filio tuo unigenito propter me, benedicam tibi, & multiplicabo semen tuum sicut stellas cæli, & velut arenam, quæ est in litore maris: Possidebit semen tuum portas inimicorum suorum, & benedicentur in semine tuo omnes gentes terræ, quia obedisti voci meæ, &c.* Larga sine dubio, & grandis erat illa benedictio, in qua advertunt Patres, quòd Abraham per hanc suam obedientiam & filii victimam saltem de congruo meritis sit, ut ex sua progenie & ex eodem Isaac Christus orbis Redemptor naceretur, qui loco Isaaci in eodem monte pro peccatis totius mundi eluendis suo tempore foret immolandus.

Genes. 22. 8

Revertor ad dolorosam Matrem nostram, quæ in obedientia & promptitudine animi Abrahamo non cedit, quia non duntaxat voluntate, aut in typo, sed reapse & in veritate, unicum suum ac summè dilectum Filium JESUM pro salute non unius familiæ, aut gentis, sed pro salute totius orbis in gratissimum holocaustum in eodem monte Moria, seu Calvario DEO Patri in ara crucis obtulit; proinde longè meliori jure meruit, ut in ipsa & per ipsam & per semen ejus, hoc est, JESUM, benedictum ventris Virginei fructum, omnes gentes ac nationes terræ benedicerentur, omniumque Mater ac Domina efficeretur: *Beata DEI Genitrix MARIA suis meritis cuncta re-* parando Mater est, & Domina rerum: *DEUS enim est Dominus omnium, singula in sua natura propriâ jussione constituendo; & MARIA est Domina rerum, singula congenita dignitati per illam, quam meruit, gratiarum restituendo.* Ita argumentatur Divus Anselmus de Excellentia Virginis, & rectè. O Mater amoris & doloris: *Quia fecisti hanc rem, & non pepercisti Filio tuo unigenito* pro-

S. Anselm.

de Excell.

Virg. c. 11.



S. Bonavent.  
in Psalt.  
Virg.

*propter me, benedicam tibi, &c.* Hinc meritò illam ut Matrem cunctorum fidelium, ac præsertim in Christo morientium potentissimam Patronam omnes orthodoxi venerantur. Audi Seraphicum Doctorem ita SS. Virginem ac Matrem dolorosam alloquentem: *In die mortis meæ, ô Domina, conforta animam meam, deduc me ad portum salutis, & spiritum meum redde factori suo: Gratius vultus tuus mihi appareat in extremis, formositas faciei tuæ latificet spiritum meum egredientem: In exitu animæ meæ de hoc mundo occurre illi, Domina, & suscipe eam: Consolare eam vultu sancto tuo, aspectus dæmonis non conturbet; esto illi scala ad regnum cælorum, & iter rectum ad paradysum DEI; sustine devotos ante tribunal Christi, suscipe causam eorum in manibus tuis, &c.* Addo ego: O pretiosissima Domina, lumen oculorum meorum, & post DEum unica spes salutis meæ, suscipe & causam meam in manibus tuis: quid enim proderit Sanguis crucifixi Filii tui pro me tam copiosè profusus, si descendero in æternam corruptionem? Ah Domina! pergant commoveri pia tua ac materna viscera erga me, licet indignissimum servulum tuum, & quæ agonizanti in cruce Filio fideliter adstitisti, etiam me non deseras in hora mortis meæ, &c.

Plutarch. de  
Quieto Metello Junio  
sc.

6. De Juniore Metello nobili Romano recenset Plutarchus, quòd potentissimo Imperatori Octaviano in cruento bello contra Marcum Antonium fideliter adstiterit, vitamque pro tuenda Cæsaris parte constanter exposuerit. Accidit, ut Imperator, devicto Marco Antonio, & sedatâ rebellium turmâ, pro veteri Romanorum more ut gloriosus Triumphator aliam urbem in curru aureo sublimis ingrederetur, in quo gloriosissimo triumpho plures insigniores rebelles ferreis onusti vinculis ante rhedam Cæsaris trahebantur, inter quos Metellus Junior & proprium parentem manibus à tergo ligatis conspiciatus est, eodem adhuc die ob subornatam rebellionem in Capitolio morte plectendum. Quid agit generosus Metellus? Sine mora ac imperterrito vultu ad Cæsarem triumphantem per militum cuneos, civiumq; aggratulantium turmas penetrat, rogans, quatenus ob amorem & gratiam sui hunc captivum parentem, Metellum Seniore sibi donaret incolumem ac salvum: *Hic quidem*, dicebat Metellus Junior, *ô Imperator! tuus hostis, quia in te Dominum suum ensen strinxit, mortem promeritus est; ast ego sum præmio dignus, qui tibi inservi-vi, pro salute tui contra Marcum Antonium & proprium patrem impavide dimicans.* Ad quas Metelli preces Augustus ad misericordiam commotus, patrem absque mora libertate donavit, & Metello incolumem restituit.

O pietissima Domina, & Mater omnis gratiæ ac misericordiæ! quid habeo ego servulus tuus hodie coram te, nisi ut me valde, valde humilitem coram te? Ego enim sum ille vir mortis, ego, ego peccavi, & rebellis fui summo Imperatori, Christo JESU Filio tuo, ego, ego mortem & infernum promeritus sum, sed tu, ô Domina mundi, præmio dignissima es, quia Filio tuo in omni passione & cruentissimo crucis prælio ad finem usque fortiter adstitisti:

Non



*Non pepercisti animæ tuæ propter angustias & tribulationem generis tui, sed sub-* Jud. ch. 13.  
*venisti ruinâ ante conspectum DEI nostri. Ah benignissima Domina, dic, ob-* 25  
*secro, quod Mater mea sis; etsi merita invocantis non merentur, ut exaudiar,*  
*merita tamen Matris intercedunt: Quam gratum est, inquit S. Ambrosius, nau-* S. Ambros.  
*ti, qui multa tempestate jactati, incerto cursu navigantes, ubinam oberrarent, vel* de Nativit.  
*quo tenderent, diu ignorârunt, si celo serenato stella maris, stella polaris appa-* Virg. Deip.  
*reat juxta Antarcticum polum? Tam gratum erit nobis in ultimi agonis lucta*  
*multis dæmonum tentationibus, & vehementissimis doloribus exagitatis, ubi vide-*  
*rimus præclaram hanc Matris stellam, quam Ecclesia salutat: Ave Maris Stella,*  
*DEI Mater alma, &c.*

O beatissima! non est auditum à sæculo, quemquam tibi devotum à  
te derelictum; hinc est, quod meritò nobis gratulemur de tanta ac tali Ma-  
tre, quæ non tam benigna in nos misellos, quàm & potens ac terribilis con-  
tra dæmonum insultus esse solet; hanc igitur dolorosam & amantissimam  
Matrem nostram cum S. Bonaventura devotissimè oremus, ut nobis in su- S. Bonavent.  
premo illo certamine, ex quo æternâ salus nostra pendet, benignè dignetur tom. 6. in  
assistere: Propter angustias & cruciatus, quos Cor tuum sustinuit, Virgo beatiss- Offic. ad Do-  
ma, quando audisti Filium tuum dilectissimum adjudicatum morti & crucis suppli- lor, Virg.  
cio, succurre nobis tempore infirmitatis nostræ, quando corpus nostrum dolore infir-  
mitatis cruciabitur, & spiritus noster hinc propter insidias dæmonum, illinc propter  
terrorem districti Judicis angustabitur: Subveni nobis Domina tunc.  
ne damnationis æternæ contra nos proferatur sen-  
tentia, &c.



CONSIDERATIO XLIII.

Quanto cum mœrore Dolorosa Mater Filium  
suum in cruce pendentem viderit expirare,



Vidit suum dulcem Natum morientem, desola-  
tum, dum emisit spiritum. *Ecclesia in hym. de 7. Dol.*

**A**Nno Christiano 1706. die 12. Maij circa tempus meridia-  
num horrendam eclipsin in nostra Europa spectavimus,  
ubi sol, mundi oculus, sereno cælo subito quasi nigerrimo  
scuto à luna contactus, & offusus est, ad quam inspera-  
tam solis defectionem, dieque in noctem verso, homines  
& brutæ animantes hærebant attoniti. Sed nihil ad Eclipsin illam prodigio-  
sam, quæ sui Creatoris in cruce morientis indignam necem luxit, quam ubi  
S. Dionysius Heliopoli in Ægypto observavit, exclamasse dicitur: *Aut Deus:*



*natura, mundi Auctor patitur, aut mundi machina dissolvitur: Michael Synge- Cornel. in  
lus apud Cornelium asserit; S. Dionysium dixisse: DEUS ignotus in carne Matth. 27.  
patitur, ideoque universum hisce tenebris obscuratur; de qua formidabili eclypsi 45  
Amos quoque Propheta vaticinatus est: Et erit in die illa, dicit Dominus Amos. 8. 9  
DEUS: Occidet sol in meridie, & tenebrescere faciam terram in die luminis.*

Solet autem eclypsis solis tunc accidere, quando luna nova solem inter & nos per diametrum intercurrit, nostrumque hemispherium obumbrat; eclypsis autem lunæ provenit ex interpositione terræ inter se & solem, quæ interjectio per umbram terræ impedit illuminationem solis, & lunam obscurat, unde Lemma lunæ, deliquium, seu eclypsin patienti, nonnemo Academicorum inscripsit: *Alterius umbra.*

Anima Christiana, à figurante ad figuratum transeamus: Sol in meridie occidens est Christus, horâ diei sextâ in cruce patiens, & circa horam nonam moriens; luna verò interposita dolorosam Matrem juxta crucem non ad latus (ut pingi solet) sed ante & in conspectu Filii occumbentis stantem designat; ah qualis Mater! heu quis assequi poterit cogitando, aut quis æstimando capere, quæ ac quanta tormenta in morte unigeniti sui afflictissima illa Mater sit perpeffa? *O veneranda, exclamat B. Amadeus, & plena doloris B. Amadeus  
ac lacrymarum memoria! recordari, qualiter sancta illa anima gloriose passa sit, Lausaneus  
quasve pertulerit de Christi morte angustias? Pallidus vultus JESU exanguem hom. 5. de  
reddebat vultum Matris. Ille carne, illa corde passa est. Denique contumelia Virg. Scip.  
& opprobria impiorum in capite materno redundabant. Mors Domini illi mor-  
te amarior fuit; verè prout Lemma fert:*

### Morientis fideris umbra.

*Aspiciebam ego infelix, dicebat ipsa ad S. Bernhardum, & misera DEUM S. Bernhard,  
meum & Filium meum in cruce pendentem, & morte turpissimâ morientem, tanto in Lament.  
que dolore, & tristitiâ vexabar in mente, quòd non possit explicari sermone, &c. Virg.  
Etenim Vulnere Christi morientis erant Vulnere Matris dolentis, dolores savi  
fuerunt torrentes in animam Matris, &c. Hic verificatum fuit illud Joëlis Joël. 2. 31  
Prophetæ: Sol vertetur in tenebras, & luna in sanguinem: In tenebras, inquam,  
Sol justitiæ, qui est Christus DEUS noster, conversus est, dum in cruce ani-  
mam expiravit, & luna, id est, B. V. MARIA in sanguinem per compassio-  
nem; & sanguineas, quas teste S. Germano (prout alibi explicavimus) præ  
dolore nimio ac intensissimo profudit lacrymas. O quàm pauci nunc sunt  
Christiani, qui cum SS. Matre dolorosa seriò crucifixi JESU doloribus indo-  
lent: Quare magis, subintrat hic D. Bonaventura, compateris punctura pedis S. Bonavent.  
tui, quàm morti Domini tui? An majori prosequeris amore pedem tuum, Sirm. Div.  
quàm Dominum ac DEUM tuum amore tui in cruce mortuum? David Sau- Amor. p. 1.  
lem juratum hostem, ubi ab Amelecita ejus necem intellexit, amaris deflevit cap. 2.*



2. Reg. 1.

11

lacrymis: Tunc apprehendens David vestimenta sua scidit, omnesque viri, qui erant cum eo, & planxerunt, & fleverunt, & jejunârunt usque ad vesperam super Saul & super Jonatham filium ejus. Et tu, ô anime mi! quot lacrymas ob tam indignam crucifixi Domini tui necem profudisti? Si ipsum quidem (ô cautes, ô saxum, imò ipsis saxis ac petris durior) unâ contriti cordis lacrymulâ dignum non æstinas, quare saltem ob innumera peccata tua, quibus DEUM toties offendisti, & infernum meritus es, non ploras? Non ingemiscis? Non doles? O monstrum naturæ!

Jud. 7. 19

2. De Gedeone referunt Divinæ litteræ, quòd cùm trecentis suis selectissimis militibus in innumeros Madianitas de nocte intempestâ irruerit, ac clangens tubis, lagenarum complosione & effulgorantibus lampadibus adeò hostes perculerit, ut ipsi mutuâ sese cæde trucidarint, ex quibus centum viginti millia fuere cæsa: *Cæperunt buccinis clangere, & complodere inter se lagenas, &c.*

S. August.

serm. 108.

de temp.

Matth. 27.

59

Gedeon juxta S. Augustinum & alios Christi Redemptoris nostri insignis typus extitit, qui per crucem suam diabolum vicit, mortem debellavit, Synagogam subvertit, idola destruxit, Ecclesiam ædificavit. Per tubam Verbum ejus Divinum subaudi, idè enim *clamans voce magnâ emisit spiritum*, quia VERBUM erat, ut ultimo suo & valido clamore omnium mortalium excitaret attentionem. Per lagenam autem fictilem ejus humanitatem, seu carnem humanam à Virgine quondam susceptam rectè intelliges, nunc in Calvarix jugo per mortem confractam, atque collisam. Per lucernam denique intus ardentem, & complosa lagena mirè emicantem, immensam SS. Cordis JESU charitatem attende: *Christus, inquit Gentium Doctor, dilexit nos, & tradidit semetipsum pro nobis oblationem, & hostiam DEO in odorem suavitatis.* Juvat hîc quoque audire Cornelium à Lapide: *Lagena fictilis, ait, qua intus continet splendorem ardentis lucerna, optimum est Symbolum Emmanuelis, qui cùm testam Divinitatem absconderet in carne mortali, ubi ea per passionem collisa, atque confracta est. Divinitas emicuit in resurrectione: Atque etiam ipsa ejus morte obscurato sole, concussu terræ, & petrarum crepitu fracta sunt vires Madian, id est, diaboli & tartari.*

Ephes. 5. 2

Cornel. in

Ma. cap 9.

1. 4.

O luctuosum, & plenum horrore spectaculum, videre DEum ac Salvatorem suum in summa infamia, in sumis doloribus, & in summa rerum omnium indigentia tres jam horas in ligno maledicto inter latrones suffixum, cruentatum, vulneratum, & usque ad mortem contabescens! ah in quantam miseriarum & cruciatuum abyssum devenit amore mei ipse Altissimi Filius, dum humanitas ejus per passionem, velut lagena & testa arida, in morte confracta est? Et hæc omnia piis spectas oculis, ô Virgo dolentissima? Si ipsa terræ viscera contremuere, & petræ scissæ sunt, quo igitur mœrore & luctu conturbata sunt animæ tuæ viscera? Ah quomodo possibile fuit videre

im-

immortalem DEI Patris ac tuum Filium JESUM in cruce cum morte tam miserabiliter colluctantem? Et circa horam nonam exclamavit Jesus: *Deus, Deus meus, ut quid dereliquisti me?* ô vox penetrabilior omni gladio ancipiti in CORDE dolorosissimæ Matris, pertingens usque ad divisionem animæ illius; audi ipsam hanc mœstissimam Deiparam ad B. Birgittam loquentem: *Cum Filius meus dixit: DEUS, DEUS meus, ut quid dereliquisti me? Quam vocem ego, donec ad cælum veni, nunquam oblivisci potui, quam plûs ex compassione mea, quam sua permotus protulit.* Matth. 27. 46  
B. Birgit. lib. 4. c. 70

3. Erant tunc oculi agonizantis JESU obscurati, semimortui & sanguine repleti, quos tamen subindè conabatur adaperire, ut adstantem Matrem tam dilectam possêt respicere; heu quo interno utriusque cum luctu? os ejus erat apertum, & sanguinolentum; vultus lividus & cruore conspersus; crines evulsi; dentes luxati; genæ pallidæ; lingua cruore rubens, & felle amaricata; manus & pedes clavis durissimis perforati, ac rigidissimè in cruce extenti; latera & dorsum flagellis discerpta; humeri incurvati, & ob crucis bajulationem horrendâ plagâ saucii; venter profundâ voragine introrsum retractus, ac si nulla prorsus haberet viscera. Verbo: In toto corpore non erat in eo sanitas, unum vulnus & plagatumens, &c. Proinde mortem adesse cernens, ut dilectissimam Matrem in irato cruciatuum pelago natantem adhuc consolaretur, dixit: *Consummatum est*; supra quod doctissimus Mallonius: *Jesus ergo, ut Matrem consolaretur, adesse tormentorum & suppliciorum finem indicans, ait: Consummatum est.* Ioan. 19. 30  
Mallon. in Expl. S. Sind. apud me fol. 277.

O luctuosa consolatio! si tamen Mater illa amoris & doloris in morte Unigeniti sui, tam dirè, tam immaniter tractati, aliquam consolationem (nisi ob spem redemptionis nostræ) habere potuit. David quondam in morte Abner belli ducis, cui lacrymis suis ipse parentare dignatus est, saltem aliquid solaminis accepit: *Plangensq; Rex, & lugens Abner, ait: Nequaquam ut mori solent ignavi, mortuus est Abner; manus tua ligata sunt, & pedes tui non sunt compedibus aggravati, sed sicut solent cadere coram filiis iniquitatis, sic corruisti; congemiansque omnis populus flevit super eum.* O anima Christiana! quis est homo, qui non fleret, Christi Matrem si videret in tanto supplicio? Hoc, inquam, solatium in morte dulcissimi sui Nati (ut quondam in morte Abner) Mater illa inter omnes afflictissima habere non potuit, quia non solum Filii manus ac pedes ferreis clavis, & in cruce ligatos vidit, sed & SS. Cor ejus fulgurante lanceâ disruptum. O Christiane! si adhuc aliqua tibi insint pietatis viscera, quomodo tuæ animo, & omnium viscerum latitudine non compateris huic SS. Matri tuæ? Si Apostolus quondam dixit: *Flete cum flentibus*, ubi tuæ, ô Rom. 12. anima peccatrix! sunt lacrymæ, compassionis & commiserationis affectus? 15 Et quare non dicis cum propheta illo Threnologo: *Deduc, quasi torrentem lacrymas per diem & noctem, non des requiem tibi, neque saceat pupilla oculi tui?* Threnor. 2. 18



3. Reg. 14.  
6.

Nebrid. in  
Fasc. Myrr.  
cap. 20.

Drexel, de  
Christ. Mor.  
apud me  
fol. 533.

3. Reg. 2.  
30

Maljon. fol.  
17. Revel.  
S. Birgitt,  
cap. 18.

Judith, 12.  
25

4. Cum Abias filius primogenitus Regis Jeroboam lethali infirmitate decumberet, Anno Regina & Mater ejus in Silo ad domum Ahia Prophetæ simulato habitu & personâ, profecta est, de morbi eventu Vatem illum interrogatura, qui huic Reginae durius, quàm optaverat, respondit: *Ego autem missus sum ad te durus nuntius... Tu igitur surge, & vade in domum tuam, & in ipso introitu pedum tuorum in urbem morietur puer, & planget eum omnis Israël, & sepeliet, &c.* Magnus hic sine dubio Reginae dolor fuit, ubi audivit, unigenitum filium suum, regni hæredem unicum, immaturâ morte à vita tollendum, quæ tamen in hoc mœrore id solaminis habere poterat, quod Propheta mox subjunxit: *Et planget eum omnis Israël, & sepeliet*; Sed nihil ejusmodi solatii sperare poterat dolentissima Mater nostra de suo ægrotante Filio unigenito & unicè dilecto: *Et planget eum omnis Israël, & sepeliet*; quinimo impii Judæi, in Golgothæa rupe circumstantes, magis morienti Filio & Matri innocentissimæ insultabant: *Scurriliter, inquit doctissimus Nebridius, se converterunt ad Matrem, non paucis ei exprobrantes contumeliis atque irrisionibus Filii contemptibilem mortem, quibus cum ipsa nonnisi lugubri patientia & silentio responderet, furentes in eam, nisi pudor obstitisset, aut voluntas DEI potius impediens, calcibus eam suis protrivissent, aut ad pedem crucis vix jam aliâ spirantem trucidassent, &c.*

O anime mi! considera hîc, obsecro, inensam Virginæ Matris afflictionem, in cujus oculis moritur Filius tam dilectus, ac talis Filius? O Domina mundi! quomodo tam miserâ morte contabescenti potuisti viva adstare spectatrix? Si Mater S. Calliopii Juvenis ac Martyris sanctissimi, inverfo quondam capite ob fidei orthodoxæ defensionem pridie Parasceves cruci affixi, in amplexu hujus dilecti Filii sui subitanè morte præ dolorum magnitudine expiravit; & quomodo tu potuisti stare viva, & juxta crucem Filii? O quânto constantior Joabo supremo quondam apud Davidem belli Duce, de quo in Regum fastis habetur, quod instante persecutione ac morte ad tabernaculum Domini confugerit, ubi apprehendens cornu altaris mortem subire statuit; & cum jussus fuisset, ut abinde egrederetur, generoso animo respondit: *Non egrediar, sed hîc moriar.* O pientissima! hæc & mens tua erat, non recedere à cruce Filii, etiamsi mille te ferirent ruinæ: *Non egrediar, sed hîc moriar*; quòd autem in vivis fuerit conservata, respondit Angelus B. Birgittæ: *Non parvum miraculum à Deo factum esse, quòd B. Virgo tot doloribus intrinsecus sauciata spiritum non exhalârit, sed ex speciali omnipotentis Dei dono vitam retinuerit.* Quântum igitur tibi debemus, ô Mater dolorosissima, pro illo affectu & amore, quo stans juxta crucem vitam Filii tui pro nostra salute obtulisti? *Subvenisti ruinâ ante conspectum DEI nostri, nunc genibus nixa, nunc stans erecta, nunc oculis ad cœlum elevatis amantissimum Filium DEO Patri in acceptissimum præsentans holocaustum.* O Domina, quis est, qui te non amet? Et si quidem talis est est, *anathema sit.*



5. Samson inter mortales fortissimus & pluribus prodigiis inclytus, sed nunc captus & excecatus, ut morte sua vitam & libertatem populo suo pareret, DEum in medio inimicorum impensè rogavit, quatenus fortitudinem pristinam sibi reddere dignaretur; quâ subito per miraculum receptâ, concussis fortiter ambabus templi columnis, & clamans: *Moriatur anima mea cum Philistiim*, suis moriens oppressus est trophæis: *Multoque plures interfecit moriens, quam antè vivus occiderat.* Samson typus Christi Jesu fuit, qui manus ad duo crucis extrema extendens, & voce magnâ clamans; *Pater in manus tuas comendo spiritum meum*, totum ædificium infernalis Dagonis cum peccato & gehenna collisit & oppressit, nosque ab illorum jugo misericorditer liberavit. Audi rursus dolorosam Matrem ad B. Birgittam loquentem: *Filius meus clamavit ad Patrem: O Pater in manus tuas comendo Spiritum meum. Hanc vocem cum audissem ego lætissima ejus Mater, contremuerunt omnia membra mea cum amaro Cordis mei dolore. Et quoties postea hanc vocem cogitabam, quasi in aure mea præsens & recens erat.*

O peccatores omnes, arrigite aures, vobis quoq; clamavit moriens JESUS: *JESUS autem iterum clamans voce magnâ emisit Spiritum.* Tibi clamavit, ô superbe & arrogans pecus: *Ut quid superbis terra & cinis?* En humiliavit se usque ad mortem JESUS, mortem autem crucis, ipsis latronibus & iniquissimis terræ homuncionibus se postponens; ad quid ergo tu inflaris, & intumescis, vilissime vermis? Tibi clamavit, ô avare & sordide, apertas & perforatas ostendens tibi manus, ut tuas in pauperes aperires: *Quoniam propter vos egenus factus est, cum esset dives, ut illius inopiâ divites essetis.* Tibi clamavit, ô impure & lascive! attende & vide, si est dolor sicut dolor crucifixi Jesu & SS. Matris eius: *Agnosce, ô homo! quàm gravia sint animæ tuæ vulnera, pro quibus necesse fuit, Dominum Christum taliter vulnerari, & mori in cruce; ô anima sensualis! en voluptates tuæ Domino Jesu plùs quinque plagarum millibus steterunt, & juvat adhuc heu tanto, ac tam imenso pretio unicam, fœdissimam ac momentaneam carnis voluptatulam mercari?* Tibi clamavit, ô invide, & vir sanguinis, qui vindictam in pectore coquis, ut nunc proximo tuo, etiam ab illo læsus, toto ex corde ignoscas: *Pater dimitte illis; & nunquid discipulus est super Magistrum, & servus super Dominum suum?* Si peccatorum tuorum desideras condonationem: Ignosce. Tibi clamavit, ô guluse & potator! En Deus tuus & Homo Christus moriens & exhaustus (quia magna evacuatio sanguinis magnam ei creabat sitim) non aliam in sumâ amaritudine refectionem accepit, quàm fel & acetum: *In siti mea potaverunt me aceto; & tu optimos dies transigis in esu & potu? In mundanis & carnalibus? Ah falleris: Non est enim Regnum DEI esca & potus.* Tibi clamavit, ô irate, qui impatiens iræ mox in blasphemias & in juramenta soles prorumpere: Ecce mitissimum agnum coram tondente, iacò occidente se, non aperiens os suum; & tu, insane, os tuum ponis in certum?

Hebr. 6. 6

Psalm. 68. 3

Ila. 57. 1

Coloss. 1. 18

Psalm. 68. 27

Gal. 5. 24

Hebr. 5. 7

S. Drogo de

Sacrament.

Dom. Pass.

S. Bernhard.

cit. à, S. Bon-

nav. serm. 6

in Parasceve

S. Bernhard

serm. 43. in

Cant.

Ioanna. 19.

30

Levit. 1. 15

S. Vincent.

Ferrer. in

die parasceve.

Lansperg.

Hom. 52.

de Pass.

lum? Quid peccavit in te crucifixus Salvator tuus, quod denuo illum crucifigas? *Rursus crucifigentes sibi metipsis Filium Dei & ostentui habentes.* Tibi clamavit, ô piger & ignave! ecce quomodo Deus tuus ac Redemptor pro salute tua usque ad sanguinem ac mortem laboravit, & nunc veniens in altitudinem maris à tempestate demersus sit; & tu pro obtinenda æterna gloria vix pedem vis levare? O pecus ignavum! Tibi clamavit, ô ingrate! & quid clamavit? *Iustus perit, & non est, qui recogitet corde.* O execrandam nostram ingratitudinem! Medicorum aphorismus est: *Quando caput languet, cetera membra dolent;* si Christus & hic Crucifixus est caput nostrum, & nos indigna membra ejus, quare ergo illi non condolemus? Cur dolorem super dolorem vulnerum ei addimus? Tibi clamavit, ô delicatule! ut mortificationem crucis læ jugiter in corpore tuo, imò & in corde tuo feras, quid enim aliud fuit tota vita Christi JESU & SS. Matris ejus Mariæ, quàm assidua crux & martyrium? O delicate miles! qualem tibi Deus in cælum viam pinget? Si ita oportuit pati Christum, & ita intrare in gloriam suam, quomodo tu in cælum venies? *Qui sunt Christi,* inquit Apostolus, *carnem crucifixerunt cum viris & concupiscentiis.* Vide nunc, an tu sis Christi, vel diaboli? Vobis deniq; clamavit, ô mortales omnes, & quidem clamore magno: *Cum clamore valido & lacrymis;* supra quod S. Drogo Episcopus Ostiensis: *Clamat, ait, nobis de cruce: O vos omnes, qui transitis per viam, attendite & videte, si est dolor similis, sicut dolor meus, & nemo est, qui respondeat.* Addit & huic clamori lacrymas: *Flevit Christus in cruce,* subintrat hîc Mellissius, *quia, cum passio sua sufficeret redemptioni omnium, profuit in redemptionem paucorum.* O pientissima Virgo! verè Mater amoris & doloris! pone nos tecum juxta crucem, ah filios doloris tui, heu nimium ingratos, ut discamus aliquando, quid sit JESUS & hic Crucifixus: *Hac mea,* inquit Mellissius, *sublimior Philosophia est, scire JESUM, & hunc Crucifixum.* Et nunquid & tua est, ô mi Lector?

6. *Et inclinato capite tradidit spiritum.* Ita quondam innocentis columbæ caput, dum in holocaustum Deo à pauperibus offerebatur, ad collum retortum fuit: *Offeret eam Sacerdos ad altare, & retorto ad collum capite, ac rupto vulneris loco, decurrere faciet sanguinem super crepidinem altaris.* Per altare crucem, & per columbam Christum subaudi, inclinato capite se denuò in morte Patri in holocaustum pro peccatis nostris offerentem. Voluit autem *inclinato capite* tradere spiritum, ait S. Vinc. Ferr. *quasi vale diceret Matri: & devotissimus Lanspergius: Caput suum versùs Matrem inclinavit, quasi ultimam ei Ave seu Vale dicturus. Itaque in angustiis, doloribusque multis tunc constitutus, hoc signo innuit, ac si Matri eidem corpus suum vulneratum, dilaceratum, ac crudeliter nimis dissipatum commendaret, &c.* O pie Lector, quomodo tu aliquando expirabis? An in statu gratiæ? An sub tutela Matris dolorosæ? An sub umbra crucifixi JESU? ô te felicem, si nunc maturè in rem & salutem

tuam vigilas.

CON-



# CONSIDERATIO XLIV.

Exponitur commiseratio & amor Dolorosæ Matris Filium suum in cruce mortuum contemplantis.



Sicut Mater unicum amat Filium suum, ita ego te diligebam. 2. Reg. 1. 26.

I. **S**æpius in Sacris Litteris pretiosissimus orbis Reparator Christus Soli astrorum Principi comparatus est; nunc Soli orienti ex alto; nunc Soli justitiæ, cujus sanitas in Luc. 1. 48  
pennis ejus; nunc Soli cognoscenti occasum suum; modo Soli intelligentiæ: Ergo erravimus à via veritatis, & Psalm. 103.  
justitiæ lumen non luxit nobis, & sol intelligentiæ non est ortus nobis. Modò 39  
soli in horologio Achaz decem lineis retrogredienti; jam soli in meridie occumbenti: Et erit in die illa, dicit Dominus DEUS: Occidet sol in meridie, & Sap. 5. 6  
Mater Dolorosa. Qq tene. Amos. 8. 9



*tenebrescere faciam terram in die luminis.* Solet autem & potissimum Sol in occasu suo in nube aquosa & opaca ex repercussione radiorum pulcherrimam formare Iridem, quæ tamen paulò post in pluvias abire solet; proinde rectè ejusmodi arcui cœlesti, seu Iridi pro Lemmate inscribes:

## Definit in lacrymas.

Sol occumbens Christus JESUS in cruce expirans est, per arcum cœlestem, seu Iridem Seraphicus Bonaventura rectè dolorosam Matrem subaudit, quam *arcum fœderis Divini & reconciliationis* appellat; quæ occumbente in cruce hoc sole suo mystico, & ipsa Iris mystica in lacrymas abiit: *Erecta quidem stabat*, ait S. Laurentius Justinianus, *tremulis genibus, voce rauca, lacrymis defluentibus*, &c. Proinde rectè à Sponso oculi illius piscinæ in Hesebon fuere assimilati: *Oculi tui sicut piscina in Hesebon*, cujus aquæ in silentio & sine ullo strepitu currunt: Ita lacrymæ dolorosæ Matris in morte Filii sui non cum ejulatu, clamore aut strepitu, prout aliæ Mulieres in gravi luctu solent, sed placidè & cum silentio Calvarix montem irrigarunt, heu quanto cordis cum mœrore! Juvat hîc audire piissimum, juxta ac doctissimum Arnoldum Abbatem, ita Christum, amorem suum crucifixum alloquentem: *Intuetur te, Domine, illa in mulieribus benedicta, & fixis in te oculis vulnera tua maternâ pietate considerat: Et licet non ignoret, quid boni conferat mundo passio tua, tamen parentis affectu commoritur, & pectus maternum immanitate doloris arctatur. Suspirat intrinsecus, & erumpentes revocat lacrymas: Et eò amplius anxietas intumescit, quo egredi prohibetur, & per luctus, lamentaque dissolvi. Emergebant quidem aliquando gemitus, sed increpati reprimebantur, revertebantur in sinum mentis, de quo prodibant, & collidebant se ad invicem introrsus: Eratque in anima illa tempestas valida, occurrentibus sibi procellis, & quasi in sartagine fixis medullis, ebulliebant amaritudines, quas excoquebat, & coagulabat exacerbatio perseverans. Imperabat quippe dolori silentium formido, & ringentium Judaorum torri in eam oculi illos turbines suffocabant. Verùm illa tantarum procellarum salsilaginem ebibebat, & (quod difficillimum erat) moriebatur, & mori non poterat: Et clauso tanti doloris tormento intrinsecus, alium vultum palàm exhibebat, nec poterat ex facie colligi crux illa animæ, & patibulum spiritus, in quo erat hostia viva, beneplacens DEO, & holocaustum medullatum: quod cum ipsa incenderet, tantum conscientix ministerio utebatur, ipsaque sine strepitu seipsam mactans in altari interiori, & ligna & flammæ, & latices congerebat. Nimirum in tabernaculo illo duo vidisses altaria, aliud in pectore MARIX, aliud in Corpore Christi: Christus carnem, MARIA animam immolabat. Hucusque citatus Arnoldus Abbas.*

S. Bonav. in  
laud. B. V.  
n. 5.  
S. Laurent.  
Justin. de  
Triumph.  
Christ. ag.  
cap. 11.  
Cant. 7. 4

Arnoldus  
Abb. tr. 4.  
de Verb.  
Dom.

Collige ex his, Lector Mariane! pium aliquem pro te sensum moralem. Et nunquid (si veritatem candidè fateri discupis) hunc ipsum dolorem dolorosissimæ Matri peccatis tuis creâsti? Et nunquid Mater cum Filio dolores habuit communes? Olim Virgilius in porta amphitheatri Romani inscripsit: *Dimidium imperii cum Jove Cæsar habet.* Ita & Christus divisam passionem cum Matrè sua habuit, passus est hic propter peccata nostra: *Propter scelus populi mei percussi eum.* Doluit & Mater propter scelera nostra, quæ ipsam magis, quàm Vulnera Filii cruciârunt. O dulcissima Mater! agnosco culpam meam; reus sum mortis, reus judicii, reus inferni, reus æternæ damnationis, doleo animitus, & utinam ob offensum DEUM tanto possem dolore dolere, quemadmodum COR tuum ob Filium tuum patientem, & in cruce extinctum doluit. Adjuva me, ô Mater!

2. Moralis ille Ecclesiæ Doctor & summus in his terris Christi Vicarius, S. Gregorius Magnus, cùm aliquando attentiore mentis oculo copiosas pœnitentis Magdalena lacrymas, quibus pretiosissimi orbis Reparatoris sacros pedes abluit, considerâset, & ipse tali commotus exemplo largissimè flere cœpit; Audiamus ipsum loquentem: *Cogitanti mihi de Mariæ Magdalena lacrymis, flere magis libet, quàm aliquid dicere; cujus enim vel saxeam pectus illa hujus peccatricis lacrymæ ad exemplum pœnitendi non emolliant?* O sanctissime Pater! Si afflictiissimam Christi Matrem vidisses, amarissimis, quid dico amarissimis? imò & sanguineis lacrymarum fluentis tam indignam Filii sui passionem ac mortem in rupe Golgothæa deplorantem, donec tandem deficerent lacrymæ; quid, obsecro, dixisses? quid pensâsses? Si saxa & filices condoluère Creatori suo, quid Mater? Si omnis creatura ingemuit, quid Mater? An non longè meliori jure de hac omnium Matrum afflictiissima dicere possumus, quod olim Divus ille Pontifex de lacryman-  
te Magdalena enuntiavit: *Cogitanti mihi de MARIÆ Matris dolorosa lacrymis, flere magis libet, quàm aliquid dicere, cujus enim vel saxeam pectus illa hujus mœstissima Virginis lacrymæ ad exemplum pœnitendi non emoliant?* O dura, ô ferreâ, ô saxeâ hominum pectora, si tanta JESU in cruce extincti, SS. Matris ejus pietas non ad aliquam commiserationem, reciprocum amorem, ac seriam pœnitentiam vos commoveat!

S. Greg. M.  
hom. 33. in  
Evang.

3. Cùm quondam Marcus Antonius Romæ ad populum perorans Judæi, lib. 44.  
lii Cæsar, in Senatu à Bruto, aliisque rebellibus Senatoribus, viginti tribus lethalibus vulneribus occisi cruentam togam ac vestem Imperatoriam publicè in foro monstrâset, adeò universum populum Romanum ad commiserationem permovit, ut non ingens duntaxat omnium præsentium suboriretur fletus, sed & cuncti unanimi voce exclamarent: *Justam de Bruto, aliisque parricidis esse sumendam vindictam.*



Luc. 23. 34

Richard. à  
S. Laur. fol.  
1164. h. 5.  
de mentis  
robore,

Sleid. l. 15.

O Christiani! non togam, non vestem dilectissimi sui Nati, proprio intinctam sanguine, vobis exhibet dolentissima Mater, sed totum corpus ejus nunc mortuum, innumerisque fauciatum plagis, stans ad pedem crucis vobis lacrymabili vultu demonstrat: *Ecce quem occidistis!* O ingrata animæ! quid deliquit in vobis Filius meus, quod etiamnum pergatis eum ad mortem peccatis vestris urgere? Hæccine est gratia, quam tantæ referitis benevolentia, ut de novo Filium DEI & meum crucifigatis, & ostentui habeatis? Ah redite aliquando, prævaricatores, ad cor, ac vos præsertim, animæ Christianæ, non enim vindictam nec Filius meus, nec ego tristissima Mater inquirimus, sed misericordiam: *Pater dimitte illis.* O fidelissima Mater! quàm longè melius clamat ille sanguis hujus justî Abelis, innocentissimi Filii tui in cælum, quàm illius, quem quondam Cain impius frater in agro occidit; ah Domina! quis satis æstimet, amet, ac colat te? Quæ non dubitasti stans juxta crucem etiam pro interfecto-ribus Filii tui apud Patrem intercedere; ô immensum charitatis prodigium. Audiamus in hanc rem Richardum à S. Laurentio: *Nec verò quisquam opponat, Judæos exosos DEI Genitrici, eò quod Filium suum morte turpissimâ condemnârunt; quos enim morti aternâ appropriare videbat, nequaquam odio suo dignos existimavit, sed lacrymis multis, & magnâ miseratione; unde tam particeps charitatis quàm crucis JESU, assumpsit orationem pro eis, corde perfecto paternæ pietatis aures compulsans: Pater dimitte illis hanc noxam, quia nesciunt, quid faciunt. Quicumque diligitis Matrem Domini, advertite, & totis affectuum visceribus considerate, quantum & inimicis Unigeniti plangeret morientis.*

4. Occurrit hîc mihi, quod Anno Christi 1542. in Ungaria contigit, quo temporum intervallo immanis Turcarum exercitus hoc regnum lugendum in modum & ferro & igne devastavit. Accidit, ut inter alios Germaniæ Principes contra Turcas dimicatu-ros & Serenissimus Saxoniae Dux Mauritius, Juvenis magnæ indolis ac fortitudinis, cum copiis suis auxiliariis in Ungariam descenderet; qui, cum die quodam, ut erat animosus, solus cum ephebo, vel armigero suo è castris longius progrediretur, in Turcas aliquot incidit, cum quibus generoso Marte manus conferens, sinistro tamen eventu, primo assaltu equo confosso, & ipse Serenissimus Princeps magno impetu in terram effusus est. Quid hæc inter fidelissimus Ephebus? Interstrictos, fulminantesque Turcarum acinaces ad Dominum suum in terra prostratum penetrat, & toto corpore super eum incumbens, omnia vulnera loco sui heri excipit; interim dum Princeps ita à famulo suo protegatur, supervenerunt è castris Cæsareis equites Christiani, qui hostem non fugârunt tantum, sed & Ducem Saxoniae servârunt incolumem, ephebum autem, tanquam fidelitatis portentum, pluribusque fauciatum vulneribus in castra sua depor-



deportârunt, ubi paulò pòst, exhaustis sanguine & viribus, omnium cum luctu vivere desiit.

Rarum hoc est sinceræ fidelitatis exemplum, quòd servus pro Domino suo tam cruentam subire necem non formidârît; sed quòd Dominus universorum pro servo inutili tam indigna pati, ipsamque crucis mortem subire dignatus sit, omnibus retro sæculis inauditum. Poterat sine dubio mitissimus DEUS mille aliis modis ab interitu lapsum servare hominem, unico suspirio, lacrymulâ unicâ, aut sanguinis guttulâ, &c. Sed non placuit hic modus Divino ac planè immenso amorì, dum seipsum totum, omnemque sanguinem & vitam pro nobis dare in lytrum voluit. O amor, quantum amasti nos! ô amor! ô amor! ô prodigium amoris!

Et quid tu ad hæc, ô incestissima Virgo, dum Filium & Amorem tuum nunc pro tam indignis terræ vermiculis in ligno patibulario extinctum, ac millenis vulneribus saucium contemplata es? O pientissima! qualis tunc erat tibi animi sensus? Julia Pompeji Coniunx, cum audisset, maritum suum crudelem in modum ab hoste trucidatum, & insuper vestes illius vidisset recenti sanguine conspersas, non habebat ultrà spiritum, sed corruens in terram illico expiravit. O pientissima! quòd luctuoso illo Parasceves die ad crucis radices consistens præ dolorum magnitudine non animam exhalâris, singulari miraculo à Spiritu Sancto conservata es. O quoties in cælum tunc clamorem cordis tui ingeminâsti: O mi Pater! quoniam sic placitum fuit ante te, fiat sanctissima voluntas tua. Sed vide Domine! an hæc tunica (humanitas Christi) tunica Filii tui sit vel non? An hic Filius tuus & meus, qui nunc mortuus, plagisque saucius pendet in cruce? Ah quomodo cecidit potens, qui salvum faciebat populum Israël! O Pater æterne! ad quid pius es peccatoribus, & immittis ac crudelis in proprium Filium? Tu scis, quàm amari dolorum fluctus cor meum hæcenus perturbârint, quot enim vulnera dilectissimus Filius tuus in corpore accepit, tot neces cor meum hæcenus sustinuit; in his omnibus tamen sit benedictum SS. Nomen tuum, sufficit enim mihi, hanc tuam fuisse sanctissimam voluntatem, & omnia singulari tuâ contigisse providentiâ; proinde, etiamsi omnium creaturarum sim afflictissima, infinitas tamen pro his pœnis ac tormentis tibi gratias refero; hoc solum flagitans, quia Mulier vidua ego sum, & mortuus est Filius meus, quæ semper illierant in vita conjunctissima, nunc quoque in morte ab invicem non separemur, &c.

Talia, ac similia sine dubio afflictissimum COR Virginis tunc secum ruminabat. Et quid tu ad hæc, pie Lector? Audi devotissimum Ludovicum Granatensem: *Persona duæ, inquit, quæ in hoc sæculo reperiuntur, à Deo maximè adamatæ, fuerunt JESUS Christus & Mater ejus MARIA, quæ sicuti omnibus creaturis virtute prælucent: ita & afflictionibus multis omnes superâ-*

Eustach. in  
Append.  
Centur. disc.

II,

R. P. Lud.  
Granat. in  
Exerc. de  
Orat. & Me-  
ditat.

I, Petr. 4 1

runt, & patientiâ longâ præcelluerunt. Non fuere in mundo persona præstantiores istis duabus, sed nec reperiuntur iisdem magis afflictæ & discruciatæ. O afflictæ & desolatæ animæ! consolamini in vestris miseriis ac calamitatibus, consolamini, inquam, & Christo passio in carne & dolorosa Virgine in anima; & vos eadem cogitatione armamini; nihil enim adeò grave est, quod non æquanimiter toleretur, si Christi passio & SS. Matris ejus compassio ad memoriam revocatur.

Lucas Wa-  
dingus ad  
annum  
1278.

§. In confirmationem hujus veritatis audiamus, quid Joanni Pechamo ex Ordine S. Francisci acciderit. Erat is, licet innocentissimus, coram Generali totius Sacri Ordinis D. Bonaventura ab æmulis & invidiosis in re gravi accusatus, & ideò leverè à Superioribus punitus, quam injuriam cùm aliquamdiu animo ferret perturbato, ad Christi in cruce pendens simulacrum, ac SS. Matrem ejus dolorosam juxta crucem stantem, confugit: Domine, inqueiebat, *quamdiu adhuc innocens hanc patior injuriam? quid comēui?* Et quid hinc expectas, optime Lector? Audi Divinum à crucifixo Redemptore responsum: *Pechame! & quid ego demerui pendens inter latrones? Et Mater, quæ compassa est per omnes passiones? Tu ergo non turberis, si statim non sequeris, quidquid à DEO quæris.* Flevit ad hanc Christi vocem Pechamus, & omnia Divinæ Providentiæ ac voluntati lubenti animo commisit, optatumque suæ calamitati remedium invenit, &c.

Flores Sc-  
raph. tom. 2.  
p. 302.

De venerabili P. Josepho à Leonissâ Capucino recensent Flores Seraphici, quòd ob amorem crucifixi JESU & SS. Matris ejus dolorosæ, quæcunque poterant accidere adversa, patientissimè toleràrit, nunquam auditus querulas voces depromere. Cùm in gravi carcinomatis morbo incisiones à chirurgo essent adhibendæ, & de illo vinciendo ageretur, is læto animo Christi crucifixi imaginem arripuit: *Quid, inqueiebat, aliis vinculis opus est? Hac mea sunt vincula: Hic me fortius, quam ferrea catena suis charitatis nexibus constringit.* Sic gravissimas illas carnis incisuras imperturbato animo sustinuit, ad Matrem dolorosam, quam impensissimè semper colebat, ac amabat, interim sæpius ingeminans: *Sancta MARIA, succurre miseris, juva pusillanimes, &c.*

Flores Sc-  
raph. tom. 2.  
p. 310.

Accidit, ut cuidam nobili Viduæ in Italia unicus ab inimicis trucidaretur Filius, & corpus exanime ad ædes illius deportaretur, quam P. Josephus à Leonissâ consolandi causâ adiit, sed incassum, quia nullam Mulier consolationis admittebat vocem; lugente igitur viduâ extinctum filium suum, lugebat & ipse. Tandem captatâ occasione, de pectore Crucifixi exerens effigiem, hisce eam verbis alloquutus est: *Si extinctum Filium tuum, ô Mulier, qui unicus tibi erat, tot hæcenus lacrymis deploravimus, an non æquum est, ut unigenitum hunc DEI & MARIE Virginis Filium, qui crudelissimè olim à Judæis necatus est, hunc, inquam, amantissimum ac dulcissimum animarum nostrarum Patrem ac Redemptorem, qui pro nobis vitam cum sanguine sudit, simul cum Virgi-*



ne Matre, si non amplioribus, saltem æquis lacrymis prosequamur? Dixit, & Matris dolorosæ exemplo, quæ Judæos Filii sui interfectores sincero animo diligebat, Viduam illam, ut ex animo quoque inimicis ignosceret, efficaciter disposuit. Quam gratum autem hoc fuerit dolorosæ Virgini obsequium, ex eo patet, quod huic servo suo fideli non duntaxat à Filio suo gratiam curationum & plurimorum miraculorum, sed & ingentem animarum zelum impetraverit, quo plura hominum millia, & inter eos peccatorum desperatissimos ad DEUM convertit, ac tandem beatissimâ morte ad meliorem & cœlestem vitam migravit. Mitto plura exempla, quæ omnia vehementer nos impellunt, ac provocant, ut crucifixo JESU & Matri dolorosæ filiali affectu compatiamur.


6. Pro dictorum coronide occurrit hîc mihi, quod à Viris fide dignissimis & magnæ autoritatis audiui. Illustrissimam quandam Damicellam honoris in aula cujusdam Serenissimi Germaniæ Principis Juvenis æquè illustris ac antiquissimæ profapiæ ingenti prosequabatur amore; & cum nihilominus eam in sententiam & amorem reciprocum, thalamo conjugali sociandum trahere non valeret, quid ingeniosus excogitavit amor? Lautissimo affidens convivio, ipse levi vulnere è digito cultelli instrumento sanguinem elicit, digitoque indice, in cruore illo suo intincto in candidissimo strophilo hos characteres scripsit: AMO; quod strophium in globum convolutum, ad manus suæ dilectæ transmissit: Quæ, ubi proprio amantis sanguine paucos hos characteres AMO, in linteolo consignatos, conspicata est, & ipsa amore reciproco capta, ac scødere conjugali ipsi juncta est.

Abeſte profani amores. Alium hîc inquirō amorem; ô pientissime JESU! ô Amor crucifixæ! tu meus amor es, quid enim *clamant* omnia sanctissima Vulnere tua, quàm *Amant*? Quid Divinissimum Cor tuum crudeli lanceâ apertum? Quàm AMO, *Amo, Amo*; & quid, ô dolentissima Mater! tot lacrymarum tuarum millia, quas non tam ob Unigeniti tui passionem ac mortem, quàm etiam ob animarum nostrarum salutem per omnem vitam profudisti, quid, inquam, aliud *clamant*, quàm *amant*? Ecce quomodo Ioann. 12, *amabas eum*, inter se differebant Judæi, cum JESUM ad Lazari amici sui sepulchrum lacrymantem viderunt. Subinfero ego: Ecce, quomodo amabat nos JESUS & SS. Mater ejus MARIA, cum ille pro nostra salute torrentem sanguinis & illa lacrymarum profudit. O immensus amor! ô infinitus amor! verè qui vos non amat, anathema sit: O filii *Ada*! exclamabat moriens V. P. Sebastianus à Campo S. J. *servite, & amate MARIAM diligenter*: Nam scitis, quàm vobis sit necessaria *MARIÆ deprecatio*; Nadasi in Sabbatho 4.

& tunc præsertim, quando de æterna agetur vestra salute.


CON-





## CONSIDERATIO XLV.

B. Virgo & Mater Dolorosa etiam post cruentam  
Filii sui mortem sub Cruce constantissimè perseverat,



Stabat autem juxta crucem Jesu Mater ejus.

*Joan. 19. 25.*



R.

Ecce B. Virgo & Mater dolorosa stans Stylitâ firmior sub  
cruce Unigeniti sui à Sapientissimo Ecclesiastico Cupres-  
so assimilata est: *Sicut Cupressus in monte Sion.* Adver-  
te, Cupressus arbor est pulcherrimè comata, & in conum  
altissimè assurgens, nullis unquam anni temporibus vi-  
rorem suum amittens, aut ventorum, aut tempestatum injuriis cedens, sed  
semper eundem virorem illibatum conservat; unde Lemma:

Concussio firmat.

*Eccles. 24.*

17

En præclarum afflictissimæ Virginis sub cruce Filii in omnibus angustiis constantissimè perseverantis Symbolum. Moritur tandem in infami ligno dulcissimus Natus, crudeli lanceâ latus & Cor ejus transfoditur, omnes amici ejus stant de longè: *Considerabam ad dexteram, & videbam, & non erat, qui cognosceret me.* Hæc sola inter tot efferatos hostes, nota Crucifixi Mater: *Nonne Mater ejus dicitur MARIA,* dum orbis penè corrui, firmiter sub cruce perseverat, non murmurans contra interfectores, non clamans vindictam contra Deicidas, nec ullum impatientiæ signum unquam demonstrans, sed omnia Divinæ Providentiæ & Voluntati committens: *Tam particeps charitatis,* ait S. Amadeus, *quàm crucis JESU, assumpsit orationem pro eis, corde perfectò paternæ pietatis aures compulans: Pater dimitte illis hanc noxam.* O flebilis Cypressus! *Planè Mater,* sunt verba Guarrici Abbatis, *quæ nec mortis terrore Filium deserebat: Quomodo enim morte terreri poterat, cujus charitas fortior, quàm mors erat?*

Psal. 141. 5

Matth. 13.

55

S. Amadeus  
hom. 5.Guarricus  
Abbas de  
B. Virg.

2. Mirantur nonnulli, quare S. Joannes, dilectus ille Christi Discipulus, tam constans sub cruce permanferit, qui prius cum cæteris Discipulis in horto Olivario, cùm Christus in manus traderetur peccatorum, tam citam fugam apprehendit: *Relicto eo omnes fugerunt?* Unde, quæso, hic ardor Joanni, quod in Calvariæ monte inter tot hostes truculentos constantissimè usque ad mortem & sepulturam Redemptoris sui perseveret, & è contrariò in horto Gethsemani cum reliquis Apostolis tam celerem capeffat fugam?

Matth. 26.

56

Respondet ad propositum doctissimus Franciscus Labata, quod hic dilectus Christi Discipulus inenarrabilem constantiam MARIÆ, dolorosissimæ Matris JESU, in omnibus cruciatibus ac periculis Filium suum fidelissimè sequentis, impensius consideraverit, cujus fortissimo exemplo animatus pariter constanti & impavido animo non tam sub cruce stetit, quàm & seposito omni mortis timore usque ad sepulturam crucifixi JESU perseveravit: *Stabat juxta crucem Christi (id est Joannes)* ait Labata, *absque ullo pavore, timuit mortem in horto, cur non sic juxta crucem? Quia scilicet videbat ibi MARIAM plusquàm humanà quâdam fortitudine ac constantiâ ibi adstantem, & tanto exemplo roboratus, pariter & ipse stetit absque judicium & ministrorum timore, &c.*

Franc. Labata  
tom. 2.  
de dolorib.  
Mar. prop.  
36, fol. 653.

O anima Christiana! si statuisti Christum crucifixum sequi: En exemplum præclarissimum in dolentissima DEI Matre: *Fac secundum exemplar, quod tibi monstratum est in monte,* & hanc Sacratissimam Matrem tuam cum S. Joanne generoso animo usque ad crucem Redemptoris tui sequere. Ah quid fugis crucem, in qua unica salus, vita & resurrectio tua consistit? Eja iter aggredere, & venientem fortiter excipe: *Vis crucem,* ait Jacobus Nouët in Exercitiis Spiritualibus, *exiguo cum labore & magno fructu ferre? Ama. Hic est ille gladius doloris, qui pectus & animam B. Virginis pertransivit: Amor*

Exod. 25.  
40Jac. Nouët  
in Exercit.  
Spirit. fol.  
100.

Mater Dolorosa,

R r

siqui



*siquidem causa illi doloris fuit, & lenimen. Doluit, quia amavit: Tulit dolorem fortiter, quia amavit. Amor Christi nomen difficultatis erubescit, &c.*

Jos. 10. 13 3. Cùm Josue quondam, invictissimus juxta ac pientissimus belli Dux, cum quinque Chananæorum Regibus acerrimum prælium cõmitteret, sol, mundi oculus per inauditum miraculum integro die æstivo, hoc est spatio quatuordecim horarum in sua statione permansit immobilis: *Stetit itaque sol in medio celi, & non festinavit occumbere spatio unius diei.* Hic inquirunt Sacrarum Litterarum Interpretes, an tunc etiam luna, tanquam luminare minus in suo cursu steterit immota? Ad quod respondet doctissimus Abulensis, quòd non sol duntaxat, velut Serenissimus astrorum Rex, sed & luna, ac cæteri cælorum orbis tum temporis omnino steterint immobiles, causa est, quia aliàs pulcherrima illa cœlestium siderum hierarchia, & ordo sideribus à creatione mundi præfixus per inæqualem astrorum progressionem perturbatus, & dissolutus fuisset. Nunc à figurante ad figuratum.

Ioann. 19. 25 Per hunc solem in medio cursûs sui stantem, rectè Solem justitiæ, qui est Christus DEUS noster, intelliges, qui tunc in medio ætatis suæ cursu stetit, dum in cruce exaltatus est; quem mysticum Solem in statione sua secuta est pallida luna, subaudi: Beatissima & afflictiissima Mater ejus MARIA, quæ rectà sub hoc Sole, in cruce occumbente, se stitit: *Stabat autem juxta crucem JESU Mater ejus.* O tristis statio! ubi adimpletum illud fuit: *Sol & luna steterunt in habitaculo suo.* Audite Doctorem Seraphicum, quomodo hanc dolorosissimam Deiparentem, sub cruce consistentem, alloquatur: S. Bonavent. in Stim. amo- 370, cap. 4. *O Domina mea, ubi stas, inquit, nunquid juxta crucem? Imò in cruce cum Filio cruciaris, ibi enim confixa es secum, sed hoc distat, quia ipse in corpore, tu autem in Corde. Nec non & ejus vulnera per corpus ejus dispersa, sunt in Corde tuo unita; ibi, Domina, lanceatum est Cor tuum, ibi spinis coronatum, ibi illusum, exprobratum, & contumeliis plenum, aceto & felle potatum. O Domina, cur ivisti immolari pro nobis! Nunquid non sufficiebat Filii passio nobis, nisi crucifigeretur & Mater? &c.*

3. Hieron. ad Eustoch. 4. Sæpiùs hætenus miratus sum, cur hæc Sacratissima Virgo à SS. Patribus, imò & ab ipsa Ecclesia *Stella maris* assimiletur; ita hanc cœli Reginam & mundi Dominam honorat Ecclesia in illo devotissimo hymno: *Ave maris Stella*, & in alio loco: *Stella maris succurre cadenti*; ad quod pariter alludit Nomen hujus mitissimæ Virginis: *MARIA*, inquit Divus Hieronymus, *Stella maris interpretatur.* Et quomodo, dices, *MARIA Stella maris* esse potest?

3. August. in psalm. 30. fol. 195. Rationem assignat idem sanctus Ecclesiæ Doctor, *quia hæc Stella nunquam patitur occasum, & est ab occasu distantissima*; per mare verò haud immerito amarissima Christi Passio intelligitur: *Passio Christi*, ait S. Augustinus, *est mare rubrum Sanguine Domini consecratum.* O anima Christiana! inspicere hanc



hanc dolentissimam Virginem juxta crucem morientis sui Filii stantem; ô vera maris Stella, quæ in omni tumultu, etiam dum mundi machina videbatur dissolvi, firmiter stabat, & nec in luctuosissimo Divini Solis occasu deficiebat, aut occasum patiebatur: *Stella maris nunquam patitur occasum.* O anima, quid agis? Recurre ad hanc Stellam, quâ Duce per hoc mare magnum & spatiosum hujus mundi immundi securè ad salutis æternæ portum poteris pervenire; *MARIA*, subintrat hic S. Bonaventura, *gerit officium Stella marina, quæ navigantes per mare mundi in navi innocentia vel pœnitentia dirigit ad littus cœlestis patria.* Audiamus & doctissimum Lanspergium, ita de hac dolorosa Matre differentem: *Verè stabat, inquit, quia Apostolicis Viris fugientibus, omnibusque aliis recedentibus: quando jam JESUS ad dexteram considerabat & sinistram, & non erat, qui cognosceret eum: Ipsa gloria universi generis fœminei inter tot pressuras Filii constanter cum eodem solo perseverabat.* O Christiani! non initium operis, sed finis coronatur. Discite à dolorosissima Matre in bene cœptis perseverare: Quid enim juvat architectum ædificii fundamentum collocare, si non poterit fabricam consummare, & usque ad tecti culmen perducere? Quid cursorem, si in medio cursûs deficiat, anteqam ad metam perveniat? Quid militem, si ab initio quidem pugnæ gladium in hostem stringit, sed mox sine obtenta victoria in fugam se proripiat? *Durate & vosmetipsos rebus servate secundis.*

S. Bonavent.  
1<sup>a</sup> Spec. B.  
M. V.  
Lansp. hom.  
48. de pass.  
Dom.

§. De Debbora fortissima Heroïna recenset Liber Judicum, quòd in monte Ephraim stans sub excelsa palma cruentum illud prælium de longè aspexerit, in quo Barach belli Dux adversus Sisaram, militiæ Regis Jabin Principem, feliciter dimicavit, in qua pugna exercitus hostilis ab Israëlitis ferè ad internecionem deletus, & Sisara profugus à Jahel forti fœmina in tabernaculo, clavo ferreo, per tempora ejus transadactò, superatus est: *Et sedebat sub palma, quæ nomine illius vocabatur inter Rama & Bethel in monte Ephraim.*

Judith. 4. 6

Per hanc fortissimam Debboram, teste Salmerone, B. Virgo & Mater dolorosa præsignata est, quæ sub cruce, tanquam sub palma victoriosa consistens, cruentam Filii sui cum dæmone, mundo & peccato pugnam non de longè sed cominus aspiciebat: *Stabat, inquit Salmeron, sicut Rahel juxta Therebinthum, parturiens cum dolore filium.* Idem: *Stabat sub palma, sive juxta palmam, ut Debbora fortissima, spectans prælium Barach contra Sisaram, id est, Christi in dæmonem, &c.*

Salmer. de  
B. V. hic.

O quàm benè igitur hæc Sacratissima Virago ab ipso Sanguinum Sponso cuidam palmæ victrici comparata est: *Statura tua assimilata est palma;* dum enim Christus Dominus crucis palmam ascendit; & fructus ejus apprehendit: *Ascendam in palmam, & apprehendam fructus ejus;* hæc quasi altera palma in adversis magis erecta, constanter inter omnes angustias semper

Cant. 7. 7

Cant. 7. 8

S. Laurent.  
Justinian. de  
Triumph.  
Egon. c. 18.

mente erecta stetit, nec unquam (prout aliqui volunt) animi deliquium, aut spasmus passa est: *Undique*, ait S. Laurentius Justinianus, *vehementissimi doloris aspicebat insignia, & tamen juxta crucem stabat.*

Videbat hæc afflictiſſima Mater in pendente Filio Caput Diviniſſimum spinis cruentatum, manus & pedes ejus ferreis perforatos clavis, ossa luxata, & per immaniſſimam nervorum extensionem e suis mota compagibus: *Et tamen juxta crucem stabat?*

Cernebat illum coram omni multitudine ignominioſiſſimè nudatum, præ horrore & verecundia omnibus artubus trementem, à cunctis & infimæ sæcis homuncionibus illuſum, spretum, vilipenſum, ac noviſſimum virorum: *Et tamen juxta crucem?*

Audiebat hunc miſerrimâ morte tabeſcentem Filium, & ob vehementiſſimam ſitim, quia omnem ſanguinem, quidquid erat in membris & arteriis, jam pro ſalute orbis profuderat, flebiliter paulò ante mortem clamantem: *Sitio*, & nec hauſtum frigidæ illi poterat ſubminiſtrare, in extrema neceſſitate conſtituto: *Et tamen juxta crucem stabat?*

Ma. 1. 6.

Intuebatur eum toto corpore plagatum, ac vulneribus repletum, ita ut à planta pedis uſque ad verticem non eſſet in eo ſanitas: Vulnus & livor, & plaga tumens; non eſt circumligata, nec curata medicamine, neque foſta oleo; & in his omnibus cruciatibus non poterat juvare Filium Mater.

Luc. 10. 33

nec hiantia alligare vulnera, aut linteo ſanguinem abſtergere. O felix Jeruſalentine! tu optimum Samaritanum naſtus es, qui tua curaret vulnera, & in ea vinum ac oleum infunderet; JESUS autem in cruce pendens, non habet, unde Caput reclinet, qui tamen vulneratus eſt propter iniquitates noſtras, & attritus propter ſcelera noſtra, cujus livore ſanati ſumus. Ah pientiſſima Domina! ô Mater deſolatiſſima, quomodo, obſecro, tibi COR- DI fuit, dum morienti proli nec minimum poterat maternum exhibere miniſterium? *Et tamen juxta crucem stabat?*

Maub. 8. 20

Videbat denique ſuum dulcem Natum, morientem, deſolatum, dum emiſit ſpiritum, & neque in hac ſuprema luſta ullum ei opem, aut conſolationem poterat aſſerre omnium Matrum afflictarum afflictiſſima Mater: *Et tamen juxta crucem stabat?*

Joël. 2. 31

O doloroſiſſima Mater! quis eſt homo, qui non fletet, Chriſti Matrem ſi videret in tanto ſupplicio? *Sol verſus eſt in tenebras, & luna in ſanguinem; terra pendente Domino in patibulo à fundamentis commota eſt; petra duriffimæ diſrupta, & omnis creatura ingemuit.* Et ego ſolus, heu infelix peccator! crucifixo Salvatori meo, & tibi, ô mœſtiſſima Mater, non condoleam? Ego? Ego? Ah ego non condoleam? Ah fluite lacrymæ, &c. fluite.

6. Dilecta illa Sponsa, postquam Divinum Sponsum suum, candidum & rubicundum, summo animi cum luctu diu per vicos & plateas, sed frustra quæsisset, tandem illum in meridie in florido crucis lectulo quiescentem invenit: *Indica mihi, ubi pascas, ubi cubes in meridie?* Supra quod Reverendissimus Drogo Episcopus Ostiensis: *Nunquam, inquit, te inveniam, nisi tantum in cruce, ibi dormis, ibi pascis, ibi cubas in meridie.* O dura requies! requiescere in cruce. O fidelis Sponsa! tu videris mihi ut pallens quædam hedera, quæ non solum virenti, sed & emortuo arboris trunco adhærere afolet, unde lemma prædictæ Sponsæ: *Tenui eum, nec dimittam.*

Cant. 1. 6

Drogo de

Sacram.

Dom. Pass.

Cant. 3. 4

O pientissima Domina! verè Mater amoris & doloris! tu per illam Sulamitidem præsignata es, quæ nec per mortem dilectissimi Filii tui à cruce avulsa, nec recedentibus omnibus ab ea recessisti, sed constans sub illa perseverasti, donec amantissimum ac longè pretiosissimum illud pondus de ligno depositum, inter tua materna brachia reciperes, & tumulo, heu quanto cum luctu! inferres. Audite, ô charæ animæ! ô Sionidæ, audite hanc ipsam Sanctissimam & afflictißimam Matrem vestram ad B. Birgitam loquentem: *Aliis recedentibus, inquit, ego recedere non potui, sed jam quasi consolata sum, quod jam Corpus ejus de cruce depositum contingere potui, & in sinum recipere, vulnera explorare, & extergere sanguinem, &c.* O tristis consolatio!

Revel. S. Bir-

gitt. lib. 4.

cap. 70:

7. Occurrit hîc mihi fortissima illa Spartana & Divi Melithonis sancta Mater, quæ, cum generosi illi quadraginta Martyres ad Sebasten, Armeniæ urbem, frigidissimo hyemis tempore sub cælo nudo supra rigens stagnum nudi pernoctare cogerentur, ac demum fractis cruribus crudelem in modum enecti, in plaustris ad rogam traherentur, Melithonem filium suum propriis humeris ad struem lignorum, supra quam cæterorum Martyrum corpora concremabantur, portavit, eumque in rogam, tanquam gratissimum holocaustum, mortuum injecit, ut qui fide & virtute conjunctissimi fuerant, funeris etiam societati copulati, unâ in cælum pervenirent.

Brev. Ro-

man. 10. die

Mart.

O Sanctissima Mater! ô Mater dolorum! quis tuam explicet invictam sub cruce constantiam, dum non modò amantissimum Filium tuum à Nicodemò & Josepho de cruce depositum, stans omni rupe firmior propriis maternis ulnis ardentissimo affectu excepisti, verum etiam, velut altera Spartana Mulier, in ara cordis tui per ignem inmensi amoris in gratissimum holocaustum DEO Patri pro totius humani generis salute obtulisti. Audi Metaphrasten: *Quin etiam, inquit, B. Virgo in eo deponendo à cruce maternis manibus inservivit, & clavos, qui extrahabantur, suo sinu accepit, & membra illius amplexata est, partim quidem ulnis, stringens, partim autem suis quoque lacrymis plagas emundans, deinde etiam tota toti corpori circumfusa, &c.*

Metaphrast.

die 15. Aug.



### 318 *Consideratio XLV. De Perseverantia dolorosæ Matris.*

Mebr. s. 7

8. Coronidem huic nostræ Considerationi imponat ipse DEUS & hic Crucifixus , de quo in ligno inter extremos cruciatus pendente refert Paulus Doctor gentium , quòd paulò ante mortem suam in amarissimas lacrymas fuerit solutus: *Cum clamore valido, & lacrymis offerens, exauditus est pro sua reverentia.* O benignissime, ô dulcissime JESU! quid hoc est? Quare ante obitum tuum in cruce tam copiosas profudisti lacrymas? Quæ causa fuit novi hujus doloris & lacymarum?

Fineti sopra l' inter-  
no Martirio  
di M. V.


Ioann. II.  
35

Respondent Interpretes, quòd Christus Dominus in agone tunc constitutus, aspiciens ultimâ vice dolorosissimam Matrem suam, in has lacrymas profusus fuerit in consideratione tantorum dolorum, quos unâ secum patiebatur cor ejus; si enim prius videns Martham & Magdalenam ad sepulchrum fratris sui plorantes, ob compassionem illarum *lacrymatus est JESUS*; quantò magis, cum mœstissimæ Matri suæ ultimum in cruce velle dixit. O anima Christiana & peccatrix! JESUS & MARIA in sanguineas pro te solvuntur lacrymas, & tu siccis hæc spectas oculis? Angeli pacis amarè flent, & tu rides? Audi, quid Poëta in utramque tibi aurem occinat:

*Dum tremit & Tellus, & petra dehiscit, homo stat:  
Et terrâ & petrâ est sic magè brutus homo.*




CON-



# CONSIDERATIO XLVI.

Expenditur dolor & amor afflictissimæ Matris,  
dum SS. COR JESU crudeli lanceâ vulneratum  
vidit.



Unus militum lanceâ latus ejus aperuit, & continuo  
exivit sanguis & aqua. *Joan. 19. 34.*

I. **T**a est : *Verus amor nullum novit habere modum* ; Guiscardus Comitem, & in aula Tancredi Salernitanorum Ducis Palatinum consule, quem ob singularem & corporis & amorum gratiam plurimum adamavit Sigismunda Tancredi Ducis filia, quam vicissim Guiscardus omni amoris officio sibi devincebat ; & quò occultior hic ignis gliscebatur, eò magis utriusque amantis cor adurebat, donec tandem hæc flamma diu sopita (quia intra pectoris angustias amplius contineri, & concludi non potuit) foras

Marcellinus Picenus  
hom. 6. de  
Instit. Eu-  
char.

S. Thom.  
Villan, conc.  
de Mar.  
Magdalen.

foras erupit. O quàm benè S. Thomas Villanovanus: *Amor, inquit, ignis est, cujus ardor occultatus, & flamma publica dissimulata quantumvis, abscondi non valet: Amor simulare nequit, nec dissimulari, si poteris abscondere solem, poteris & celare amorem.* Advertit tandem Tancredus pater hunc reciprocum & filia Sigismundæ & Guiscardi Palatini amorem. Quid agit invidiæ fomite & cæstro percitus Princeps? Sub specie simulati honoris Guiscardum ad se vocat, quem mox in conclavi crudelem in modum à subornatis satellitibus occidi jubet, eique cor excindi, quod in aurea phiala repositum per ephebum filia transmissit: *Ecce cor amantis.* Quid hîc expectas, amice Lector? Dixi: *Verus amor nullum novit habere modum, neque verè amanti aliquid potest esse difficile, quia fortis ut mors dilectio.* Sigismunda ad tam cruentum spectaculum attonita, & ad primum obtutum elinguis, cum brevi vires & animum recollectisset: Quid, inquit, tibi, ô dilecte Guiscarde, pro tanto amore retribuam? Quam gratitudinem tibi monstrare potero infelix, qui amore mei victima amoris occubuisti; & cor tuum etiam mortuus in summi amoris thesseram mihi in phiala aurea transmisisti; quid tibi vicissim, ô dilecte, remittam? En habes pariter cor meum, sine te enim vivere mihi mors & jure martyrium est. Dixit, pugionem arripuit, eumque cordi suo fortiter infixit, in hæc suprema verba soluta: *Cor corde rependo.*

S. Bonavent.  
in Stim.  
amor.  
S. Bernhard.  
& pass. Vi-  
tis myst.  
cap. 10.

O Virgo dolorosissima! ah ignosce, quid dicam: Tu illa Sigismunda & filia Principis es; postquam enim Dilectus tuus Sanguinum Sponsus, ut vera charitatis victima in cruce occubuit, ut mundo universo ostenderet, quanto amore & te & mortales omnes prosequeretur, dulcissimum sibi pectus per militem referari, & SS. COR suum immitti lanceâ transadigi voluit, *ut demonstraret*, ait D. Bonaventura, *quod tibi tradidit Cor suum.* Quid verò ad hæc desolatissima Virgo, Sponsa & Mater crucifixi JESU? O *Fili mi JESU*, ita ex intimis cordis penetralibus semimortua suspirabat teste Mellifluo: O *Fili mi JESU! JESU Fili mi! quis mihi det, ut tecum & propter te moriar, Fili mi JESU!* COR tuum suavissimum, Divini thronus amoris, redemptionis humanæ pretium inæstimabile, & futuræ gloriæ pignus, ferreâ lanceâ perforatum est, & Cor meum vivat adhuc sine vulnere? sine plaga? sine dolore? O gladii Simeonis! ô mucro crudelis! quid moraris? Saucia, & transige animam ac cor meum, non enim vivam amplius sine vita mea: *Cor corde rependo*; proinde non immerito his SS. Cordibus JESU & MARIAE, quæ amor in vita & morte conjunxit, pro *Lanmate* inscribes:

Vulneratum vulnerat.



2. Occurrit hic mihi, quod de Josia Israëlitarum Rege recensent Sacri Regum Annales. Hic mitissimi ingenii Princeps, DEO cumprimis ob zelum Religionis & insignem pietatem charus, & omni populo ob beneficentiam amabilis, cum in bello contra Nechao generose patriam defenderet, & ab ea omnem hostilem incursum arcere strenue allaboraret, ipse in praelio in curru stans à sagittariis fatali telo in pectore sauciatus est, ex quo laterali vulnere Princeps longiore vitâ dignissimus adhuc in ætate florente immatura morte defunctus, omnium subditorum corda amoris telo vulneravit, cui Regi amaris lacrymis ut vero patri patriæ parentarunt: *Et universus Juda & Jerusalem luxerunt eum.* 2. Par. 35. 24

O anima Christiana! leva paulisper oculos tuos, & crucifixum Amorem tuum considera; & hic alterum & longè innocentioris vitæ Principem in curru triumphali SS. Crucis super suppedaneum stantem, & crudeli ferro non in manibus duntaxat ac pedibus, sed & in dulcissimo pectore suo sauciatus; ô charæ animæ! si adeò laterale vulnus optimi Principis Josiæ cor totius populi vulnerare potuit, ut eum longo tempore, imò singulis annis deflueret lacrymis amarissimis: Quid obsecro, non fecit crudelis illa lancea in tennerrimo Corde afflictissimæ Matris & Virginis Mariæ, dum Christi JESU crucifixi Filii sui Sacratissimum Cor, Divinitatis thalamum, Sacrarium Spiritus Sancti, ac pretiosissimum omnium ad vitam æternam prædestinatorum thesaurum, imitti ferro transadigi conspexit? Certè hoc vulnus immane non amplius crucifixo JESU doluit, quia jam tunc è vivis discesserat, sed dulcissimum Cor mœstissimæ Matris supra omnem, quàm dici potest, modum affixit: *Postquam emisit Spiritum tuus ille JESUS*, ita hanc dolentissimam Matrem alloquitur Mellissus Bernhardus, *ipsius planè non attigit animam crudelis lancea, sed tuam utique animam pertransivit. Ipsius nimirum anima jam ibi non erat, sed tua planè inde nequiebat avelli, tuam ergo pertransivit animam vis doloris, ut plus quàm Martyrem te non immeritò prædicemus, in qua corporea passionis sensum excessit compassionis affectus.* S. Bernhard. ferm. 1. hoc Sig. Magu. 35

3. De Davide recensent Sacræ Paginæ, quòd ad eum aliquando inter duas civitatis portas sedenti, nuntius quidam accurrerit, indicans funestam mortem & sortem filii Absolonis, quòd pectus illius in arbore pendentis Joab supremus militiæ archistrategus tribus lanceis crudelè in modum tranfixerit: *Tulit ergo tres lanceas in manu sua, & infixit eas in corde Absolon;* 2. Reg. 18. 14 *ad quod fatale nuntium contristatus Rex ascendit cœnaculum portæ, & flevit, & sic loquebatur vadens: Fili mi Absolon, Absolon fili mi, quis mihi tribuat, ut ego moriar pro te?*

O Mater amoris & doloris! quis tuos poterit exprimere animi mœrores, dum ipsa in loco tormentorum præsens, jam consummata Filii passione. psopriis spectasti oculis Sacratissimum & Divinissimum COR ejus à milite *Mater Dolorosa.* S f impie

S. Anselm.  
lib. de Ex-  
cell. V.  
Lib. 1. Re-  
vel. S. Birg.  
cap. 10.

Ibid. lib. 2.  
cap. 21.  
S. Bonavent.  
in Medit.  
vitæ Christ.  
cap. 80.

Salmeron.  
in hunc loc.

Isa. 19. 34

Nicephor.  
lib. 1. histor.  
Ecl. c. 30

impio ferro transverberari; O lancea crudelis, quæ uno eodemque ictu duo Corda & dulcissimi Nati & amantissimæ Matris vulnerasti, in quo dolore inæstissima Mater, attestante D. Anselmo, millies periisset, nisi à mitissimo Numine peculiariter in solatium fidelium in vivis fuisset præservata. Audi ipsam hanc Matrem & Virginem desolatissimam loquentem: *Unus adveniens, ait, infixit lanceam in latus ejus tam validè, ut penè per aliud latus ejus transiret; tunc mihi videbatur, quod quasi Cor meum perforaretur, cum vidissem Cor Filii mei charissimi perforatum.* Et iterum in alio loco hæc Diva Virgo de hac immanissima Divinisimi Cordis JESU transfixione hoc fert testimonium: *Filius meus in Corde punctus erat tam amare & immisericorditer, quod pungens non destitit, donec lancea attigit costam, & amba partes Cordis essent in lancea.* Rogavit quidem (prout hîc observat S. Bonaventura) hæc dolorosissima Virgo circumstantes in Calvario milites, ne amplius post mortem dilecti Filii sui in Corpus ejus sævirent, quia jam ante horam obiiisset: *Jam mortuus est, & migravit, hora enim est, postquam discessit;* Verum non acquirerunt illius precibus, sed unus, ut crudelitatis epilogum faceret, & supersederet superfluo crurifragii labore, pro securitate magno cum impetu imitem lanceam in dextrum JESU latus infixit, ut medium Cor ejus secaret: *Lancea latus ejus aperuit, &c.* De quo vulnere Christus quidem non doluit, doluit tamen præsens Mater, quia Cor unum erat & Filii & Matris; imò hæc lancea tria simul corda feriebat, audi doctissimum Salmeronem: *Quod Absolon, inquit, tribus lanceis sit confixus, rectè significat Christum unâ lanceâ perforatum, quia simul Christi Cor, & Matris, & dilecti Discipuli, qui huic aderat spectaculo, Corda penetravit.* O Christiane! ô pie Lector, si vis esse verus MARIE Filius, nunquid hæc lancea & cor tuum vulnerare debet? Si JESUS tuum fuisset vilissimum mancipium, potuissetne plura pro te facere, ac tolerare? Condole proinde ex animo & JESU crucifixo, & Sacratissimæ Matri ejus, eamque per Sacratissimum Cor Filii sui roga sapius ac impensius, ut te in tentationibus ac necessitatibus tuis non deserat, ac præsertim cum tibi ultimus mortis imminet ictus.

4. *Et continuo exivit sanguis & aqua,* quasi duo fontes, impermisti tamen, ut unus ab altero clarissimè potuerit discerni, & quia virtutem hujus Sacrosancti Sanguinis & aquæ miraculosè in Christo productæ, optimè noverat dolentissima Virgo, idcirco dilapsis à cruce aliis hominibus, metu terræ motus & tenebrarum perculsis, ipsa ad radices crucis propitis accessit, & vasculum cruore & aquâ plenum pro sui, fideliumque solatio de Sacratissimo Corde JESU collegit; audi Nicephoram: *Cum verò metu homicidarum omnes profugissent, sola ibi aderat Mater, & quem diligebat Discipulus, qui omnia, quæ vel ante, vel post mortem ejus gesta sunt, oculis suis spectarunt, sanguinemque & aquam è latere ejus quasi adhuc viventis recens profluentem religiosè*



ligiosè simul & honorificè admodùm vasculo exceperunt. Quòd & S. M. Magdalenâ fecisse perhibetur, dum sub eadem crucis ara Divinum illum cruorem à sceleratissimis deicidis pedibus proculcatum, in ampulla vitrea pulveri non-nihil permistum sustulit, qui nunc in Gallis propè Massiliam in templo S. Maximiniani religiosè asservatur, & quotannis in die Parasceves perlectâ passione clarè ebullit, calescit, & exundat.

O anima Christiana, disce à dolorosissima Matre pretiosum hunc æstimare, ac venerari cruorem, cujus vel unica stilla millenis sufficit redimendis orbibus. Et si quondam aquæ Jordanis fœdissimam Naami lepram poterant abstergere: *Descendit, & lavit in Jord. une septies juxta sermonem Viri DEI, & restituta est caro ejus, sicut caro pueri parvuli, & mundatus est:* Quid non faciet Divinus ille Cruor & unda innocentissimi Agni & incontaminati ad abstergendam animæ nostræ lepram? *Venite, & arguite me, dicit Dominus, si fuerint peccata vestra ut coccinum, quasi nix dealbabitur.*

Si aquæ piscinæ Hierosolymitanæ, à mactatis templi victimis rubicatæ, quibuscunque poterant mederi infirmitatibus: *Angelus autem Domini descendebat secundum tempus in piscinam, & movebatur aqua, & qui prior descendisset in piscinam post motionem aquæ, sanus fiebat à quacunque detinebatur infirmitate.* Quid modo sperare possumus, dum ipse fons vitæ (Divinissimum Cor JESU) nobis referatus est, ex quo sanguis & aqua ubertim fluunt, hic qui redimat, illa quæ abluat; verè fons patens domui David, & habitantibus Jerusalem, in ablutionem peccatoris.

Si funiculus ille coccineus (typus secundùm S. Ambrosium SS. Sanguinis Christi) quem Rahab quondam in expugnatione Jericho per fenestras suspendit, totam domum ac familiam conservavit illæsam, cæteris omnibus in civitate pereuntibus: *Et illa respondit: Sicut locuti estis, ita fiat, dimittensque eos, ut pergerent, appendit funiculum coccineum in fenestra:* Quid, obsecro, non faciet nobis ille Divinissimus Sacratissimi & perforati CORDIS JESU, per quem salvati & liberati sumus? Tunc in veritate fundata fuit Ecclesia, quando ex Sacratissimo latere Crucifixi Sanguis & aqua promanavit juxta illud: *Hic est, qui venit per aquam & sanguinem JESUS Christus, non in aqua solum, sed in aqua & sanguine.* Et quis ignorat, quàm mamplum & severum balneum fuerit illud diluvium, quod totum quidem terrarum orbem inundare, sed tamen peccata abluere non potuit. Quàm pretiosus ergo est ille Sanguis crucifixi Amoris nostri, sine quo non fit remissio? O anime mi! accede cum Sacratissima Deipara ad crucifixum JESUM tuum, & cum illa piis saltem votis ac desideriis ex hoc referato Dominico fonte aliquas pro te stillas collige, quia *Sanguis JESU Christi Filii ejus emundat nos ab omni peccato:* noli dicere cum illo Paralytico: *Hominem non habeo,* en DEUM & Hominem habes, qui factus est tibi Medicus, quia *ejus livore sanati sumus.*

Mancin.  
apud me fol.  
420.

4. Reg. 5.  
14

Isa. 1. 18

Ioan. 5. 4

Zach. 13. 1

S. Ambros.  
lib. 5. de fi-  
de cap. 5.

Josue. 2. 21

1. Ioan. 5. 6  
Genes. 7. 19

Hebr. 9. 22

1. Ioan. 1. 7

Ioan. 5. 7

1. Petr. 2. 24



Ioan. 2. 3  
Vide S. Au-  
gustin, in  
Brev. Rem.  
in Fest. 7.  
Dolor. B.  
V. Mar.  
S. Iren. l. 6.  
cap. 18.

4. Reg. 4.  
41

4. Reg. 2.  
19

Exod. 15.  
25

5. Revertamur ad afflictissimam Matrem nostram. Ignosce, Domina-  
verbum ad te habeo, servus & mancipium indignissimum. Nunquid illa-  
rum adhuc recordaris nuptiarum, quibus olim in Cana præsens adesse digna-  
ta es, in quibus amantissimum Filium tuum non rogata rogasti, quatenus in  
gratiam pauperum neosponsorum & hospitum amicorum vinum novum  
creare dignaretur: *Et deficiente vino, dicit Mater JESU ad eum: Vinum non  
habent?* Ad quod dilectissimus Filius: *Non venit hora mea.* O pientissima  
Domina! ecce nunc illa hora præsens, in qua dilectus sanguinum Sponsus  
cellam suam vinariam adaperire voluit, omnibus sitientibus animabus ru-  
brum & album vinum ex Sacratissimo Latere & Corde suo abundantissime  
subministrans. Venite ergo, ô mortales omnes, emite absque argento & si-  
ne ulla commutatione: *Fervore quodam*, ait S. Irenæus, jam tunc in nuptiis du-  
cebatur. *Deipara bibendi Sanguis Christi poculum;* & ecce nunc habes, ô Do-  
mina, hoc desideratum vinum & Sanguinis poculum, ah stillam unicam eti-  
am pro nobis misellis; si enim olim omnem amaritudinem in olla filiorum  
Prophetarum, colocynthis impletâ, sustulit unicus farinæ pugillus: *Et non  
fuit amplius quidquam amaritudinis in olla;* si ad verbum Elisæi modicum sal  
aquis Jerichuntinas steriles & fœtentes sanavit: *Sanata sunt ergo aqua usque  
in diem hanc;* Si lignum, quod Moyses in amarulentum misit lacum, aquas  
amarißimas indulcoravit, & potabiles fecit: *Quod cum misisset in aquas, in  
dulcedinem versa sunt, &c.* Quid, obsecro, non faciet vinum illud nobilissi-  
mum, rubrum & album, ex Sacratissimo ac Divinissimo Corde JESU in salu-  
tem omnium à dolorosissima Matre sub cruce, inò & in cruce propinatum?  
Noli hîc timere, anime mi, quòd deficiat, aut deficere possit hoc vinum ger-  
minans virgines, & fons aquarum viventium saliens in vitam æternam, quò  
enim plus hîc sunt potæ, plus sitientur aquæ. O pientissima Domina! ite-  
rum, iterumque rogo, ah stillam unicam pro me miserrimo peccatore, ah  
tunc præsertim, quando in summa amaritudine egressura est è mortali cor-  
pore anima mea; ah stillam unicam.

4. Reg. 7. 4

1. Ioan. 1. 8


6. Cum olim Samaria arctissimâ obsidione & fame premeretur, aliqui  
viri leprosi extra urbis portam morantes, & inopiâ ac fame penè confecti,  
hoc consilium inierunt: *Quid hîc esse volumus, donec moriamur? Sive ingredi  
voluerimus civitatem, fame moriemur: Sive manserimus hîc, moriendum nobis est;  
venite ergo, & transfugiamus ad castra Syria, &c.* Ierunt, & copiam rerum  
omnium invenerunt. Leprosi ac famelici & nos sumus, ô Christiani, tur-  
pique peccati leprâ infecti, negare hoc non possumus: *Si dixerimus, quoniam  
peccatum non habemus, ipsi nos seducimus, & veritas in nobis non est.* Eamus  
igitur extra castra, improprium Christi JESU, crucifixi Ducis nostri, ac Sa-  
cratissimæ Matris ejus dolorosæ portantes; ad quid in statione nostra mo-  
rimur fame & siti? Ecce, in Calvario monte abundantiam rerum & gratia-

rum omnium; lambamus linguâ nostrâ Sacrosanctum illum ac Divinis-  
simum Sanguinem è quinque SS. Vulneribus & Sacratissimo Corde JESU  
profluentem: Ad quid sinamus pretiosissimum hoc æternæ salutis poculum  
pedibus sceleratorum proculcari?

Et quid dico, anime mi? Heu, heu, quot sunt de facto, qui Christia-  
no quidem nomine gloriantur, & quotidie sibi crucifigunt Filium DEI?  
O miseri & indurati! ideone tradidit mitissimus JESUS vobis Sacratissimum  
COR suum, ut illud de novo peccatis vestris offendatis, & unâ simul inno-  
centissimum COR Virginis? Dum enim videt Filium suum offendentes,  
offenditur & ipsa, zelus enim amoris, quo Filium diligit, communem ma-  
li sensum efficit.

Miles ille, qui Absolon, Regium Principem, condensæ quercui capillis  
implicatum adhærentem conspiciatus est, absque mora ad Joabum supre-  
mum militiæ Ducem festinavit: *Vidi Absolon pendere de quercu*; ad quem 2. Reg. 18.  
Joab: *Si vidisti, quare non confodisti eum cum terra, & ego dedissem tibi decem* 10  
*argenti siclos & unum balneum?* Ad quod generosus ille miles: *Si appenderes*  
*in manibus meis mille argenteos, nequaquam mitterem manum meam in filium*  
*Regis.* O Christiani! ipsis Judæis, Deicidis & Gentilibus peiores: *Si enim* 1. Cor. 2. 8  
*illi cognovissent, nunquam Dominum gloriæ crucifixissent;* & vos, qui eum co-  
gnoscebatis, in quem creditis, & à quo cælum speratis, non perhorrescitis of-  
fendere, & mittere manum vestram in supremi Regis Filium, ejusque Sa-  
cratissimum COR novis vulnerare sceleribus, & unâ simul lacteum ac mi-  
tissimum Cor afflictiissimæ Matris ejus? Centurio ille, & qui cum eo erant,  
ubi cruentum hoc spectaculum viderunt, exclamârunt: *Verè Filius DEI* Math. 27.  
*erat iste,* & percutientes pectora sua revertebantur. Percute & tu pectus 54  
tuum, homo Christiane & peccator, & revertere de vitio ad vir-  
tutem, de morte ad vitam.






## CONSIDERATIO XLVII.

B. Virgo & Mater Dolorosa rectè ab Ecclesia Regina SS. Martyrum appellatur.



Attendite, & videte, si est dolor, sicut dolor meus.

*Thren. I. 12.*



L.

Lim in celeberrima Atheniensium Academia inter præstantissimos Philosophos hæc quæstio exorta, atque ventilata fuit, an Mulier possit laudari? Erant, qui Mulierem, utpote omnis malî originem cunctæ humanæ laudis incapacem, indignamque æstimabant. Alii mediam tenuère viam, asserentes, fœminam nec laudandam, nec vituperandam, sed tanquam malum necessarium in hoc orbe tolerandam. Alii mitius & rectius in hanc abière sententiam: Si virtus etiam in hoste laudari possit, qua-

re



re non in Muliere? Proinde rectè & justè Mulierem fortem, industriam, probam atque sanctam omni laudum præconio esse dignissimam; hinc à prophanis istis Gentilibus tantoperè dilaudata fuit bellica fortitudo Amazonum, prudentia Sybillarum, castitas Lucretiæ, fidelitas Melaniæ, animositas Semiramidis, & plurium aliarum Heroinarum præclaræ virtutes.

Et quid dico de Gentilibus? Nunquid & ipsæ Sacræ Paginæ satis luculentum de hac veritate perhibent testimonium? An non laudatur Sara propter obedientiam Abrahamo marito suo præstitam; Rebecca & Mulier Sareptana propter insignem in peregrinos hospitalitatem; Debbora, Judith & Mater septem Fratrum Machabæorum ob insolitam animi fortitudinem; Anna Mater Samuelis, & Anna Vidua filia Phanuelis propter assiduam orationem; Abigail & Mulier Thecuitis ob peculiarem sapientiam; Esther propter eximiam charitatem & compassionem in populum jam morti addictum, pro cujus liberatione animam suam fumo exposuit periculo? &c.

Verumenimverò has omnes præclaras fœminas in omni virtutum genere longo intervallo superavit B. Virgo & Mater dolorosa: *Multa filia con-* Proverb. 31.  
*gregaverunt divitias: Tu supergressa es universas,* quia nobis DEUM & Ho- 29  
*minem genuisti, eundemque dilectissimum Filium tuum in gratisimum ac*  
*pacificum holocaustum DEO Patri in ara crucis obtulisti; & quemadmo-*  
*dum de Patre dicitur: Qui etiam proprio Filio suo non pepercit, sed pro nobis* Rom. 8. 32  
*omnibus tradidit illum;* ita, ô Domina, tu proprio quoque Filio non peper-  
cisti, sed pro nobis omnibus tradidisti illum, velut donum ac Sacrificium  
omnium præstantissimum; hinc meritò te plus, quàm Martyrem prædica-  
mus, omniumque Martyrum Reginam longè sanctissimam; proinde re-  
ctè Divus Anselmus: *Quidquid, inquit, crudelitatis inflictum est corporibus* S. Anselm. in  
*Martyrum, leve fuit, aut potius nihil in comparatione tuæ passionis; quasi di-* lib. de Ex-  
*ceret: Si omnes omnium SS. Martyrum (quorum à Cornelio undecim mil-* cell. Virg.  
*liones numerantur) cruciatus & dolores collectivè sumerentur, atque in*  
*unum coacervarentur cumulum, sine controversia dolorosæ Matris dolo-*  
*ribus cederent, essentque leves, vel nulli cum illis comparati. Finge, Le-*  
*ctor Mariane!* pro Symbolo diversa passionum instrumenta, quibus SS.  
Martyrum corpora excruciatà, & enecta sunt, quibus omnibus superim-  
pone SS. Cor dolorosæ Matris septem doloris gladiis transfixum cum Lem-  
mate:

### Superminet omnes.

2. Ita est, ô dolorosissima Virgo! *superemines omnes; sancti enim Mar-*  
*tyres passi sunt humana, sed MARIA (prout loquitur D. Amadeus) vicit* S. Amadeus  
*sexum, vicit hominem, & passa est ultra humanitatem; torquebatur enim magis,* hom. 5. de  
*quàm si torqueretur ex se, quia supra se incomparabiliter diligebat id, unde dolo-* Virg.  
bat;

bat; & quia omnes Filii dolores habuit cōmunes, dum eisdem flagellis, spinis ac plagis in spiritu fauciata, ferreisque clavis in mente cum JESU con-  
*Gal. 2, 19* crucifixa est, longè meliore jure, quàm Apostolus, dicere poterat: *Christo con-*  
*fixa sum cruci. Vivo autem, non ego: Vivit verò in me Christus, &c.*

Secundò fuit inter dolorosam Virginem & Dominum Christum perfe-  
*Genes. 2. 23* ctissima Sympathia & unio, utpote quæ extitit (si ita fas est dicere) & ipsius  
 Pater & Mater, ipsa enim jure merito dicere poterat: *Hoc os ex ossibus meis,*  
*& caro de carne mea, & sanguis de sanguine meo; & sicut ad solis deliquium*  
*S. Bernhard.* sine mora & luna obscuratur, ita Christo, Sole mystico patiente, tota ejus  
*serm. de pass.* passio & eclypsis in mysticam Lunam Mariam transibat: *Quod in carne Chri-*  
*sti* (sunt verba Mellisui) *agebant clavi & lancea, hoc in Virginis mente natura-*  
*lis affectus erga Filium.* O verè Regina Martyrum, quia in omni passione  
*S. Augustin.* Christo Regi Martyrum semper conjunctissima fuisti: *Stabat, inquit S. Au-*  
*in lib. de In-* gustinus, *ante crucem Mater. & fugientibus viris, stabat intrepida; stabat non*  
*stitur. Virg.* *degeneri Mater spectaculo, quæ non metueret peremptorem; pendebat in cruce Fi-*  
*cap. 74* *lius, Mater se persecutoribus offerebat, &c.*

Tertiò passiones & cruciatus SS. Martyrum breves fuère, eorumque ter-  
 minabantur morte; sed B. Virginis dolores à puncto annuntiationis, quo Ma-  
 ter DEI & Hominis esse cœpit, usque ad obitum ejus in Corde hærebant; nul-  
 la enim spongia ex illius memoria delere poterat illum sanguineum imbrem,  
 quem dulcissimus Filius in monte Olivario, flagellatione, coronatione, crucis  
 bajulatione & crucifixione, usque ad supremam, quæ in intimis SS. Cordis  
 JESU medullis latebat, stillam profudit. Nullus Assuerus poterat consolari  
*Esther. 15.* hanc afflictissimam Esther: *Convertitque DEUS spiritum Regis in mansuetu-*  
*di* *dinem, & festinus ac metuens exilivit de solio, & sustentans eam ulnis suis, donec*  
*redivit ad se, his verbis blandiebatur: Quid habes Esther? ego sum frater tuus, noli*  
*metuere, &c.* Nullus, inquam, Assuerus poterat consolari hanc heu! nimium  
 afflictam Esther, quia passionem & mortem suavissimi Nati sui semper præ-  
 sentem in animo intuebatur, hinc jugiter doloris gladius maternum illud Cor  
 non tam affixit, quàm ad ipsas usque Cordis medullas penetravit: *Passio*  
*S. Birg. l. 1.* *Filii mei, inquit ipsa ad S. Birgittam, sive comedebam, sive laborabam, quasi re-*  
*cap. 17.* *cens erat in memoria mea; & in alio loco ad eandem Divam: Ego, ait, nullam*  
*Lib. 6. c. 9.* *horam sine tribulatione Cordis transfixi habui in terris.*

Quartò plùs B. Virgo Christum Filium suum dilexit, quàm omnes cæte-  
 ræ creaturæ, unde cum Sponsa meritò dicere poterat: *Dilectus meus mihi, &*  
*ego illi; & quemadmodum anima Jonathæ conglutinata erat anima David, &*  
*dilexit eum Jonathas quasi animam suam; ita anima Mariæ conglutinata fuit*  
*animæ JESU, hinc dilexit eum plùs, quàm animam suam, & super omnia*  
*creata simul; ex quo ardentissimo amore facilè intelliges, quòd plùs quo-*  
*que cæteris creaturis in passione & morte Unigeniti sui doluerit, amor quippe*  
 est



est mensura doloris; & *amans* (prout eleganter observat S. Dionysius) *magis est, ubi amat, quam ubi animat*; hinc concludit D. Hieronymus, quia *B. Virgo mente passa est, plus quam Martyr fuit*; cui subscribit S. Ildephonsus: *Tunc plus, inquit, quam Martyr fuit, quia in anima non minus amoris, quam mæoris gladio intus vulnerata fuit.*

S. Dionys.  
de Div. Nom.  
S. Hieron.  
in serm. de  
Assumpt.  
S. Ildephons.  
serm. 2. de  
Assumpt.  
B. V.

Quinto SS. Martyres cum in corporibus exquisitis cruciarentur suppliciiis, à DEO T.O.M. in anima mirè confortabantur, & charitas, quæ in Deum & Amorem suum crucifixum flagrabant, illorum laniebat dolorem; hinc S. Agatha lætanter ibat ad carcerem; S. Tiburtio prunæ ardentes velut rosæ ac flores videbantur; Marcus & Marcellianus in mediis tormentis læti canebant: *Nunquam tam jucundè epulati sumus, &c.* Verùm in dolorosa Matre dilectionis multitudo non leniebat, sed augebat dolorem, noverat enim, quis pateretur, quæ, quanta & quàm indigna pateretur, & quidem pro tam ingratissimis capitibus, &c. & quod plus est; cum ipso simul omnia illa ac decumana in animo patiebatur tormenta, hinc fieri non potuit, quin anima ejus summo affligeretur dolore; proinde plus quàm Martyr, imò Regina omnium SS. Martyrum fuit, quæ non tantum aureolam Martyrii, sed & plus cõseruit dignitatis, & excellentiæ; hinc Ecclesia natales SS. Martyrum, in quibus pro fide & Christo passi sunt, anniversariâ quidem recollit memoriâ & celebritate; Verùm Sacratissimæ Deiparæ ac Matris dolorosæ cõmemorationem non tantum semel in anno, sed & singulis septimanis, diebus Sabbathinis, alio Festo non impediante, gratâ memoriâ celebrat, ad excitandum populum Christianum, quomodo hujus dolentissimæ Matris gemitus, dolores, mærores ac lacrymas, gratâ, frequentique memoriâ recolere, ac peculiari devotione celebrare debeat: *Et gemitus Matris tuæ ne obliviscaris.*

Ecdl. 7. 28

3. Occurrit hîc mihi Jeremias Propheta Domini jam ab utero Matris sanctificatus, qui, postquam in captivitatem redactus est Israël, sedens in fovea propè destructam Jerosolymam ad meridiem urbis non longè ab Acedema, magnificentissimi illius Templi, & antiquissimæ ac regiæ civitatis Solymæ extremam desolationem, vastitatem & excidium amarissimis lacrymis deplanxit; in quo loco & Threnos suos concinnavit, in quibus omnia lamenta conglobasse, & compassioni ac lacrymis habenas omnes laxasse videtur, unde amaro animo suspirans, & ejulans dixit: *Quomodo sedet sola civitas plena populo? facta est quasi vidua Domina gentium, Princeps provinciarum facta est sub tributo; plorans ploravit in nocte, & lacrymæ ejus in maxillis ejus. non est, qui consoletur eam ex omnibus charis ejus.* O anime mi! quid, obsecro, fecisset, aut quid dixisset Jeremias, si ipse quoque præsens spectasset Divini illius Templi, à Spiritu quondam Sancto in utero virgineo constructi, lucuosam destructionem, quod in cruenta Filii DEI & Mariæ passione ac indignissima crucis morte fractum est: *Solvire templum hoc? Et si insuper vidisset de-*

Thren. 1. 1

Ioan. 2. 19

Mater Dolorosa.

T t

sola.



Psal. 86 2

solationem civitatis illius regiæ, de qua Vates Regius: *Gloriosa dicta sunt de te civitas DEI*, hoc est, si corporis & mentis oculis contemplatus fuisset pretiosissimæ Matris JESU summam animi amaritudinem & lacrymas, quibus unigenitum suum, ah unicum thesaurum! tota in doloris oculis colliquefcens deploravit, quid, obsecro, dixisset? Nunquid pari ratione de hac afflictissima Matrum dicere potuisset: *Quomodo sedet sola civitas plena populo? facta est quasi vidua Domina gentium, Princeps provinciarum facta est sub tributo; plorans ploravit in nocte, & lacryma ejus in maxillis ejus; non est, qui consoletur eam ex omnibus charis ejus?*

Thren. 2, 1

Astor. 5, 41

O bone JESU! si Apostoli & Martyres tui ibant gaudentes à conspectu consilii, quoniam digni habiti sunt pro nomine tuo contumeliam pati; si Petrus altero die decapitandus securè inter catenas somnum capeffit; si Paulus in vinculis, flagellis & lapidationibus exultat; si Andreas gaudens paratam crucem salutatur; *Salve crux pretiosa!* si Laurentius in ferrea craticula tyrannum irridet: *Assatum est; versa & manduca;* si Vincentius in equuleis & tormentis crudelissimis insolitâ lætitiâ perfunditur; si Bonifacius ferreis excarnificatus ungulis exclamat: *Gratias tibi ago Domine, &c.* Et quomodo, ô mi JESU! ô amor crucifixe! dilectissimam Matrem tuam solam in summa desolatione & animi amaritudine poteras derelinquere? Latronem consolatus es pœnitentem, & cur non afflictissimam Matrem in dolorum pelago natantem? O Angeli, ubi tunc eratis?

Sed noli mirari, anima Christiana, quare benignissimus DEUS, qui omnia prudentissimè in finem suum ordinat, nullam consolationem SS. Deiparæ in passione Filii sui submiserit; voluit enim mitissimus Pater, ut Filio patienti compatiens Mater in omnibus ad majus & planè immensum obtinendum meritum esset simillima, unum Cor, caro & anima; quia ergo ipse in cruce desertus exclamavit: *Deus, Deus meus, ut quid dereliquisti me?* Ita & Matrem oportuit in summa desolatione hunc pretiosissimi Filii sui agonem spectare; verè plùs quàm Martyr tunc fuisti, ô Regina Martyrum, quia plùs omnibus passa es, tota ærunnis absorpta. Audi, & mente attentiore considera Melissuum: *O ineffabilis reciprocatio sancti amoris! Filius patitur, & intus valde compatiuntur Matri; Mater verò compassa est patienti Filio.* Tantus nempe impetus passionis Domini JESU fuit, ut quasi torrens ipsum impleret, & inebriaret, quia teste Psalmista: *De torrente (scilicet passionis ejus) in via bibit Christus, ut sic Christo impleto, in Matrem fluere patientem, quâ similiter repletâ, ad Filium redundaret inundatio amaritudinis & mœroris.* O anima peccatrix! audis, quæ ac quanta amore tui fecerit DEUS & Homo Christus, ac SS. Mater ejus MARIA? Ah quantò steterunt tua peccata Christo JESU crucifixo, & afflictissimæ Matri ejus! *Pro peccatis enim suæ gentis vidit Jesum in tormentis.* Accede proinde ad hanc dolorosam Matrem sæpiùs, eamque impensius roga,

Matth. 27.  
64J. Bernhard.  
homil. in  
Evang.  
Matth.

roga, ut tibi impetrare dignetur à dilectissimo Filio suo veram delictorum cognitionem, contritionem, seriam emendationem, eumque, quem in omni vita, ac præsertim in passione Filii sensit, communicet dolorem. O felix, si compateris, si enim socius passionum eris, eris & consolationis. Cæterum

2. Cor. 1.

4. Non possum capere, quare DEUS olim in Exodo ad Moysen dixerit, ut Pharaoni Ægyptiorum Regi in peccatis obdurato insinuaret: *Hac dicit Dominus Deus Hebræorum: Dimitte populum meum, ut sacrificet mihi, quia in hac vice mittam omnes plagas meas super cor tuum.* Et quomodo, dices, ac quando iustissimus scelerum Vindex omnes plagas super cor Pharaonis & Ægyptiorum immisit? An quando eos ob duritiem cordis submersit in mari rubro? Respondet doctissimus Quaresmius, hoc peculiariter factum esse in cæde primogenitorum, ipsi enim erant parentum cor, si enim cruciantur filii, affligitur & cor parentum.

Quaresm.  
Tom 3. c. 8.  
sect. 3.

O pientissima Virgo & Mater amoris ac doloris! nunquid etiam de te illud dici poterit: *Ego mittam omnes plagas meas super Cor tuum*, ac tunc præsertim, quando Primogenitum & Unigenitum tuum adeò Dilectum in illo luctuoso trium horarum decursu coram te in infami ligno, tanquam omnium latronum pessimum, vivum in summa Cordis amaritudine pendentem cum silentio & sanguineis lacrymis contemplata es? O Domina mundi! si tecum Sol, mundi oculus, expalluit, terra ex imis fundamentis concussa est, & durissimæ petreæ scissæ sunt, & quis tuam enarrabit afflictionem? O quàm lugubre, ô quàm lamentabile spectaculum! patientis Filii Corpus supra quinque millia vulnerum (alii legionem adstruunt) in tam cruenta passione perpassum est, & SS. COR Matris nec paucioribus convulneratum fuit; ah quis gladius adeò sæviit in corporibus Martyrum, quemadmodum gladius Simeonis in Corde MARIÆ? Vidit ea, subintrat hîc quidam devotissimus MARIÆ servus, Filium vinculis arctissime durissimeque constrictum, & solvere non potuit; vidit Corpus vulneratum, & vulnus obligare non valuit; vidit sanguinem in oculos defluere, faciem sputis conspurcari, & abstergere nequirit; vidit sub crucis pondere fatiscentem, lapsantem, cadentem, terræ afflictum, & non permittebatur juvare, sustinere, erigere; invadi ab omnibus, & truculentè, barbarè, plùs quàm ferino ritu tractari, oculis ipsa suis aspexit, & non erat ei integrum prohibere aut impedire; audivit clamantem: Sitio! & guttam aqua porrigere non habuit; vidit caput inclinatum, & non potuit sustinere; tristem, desolatum, & in extrema anima amaritudine constitutum animadvertit, & non erat, quo eum solaretur; viribus omnibus destitutum cognovit, & quo, aut quomodo eum resciceret, nihil suppetebat; expirantem est contemplata, & non dabatur ultimo obsequio, & materna pietate vel oculos ei claudere, &c. Et nunquid hîc verificatum fuit:

R. P. Casp.  
Tausch. S. J.  
Col. 19.

*Quia in hac vice mittam omnes plagas meas super Cor tuum?* O afflictissimum COR MARIÆ, quomodo possibile fuit, quin in mille partes proscinde-

Exod. 9, 13

Sanc. I. 9

Ezech. 47.  
5.

reris? O quàm triste spectaculum! ó grave CORDIS Martyrium! verè Regina Martyrum, leve enim fuit, quidquid omnes Martyres passi sunt, si MARIÆ cruciatibus comparatur, hic enim verificatum fuit illud: *Congregentur aquæ, quæ sub cælo sunt, in locum unum, & appareat arida, & factum est ita, congregatæ enim sunt aquæ in locum unum, qui propter aquarum congregationem appellatus est Mare.* Ita in animam & COR dolorosissimæ Matris, velut in locum unum tempore passionis & mortis Christi omnes tribulationum aquæ & fluctus congregati sunt. O pelagus dolorum! adeò imensum, adeò profundum, quod non potest à creatura transvadari: *Quoniam intumuerant aquæ profundi torrentis, qui non potest transvadari.*

Doleamus igitur, dilectissimi fratres! cum hac dolentissima Matre nostra, ejusque mœstissimi Cordis dolores altius mentibus nostris imprimamus, hæc enim veri Filii & Clientis Mariani nota est, cum tali ac tanta Matre sincero animo condolere, ac compati. O pientissima Domina! utinam tuus ille dolor ita imposterum inhæreat cordi meo, sicut inhæsit tuo; dolebo igitur non tam ob innumera delicta mea, quibus Filium tuum offendi, quàm & te, ô Mater, ah quoties contristavi. Ignosce, ô Domina! ego interemi dulcissimum Natum tuum, hinc reus sum mortis & gehennæ; non tamen despero, quia major est misericordia tua, ô JESU, & tua pietas, ô MARIA, quàm mea iniquitas; hinc ex animo, omniumque viscerum latitudine doleo; adjuva me, ô Mater misericordiæ, nec sine, ut æternum peream, quem Filius tuus tanto sanguinis pretio redemit, &c,






# CONSIDERATIO XLVIII.

B. Virgo & Mater Dolorosa prima cultrix SS. Vulnerum Christi JESU dilectissimi Filii sui exitit.



Quid sunt plagæ istæ in medio manuum tuarum?  
& dicet; His plagatus sum in domo eorum, qui diligebant me. *Zachar. 13. 6.*

1.  Unamitis illa, cū unigenitum & unicē dilectum filium suum per imaturam mortem perdidit, luctu & dolore plena rectā ad Elisæum Prophetam contendit: *Cumque* 4 Reg. 4  
*venisset ad virum Dei in montem, apprehendit pedes ejus; 27.*  
& accessit Giezi, ut amoveret eam, & ait homo Dei: *Dimitte illam: Anima enim ejus in amaritudine est.* O pientissima Domina, ô Mater amoris & doloris! verē anima tua in amaritudine fuit, dum Filium tuum unigenitum & unicē dilectum per tam violentam & imaturam crucis mortem amisisti. Accurristi & ipsa cum dicta Sunamitide ad pedes:  
T t 3 nom

S. Gregor.  
Nazianz in  
Trag. & P.  
Jac. Gretser.  
S.J. de Cruce.

nōn Elisæi, sed Filii tui pretiosissimi in cruce mortui, cujus SS. ac cruenta pedum Vulnera, quæ juxta S. Gregorium Nazianzenum attingere poteras, materno affectu exosculata es, heu quo animi cum dolore & luctu, quis explicare poterit? Audi ipsum hunc S. Patrem in Tragœdia, quæ *Christus patiens* inscribitur, in persona hujus dolorosæ Virginis loquentem:

*Per tuos sacros pedes, quos osculor  
Materno amore, te nunc misereat mei.*

S. Germanus  
in Theoria.  
Item Mal-  
lon. de S.  
Sindon.  
cap. 19.

De eadem mœstissima Matre refert S. Germanus, quòd Sacrosancta Christi JESU nunc de cruce depositi Vulnera devotione summâ & amore inexplicabili venerata sit: *MARIA* Virgo, inquit, *Christi è cruce depositi osculabatur manus clavis perforatas; osculabatur brachia & pectus lanceâ perforatum; osculabatur pedes clavis perfossos; lavit & rigavit lacrymis universa Vulnera ejus, & plorans acerrimè super singulis, amplexabatur Caput ejus, comprimens ad ubera sua, &c.* Nunc velut apis argumentosa, de qua Lemma fert:

(Currit in odorem.)

Osculabatur perforatas manus, cœli, terræque architectas, velut vernantes & purpureas rosas; nunc ad sacros pedes, qui tot annis oviculam perditam quæsiere, humiliter prostrata, rubentes plagas venerabundo osculo excipiebat; nunc ad transfixum Filii pectus se reclinabat, intuens pientissimè in hoc reformatum Divinitatis Sacrarium, illudque tenerrimo affectu adorans; ô quoties optavit hîc commori cum Christo, & cor cordi rependere! ô anima Christiana, quid agis? Cur stas otiosa? imitare & tu hanc argumentosam & sedulam apiculam, & curre cum hac SS. Matre dolorosa pariter in odorem fragrantissimarum rosarum, ac SS. Vulnerum crucifixi Amoris tui: *Imitare, subintrat hîc Mellissius, apum sedulitatem, ad conficiendum tibi mel devotionis, ad paradysum charitatis ascende. Non est elevatus in crucem, ut se difficilem præberet accedere ad eum volentibus, sed magis ut omnibus possit paratior inveniri. Accedens ergo cum fiducia ad hunc paradysum in extensione brachiorum cognosce, suscipe affectum paratum ad tuos, & te ad suos invitanti amplexus, & quasi misericorditer clamantis: Revertere, revertere Sunamitis, ut intueamur te. Intra ergo, anima, paradysum omnibus paradysis meliorem, nunc quidem solo cogitationis affectu, ut postea animâ & corpore caelestem paradysum valeas introire. Nec breviter amplexandus est iste paradysus, sed volandum per singulos illius flores, & singulorum florum folia sunt sugenda: Nunc ad dexteram, nunc ad sinistram rivulos guttasque sanguinis spargentem est accedendum. In horum contemplationem repete frequenter: Redde mihi lætitiâ salutaris tui, adin-*

S. Bernhard.  
tr. de Pass.  
Dom. N.  
cap. 44.



star apìs, quæ inter volandum quendam sonum habet, donec in florem intret. Accede tandem ad Cor humillimum altissimi JESU per januam lateris lanceati; ibi thesaurus ineffabilis charitatis latet, ibi nova devotio invenitur, inde lacrymarum gratia extrahitur, discitur mansuetudo, patientia in adversis, compassio in afflictis, & præcipuè cor contritum & humiliatum ibi invenitur. Ipse JESUS complexus tuos desiderat, talis ut complectatur expectat, caput floridum multis spinarum aculeis confossum ad te inclinat, ut ad pacis osculum te invitet. Redde vicem, & super vulnera mea misericordiâ commovere, & pone me talem, qualem vides, ut signaculum super cor tuum, signaculum in brachio tuo, ut in omnibus cogitationibus cordis tui & operationibus brachii tui mihi taliter, ut vides, signato singulis inveniaris. Hucusque Mellifluus Bernhardus, quem è cruce pendens JESUS amplexatus est, & MARIA suo cum lacte virgineo pascere dignata.

2. Insignis est illa figura, quâ in Joseph Christum Dominum figuratum Patres agnoscunt. Joseph Filius accrescens dicitur: Christus crescebat ætate, Genes. 49. sapientiâ & gratiâ coram Deo & hominibus. Joseph perfidos fratres peccati arguens invidiam eorum subiit: Christus Judæorum fratrum suorum scelera accusans gravissimum odium contra se concitavit. Joseph 20. argenteis à Juda & fratribus venundatus: Christus 30. argenteis à Juda Iscariothe in mortem venditus est. Joseph tunicâ talari & polymitâ à fratribus & ab Ægyptiaca meretrice pallio suo spoliatus est: Christus à militibus ignominiosissimè nudatus fuit: *Diviserunt sibi vestimenta mea, & super vestem meam miserunt sortem.* Joseph in carcere inter pincernam & pistorem medius servatus, ubi uni vitam, alteri mortem prædixit: Christus in medio duorum latronum crucifixus unum ad vitam elegit, alterum reprobavit. De Joseph dicitur: *Humiliaverunt in compedibus pedes ejus: Ferrum pertransiit animam ejus:* Heu quantum in infami crucis patibulo humiliatus est optimus JESUS, ubi ferrei clavi pedes & manus, atque crudelis lancea SS. Cor illius pertransiit. Josephi tunicam sanguine aspersam & laceratam impii fratres ad patrem remiserunt: *Vide, utrum tunica filii tui sit an non?* O dolorosissima Mater! tu JESUM dulcissimum Filium tuum longè meliore tunicâ induisti, dum eum cooperante Spiritu Sancto veste cænis nostræ, seu humanitate texisti; vide nunc, quàm fœdè laceratam & in sanguine intinctam hanc tibi vestem remittant impii Deicidæ: *Vide, utrum tunica Filii tui sit an non?*

O anime mi! quis, obsecro, tunc erat piissimæ Matris sensus, quando à fera pessima (impia Synagoga) hunc amantissimum Natum suum laceratum & occisum conspicata est? *Qua eò lacrymabilior erat,* inquit Mallonius, *quò ardentius Christum diligebat; idèò benè Christum quodammodo à fera pessima laceratum ac devoratum dicere poterat.* O quàm lugubre, & quàm lamentabile hoc erat spectaculum, dum cernebat perforatas tam crudeliter ma-



Nebrid. in  
Fasc. Myrr.  
cap. 21.

nus, tam immanes pedum fissuras, immensum lateris vulnus, totumque corpus plagatum, cruentatum, lividum & exanime: *His consideratis*, subintrat hic Nebridius, *accessit ad caput, & immites illas spinas multis gemitibus revulsit; dehinc accepto sui capitis velamine cœpit extergere sanguinem ex oculis, mundareque omnia vulnera universi corporis; circuibat plorans, & explorans, contrectansque omnes articulos, & deosculabatur eos. Intuebatur curiosis singultibus fixuras clavorum in manibus & pedibus, mittebatque digitos suos in loca clavorum, manumque suam in latus ejus, & mensurabat profunditatem Divina charitatis erga genus humanum. Et quoniam Samaritani illius lagenulam vini & olei non habebat, superpositis oculis in plagas ejus largissimas insudit lacrymas, quibus eas saltem lavabat, si non sanabat. Ipsa denique suis digitis clau-  
debat os ejus & oculos, & pro suprema valedictione addebat lacrymabile osculum. Levabat sæpe in cælum suos oculos, ac DEO Patri vulnera, sanguinem, dolores & mortem sui Filii offerebat pro hominibus. Credibile est, hanc SS. Deiparam, ac Matrem omnium desolatissimam tunc in cælum ingeminasse, & protulit habet Mellissus, hisce vel similibus verbis ad cœlestem Patrem fuisse locutam: *Respice Domine Sancte Pater, de Sanctuario tuo, & de excelsis cælorum habitaculo: cognosce veram tunicam Filii tui Joseph: hac fera pessima devoravit eum, & conculcavit in furore suo vestimentum ejus, omnem decorem ejus reliquit cruoris inquinavit; & ecce quinque scissuras lamentabiles in ea reliquit. Hoc est, Domine, vestimentum, quod in manu Ægyptiæ Meretricis innocens puer tuus dereliquit, &c.* O grave Mariani pectoris tormentum, in quo omnium dolorum congregatio fuit, quemadmodum mare omnium esse solet congregatio aquarum! ô mons Gelboë, non Gelboë sed Calvariæ, nec ros, nec pluvia veniat super te, quia in te occisus est Salvator Israël. Verè vox in excelsis tui audita est lamentationis, luctus & fletus dolorosissimæ Matris MARIÆ plorantis Filium suum, & nolentis consolari, quia non erat. O anime mi! appropinqua & tu mente tua, considerans, quæ & quanta amore tui fecerit DEUS & Homo Christus, & jam immenso sanguinis pretio illi steterint peccata tua; & tu, anime mi! quid DEO tuo & Amori crucifixo, ac SS. Matri ejus rependes?*

S. Bonavent.  
serm. de  
Pass. Dom.

Lyræus de  
Christ. par.  
lib. 5. c. 7.

3. Et hæc causa est, quod afflictissima Mater Jesu meritò Princeps hujus sacrosanctæ devotionis erga quinque SS. Vulnera Christi & vœcanda & colenda sit, quam exinde secuti sunt dilectus Christi Discipulus Joannes, Joseph Arimathæus, Nicodemus, Maria Magdalena, & aliæ quædam piæ animæ, quæ tunc in Calvariæ jugo præsentibus has quinque plagas Dominicas pio ac devoto osculo, antequam exangue corpus tumultu inferretur, veneratæ sunt: quos nemo ambigat, dicit Hadrianus Lyræus, *tam manus, quam pedes è cruce avulsos dulcissimis osculis veneratos fuisse*, non enim ignorabant hæ piæ mentes, quod hæc SS. Vulnera unicum sunt pretium redemptionis humanæ, salus mundi,

di, thesaurus Ecclesiæ, infirmorum solamen, Divini Amoris pignus, ac denique universale ac tutissimum refugium, quò omnes peccatores securè se recipiant: *Cùm me pulsas*, ait Magnus Aurelius Augustinus, *aliqua turpis cogitatio, recurro ad Vulnera Christi: Cùm me premit caro, recordatione vulnerum Domini mei resurgo: Cùm diabolus mihi parat insidias, fugio ad viscera misericordiæ Domini mei, & recedit à me: In omnibus adversitatibus non inveni tam efficax remedium, quàm Vulnera Christi, in illis dormio securus, & requiesco.*

S. August. in  
Matth. cap.  
21. 22.

4. Olim, in Lege mandavit DEUS, ut primogenitus quinque siclis redimeretur: *Accipies quinque siclos per singula capita ad mensuram Sanctuarii, &c.* Christus quinque SS. Vulnerum suorum pretio non primogenitum duntaxat, id est, animam hominis, sed & mundum universum à servitute peccati redemit. O peccatores & mortales omnes, boni animi estote: *Empti enim estis pretio magno. Glorificate, & portate DEUM in corpore vestro.*

Num. 3. 47

David contra Goliath pugnaturus, in torrente quinque selectissimos lapides elegit, quibus robustissimum hunc gigantem prostravit. Christus per sua SS. quinque Vulnera infernalem Goliath stravit, vicit, debellavit.

1. Cor. 6.  
20

1. Reg. 17.  
40

Isaias quinque civitates refugii assignavit, ad quas Ægyptii ad DEUM conversi, si delictum aliquod commisissent, securi poterant confugere: *In illa die erunt quinque civitates in terra Ægypti, &c.* O anima Christiana! si contra DEUM deliquisti, & digna morte perpetrasti; en monstrat tibi sanctissima ac dolorosissima Virgo quinque similes civitates refugii, hoc est, quinque Sacratissima Dilectissimi vulnera, in quibus contra omnes hostium insultus secura latebis: *Ubi tuta quies*, ait S. Augustinus, *nisi in Vulneribus Salvatoris?*

Isa. 19. 18

S. August.  
in Confess.

5. Judith quondam & omnis populus in suo Epinicionem gloriabatur, Holofernis oculos ex intuitu Sandaliorum Judithæ fuisse captos: *Sandalia ejus rapuerunt oculos ejus; & cur non oculi, qui sunt in amore duces? &c.* Respondet Isidorus Clarus: *Posuit in Sandaliis suis quinque Rubinos, qui quinque Christi plagas representabant*, in quarum virtute tyrannus superatus, captus, & devictus est. O anima Christiana! si vis diabolus, mundum ac carnem debellare; en præsentissimum remedium: *Tanta virtus Vulnerum Christi est*, ait Mellissus Bernhardus, *ut ad eorum memoriam totius peccati fugatur exercitus.*

Judith. 16.

11  
Isidor. Clar.  
in Judith.  
cap. 16.

S. Bernhard.  
serm. 61. in  
Cant.

Et nunquid quinque panibus quinque hominum millia abundè saturati sunt? Ecce typum quinque SS. Vulnerum JESU crucifixi, quibus reficitur orbis universus: *Plus*, inquit devotus ille Kempensis, *invenies in vulneribus JESU Christi, quàm in possessione totius mundi.*

Joan. 6. 13

Thom. Kemp.  
Medic. 22.  
de Pass. Chr.  
cap. 6.  
Matth. 25.

Quinque talenta quondam Dominus servo suo tradidit, quibus alia quinque lucraretur, intellige quinque sensus, quos per virtutem & considerationem quinque SS. Vulnerum JESU non tam lucrari, quàm etiam à perditione

15

Mater Dolorosa.

U u

ne



B. Petrus  
Damian. cit.  
ab Hadr.  
Lyr. de Chr.  
par.  
Ioan. 5. 2

ne servare possumus: *Vulnera Redemptoris*, inquit B. Petrus Damianus, *quæque sunt, quia nos eramus quinque sensum vulneribus sauciati, & per has quinque plagas saluti suæ perpetuæ restituti.*

S. Augustin.  
loc. cit.

Quis ignorat, quàm celebres olim fuerint quinque illi porticus piscinæ probaticæ, in quibus semper magna languentium multitudo ob spem corporeæ salutis morari consueverat? En habes hîc quinque porticus in Sacratissimis quinque Redemptoris nostri vulneribus, in quibus animæ languentes securè commorantur, & sanantur: *Tutum refugium*, ait S. Augustinus, *mihi præbent Vulnera Salvatoris.*

Math. 25.  
10

Prudentes illæ quinque Virgines quinque lampades ardentes adornârunt, quibus instructæ ad cœlestes Agni nuptias admittébantur: *Et quæ parata erant, intraverunt cum eo ad nuptias.* O Christiani! si ad dapes cœlestes & nuptias Divini Agni aspiratis, maturè de quinque ardentibus lampadibus, hoc est, ardenti & constanti devotione erga quinque SS. Christi JESU Vulnera vobis providete: *Vulnera enim JESU Christi*, pergit idem S. Antistes Hipponensis, *plena sunt misericordia, plena pietate, plena dulcedine & charitatè.* Et quis unquam peccatorum in animo contrito & humiliato ad hæc sanctissima & summè veneranda Christi JESU vulnera venit, & repulsam ab eo passus est? *Vivo ego, dicit Dominus, nolo mortem peccatoris, non enim ideò passus & vulneratus sum, ut vos reprobarem, sed ut salvarem æternum.* O anime mi! erige te in spem.

S. Augustin.  
Mên. c. 21.

Luc. 16. 3

6. Recordor hîc illius Villici iniquitatis, qui apud herum suum diffamatus est, quasi dissipasset bona ipsius, unde meritò ad villicationis suæ reddendam rationem contritus est: *Redde rationem*; qui, utpotè malè sibi conficius, & anxius quòd tandem locorum se verteret, in varias opiniones abiit, & inter alia ita secum rationatus est: *Quid faciam, quia Dominus meus auferret à me villicationem: Fodere non valeo, mendicare erubescò, &c.* O pigerrime homuncio! ad quid querelas moves, quòd fodere non valeas? Ecce ostendit tibi jam fossam humum, non opus est, ut ampliùs labores: *Foderunt manus meas & pedes meos*; imò & Sacratissimum ac Divinisimum Cor JESU, Salvatoris & Fidejussoris tui crudeli lanceæ aratro transossum: *Unus militum lanceâ latus ejus aperuit*; intra in animo contrito & humiliato in hanc fossam humum, & thesaurum reperies, quo omnibus tuis debitis abundè poteris satisfacere: Subintrat hîc S. Bernhardus: *Si enim ne hoc quidem possibile sit, huic jam proponet JESUM & hunc crucifixum, ut & ipse absque suo labore habitet in foraminibus petra, in quibus non laboravit.* Nec verendum, quod patitur repulsam, qui & vocatur, ut intret: *Ingredere, inquit, in petram, abscondere in fossa humo a facie timoris Domini, & à gloria majestatis ejus.* Infirma adhuc & inerti anima, quæ juxta quod in Evangelio quidam de semetipso confitetur: *Fodere non valet, mendicare erubescit; fossa ostenditur humus, ubi lateat, donec*

Psalm. 21.  
37

S. Bernhard.  
serm. 62. in  
Cant.



convalescat, & proficiat, ut possit & ipsa per se sibi cavare foramina in petra, per qua intret ad interiora Verbi, animi utique vigore & puritate. Hucusque Mellissus. Finiamus Considerationem nostram.


7. Ad Serenissimam Venetorum Rempublicam aliquando Legatus à Catholico Rege missus est, cui inter alios exhibitos honores Veneti thesaurum suum ostentabant, atque inter alia pretiosa etiam plures ac permagnas cistas innumeris aureis, seu ut vocant zigginis repletas; qui thesaurus à Venetis prorsus incomparabilis pretii censebatur; quod cemens Legatus Hispanus, subridens rogavit, an pretiosæ ejusmodi Venetorum cistæ etiam fundum haberent? Respondentibus Venetis; quòd sic; reponit Legatus: Sed Rex meus thesaurum sine numero, sine fundo possidet; quibus verbis ad auri argenteque fodinas in Regno Perusiano, America & Indiis non inconcinne alludit.

Fortunat.  
Troyer de  
Ss. Euchar.  
disc. 32.

Anima Christiana! vis similem thesaurum sine numero, sine fundo? Accede cum dolorosissima Matre ad Cor altum crucifixi JESU, & reperies, Mercator ille Evangelicus omnia sua expendit, ut agrum illum, in quo thesaurum absconditum invenit, sibi compararet. Et quid dico, anima mea? En habes in SS. Christi Vulneribus thesaurum absconditum, omnibus mundi divitiis & gazis præstantiorem: Bonus thesaurus, inquit Mellissus, qui fesso agro Corporis Christi invenitur? ad quid ergo moraris? Cur te non applicas ad effodiendum hunc thesaurum? noli dicere cum Villico iniquo: Fodere non valeo, hoc enim verbum inertis & perditum hominis est: Vade, & dic culpam tuam, &c.

Matth. 13.  
44

S. Bernhard.  
cit. à Lyr.



CONSIDERATIO XLIX.

B. Virgo & Mater Dolorosa Filium de cruce de-  
positum gremio excipit, & anaris deplorat lacrymis.





En perelegans Symbolum: *Hic ignis Divini amoris*, ait B. Petrus Damianus, *in aquam vertitur, quia ex igne Divini amoris lacrymarum compunctio generatur.* O pretiosæ lacrymæ hujus pretiosissimæ Virginis, quos amor in Filium expresit: *Ex oculis meis*, inquit ipsa ad S. Birgittam, *erumpebant lacrymæ, sicut sanguis de venis; & Theophilus Historicus: Planxerat*, ait, *tantum MARIA Virgo affligens se, quod oculi ipsius rubeant sanguine, & palpebra ejus tumeant, quia jam corrosa erant gena illius roseæ, etiam lacrymæ sanguineæ de ejus oculis emanarunt propter fletum tam amarum, &c.* O lugubre spectaculum, videre ex una parte Filium DEI & mundi Salvatorem mortuum, ac vulneribus laceratum, & ex altera dolorosissimam Matrem & mundi Dominam doloris gladio transfixam, atque irremediabilibus lachrymis miserrimam. Unigeniti sui mortem & peccata nostra deplorantem! heu quod tam crudele cor, tam sævum ac ferreum pectus, quod per mortem Salvatoris sui non scindatur, nec per Divinum ejus cruorem dissolvatur, aut per sanguineas ejus SS. Matris lacrymas non emolliatur? Adamas licet durissimus, sanguine tamen agni vel hædi aspersus, in partes scindi, ac rumpi potest, ita S. Isidorus: *Adamantem lapidem*, inquit, *quem nec ignis, nec ferri domare valet materia, solus cruor dissolvit; & tu, ô peccator, cor tuum ponas ipso adamante durius? Petra à Moysè quondam per modum crucis percussa (gemina percussio, ait S. Augustinus, duo ligna crucis significat) mox in largissimas lacrymas, imò in flumina effusa est: Percussit petram, & fluxerunt aquæ; & tu, peccator inveterate & refractariè, ipsis petris & saxis durior existas? si quidem tibi non videtur dignus benignissimus JESUS pro te crucifixus, & mortuus, ut illi ex animo condoleas, aut afflictissima Mater ejus, ut illi compatiaris, quomodo saltem ob innumera tua delicta non doles? Quibus Filium DEI interemisti, & Matrem ejus toties contristasti?*

2. De Sunamitide, moerentissima illa Matre, recensent Sacræ Paginæ, quod unicum ac dilectissimum filium suum morientem in sinu suo super genua collocaverit, ejusque miserandam sortem & mortem amaris deploraverit lacrymis: *Posuit eum illa super genua sua usque ad meridiem, & mortuus est.*

Ita quondam Agar filium suum Ismaëlem præ nimia siti in deserto contabescentem pari cordis dolore deflevit: *Et sedens contra levavit vocem suam, & flevit.*

Ita Respha aspero cilicio induta, cubansque in illo, diu noctuque filiorum suorum à Gabaonitis crucifixorum indignam mortem assiduus lacrymis deplanxit: *Tollens autem Respha filia Aia cilicium, substravit sibi supra petram ab initio messis, donec stillaret aqua super eos de cælo, &c.*

B. Pet. Dam.  
Opusc. 63.  
cap. 13.  
Lib. 1. Rev.  
cap. 10.  
Theophil.  
Hist. de  
B. V.

S. Isid. 1. 112  
cap. 1.  
S. Augustin.  
Tract. 16.  
in Ioan.  
psalm. 77.  
26.

4. Reg. 4.  
20.

Genes. 21.  
16.

2. Reg. 21.  
10.

Tob. 10. 4

Ita Anna Tobiam filium irremediabilibus deplorabat lacrymis, ut præ gemitu, animique mœrore penè confici videretur: *Flebat igitur Mater ejus irremediabilibus lacrymis, atque dicebat: Heu fili mi, ut quid te misimus peregrinari, lumen oculorum nostrorum, baculum senectutis nostræ, solatium vitæ nostræ?*

Ex Tradit.  
Hebræor.  
supra Ge-  
nes. 4.

Ita Eva cunctorum viventium Mater, ubi dilectum Filium suum Abelm à Caino, perfidissimo fratre occisum, sanguineque aspersum in agro invenit, mœstissimis lacrymis eum deplanxit.

3. Reg. 3.  
26

Ita denique illa Mulier in judicio Salomonis, cum nunc vivus infans, & verus ac genuinus filius ejus, gladio satellitis ex jussu Regis esset diffecandus, altum ingemuit, & miserandam nati sortem deslevit: *Commota sunt quippe omnia viscera ejus super filio suo.*

Umbras hæcenus audisti, anime mi! agedum ascendamus ad montem myrrhæ & ad collem thuris, atque ibidem afflictiissimam Deiparentem ad crucis radices sedentem, & dulcissimum Filium suum mortuum & occisum in gremio tenentem consideremus; ô cruentum, ô lamentabile spectaculum! quis unquam audivit tale, aut huic vidit simile!

Metaphrast.  
7. April.

De B. Theoclia recenset Metaphrastes, quòd, cum S. Calliopum Martyrem ac Filium suum sub Maximo Præfecto, versò in terram capite, pro Christi fide in durissimâ cruce ferreis clavis affixum conspicata est, & exinde mortuum in sinu suo materno excepit, præ vehementia compassionis & amoris materni inter ipsos amplexus animam suam expiravit.

S. German.  
apud Mal-  
lon. f. 152.  
Ludolph.  
Carthus. in  
vita Christi.

Et quid dico, anima Christiana? An non millies mortua fuisset hæc dolorosissima Mater JESU, ac tunc præsertim, ubi amantissimum & unicum Filium toto corpore plagatum, cruentatum & exanimem in materno sinu sub cruce recepit? *Ibi, inquit S. Germanus, post uberrimum lacrymarum effusum fluvium tandem sanguineas etiam lacrymas fudit.* Audi & doctissimum Ludolphum Carthusianum, qui sic eandem dolorosissimam Matrem, cum Filium occisum in sinu teneret, plangentem introducit: *Nihil dulcius mihi, quàm tecum mori, & nihil amarius, quàm vivere post mortem tuam, JESU Fili mi: Tu mihi Pater, tu mihi Sponsus, tu mihi Filius, tu mihi omnia eras, nunc orbor Patre, viduor Sponso, desolor prole, omnia perdo. O Fili mi! quid ultra faciam?*

O Christiane, si cor tuum non moveat indigna hæc & innocentissima mors Redemptoris tui; si te non flectant sanguineæ Matris ejus lacrymæ, credo, & firmiter mihi persuadeo, quòd actum sit de te & de salute tua. Velum templi à summo usque deorsum in morte Christi scissum est; petreæ durissimæ disruptæ sunt, terra contremuit ab imis fundamentis concussa, monumenta aperta sunt, &c. Et tu, Christiane, si tamen hoc nomine dignus es, itas immotus? Non doles de peccatis? Non compateris Christo crucifixo

& de.



& desolatissimæ Matri ejus? O rupes! ô cautes! fluite lacrymæ, ah fluite! Threnor. 1.  
quia non est, qui consoletur eam ex omnibus charis ejus. 12

3. De Rege Ache commemorat Plutarchus, quod vir mitissimus, jux- Plutarch.  
ta ac justissimus & subditorum saluti studiosissimus extiterit, & quia pra- & ex eo Fi-  
vos illorum mores & enormia vitia diutius ferre non poterat, omnem la- neti in Re-  
borem & operam impendit, ut eorum rempublicam in meliorem statum flecti di Spi-  
redigeret, atque ad virtutem sequendam animaret. Verum improbi & in- rito sopra 1°  
grati cives, cum optimum Regis genium ferre laud possent, omniaque in interno  
pravam interpretarentur partem, tandem conspiratione civili factâ, in ip- Martyrio di  
sum armatâ irruere manu, ac truculentum in modum pluribus inflicis vul- M. V.  
neribus innocentissimum Principem interemerunt. Audiit hoc fortè mœ-  
stissima Regis Mater, quæ ad cadaver filii in via publica prostratum, san-  
guineque conpersum accelerans, illud inter brachia sua recepit, & gremio  
impositum piis lacrymis deploravit, sæpius sublevatis in cælum oculis fle-  
biliter exclamans: *Heu me Fili mi! nimia bonitas tua, nimia mansuetudo, &*  
*humanitas te simul & nos perdidit!*

O anima Christiana, quid dico? Ecce cadaver non alicujus Regis A-  
chis, nec cujusdam innocentis Abelis aut Amasæ, jacet in publica via dilace-  
ratum, conspurcatum, cruore conpersum: *Amasa conpersus sanguine jace- 2. Reg. 20.  
bat in media via;* sed ipsius Filii DEI, summi Regis, de cruce depositum, 12  
& exanime corpus in gremio Virginæ & tristissimæ Matris excipitur; ita.  
Adrichomius: *E cruce depositus gremio materno excipitur; etiamnum is locus Adrichom.  
ostenditur, &c.* Heu quis nunc explicet hujus fideissimæ Matris intensissi- in descript.  
mum CORDIS dolorem, cum omnia dilectissimi sui Nati vulnera explo- Hierus. num.  
raret, spineam coronam è vertice cruentatis etiam manibus enodaret, ac 255.  
mille pientissimis osculis & lacrymis cruento illi cadaveri parentaret? Ah  
quoties sanguinolentis & in cælum sublevatis oculis, illud cum Matre Achis  
ingeminare visa, & audita est. *Heu me! Fili mi, nimia bonitas tua, ni-  
mia mansuetudo & humanitas te simul & me perdidit!* ô gens ingrata! ô pecca-  
tores verè miseri! quid mali vobis fecit dilectus Filius meus? An quia ob  
vestram salutem in mundum venit, ut vos à diaboli jugo & interitu libera-  
ret? An quia cæcis visum, claudis gressum, mutis loquelam, surdis audi-  
tum restituit? An quia ægros sanavit? Leprosos mundavit? Obsessos à dæ-  
monio liberavit? An quia mortuos resuscitavit ad vitam, & pertransiens in  
terra omnibus benefecit? O miseri, ô ingrati mortales! quid ultrà vobis  
potuit facere, & non fecit? Hæccine vestra retributio est, ut amantissimum  
Patrem & Benefactorem omnium maximum in infami ligno suspenderetis,  
& millenis trucidaretis vulneribus? Istane gratitudo vestra est, quam infinita  
ejus à vobis exigebant merita? O JESU! ô Fili Benoni, verè vir dolo-  
rum,

S. Anselm.  
de Excell.  
Virg. c. 3.

rum, quis mihi det, ut tecum moriar? O Christiani omnes & singuli! auditis Lamenta Matris vestræ? Ah quomodo possibile, quin illi ex animo condoleatis? *Et tu, sunt verba S. Anselmi, sine lacrymis amantissima Domina tua lacrymas videbis? Tu sicis manes oculis, & ejus animam pertransivit gladius doloris? Et tu, etiam, mi Lector?*

1. Reg. 4.  
20.

4. De Uxore Phinees commemorant Regum Fasti, quòd, cùm audisset Arcam DEI esse deperditam, socerumque ac virum suum expirasse, præ dolore & angore vitam cum morte commutaverit: *In ipso autem momento mortis ejus, dixerunt ei, quæ stabant circa: Ne timeas, quia Filium peperisti; quæ non respondit eis, neque animadvertit, & vocavit Puerum Ichabod, dicens: Translata est gloria de Israël, quia capta est Arca DEI.* O mœstissima ac dolentissima Virgo, verè Mater amoris & doloris, dic, obsecro, quomodo tibi CORDI fuerit, cùm exanime & exsangue Corpus Unigeniti tui nunc de fatali crucis ligno depositum, & super petram ab initio & exinde à Josepho Arimathæo & Nicodemo in sinu tuo collocatum excepisti? Quis ambigat, quin pariter tunc cum moriente Uxore Phinees exclamaveris: *Translata est gloria de Israël, &c. & cum Vate Threnologo: Defecit gaudium cordis nostri: Versus est in luctum chorus noster?*

Threnor., 5.  
15

Threnor., 5.  
16

Itane cecidit corona capitis nostri? Sic quondam lugebant desolatæ Sionidæ, cùm Regem, regnum, civitatem, Templum, & omnia perdiderunt: *Itane cecidit corona capitis nostri?* O pientissima & afflictissima Domina; verè Mater amoris & doloris, plùs amisisti, cum dulcissimum Filium tuum JESUM per tam cruentam necem perdidisti, heu Domina mea, quomodo cecidit corona capitis tui? Imò & nostri?

Beut. f. 77.

5. De Argia Regina Græciæ & fidissima Coniuge Regis Polynicis refert Beuterus, quòd, cum ex nuntio intellexisset, Regem ac Conjugem suum in campestri pugna ab hoste pluribus vulneribus pro salute patriæ trucidatum, ineffabili mentis dolore affecta, omnisque moræ impatiens de nocte intempesta ad locum certaminis perrexerit, ubi tandem inter occisa militum cadavera ope ardentis lucernæ amantissimum suum Polynicem invenit, sed nudatum, lividum, vulneratum, & fœdè conspurcatum; quid in hoc casu luctuoso Regina consilii? Heu! dolor nimius, qui animum torquebat, & amor, qui ejus mentem possidebat, non sinebant amplius, ut in plura lamenta & verba prorumperet, proinde irruens super corpus Dilecti sui, dum illud lacrymis rigat ardentissimis, & hiantia exosculatur vulnera, ipsa animi deliquium passa, juxta cadaver mariti sui expiravit, par amoris victima.



Non Argiam Græciæ Reginam, sed ipsam totius universi Dominam ac dolorosissimam Deiparentem MARIAM hîc tibi in Golgothæo monte exhibeo, homo Christiane; perpende, quæso, heu nimis luctuosum & omnibus retrò sæculis inauditum spectaculum: Jacet nunc mortuus, qui erigebat vivos, & in sinu Matris quiescit; circumstant fideles amici, plorant omnes, & lugent universi, cum saucium, ac in cunctis membris laceratum Corpus Jesu contemplantur: Erant tunc oculi JESU, ô lucida cæli sidera, pleni sanguine & emortui; capilli evulsi, & velut restis ex concreto cruore contorti; os frigidum tanquam nix, nasus contractus; facies, in quam desiderant Angeli prospicere, livida, sputis fœdata, & colaphis percussâ; ô speciose præ filiis hominum, quomodo conversus es in amaritudinem SS. Matri tuæ, cum manus tuas tornatiles, plenas hyacinthis, intueretur trabalibus clavis perforatas, pedes hianti vulnere transverberatos, latus immitti ferro reſeratum, & Sacratissimum COR tuum præ vehementia dolorum & militis lanceâ disruptum? O quàm lugubre, quàm triste hoc erat spectaculum DEO, & Angelis & hominibus, cernere talem ac tantum Filium in proprio sanguine natantem, & talem ac tantam Matrem ob amoris & doloris magnitudinem penitus colliqueſcentem: O Numen imensum! quomodo possibile fuit, quod hæc dolorosissima Mater non paſſiter cum Argia Regina expirarit? Et certè milles mortua fuisset, si eam Spiritus Sancti gratia non peculiari modo in solatium primorum fidelium conservasset: Beata Virgo, inquit Divus Anselmus, in passione Christi verè interiisset præ magnitudine doloris, nisi ab eo præservata fuisset: Et S. Bernhardus: Nec lingua, ait poterit loqui, nec mens cogitare valebit, quanto dolore afficiebantur pia viscera MARIÆ. O desolata Mater, & ego non lugeam tecum? Ah! si Dominus meus ac DEUS meus & Sacratissima Mater ejus tantis affecti sunt cruciatibus, quomodo ego peccatorum miserrimus ac coriphæus sine doloribus, sine cruciatibus, sine adversis me salvandum existimo? O anime mi! resolve te hoc temporis momento, imposterum ad omnia, quæcunque possunt accidere adversa, ob amorem DEI ac Hominis crucifixi & dolorosæ Matris ejus sustinenda, digni enim sunt: *Dignus est Agnus, qui occisus est, &c.*

I. Petr. 1.

12

Psalm. 44. 3

I. Cor. 4. 9

S. Anselm.

lib. de Ex-

cell. Virg.

cap. 5.

S. Bernhard.

in Lament.

B. V.

Apoc. 4. 12

Andreas

Chesnæus

in Histor.

Angl. sub

an. 1190c

6. Occurrit hîc mihi pro coronide, quod de Henrico Primo Rege Angliæ recenset Andreas Chesnæus; qui, cum defunctus apertâ facie in publico feretro expositus lugubri cum ornatu & pompâ à regni Proceribus ad tumulum regium efferretur, subito in vultu suo coram omnibus tunc præsentibus copioso sanguine sudare cœpit; mirantur omnes, causamque requirunt hujus insolitæ & cruentæ desudationis, & ecce non aliam reperiunt, quàm quod huic Regi defuncto in platea occurrerit Richardus filius, Princeps perduellis, & patri in vita semper injurius, atque exosus, ad cujus præsentiam Rex mortuus sine mora per mirabilem quandam antipathiam tam copiosum sanguinem effudit.

Age anime mi, accede & tu ad Regem gloriæ, imò ad amantissimum Patrem tuum, Christum JESUM & hunc Crucifixum, nunc post exantlatam passionem ac necem in purissimo gremio Sacratissimæ Matris dolorosæ ultimò quiescentem; accede, inquam, & antequam inferatur sepulchro exanime corpus, tuis illud lacrymis lava, & unguento virtutum unge; noli metuere, si verè pœnitens & contritus es, ad tuum occursum parem sanguinis defudationem, non enim vindictam hic pretiosus Redemptoris tui sanguis, sed misericordiam clamat & salutem. Quid igitur moraris? Accede, & cum dolorosa Matre ejus Sacratissima illius Vulnera mille amoris osculis excipe; ô quàm bonum, quàm securum erit habitare in Vulneribus JESU Christi: *Memoriam*, ait Mellissuus, *abundantiæ suavitatis horum eructabo, quàm diu vixero: In æternam non obliviscar miserationes istas, quia in ipsis vivificatus sum.* Finio cum devotissimo Kempensi: *Plus, inquit, invenies in Vulneribus JESU Christi, quàm in possessione totius mundi.* O sancta Mater, istud agas, Crucifixi fige plagas, cordi meo validè.

S. Bernhard.  
serm. de pass.  
D. N. J. C.

Th. Kemp.  
Med. 22.  
de Christ.  
pass. cap. 6.





## CONSIDERATIO L.

Dolorosa Mater curat, ut Filius mortuus, & de  
cruce deponens honestæ sepulturæ mandetur.



Et accepto corpore, Joseph involvit illud in Sindone munda, & posuit illud in monumento suo novo.

*Matth. 27. 59.*

1. **N**on sine peculiari causa ac mysterio olim pretiosissimus orbis Reparator Christus seipsum grano frumenti assimilare dignatus est: *Nisi granum frumenti cadens in terram mortuum fuerit, ipsum solum manet: Si autem mortuum fuerit, multum fructum affert.* Ita est, ô mi JESU! *Gratum frumenti eras:* Primò in SS. Conceptione tua, dum de cœlo delapsus in virgineo agro, cui benedixit Dominus, à Spiritu S. disseminatus & implantatus es. 2. *Gratum frumenti eras in admirabili Nativitate tua, dum non inter*

Joann. 12.  
24

Lévit. 2. 10

Levitic. 23.

10

Eccles. 21. 7

S. August. in

Io. Tr. 51.

urbis moenia, sed in campo ab intemerata Virgine in lucem prodire voluisti, ventis, frigori, tempestatibus, aliisque corporis incommoditatibus jam tunc velut granum frumenti expositus. 3. *Granum frumenti* eras in Circumcisione tua, sicut enim ejusmodi granum intus solet esse candidum, foris flavum ac subrubrum, ita & tu, ô mi Redemptor! in tua cruenta Circumcisione factus es candidus & rubicundus. 4. *Granum frumenti* eras in Presentatione in Templo dum velut spica prima virescens, vel ut in apulus primus à pientissima Matre tua cœlesti Patri præsentatus es, iuxta illud: *Feretis manipulos spicarum, primitias messis vestrae ad Sacerdotem, qui elevari fasces coram Domino, ut acceptabile sit pro vobis, &c.* 5. *Granum frumenti* eras in persecutione Herodis & aliorum inimicorum tuorum. Quid enim aspectu vilius grano frumenti? & tamen quid orbi utilius? vilis, inquam, & tu, ô mi Domine! videbaris mundo, imò *vermis & non homo*, cui tamen Angeli & universa Ecclesia accipere assolent: *Tu solus Sanctus, tu solus Dominus, tu solus Altissimus.* 6. *Granum frumenti* eras in ultima Cœna, ubi sub specie panis triticei te ipsum fidelibus tuis dedisti in cibum, & etiamnum hoc Eucharistico pane lassum confirmas cor hominis. 7. *Granum frumenti* denique eras in passione, flagellatione, coronatione, crucifixione, morte & sepultura, quia velut granum in area flagellis tritutus, spinis occatus, pedibus impiorum contritus, aratro crucis mortificatus, ac tandem in horto, velut in agro sepultus es, ut ibi de morte, tanquam granum, resurgens trigesimum, sexagesimum, imò & centesimum fructum referres: *Seipsum*, inquit S. Augustinus, *JESUS granum frumenti dicebat: Ipse erat granum mortificandum, & multiplicandum, mortificandum in infidelitate Judæorum, multiplicandum in fide omnium populorum.* Proinde rectè Poëta de Christo mortuo, & in marmoreo munimento sepulto cecinit:

*Incidit hoc quamvis generosum in marmora granum;  
Latius ad germen gleba nec ulla dabit.*

In quem finem loco Emblematis nostri manum quandam de cœli nubibus prominentem, & grana frumenti in agro disseminantem statuimus, adjectâ & superimpositâ epigraphâ:

Ut surgat in ortum.

2. O pientissima Domina! ô Mater amoris & doloris! transit paulisper hyems heu nimium acerba, transit & imber maximus ac sanguineus, quo totus terrarum orbis à peccatis ablutus & mundatus est. Mortuus est Filius tuus in ligno, & SS. Cor ejus crudeli ferro transverberatum est; nunc apertæ sunt cataraçtæ cœli, & consummata sunt omnia, quæ de illo dicta sunt per



per Prophetas : Tempus modò est, ut hoc saluberrimum frumenti granum terræ mandetur, ac honesto sepeliatur monumento. Accidit hîc dolentissimæ Matri in monte Calvario, ut quondam S. Antonio M. in Thebaidis eremo. Brev. Rom. 15. Jan. Invenit ille S. Pauli primi Erenitæ corpus exanime, genibus complicatis, erectâ cervice, extensisque in altum manibus, & quia sarculum, quo terram effoderet, ad manus non habens anxius hærebat, quomodo hunc sanctissimum Senem sepulchro mandaret; ecce subito duo leones rapido cursu ex interiori Thebaidis eremo ad beati illius Senis corpus ferebantur, qui dolorem ac venerationem suam rugitu ac ploratu edito indicantes, certatim pedibus foveam in modum sepulchri effoderunt, in quod exinde S. Antonius hymnos & Psalmos ex Christiana traditione decantans, S. Pauli exanime corpus, pallio suo involutum, intulit, tumultumque ex Christiano more composuit. Hoc, inquam, & dolorosissimæ Matri post consummatam Filii passionem evenit, cum enim anxia & doloribus penè confecta ad vespèram usque juxta crucem extincti sui Nati consisteret, nec haberet, qui emortuum & excarnificatum Corpus JESU de ligno deponeret, illudque sepulchro inferret, lacrymosè in rupe Golgothæa circumspiciens, ecce tibi subito duos generosos vidit leones, Josephum videlicet ab Arimathea Nobilem Decurionem, qui (prout rectè observat S. Anselmus) ut Ansel. dial. de Pass. D. hanc afflictissimam solaretur Deiparam, audacter ad Pilatum introivit, & petiit Corpus JESU sub nomine hujus dolorosæ Matris, dum inter cæteras rationes huic Romano Præsidi proposuit innocentissimam Matrem ad crucis pedem præ dolore expiraturam, cui saltem hoc solatii concederet, ut corpus vulneratum & exsangue Unigeniti sui, de fatali ligno depositum amplecti, deosculari, lacrymis rigare, ac honesto sepulchro condere liceret: *Tunc Pilatus jussit reddi corpus.* Matth. 27.

Hunc nobilissimum Decurionem ponè secutus est Nicodemus Princeps Judæorum, alter generosus leo, occultus quidem antea Christi Discipulus, sed nunc, deposito omni metu, dolentissimæ Matri sincera sua & in charitate non ficta offerens obsequia. Juvat hîc audire verba dolorosæ Matris: *Deinde, ait ad S. Birgittam, depositus est in cruce, quem ego recepi in genua mea quasi leprosum, & totum lividum; nam oculi ejus erant mortui & sanguine pleni. Os frigidum quasi nix, barba quasi restis, facies contracta; manus quoque sic diriguerunt, quòd non possent deponi, nisi circa umbilicum. Sicut stetit in cruce, sic habui eum in genu; quasi hominem contractum in omnibus membris, &c.* Quàm gratum autem horum duorum verè illustrium virorum ac leonum afflictissimæ Virgini fuerit obsequium, rursus eandem SS. Matrem nostram audiamus: *Jam quasi consolata sum, quòd corpus ejus de cruce depositum contingere potui, & in sinum recipere, vulnera explorare, & tergere.* Jacob quondam, licet in nervo femoris læsus (ex quo vulnere haud dubiè ingentem senserat dolorem) hunc Revel. S. Birgitt. l. 1. cap. 19.



Genes. 32.  
26

Can. 3. 4.

tamen suum fortissimum luctatorem dimittere non voluit, non ignorans, quòd Deum inter brachia stringeret, unde flens & cum lacrymis dicebat: *Non dimittam te.* Et ego Mater, vel potius Matris orbe infelix simulacrum dimittam te, Fili mi? Te Amorem meum crucifixum? Te Deum & omne Bonum meum? stringam de brachiis meis, & fortius tenebo: *Tenui eum, nec dimittam.*

S. Bernhard.  
in Lament.  
B. V.

O anime mi! vide hîc, & considera amorem, & genitus amantissimæ Matris tuæ; dolebat hæc quidem miserandam Filii sui sortem, sed magis doluit nostram conditionem, proinde amarissimis lacrymis peccata nostra deflevit, quippe noverat, ea omnium istarum calamitatum ac cruciatuum, quos unâ cum Filio per omnem vitæ cursum perpessa est, fuisse causam primariam. O lacrymæ meæ! ubi estis? quare non cum lacrymante Matre JESU expeditæ curritis? Si lacrymæ, teste S. Ambrosio, lavant delicta, ignemque extinguunt gehennalem, ô lacrymæ meæ, ubi estis? *Tam piè plorabat B. Virgo, subintrat hîc Mellissus, tam amarè dolebat, quòd sui ploratus pietate multos etiam invitos ad lacrymas provocabat; dolor ejus cunctos intuentes dolore compellebat, vixque lacrymas continere valebant, qui eam plorantem conspiciebant.* Et ego peccatorum coriphæus, mille infernis dignissimus, adhuc persisto immotus? O Domina mea! lugeam ac plangam & ego tecum, donec in hoc mundo vixero: *O quis dabit oculis meis fontem lacrymarum? & plorabo die ac nocte interfectum filia populi mei?*

Isaem. 9. 1.

*Utar ego lacrymis, sed non muliebriter utar;  
Est quoque, qui deceat mascula corda dolor.*

Levit. 14. 7

Exod. 24. 8

Hebr. 9. 22

2. Olim præcepit DEUS, ut homo leprosus, si ab hac fœda corporis infirmitate mundari discuperet, per Sacerdotum manus septies victimarum sanguine aspergeretur: *Quo asperget illum, qui mundandus est, septies ut jure purgetur.* Idem benignissimus DEUS ordinavit, ut in ejusmodi victimis ac holocaustis pacificis, præsertim dum novum fœdus Deum inter & populum erat sanciendum, sanguis victimarum à Moyse in populum spargeretur: *Ille verò sumptum sanguinem respersit in populum, & ait: Hic est sanguis fœderis, quod pepigit Dominus vobiscum,* reliquum autem victimarum sanguinem voluit super altare profundi: *Partem autem residuam fudit super altare.* Adverte, prudens Lector! unica cruoris stilla sufficiebat unicuique de populo ad expiationem, quia olim omnia penè in sanguine secundum legem mundabantur, & sine sanguinis effusione non fiebat remissio; sed tandem omnis reliquus sanguis super altare holocausti effusus est: *Partem autem residuam fudit super altare.* Magnum hîc latet mysterium, attentum te esse cupio.

Dic, obsecro, an non universum genus humanum peccati leprâ erat infectum? ad hanc ergo expiandam à Patre in victimam destinatus est ipse innocentissimus Filius & agnus imaculatus, cujus sacrosancto sanguine non unâ duntaxat vice, sed septies aspersi, & sic livore ejus à peccati lepra sanati sumus;

sumus: Quo asperget illum, qui mundandus est, septies, ut jure purgetur; septem Levit. 14. 7  
autem ejusmodi aspersiones fuerunt septem Divinissimi Sanguinis effusiones.  
1. In circumcisione. 2. In agonia in horto. 3. In flagellatione. 4. In  
coronatione. 5. In vestium detractone. 6. In crucifixione. Et 7. in  
SS. Lateris & Cordis apertione. O quàm copiosa apud Dominum est re-  
demptio! populo illi Israëlítico ad expiationem, novumque pactum cum  
DEO formandum unica sufficit sanguinis stilla; & pientissimus JESUS  
omnem pro nobis exponit: ô extasin amoris!

Verùm observa ulterius. Moyses in ejusmodi lustrationibus aquam san- Cornel. hic.  
guini adhibebat, ne sanguis, prout fieri assolet, mox in unam massam concre-  
ceret, sed liquidior ac sparsibilis, adeoque aspersioni in tantum, ac tam nume-  
rosam populum idoneus permaneret. En rursus perelegantem typum san-  
guinis & aquæ ex latere & Corde Christi promanantium, atque à peccati le-  
pra nos misericorditer abluentium: Qui dilexit nos, & lavit nos à peccatis no- Apoc. 2. 5.  
stris in sanguine suo.

Partem autem residuam fudit super altare. Supra quod pulcherrimè do-  
ctissimus Fineti: Maria Virgo, inquit, erat primum altare, supra quod juxta Fineti in  
D. Paulum à Christo primum Sacrificium DEO T.O.M. litatum est, in hujus Reflex. Spi-  
enim virgineo pectore ac sinu requiescens tenellus Infans JESUS in Sacrificium rit. de inter-  
matutinum se pro mundi salute præsentavit: *Ingrediens mundum dicit: Ho-* no B. V.  
*stiam & oblationem noluisti; Corpus autem aptasti mihi: Holocausta pro pec-* martyrio.  
*cato non tibi placuerunt, tunc dixi: Ecce venio, &c* Tandem verò consumatâ Hebr. 10. 5  
passione in eodem Virginis & Matris pectore ac sinu in Sacrificium vesperti-  
num in Calvaria monte se obtulit, ubi omnis reliquus sanguis super hoc my-  
sticum altare, hoc est, super Cor dolorosæ Matris effusus est: *Partem autem*  
*residuam fudit super altare.* Audi hic devotissimum Taulerum, ita hanc mee-  
tissimam Deiparam alloquentem: *Cor tuum*, inquit, ô Virgo, non semel, sed Tauler. cap.  
plùs centies scissum est; neque aliquid sub tuo aspectu Filio molestia illatum est, 44.  
quod non secuerit Cor tuum; ac tunc præsertim, quando depositum de cruce  
dilectissimum Filium materno gremio excepisti, eiusque plagas omnes pro-  
pius es intuita; ibi, ibi factum est SS. Cor tuum altare suavissimi thymiamatis  
usque ad Cor Patris ascendentis.

4. De Luciano Antiocheno Presbytero & Martyre gloriosissimo refert Justin. Mic-  
Justinus Micchoviensis, quòd ultimam Missam super altare Cordis sui cele- chov. O. p.  
bravit. Erat is cum aliis Christianis in teterrimo carcere inclusus, & nunc ad in Lit. B. V.  
mortem destinatus, ut sequenti luce pro Christi fide cum aliis captivis Disci- Fir. Regiæ  
pulis trucidaretur. Missam adhuc dicere placuit, ut se, aliosque martyrii Can- Martyr.  
didatos Sacratissimo Viatico reficeret, & ad cruentam pugnam præmuniret;  
verùm cum illo squallido carcere non haberent altare: *Altare*, inquebat, *crit*  
*nobis hoc pectus meum*, in qua viva ara Sacrificium DEO fecit, seipsum exinde  
in hostiam & victimam cruentam pro fide Orthodoxa offerens. O



Arnoldus  
Carnot. Tr.  
de 7. Verb.  
Dom.

O dolorosissima Mater! quid dico? an non SS. Cor tuum, dum Filium de cruce depositum gremio tuo gestabas, simile vivum altare fuit, in quo de-  
nub æterno Patri eundem hunc dilectissimum Filium in Sacrificium vesperti-  
num obtulisti? Ita Arnoldus Carnotensis: *Ipsa, ait, seipsam mactans in altari, ligna & flammæ congeriebat. Altare erat in corpore Filii.* O cruentum & lacrymabile Sacrificium! ô nimis lugubre, & omnium lacrymis dignissimum spectaculum! videre DEI Filium, innumeris plagis saucium, occisum, excarnificatum, & in pectore ac sinu afflictissimæ Matris, antequam inferatur tumulo, quiescentem! O mortales omnes! venite, & videte, an sit dolor sicut dolor dolorosæ Matris? Audiamus iterum Poëtam:

*Te ne ego (nec movear) videam, mæstissima Matrum.*

*Complexam Nati membra cruenta tui?*

*Equè tuis oculis super illius ora cadentes*

*Aspiciam lacrymas, contineamque meas?*

*Ecce suo tecum rerum natura parenti*

*Ingemit, & quo tu funere læsa dolet.*

*Unus ego immotus funus tam flebile possim*

*Et tua non madidis ora videre genis?*

*O mihi contingat simili tabescere luctu!*

*Felix, si lethi causa sit ista mei.*

§. Sed jam tempus est, ut sacrum pignus & exsangue Corpus JESU se-  
pulchro mandetur, cum enim advesperalceret, & inclinata esset dies, duo illi  
Religiosissimi viri Josephus ab Arimathæa & Nicodemus timentes, ne legem  
ob primas magni imminenti Sabbathi vesperras transgrederentur, impensius  
dolorosissimam Virginem rogârunt, quatenus sibi ac præsentibus amicis di-  
lectissimum Filium suum ad inungendum, & sepeliendum dimitteret. Hic  
novus luctus, novus ploratus; non abnuuit tamen dolentissima Mater, quia  
semper voluntati Divinæ erat conjunctissima; in quem finem ipsa diadema  
regium cruentis spinis horridum propriis & cruentatis manibus revulsit, ubi  
adimpletum illud Prophetæ vaticinium: *Et sanguis sanguinem tetigit.* Inter-  
rim dum exanime Corpus JESU super unam petram subalbam collocatur,  
atque pro more gentis pretiosis ad sepulturam unguentis præparatur, ipsa  
mæstissima Virgo, teste Metaphrasæ & Nebridio, *collegit spinas & pulverem  
sanguine & aquâ de latere fluente conspersum, & servavit.* Quod pariter confir-  
mat doctissimus Quaresmius: *Sæcerrima Virgo, inquit, magna cum reverentia  
collegit, quantum licuit sanguinem: imò & ferreos clavos, quibus sacrum Chri-  
sti Corpus in cruce fixum erat (eodem attestante Quaresinio, ac cum primis S.  
Bonaventura) in depositione Filii de cruce in sinu collegit, ac imposterum  
pro suo solatio secum retinuit, ut sic dilectissimi Filii sui mortem non tam  
præteritam meminisse, quàm quotidie præsentem posset intueri.*

Ut verò satis inunctus erat Jesus, accepit eum SS. Mater, & Corpus ejus mun-  
dissimâ involvit sindone. O anime mi! si vidisses hîc luctuosam illam proces-  
sionem

Of. 4. 2.  
Metaphrast.  
die 15. Au-  
gust. apud  
Baron. num.  
132.

Nebrid.

cap. 21.

Quaresm.  
Tom. 2. c. 11.  
sect. 1.

S. Bonavent.

in Medit.

vit. Christ.

cap. 81.

Revel. 5.

Birg. lib. 1.

cap. 19.




sionem, quā ad tumulum, vel in scala, vel in feretro, vel potius propriis amicorum manibus ferebatur ille, sub quo curvantur, qui portant orbem, & qui tribus digitis appendit molem terræ? Quid pensāsses? Quid dixisses? Interim levatur funus de terra, & fit inter hos primos Christi fideles amabilis contentio, non quis eorum videretur esse major, sed quis prior hoc Divinissimum funus posset attingere, & propriis ad destinatum monumentum manibus portare, hinc sapius mutabant vices, ut quilibet exinde gloriari posset, à se in sepulchrum Servatorem mundi esse illatum; omnes hic euntes ibant, & flebant, super omnes autem Mater miserabilis, quia præ omnibus amabat. Ah quoties in cœlum ingeminabat: *Fili mi JESU! JESU, Fili mi! quis mihi det*, 2. Reg. 18. *ut ego moriar pro te, & unā tecum hodie in horto consepeliar?* 38

6. Vidua illa in Naim ponē catalectum filii sui, præmaturā morte defuncti, sequens, in amaritudine animæ suæ hoc solatiū à Christo audire meruit: *Noli flere*. Verumenimverò nullum hīc aderat mœrentissimæ Matri Unigeni- Luc. 7. 13 tum suum ad sepulchrum comitanti solatium; & si ipsi Angeli pacis, qui tanquam atomi hoc lacrymabile Creatoris sui funus ad sepulturam comitabantur, amarissimè flebant, quomodo ergo solari poterant illud dolentissimum Cor Virginis, quod erat congregatio omnium dolorum, quemadmodum mare omnium est aquarum? O gloriosissime cœli Princeps, salutis humanæ Nuncie, ac paranymphe Spiritūs Sancti! te inclamo, ô S. Gabriel! an non SS. Virginem olim in ædibus Nazarethanis salutasti: *Ave gratiā plena, Dominus tecum*; Luc. 1. 28 *benedicta tu in mulieribus*? Quomodo gratiā plena, quæ nunc doloribus superabundat? Quomodo Dominus tecum, si eam tot apprehenderunt mala? quomodo benedicta in mulieribus, cujus Filius maledictum in ligno maledicto factus est? Sed altum hīc erat in cœlo silentium. Tu hæc inter, anima Christiana, adverte, alia divina, alia humana esse judicia, sic nimirum placuit Divinæ Providentiæ ac Bonitati, ut Mater Christi fieret novissima fœminarum, ut postmodum jure merito exaltari posset super omnes choros Angelorum. Disce hīc humiliari, terra & cinis! disce pati, & lubenti animo cum dolorosissima Matre omnia quæcunque sustinere adversa, quia his omnibus dignum est cœlum calamitatibus: *Non sunt condigna passionibus hujus temporis* Rom. 8. 18 *ad futuram gloriam, quæ revelabitur in nobis*.

Ad sepulchrum in petra viva excisum ubi tandem perventum est: *Deinde*, S. Birgitt. sunt verba dolorosæ Matris, deposuerunt eum in sepulchro. O quā libenter tunc po- lib. 1. c. 10. sua fuisset viva cum Filio meo, si fuisset voluntas ejus. Et in alio loco: Verè dicere pos- Lib. 2. c. 21. sum; quod sepulto Filio meo quasi duo Corda in uno sepulchro fuerint: nunquid non dicitur, ubi est thesaurus tuus, ibi est & cor tuum? Sic in sepulchro Filii mei semper cogitatio & cor meum versabatur. Tandem peractis omnibus, mœstissima Mater ad circumstantes amicos conversa eis peramanter benedixit, humilesque de tanto exhibitio obsequio grates persolvit; credo, hisce eam usam verbis, quibus olim David viros Jabes ob sepulcrum Regi Sauli datam commendavit: *Benedicti vos Domino, qui fecistis misericordiam* 2. Reg. 2. 5. *hanc cum Domino vestro, & sepelivistis eum, & nunc retribuet vobis quidem Dominus misericordiam & veritatem, sed & ego reddam gratiam, &c.* Audis hoc, mi Lector! ama dolorosam Marrem, & illa reddet gratiam.

## CONSIDERATIO LI.

Dolorosæ Matri in Passione Filii comes indivulsa  
Maria Magdalena, crucifixum Amorem suum deplorans.



Erat autem ibidem Maria Magdalena & altera Maria sedentes contra sepulchrum. *Matib. 27. 61.*

Lib. 3. El-  
dra cap. 3.  
v. 18.

**I.** Am olim in aula Darii Persarum Regis pulcherrimum hoc problema discussum, atque ventilatum est, quidnam in orbe terrarum fortissimum? Num vinum, Rex, Mulier, an veritas? Forte vinum; Noëmum consule post diluvium in vinea sua inebriatum, Loth vino nimio madentem, Holofernem vino sepultum, aliosque innumeros, de quibus Ecclesiasticus: *Propter crapulam multi obierunt, &c.* Fortis Rex, ad cujus nutum & imperium, regnum pendet universum; ita de Alexandro Machabæorum Liber primus: *Pertransiit usque ad fines terræ; & accepit spolia multitudinis gentium;*

Ecc. 37. 34  
1. Mach. 1.  
3.



rium; & siluit terra à conspectu ejus. Fortis Mulier; Samsonem interroga mortalium omnium facile robustissimum, Davidem Regem sanctissimum, Salomonem sapientissimum, à mulieribus victos, fractos, delusos. Fortis veritas, & si Zorobabelem consulimus, *Super omnia vincit, ac prævalet, &c.*

Quidquid sit de hoc problemate, fortior & major horum omnium est charitas, quæ vincit, ac prævalet, hæc enim omnipotentem DEUM ligavit, ut de cælo in terram descenderet, homo fieret, tanta ac tam indigna pro mortalium salute pateretur, ac denique in infami crucis patibulo amoris victima occumberet: *Quid amore*, subintrat hic Mellissus, *Violentius? Triumphat de DEO amor.* Unde in Canticis dicitur: *Fortis ut mors dilectio.* Hinc tot Sancti ardentissimis optârunt votis quancunque pro Christo subire necem, quorum charitas omnino erat insaturabilis, nam quò magis Crucifixum suum diligebant amorem, eò ampliùs diligere discupiebant, *modus enim diligendi DEUM, est amare sine modo*, ita dictus Mellissus.

S. Bernhard.  
serm. de Pass.  
Cant. 8. 6  
S. Bernhard.  
lib. 4. Pasc.  
cap. 5.

Tali in DEUM & Hominem Christum ardebat amore felix illa peccatrix, omniumque pœnitentium fidiſſimum speculum Maria Magdalena, quam tot profusi lacrymarum rivuli, quibus offensam summi Boni, atque demerita sua à die conversionis suæ usque ad supremum vitæ suæ diem deplanxerat, satis luculenter demonstrant. Et si olim Judæi ex visis Christi lacrymis, quibus Lazarum amicum suum deplorabat, hanc arguebant consequentiam: *Ecce quomodo amabat eum*, rectè & nos ex lacrymis pœnitentis Magdalene concludimus: *Ecce quomodo amabat JESUM*, quem per omnem passionem cum dolorosissima Matre tanquam comes indivulsa nunquam deseruit, imò & de novo, sicut priùs in convivio, ejus sacratos, dirissimisque clavis perforatos pedes lacrymis suis rigavit, abluit, deterſit: *Oculis inundantibus*, ait B. Damianus, *vestigia Salvatoris infudit, &c.* Proinde huic Divæ non incongruè pro Symbolo telam candidam in aprico campo radiis solaribus expositam, & aquarum guttulis desuper rigatam statuimus, cum Lemmate:

Ioan. 11.  
36  
Luc. 7. 38

## A lacrymis candor.

O bona lacryma, exclamat S. Ambrosius, in quibus est redemptio peccatorum! veniam non postulant, & merentur; causam non dicunt, & misericordiam consequuntur. A lacrymis candor. Progrediamur ulterius.

S. Ambros.  
l. 2. in Luc.  
& serm. 46.  
de Pœnit.

2. Ubi justissimus scelerum Vindex DEUS totum terrarum orbem innumeris cumulatam sceleribus per universale diluvium purgavit, & nunc in suam gratiarum actionem justus Noë, quòd ab interitu cum omni familia sua tam misericorditer fuerit præservatus, pinguiſſimum Sacrificium de animantibus mundis in aprico campo DEO T.O.M. litavit; ecce dum fumus



Genes. 9. 12

pinguis & odor holocaustorum sursum in aëra ascendit, de cælo vicissim nova gratia & pax Divina descendit, DEUM inter & Hominem de novo confirmata ac stabilita, in cuius rei signum in superiori aëris regione Arcus miri splendoris apparuit, qui Noëmo, filiis ac posteris ejus nonnisi læta ac prospera præsignavit: *Hoc signum fæderis, quod do inter me & vos, & ad omnem animam viventem, &c.*

Seneca l. 1.  
Nat. quæst.  
cap. 6.

Per hunc arcum rectè in typo Christus JESUS & hic Crucifixus præsignatus est, per quem genus humanum cum Patre reconciliatum fuit; solet autem arcus per reflexos solis radios in nube rorida recipi: *Arcus*, inquit Seneca, *meridie ortus, magnam vim aquarum vehit, circa occasum vorabit, &c.* Anime mi! reflecte paulisper tua in dolorosissimam Matrem lumina, & in dolorum ejus sociam Mariam Magdalenam, juxta crucem stantes, & quid cernes aliud, quàm nubem roridam, & pluviam, non cruentam duntaxat de Vulneribus crucifixi JESU, sed & ex oculis illarum piissimarum mentium largissimè promanantem: *Magdalena*, inquit Tilmanus, *erat nubes rorida & pluvia.* O pluvia salutaris! si jam tunc convivio Simonis, dum lacrymis cœpit rigare pedes JESU, ab ore Veritatis audire meruit: *Remittuntur ei peccata multa, quia dilexit multum;* quid nunc sentis, pie Lector, dum plorantem sub cruce contemplaris Magdalenam, in SS. Sanguine Agni dealbatam? *En*, inquit S. Chrysologus, *mutatur ordo rerum; pluviam terra dat cælum semper: Ecce nunc rigat terra cælum; lacrymis rigabat pedes ejus.* O quanta vis in lacrymis peccatorum! *rigant cælum, terram diluunt, extinguunt gehennam.* O anima Christiana! licet innumeris obnoxia sis peccatis, quid fugis à crucifixo JESU?

Tilman. in  
allegoriis.  
Luc. 7. 47

S. Chrysol.  
serm. 93.

Psal. 102. 3

Ecce cum Magdalena confidenter & in animo contrito, ac verè humiliato, ad crucifixum Amorem tuum accede, ille enim est, qui propitiatur omnibus tuis, qui sanat omnes infirmitates tuas; qui redimit de interitu vitam tuam, &c. Plorabat quidem Maria Magdalena in domo Pharisei, sed tunc temporis intervallo adhuc ignorabat, quàm immenso sanguinis pretio forent Domino luenda illa, quæ deplangebat delicta; verùm cum nunc vidit Dilectum suum, quem firmissimâ fide DEUM & Hominem credidit, in Calvario monte suffixum cruci, & ex quinque sacris Vulnerum canalibus copiosissimum Sanguinem pro remissione peccatorum suorum profundentem, ah quis dicet, quantum creverit mentis ejus & dolor & amor in JESUM? En formam habes, anima Christiana! quam imiteris; illa ubi semel culpam suam agnovit, non amplius DEUM offendit, & tu, ah misera! quoties redis ad vomitum?

3. Et quis, obsecro, non obstupescat, dum animo attentiore considerat, quòd B. M. Magdalena Sanctissimæ Deiparæ intima, familiarissima, ac quodammodo domestica fuerit? quæ Sacratissima & intemerata Virgo, licet Seraphinis purior, cum hac tamen pœnitente peccatrice intinè conversar-

far.

fari minimè dedignata est; & quemadmodum Filius publicanos & peccatores non respuebat, sed inanducabat, & conversabatur cum illis, ita quoque hæc Beatissima Virgo & Mater doloris & amoris hanc peccatricem, super nivem nunc dealbatam, benignè complexa est, eamque in sociam pluribus annis adhibuit, unde neque in cruenta Christi passione ab hac mœstissima Matre separari voluit. Juvat hîc audire S. Anselmum, qui afflictiſſimam Deiparam pro eo tempore, quo dilectissimum Filium suum ad mortem damnatum, & crucis ligno onustum ad Golgothæum montem inter latrones procedentem conspexit, ita loquentem introducit: *Unâ cum Maria Magdalena per viam objacentis plateæ, circa quendam fontem cucurrimus, quatenus illi obviam veniremus, & cum veniremus juxta fontem, obvium habuimus Filium meum deformatum, pressum omni dolore, qui benignè se inclinans, ad me dicebat: Ave Mater, ac si diceret: Gratiâs tibi debeo, electa Mater mea! pro multimodis beneficiis mihi impensis, & pro multo labore, quo in summa paupertatis abjectione enutrivisti templum corporis mei, & nunc in destructione constitutum inter contumelias & opprobria sequi non dedignaris, nec vereris, quamvis omnibus contemptui habeamur.*

Promiserat quidem Petrus prius Magistro suo fidelitatem nullis periculis, nullisque separandam cruciatibus: *Domine tecum paratus sum & in carcerem & in mortem ire.* Thomas similiter ad eandem necem cum Christo perferendam ultrò se obtulit: *Eamus & nos, ut moriamur cum eo.* Similiter Ioann. 11. & reliqui Discipuli cum Christo in ultimâ Cœna mensæ accumbentes fecerunt. Verùm cum nunc aliam rerum faciem vidissent, & Magistrum suum captum, vinculis constrictum, mortique traditum: *Tunc Discipuli omnes relicto eo fugerunt.* Non sic cum Matre dolorosa Mar. Magdalena, non sic: *Surgam, inquit, & circumibo civitatem, per vicos & plateas quam, quem diligit anima mea: Quæsi vi illum, & non inveni. Invenērunt me vigiles, qui custodiunt civitatem: Num quem diligit anima mea, vidistis? Paululum cum pertransissem eos, inveni, quem diligit anima mea: Tenui eum, nec dimittam.* Sed dic, obsecro, ô Magdalena! ubi eum invenisti? *In lectulo, reponit; & qualis ille lectulus Dilecti tui? Lectulus, inquit, floridus floridi Nazaræi mei non est alius quàm crux: Hic tenui eum, nec dimittam; hîc sedens secus pedes ejus, audiam verbum illius; hîc sub umbra illius, quem desideraveram, sedebo, & fructus ejus dulci gutturi meo; hîc, cum Rex meus est in accubitu suo, nardus mea dabit odorem suum. O beatissima peccatrix! verè optimam partem elegisti, dum JESUM & hunc Crucifixum elegisti: Gratia tibi, subintrat hîc S. Bernhardus, ô beatissima peccatrix! S. Bernhar-*  
*ostendisti mundo tutum peccatoribus locum, pedes scilicet JESU, qui neminem spernunt, neminem projiciunt, neminem repellunt, suscipiunt omnes, &c.* Et  
*quid tu hîc agis, ô mi Lector?*



Brev. Rom.  
23. Nov.

4. De S. Clemente Pont. Max. perhibetur, quòd, cùm vitæ Sanctitate & doctrinâ Gentiles plurimos ad fidem Christi Romæ convertisset, à Trajano Imperatore in exilium trans mare Ponticum relegatus sit, ubi in solitudine Chersonese duo Christianorum millia invenit, qui ab eodem Imperatore in hunc locum ad eruenda & secanda marmora condemnati fuerant, quibus ingenti siti laborantibus in colle Agnum Divinum ostendit, sub cujus pedibus fons vivus in salutem eorum emanabat.

Anima Christiana! respice in montem Calvarium, ubi pari ratione Agnum illum immaculatum pro salute universorum in ara crucis immolatum cernes, sub cujus pedibus non dissimilis fons vivus emanat, fons videlicet lacrymarum dolentissimæ Matris ejus & M. Magdalenæ, irremediabilibus lacrymarum rivulis Amorem suum crucifixum deplorantium, ac tunc præsertim, quando corpus JESU emortuum, de ligno depositum, super lapidem collocatum, à sanguine purgatum, & pretiosis aromatibus inunctum est: *Resonabat*, inquit S. Laurentius Justinianus, *locus ille clamoribus, aspergebatur lacrymis, ac gemitibus replebatur*. O quàm lugubre erat spectaculum, afflictissimam videre Matrem, Filium suum occisum in sinum suum excipientem, os, oculosque claudentem, vulnera explorantem, spineum sertum è Filii capite non sine cruenta manuum punctione revellentem! S. Anselmus, *accurrens Joannes Evangelista concidit super pectus JESU, plorans, & dicens: Heu, heu de isto pectore heri potabam dulcia, hodie tristitia, &c.* Magdalena autem pro more suo ad pedes Christi accedebat: *Virgo*, ait S. Bernhardinus, *caput Magdalena vero pedes est amplexata*; & Simon de Cassia: *Domipicos pedes illico recognovit, ad quos admota multorum peccatorum remissionem acceperat*. Et si quondam Sunamitis illa ad pedes Elisæi Prophetæ prostrata lacrymando filii sui imaturâ morte extincti meruit obtinere resurrectionem: *Cumque venisset ad virum DEI in montem, apprehendit pedes ejus*. Quid de B.M. Magdalena sentiendum, quæ sacros & perforatos Domini pedes osculando, & lacrymis suis rigando, ac abluendo non poterat satiari: *Magdalena*, subintrat hîc rursus S. Bernhardinus: *prostravit se ad pedes Domini, ipsos osculando, & suis solitis lacrymis balneando, & clamando dicens: O sanctissimi pedes, vos docuistis me, quo pacto debeam ausugere, & exire de manibus diaboli, &c.*

O anima Christiana! quid agis? Magdalena semper, ubi cum Christo fuit, locum ad pedes ejus elegit; in convivio Principis Phariseorum, ubi lacrymis cœpit rigare pedes JESU, in cœna Bethaniæ, ubi caput & pedes Domini pretiolo nardi pistici unguento inunxit; in domo Marthæ, ubi ad pedes Christi sedens audiebat verbum illius; ad monumentum Lazari, ubi ad pedes Salvatoris prostrata rogabat: *Domine! si fuisses hic, &c.* In monte Calvario, ubi cum Matre dolorosa sub pedibus crucifixi Amoris sui steterat; & in eodem loco, ubi mortuo & de crucis ligno deposito denuò lacrymis suis pedes

S. Laurent.  
Justin. de  
agon. Chr. st.  
cap. 21.

S. Anselm.  
Traçt. de  
Pass. Dom.  
S. Bernhar-  
din. serm. 45.  
in ser. 6. Pa-  
cascev.  
Simon. de  
Cass. lib. 9.  
cap. 33.  
3. Reg. 4.  
27

pedes abluit, &c. Magdalena, subintrat hîc S. Gregorius Nyffenus, *sensibus & membris omnibus, quibus peccaverat Mulier, pœnitentiam egit: Nos verò verbis quidem pœnitentiam pollicemur, factis verò nihil studii, laborisque præstamus, sed eâdem vivendi consuetudine utimur, quâ prius.* Si ergo cum Magdalena DEUM nostrum offendimus, quare non cum illa ad pedes crucifixi JESU prosternimur? Illa in eremo triginta annis austerissimam egit pœnitentiam, ad crucis effigiem, quam ei S. Michaël præfixerat, assiduò sua deflens peccata, licet jam pridem remissa; nos longè culpabiliores sumus Magdalenâ: Heu ubi nostræ sunt lacrymæ? Ubi vera & seria pœnitentia? Et quid tandem de nobis fiet?

S. Bernhar-  
din. loc. cit.  
S. Gregor.  
Nyff. orat.  
in eos, qui  
acerbius  
alios judi-  
cant.

§. O sancta & inclyta Pœnitens! olim vesani amoris mancipium, nunc Sponsa Christi, cui te ulteriùs comparabo? Si Christus JESUS & hic Crucifixus magnes est, tu ferrum eras, nescio quâ arcanâ amoris sympathiâ ad centrum suum attractum? Olim ferrum Elisæi in aquarum profundum delapsum, ultrò ad lignum natavit: *Præcidit ergo lignum, & misit illuc: natavitque ferrum.* Et nunquid hoc ferrum (Magdalena) mirabili amoris impulsu ad lignum crucis natavit? Audi Ecclesiam in hymno: *Ad stare non timet cruci, sepulchro inhaeret anxia; truces nec horret milites; pellit timorem charitas.* O si simili affectu & amore crucifixum Amorem nostrum diligeremus! quotidie JESUM in cruce pendentem intuemur, & nulla in eum cômiseratione tangimur?

4. Reg. 6. 6

Zach. 13. 3

Si Christus JESUS & hic Crucifixus fons est, de quo Zacharias: *In illa die erat fons patens domui David, & habitantibus Jerusalem in ablutionem peccatoris.* Tu, ô sancta peccatrix, cerva sitibunda & amoris telo saucia fuisti, quæ magno impetu ad hunc gratiarum fontem anhelasti, lacrymas taas cum pretioso Redemptoris tui Sanguine cômiscens, & vas tibi de eodem Divino cruore pro tuo implens solamine. O spectaculum lugubre! natabat humus SS. Sanguine JESU, & natabant lacrymis Magdalene oculi. O quàm prompto animo cum Christo sanguinem tuum fudisses, si ita DEI voluntas fuisset. O cor meum! ad quid jacturæ vel levissimæ illacrymaris, & cum JESU crucifixo non doles? quousque cordurum erga illum geres? Ergo in signum veri ac sinceri amoris nec unam dabis lacrymulam?

Si Christus JESUS & hic crucifixus Mercator ille est, qui pro una pretiosa margarita vendidit omnia, quæ habuit, & emit eam. Tu, ô sanctissima Pœnitens! pretiosa illa margarita extitisti, pro qua Negotiator ille cœlestis in cruce dedit omnia, quæ habuit, imò & ultimam sanguinis stillam, unde Ecclesia: *Amissa drachma regio recondita est arario, &c.* Si ille Sponsus sanguinum: tu Sponsa hujus Dilecti, cujus sanguis ornavit genas tuas. Si ille Pastor bonus, qui in cruce animam suam posuit pro ovibus suis: tu prima ovicula, ab illo inventa, & proprio sanguine illius proluta, atque abluta. O Christiani! subintrat hîc antiquissimus Origenes: *Sequamur hujus Mulieris*

Matth. 13.  
45

afte-



360 *Confid. LI. B. Virgini comes indivulsa M. Magdalena.*

hom. de  
M. Magd.

*affectum, ut perveniamus ad effectum: ploret unusquisque ad Jesum & quærat fideliter JESUM, quia non celavit se quærenti peccatrici. Disce, peccator homo, à peccatrice muliere, cui tamen dimissa sunt peccata sua. Disce plorare DEI absentiam, & considerare ejus præsentiam. Disce à Maria Jesum amare, & in Jesum sperare, & quærendo Jesum investigare, nulla adversa formidare, nullam extra Jesum consolationem accipere, omnia propter Jesum continere.*

2. Mach. 1.  
22

6. In Machabæorum Libro secundo refertur, quomodo aqua crassa fuerit mutata in ignem: *Utque tempus affuit, quo sol refulsit, qui prius erat in nubo, accensus est ignis magnus, ita ut omnes mirarentur. Audeo dicere, lacrymas pœnitentis Magdalene in ignem fuisse mutatas, erat enim tota charitate ignita ab illo tempore, ex quo gratiarum Sol mitissimus Jesus illi primò in convivio affulsit, unde hunc ignem nec maria nec flumina passionum & dolorum, quos unà cum Christo patiente & dolentissima Matre in animo perpeffa est, poterant obruere: Attendite, ait S. Thomas Villanovanus, quâ dilectione prosequabatur virum Magistrum, quâ etiam pro mortuo se exponit morti, non minus pro defuncto, quam prius fuerat officiosa viventi.*

S. Th. Villanov. in  
conc. de S.  
Magd.

Luc. 7. 13

Olim pientissimus orbis Reparator Christus Viduæ in Naim lacrymas interdixit: *Noli flere*; sed de B. Magdalena non legitur, quòd aliquando Christus ejus lacrymas culpaverit, sed potiùs ipse ad fletum eam magis stimulavit, dum contra murmurantem Pharisæum illam defendit: *Aquam pedibus meis non dedisti: hac autem lacrymis rigavit pedes meos, & capillis suis terfit.* Ratio est, quia Mulier illa Vidua non sua delicta, sed imaturam filii sui necem deploravit, non autem placent Christo ejusmodi lacrymæ inanes; verùm M. Magdalena sua peccata animitus & amarissimis deplanxit lacrymis, ac tunc præsertim, quando Salvatorem mundi ob delicta sua ac totius mundi ab impiis captum, flagellatum, ferto spineo coronatum, ad mortem condemnatum, in cruce pendentem, ac denique mortuum & extinctum conspicata, atque contemplata est? *Non fudit sanguinem, ait Os Aureum, sed fontes lacrymarum profudit, & delevit peccata sua.* O beati, qui taliter lugent! Anima peccatrix, quid hæres? Ad quid stulto dolore & planctu pro rebus temporalibus consumeris? Ob pomum ereptum, ob levissima ploras crepundia; perdis DEUM per peccatum, & rides? *Nulla res, inquit Paulus de Palatio, in hoc saculo digna fletus est, nisi peccatum; & Mellissiuus: Funde lacrymas ad Crucifixum, nam te salvare paratus est, qui pro te talia passus est.* A lacrymis candor.

S. Chrysost.  
serm. 93.

Paul. de Palat. in c. 5.  
Matth.  
S. Bernh. de  
Cœna Dom.

## CONSIDERATIO LII.

Perpenduntur rationes , quare B. Virgo & Mater  
Dolorosa non unà cum Filio fuerit immolata?



Non moriar, sed vivam, & narrabo opera Domini.

*Pfal. 117. 17.*

**I.** Ecce amarissima Christi passio à Vate Regio mari turbido comparata est, in quo mitissimus orbis Reparator Christus, velut alter Jonas, ut alios ab interitu salvaret, *Jonæ. 1. 5* projectus fuit; audi ipsum Psalterium Regium in persona Christi patientis loquentem: *Intraverunt aquæ usque ad animam meam: Veni in altitudinem maris, & tempestas demersit me; ubi observandum, benignissimum Redemptorem à Propheta homini naufraganti assimilari, qui è fracta navi ventorum & procellarum vi excussus in ima* *psal. 68. 1*  
*Mater Dolorosa.* *Z z* *decidit.*



decidit, unde emergens pro supremo solatio non aliud habet remedium, nisi lignum, seu navis contrafacta tabulam, quam summâ animi cum aviditate apprehendit, ipse fretus, se ope hujus ligni adhuc ad optatum salutis portum evasurum; verum magis magisque procellarum vi & mole fluctuum protrusus, tandem usque ad altitudinem maris & in ejus profundum devolvitur, ubi ab omnibus derelictus miserandum in modum submergitur. Ita, inquam, accidit pretiosissimo animarum nostrarum Redemptori Christo JESU, cum enim hactenus per varias persecutionum, pœnarum, ac dolorum procellas in passione sua fuisset jactatus, & agitatus, tandem apprehendens lignum crucis, in quo genus salvaret humanum, olim per lignum scientiæ boni & mali in paradiso destructum, ipse in altitudinem maris devenit, & miserandum in modum per tam cruentam tempestatem submersus est: *Veni in altitudinem maris, & tempestas demersit me.*

Psal. 68. 1

Huic dilectissimo Filio suo, in hoc luctuosissimo passionis naufragio submerso, individuum ac fidelissimam sociam sese adjunxit B. Virgo & Mater dolorosa, cujus dolor & afflictio tantus extitit, ut à Divino Vate pari ratione cum immenso maris æstu compararetur: *Magna est, velut mare, contritio tua.* Observa nîc, prudens Lector, quòd Propheta Threnologus in primo mentis obtutu nescierit, quomodo, ac qualiter, & cum quibus compararet tantos ac tales Virginis Matris dolores: Cui, inquebat, *comparabo te, vel cui assimilabo te, filia Jerusalem? cui exequabo te, Virgo Filia Sion?* Si te volo comparare virgæ Aaronis? heu nunc in passione & morte filii sicca & arida facta es. Si flori campi & lilio convallium? Sed nunc cecidit flos & lilium elanguit. Si rosæ in Jericho? Ab nunc illi spina est sola superstes. Si Mulieri amictæ sole? Verum & ipse nunc mundi oculus, serenissimus Sol obscuratus est. Si Lunæ perfectæ? O Superi condolete, heu nunc versa est in sanguinem; audi Poëtam.

Threno. 2.  
13

Num. 17. 8  
Cant. 2. 1  
Ecclef. 27.  
18

Apoc. 12. 1  
Joël. 13. 1

*Pallida luna pluit, sed non nisi tu scelerate  
Causa hujus luctûs, atque doloris eras.*

Hugo à S.  
Vict. ibid.  
quem citat  
Finetti in Re-  
flex. Spirit.  
de B. Virg.

Cui ergo te comparabo, ô Virgo & Mater omnium afflictissima? & tandem subjungit Propheta: *Magna est, velut mare, contritio tua;* Supra quod Hugo à S. Victore: *Mirum, inquit, valde est, quòd calamitatem ejus nulli coaquari posse commemorat; & statim magnitudinem maris ei in comparatione coequat; & cur hoc? Causam subjungit idem Hugo: Quemadmodum mare super omnes aquas, & mole & amaritudine excellens est, ita tua contritio ni nulla calamitas aquari potest; in quo tamen vastissimo passionis Oceano hæc pientissima Mater, etiam post tot ac tantos exantlatos decumanos persecutionum fluctus, non periit, sed mirabiliter adhuc emerfit, & in vita usque ad præfinitum à Patre tempus conservata est. Proinde huic mœstissimæ*

Matri

Matri pro Symbolo mergulum, seu potius mergulam appingi curavimus, cujus avis natura est, ut, viso quocunque periculo, quantocyus in maris undas sese recipiat, ex quo tamen longo post intervallo indemnis emergere solet, cum inscripto hoc Lemmate:

## Merfa non mergitur.

En Symbolum dolorosæ Virginis, quam DEUS in passione Filii sui non voluit, ut submergeretur cum Filio, licet teste S. Anselmo, *per singula momenta dolor vitam ejus extinguere sufficiens fuisset, nisi ex speciali miraculo divinitus conservaretur.* Rationes assignari possunt sequentes. S. Anselm.  
de Excell. V.  
cap. 5.

2. Olim in Lege præcepit DEUS, ut si quis itinerans in via, vel in arbore, aut in sylva nidum avium inveniret, captis & sublatiis pullis, Matri incubanti parceret, eamque liberam ac indemnem sineret avolare: *Si ambulans per viam, in arbore, vel in terra nidum avis inveneris, & Matrem pullis vel ovis desuper incubantem, non tenebis eam cum filiis, sed abire patieris, captos tenebis filios, ut bene sit tibi, & longo vivas tempore.* Deut. 22. 6

Idem DEUS alio in loco mandavit, ut ad expiandum leprosum duo passeris vivi sibi afferrentur, quorum unus à Sacerdote occideretur, & ejus sanguine leprosus aspergeretur, alter verò in sanguine occisi passeris intinctus liberè permitteretur in campum avolare: *Alium autem vivum cum ligno cedrino, & cocco & hyssopo tinget in sanguine passeris immolati. quo asperget illum, qui mundandus est, septies, ut jure purgetur: & dimittet passerem vivum, ut in agrum avolet.* Lev. 14. 6

Pari ratione in libro Exodi præcepit DEUS, ne Israëlita uno die ac tempore agnum cum Matre immolarent, sed ut mactato agno Matri afflicta parcerent: *Ovis non immolabitur uno die cum fœtu suo.*

O mœstissima Domina! Virgo & Mater, Mater & Virgo! tu per illam legalem aviculam, cui in nido parci voluit DEUS; tu pariter per passerculam in sanguine confortis intinctam, quam DEUS liberè in agrum avolare permisit; tu denique per ovem illam Matrem, cui agnus filius violentâ manu ablatus, & ad victimam portatus fuit, non obscure præsignata es, quam ideò mitissimus DEUS post omnes patientissimè exantlatos dolorum fluctus adhuc diutius in vita conservari voluit primò, quia ita Divinæ Majestati placuit: cujus SS. Voluntas sicut in omnibus rebus ac dispositionibus, ita quàm maximè hîc attendi debet, licet humano ingenio nequeat comprehendi. Secundò voluit illam DEUS adhuc ad aliquod temporis intervallum relinquere in mundo, quia SS. Apostolis, primisque fidelibus nimis durum accidisset, si uno eodemque tempore sole pariter & lunâ suâ mysticâ destituerentur. Tertiò ut mortuo & occiso generis humani Patre, omnes afflicta animæ præsertim in Ecclesia primitiva inter tot cruentas persecutiones in hac SS. Matre

Exod. 23.  
19



Vincentius  
Bruni S. J.  
Med. 8. &c  
B. V.

dolorosa peculiare invenirent, & haberent præsidium, atque in necessitatibus suis exoptatum asylum; magnum enim erat militanti Ecclesiæ solatium in terra, illam posse intueri Matrem, cujus Filius DEUS & Homo, author vitæ, & Victor necis erat, ac tandem omnium à Patre constitutus Judex strictissimus: *Causa*, subintrat hîc Vincentius Bruni de Soc. JESU, ob quam Dominus eam relinquere voluit in mundo, fuit, ut fideles inter tot molestias, tempestates & persecutiones mundi haberent aliquod præsidium & solatium, ne si hoc quoque beneficio spoliarentur, viderentur prorsus à Christo deserti: nec enim habebat pusillus ille grex in terra, à quo inter tot arumnas & cruces, rabidis undique circumdati lupis, animari & corroborari possent. Vult ergo dilectam suam Matrem illis in Matrem & Magistram relinquere, ut dulcis ejus præsentia omnibus in mœrore esset solatium in doctrina lumen, in persecutione robur, & in illis Ecclesiæ incunabilis singulare præsidium; Ac certè admodum necessarium fuit Ecclesiæ adhuc teneræ, ne talis columna loco suo subitò moveretur, sed potius ad aliquot annos pro universa fabricæ spiritualis firmamento & sustentatione immobilis persisteret. Vide hîc, anime mi, quomodo Mater dolorosa omnibus omnia facta sit, ut omnes lucrificeret; cur non & te? Excita te ipsum, & ama, ac æstima Matrem tam amabilem, tuæque salutis studiosissimam.

Luc. 15. 3

3. Recordor hîc illius Mulieris Evangelicæ, de qua Lucas commemorat, quòd decem drachmas, seu gemmas habuerit, de quibus unam perdidit, ad quam inveniendam totam domum revolvit; & quia nec tanto labore ac industriâ illam poterat reperire; lucernam denique accendit, cujus ope hanc amissam drachmam feliciter recuperavit: *Nonne accendit lucernam, & everrit domum, & quarit diligenter, donec inveniat.*

Luc. 15. 5

Observe hîc, prudens Lector, quòd in eodem sermone Veritas Christus præmiserit parabolam de bono pastore, ingenti cura & sollicitudine ovem perditam inquirente: *Et cum invenerit eam, imponit in humeros suos, gaudens, &c.* Tunc enim verò Christus, qui per eundem Pastorem adumbratus est, ovem perditam invenit, & in humeros suos imposuit, quando pro ovibus suis in cruce mori dignatus est: *Humeri isti*, ait Seraphicus Doctor, *sunt brachia crucis, in suos humeros ovem perditam imposuit, quia ibi peccata nostra portavit.*

S. Bonavent.  
hic in Luc.

Ex quibus facillè intelliges, anime mi, quænam illa Mulier Evangelica fuerit, quæ relictis novem drachmis lucernam accendit, & studio prorsus indefesso decimam ac perditam inquisivit. O pientissima Virgo, verè Mater amoris & doloris! tu, inquam, per illam Mulierem adumbrata es, quæ relictis cæteris novem drachmis, hoc est, novem Angelorum choris, ad quos unâ cum Filio ascendere poteras, ad tempus reliquisti, solum sollicita de drachma decima & perditâ, id est, animâ hominis, quam post gloriosam Filii ad cælos ascensionem adhuc 24. annis propensissimo studio non destitisti

quæ-

quærere, donec tandem ætatis tuæ anno 72. hoc est, anno à Virgineo tuo partu 58. ex hac mortali vita soluta ad æternam assumpta es. Juvat hîc audire S. Birgittam, cujus Revelationes magnam in Ecclesia DEI auctoritatem habent: *Ascendente Filio*, inquit ipsa, *ad suum regnum, Virgo MARIA in hoc mundo ad bonorum consolationem, & errantium correctionem, permanere permissa est; erat enim Magistra Apostolorum, Confortatrix Martyrum, Doctrinx Confessorum, clarissimum speculum Virginum, Consolatrix in conjugio viventium, saluberrima Monitrix, atque omnium in fide Catholica perfectissima roboratrix, &c.* Agnosce ex hoc, anima Christiana, ingentem Virginis dolorosæ in genus humanum charitatem, dum sponte ad tempus cœlesti gloria privari voluit, ut in hoc mundo miseris & afflictis, omnique Ecclesiæ statui prodesset, ac primorum fidelium saluti confunderet; quid nunc faciet pro te regnans in cœlo, si eam filiali affectu amaveris, atque colueris?

S. Birgittæ  
lib. 5. Revel.  
cap. 61. &  
serm. Angel.  
cap. 19.

4. Recordor hîc illius Sponsæ, quæ Dilectum suum impensissimè rogavit, utpote amoris labore debilitata: *Trabe me: post te curremus in odorem unguentorum tuorum*, velociter enim currebat hic Dilectus sanguinum Sponsus; & velut gigas exultavit ad currendam viam suam, & quia optimè novebat illa Sponsa, opus esse peculiari DEI gratiâ ad amorem Divinum trahente, idèò impensius flagitavit: *Trabe me post te.* Ad quid, obsecro, hæc Sponsa non rogavit, quæ aliàs dexteram Sponsi apprehendere, & cum eo pari solebat passu ambulare, ut unâ simul cum Sponso & non post Sponsum traheretur? Ad dilucidandum hunc conceptum oportet audire Guilielmum & alios, qui de hoc Scripturæ loco commentati sunt, quòd per præfatam Sponsam rectè subaudiatur B. Virgo, quæ per omnem vitam prima & proxima post JESUM Sanguinum Sponsum cucurrit, ejus sanctissimos mores, vitam & passionem præ omnibus imitando, & suis repræsentando actibus; viva enim erat imago Christi JESU crucifixi, quam proinde primò per gratiam suam inter omnes electos ad se attraxit: *Ego, si exultatus fuero, omnia traham ad me ipsum*: Verùm cum nunc de gloriosa Sponsi in cœlum ascensione ageretur, rogavit hæc Dilecta: *Trabe me post te*; & cur, obsecro, non dixisti, ô beatissima: *Trabe me tecum*? Latronis animam dilectissimus Filius ac Sponsus tuus unâ secum in cœlum traxit, & te Matrem, & quidem talem ac tantam Matrem super omnes creaturas æstimatam ac amatam, in hoc mundo imundo relinquat ad lamentum & novos dolores?

Cant. 1. 3

Cant. 2. 6

Ioann. 12.  
32

Observe, anime mi! COR JESU & Mariæ unum Cor erat, & una voluntas, & quia MARIA non quærebat, nisi quæ DEI erant, & Filio placebant, suavit eadem charitas, ut propter Electos DEI, Filio de morte Triumphatore in cœlum abeunte, Mater in solamen totius Ecclesiæ adhuc teneræ & recens per Sanguinem JESU fundatæ, adhuc aliquo tempore in mundo restaret: *Trabe me post te*, ait memoratus Guilielmus, *non dixit: Trabe me*

Guilielm. in  
Cant. 1. 3



tecum, sed post te, quo charitatem suam erga genus humanum clarissimè manifestat. Non petit cum Filio cælum ascendere, quia, licet multo tadio in terris se efficiendam sciret absente Filio; sua tamen Ecclesiæ commodis postponerebat, & volebat adhuc rudi deesse sermonibus suis de mysterio incarnationis plenius informandæ, & exemplis ad spiritualem profectum excitandæ. O quantum obligata est universa Ecclesiæ huic SS. Virgini ac Matri suæ! Et si Paulus quondam Mariam Cassoboliten, quæ in negotio Evangelii strenuè inter gentes laboravit, peramicè salutare iussit! *Salutate Mariam, quæ multum laboravit in vobis.* O Clientes Mariani! quid agitis? *Salutate Mariam, quæ plus in vobis laboravit, &c.*

5. Consulamus Petrum Apostolorum Principem, qui, ubi ex timore mortis vitam negavit, in antro saxoso amarissimis lacrymis admissum crimen expiare cœpit, spem & amorem filialem erga hanc misericordiæ Matrem non amittens; unde ad vesperam Parasceves, prout refert S. Anselmus, consummatâ Christi passione, ad Calvariæ montem venit: *Tunc Petrus advenit, & quod ipsum negaverat, amarissimè flere capit*; alii verò scribunt, Petrum sequenti die Sabbathi ad montem Sion, ubi dolorosissima Mater, tunc morabatur, venisse, ejusque patrocinium humiliter implorasse, à qua non tam benignè susceptus, quàm & de novo in fide & sancto proposito solidatus est; in quem finem D. Petrus huic SS. Virgini valde gratum se exhibuit, dum in ejus honorem in Syria, ubi Evangelii sementem spargebat, propè civitatem Tortosam nobile Sacellum extrui curavit, & SS. Nomini Mariæ Apostolicis ritibus dedicavit. O si Judas traditor pari animo contrito & humiliato ad hanc SS. Deiparam accessisset, sine dubio illi veniam & misericordiam ab optimo Filio suo impetrasset. Respirate, peccatores, adhuc vivit gratiarum Mater: *Quid amplius quaris, ait S. Thomas Villanovanus, quid ultra requiris in Virgine? Sufficit tibi, quod Mater Dei est.*

Hujus Apostolorum Principis exemplum secuti sunt cæteri Discipuli Domini & primi Christiani, qui in dubiis fidei, laboribus, persecutionibus, pressuris & afflictionibus semper ad hanc SS. Deiparam, velut ad dignissimam Matrem suam & firmissimam Fidei columnam confugebant, quia in ea, teste S. Ambrosio, videbant *formam disciplina, normam virtutum, & totius figuram probitatis*; unde fatetur S. Dionysius, quod ex illius præsentia & colloquio tantam interiùs consolationem senserit, quam nec corpus nec spiritus poterant sustinere; & observat Lorinus, S. Stephanum Proto-Martyrem à B. Virgine in persecutione mirè fuisse confortatum, & ideo lapides illi dulces videbantur, quia, quamdiu ejus lapidatio duravit, genibus super lapidem flexis, pro illo ad Deum oravit, eique gratiam finalem & donum perseverantiæ impetravit: S. Stephanus, ait Cornelius, *suam martyrii coronam debet B. Virgini, a què ac S. Paulus suam conversionem, quam moriens pariter impetravit ei S. Stephanus.*

6. Imò & absentes hæc SS. Deipara per litteras consolata est. Ita refert Lucius Dexter S. Hieronymi cœvus, quod ad S. Ignatium Ep. & M. cum sub

Rom. 16. 6  
Menoch.  
hic.

S. Anselm.  
in Tract. de  
Pass. Fine-  
ri apud me  
fol. 815. de  
Pass.

Hadr. Lyr.  
de Nomin.  
Mar. fol.  
256.

S. Th. Vill.  
serm. 2. de  
Nat. Virg.  
Hadr. Lyr.  
de imit. Chr.  
pat. lib. 7.  
cap. 4.  
S. Ambros.  
lib. 2. de  
Virg.  
Lorin. in  
cap. 7. Act.  
Apost.  
Cornel. in  
Acta Apost.  
fol. 149.  
Joan. Adam.  
Web. de ar-  
te disc. fon-  
te, 39.

Trajano Imp. ob Christi fidem gravissimas pateretur persecutiones, hanc epistolam consolatione plenam submiserit: *Ignatio dilecto Discipulo humilis ancilla Christi JESU. De JESU, qua à Joanne audisti & didicisti vera sunt; illa credas, & mores & vitam noto confirmes. Veniam autem unà cum Joanne, te, & qui tecum sunt, videre. Sta, & in fide viriliter age: nec te commoveat persecutio: nis austeritas, sed valeat, & exultet tuus spiritus in DEO salutari tuo, Amen.*

Sub idem ferè tempus cives Messanenses, cum à S. Paulo concionante intellexissent, DEI Filium pro salute hominum hominem esse factum, ejusque SS. Matrem adhuc Hierosolymis in vivis superesse, legationem ex electis viris Hierosolymam usque destinârunt, humiliter hanc SS. Deiparam rogantes, ut patrocinium urbis suæ in se susciperet; nec abnuìt piis illorum votis Virgo & Mater tam benigna, dum mox ad eos litteras affectu materno plenas propria manu in lingua Hebraica exaravit, quarum tenor est iste:

*MARIA Filia Joachim de tribu Juda, de domo David, humillima Mater JESU Christi crucifixi, omnibus civibus Messanensibus salutem, & benedictionem aterni Patris.*

Novimus vos misisse magnâ fide nuntios & oratores, consistentes plenâ recognitione Filium meum esse Hominem simul ac DEUM, Unigenitum aterni Patris, & similiter, quòd post ejus gloriosam resurrectionem ad cælum ascenderit; agnoscetes in omnibus certam veritatis semitam, mediante doctrinâ & prædicatione Pauli Apostoli nostri. Quapropter vobis & huic nostræ civitati impertimur benedictionem, & promittimus vos semper sub nostra protectione & defensione habere.

O peccatores, ô afflicti, ô desolati omnes! quid agitis? Eja respirate, & magna cum fiducia ad hanc dolorosam ac SS. Matrem vestram accedite; sicut enim DEUS & Homo Christus omnes homines vult salvos fieri, & ad agnitionem veritatis venire; sic hæc SS. Deipara lubenti animo omnium miserorum, imò & peccatorum suscipiet patrocinium. De Christo dictum fuit: *Hic peccatores recipit, & manducat cum illis*; sed neque pretiosissima Virgo & Mater peccatores respuit, pro quibus Filius tot ac tantos passus est cruciatus. Et si quondam Iepus à canibus agitatus sub pallio S. Bernhardi optatam protectionem invenit; cervus sub pallio S. Huberti Episcopi; cerva sub pallio S. Ægidii; agnus sub pallio S. Francisci Seraphici, &c. Et quare nos Christiani non sub pallio B. Virginis ac Matris dolorosæ? An non infans, cum à nonnemine terretur, vel patris iram formidat, quantocyus ad sinum Matris accurrit, ut ab illa protegatur? ita, inquam, ac pari affectu, ô mortales omnes, ad hanc SS. Matrem nostram accedamus, & inveniemus in omni tribulatione nostra optatum præsidium: *Advocatam*, ait S. Bernardus, *habere vis ad Christum? ad Mariam recurre, exaudiet utique Matrem Filius*; & Ludovicus Blosius: *Fieri non potest, ut nunquam pereat, qui Mariæ sedulus & humilis cultor fuerit. Vis & tu talis esse, ô mi Lector?*

Idem loc. cit. & plures alii cum P. Lezana fol. 12.

1. Tim. 2.


4.

Luc. 15. 2

la vitis SS.

S. Bernard. serm. de Nat. B. V. fol. 59. Lud. Blos. in Canon. vitæ spirit.





## CONSIDERATIO LIII.

SS. COR MARIÆ consummatâ passione , per  
Christum Filium à mortuis resurgentem , mirè  
consolatur.



Secundùm multitudinem dolorum meorum in  
Corde meo consolationes tuæ lætificaverunt animam  
meam. *Psal. 93. 19.*



I. Ostquam ultrices diluvii aquæ totum terrarum orbem  
anno solari ferè integro inundâssent , & arca Noëmica  
hactenus per immensum æquor jactata , subsidentibus  
paulisper fluctibus , in summo Armeniæ monte respira-  
tura, consedisset, Noë ad explorandum, an penitus in  
terra cessassent aquæ , per fenestram arcæ columbam  
dimi-

dimisit, quæ venit ad eum ad vesperam, portans ramum olivæ virentibus foliis *Geach. 8. 11*  
in ore suo.

Per Noënum Patrem cœlestem subaudi, per arcam primitivam Ecclesiam DEI supra montem Sion tunc, subsidentibus nonnihil persecutionum fluctibus, confidentem; per columbam emissam rectè animam Christi intelliges, de qua Evangelista: *Emisit spiritum.* Tandem post triduum, ubi SS. anima cum Corpore Christi de novo unita fuit, Christus à mortuis gloriose resurgens, velut altera columba Noëmica post superatum passionis diluvium SS. Matri suæ primò inter omnes desideratissimam pacis olivam tulit: *Pax tibi, ô Mater!* In quem finem columbæ nostræ, florentem olivæ ramum in ore ferentem, & ad arcam suam volitantem, pro Lemmate inscribere placuit: *Siluerunt fluctus.* Vel: *Mundi melioris origo*; vel si mavis:

Matth. 27.

50

## Emergere nuntiat orbem.

Si vis aliud Emblemata, sige & pingere tibi militarem aliquam galeam. seu Cassidem ferream in mensa stantem, in qua apes mellificant, cum inscripto Lemmate Alciati, viri in omni politiori doctrina exultissimi: *Mella post bella.* Ita est: Mella post bella, unde de Christo non legitur, quod per omnem vitæ suæ cursum mel aut saccharum, aut aliquid dulcis obsonii comederit, nisi finito cruentæ passionis suæ prælio, ubi favum mellis à Discipulis oblatum manducavit: *At illi obtulerunt ei partem piscis assi & favum mellis*; ratio est, quia prius (prout bene observat antiquissimus Tertullianus) in cruce gustavit fel: *Et dederunt ei vinum bibere cum felle mistum*, nunc post gloriosam resurrectionem suam comedit dulce mel: ad instructionem nostram, quod modicum fel tribulationis nostræ tandem in nobis æternæ gloriæ pondus operetur, & in suavissimum cœlestis nectaris Oceanum convertatur.

Luc. 24. 42

Matth. 27.

34

Tertull. de corona militis cap. 144

2. Observemus in hanc rem perelegantem figuram. Samson inter mortales facile fortissimus, ubi rugientem leonem, in vinea sibi occurrentem, mirâ virtute debellavit, eumque in frustra quasi hædum discerpit, paulò post per eandem vineam regrediens, in ore dicti leonis examen apum cum suavissimo mellis favo invenit, de quo non solus comedere voluit, sed & reliquam mellis partem Matri suæ communicavit: *Veniensque ad Matrem, dedit ei partem.*

Judic. 14. 9

En pulcherrimum typum in Christo JESU & SS. Matre ejus dolorosa adimpletum; qui, postquam in cruento passionis suæ prælio mortem, diabolum, infernalem illum leonem, & peccatum, ex quo mors intravit in mundum, feliciter superavit, in ipsis mortis faucibus favum mellis, hoc est, immensam gloriæ celsitudinem invenit; ita Gentium Doctor: *Videmus,* inquit, *JESUM propter passionem suam gloriâ & honore coronatum*; sed hanc

Hebr. 2. 9

Mater Dolorosa.

A a a

glo.



Psalm. 93.

19

gloriam & favum mellis ipse solus habere non voluit, proinde *veniens ad Matrem, dedit ei partem*, eique ante omnes alios primò ut gloriosus de morte triumphator apparuit, illamque per præsentiam suam post tantam hæctenus exantlatam passionis & crucis amaritudinem mirum in modum consolatus est, ubi meritò cum Propheta Regio hæc pientissima Mater dicere poterat: *Secundum multitudinem dolorum meorum in corde meo consolationes tuæ latificaverunt animam meam*. O quis dicet, quam imenso gaudiorum pelago tunc Sacratissimum COR Virginis ac Matris DEI fuerit repletum? Sicut enim prius in passione & morte Filii amor mensura doloris fuit, ita nunc dolor exantlatus fuit mensura gaudii planè imensi, dum viso JESU exultavit cor ejus magis, quàm olim Abrahami, dum in umbra tantum hunc gratiarum diem prævidit: *Abraham exultavit, ut videret diem meum: Vidit, & gavisus est*.

Ioan. 8. 56

Genes. 45.

26

Recordor hîc illius laboriosi Patriarchæ Jacobi, qui cùm post aliquot annorum tractus inaudisset, charissimum filium suum Josephum, quem jam pridem mortuum, & à fera pessima devoratum credidit, adhuc sanum vivere & incolumem, eumque totius Ægypti Pro-Regem esse constitutum, in tam insolitum gaudium, mentisque jubilum effusus est, ut penè extra se rapi videretur: *Et nuntiaverunt ei dicentes: Joseph Filius tuus vivit, & ipse dominatur in omni terra Ægypti*. Et quid sequitur? Scripturam percipe: *Et revixit spiritus ejus, & ait: Sufficit mihi, si adhuc Joseph filius meus vivit, vadam, & videbo illum, antequam moriar*; quem cùm exinde in terra Gessen, ut magnificum Pro-Regem cum Regio apparatu sibi occurrentem primâ vice conspicatus est, præ gaudio exultans exclamavit: *Jam latus moriar, quia vidi faciem tuam*.

Cant. 5. 6.

Altiùs erige mentis tuæ oculos, anima Christiana; si Jacob olim ad unicum Josephi intuitum, quem mortuum esse credidit, ita præ gaudio exultavit, quale, obsecro, debuit fuisse illud Sacratissimæ Deiparæ gaudium, mentisque jubilum, dum dilectissimum Filium suum, quem non tantum mortuum credidit, sed & ipsa sub cruce præsens à fera pessima devoratum vidit, nunc in resurrectione tam immensâ gloriâ circumdatum, sibi inter mille Angelorum millia apparentem conspexit? Hic in veritate gladius ille doloris, qui hæctenus sanctissimam ejus animam pertransierat, in igneum & aureum amoris telum, & gloriosi gaudii incendium conversus est; proinde longè meliori juri, quàm olim Sponsa dicere poterat: *Anima mea liquefacta est, ut locutus est, &c.* O anima Christiana! quid erit, quando post hujus calamitosæ vitæ tuæ exitum primâ vice videbis Regem gloriæ in diademate suo coronatum? Quid erit, inquam, quando videbis illud Principium rerum omnium DEUM tuum, ac pientissimum Redemptorem, nunc post toleratos labores & afflictiones tuas te ad æternam gloriam & dulcissimum ample-

amplexum suum benignissimè invitantem? O anima mea! nunc ergo labora, nunc certa, nunc patere, quidquid adversi in hac mortali vita tibi poterit occurrere: *Scientes*, inquit Apostolus, quòd sicut socii passionum estis, sic eritis & consolationis. 2. Cor. 1. 7.

4. Videtur mihi Sacratissima Deipara, ut quondam illa Anna junioris Tobiae Mater, quæ dilectum Filium suum, quem Pater prius cum chirographo in Rages civitatem Medorum ad Gabelem pro decem argenti talentis recipientis ablegaverat, quotidie in supercilio montis, unde respicere de longinquo poterat, ingenti animi cum dolore expectans expectaverat; tandem cum illum de longè cum nova & divite familia adventantem agnovit, præ gaudio & lacrymis exultans, ad Tobiam seniore, maritum suum festinavit, illique hoc faustum nuntium indicavit: *Ecce venit filius tuus, &c.*

Tob. 10. 6

Facebant umbræ; plùs hîc, quàm Tobias & Anna. Postquam mitissimus Servator JESUS, illud, quod adversus nos erat, chirographum decreti de medio tulit, & pretio Sanguinis pro omnibus solvens, cruci affixit, soluto quoque mortalitatis debito non ad Gabelum, sed ad Patres in limbo detentos profectus est, ubi usque in tertium diem moratus, in singula momenta à dolentissima Matre expectabatur. O quoties tunc cum Anna ingeminavit: *Ut quid te misimus peregrinari, lumen oculorum nostrorum? Ostende mihi faciem tuam, & sonet vox tua in auribus meis.*

Col. 2. 14

Cant. 2. 14

Et ecce, cùm tertiâ die circa aureum auroræ tempus; ô verè aurea hora! beatissima Mater oculos attollit, vidit repentè Angelorum multitudinem, velut Christi familiam præcedentem, qui hanc Sacratissimam Deiparam hoc læto cantico salutârunt: *Regina cæli latere alleluja, quia quem meruisti portare alleluja, resurrexit, sicut dixit alleluja.* Et cùm hæc festivo plausu cantantur, in puncto adstat ipse Rex gloriæ & Orci triumphator, Christus redivivus, non ut vir dolorum lictoribus carnificibus & rabulis, ut paulò antè in passione stipatus, sed innumeris Angelis, & SS. Patrum animarum turmis, quas de limbo & purgatorio liberaverat, comitatus, immensoque divinitatis splendore circumamictus, ubi teste Divo Anselmo ita hanc dilectissimam suam Matrem allocutus est: *Gaude gaudio magno, ô Mater, quia, qua DEUM & Hominem peperisti, & propriis uberibus enutristi, vidisti in cruce pendentem, videbis in cælo regnantem, videbis omnem altitudinem cælestium, terrestrium, & infernorum inclinatam ejus majestati, &c.* Quid hîc expectas, Lector & Cultor Mariane? Certè non se poterat hîc ulterius capere dulcissimum COR MARIÆ, tam subito & immenso solatiorum & deliciarum pelago superaffusum; hinc sinè mora hæc Sacratissima Deipara ad Divinissimi Filii sui pedum exosculanda & adoranda Vulnera se abjecit, sed à dilectissimo Nato inde manibus sublevata, dulcissimo pectori plagæque laterali admota est; imò ut penitus COR JESU cum columba illa mystica intraret;

S. Anselm.  
cit. ab An-  
ron. de Ram-  
pel. in Fig.  
Bibl.



Canr. 2. 14  
Vide Laur-  
Keppl. in  
Lum. Sac.

suavissimè invitata : *Surge amica mea , & veni in foraminibus petra , & caverna maceria , en patet tibi cor meum , quæ es cor meum , intra in omne gaudium Filii tui.*

Genes. 35-  
28

§. O Mater pulchræ dilectionis, & agnitionis, & sanctæ spei, non es amplius Mater *Benoni*, ut quondam illa Rachel in partu moriens, filium suum vocaverat *Benoni*, hoc est: *Filium doloris mei*; talis, inquam, Mater & tu pridie sub cruce quidem extitisti; verum nunc alio te nomine cœlestis ille Pater appellari voluit, Matrem videlicet *Benjamin*, quod idem est, quàm *Mater Filii dextra*, dum benignissimus JESUS, Filius tuus per mortem crucis exaltatus, nunc *ad dexteram Patris* sessurus, ut Iudex universorum constitutus est. O quis tibi nunc sensus, ô pretiosissima Mater, ac Domina totius universi? Quis tibi nunc sensus, sic innixa super Dilectum

Psal. 117.

16

2. Reg. 1-

26

tuum? Verè *dextera Domini fecit virtutem*, ita enim conveniens erat, ut Mater, quæ plùs, quàm creaturæ omnes, Filium suum dilexit: *Sicut Mater unicum diligit filium, sic ego te diligebam*; & quæ plurimùm hæctenus salutis hominum promovendæ allaboravit, à Filio tantorum meritorum non immemore, nunc resumpto & glorificato corpore, ante omnes alias creaturas per præsentiam suam honoraretur, & totius humani generis dignissima Advocata denominaretur; ita enim citatus S. Anselmus Christum Dominum tunc in conclavi ad Sacratissimam Matrem suam loquentem introducit: *O intemerata, & in æternum Benedicta! quanta est tua charitas? Quanta est tua benignitas? Tu gloria Hierusalem, tu latitia Israël, tu honorificentia populi DEI: Esso Mater misericordia, & peccatorum Advocata, ut omnes gaudeant ad te, consolentur per te, &c.*

S. Anselm.  
Ep. loc. cit.

Iob. 33- 24  
S. Bernhard.  
serm. 1. Assumpt.  
B.M.  
sol. 53.

O beatissima Virgo & Mater! verè Mater amoris & doloris, quis te non honoret? Quis non amet te? Quis, quæso, Christianorum, non te in suam dilectissimam Matrem, Dominam & Advocatam eligat? Et tu, anime mi, quid agis? Ad quid moras necis? Gratulare cumprimis huic tali ac tantæ Matri, & venerare illam, atque exalta, quantum potes, cum tamen sit major omni laude: Humilia te coram tanta Domina, cœli, terræque Regina, & de novo ipsi te in mancipium consecra, perire enim non potes, si tanto Filio tam digna Mater pro tua salute supplicaverit: *Miserebitur ejus, si fuerit pro eo Angelus loquens*; quanto magis si ipsa Regina Angelorum? Audi Mellissimum: *MARIAM*, inquit, *Advocatam præmisit peregrinatio nostra, quæ tanquam Judicis Mater. & Mater misericordiæ, suppliciter & efficaciter salutis nostræ negotia pertractabit.* Audis: *Efficaciter?*

Genes. 22. 2

6. Memores vos hîc esse volo, animæ Christianæ! illius gloriosissimi Patriarchæ Abraham, cui quondam DEUS mandavit, ut Filium suum unigenitum Isaac sibi in holocaustum immolaret, qui de nocte consurgens ad illum

illum locum abiit, quem præceperat ei DEUS. Cæterum inquirunt hîc SS. Patres, utrùm Sara uxor Abrahami hujus filii sui necis conscia fuerit?

Respondet ad hanc quæstionem Magnus ille Aurelius Augustinus: *S. Aug. de Temp. serm. 73. Tom. 10.* Matrem consciam hujus futuræ necis fuisse, prout in Consideratione de valedictione Dolorosæ Matris mentionem fecimus; proinde hunc unicum & unicè dilectum filium suum ægrè à se dimisit, eumque ad mortem properantem irremediabilibus lacrymis deploravit. Verùm siste lacrymas tuas, ô Sara! non habes, quod adeò doleas; ecce, felicia nova tibi fero: Filius tuus unigenitus, quem diligis, Isaac, vivit, & in gentem magnam confurget, & benedicentur in semine illius omnes gentes terræ. O quis dicet, quantum gavisa sit pia illa Mater, dum de novo Isaacum Filium, quem jam triduo ab hinc immolatum esse credidit, redivivum in sinum suum recepit: Sara, inquit Josephus de Antiquitate Judæorum, *incredibili gaudio latata fuit filium suum de Sacrificio vivum redeuntem videndo.* *Joseph. 9. Antiq. Jud.* Quale igitur gaudium oportet fuisse in Sacratissima anima B. Virginis & Matris DEI MARIÆ, dum unicum ac unigenitum & super omnia dilectissimum Filium suum JESUM post tam cruentam lanienam & amarissimam crucis necem nunc de novo redivivum, non ut Isaacum exiguæ possessionis hæredem, sed ut supremum cœli terræque Dominum inter festivos & Angelorum & beatarum animarum applausus intuita, atque complexa est? Hic verificatum fuit illud Vatis Regii: *Ad vesperum demorabitur fletus, & ad matutinum latitia.* *Psal. 29. 6*


7. Hic vidisses, anima Christiana, quanto honore sancti illi Patriarchæ, qui prius in Veteri Testamento Christi typum gesserunt, hanc Sanctissimam DEI Genitricem, tanquam progenitores illius, & qui ardentissimis hæcenus votis salutem Israël expectârant, tunc in resurrectione Christi venerati sint, & quàm insignibus elogiis atque encomiis eam deprædicârint: *Et Matth. 27. multa corpora Sanctorum, qui dormierant, surrexerunt, & euntes de monumentis post resurrectionem ejus venerunt in sanctam Civitatem, & apparuerunt multis.* Inter quos cum primis fuit Adam generis humani parens; ô quantum sibi tunc congratulabatur, quando hanc Sacratissimam Deiparam de semine suo ortam, sed tamen immaculatam, primâ vice conspicatus est? Hæc, hæc, inquiebat, est illa Mulier fortis, quæ jam ab origine mundi callidi serpentis caput contrivit: *Ipsa conteret caput tuum.* Hæc, dicebat Abraham, *Genes. 3. 15.* est vera illa Sara, quæ peperit nos: *Attendite ad petram, unde excisi estis.* Hæc est illa Rebecca, ajebat Isaac, quæ verum Jacobum enixa est, quem *Isa. 51. 1.* induit vestibus valde bonis & odoriferis, dum de carne sua virginea Christo Salvatori nostro humanitatem subministravit, per quam in cruce nos *Genes. 27.* redemit. Hæc, subintrabat Jacob, est illa, gratiosa cœli scala, ad quam Dominum quondam innixum vidi, & Angelos DEI descendentes, & ascendentes, per quam & peccatores oportet in cœlum ascendere. *Genes. 28.* Hæc, dicebat




### 374 *Consideratio LIII. B. Virgo à Filio resurgente solatur.*

- Exod. 3. 2 Moyſes, eſt ille rubus incombuſtus, & in medio ignis illæſus, quem quondam ad montem Horeb conſpicatus ſum. Hæc, reponebat Aaron, eſt illa Virga Amygdalina ſemper florens, & germinans, germinansque germinabit.
- Jud. 6. 37. Hæc, dicebat Gedeon, eſt illud Vellus in area quondam mea expaſum, in quod pleno ſinu ros de cœlo deſcendit: *Ros in ſolo vellere.* Hæc, ſucclamabat David, eſt illa Regina, quam in umbra vidi adſtantem à dextris DEI in veſtitu deaurato & circumdatam varietate. Hæc eſt illa *Virga de radice Jeſſe*, dicebat Iſaias, de qua flos aſcendit, qui de ſeipſo ait: *Ego ſum flos campi*, ſuper quem requievit Spiritus Domini, Spiritus ſapientiæ & intellectûs, &c.
- Jerem. 31. 22 Hæc eſt illa ſancta Mulier ajebat Jerémias, de qua olim prophetavi: *Creavit Dominus novum ſuper terram: Fœmina circumdabit virum.* Hæc eſt porta illa Sanctuarii, reposuit Ezechiel, quâ ſolus DEUS ingreditur: *Porta hæc clauſa erit, non aperietur, & vir non intrabit per eam, quoniam Dominus DEUS Iſrael ingreſſus eſt per eam.* Hæc denique, acclamabant omnes, ſupergreſſa eſt univerſas, viderunt eam filia Sion, & beatiffimam prædicaverunt, & Regina laudaverunt eam, &c.

O verè beata Parens! nunc tandem adimpletum fuit illud tuum vaticinium: *Beatam me dicent omnes generationes*: Priùs in paſſione & morte Filii tui JESU mare fuiſti, heu nimis amarum! ſed nunc, ô pientiffima! mare es omnium gratiarum, gaudiorum & miſericordiarum; nunc tandem ſiluerunt fluctus, quos Dominus induxit ſuper te, & ſecundùm multitudinem dolorum tuorum in corde tuo, conſolationes Domini lætificaverunt animam tuam; ah glorioſa Domina, fac & nos miſellos tuos clientes hujus tuæ conſolationis ac gaudii participes, ac tunc præſertim, quando anima noſtra de hoc mortali corpore in ſumma amaritudine egreſſura eſt, *ut recipiat, prout ſe geſſit in corpore, ſive bonum, ſive malum.* Ah dulciſſima Mater! quomodo poteris ſubſcribere ſententiæ æternæ damnationis noſtræ? non poteris, non poteris, quia Mater miſericordiæ es, & miſericordiam nobis genuiſti; igitur miſericordias tuas in æternum decantabimus.





## CONSIDERATIO LIV.

B. Virgo Filium in monte Olivario (ubi priùs passioni initium datum) nunc ad coelos ascendentem contemplatur.



Ascendens in altum captivam duxit captivitatem;  
dedit dona hominibus. *Ephes. 4. 8.*



Apientissimo Solymæorum Regi tria quondam videbantur intellectu difficilia, quartum autem penitus se ignorare ingenuè profitebatur : *Tria sunt mihi difficilia, & Proverb. 30. quartum penitus ignoro : Viam aquila in cælo, viam colubri super petram, viam navis in medio maris, & viam viri in adolescentia.* Omnia hæc admiratione digna sunt ; & quis non miretur aquilam mole corporis gravem, solis suis suffultam alis, per auram ad altis-



simam aëris regionem & ad nubes usque penetrantem? Quis non obstupescat colubrum pedibus & pennis carentem, per petras tamen altissimas ac saxa prærupta velocissimè serpentem, ac lubricando currentem? Quis non suspiciat navem mercibus, grandissimisque oneratam sarcinis, adinstar piscis, nullo sui relicto vestigio, maris fluctibus innatantem? Quartum autem, quod sapientissimi Regis superabat intellectum, erat via viri in adolescentia, quæ vaga admodum est & instabilis, & tamen adolescentem esse virum, qui in illa prima juventute virtute præcoci annos vincit, & ætatem præcurrit? Hoc equidem, licet sapientissimus, capere non poterat.

Singula hæc volunt aliquid, attentas requiro aures. Per viam viri in adolescentia incarnatio Verbi adumbrata est; in qua *sæmina circumdedit virum*, ibi enim in utero illibatæ Virginis Christus vir erat à primo conceptionis instanti planè perfectus. Per viam navis in medio marris crux Dominica rectè intelligitur, quæ Christo in mari rubro passionis velut navis extitit, & nobis in hoc mari magno & spatiofo hujus mundi imundi etiamnum est, quâ mediante tuti ad salutis æternæ portum transvehimur. Per viam colubri super petram idem Christus præsignatus est, qui formam peccatoris quidem suscepit, veneno tamen peccati caruit, imò peccata nostra suo sanguine expiavit, dum, sicut olim serpens in deserto, in cruce exaltatus pependit. Per viam denique aquilæ in cœlo admirabilis ejusdem pretiosissimi Redemptoris nostri ad cœlos ascensio præsignata est: *Attende*, inquit B. Albertus Magnus, *quod per aquilam, de qua hic agitur, DEI Filius figuratur, qui ad præceptum Patris elevatus est in ascensione, & in arduis cælorum posuit nidum suum, &c.*

Ioan. 3. 14.  
B. Alb. M.  
serm. 1. de  
Ascens. D.

Solet autem aquila avium Regina visum habere perspicacissimum, quæ in summa aëris regione volitans, natantem in fundo maris pisciculum prospicit, unde Lemma: *Profundissima quæque*, vel in infinis terræ vallibus ac scrobibus latitantem lepusculum, ad quam invadendam prædam ingentium celeritate advolat, eamque in altum rapit, & inter pullos suos dividit; ita Christus, subintrat hic Apostolus, *ascendens in altum captivam duxit captivitatem: dedit dona hominibus. Quod autem ascendit, quid est, nisi quia & descendit primum in inferiores partes terræ*, hoc est, ad Justorum limbum, quos è carcere liberatos gloriosus Victor duxit in triumpho in cœlum, unde pro Lemmate huic mysticæ aquilæ inscribere placuit illud Ecclesiæ, quod in hymno S. Crucis decantat:

Ephes. 4. 8.

### Tulit prædam tartari.

2. Quod autem SS. Deipara gloriosissimam Filii sui ad cœlos ascensionem præsens in monte Oliveti cū Apostolis spectârit, inter Orthodoxos extra controversiâ est, hoc enim ex Apostolorum Actibus expressè deducitur, in quibus

S. Lucas commemorat: *Tunc reversi sunt Jerosolymam à monte, qui vocatur Oli-* Astor. 1. 12  
*veti, qui est juxta Jerusalem, sabbati habens iter --- Hi omnes erant perseveran-*  
*tes unanimiter in oratione cum Mulieribus & MARIA Mater JESU.* Si igitur  
 Maria ab ascensionis loco ad montem & cœnaculum Sion cum Apostolis &  
 SS. Mulieribus reversa est, ergo præsens erat in ascensione charissimi Filii; &  
 quomodo in hoc glorioso triumpho abesse poterat, quæ prius per omnem  
 vitam, quantum poterat, Filium secuta est, neque in passione & morte crucis  
 ab eo separari potuit? Observat hic Cornelius & alii, quàm suavia fuerint col- Cornel. hic  
 loquia Christum inter & SS. Matrem ejus instituta, qui ut majorem quoque Actus.  
 fidem, spem, amorem ac reverentiam suis imprimeret Discipulis, Sacratissima  
 & glorificata Vulnere in manibus ac pedibus eis præbuit exosculanda, ex qui-  
 bus suavissimus ac fragrans odor eos mirum in modum recreabat, *Matri verò* Ludovic. de  
*sua, ait V.P. Ludovicus de Ponte, obtulit etiam osculandum latus, quæ in illud se* Ponte meâ,  
*abdere, in eoque cum Christo ascendere gestiebat.* Juvat hic audire S. Anselmum: de Ascal.  
*O bone JESU! inquit, tuæ dulcissimæ Matris Filius, quomodo potuisti pati, ut te* Dom.  
*in regnum gloria tuæ remeante, illam quasi orbatam in miseriis hujus mundi relin-*  
*queres, & non eam statim tecum regnaturam assumeres?*

Verùm alia sunt DEI, alia hominum judicia: *Prudentiori ergo, pergit idem* S. Anselm.  
*S. Anselmus, & digniori consilio usus, precedere illam volebas, quatenus ei locum* de Excell. V.  
*immortalitatis in regno tuo preparares, ac sic comitatus totâ curiâ tuâ festinus ei* cap. 7.  
*occurreres, eamque sublimius, sicut decebat tuam Matrem, ad te ipsum exaltares.*  
 Proin rectius & melius Christus eam adhuc aliquo tempore in mundo relin-  
 quere voluit, ut tanquam firmissimâ columna Ecclesiam fulciret, Apostolos  
 plenius instrueret, primos Christianos in tot persecutionibus solaretur, recens  
 conversos, qui adhuc lacte Matris indigebant, enutritet, & perpetuâ virtutum  
 exercitatione merita sua ad altissimum gloriæ fastigium augetet, atque sic co-  
 rona illius in cœlo, quæ debebat esse æterna, magis & in imensum grandescer-  
 ret. Vide hîc, anime mi! quàm prudenter Divina Sapiencia omnia ordinet in  
 suum finem. O quis dicet, vel mente assequi poterit, quàm peramanter valedi-  
 xerit Filius tantus tantæ Matri, priusquam ad Patrem ascenderet? O dilecte  
 Christi JESU Discipule! quare de hoc nullam fecisti mentionem?

3. De Jacob Patriarcha referunt Sacræ Paginæ, quod exundantem & ra-  
 pidum Jordanis fluvium ope baculi sui feliciter transierit, atque cum duabus  
 turmis in patriam suam post tam longam exantlatam apud Labanum servitu-  
 tem regressus sit: *In baculo meo transivi Jordanem istum, & nunc cum duabus* Genes. 32.  
*turmis regredior.* Per hunc baculum Patres comunissimè, ac præsertim S. Au- 10  
 gustinus, SS. Crucem subaudiunt, in qua Christus Dominus Jordanem passio- S. Angustin.  
 nis feliciter transivit, & cum duabus turmis, velut alter Jacob, unâ Angelo- serm. 79.  
 rum, alterâ hominum, in cœlestem patriam, unde prius exierat regressus est: de Temp.  
*In baculo meo transivi Jordanem istum, & nunc cum duabus turmis regredior.*



Placuit autem pretiosissimo Redemptori nostro prius prandium in Jerusalem in coenaculo Simonis cum Apostolis sumere, quo finito, SS. Matrem & alias Marias ac Discipulos (numero viginti & centum) ad montem olivarum ē Bethania eduxit, quem & cœlestes Angelorum hierarchiæ, & beata illæ animæ, quas per passionem suam ē Iymbi carcere liberavit, velut duæ turmæ gloriosissimæ licet oculis humanis invisibiles, comitatæ sunt, ut hunc triumphum potentissimi de Orco, morte & peccato Triumphatoris redderent gloriosorem: *Adest itaque, inquit S. Bernhardinus, dilectus JESUS medias inter has turmas, utrasque in seipso invicem mirando amore connectens: in baculo namque suo sanctissima Crucis pertransiens Jordanem nostræ mortalitatis, nunc cum his sanctissimis turmis, unā in se transformatā per gratiam, quam ad tempus relinquebat in terris, alterā in seipso glorificatā, vel beatificatā per gloriam, quam ad suæ ascensionis societatem adducebat, ad cœlos reversus est.*

Observat hīc Abulensis, Christum Dominum, antequam ad Patrem ascenderet, cum SS. Matre suā & aliis Discipulis tam in viā versūs Bethaniam, tum in ipso Oliveti monte longum differuisse sermonem, in quo eos ob discessum suum mirē consolatus est, proponens eis, quod nunc ex hoc mundo ad Patrem & in cœlum iret, æternas ipsis præparaturus mansiones, Spiritum Sanctum proximē missurus, & perpetuus apud Patrem futurus advocatus, &c. Quo terminato dulci colloquio, & supremā datā benedictione, pergit idem Abulensis: *Descendit de aëre regione quædam nabecula usque ad pedes Salvatoris, factaque est in modum throni, aut gestatorię sedis, ut sic Christus in ea sessurus videretur. Tollebatur autem illa nubes paulatim in excelsum: Christus quoque in ea ascendeat, ac si in ea sederet, major tamen pars corporis Salvatoris nostri nube velatā non erat, ut sic Discipulis vultus ille videndus concederetur, &c.*

4. Ascendit autem mitissimus JESUS ab initio paulatim in aëra pro consolatione amantissimæ Matris suæ & dilectorum Discipulorum, cum autem venit ad superiorem aëris regionem, ex oculis eorum sublatus in puncto & in ictu oculi per omnes cœlos usque ad dexteram Patris penetravit. Nihil hīc raptus Enoch de terra in aëra, & per aëra in paradysum sublatus: *Et non apparuit, quia tulit eam Dominus.* Nihil raptus Eliā in curru igneo ad paradysum transvecti: *Ecce currus igneus, & equi ignei diviserunt utrumque: & ascendit Elias per turbinem in cœlum.* Nihil raptus Habacuc, quem Angelus, subito ex Judæa in Babylonem transtulit: *Et apprehendit eum Angelus Domini in vertice ejus: & porraxit eum capillo capitis sui, posuitque eum in Babylonem supra lacum per impetum Spiritus sui.* Nihil raptus Philippi Ap. ab Angelo ex via Gazensi subito in Azotum, quæ à Gaza quadraginta distat miliaribus, tractati: *Cum autem ascendissent de aqua, Spiritus Domini rapuit Philippum, & amplius non vidit eum Eunuchus.* Nihil raptus omnium Apostolorum ex variis

S. Bernhar-  
din. Torr. 3.  
serm. 1. an-  
1. cap. 3. de  
Ascens.

Abulens.  
Paraphr. 5.  
cap. 16.

Genes. 5. 24.

4. Reg. 2.

11

Daniel. 14.

35

Act. 8. 39

variis mundi partibus Hierosolymam ad obdormitionem SS. Deiparæ in nubem transvectorum: Cum jam, inquit S. Damascenus, adesset tempus excessus, S. Damascenus illa quidem vera vita Mater in Sion jacebat in grabato; per nubem autem congregat suos Filios Discipulos, ut venerandum ejus Corpus mandarent sepultura. Hi dormit. SS. omnes Angelorum ope & ministerio subito alium in locum transmissi sunt; Deip. verum JESUS, DEI & MARIÆ Filius, propria ac Divinâ virtute super omnes cælos ascendit, unde Pfalter Regius: *Exaltare Domine in virtute tua: Pfalm. 20. Cantabimus & psallemus virtutes tuas.* 14

5. Hic adimpletum fuit illud Ecclesiasticis: *Oritur sol, & occidit, & ad locum suum revertitur; ibique renascens gyrat per meridiem & flectitur ad Aquilonem, lustrans universa in circuitu.* Sol iste justitiæ & mysticus est Christus DEUS noster in stabulo Bethlehemico ortus, de quo Malachias: *Orietur vobis in diebus timentibus nomen meum Sol justitiæ.* Occidit autem in cruce, ubi sanitas in pennis ejus, hoc est: In extensis in cruce & per modum crucis brachiis, quibus adumbravit nos. Ad locum autem suum reversus est, ait S. Bernhardinus, *in ascensione, ibique renascens, scilicet effectivè, quia nos fecit renasci per aquam & Spiritum Sanctum, & qui prius de torrente passionis in via biberat, nunc tandem exaltavit caput.* S. Bernhardin. Tom. 3. serm. 1. Pfalm. 109. 7.

Hic verificatum fuit stupendum illud prodigium, ubi sol in gratiam ægrotantis Ezechiae Regis per novem gradus usque ad decimum, hoc est, usque ad crucem X. in horologio Achaz regressus est; & exinde rursus viam suam & stationem pristinam repetiit; quare lætus Rex, & nunc ab infirmitate sanatus DEO sospitatori suo O. M. carmen Eucharisticum cecinit, illudque publicis in tabulis exarari, & proponi fecit: *Hoc autem tibi erit signum à Domino, quia faciet Dominus verbum hoc, quod locutus est: Ecce, ego reverti faciam umbram linearum, & per quas descenderat in horologio Achaz in sole, retrorsum decem lineis. Et reversus est sol decem lineis per gradus, quos descenderat.* Sol iste Christum præsignavit per novem gradus, hoc est, per novem Angelorum choros in incarnatione descendentem, ubi in occasu suo orbi ægrotanti salutem tulit, & exinde majori cum splendore resurgens iter suum per gloriosam & admirabilem ascensionem suam in cælum relegit, ô quanta cum gloria & majestate, ac omnium cœlitum aggratulatione! *Repræsentabat, ait Cornelius, Christum descensurum decem lineis, id est, summè infra omnes Angelorum & hominum choros in passione; inde rursus ascensurum ad Patrem.* Corneli. hic.

Hic impleta sunt pulcherrimæ illæ figuræ, quæ gloriosissimam hanc pientissimi redemptoris nostri ascensionem & exaltationem in umbra prælagiebant. Vide Josephum prius humiliatum, à fratribus afflictum, in servitutum divenditum, incarceratum, compedibus oneratum, sed tandem super omnes exaltatum: *Fecitque cum ascendere super currum suum, &c.* Genes. 41.



Ezek. 6. 12

Vide Mardocheum ab impio Amano despectum, ad crucem & ad mortem destinatum; sed nunc subito ad regios honores assumptum: *Hoc honore condignus est, quemcumque Rex voluerit honorare.*

Judic. 16. 3

Vide Samsonem fortissimum, delusum, & à Philistæis circumfessum; sed nunc portas æreas in Gaza confringentem, & ad summum montis cacumen asportantem: *Apprehendit ambas portas fores cum postibus suis & sera, impostasque humeris suis portavit ad verticem montis, &c.*

1. Reg. 17. 6.

Vide Davidem olim contemptibilem atque despectum, sed ubi stravit gigantem, nunc gloriosissimè de inimicis suis triumphantem: *Porro cum reverteretur percusso Philistæo David, egressæ sunt mulieres de universis urbibus, cantantes, chorosque ducentes in occursum Saul Regis, in tympanis latitia, & in sistris, &c.*

Job. 42. 10

Tirinus hic in fine.

Vide Jobum, virum quondam dolorum, ac novissimum virorum, à planta pedis usque ad verticem plagâ pessimâ percussus; sed nunc reddidit ei Dominus omnia duplicia: *Et addidit Dominus omnia, quæcumque suerant Job duplicia.* Subintrat hic Tirinus: *Job omnia hæc mala sustinuit incredibili patientiâ, humilitate & constantiâ, sed exclusa morte: Christus usque ad mortem inclusam, mortem autem crucis; Jobo reddita omnia duplicia: Christo omnia centuplicia, quia data est illi omnis potestas in cælo & in terra.* Adverte; huic data est omnis potestas, qui prius humiliavit semetipsum, factus obediens usque ad mortem, mortem autem crucis, propter quod & DEUS exaltavit illum, &c. O humilitas! tu sola exaltas, qui non descendit, non ascendit.

Matth. 23. 13

Phil. 2. 8

Luc. 8. 19

Cant. 1. 3

Exod. 15. 1

6. Et quid interim SS. Virgo, ubi cum tanta gloria & majestate dilectissimum Filium suum ad cælos ascendentem contemplata est? *Maria autem conservabat omnia verba hæc, conferens in corde suo.* Credo eam cum dilecta illa Sponsa sæpius illud animo ingeminasse: *Trahe me post te; in odorem curremus unguentorum tuorum.* O quæ lingua effari, quæ mens humana affectui, & quis intellectus capere poterit hujus SS. Deiparæ amoris affectus, desideria, & lacrymas amorosas, quibus Filium suum in cælum abeuntem prosecuta, & comitata est? Si Israël quondam ingenti ac insolito gaudio affectus est, ubi Pharaonem tyrannum & exercitum mari rubro obrutos, se autem salvum ac incolumem in littore spectavit: *Tunc cecinit Moyses & Filii Israël carmen hoc Domino, & dixerunt: Cantemus Domino; gloriose enim magnificatus est, equum & ascensorem dejecit in mare.* Quanto majore gaudio SS. Cor Virginis perfusum est, ubi hostes tartareos modò rubro Filii sanguinis pelago demersos, SS. Patres ex obscuro lymbi carcere liberatos, & æternæ beatitudinis stolâ vestitos, Filium verò impassibilem, imortalem, splendidissimaque luce circumfusus, velut potentissimum de morte, mundo, peccato & diabolo triumphatorem, in veste candicante & partim purpurascens (prout vult Cornelius) per dotem agilitatis seipsum in cælum empyreum librantem

de longè intuita est? Si Abraham gavissus est, ut videret diem hanc; *Cur non ineffabili gaudio*, ait S. Anselmus, *hæc Mater lataretur, quando Filium suum unigenitum omnes cœlos dominandi jure penetrare, ac in DEI Omnipotentis vidit Confessum ascendendo pertingere?* Ioan. 8. 56  
S. Anselm.  
de Excell. V.  
cap. 6.


7. Cum Alexander Magnus, superato & cæso Dario ultimo Persarum Rege, ut gloriosus Triumphator Babylonem ingressus est, in honorem tanti orbis domitoris cives vias omnes odoriferis floribus ac coronis constravere, erectis ex utraque platearum parte argenteis altaribus, quæ thure & thymiamate, aliisque pretiosis erant cumulata odoribus, populo interim applaudente & succclamante: *Vivit Rex.* Le Blanc. ix  
Psalm. 67. 5

Faceffant umbræ: *Attollite portas principes vestras: Et elevamini porta æternales, & introibit Rex gloria.* Et si quæritis, ô cœli Principes, ô Angeli & Archangeli! quisnam sit ille Rex gloriæ? In promptu responsum est: *Dominus fortis & potens: Dominus potens in pralio*, in quo hostes omnes vicit, fregit, contrivit. Et si moras trahitis bis interrogando; *Quis est iste Rex gloria?* Rex ille inmensâ nunc affluens gloriâ & majestate, atque super omnes cœlestes orbis cum illustri Justorum comitatu se inferens, vestrorum quoque agminum Princeps est: *Dominus virtutum ipse est Rex gloria.* O inensum & Angelorum & Beatarum mentium lætitiâ! quis dicet, quis effabitur, quo honore & amore æternus Pater hunc suum dilectissimum Filium exceperit; *Surge ergo, Domine JESU, Fili DEI & MARIÆ! surge in requiem tuam, tu & arca Sanctificationis tuæ*; hoc est: Sanctissima humanitas tua paulò antè in ligno crucis suspensa, sed modò super omnes Angelorum choros exaltata. O quàm diversus est modò ille comitatus in cœlum gloriosè ascendentis, & paulò antè in montem Calvarium inter carnifices & latrones crucem bajulantis!

O Mater amoris & doloris! quid tu ad ista, quando Sanguinem tuum ex tuis SS. visceribus Spiritus S. virtute quondam desumptum, nunc ad tam inensam gloriam elevatum conspicata es? Si Reginæ Austri non erat amplius Spiritus, ubi Regem Sapientissimum in tanta gloria intuita, atque contemplata est: *Non habebat ultra Spiritum*; quid dicam de te, ô Domina mundi & totius universi! quæ juxta probabilem Theologorum opinionem in incarnatione Verbi, & in resurrectione ac ascensione ejusdem essentiam DEI vidisti, ita enim *decens & æquum erat*, ait Paulus de Barry, *eam, quæ Filii sui cruciatus acerbissimos contemplata dolorum Oceano mergetatur, vicissim ejusdem Nati sui mortem triumphantis de torrente Divina voluptatis ac intuitus absorbe-* Paulus de  
Barry c. 5.  
in anno


vi. O anime mi! humilia te coram tanto Filio ac tantâ Matre; gratulare eis, venerare & exalta, quantum potes, &c. Mar.





## CONSIDERATIO LV.

Secundum multitudinem dolorum consolationes  
Spiritus Sancti lætificant animam B. V. MARIAE  
in die Pentecostes.



Ego, ego ipse consolabor te.

*L. a. 51. 12.*



Um pientissimus orbis melioris Reparator & Ecclesiæ suæ  
providentissimus Paterfamilias Christus nunc in cœlum  
abiisset, dilectissimam Matrem suam hujus sacri cœtus &  
familix suæ velut Matremfamilias adhuc aliquo tempore  
relinquere voluit, ut loco sui & Apostolorum & cuncto-  
rum Mater esset fidelium. Proinde B. Virgo à monte Oliveti ad montem  
Sion revertens decem ibidem dies cum primis Christianis numero centum &  
viginti in oratione assidua tum mentali, tum vocali perseveravit, & adven-  
tum

rum Spiritus Sancti ferventissimâ oratione suâ quàm maximè acceleravit, quid enim non poterat impetrare Filia à Patre, Mater à Filio, & Sponsa à Sponso? *DEUS*, ait *S. Vincentius Ferrariensis, orationi, precibusque B. Virg-* *S. Vincent-*  
*nis adventum Spiritus sui alligavit;* ad quod pariter allusisse videtur *Evange-* *Ferr. serm-*  
*lista, dum scribit, quòd Apostoli unâ cum SS. Deipara ad Spiritus Sancti mis-* *de Pente-*  
*sionem ac receptionem sese per unanimitatem & ferventem orationem prapa-* *coste.*  
*rârunt: Erant perseverantes in oratione cum MARIA Matre JESU,* quibus *Act. 1. 14.*  
*mitissima Virgo sine dubio admirabiles Spiritus S. virtutes, quas per experi-*  
*entiam optimè noverat, interim explicavit, ut sic eos ad ardentius orandum,*  
*Divinumque hunc Spiritum postulandum excitaret. Et ecce ubi tandem*  
*lata illa dies accessit, quo DEUS æstuantissimo piarum harum mentium sa-*  
*tisfaceret desiderio, descendit Spiritus S. de cælo sub specie ignis, coronans*  
*Virgineum Caput Mariæ, seditque super singulos: Et repleti sunt omnes* *Act. 2. 4.*  
*Spiritu Sancto, &c.*

Nos pro Emblemate rorem matutinum statuimus, tranquillo ac sereno tempore de cælo cadentem, & languentes hortorum flosculos, sicca prata & exustos solis calore agros mirum in modum recreantem, unde Lemma: *Tolerata pramiam noctis; vel simavis:*

## Dulce refrigerium.

Languerat procul dubio pretiosissima Virgo & cum ea Ecclesia primitivæ ex absentia dulcissimi Sponsi sui nunc in cælo ad Patris dexteram in sede majestatis collocati, sed ubi S. Spiritus Paracletus horâ diei tertiâ illis apparuit, non eos duntaxat in amore DEI ac proximi vehementer accendit, sed & languentes eorum animos quasi dulcissimo consolationis rore perfudit: *Ero quasi ros Israel.*

*Os. 14. 6*

2. Noënum quondam post tot exantlatos labores, superatosque decumanos marium fluctus columba, olivam pacis rostro ei ferens, mirè consolata est: *At illa venit ad eum ad vespertam, portans ramum olivæ viren-* *Gen. 8. 11*  
*tibus foliis in ore suo.*

Agar nili sui Ismaëlis miseram sortem & imminentem mortem in solitudine amaris deplorans lacrymis ab Angelo Solatore confortata est: *Voca-* *Gen. 21.*  
*vitque Angelus DEI Agar de cælo, dicens: Quid agis Agar? Noli timere; ex-* *17*  
*audivit enim DEUS vocem pueri, &c.*

Joseph fratres suos ob commissum olim scelus pavidos paternè solabatur: *Nolite timere, ego pascam vos, & parvulos vestros, consolatusque est eos,* *Gen. 35.*  
*& blande ac leniter est locutus, &c.* *21*

Ruth famæ pressæ, & spicas in agro affinis sui colligenti Booz ingenti solatio extitit: *Quæ ait: Inveni gratiam apud oculos tuos Domine mi, qui con-* *Ruth. 2. 13*  
*solatus es me, &c.*



Tob. 1. 19 Tobias in captivitate constitutus, quia apud Regem Salmanasar gratiam invenit, merentia confratrum suorum concaptivorum corda miro solatio mulcebat: *Quotidie pergebat per omnem cognationem suam, & consolabatur eos.*

Iob. 29. 25 Job de se ipso ait: *Cumque sederem quasi Rex, circumstante exercitu, eram tamen merentium consolator.* O benignissime JESU, qui nunc super omnes Angelorum choros in cœlo elevatus ad dexteram Patris sedes, velut *Rex Regum, & Dominus Dominantium*, circumstante universo Angelorum exercitu, quia millia millium ministrant tibi, & decies millies centena millia assistunt tibi, merentis tamen ac lugentis Matris tuæ Consolator esse non desisti, sed eam per Spiritum S. Consolatorem optimum maximum, benignè consolatus es: *Ego, ego ipse consolabor te:* Non Angelus, aut Legatus, non homo, aut alia creatura, sed ego, ego ipse *consolabor te*, omnemque merorem tuum in gaudium inexplicabile convertam. Juvat hîc audire Sophronium: *Cogitate, inquit, & perpendite, quantis afficiebatur B. Virgo doloribus post Christi ad cœlos ascensum; considerate, quo cruciabatur amore, quoque desiderio astuabat hæc Virgo, dum revolveret animo cuncta, quæ audierat, quæ viderat, quæ cognoverat: Quanto indefuenter cremabatur ardore pii amoris; quantis movebatur repleta Spiritu S. cœlestium Secretorum incitamentis; quia etsi diligebat Christum ex toto corde, ex tota anima, & ex tota mente, novis tamen quotidie inflammabatur præsentia absens desideriorum affectibus: tantò siquidem validius, quantò Divinis illustrabatur intus visitationibus, quam totam repleverat Spiritus Sancti gratia, quam totam incanduerat Divus amor, ita ut in ea nihil esset, mundanus quod violaret affectus, sed ardor continuus, & ebrietas perfusi amoris ejus.*

3. In hac Spiritus S. Paracleti missione verificatum fuit illud Sponsæ: *Introduxit me Rex in cellam vinariam: ordinavit in me charitatem.* Cella ista vinaria rectè dici poterit domus illa, in qua sanctissima Virgo cum Discipulis Domini erat in oratione congregata, ubi omnes à torrente voluptatis erant quodammodo absorpti, & Spiritus S. gratiâ ac amore Divino inebriati; & quæ paulò antè sub umbra crucis steterat dolorum pelago immerisa Mater, nunc sub umbra Spiritus S. qui Christi umbra appellari solet, cœlesti consolatione plena quiescit, ubi cum Sponsa dicere poterat: *Et fructus ejus dulcis gutturi meo, & cum Psalte Regio: Secundum multitudinem dolorum meorum in corde meo consolationes tuæ latificaverunt animam meam.* En fructum exantlatæ passionis & tribulationis toleratæ: *Repletus sum consolatione*, ait Gentium Doctor, *superabundo gaudio in omni tribulatione nostra*, quia Spiritus S. erat illi quasi arrhâ salutis. O si tanta, tamque suavis arrha ista est, quam DEUS servis suis elargiri assolet, quanta erit hæreditas ipsa, quam suo tempore dilectis suis præstabit?

Hic adimpletum fuit illud Regii Vatis: *Fluminis impetus latificat civitatem* Psal. 45. 5  
**DEI.** Civitas DEI animata, ait Os Aureum, erat SS. Deipara, civitas sancta, S. Chrysost. in orat. de Annunt.  
 pulcherrima, firma, munita, omnique virtutum & gratiarum genere ornata, in  
 qua novem mensibus ipse Dei Filius inhabitavit: Nunc, consuētā pas-  
 sione, fluminis impetus, hoc est, Spiritus S. hanc civitatem Dei mirum in modum  
 latificavit, ac gratiis suis, charismatumque donis replevit: *Spiritus Sanctus*, S. Athanas.  
 ait D. Athanasius, *descendit in Virginem cum omnibus suis essentialibus virtutibus*, hom. de SS. Deipara.  
 quæ illi per rationem principatûs Divini adsunt, imbuens eam in gratia, ut in omni-  
 bus gratiosa esset, eò quòd adimpleretur Spiritûs S. omnibus gratiis abundaret.

O anima Christiana! si Maria omnibus Spiritûs S. gratiis abundat; si in  
 illa est gratia omnis viæ & veritatis; si de plenitudine ejus nos omnes accepimus, Eccl. 24. 25  
 & gratiam pro gratia, quare in tentationibus, tribulationibus ac necessitatibus Joan. 1. 16  
 nostris non ad hanc gratiarum Matrem accedimus, ut gratiam efficacem à  
 Spiritu S. nobis impetret? Solent mundani gratiam suorum principum anxie  
 inquirere, Amanum & alios consule, in qua tamen principum gratia non est. Esth. 3. 1  
 salus, hæc autem Mater est cunctorum viventium, gratiâ Spiritûs S. plena,  
 quæ nec peccatores à se rejicit, sed benignè complectitur; ita ipsa ad S. Bir-  
 gittam: *Nedum justorum, sed etiam peccatorum, qui ad bonam frugem recipere* In Revel. lib. 14. c. 133.  
*se volunt, Mater sum, eisque opem fero.* Eja anima, erigete: Quicumque, subin-  
 trat hic Doctor Seraphicus, *septiformem Spiritûs S. gratiam adipisci desiderat*, S. Bonav. in Spec. cap. 6.  
*ipsum florem Spiritûs S. in Virga quærat, per Virginem enim ad Florem, per flo-*  
*rem ad Spiritum in ipso requiescentem pervenimus; per MARIAM ad Chri-*  
*stum accedimus: & per Christum gratiam Spiritûs S. invenimus.*

4. Olim in umbra legis sanxit Deus, qua ratione & modo vitulus tener pro  
 peccatis expiandis à Sacerdote esset immolendus, ubi voluit, ut in sanguine ejus-  
 modi vituli Pontifex digito suo intincto septies altare propitiatorii, quod erat  
 in tabernaculo, aspergeret, ut per hoc accedentes ad tabernaculum delictorum  
 suorum invenirent remissionem: *Cumque intinxerit digitum in sanguine, asper-* Lev. 4. 6  
*get eo septies coram Domino contra velum Sanctuarii, &c.* Hæc illis quondam  
 facta sunt in figura, nobis autem scripta sunt ad correptionem & instructionem.

Per Sacerdotem Christum subaudi, qui non per sanguinem hircorum aut Hebr. 9. 12  
 vitulorum, sed per proprium sanguinem introivit semel in sancta, æterna re-  
 demptione inventa. Per vitulum tenerum pro delictis hominum immolatum  
 ejus humanitatem intellige, per altare SS. Cor Virginis ac Matris dolorosæ,  
 septies Sacrosancto Redemptoris ac Filii sui pretioso cruore respersum primò  
 in circumcisione; secundò in agonia in horto, cujus non ignara fuit; tertio in  
 flagellatione; quartò in coronatione; quinto in vestium detractione; sexto in  
 crucifixione; septimò in cordis apertione; unde rectè S. Hieronymus in quo- S. Hieron. cit. ab. Aug.  
 dam sermone: *Quot laciones in Corpore Christi, tot vulnera in Corde Matris, quot* Rampelo-  
*spina pungentes, tot clavi perforantes; quot ictus carnem rumpentes, tot sagitta* go Theol. in fig. Bib.

Mater Dolorosa.

Ccc



per oculos intrantes, & tot Cor & animam MARIE Virginis vulnerantes, ut ipsa dicat: *Non peccavi, & in amaritudinibus moratur oculus meus, &c.*

Sed quæres, prudens Lector! quare Sacerdos digitum suum in sanguine jugulatæ victimæ intinxerit, eoque septies altare, tabernaculum & velum, quo Divina secreta in templo contegebantur, asperferit? Adverte, digitus Spiritum S. designat, per quem dantur charismata, unde Ecclesia in hymno: *Dexteræ DEI tu digitus; & Rupertus Abbas: Illum autem in sanguine intingere, est Spiritum S. per sanguinem suum dare, nam digitus DEI dicitur Spiritus Sanctus.* Et ecce immensam Spiritûs S. bonitatem, quia prius altare animatum, hoc est, SS. Cor dolorosæ Virginis septem SS. Sanguinis JESU Christi effusionibus aspersum fuit, nunc in die Pentecostes vicissim Spiritus S. septem donis suis idem immaculatum Cor pretiosissimæ Matris DEI de novo abundantissimè cumulavit, & auxit, in tantum, ut de ea S. Bernhardus scribat: *Maria DEI Genitrix, quæ sola totam Spiritûs S. gratiam possedisti; & S. Hieronymus: Ceteris per partes præstantur, Mariæ vero simul se tota infudit plenitudo gratiæ.* O pietissima Domina! unicum stillulam de hac tua gratiæ plenitudine etiam nobis misellis, & sufficit nobis: *Dulce refrigerium.*

§. Recordor hîc illius aquæ stillæ, quam quondam dives ille Epulo inter flammâs tartareas constitutus, cum fumis & ineffabilibus tormentis, tum ardoribus incendii, tum sitis ardentissimæ torqueretur, ab Abrahamo petiit: *Pater Abraham miserere mei, & mitte Lazarum, ut intingat extremum digiti sui in aquam, ut refrigeret linguam meam, quia crucior in hac flamma.* Vide hîc, & admirare, anime mi! singularem humanitatem & humilitatem divitis illius, sed nunc miserrimi Epulonis, qui non maria, aut flumina, sed unicum duntaxat aquæ guttulam pro mitigandis gehennæ ardoribus postulavit, & quidem ab extremo digiti defluentem. O impie & execranda! quid te unica juvabit guttula? omnes aquarum abyssi, vel ipse Oceanus nec unicum inferni scintillam possunt extinguere.

Subintrat hîc S. Augustinus, qui ait, quòd per aquam illam viventem gratia Spiritûs Sancti subaudiri debeat, cujus vel unica guttula per extremum digiti Epuloni in flammis allata, non tantum ei ad mitigandum inferni ardorem, sed & omnem damnatorum gehennam extinguendam suffecisset: *Per extremum digiti, inquit citatus Antistes Hipponensis, vel minimam operationem significat, quæ per Spiritum S. subvenitur, &c.*

Collige nunc, anima Christiana, quam inenarrabili dulcedine SS. COR Virginis ac Matris DEI Mariæ fuerit perfusum, cum in eam non una duntaxat guttula, sed se tota simul infudit gratiæ Spiritûs S. plenitudo: *Beata MARIA,* ait D. Antoninus, *fuit plena gratiâ quadrupliciter, primò, quia omnes gratias generales & speciales omnium creaturarum habuit in summo. Secundò, quia illas gratias habuit, à quibus omnis creatura vacua fuit. Tertiò, quia sua*

*gra.*

Rup. Abb.  
lib. 1. in  
Levit.

S. Bernhard.  
serm. 4. in  
Salve Reg.  
S. Hieron. in  
quodam  
Hymno.

Luc. 16. 24

S. August. de  
questiõn.  
Evangel. 1. 2.  
cap. 38.

S. Antonin.  
4. part. c. 1.  
15. c. 2. §. 1.

gratia tanta fuit, quòd pura creatura majoris gratiæ capax non fuit. Quarto, quia etiam gratiam increatam, id est, DEUM in se tota continuit, & sic per omnem modum gratiâ plena fuit. O miseri mortales! quare diligitis vanitatem, & quæritis mendacium? Cur tantoperè principum gratiis inhiatis? Quousque mundanas delicias, opes fugaces, & sensuales vestras quæretis voluptates? Porro unum est necessarium, ut gratiam Spiritûs S. quæretis, sine qua, inquit S. Paulinus, estis viva cadavera. Ficulneam illam respicite à Christo olim maledictam & necatam: *Et arefacta est continuò ficulnea.* Sic Matth. 21. vos estis sine gratia Spiritûs S. subtrac-to enim illius gratiæ humore, arescatis, 19 & pereatis necesse est. Proinde omni labore & studio gratiam Spiritûs S. quærite, & per Mariam ac Matrem dolorosam quærite: *Quicumque*, ait Philotheus Patriarcha, *radios à gratia Spiritûs S. projectos haurire oculis cupimus, illud, inquam, inocciduum Divini Luminis jubar; omnes ad gratiæ fontem, id est, ad Genitricem Creatoris accurramus oportet, ad ipsius enim votum summa quæque dona fidelibus communicat DEUS.*

6. Placuit autem Spiritui S. sub diversis umbris & figuris mundo se manifestare. Ab orbis primordio, dum terra adhuc erat inanis & vacua, *Spi-* Genes. 1. 2 *ritus Domini ferebatur super aquas.* Hebraicè adinstar volucris, indens eis potentiâ suâ vim prolificam, ut volatilia, reptilia, pisces & germina, imò cœli omnes ex aquis producerentur.

Ubi primus homo jacebat in agro instar statui à luto formatæ, sine omni sensu, motu, vita & ratione, supremus rerum omnium plasinator DEUS *inspiravit in faciem ejus spiraculum vitæ, & factus est homo in animam viventem.* Genes. 2. 7. *Observa* tò *inspiravit*, non solum videlicet animam viventem, sed & (prout hîc advertunt plures SS. Patrum) Spiritum S. velut spiraculum vitæ cum omnibus donis, charismatibus, innocentia & justitia originali.

Cùm populus Israëliticus è durissima Pharaonis servitute per Moysen educeretur, Spiritus S. eorum Dux & Comes in columna nubis & ignis esse voluit: *Dominus autem præcedebat eos ad ostendendam viam per diem in co-* Exod. 13. *lumna nubis, & per noctem in columna ignis, ut Dux esset itineris utroque tempore.* 21

Angelus ille, qui Gedeonem in Ducem contra Madianitas designavit, in Sacrificio summitatem virgæ contra petram extendisse perhibetur: *Ascen-* Judic. 6. 21 *ditque ignis de petra, & carnes azymosque panes consumpsit.* Petra illa Christum denotabat: *Petra autem erat Christus;* per ignem à petra ascendentem 1. Cor. 10. 1 Spiritus S. præsignatus fuit: *Lapis ergo, inquit Rupertus Abbas, quem percu-* Rup. Abb. *rientes ignem eliciunt, Christum significat, qui percussus verbera crucis Spiritum* lib. 5. de *Sanctum nobis effudit.* Div. Offic. cap. 28.

Balthafari Regi sacrilego, regali assidenti convivio, *apparuerunt digiti* Dan. 5. 5 *quasi manus hominis contra candelabrum in superficie parietis aula regis: Et Rex aspiciebat articulos manus scribentis, &c.* Per hunc digitum, damnationis sententiam temulento Regi in pariete scribentem, ait Glossa, Spiritus S. denotatus



Luc. 11. 20  
Ephes. 4. 30  
S. Th. V. 11.  
Serm. 3.  
S. Bernhard.  
in Fest. Pen-  
tecostes.

est, qui est *dextera DEI digitus*, de quo & Veritas Christus: *In digito DEI ejicio damonia.* O mortales omnes! *Nolite contristare Spiritum Sanctum*; supra quod S. Thomas Villanovanus: *Id est, eum fugare, vel expellere per peccatum.* Et S. Bernhardus: *Spiritus iste odit sordes, nec habitare potest in corpore subdito peccatis.* Proinde non miror, quod tota plenitudo gratiæ Spiritus S. sese in Cor Virginis Mariæ infuderit, quia nulli unquam subdita erat peccato; hinc in purissimo Corde illius inhabitabat, tanquam Numen in suo templo, tanquam Rex in suo palatio, tanquam gubernator in sua navi, tanquam hortulanus in suo horto, tanquam Dominus in sua domo; & hæc erat domus illa, quam *Sapientia adificavit sibi, in qua excidit columnas septem; immolavit victimas suas, miscuit vinum, & proposuit mensam.* Per quam domum B. Petrus Damianus rectè B. Virginem subaudit, quam appellat *domum columnis septem suffultam, septem scilicet donis Spiritus S. dotatam, &c.*

Prov. 9. 1  
B. Damian.  
serm. de  
Nat. B. V.

Isa. 11. 2

7. Et hoc est, ad quod allusit Prophetarum Princeps Isaias, ubi de Christo in carne venturo vaticinatus est: *Et requiescet super eum Spiritus Domini Spiritus sapientiæ & intellectus, Spiritus consilii & fortitudinis, Spiritus scientia & pietatis, & replebit eum Spiritus timoris Domini;* quæ dona ac charismata etiam SS. Deiparæ in primo instanti, quo gratiam justificantem accepit, fuerunt comunicata, quæ exinde in die Pentecostes ab eodem Divino Spiritu mirum in modum ac maximo cum incremento fuerunt adauctæ, quod cœlestis ille paranympheus & humanæ salutis nuntius Archangelus Gabriel non obscure per illa verba insinuavit, quibus Virginem in sermone suo conturbatam consolatus est: *Spiritus S. superveniet in te, & virtus Altissimi obumbrabit tibi.* Ubi observa-  
re *superveniet*, quod supponit, prius jam Spiritum S. super Virginem venisse: *Et bene dixit*, ait Liranus, *superveniet in te, quia prius venerat Spiritus S. super Virginem adhuc in utero Matris existentem, illam ab originali præservando.* Venit insuper in incarnatione Verbi, ubi virtus Altissimi ei obumbravit, formando in illa perfectissimâ Christi humanitatē, eamq; personæ Verbi modo quodam ineffabili uniendo; & deniq; in die Pentecostes supervenit; ex cujus adventu, teste S. Ildephonso, Cor Virginis totum amore Divino adinstar ferri igniti & accensi incanduerat. O pientissima Domina, Spiritus S. gratiâ plena & superplena, accende etiam in cordibus nostris, heu quam tepidis, quam frigidis, hujus Divini amoris ignem: *Ignem veni mittere in terram, & quid volo, nisi ut accendatur.*

Luc. 1. 35

Liran. hic.

S. Ildephons.  
serm. 1. de  
Assumpt.

Luc. 11. 49

Luc. 15. 22

S. Augustin.  
quæst. liv.  
q. 33.

Coronidem huic considerationi imponat Filius ille prodigus, cui pœniti pater anulum in manus dari voluit: *Date anulum in manum ejus.* O pater! non anulum sed panem affectat famelicus, & vix ossibu hærens. Resp. S. Augustinus: Rectè ante omnia anulum in digitum ejus fuisse missum: *Anulus, inquit, in manu pignus est Spiritus S. propter gratiæ participationem.* O SS. Virgo! ô Mater! filius prodigus & ego sum, peccavi enim in cœlum & coram te, sed doleo super omnia ob offensum Deum; ah impetra & mihi misello hunc anulum, Spiritus S. gratiam, & misericordias tuas in æternum cantabo.

CON.

# CONSIDERATIO LVI.

Matris Dolorosæ exemplo docemur , quomodo  
rectè & cum fructu ad DEUM orare debeamus.



Hi omnes erant perseverantes unanimiter in ora-  
tione cum MARIA Matre JESU. *Actor. 1. 14.*

I. **E**nerat aliquando ad pretiosissimum orbis Redemptorem  
Salome Vidua & Mater filiorum Zebedæi, humiliter sup-  
plicans, quatenus benignus Dominus dilectis filiis suis  
Jacobò & Joanni in regno suo dexteram & sinistram  
præ cæteris Candidatis dignaretur concedere : *Dic, ut Matth. 20.*  
*sedeant hi duo, pater mei, unus ad dexteram tuam, & unus ad sinistram in regno.* 23  
*tuo.* Quid ad hanc orationem mitissimus Salvator ? Non Matri, sed filiis  
respondet : *Nescitis, quid petatis.* Et quare hoc, mi Domine ? Cur hos sup-  
pli-



Luc. 11. 9

plicantes dimittis inanes? Nunquid ipse dixisti: *Petite, & dabitur vobis; quaerite, & invenietis: Pulsate, & aperietur vobis?* Et ecce petit Vidua hæc paupercula, & nihil ei datur: Quærit, & nihil invenit: Pulsat, & non ei aperitur; ô Domine! ubi sunt promissiones tuæ antiquæ?

Matth. 25.

33

S. Chrysof.

hic apud

Cornel.

Jacob. 4. 3

Respondet D. Joannes Chrysostomus, ideò Matrem repulsam, quia non rectè, & contra propriam filiorum salutem orabat, dum pro uno cælum & pro altero infernum postulavit; & quomodo hoc? Observa, Lector prudens, per partem dexteram in regno Christi Electorum & Salvandorum pars indicatur, & per sinistram pars reproborum & damnandorum designatur: *Et statuet oves quidem à dextris suis, & eos autem à sinistris.* Petiit ergo Mater illa pro uno filio cælum, & pro altero infernum; hinc meritò & Mater & filii cum hac oratione fuerunt repulsi, quia ignorabant, quidnam orarent: *Nescitis, quid petatis, quasi diceret,* ait Orator aureus: *Ego vos vocavi ad partem dexteram, & vos vestro consilio curritis ad sinistram, &c.* Vide hîc, anima Christiana, quomodo & qualiter subinde nostra sit constituta oratio: *Petitis,* inquit S. Jacobus, *& non accipitis, eò quòd malè petatis.*

S. Bernhar-  
din. Senens.  
Tom. 1. ser.  
61. cap. 3.

Non sic Mater Filii DEI, sicut Mater filiorum Zebedæi, neque dexteram, neque sinistram in regno DEI obtinendam unquam petiit, sed ut in omnibus fieret sanctissima Voluntas DEI, ad quod unice respiciebat, hinc semper à DEO obtinuit, quod in oratione sua postulavit, cujus etiam totum vivere, si attentiore mentis oculo inspicis, non aliud erat quàm precari, & agere familiarissimè cum DEO, quem jam à primo vitæ momento adorare, colere & magnificare cœpit: *Tanto lumine,* ait S. Bernhardinus Senensis, *illustrata fuit beatissima Virgo, etiam cum adhuc esset in ventre Matris, ut non tantum plena fuerit lumine rationis, sed etiam altissima contemplationis, eò sublimata, ut DEUM perfectius contemplaretur in utero materno, quàm alius in atate perfecta, magisque deinde excessit in contemplatione dormiendo, quàm alius vigilando; in qua oratione & laude Divina per omnem vitam perrexit, & quantum potuit, alios quoque ad orationis studium induxit: Ipsa benedicta DEI Mater,* ait alius Bernhardinus (cui cognomentum Bussi) *alios inducebat ad orandum, & ideò Actor. 1. de Apostolis dicitur, quòd stabant in oratione cum Maria, scilicet, ut colligamus orationis perseverantiam ex MARIE præsentia & hortatione maximè provenisse.* Proinde SS. COR hujus devotissimæ ac dolorosæ Matris DEI non incongruè assimilabis cuidam regulæ seu amussi, quam architecti, ut citra vitium laborent, assiduò manibus versant, cujus beneficio fabrica recta & non distorta in altum confurgit, addito super oculum Domini hocce Lemmate:

Bernhardin.  
à Buss. ferm.  
4. de fervent.  
orat. M.

Recta à recto.

2. Ita est: Oculi ejus erant columbarum, semper intenti ad Dominum, absque eo, quod intrinsecus latebat, optima nimirum cordis ejus ad DEUM ubique præsentem directa intentio, in cujus conspectu semper ambulabat: Unum, ait S. Antoninus, pro certo scimus, quia omnis Maria actio & intentio semper fuit intenta in DEO, sive trimulæ in templo, in quo usque ad annum ætatis decimum quintum, quo Verbum concepit, diu noctuque in oratione tum vocali, tum mentali, DEO deserviebat; sive per triginta illos & quatuor annos, quos cum Filio à puncto incarnationis usque ad passionem ejus & crucis mortem exegit; sive post ejus ascensionem in cælum, ubi adhuc duos & viginti circiter annos in solamen primorum fidelium ex voluntate pietissimi Numinis in terris transegerat, semper in devotione & meritis crescens, ad perfectionem consummatam & ad summum sanctitatis apicem ascendit, de cujus plenitudine nunc omnes accipimus.

Cant. 4. 2

S. Antonin.

4. part. tit.

15. c. 44.

5. 8.

De Judith Matrona nobilissima, cujus eximia forma cum pari certabat virtute, quam proinde DEUS ad tam heroicum facinus & Israëlitis liberationem elegit; de hac, inquam, vidua, ut tota DEO & orationi vacaret, habet Scriptura: In superioribus Domus sua fecit sibi secretum cubiculum, in quo cum puellis suis clausa morabatur; & habens super lumbos suos cilicium, jejunabat omnibus diebus vitæ suæ.

Judith. 8. 5.

En typum perelegantem pretiosissimæ Virginis ac Matris DEI Mariæ nunc viduæ, post Filii ascensionem in monte Sion simile secretum sibi eligentis cubiculum, in quo in assidua meditatione, jejunio, corporis mortificatione, silentii studio, castitate plus quam Angelica, ac præsertim in ferventissima oratione DEO suo pro viribus servire satagebat; unde Dionysius Carthusianus in illa verba Canticorum: Ego dormio, & cor meum vigilat, ita de hac SS. Deipara loquitur: Hoc, ait, sanctissima Virgo præeminenter dicere potuit, quia contemplatissimam vitam duxit, & ab exteriori tumultu, omni inordinato strepitu & cura superflua atque inequitudine culpæ penitus abstinens, & sospita vigilantissima mente DEO vacavit, pro Ecclesia exoravit, actibusque virtutum termino excellentia perfectissimis jugiter fuit intenta. Denique in somno corporali cor ejus pervigil fuit; & ex assidua assuefactione perfecta insistendi Divinis, exardentissima & exercitatissima charitate, ex splendidissima & exuberantissima sapientia sibi infusa, & contemplatione in vigiliis, penè aut prorsus continuè, etiam tempore somni, vigili corde fuit DEO conjuncta, & pro commissa sibi Ecclesia vigilare non cessat. Et si Anna illa Prophetissa non discedebat de templo, jejunii & obsecrationibus DEO serviens die ac nocte; quanto magis in SS. DEI Genitrice admirare possumus orationis sedulitatem, mentis fervorem & animi assiduum ad DEUM ascendentis intentionem? hinc non imèritò à SS. Patribus Thur bul un aureum, & Altare Thymiamatis nuncupata est, in quo suavissimi quondam aromatum odores DEO T. O. M. in templo præsentaban-

Cant. 5. 2

Carthus. in

Cant. 6. 5.

Luc. 2. 37

Hebr. 9. 7

Exod. 30.

27



3. Bernb. in  
medit. c. 8. tabantur. O quàm tepida est econtrariò oratio nostra: *Magnam injuriam.*  
inquit Mellissius, *DEO facio, cùm illum precor, ut meam precem exaudiat,*  
*quam ego, qui fundo, non audio; deprecor illum, ut mihi intendat, ego verò*  
*nec mihi nec illi intendo, &c.* Initare proinde, saltem quantum vales, SS.  
Eccles. 18. Virginem, & ante orationem prapara animam tuam, & noli esse quasi homo,  
23 qui tendat *DEUM.* Audi pro consilio ipsam loquentem Veritatem: *Tu*  
Math. 6. 60 autem cùm oraveris, intra in cubiculum tuum, & clauso ostio, ora ad Patrem  
tuum in abscondito, & Pater tuus, qui videt in abscondito, reddet tibi.

3. Reminiscor hîc Divini illius Sponsi, qui in sacro epithalamio cha-  
rissimam Sponsam suam peramicè invitavit, ut è domo & civitate in agros  
egrediens, ibi in umbrosis tabernaculis, in petra excisis, suam inquireret &  
cant. 2. 14 captaret quietem: *Columba mea in foraminibus petra: in caverna maceria.*  
Ad quid, oro, Sponsa dilecta, & columba illa immaculata in foraminibus  
petrae, & in caverna maceriae?

Sponsus ille Christus est, incarnatus in caverna maceriae, hoc est, ait  
Cornel, hic, Cornelius, in abscondito ventris virginalis, & natus in foramine petrae, id  
est, in spelunca Bethlehem, quæ ex petra extra urbis portam erat excisa;  
mortuus est in rupe Calvariae, ubi Crux Dominica petrae infixæ fuit; se-  
pultus denique est, sed nonnisi in foramine petrae, ex quo gloriosus resur-  
rexerit. Ad hæc ergo sacra loca invitabat dilectus sanguinum Sponsus cha-  
rissimam Sponsam ac Matrem suam pretiosissimam, *qua loca B. Virgo, ad-*  
*dit Cornelius, crebrò devotè visitabat, & obibat, ut in eis penè habitare vi-*  
*deretur.* O quàm ardentes ibi preces ad *DEUM* & *Filium* fudit! ô quot  
ardentia in cælum misit suspiria! ô quot lacrymis hæc sacra loca Divini  
cant. 2. 3 Agni sanguine purpurata rigavit! hîc sedebat sponsa illa *sub umbra illius,*  
*quem desideraverat,* revolvens animo omnia, quæ & quanta pro genere  
humano sit perpeffus, & fructus ejus videbatur dulcis gutturi ejus; hoc  
enim habet pia & attenta Dominicæ passionis meditatio & oratio. Au-  
gustinum audite: *Quantum flevi, bone JESU, in acerbissima mortis tua me-*  
*ditatione, tanto misericordia tua prodigio commotus acriter! eliquabatur sci-*  
*licet misericordia tua dulcedo in cor meum, & ex ea astuabat affectus pieta-*  
*ris, & currebant lacrymæ; & bene mihi erat cum eis.* En quomodo ex ama-  
ro dulce.

Et vis scire, anime mi, quidnam SS. Deipara circumiens hæc sacra  
Hadr. Lyr. loca oraverit, atque meditata sit? planè non aliud, quàm quod ipsa pro-  
de Christ. prio ore Venerabili Catharinæ Ricciæ insinuavit & edocuit, voluitque, ut  
Pat. apud singulis feriis quintis, sole ad vespertum vergente, cum Sororibus oraret,  
me fol. 593. & devotè decantaret. En epitomam passionis Dominicæ, quam sibi ipsi  
dolorosa Mater ex diversis Sacrae Scripturae locis selegit, & aliis imitandam  
proposuit.

*Amici mei & proximi mei adversum me appropinquaverunt, & steterunt.  
Traditus sum, & non egrediebar; Oculi mei languerunt præ inopia.  
Et factus est sudor meus, sicut gutta sanguinis decurrentis in terram.  
Circumdederunt me canes multi, concilium malignantium obsedit me.  
Corpus meum dedi percutientibus, & genas meas vellentibus.  
Faciem meam non averti ab increpantibus, & conspuentibus in me.  
Quoniam ego in flagella paratus sum, & dolor meus in conspectu meo semper.  
Foderunt manus meas & pedes meos, dinumeraverunt omnia ossa mea.  
Dederunt in escam meam fel, & in siti mea potaverunt me aceto.  
Omnes videntes me deriserunt me, locuti sunt labiis, & moverunt caput.  
Ipsi verò consideraverunt, & inspexerunt me; diviserunt sibi vestimenta, &  
super vestem meam miserunt sortem.  
In manus tuas commendo spiritum meum, redemisti me, Domine DEUS  
veritatis.*

*Memento famulorum tuorum, Domine, cum veneris in regnum tuum.  
JESUS autem emissâ voce magnâ tradidit spiritum.  
Misericordias Domini in æternum cantabo.  
Verè languores nostros ipse tulit, & dolores nostros ipse portavit.  
Ipse vulneratus est propter iniquitates nostras, attritus est propter scelera nostra.  
Omnes nos quasi oves erravimus; unusquisque in viam suam declinavit.  
Et posuit in eo Dominus iniquitates omnium nostrum.  
Exurge, quare obdormis, Domine? exurge, & ne repellas in finem.  
Ecce DEUS salvator meus: Fiducialiter agam, & non timebo.  
Te ergo quaesumus, Domine JESU, famulis tuis subveni, quos pretioso sanguine redemisti.*

*V. Miserere nostri, JESU benigne.*

*R. Qui passus es clementer pro nobis.*

## ORATIO.

*Respice, quaesumus, Domine, super hanc familiam tuam, pro qua Dominus JESUS Christus non dubitavit manibus tradi nocentium, & crucis subire tormentum.*

LECTOR Mariane, si salutem tuam amas, fac hanc orationem, ab ipsa dolorosa Matre subministratam, tibi familiarem, quia, prout B. Albertus Magnus asserit, talem Christi passi memoriam etiam simplicem, sed devotam, plus animæ tuæ prodesse salutis, Deoque multò esse gratiorem, quàm si quod-

*Mater Dolorosa.*

D d d

tidic



tūdie te usque ad sanguinem flagellares, aut anno integro in aqua & pane jejunares, aut quotidie Davidis Psalterium recitares. En quā facilem orandi & meditandi modum tibi subministrat dolorola Mater, si eam amas, imitare.

Luc. 12. 41

S. Bernhard.  
serm. 3. in  
Ram. Pal.

S. Ambros.  
lib. 2. in  
Lucam.  
A drichom.  
in descript.  
Terræ sanctæ.

S. Bernhard.

Tom. 2. § 1

Actor. 1. 14

Thren. 1. 2

Lib. 1. Re-

vel. cap. 10.

Ecccl. 35. 21

S. Thom.

Villan. serm.

de S. Mich.

Psal. 53. 5

Genes. 22. 5.

4. Plura requiris? & rectam orandi formam? Christum cum primis consule in monte Olivario tibi orandi exemplar præbentem. Oravit avulsus, quantum est ictus lapidis, à Discipulis: Disce, & quære solitudinem in oratione. Oravit positus genibus, procidens in faciem suam: Disce in oratione coram DEO tuo te humiliare, terra & cinis. Oravit se totum in sanctissimam Patris voluntatem resignans: Fac tu similiter. Oravit in agonia prolixius: Observa in orando fervorem & constantiam. Oravit usque ad sudorem sanguineum: Nota mortificationem ad rectam orationem necessariam. Oravit cum lacrymis: *Non enim solis oculis*, ait Mellissuus, *sed quasi omnibus membris flevisse videtur, ut totum corpus ejus, quod est Ecclesia, totius lacrymis corporis purgaretur*: Ubi tuæ sunt lacrymæ inter orandum? En normam & formam hîc habes, Cliens Mariane! qualiter juxta exemplum Christi & SS. Matris ejus dolorosæ te oporteat orare. Oravit & illa, sed ut plurimum sola, amans unicè solitudinem: *Sola*, inquit S. Ambrosius, *in penetrabilibus, quam nemo virorum videret, solus Angelus reperiret, sola sine comite, sine teste, ne quo degenerare depravaretur assatu, ab Angelo salutatur*. Oravit positus genibus, prout patet in illo lapide, in quo pro perseverantia Stephani deprecatura, genuum formam reliquit. Oravit semper Divinæ voluntati se penitissimè resignans: *Intemerata Virgo*, ait S. Bernhardinus, *semper habuit continuum aspectum ad DEI beneplacitum, promptumque consensum*. Oravit prolixius & constanter, quod patet ex illo Lucæ: *Hi omnes erant perseverantes in oratione unanimiter cum MARIA Matre JESU*. Oravit cum lacrymis: *Et lacrymæ ejus in maxillis ejus*. Imò oravit usque ad sanguinem præsertim in passione & morte Filii, ita ipsâ ad S. Birgittam attestante: *Ex oculis meis erumpebant lacrymæ sicut sanguis è venis*. Et quis dubitat, quòd talis oratio non penetraverit cœlos, & ulque ad conspectum Altissimi pervenerit? *Oratio humilientis se*, ait Siracides, *Nubes penetrabit, & non discedet, donec altissimus aspiciat*.

5. Heu qualis econtrariò est nostra oratio! quā distracta quā tepida, quā indevota, quā arida, jejuna, & sine ulla facta præparatione! Unde tanta tepiditas in orando? quærit S. Thomas de Villanova, tanta negligentia in operando? & respondet sibi: *Ex oblivione DEI, quia non proposuerunt DEUM ante conspectum suum*. Abraham in monte oraturus, & sacrificaturus, omnia prius impedimenta, quæ distractionem causare poterant, à se amovit: *Expectate hic cum asino - - postquam adoraverimus, revertemur ad*

*ad vos*; quare tu non facis similiter, homo Christiane, cum templum intras ad DEUM oraturus, aut sacrificaturus? Cur non asinum tuum & inutiles curas domi relinquis? Salomon talis ac tantus Rex *orans utrumque genu in terram fixerat, & manus expanderat in cælum, &c.* Qualis est tuus in orando habitus? Bethsaminæ illi, quia curiosius Arcam DEI inspexerant, subitanæ morte à DEO castigati sunt: Et tu quid agis? An non curiosè ad omnem motum circumspicis? rides? fabularis? & hocce orare est? Tu, exclamat os aureum, cum Rege Regum colloquens, cui cum horrore serviunt Angeli, omissa cum illo cæpto sermone, de luto, de pulvere, de telis araneorum loqueris? An non talis oratio tibi meritò fiet in peccatum? Si oratio est mentis elevatio in DEUM, quomodo mens tua erit in cælo, si mores jaceant in cæno? Si oratio justæ, juxta mentem S. Augustini, *clavis est cæli: Ascendit precatio, & descendit DEI miseratio*; quomodo tibi patebunt cæli januæ, si tam luridè, tam frigidè tuas ad DEUM preces fundis? An ignoras, quòd *maledictus sit ille, qui opus DEI facit fraudulenter*? Alii legunt: *Negligenter*? Et quid est, dic, obsecro, sodes, hæc tua oratio (non licet mihi dicere, tua Breviarii recitatio) quid, inquam, est? An non lampas sine oleo, nux sine nucleo, palea sine grano, mola sine farina, flos sine fructu, corpus sine anima? Proinde si sanus es, & æternam tuam perpendis animæ salutem, sequere consilium Sapientis: *Ante orationem præpara animam tuam.* Præmitte semper actum contritionis, præfige tibi bonam intentionem, pete gratiam ad piè, attentè ac utiliter orandum, in ipso orationis decursu sapius recollige mentem ad præsentem DEUM ad passionem Christi & infinita ejus merita, eliciendo actum fidei, spei, charitatis, gratitudinis, humilitatis, &c. Denique offer preces tuas optimo Numini per manus dolorosæ Virginis Mariæ, in eadem intentione, sicut illa quondam stans ad crucis radices Patri æterno dilectissimum Filium suum obtulit; sic non poterit esse repulsa, ubi hæc pro te loquuntur amoris insignia & utriusque merita.

6. Et dic, quæso, an efficacior aut utilior orandi, ac meditandi modus esse potest, quàm si juxta exemplar dolorosæ Matris inter orandum cogitationes tuas in sanguine Agni intingas, atque utriusque exemplum, quod tibi monstratum est, in oratione sequaris? Audi Seraphicum Doctorem: *Sit ergo, inquit, regula vivendi passio Salvatoris, & tunc amplius in hoc consolemur, quanto amplius Christo conformamur: & tanto amplius desolemur, quanto ab hoc exemplari ac regula amplius elongamur.* Unde Ecclesiastes monet: *Sapientis oculi in capite ejus, caput autem nostrum est Christus JESUS & hic Crucifixus, in quem assiduò cum dolorosa Matre mentis nostræ oculos in oratione & in omni operatione figamus; ita ipse Christus S.*

3. Reg. 8.

54

1. Reg. 6.

19

S. Chrysost.  
hom. 1. de  
verb. Isaiæ.

S. Aug. serm.  
1. Dom. in  
Ost. Pasch.  
Isa. 48. 10.

Eccles. 18.

23

S. Bonavent.

P. 1. St m.

cap. 4.

Eccles. lib. 2.

14



Blos. in Mo-  
nil. Spirit.  
cap. 1.

Luc. 15. 21

Luc. 18. 13

Luc. 17. 16

Matth. 18.

26

Luc. 7. 38

S. Bernhard.

serm. Nat.

B. V. fol. 59.

Hadr. Lyr.

de par. Je-

su. l. 7. c. 9.

Et Quaresim.

Tom. 5. fol.

176.


exempl. 7.

Gertrudem allocutus est : *Filia, qui cum devotione me Crucifixum aspicit in vita, ego illum benigno oculo aspiciam in morte.* Siste proinde te, quando cum fructu aut vocaliter aut mentaliter orare desideras, coram Amore tuo Crucifixo & SS. Matre ejus dolorosa, velut filium prodigum, nunc denuò ad Patrem & frugem revertentem : *Pater peccavi in cælum & coram te, jam non sum dignus vocari filius tuus.* Vel juxta exemplum publicani, qui non ausus erat oculos suos levare in cælum, sed stans à longè percutiebat pectus suum, dicens : *DEUS propitius esto mihi peccatori.* Aut imitare leprosum illum à longè stantem, & rogantem, quatenus à benignissimo JESU à lepra sua mundaretur : *Et cecidit in faciem ante pedes ejus.* Vel sectare servum illum, qui Domino suo decem millia debebat talenta, rogans cum eo : *Patientiam habe in me, &c.* Aut denique cum Muliere illa peccatrice ad pedes JESU te projice, amoris lacrymis tua destens delicta : *Cœpit lacrymis rigare pedes ejus.* Convertte exinde oculos tuos ad dolorosam Matrem JESU, eamque impensius per SS. Vulnera ac dulcissimum COR JESU exora, quatenus tibi in hac oratione & in omni actione velut pia Mater, à JESU moriente in cruce tibi commendata, benignè adesse dignetur ; sic fieri non potest, ut preces tuæ non exaudiantur : *Exaudiet Matrem Filius,* ait Mellissius, & *exaudiet Filium Pater : Filioli, hac peccatorum scala, hac mea maxima fiducia est, hac tota ratio spei mea. Quid enim ? potestne Filius aut repellere, aut sustinere repulsam ? non audire, aut non audiri Filius potest ? neutrum planè : invenisti, ait Angelus, gratiam apud DEUM, & sola est gratia, qua egemus.*


7. Pro dictorum coronidè audiamus, quid Bononiæ in Italia juveni Tyroni ex sacra Divi Dominici familia acciderit. Erat is ex prosapia nobili natus, in deliciis enutritus, & sui amantissimus ; sed quia, uti perspicacis erat ingenii, satis luculenter viderat, neminem duobus Dominis, Christo & mundo posse servire, idcirco habitâ super hâc re maturâ deliberatione, mundo valedicere, & sacrum PP. Dominicanorum ordinem ingredi statuit, in quo Bononiæ in percelebri S. Dominici Conventu per aliquot mentes, ut Novitius, prima fundamenta jecit. Verùm quia rigor ille monasticus & disciplina admodum dura, ac præsertim panis niger & durus per civitatem emendicatus, tam delicato stomacho non amplius placere, imò & tædio esse cœperunt, statuit unicum suum perfugium apud dolorosam Virginem quærere, hinc lacrymis abundè manantibus ad ejusdem dolorosæ Matris imaginem, Filium de cruce depositum gremio suo excipientem, venit, eamque sic precatus est : *Regina maxima & pia afflictorum Consolatrix, rudis lana, de qua commisam porto, continua flagella, quibus in capitulo excrucior, nocturna vigilia, frequentatio chori, perpetuum silentium, me nimis affligunt, quodque magis me urit, nec superare queo, est panis, quo vescor,*  
*quem*

quam domi non pinsimus, sed per urbem vicatim emendicamus, non integrum, sed partes, non à nobilibus, sed plebeis, nigrum, durum, pinguem, adeò ut non tantum non mandere, sed ne olfacere qucam: quare te rogo, non agrè ferre, si ad pedes tuos hanc vestem exuo, quam ferrè quidem maximè desidero, sed viribus destituor. Quid ad hæc dolorosa Virgo? ô verè Mater amoris & doloris! quæ materno ac blandissimo affectu hunc Novitium solata est: Quomodo si cui Mater blandiatur, ita ego consolabor te; proinde brachium Ifa. 66. 13; in hac sua icône extendit, panem illum nigrum à juvene sibi porrigi petiit, quem mox Sacris vulneribus & lateri in sinu jacentis Filii intinxit, jussitque, ut bono animo esset, panemque illum rursus gustaret, masticaret, ac comederet. Obsequitur juvenis, & panem hianti ore contrectans, totum cum aviditate manducat, ex cujus gustu tantam dulcedinem & consolationem percepit, ut mutato proposito, non duntaxat in S. Religione usque in finem fortiter perseveraret, sed & omnia quæcunque dura, aspera & adversa poterant accidere, alacri semper animo perferret, donec tandem hanc mortalem cum æterna commutavit vitam. Tantum profuit huic Religioso juveni, ad dolorosam Matrem in tentatione & oratione sua confugisse. Fac tu similiter, Cliens & Sodalis Mariane, si tentatio apprehendit te, ito ad Matrem dolorosam, & dic ei: *Monstra te esse*

*Matrem, sumat per te preces, qui pro nobis natus.*  
*tulit esse tuus.*








## CONSIDERATIO LVII.

B. Virgo & Mater Dolorosa assiduâ virtutum exercitatione singulare nobis præbuit specimen temporis optime locandi.



Ergo dum tempus habemus, operemur bonum.  
*Galat. 6. 10.*

S. Bernhard.  
in declamat.  
post medit.  
fol. 313.



**E**ctē Mellissus: *Nihil, inquit, pretiosius tempore, sed eheu nihil hodie vilius æstimatur: Transeunt dies salutis, & nemo recogitat, nemo sibi non reditura momenta periisse causatur. Considera solem, quomodo spatio unius horæ quadrantis centum viginti milliarium millia juxta sententiam Philosophorum & Astronomorum in suo cursu conficiat. Perpende ordinem lunæ, stellarum ac reliquorum orbium cœlestium, quomo-*

do semper currant, ac per gyrum revolvantur, & si aliquando quiescerent, agerentque ferias, omnia ruerent in pessum, imò & in interitum; proinde necesse est, ut perpetuo usque ad finem sæculi serventur in motu, quibus nonnemo Academicus pro Lemmate inscripsit: *Affiduo in motu.*

Homo Christiane & Mariophile, attende, & vel ex his creaturis ratione carentibus rationem statûs ac finis tui collige; si enim in hoc stadio non curris, nec in virtute proficis, nec tempus salutis tuæ bene locas, deficias, ac tandem pereas, necesse est: *Oportet*, ait Veritas, *semper orare*, hoc Luc. 18. 2 est: *Oportet semper bene facere, & nunquam deficere*, cum hîc non sit tempus quietis, sed certaminis & assiduæ exercitationis: *Posui vos*, ait rur- Ioan. 15. 16 sum Veritas, *ut eatis, & fructum afferatis, & fructus vester maneat*: Non posui vos, ut tempus salutis malè impendatis, velut infructuosa illa ficulnea, quam post magnam & plurium annorum patientiam, cum nullum prorsus daret fructum, tandem vinea Dominus excindi, & in ignem mitti iussit: *Succide illam, ut quid etiam terram occupat?* Luc. 13. 7.

O quàm insigni & assiduâ virtutum exercitatione per omnem vitæ cursum, ac tunc præsertim, cum Filius in cælum abiit, nobis præluxit beatissima Virgo & Mater amoris & doloris, quæ in omnibus actibus suis à vitæ aurora singulis momentis in omni sanctitate & iustitia ulterius progressa est usque ad clarissimum æternæ gloriæ diem, juxta illud Salomonis: *Justorum semita quasi lux splendens procedit, & crescit usque ad perfectum diem.* Proinde rectè Rupertus Abbas asserit: *Virginem in sua prima sanctificatione fuisse ut auroram, in Filii conceptione ut lunam, in morte ut solem.* Ex quibus, Lector Mariane, facile conjicies, quomodo hæc SS. Virgo singulare nobis omnibus præbuerit specimen temporis optimè locandi, & pro salute nostræ fructuosè impendendi, dum enim ferrum calet, tundendum, postea occasio calva, unde Lemma:

## Dum calet.

2. Bene dixisti, Regum prudentissime: *Sapiens Mulier adificat domum suam.* Talis fuit Ruth Moabitis, quæ ædificavit domum & familiam Booz, de qua ipse Booz: *Scit omnis populus, qui habitat intra portas urbis meæ, Mulierem te esse virtutis.* Talis fuit & illa Mulier sapiens, quæ Joabo, civitatem Abela obsidenti, pro salute patriæ & civium locuta est, urbemque suâ blandiloquentiâ, ne vastaretur, conservavit: *Et exclamavit Mulier sapiens de civitate: Audite, audite, dicite Joab: Appropinqua huc, & loquar tecum, &c.* Talis fuit & Rebecca, argumentosa illa & prudens Materfamilias, quæ Jacobo Filio non tam paternam benedictionem procuravit, sed & eum cautè fecit iram fratris sui Esau declinare: *Qua mittens, & vocans Jacob* enef. 27. 42



Jacob filium suum, dixit ad eum: Ecce, Esau frater tuus minatur, ut occidat te. Talis quoque extitit Abigail, quæ suâ munificentia ac prudentia iratum Davidem placavit, familiamque suam, ne extingueretur, servavit immunem: *Suscepit ergo David de manu ejus omnia, quæ attulerat ei, dixitque ei: Vade pacifice in domum tuam, ecce audivi vocem tuam, & honoravi faciem tuam, &c.*

1. Reg. 25.  
35

Prov. 14. 1

Vinc. Bruni  
S. J. Medit.  
3. de B. V.

Mittamus figuras & umbras: *Sapiens Mulier ædificans domum suam cum primis extitit beatissima Virgo & Mater DEI, quæ per Christum Filium suum ædificavit Ecclesiam DEI, & cum is ascendisset in cælum, tanquam sollicita Mater familias omnium Christianorum curam peculiarem gessit: Sicut Mater communis, ait Bruni, familia nova & sancta, ad lucrificandos omnes, se accommodabat omnibus, verbisque & scriptis, operibus & orationibus continuis. immensam charitatem suam & ardentem zelum de uniuscujusque salute demonstrabat: Affligebatur cum afflictis, erigebat lapsos, confirmabat stantes, sustentabat debiles, curabat peccatores, animabat pusillanimes, infirmis & pauperibus presidium suum offerebat. Et quia certò sciebat, in charitate consistere plenitudinem Legis, omnisque perfectionis vinculum, non dedignabatur cum humilibus & infima conditionis hominibus conversari, vesci communibus eorum cibis, eandemque vivendi rationem cum eis tenere. Denique consiliis & responsis suis Divinâ Sapientiâ plenis, primitiva illi Ecclesia magno adjumento & ornamento erat. Et si Paulus quondam suos neophytos Christianos, quos in Christo genuerat, admirabili diligebat charitate, eosque assiduò in corde suo gerebat: Eò quòd habeam vos in corde; & in alio loco: In cordibus nostris estis ad commoriendum & convivendum; quanto majori amore in omnes spirituales filios suos flagrabat COR MARIÆ, erat enim omnium Mater: Sicut Christus, ait Dionysius Carthusianus, est DEUS noster, & misericordia nostra, sic Virgo est Mater, & domina nostra, misericordia janua. Et quemadmodum Mater filios illos teneriori prosequitur amore, ob quorum salutem majores in partu perpeffa est dolores: Ita & B. Virgo ac Mater dolorosa, quia in summo dolore nos sub cruce parturit, ideò plus & indicibili amore nos diligit, & jam tunc in vita sua primos illos diligebat Christianos, quorum omnia erant communia, quibus bono exemplo, labore & sanctitate vitæ, velut quondam illa columna nubis & ignis Israëlitis per desertum & mare rubrum ad promissionis terram proficiscentibus, prælucebat, ut Dux esset itineris utroque tempore.*

Phil. 1. 7  
2. Cor. 7. 3  
Dion. Carthuf. in Cantica.  
art. 27.

Astor. 4. 32

Exod. 13.  
21

Proverb. 31  
14

3. Hanc quoque gnavam ac industriam Virginem in spiritu quondam prævidit Regum sapientissimus, unde eam navi mercatoris à longè panem suum advehenti assimilavit: *Facta est quasi navis institoris de longè portans panem suum. Enimverò in domum suam, hoc est, in Ecclesiam beatissima Virgo invexit panem suum, id est, Christum Dominum, qui de seipso ait:*

Ego

Ego sum panis vivus, qui de cœlo descendi, ut illo in SS. Evcharistia quotidie pas- 102a. 6. 51  
camur, nutriamur, & reficiamur; unde quotidie & ipsa post ascensionem Fi-  
lii hunc Evcharisticum Panem sumpsit, & in nascente illa Ecclesia, quia ar-  
dentiore erga Filium æstuabat charitate, pro viribus allaboravit, ut pariter à  
cunctis fidelibus frequenter sumeretur, hoc enim indicant Actus: *Erant autem* <sup>Act. 2. 42.</sup>  
*perseverantes in doctrina Apostolorum, & communicatione fractionis panis, &c.* In  
quem finem & primi fideles, cum inciperent persecutiones in Ecclesia DEI,  
ut se ad martyrium forti animo tolerandum armarent, Evcharistiam collo ap-  
pensam & pectori applicatam, domum deferebant, quæ caula illis fuit tantæ  
fortitudinis, sanctitatis & perfectionis, quorum omnium dux & antesignana  
extitit Regina Martyrum. O felix & argumentosa apicula, de qua Aristoteles:  
*Apis est animal mundissimum; quid castius DEI Matre?* Apis in labore est  
assidua; de B. Virgine dicit Sapiens: *Quasi vit lanam & linum, & operata est* <sup>Arist. lib. 9.</sup>  
*consilio manuum suarum.* Apis mel parat & conficit; B. Virgo paravit nobis <sup>Proverb. 31.</sup>  
*mensam Evcharisticam, omni melle & saccharo dulciorem, adversus omnes, qui* <sup>13</sup>  
*tribulant nos.* Mulier illa Evangelica *acceptum fermentum abscondit in farina* <sup>Psal. 22. 5</sup>  
*satis tribus.* O pientissima Domina! tu per illam præsignata es Mulierem, <sup>Matth. 13.</sup>  
quæ quondam in utero tuo, juxta mentem Mellisui, tria fata, hoc est, tres <sup>33</sup>  
Christi Filii tui naturas, videlicet animam, corpus & Divinitatem, uni verbi <sup>S. Bernhard.</sup>  
hypostasi admirabili quodam modo junxisti, & univisti: *Procurat autem,* <sup>lib. 5. de</sup>  
subintrat hîc S. Chrysologus, *domi Mulier fermentum, & panes præparat, quia* <sup>Consid.</sup>  
*virum foris expectat labor, intus Mulierem domestica cura constringit.* Vir iste <sup>S. Chrysol.</sup>  
Christus erat, qui foris extra civitatem in medio terræ omnium nostrum salu- <sup>serm. 99.</sup>  
tem in cruce operatus est, Mulier autem, hoc est, SS. Deipara post Christi in <sup>Psal. 73.</sup>  
cælum ascensum domi laboravit, hoc est, in domo DEI recentis Ecclesiæ, <sup>12</sup>  
strenuè propagando fidem, curam habens Apostolorum, Discipulorum,  
aliorumque, qui recenter Christianæ se adjugebant religioni, quorum om-  
nium sollicita Mater extitit; unde iterum de illa Sapiens: *Consideravit agrum,* <sup>Proverb. 31.</sup>  
*& emit eum: De fructu manuum suarum plantavit vineam.* Supra quod per- <sup>10</sup>  
elegantè Cornelius: *Ipsa, inquit, agrum & vineam primitivæ Ecclesiæ suæ sa-* <sup>Cornel. hîc.</sup>  
*pientia, providentiâ, meritis & exemplis plantavit, adeoque fertilem effecit, ut in*  
*omni sanctitate effloresceret, ac viros Apostolicos, Martyres & Virgines proferret,*  
*inò ut omnes fideles viverent vitam non tantum Christianam, sed & Religiosam,*  
*in paupertate, castitate, & obedientia.* Et pergit Sapiens: *Accinxit fortitudi-* <sup>Proverb. 31.</sup>  
*ne lumbos suos, & roboravit brachium suum: tunc videlicet, quando in omni* <sup>16</sup>  
*passione, ac præsertim in cruce pendenti Filio adstitit, ubi omnia tormento-*  
*rum genera, quæ Christus perpeffus est, ipsa compatiendo pertulit: ubi au-*  
*tem induta est virtute ex alto, ac Spiritum S. recepit, in summa fortitudinis ple-*  
*nitudine, pergit idem Cornelius, omnes Apostolorum dolores, omnes fidelium* <sup>Cornel. hîc.</sup>  
*crucis, totumque Ecclesia pondus sustinuit: Fuit ergo ipsa quasi Atlas Ecclesia*  
*primitivæ, uti & moderna.*



4. Ex quibus hæcenus enarratis, prudens Lector, collige, quantum pietissima Virgo & Mater dolorosa per omnem vitam suam pro salute Ecclesiæ DEI laboraverit, nullamque horam etiam in somno nisi pro DEO & hominum promovenda salute impenderit. Disce hîc operari, disce laborare, disce tempus bene impendere, quia *venit nox, quando nemo potest operari.* De Sponso referunt Cantica, quòd vice quadam dignatus sit visitare Sponsam officiosè pulsans ostium: *Aperi mihi, Soror mea, Sponsa.* Verùm cum hæc pigra Sponsa aliquantisper in aperiendo moraretur, tardius de lecto confurgeret, interim Sponsus aliò declinavit: *Et ecce declinaverat, atque transferat.* Ah quoties & te, anima Christiana, pientissimus Redemptor ac Sponsus tuus sanctis tuis inspirationibus hæcenus visitavit? Quoties, inquam, ad ostium cordis tui stetit pulsans: *Ecce sto ad ostium, & pulso, si quis audierit vocem meam, & aperuerit mihi januam, intrabo ad illum; & tu surda aure pertransis DEUM tuum* toties te monentem? toties te vocantem? toties ad cordis tui intima loquentem? interim transeunt dies salutis, & cum illis gratia Divina, toties à te spreta & abjecta, magnisque passibus etiam otiano ac dormiendo ad longam longissimam properas æternitatem? Heu quid erit in morte, cum *tempus non erit amplius?* Malè timeo, ah malè timeo, ne tibi id contingat, quod olim Esau venatori accidit. Audi rem tuâ dignam consideratione.

Cum Isaac senio confectus, mortique nunc proximus supremam filiis suis discuperet impertiri benedictionem, primò Esau Filium primogenitum ad se vocavit, quem artis venatoriæ apprime peritum in sylvam ablegavit: *Sume armatura, pharetram & arcum, & egredere foras, &c.* Verumenimverò cum Esau iter nonnihil retardaret, ac serius ad Patrem rediret, interim prævenit Jacob frater ejus, paternam ei benedictionem & jus primogenituræ præripiciens; Esau verò, quia tempus salutis suæ accommodum neglexit, liceet xinde multis cum lacrymis similem gratiam ac benedictionem à moribundo genitore postulasset, nihil tamen impetravit: *Non enim, subintrat hîc S. Paulus, invenit penitentia locum, quamvis cum lacrymis inquisisset eam.*

Ite nunc, ô miseri! & tempus salutis cum Esau venando, jaculando, ludendo, jocando, epulando, compotando, luxuriando consumite, & scitote: *Quoniam omne verbum otiosum, & ad locuti fuerint homines, reddent rationem de eo in die judicii.* Dicite, ubi sunt anni isti, quibus hæcenus vixistis? *Transierunt omnia illa tanquam umbra, & tanquam nuntius præcurrens, & tanquam navis, quæ pertransit fluctuantem aquam, cujus cum præterierit, non est vestigium invenire.* O DEUM imortalem! siccine volat irrevocabile tempus? Siccine tempora labuntur, tacitisque senescimus annis? O quàm benè S. Gregorius Magnus & Doctor Ecclesiæ Moralis: *Vita nostra, inquit, naviganti est similis, is namque, qui navigat, stat, sedet, jacet, vadit, quia impulsu navis ducitur. Ita ergo & nos sumus, qui sive vigilantes, sive dormientes, sive tacentes, sive loquentes, per momenta temporum ad finem quotidie tendimus.*

5. De S. Joanne referunt SS. Pagina, quòd Angelum viderit pede dextero in mari & sinistro in terra stantem, qui unâ manu librum tenuit, alteram verò sicut jurantes solent, in cœlum levavit, DEUM T.O.M. in testem suorum invocans verborum: *Et Angelus, quem vidi stantem, super mare & super terram, levavit manum suam ad cœlum, & juravit per viventem in sæcula sæculorum.* Ad quid juravit ille Angelus, & quare indice in cœlum intento ipsum DEUM invocavit in testem? Magnum hîc latitat mysterium. Audi Scripturam: *Juravit, quia tempus non erit amplius;* tunc videlicet, quando vitæ cursus aliquando erit consummatus. O immensum temporis pretium: *Omne tempus,* ait S. Bonaventura, *tibi impensum requireret DEUS, qualiter sit expensum;* & S. Joannes Chrysostomus: *Omnia potius sunt amittenda, quàm tempus: aurum amittis? Poterit recuperari, amissum autem tempus nunquam.* Quinque illas fatuas Virgines consule, quæ ubi tempus acceptabile, tempus salutis perdiderunt, interim ipsis securè dormitantibus Sponsus venit: *Et clausa est janua.*

S. Bonavent.  
serm. 1. Dom.  
1. Quadr.  
S. Jo. Chrys.  
ost. hom. 37.  
super Ioan.  
Matth. 25.

Eheu! quot etiam sunt, qui turpi otio, vel inani negotio tempus æternæ perdunt salutis, non absimiles pueris, qui dum luteis componendis casulis occupantur, aut in arundine equitant, aut alias tractant nugas, sibi occupatissimi videntur, cum tamen in fine nonnisi inanem stomachum & lassatos referant pedes. Sic pleraque sunt mortalium negotia, curæ, labores ac sudores, quos nisi ad DEUM velut ad finem suum referant, tandem in fine dicent: *Lassati sumus in via iniquitatis & perditionis, & ambulavimus vias difficiles, viam autem Domini ignoravimus: Quid nobis profuit superbia? Aut divitiarum jactantia quid contulit nobis? Transierunt omnia illa tanquam umbra.* En quàm pretiosa res sit tempus, quod ergo de illo perdis momentum, per omnem æternitatem non amplius recuperabis. O quot comptuli & delicatuli, quot vani & mundani in fine vitæ suæ suspirabunt: *O mihi præteritos referat si Jupiter annos!* Audi Poëtam:

*Non est fur major, quàm temporis: omnia reddi  
Possunt; hoc solum reddere nemo potest.*

6. De Petro recenset Marcus, quòd in monte Olivetano, quia in profundum delapsus erat somnum, à Christo præ cæteris dormientibus Discipulis fuerit increpatus: *Simon dormis? non potuisti unâ horâ vigilare? Domine! & nunquid alii dormitabant Discipuli? Quare ergo solus Petrus inculpatus est? Si dicere fas sit, puto hanc increpationem præ reliquis aliis fuisse comeritum Joannem, utpote qui paulò ante in cœna ultima super pectus Domini cum recumbens dulcem capiebat somnum? Cur ergo ille seniculus perstringitur solus, cui magis aliquid quietis propter senium erat indulgendum? An fortasse, quia superior & princeps erat cæterorum, quibus bono oportuisset præire exemplo? Ita quidem existimat S. Petrus Chrysologus; verum alia hîc latet causa ac mysterium. Lucam consulamus, qui capitulo quinto, versu*

Marc. 14.  
37



Luc. 5. 5

quinto asserit, quòd Petrus aliquando noctem integram piscando impenderit, & nec ullum reti concluderet pisciculum: *Præceptor, per totam noctem laborantes nihil cepimus.* Ecce Petrus per totam noctem potuit insudare temporalibus, pro vili pretio in mari periculoso vigilias ducere infomnes, ubi tempus non nimis longum aut molestum ipsi videbatur; & tamen per cunctos hos labores & sudores nihil cepit, nec carpionem, nec lupum, nec trutam, nec nasum, nec anguillam, nec apuam, nec sardam, nec asellum marinum, &c. Jam cum agitur de æternâ salute, de oratione & meditatione, de passione & generis humani redemptione, una hora ipsi gravis videtur? O Petre! an ignoras, quòd nulla poena sit amarior, quàm amissi temporis recordatio?

Math. 25.

13

Proverb. 8.

34

Gal. 6. 10

Isa. 55. 6

Eccles. 5. 8

Prov. 6. 6

S. Cyrillus

Catech. 6.

Matth. 24.

20

Luc. 7. 37

S. Aug. lib.

50. hom. 23.

Rom. 10.

O quoties eadem Veritas Christus nos adhortatur: *Vigilate, quia nescitis neque diem neque horam.* Quoties nos monet beatissima Virgo: *Beatus homo, qui audit me, & qui vigilat ad fores meas quotidie, & observat ad postes ostii mei.* Quoties Angelus, cui salutis nostræ cura à DEO demandata est, nos excitat: *Dum tempus habemus, operemur bonum.* Quoties è pulpito à Verbi DEI præconibus aut conscientia nostræ arbitris audimus: *Quærite Dominum, dum inveniri potest.* Quoties & ipsa conscientia nostra, quæ est fidelis monitrix, & agendorum aut omittendorum ratio, nobis in via salutis dormitantibus inculcat, ac improperat: *Ne tardas converti ad Dominum, &c.* Et nos miseri ad hæc omnia surdi stamus, ac toto proflamus pectore somnum?

7. De formica refert Salomon, quòd in tempore & in ætate paret cibum sibi, & congregat in Messe, quod in hyeme comedat: *Imitare, inquit S. Cyrillus, formicam in ætate sibi thesaurizantem cibos, & thesauriza tibi ipsi fructus bonorum operum in futura sæcula.* Nunc, nunc messis est & tempus colligendi, dum adhuc juvenis, sanus, vegetus & incolumis es; noli differre in hyemem, *ut non fiat fuga tua in hyeme, hoc est, tempore mortis, ubi cunctæ corporis vires, sanitas, opes, cupiditates, concupiscentiæ, commoditates, voluptates, amici & ipsa vita te deferent, & tu solus ibis sine comite ad DEI tribunal, supremam illam audieturus sententiam, à qua ad aliam non amplius poteris appellare.* O quàm horrendum erit incidere in manus DEI viventis!

Magdalenam imitare, opportunè & importunè in domum Simonis leprosi ad convivium irruentem: *ut cognovit, ait Lucas, quòd JESUS accubisset in domo Pharisei, attulit alabastrum unguenti, & stans retro secus pedes ejus lacrymis capit rigare pedes ejus.* Quæ, obsecro, hæc inurbanitas in illustri dancicella? Ad quid in conclavi irrupit non vocata? Quid planctus & gemitus ad convivium? Noli, ô Mulier, noli molesta esse tot convivantibus, sed aliam, magisque accommodam selige occasionem cum JESU animæ tuæ medico loquendi. Magdalenam exculat S. Augustinus: *Valde, inquit, prudenter egit, quia tempus salutis suæ benè impendit, quæ licet inopportuna convivio, opportuna tamen beneficio venit, noverat enim, quanto morbo laboraret, proinde nec*


momentum cunctari voluit, sed ut cognovit, quòd JESUS accubisset, se itineri accinxit, ut veniam delictorum & gratiam impetraret Divinam. Hoc illustre exemplum & tu imitare, anima Christiana, & noli in negotio salutis tuæ vel ad momentum cunctari, vigilantibus enim jura, & mora sua cuilibet nociva est: *Justum est igitur*, dicebat quondam Jacob ad Labanum, postquam jam viginti annis ei inservierat, *ut aliquando provideam domui meæ.* Genes. 30. Supra 30 quod pereleganter S. Chrysostomus: *Vivamus*, ait, *DEO paululum, qui saculo 9.* Chrysost. *viximus totum: Demus animæ paucos dies: tempus est, ut domui nostræ provideamus: Quoniam advesperascit, & inclinata est dies.* serm. 12.

Pro dictorum coronide nobis inserviant duo illi cæci, qui extra urbem Jericho sedentes, cùm audissent, quòd JESUS per viam illam transiret, vocem suam relevârunt: *Et clamaverunt dicentes: Domine miserere nostri.* Non poterat turba, quia ab auditione Verbi Divini impediabatur, ulterius audire hanc inconditam cæcorum vociferationem, idcirco, increpat eos: *ut tacerent.* Quid ad hoc duo isti cæci? *At illi magis clamabant.* O mendici importuni! ô cæci molesti! ad quid hic clamor insanus? *An qui plantavit aurem, non audiet?* Psal. 93. 9 Respondet S. Augustinus: Benè & rectè prædictos cæcos clamasse, quia Christum timebant transeuntem; & Lucas Burgenf. *Clamaverunt, ne fortè elaberetur JESUS, & ipsi interim illius ope destituerentur*, hinc non curabant hominum dicta & impropria: *Et increpabant eos.* Sic & tu age, anima Christiana, nunc cùm JESUS apud te transit; nunc cùm gratiam suam offert; nunc cùm vocat te sanctis suis inspirationibus; nunc cùm ad ostium cordis tui pulsât: *Aperi mihi Soror mea, Sponsa;* nunc cùm & sanctissimam ejus Matrem propitiam habes, de qua S. Anselmus: *O MARIA! peccatores non abhorres, sine quibus nunquam fores tanto digna Filio:* Nunc, inquam, dum tempus est, in rem & salutem tuam vigila. Ah anima misera, noli ne ad momentum quidem tardare, noli obdurare cor tuum. Imitare pro fine apiculam, quæ, ubi ventum validum providet, sibi de lapillo prospicit, quem gestans gravior contra ventos efficitur, & sic secura ad alveare suum remeat, unde lemma: *Dat vires pondus.* Hoc fac & tu, anime mi, imminet & tibi ventus in agonia validus, migrandum erit, ah quo? ne ergo à turbine isto dispergaris in tartarum, provide tibi de lapillo sine manibus de monte abscesso, qui est Christus DEUS noster & SS. Mater ejus. Dan. 2. 34



CONSIDERATIO LVIII.

B. Virgo etiam post Filii in cœlum ascensionem  
sedulò amarissimam ejus passionem meditabatur.



Meditabor ut columba.

*Isa. 38. 14.*

I.



3. Aug. in  
Psal. 54.

Isa. 59. 11  
Virg. Ecl. 1.

*fabit turtur ab ulmo; hinc pro Lemmate nostræ mysticæ columbæ, vel turturi solitariæ in deserto sedenti, inscribere placuit: Nec plangere cessat; vel si fortasse magis tibi arridet ad propositum:*

## Gemit Dilectum suum.

Per hanc columbam gementem, seu turturem solitariam rectè dolorosam Christi Matrem, nunc Filio ac Sponso orbatam intelligimus, quæ dilectissimum animæ Sponsum ac Filium suum etiam post gloriosam in cælos ascensionem, cum de amarissima ejus passione, cruce & indignissima morte recordaretur, inenarrabilibus gemitibus, quoad vixit, deploravit; proinde sæpius, ut ipsa B. Birgittæ dixit, Calvarium montem, aliaque sacra Palæstinæ loca, in quibus amantissimus Filius passionis suæ vestigia reliquit; pia ac constanti devotione per superstitem vitæ cursum visitavit: *Omni tempore*, inquit ipsa ad B. Birgittam, *quo post ascensionem Filii mei vixi, loca visitavi; in quibus ipse passus est, & mirabilia sua ostendit; sic quoque passio sua in Corde meo fixa erat, quod sive comedebam, sive laborabam, quasi recens erat in memoria mea.*

Lib. 6. Revel. cap. 56.

Et hoc est, de quo Sanguinum Sponsus in suo Epithalamio testatur: *Columba mea in foraminibus petra; in caverna maceria; Petra autem erat Christus & hic Crucifixus, per foramina autem petrae SS. ejus manuum, pedumque Vulnera intelliguntur, & per cavernam maceriae suavissimum COR JESU immitti lancea perforatum; in his ergo SS. plagis B. Virgo & Mater, quamdiu in vita fuit, per devotissimam meditationem, contemplationem & compassionem habitavit: B. Virgo, ait Cornelius, sepulchrum Christi, quod excisum erat ex petra; aequè ac montem Calvaria, ubi petra infixæ erat Crux Christi, reliquaue loca, in quibus passus fuerat Christus, crebro & devotè visitabat, & obibat, ut in eis pene habitare videretur. O anima Christiana! imitare & tu hanc SS. Deiparam: Esto quasi columba nidificans in summo ore foraminis, hoc est, in SS. CORDE JESU; & quid dulcius, quàm meditari in mandatis Domini, ac præsertim juxta exemplum afflictiissimæ Matris de vita & passione JESU?*

Cant. 2. 14

Cornel. in Cant. 2. 14

Jerem. 48. 28

2. De Muliere Sareptana referunt Regum fasti, quod in viduitate sua supremo animæ suæ solatio duo sibi ligna extra portam civitatis Sareptæ collegerit, quibus inopiam ac calamitatem suam ante obitum solari expetebat. *En colligo duo ligna, &c.* Subintrat hic Rupertus Abbas, derelictam illam & inopem Viduam bene in extrema sua necessitate duo ligna expetiisse, & collegisse, quia per illa Crux Dominica adumbrata est, quæ ex duobus lignis, uno erecto, & altero transverso, est composita, atque unicum miseris mortalibus in vita & in morte soles esse solatium: *En*, inquit dictus Rupertus in persona hujus desolatæ Viduæ, *Colligo duo ligna, & meam consolor inopiam amplectens duo ligna crucis, &c.*

3. Reg. 17. 12

Rup. Abb. de Trinitat. 1. 5. cap. 7

Obser-



Luc. 2. 19

Obſerva hic, anima Chriſtiana, perelegantem typum in Sacraſſima Deipara, Vidua Hieroſolymitana & dereliſta expletum, quæ poſt abitum Filium in cœlum non majus ſolamen habuit, quàm ut iteratò ſacra loca viſitaret, & duo ligna crucis meditando colligeret; hic erat quotidianus cibus & potus doloroſæ Matri, uſque dum in cœlum aſſumpta eſt: *MARIA autem conſervabat omnia verba hæc, conſerens in corde ſuo.*

Ruth. 2. 14

Ita Ruth, nota illa Moabitidis, in agrum divitis Booz tempore meſſis ſe contulit, ut ibidem reliſtas metentium ſpicas colligeret, quam ubi Booz aliquando conſpiciatus eſt, eam ad panem in aceto intingendum peramicè invitavit: *Quando hora veſcendi fuerit, veni huc, & comede panem, & intinge buccellam tuam in aceto, &c.*

Jerem. 11.

19

S. Bernhard.  
cit. à le blanc.  
Tom. 6. in  
Pſalm. 150.  
v. 5.

Pluſ quàm Ruth innocentiffima & inops Vidua Sacraſſima Deipara, quæ non in agro Booz, ſed in agro Golgothæo reliſtas paſſionis ſpicas, & verum frumenti granum, à Judæis in cruce contritum, & mortificatum, per reliquos vitæ dies, quantum potuit, per devotiſſimam meditationem ac contemplationem collegit, quem panem myſticum in aceto amariffimæ paſſionis intinctum, quotidie manducavit, non immemor illorum impropiorum: *Mittamus lignum in panem ejus, & eradamus eum de terra viventium, & nomen ejus non memoretur amplius.* O anima Chriſtiana & Religioſa, habes hic exemplar, quod tibi à doloroſa Virgine & Matre tua monſtratum eſt, qualis eſſe debeat quotidianus cibus tuus; audi, & imitare Melliffuum: *Sit tibi, inquit, JESUS ſemper in corde, & nunquam imago Crucifixi ab animo tuo recedat. Hic tibi ſit cibus & potus, dulcedo & conſolatio tua, mel tuum & deſiderium tuum, oratio & contemplatio tua; vita & mors & reſurrectio tua.* Hæc S. Bernhardus.

Cant. 8. 6

3. Recordor hic Divini illius Sponſi, qui ut dilectam ſuam Sponſam ad jugem ſui amorem excitaret, ab ea petiit, ut effigiem ſui ſemper in corde & mente, atque etiam in brachio & operatione geſtaret, eoque quaſi ſignaculo cor & brachium obſignaret: *Pone me ut ſignaculum ſuper cor tuum, ut ſignaculum ſuper brachium tuum.*

O beatiffima Virgo! tu per illam Sponſam designata es, quæ hunc dilectum ſanguinum Sponſum ac Filium tuum ſemper ut ſignaculum ſuper COR tuum non ſolum ethicè per amorem pluſquam maternum, ſed etiam phyſicè ſuper brachium tuum portàſti; & neque in infantia tantum, dum eum virgineis ſtrinxiſti ulnis, toties pectori admoviſti, in Ægyptum portàſti, &c. Sed etiam cùm de cruce deponeretur, illum materno ſinu excepiſti, & ut ſignaculum ſuper cor tuum & brachium tuum poſuiſti, quod ſignaculum nunquam per omnem vitam in te deletum, ſed novis ſemper quotidie incrementis renovatum eſt: *Virgo MARIA, ait Alanus, Chriſtum poſuit ſuper Cor ſuum, ut ſignaculum, quia ipſi per imitationem conſormata eſt, ejusque*

Alanus ap.  
Cornel. in  
hunc loc.

*ejusque gratiâ consignata. Hoc autem incognitum fuit diabolo, & cognitum Angelo: super brachium tuum, id est, in omnibus operibus tuis memor eris mei. Super Cor Virginis, & super brachium Dilectus ponitur ut signaculum, quia in cogitationibus, quæ notantur per cor, & in actionibus, quæ per brachium, Virgo Filium imitatur. Hæc Alanus.*

Ex quibus facile colliges, prudens Lector, dolores Sacratissimi Cordis MARIE usque ad finem vitæ semper durasse, proinde haud immerito cum Vate Threnologo dicere poterat: *Memoriâ memor ero; & tabescet in me anima mea.* Juvat hîc audire S. Ildephonsum: *Si scire volumus, inquit, quid DEI genitrix post resurrectionem Domini, antequam ipsa cælos ascenderet, agebat, sine dubio loca Dominicæ Nativitatis, Passionis, Sepulturæ, & Resurrectionis frequenter circumiens, invisere cupiebat, in iisque etiam locis lacrymas fundebat. & Sacratissimi Oris sui oscula dulcissima imprimebat: & quidem tanto cum amore ac dolore, tantâ cum pietate & animi sensu, ut, beato Alberto Magno attestante, hæc Sacratissima Deipara sæpius in ejusmodi contemplationibus, ac sacris peregrinationibus, præ animi teneritudine & vivâ Dominicæ passionis apprehensione & compassione erga Filium mortua fuisset, nisi eam Deus miraculo in suum primorum fidelium solatium sustentasset. Ito nunc, tepide Christiane, qui in memor Passionis Dominicæ vivis; ad quid, obsecro, fodes, Christianus es, si Christum & Sacratissimam Matrem ejus imitari non satagis? Sine causa, ait Mellissus, sum Christianus, si Christum non sequor; & nunquid Gentium Doctor Paulus monet: *Recogitate eum, qui talem sustinuit à peccatoribus adversus semetipsum contradictionem, ne fatigemini animis vestris deficientes; nondum enim ad sanguinem restitistis adversus peccatum repugnantes?* Observa hîc, tepide Christiane, rō *Recogitate*, quasi diceret Apostolus: Iterum, iterumque cogitate, ac revolvite juxta exemplum dolorosæ Matris ac primorum Christianorum Christum Jesum & hunc Crucifixum, quem Angelus Dominicæ Resurrectionis prænuntius non alio nomine, quàm Crucifixi decoravit: *JESUM* quæritis Nazarenum Crucifixum? Non dixit Dominum, Regem gloriæ, Judicem univerforum, &c. Sed Crucifixum NB. etiam post gloriosam ejus resurrectionem: *Non erubescit*, sunt verba Victoris Antiocheni, *Crucifixi nomen, hoc uno enim nomine, & re omnium bonorum nostrorum summa continetur.**

4. S. Paulus insignis amator & imitator Crucifixi JESU de seipso testatur: *Christo confixus sum cruci: Vivo autem non ego, vivit verò in me Christus.* Si Discipulus hoc de suo Magistro, quid pensamus de Sacratissima Matre Crucifixi JESU, cujus tota vita cum Filio crux fuit & Martyrium? Proinde merito à S. Epiphanio appellata est *Cruciformis*, quia semper unâ cum Christo Crucifixo per omnem vitam unita fuit, de quo assiduò cogitavit: *Dilectus meus mihi, & ego illi.* O anime mi! ubi nostræ subinde inter orandum & meditandum sunt cogitationes? Ah quoties dicimus: O DEUS, ego amo te:

Mater Dolorosa.

Fff

Amor

Threnor. 3.  
20  
S. Ildephons.  
serm. 5. de  
Assumpt.  
B. V.

B. Albert.  
M. super  
Missus.

Hebr. 12. 3

Marc. 16. 6

Vict. Antioch. in c.  
16. S. Marc.

Gal. 6. 19

S. Epiph. de  
Laud. B. V.  
Cant. 2. 16



Genes. 27.

22

Rom. 8. 17

Cornel. in

Genes. 22.

12

Martin. in  
Prolog. de  
Pass. Dom.

Amor meus crucifixus est: Vivat JESUS amor meus, & MARIA Mater ejus; & interim mentem ad creaturas convertimus? Sic vox quidem est Jacob, manus autem manus sunt Esau, dum aliud loquimur, aliud operamur. O nos desides, & miseros! quoties aspicimus, vel transimus imaginem Crucifixi Redemptoris nostri, ac Sacratissimæ dolorosæ Matris ad pedem crucis stantis, & ridemus? Et nulla commiseratione erga illos tangimur? Si compatimur, & conglorificabimur, ubi nostra compassio est? S. Gregorius Nysenus Episcopus, cum aliquando in pictura observasset, & considerasset severam Abrahami pietatem, quæ Isaacum filium suum super struem lignorum DEO in holocaustum offerre intendit, mox in largissimas profusus est lacrymas: *Vidi, ait ipse, sæpius descriptionem ejus (immolationis Isaac imaginem) & sine lacrymis transire non potui, cum tam efficaciter, & ad virum ob oculos historiarum rei poneret.* Eheu ubi nostræ sunt lacrymæ? Vel saltem digna commiseratio, & amor reciprocus, dum effigiem Crucifixi DEI Filii & afflictissimæ Matris ejus intuemur, vel contemplamur? Si quis amicorum tali ac tanto sanguinis pretio te, ô Christiane, à morte liberasset, quanto, obsecro, te illi obstrictum profiteris beneficio? Et DEUM non curas?

Hanc veritatem cum aliquando S. Elisabetha Regis Ungariæ Filia attentiore mente considerasset, simulque luctuosam Crucifixi JESU effigiem in templo aspiceret, inter manus Gynæcei, deficiente animo, in deliquium lapsa est, ubi tandem ad se ediens exclamavit: Ubi eram hætenus, ô mi JESU! ô amor crucifixæ? Tu cœlitræque Dominus in ligno nudus, & abjectus pendes, & ego superbiam terra & cinis? Tu cruentis spinis coronatus es, & ego aureâ gemmisque distinctâ coronâ? Tu Sponsus meus purpureo natus in sanguine, & ego purpurâ regiâ & aureâ telâ vestiar? Tu dirissimis clavis perforatas gestas manus, & ego pretiosis chirothecis eas tegam? Sacratissimum Cor & Latus tuum crudelissimâ lanceâ perforatum est, & ego cor durum erga te & pauperes geram? Tu in summa & extrema pauperie, & ego in opulentia? Tu novissimus virorum, & ego cupiam magnifici? Tu in fame & siti, & ego in exquisitis epulis? Tu in sumis doloribus, & ego in regalibus deliciis? O amantissime JESU! quomodo hætenus tam benignè poteris tolerare tam inutile terræ pondus? Aut posthac alia ero, aut nulla; aut tibi vivam, aut non amplius vivam. Dixit, habitum regium cum plebejo commutavit, vitamque sanctissimam, prout rei eventus postea declaravit, constantissime usque ad beatum obitum duxit. Tantum huic Reginæ profuit, vel semel Crucifixum JESUM pio mentis oculo considerasse. Et tu, ô anime mi, quid agis, qui toties Crucifixum in via, in templo, in conclavi conspicias? Et nullo amoris affectu & sensu in illum moveris?

§. Refert Æneas Sylvius, postea Pontifex Maximus, Pius II. dictus, quod Pachorus nobilis juvenis Lucretiæ amasiæ suæ æquæ nobili in sinceri

amoris signum perelegantem florum fasciculum transmiserit, cum schedula amoris in fasciculo inserta: *Cogita de me, & ego de te.* Apagite munda- ni & infani amores; Christus nobilissimus sanguinum Sponsus, etiam post- quam in cœlum abiit, Sacratissimæ tamen Sponsæ ac Virginis Matris suæ oblivisci non potuit, sed ei in summi amoris thesseram similem florum fasci- culum reliquit, cum epigraphæ: *Cogita de me, & ego de te.* Audi ipsam hanc Divinam Sponsam loquentem: *Fasciculus myrrhæ Dilectus meus mihi;* & in alio loco: *Ego dilecto meo, & ad me conversio ejus.* O quoties in hac lacrymarum valle post gloriosam Filii ascensionem castissima illa turtur & derelicta Vidua has in cœlum ad dulcissimum Natum suum ingeminavit vo- ces: *Cogita de me, & ego de te.*

Dum speluncam Bethlemicam subinde invisit, ubi orbi peperit Salva- torem, eumque ubere de cœlo pleno lactavit, jam tunc præcogno- scens, illas virginei lactis guttas in sanguinem convertendas, pro salute uni- versorum aliquando in cruce effundendum, suspirabat Dilecta illa: O mi JESU, *cogita de me, & ego de te.* Si interdum viscebat patrium solum, in quo ad Angeli nuntium VERBUM castis concepit visceribus, ubi & ipsum educavit, ac pluribus annis cum illo in laboribus & mirabili paupertate vi- xit; ah quis dicet, quis effari poterit amoris illius excessum & maternum affectum, quo in dilectum & floridum suum ferebatur Nazaræum? Cre- do, & firmiter mihi persuadeo, quod se convertens ad Angelos, qui assi- duò Reginam suam, tanquam supremi Principis sui Matrem, velut Aulici officiosè stipabant, sæpius dixerit: *Adjuro vos filia Hierusalem, si inveneri- tis Dilectum meum, ut nuncietis ei, quia amore langueo.* Si ad montem di- gressa est Olivarium, ubi dilectus animæ Sponsus Sanguinem suum tam co- piosè pro orbis salute profudit, ut omnium elueret noxarum maculas; in quo loco illo quoque gloriosus de morte, inferno & diabolo Triumphator ad cœlos ascendit, ineffabili pietatis affectu sacra ejus exosculabatur ve- stigia, miraculosè in viva illa petra expressa, cum Paulo millies ingeminans: *Cupio dissolvi, & esse cum Christo.* Si alia loca sacra miraculis illustrata, aut sanguine Filii rigata, & peculiariter Calvariæ montem invisebat, in quo Do- minus universorum cruci affixus est, & vita cum morte duello conflixit mi- rando, quis fando dicere valebit, quàm amaris lacrymis terram illam san- ctam irrigarit? Si ad Domini ac Filii sui sepulchrum perrexit, credo, hanc Sponsam totam amore in DEUM emollitam ad cœlestes aulæ Spiritus illud geminasse: *Fulcite me floribus, stipate me malis, quia amore langueo.*

O dolorosissima Mater! verè erat fasciculus myrrhæ Dilectus tuus: *Inter ubera* (inò & in corde tuo) *commorabitur;* & si in corde B. Claræ V. de monte Falcone fasciculus ex variis Dominicæ Passionis instrumentis colle- ctus, cum effigie Crucifixi JESU post ejus felicem ex hac vita discessum in-



412 *Consideratio LVIII. B. Virgo semper passionem &c.*

Cant. 1. 12.  
Quaresim.  
Tom. 1. de  
55. Vul.

ventus fuit; quantò magis in Sacratissimo Corde tuo, ô Beatissima! tota Christi JESU vita, crux & passio inscripta, & digito DEI insculpta poterat reperiri? O si aliquando Christus JESUS & hic Crucifixus sculperetur in Corde meo, ut nihil præter illum cogitarem & amarem! ô Domine! hîc opus est stylo ferreo.

Rho Hist.  
Virt. lib. 3.  
c. 2. §. 10.

6. De Venerabili Ursula Benincasa Virgine Neapolitana, cujus spiritum jussu summi Pontificis S. Philippus Neri diversimodè probavit, & approbavit, recenset Rho, quòd, cum effigiem Christi in cruce patientis, vivis expressam coloribus pro suo genio & devotione vehementer desideraret, nec ullus pictorum, quantumvis artis peritus, illius mentem assequi, aut ei satisfacere posset, ipsa, quæ hætenus nunquam penicillum attigit, aut colores tractavit, ausa est Crucifixum pingere, in qua effigie ad vivum dolores patientis JESU, ejusque amorem arte prorsus miranda expressit: *Ita effluxit imaginem*, inquit Rho, *ut in mediis doloribus Divinam illam charitatis alacritatem, qua hominibus salutem afferebat, incorruptâ dolorum significatione repræsentaret. Amoris scholarum unam omnibus parem artibus quis neget?*

Deuter. 28.  
69  
Gal. 6. 19

O si beatissima Virgo & Mater doloris & amoris penicillos attigisset, & in tabula dilectissimum Filium suum in cruce amore nostri vulneratum, & morientem pinxisset, quis mortalium hanc potuisset æstimare picturam? Hæc una imago præ reliquis omnibus omnium sibi vendicasset amorem. O dolorosissima Virgo! pinge, ah pinge in tabula cordis mei similem luctuosam patientis & crucifixi Filii tui effigiem, ut nihil imposterum aliud memoria mea cogitet, quàm JESUM Christum, & hunc Crucifixum; de nihilo alio discurrat intellectus, quàm de Christo JESU, & hoc Crucifixo; nihil aliud voluntas velit, quàm Christum JESUM, & hunc Crucifixum, ut sic semper *Vita mea sit quasi pendens ante me*, imò in me, ut cum Apostolo dicere possim: *Christo confixus sum cruci: Vivo autem non ego; vivit verò in me Christus.* Ah utinam in hac meditatione exardescat ignis doloris, ignis amoris in me, ut verè dicere possim: *O beatum incendium, amare DEI Filium, & Sacratissimam Matrem ejus dolorosam.*



# CONSIDERATIO LIX.

Beata Virgo & Mater Dolorosa docet modum,  
qualiter nos oporteat Christi Filii passionem meditari.



Per patientiam curramus ad propositum nobis  
certamen, aspicientes in Auctorem fidei, & Consummatorem  
JESUM, qui proposito sibi gaudio sustinuit crucem, &c.

*Hebr. 12. 1.*

1. **R**ECTè monet Siracides: *Gratiam fidejussoris ne obliviscaris*, Eccles. 29.  
dedit enim pro te animam suam. Talis quondam fidejussor erat Judas pro Benjamin, Patri spondens: *Ego suscipio puerum: de manu mea require illum.* Plus Christus, Genes. 43. 9  
qui Novi Testamenti Sponsor apud Patrem pro omnibus peccatorum nostrorum debitis fidejussit; & quia nos non eramus solvendo, ipse nostra debita in se transcripsit, & pro eis copiosâ redemptione



ne non in ære, sed in cute satisfecit, sufferendo nimirum omnes pœnas ac tandem amarissimam crucis mortem: O fidelem Fidejussorem! ô Christiane! *Gratiam hujus Fidejussoris ne obliviscaris; dedit enim pro te animam suam, & qui primâ cruoris sui stillâ te & millenos poterat mundos ab interitu redimere, ex abundantia infinitæ charitatis dedit ultimam.* Hinc Divi Pauli monitum est: *Recogitate eum, qui talem sustinuit à peccatoribus adversum semetipsum contradictionem, ut ne fatigemini, animis vestris deficientes: Nondum enim usque ad sanguinem restitistis adversus peccatum repugnantes; ubi nos peculiariter monet per illud recogitate, ut seriò cogitemus, consideremus & expendamus quæ, & qualia pro nostra, omniumque salute Christus perpeffus sit tormenta, ac contradictionem ab omnibus Judæis, Gentilibus & impiis peccatoribus; ut illius exemplo animati pro Christo non tantum bona, sed & sanguinem, vitamque profundere cupiamus, & illius passionem jugiter in cordibus feramus, ac moribus imitari studeamus; unde S. Petrus: *Christus passus est pro nobis, vobis relinquens exemplum, ut sequamini vestigia ejus, &c.* Et D. Paulus: *Aspicientes in Auctorem fidei, & Consummatorem JESUM, qui proposito sibi gaudio sustinuit crucem confusione contemptâ.**

Inter omnes autem, qui Christi patientis vestigia insecuti sunt, ejusque passionem ac dirissimam crucis necem gratâ recolebant memoriâ, prima & princeps fuit pretiosissima Virgo & Mater dolorosa, quæ per omnem vitam, etiam post gloriosam Filii sui in cœlum ascensionem, quotidie huic devotissimæ meditationi incubuit: *MARIA*, ait Justinus Miechovienfis, omnia vitæ, passionisque Christi mysteria assidue mente revolvebat; omnia verba ejus Christum resonabant, cogitata & suspiria Christum expetebant. Cum ambularet, non sine Christo ambulabat: Quoties illa flebat, toties propter Christi dolores, vel certè ob Christum plorabat? Si gaudebat, de Christo, vel propter Christum gaudebat. Denique nihil erat in illa, quo Christum non redoleret, ac repræsenteret. *Tota DEO unita, tota Christo devota erat.* Et post pauca interjecta: *Non potuit, inquit, certè ullo momento vitæ, passionisque Filii oblivisci, cum Cor ejus clarissimum vitæ, passionis ac mortis Christi fuerit speculum.* Cujus Divinæ Matris exemplo & cæteri Apostoli accensi, & SS. Martyres animati, quia simili piâ meditatione aspiciebant in Auctorem fidei & Consummatorem JESUM, qui proposito sibi gaudio sustinuit crucem, & ipsi alacri ac forti animo, velut generosi elephantentes, sanguinem uvæ pressæ intuentes, in cruenta ruebant certamina: *Elephantis, inquit primus Machabæorum Liber, ostenderunt sanguinem uvæ & mori, ad accendendos eos in prælium.* Juvat hîc audire S. Antoninum: *In hujus figuram, inquit, mandavit Antiochus Rex elephantibus, qui erant in bello, ut ostenderetur sanguis uvæ & mori, ut acrius accenderentur ad prælium: Similiter ad aspectum & considerationem sanguinis Christi, qui ad modum uvæ dicitur calcatus in torculari crucis, bellantes*

con-

Hebr. 12. 3

1. Petr. 2.

21

Hebr. 12. 2

Justin. Mic-  
chov. O. P.  
disc. 302.  
in Lit. B. V.

1. Mach. 6.

34

S. Antonin.  
p. 4. Tit. 3.  
cap. 7. S. 4.

contra adversitates & mundi tentationes, carnis & diaboli, accenduntur ad resistendum & bellandum. Unde Lemma: Sanguis robur adauget. Vel si malis illud Piccinelli:

## Acuitur in prælium.

2. Et hoc est, ad quod allusit quondam Sponsus, dum Dilectæ suæ capillos in amoris Cantico purpuræ Regis comparavit: *Coma capitis tui sicut purpura Regis.* Et bene Regis purpuræ Reginæ comæ assimilatae sunt; ru- Cant. 7. 8  
bebat nimirum caro Sponsi sanguinum sanguine passionis, ruhebant & ma-  
ternæ cogitationes, ut ita loquar, velut regalis purpura, sanguine compaffio-  
nis: *Sensus est, subintrat hinc Guilielmus Cardinalis, cogitationes tuas, ô B. Vir-* Guil. hic.  
*go! tincta in sanguine Dominica Passionis, sic affecta semper fuerunt, quasi re-*  
*center viderent sanguinem de Vulneribus fluentem.* Et si de S. Birgitta Eccle- Brev. Rom.  
sia dicit, quòd, cum decennis JESUM in cruce recenti sanguine perfusum 8. Octobr.  
vidisset, nunquam hujus sui crucifixi Amoris sine lacrymis meminerit; quo  
ex tempore in ejusdem meditatione ita afficiebatur, ut de ea sine lacrymis cogita-  
re deinceps nunquam posset. Quid dicemus de dolorosa Matre, quæ ipsa  
præfens cruentissimam Filii sui spectavit passionem, eique in cruce morien-  
ti adstitit, depositum de ligno corpus gremio excepit, lacrymis rigavit, ac se-  
pelivit? Hæc, inquam, passio Filii, prout ipsa S. Birgittæ insinuavit: *Quoti-* S. Birgitt.  
*die quasi recens erat in memoria mea.* lib. 1. c. 77.

De Isaac referunt SS. Litteræ, quòd solitus fuerit circa vesperam solus in  
agro meditari: *Et egressus fuerat ad meditandum in agro inclinata jam die;* Genes. 24.  
ubi juxta Cornelium tum res naturales, uti sunt astrorum motus & cursus 63  
siderum, tum etiam, & quàm maximè eorum Authorem & motorem Deum Cornel. hic  
meditabatur. Alcuinus docet, Isaacum hinc extitisse typum Christi Domini,  
qui plerumque vesperè & nocte oraturus & meditaturus secessit in montem.  
Utriusque exemplum secuta est dolorosa Virgo, quæ omni illo tempore,  
quo Jerosolymis post Filii ad cælos ascensionem morabatur, ut dolori vel  
amori suo sive levamen, sive pabulum quæreret, frequentissimè loca, sangui-  
ne & passione Filii sui consecrata, invisebat, conferens in corde suo, quæ in  
tam horrendo crucis supplicio ipsa vidit, audivit, & experta est. O quis  
dicet, quo animi fervore, zelo ac devotione, quibusque amoris, admira-  
tionis, gratitudinis, compaffionis, & imitationis affectibus hæc SS. Vir-  
go Passionem Dominicam meditata sit! *B. Virgo, inquit memoratus Justi-* Justin. Mic-  
*nius Miechoviensis, montem Calvaria, quem Christus sanguine suo pretioso irri-* chov. loc.  
*gaverat, ascendebat, eumque locum lacrymis irrogabat, &c.* O benedicta terra, cit.  
quæ sanguine JESU Crucifixi, & lacrymis dolorosæ Matris toties consecra-  
ta es! Quoties hæc pientissima Mater, cum vel de longè hunc Calvarium  
montem aspexit, in cælum ingeminavit: *Ecce odor Filii mei, sicut odor agri* Genes. 27.  
pleni 27



Genes. 4. 8

Hebr. 13.

12

Cant. 2. 1

Psalm. 67.

28

Hebr. 13.

13

Lyr. de Chr.

Pat. f. 269.

*pleni omnium virtutum floribus & gratiarum fructibus vernantis; olim terras maledicta, nunc benedicta tu à Domino, quia in te occisus est, qui saluum faciebat populum Israël. Verè innocens Abel, ô Fili mi! qui non in civitate, sed in agro mori voluisti; ut omnes ad te liberum haberent accessum, & ut sanctificares per tuum sanguinem populum, extra portam passus es. Verè flos campi non horti, quia flos horti deliciose feritur, rigatur & clauditur, sed flos campi patet omnibus, & contritus mirum fragrat odorem. O Benoni! non ampliùs, id est, Filius doloris, sed dulcis Benjamin in mentis excessu! Verè hìc eras, ô JESU! in mentis excessu, dum talia ac tam indigna in crucis ligno pro homine indigno voluisti perpeti. O Sionidæ! ô Filix Jerusalem! ô Angeli! nuntiate Dilecto meo, quia ejus amore langueo. O Christiani! Exeamus & nos cum dolorosa Matre extra castra improperium ejus portantes, & passionem Filii ejus gratà & devotà mente considerantes.*

3. Placet, anime mi, videre modum, qualiter dolorosa Virgo patientem Filium & Amorem suum crucifixum meditata sit? Observa, & audi vocem ejus. De fide est, hanc afflictissimam Matrem pendenti & morienti in cruce Filio adfuisse; stabat autem juxta crucem JESU, ait Hadrianus Lyræus, non, ut pingitur, ad latus, sed ante, ut Christi patientis & morientis faciem commodiùs posset intueri, eumque contemplari uberius. Considerabat cum primis hæc pientissima Virgo, quis pateretur, DEUS nimirum summæ & infinitæ Majestatis, cui omnia inserviunt, & ad cujus nutum pendunt universa. Quid pateretur: ignominias, contumelias, opprobria infinita, flagra, spinas, clavos, crucem, mortem, &c. Ubi: in loco abjectissimo, fœtore cadaverum, pœnis & morte nocentum infami. Pro quibus: ingratis videlicet ac vilissimis homuncionibus, qui tam immensam charitatem ne quidem unquam agnoscent. Cur: ut à perpetuis gehennæ incendiis animam hominis miseram per mortem suam non tam liberaret, quàm & in perpetuum salvaret. Quomodo: maximo videlicet amoris affectu & animo cordatissimo, licet ab omnibus & ab ipso patre Cœlesti desertus, factus opprobrium hominum & abjectio plebis. In quem finem: ut exemplar præberet omnibus, Apostolis, Martyribus ac Christicolis universis, qualiter & quomodo & ipsi imposterum facerent secundum hoc exemplar, quod ipse in Calvariæ monte monstratum est, &c.

Cui meditationi, quæ tunc à meridie usque ad vespèram duraverat, dolorosissima Mater sine dubio & hos addebat animi affectus: Fidei cumprimis, firmissimè tenens ac credens, cum omnes in fide deficerent, hunc ipsum hominem, velut excoriatum pecus inter latrones in infami ligno pendentem, DEUM esse infinitæ Majestatis, omniumque Conditorem ac Judicem. Admirationis, quòd tanta ac tam immensa Majestas eò sese potuerit dimittere, ut tam horrenda, tam indigna, tam inaudita, pro tam ingratissimis & impiis

pate-

pateretur caputibus. *Charitatis*, non ignorans, quod postea Apostolus mor-<sup>2. Cor. 5.</sup>  
 talitati humanæ calamo consignavit: *Charitas Christi urget nos*: ubi alii le-<sup>14</sup>  
 gunt cum Fernandio: *Passio Christi urget nos*, ut illum ex toto corde, omni-  
 umque viscerum latitudine diligamus. *Gratitudinis*, quid e contrariò digni  
 tanto benefactori, perpetuâ charitate nos diligenti, possimus rependere.  
*Zeli animarum*, quo omnium animarum discupiebat promoveri salutem,  
 & quàm maximè per merita & passionem Unigeniti, ac unicè dilecti Fi-  
 lli sui. *Commiserationis*, ex intimo, ac penitissimo cordis materni affectu  
 tantis condolens, & compatiens dulcissimi Nati miseriis. Et *imitationis*,  
 quia non aliud desiderabat, quàm cum Christo pati, affligi, contemni, cru-  
 cifigi, mori. Juvat hîc audire S. Ephrem, qui plerosque hujus Marianæ  
 meditationis affectus in unum collegit fasciculum: *Stans, inquit, apud cru-*  
*cem purissima Virgo Salvatorem, quem in ligno suspensum suspiciens, plagas re-*  
*putans, intuens & clavos, querelas, colaphos, ac flagellationem cum gravibus*  
*suspiriis, cum fletu ingenti, cum lamentis dolorosissimis exclamavit dicens: Mi*  
*Fili dulcissime, dilectissime Fili, quomodo crucem sustines? Mi Fili ac mi Deus,*  
*quomodo spûta, clavos & lanceam? Quomodo pateris alapas, risus, injurias,*  
*spineam coronam, purpuream vestem, spongiam, arundinem, fel & acetum?*  
*Quomodo pendes in cruce denudatus, mi Fili, qui cælum nubibus contegis?*  
*Quomodo sitim fers, qui es opifex, quique mare & omnes aquas creasti? Quo-*  
*modo moreris insons in medio scelestorum? Quidnam commisisti? Qua in re, Fi-*  
*li mi, Hebraos offendisti? Et cur ergo isti te simul iniqui, ingrati cruci affigunt,*  
*quorum claudos & multos velerudinarior sanasti? Tu verò quomodo interis, Fi-*  
*li mi dulcissime, magnanime DEUS? Desicio te suspiciens in ligno suspensum,*  
*conclavatam, plagisque plenum: mi Fili, ubi nunc pulchritudo tua? Ubi tunc mo-*  
*dò decor? Sed lumen suum obscuravit, & alius factus est. Splendida luna in*  
*tenebras evanuit, petra sunt perfracta & monumenta aperta, templique velum*  
*in duo est discissum, creatura Creatorem suum & Opificem cognoverunt, & hi*  
*perversi ac miseri Hebrai aures obstruxerunt, oculos clauserunt, ne solem un-*  
*quam occidentem suspectarent. Fili mi, ô Simeon admirande, en nunc gladium,*  
*quem mihi prædixisti, Cor meum trajicientem. Ecce gladius, ecce vulnus, Fili*  
*& DEUS mi! Tua mors Cor meum subiit, viscera mea sunt disrupta, meum lu-*  
*men obtenebratum est, & pectus meum gravis pertransiit gladius. Horrendam*  
*cerno passionem tuam, mi Fili & DEUS meus, video immeritum cadem tuam,*  
*nec opem ferre possum. Lugete mecum omnes Discipuli Domini, dolorem meum*  
*& vulnus profundum Cordis mei intuentes. Hucusque S. Ephrem, quem licet*  
*prolixius loquentem, attentâ tamen aure & mente oportet audire. Adde*  
*tu, ô mi Lector, his Marianis affectibus & affectum perfectæ contritionis.*  
*Siste te coram Crucifixo vel Evcharistico Amore tuo, & interroga eum:*  
*Quid sunt plaga ista in medio manuum tuarum? Quid Cor apertum, pedes cla-*  
*Zach. 13. 6*

*Mater Dolorosa.*

Ggg

vis



vis ferreis terebrati, & innumera, quibus toto corpore plagatus es, vulnera? Et respondebit tibi: *His plagatus sum in domo eorum, qui diligebant me*, ac præsertim à te, qui dicis quidem, quòd diligas me, sed cor tuum longè est à me; introspecte pectus tuum, an non magis sensuali ac proprio diligas te amore quàm me DEUM ac Dominum tuum? O crucifixè JESU! habes confitentem reum, ego sum reus mortis, reus judicii, reus gehennæ, non tamen despero, quàm diu Cor tuum ac Sacratissima Vulnera tuæ erunt aperta; proinde ex animo doleo, quòd te, omne Bonum meum, hæcenus tam indignè offendi, ideoque solum, quia tu omni amore es dignissimus, &c.. O Mater amoris & doloris, per charitatem illam, qua dilectissimum Filium in cruce morientem complexa es, exora mihi veniam & gratiam.

S. August.  
Manu. cap.

12

Deut. 8. 16

Osc. 14. 6

1. Cor. 10.

4.

Ioan. 4. 14

S. Leo de  
Pass. serm. 9.

4. En quales fructus pariat seria Crucifixi JESU meditatio, unde S. Augustinus affirmat, in omnibus se non invenisse tam efficax remedium, quàm Vulnera Christi. Talis meditatio manna est, quo anima nostra cibatur esuriens: *Cibavi de manna in solitudine*. Ros est, quo anima nostra languida mirum in modum reficitur: *Ero quasi ros: Israël germinabit*. Mel de petra est, oleumque de saxo durissimo, electo DEI populo in salutem promanans: *Petra autem erat Christus*. Fons vitæ est, quem Christus ex itinere fessus Samaritanæ promissit: *Aqua, quam ego dabo ei, fiet in eo fons aquæ salientis in vitam æternam*. Mare rubrum est, cujus aquæ sunt amarissimæ, sed si ex illo exeunt, redduntur dulces atque potabiles; ita hæc meditatio de patiente JESU & dolorosa Matre ejus ab initio quidem amara tibi videbitur, sed confide, anime mi, ex hoc ipso mari amaro mera tibi profluet dulcedo, in adversis consolatio, & post obitum æterna salus: *Secura*, ait S. Leo, *est expectatio promissæ beatitudinis, ubi est participatio Dominicæ Passionis*; & non est illustrius prædestinationis nostræ indicium, quàm assidua & grata Dominicæ Passionis memoria, reprobationis verò ejusdem oblivio.

Ezech. 9. 4

Ezechielem consule, qui quondam Angelum in veste lineæ & candida, e cujus renibus pendebat atramentarium, Hierosolymæ vidit per plateas & compita celeri pede ambulantem, & signo *Thau* eos notantem, quos DEUS in communi illius urbis excidio volebat servare incolumes: *Transi per mediam civitatem in medio Hierusalem, & signa Thau super frontes gementium & dolentium super cunctis abominationibus, quæ sunt in medio ejus*. Ubi S. Hieronymus loco *signa Thau* ex Syris codicibus legit, *signa crucem*, utpote quæ jam tunc vitæ tessera & electionis ad vitam æternam signum extitit; quod & S. Joannes in Novo Testamento vidit, dum quatuor illi Angeli, quibus tanquam Divinæ Justitiæ ministris datum est nocere terræ & mari, non poterant illis nocere hominibus, qui signo DEI vivi, hoc est, salutiferæ crucis signo erant signati: *Nolite nocere terræ & mari, neque arboribus, quoadusque signemus servos DEI in frontibus eorum*. O quàm beati sunt ergo illi, quos,

Apoc. 7. 2

cum

cum venerit Dominus, hoc electiois signo invenerit notatos, felices inquam, qui sæpius cum dolorosa Matre in hac meditatione crucifixi JESU sese in hac vita exercuerint. Audite pro vestro solatio verba pientissimi Redemptoris, quæ ad B. Angelam Fulginatam aliquando locutus est: *Benedicti vos à Patre meo, qui mea Passionis, quæ sæculorum omnium miraculum est, vita & salus peccatorum, memores & devoti eritis & compatiētes, quoniam verè & regni & gloria & resurrectionis, quæ per ipsam acquisivi, mecum eritis participes & hæredes, audituri in illa terribili hora: Venite Benedicti, percipite regnum.*

Arrald is  
in vita B.  
Angelæ.

5. Memini hîc illius pincernæ regii cum Joseph quondam incarcerati, & ideo à morte præservati, quia, prout asserit Scriptura, videbat coram se vitem, in qua erant tres propagines, crescere paulatim in gemas, & post flores uvas maturescere, calicemque Pharaonis in manu sua; ubi subdit Scriptura: *Tuli ergo uvas, & expressi in calicem, quem tenebam, & tradidi poculum Pharaoni.* Econtra pistori regio somnium suum, in quo sibi videbatur tria super caput suum portare farinæ canistra, variosque cibos arte pistoria coctos, & ab avibus devoratos, in suam cedebat perniciem: *Tria canistra tres adhuc dies sunt, post quos auferet Phara caput tuum.* Et quare, dices, pistor ille ad mortem damnatus, & econtrariò pincerna salvatus, pristinoque honori & officio restitutus est: *Tres adhuc dies sunt, post quos recordabitur Phara ministeri tui, & restituet te?* Quid ergo hi duo Regii Ministri in Regem peccârunt?

Genes. 40. 9

Quodnam admiserint crimen, Scriptura non exprimit, probabile tamen est, eos de annona tanquam præfectos nonnihil esse furatos, & ideo custodiæ mancipatos. Alii autem, venisse eos in suspicionem, quasi Pharaoni venenum, hic in poculo, alter in pane parâisset. Quidquid sit hac de re: Pincerna salvatur, & alter damnatur, & quare hoc? Observa, prudens Lector, omnia hæc in veteri Lege illis contigisse in figura, prout Gentium Doctor insinuat, scripta autem esse propter nos & correptionem nostram. Subintrat hîc Rupertus Abbas, qui asserit per duos istos captivos aulæ Ministros duos hominum ordines debere intelligi, electorum videlicet & damnandorum, inter quos medius est Joseph: id est, Christus uni latroni promittens cælum, & alterum æternum reprobans, unum salvans ex gratia, & alterum damnans & inferno relinquens ex justitia. Quod autem pincerna præ altero fuerit salvatus, addit Eminentissimus Hugo Cardinalis, quia totam suam spem ac fiduciam, licet tum adhuc in umbra, in vite, uva & calice Domini sui collocaverat, calix autem Domini est calix Passionis Dominicæ, uva Christus in torculari crucis, velut verus Cypri botrus expressus, & vitis dolorosa Mater ejus, quæ de se ipsa ait: *Ego quasi vitis fructificavi suavitatem odoris.* Supra quod Cornelius: *Vitis est Deipara, quæ uvam pretiosissimam protulit, præterea Christum, ex quo, in torculari crucis presso, expressum est vinum rubrum, quod inebriat omnes fideles.*

2. Cor. 10.  
11  
Rup. Abb.  
hic in Gen.


Hugo Card.  
hic.

Eccles. 24. 23  
Cornel. hic.




O Clientes Mariani ! imitemur hunc pincernam, & totam nostram fiduciam in hoc calice passionis Domini, & in potentissimo dolorosæ Virginis patrocinio, si tamen eos sedulo imitari conabimur, collocemus: *Beatus homo*, inquit Sapientia æterna, *qui vigilat ad fores meas quotidie, & observat ad postes ostii mei.* Per quas fores S. Bonaventura rectè Sacratissima Christi Vulnera intelligit, ad quæ salutis ostia assiduò nos oportet cum Matre dolorosa nunc in vita per sedulam ac devotam meditationem invigilare; & qui JESUM crucifixum & Sacratissimam Matrem ejus invenerit, inveniet vitam, & hauriet salutem à Domino: *O cecitas filiorum Ada*, exclamat memoratus Doctor Seraphicus, *qui per hæc Vulnera in Christum nesciunt introire!* *supra suas vires laborant in vanum, & aperta sunt ostia ad quietem.* An ignoratis, quod Christus est gaudium Beatorum? Cur tardatis per sui Corporis foramina in illud gaudium introire? *Beatitudo Angelorum patet, paries ejus confractus est, & vos introire negligitis?*

6. De reliquo inquirunt Sacri Doctores causam & rationem, quare Princeps ille Hussæus quotidie pro salute filiorum Sacrificia obtulerit: *Consurgensque diluculo offerebat holocausta pro singulis?* Respondet Origenes idèò factum, ut ex aspectu ejusmodi holocaustorum filii paventes sibi à peccatis omnibus caverent, quæ animam perdunt & occidunt. Ah quantum magis ex aspectu & meditatione crucifixi JESU, cruentæ illius in ara crucis pro salute nostra immolatæ victimæ, & ex consideratione innocentissimæ ac dolorosissimæ Matris ejus sub cruce stantis, omnes sensus nostros refrænare debemus, ne in peccata ruamus, quæ non animam duntaxat occidunt, sed & de novo, juxta mentem Apostoli, Christum (quantum in ipsis est) cruci affigunt: *Rursus crucifigentes sibi metipsis Filium DEI, & ostentui habentes.* Et si canes ulcera pauperis lingeant Lazari: *Sed & canes veniebant, & lingeant ulcera ejus.* Quæso, non sumus canibus ingratiore, quibus si os aridum projicis, amabunt te: Lingamus ergo, tanquam canes Domini SS. Vulnera & ulcera JESU, & compatiamur SS. Matri ejus, sic si compatimur, & cum illis conglorificabimur.



# CONSIDERATIO LX.

Mater amoris & doloris instruit nos, quomodo  
semper in præsentia DEI ambulare debeamus.



Providebam Dominum in conspectu meo sem-  
per *Psal. 15. 8.*

**I**s scire, anima Christiana, compendiosissimam ad cor-  
lum viam, fontemque omnis perfectionis? Audi mo-  
nitum, quod DEUS quondam servo suo Abrahamo  
dedit: Ego DEUS Omnipotens: *Ambula coram me, & Geaef. 17. 1.*  
*esto perfectus*; supra quod Lyranus: *Ambula coram me, Lyran. bñ.*  
*id est, ac si præsentialiter semper videres me; & esto perfectus.* O beata illa  
anima, quæ ubique locorum DEUM præsentem veneratur, in hoc enim  
unico ac solo Bono consistit summa perfectionis, vera mentis requies,



Clem. Alex. centrumque cordis nostri: *Hæc solum ratione fit*, ait Clemens Alexandrinus, lib. 3. de Pa- *ut quis nunquam labatur, si DEUM sibi ipsi semper adesse existimet.* Neque ad dag. cap. 5. *superandas tentationes aliquid melius esse potest, quam ejusmodi præsentis* Prov. 3. 6 *ac videntis DEI memoria, unde Sapiens: In omnibus viis tuis cogita illum, & ipse diriget gressus tuos.*

Et hoc est, quod pretiosissima Virgo & Mater amoris ac doloris suo exemplo nos docuit, cum inter mortales mortalis in hoc mundo versaretur, quæ semper etiam in somnis præsentia DEI memor fuit, unde ad tantam perfectionem pervenit, ut omnes creaturas sanctitate longissime superaret: *Tu supergressa es universas.* Hinc Passim à SS. Patribus & Theologis illa verba ex Canticis illi applicantur: *Ego dormio, & Cor meum vigilat.* dum etiam sopitis inter dormiendum sensibus semper mentem ad DEUM præsentem fervavit, illumque super omnia levavit. Imò tota illius vita jugis & assidua DEI præsentis meditatio fuit, si enim Angeli boni à primo creationis suæ instanti nunquam ab actuali amore DEI cessarunt, multò magis hoc dici & credi potest de SS. Deipara Angelorum Domina & Regina. Hinc, prout observant S. Bonaventura, Divus Bernhardinus & alii, integras ferè noctes orando & meditando traduxit, & quemadmodum Filius ut plurimum pernoctare solebat in oratione DEI, idque *secundum consuetudinem*, ita & Mater minimi somni existens jugiter DEUM præsentem laudabat, cui summo & unico Bono unice vacabat, & intendebat; quapropter non incongruè SS. COR hujus pretiosissimæ Virginis purissimo adamanti comparabis, quem acutissimi solis radii intimè penetrant, & pervadunt, cum Lemmate:

## Intima lustrat.

2. Videtur mihi hæc plenissima Virgo post Christi Filii ad cælos ascensionem sicut heliotropium flos, qui non solum cælo sereno ad motum solis sese gyrat, sed etiam, quod maxime admirandum, cælo nubilo cum suo sole circumagitur; hinc rectè pro Lemmate huic flori inscribes illud ex Canticis Canticorum mutuatum: *Ego dilecto meo, & ad me conversio ejus.* Talis, inquam flos & beatissima Virgo in hac terra inter mortales vivens extitit, unice DEUM, Solemque Justitiæ, qui est Christus DEUS noster, in omnibus respiciens, in cujus conspectu semper ambulabat, cujus gloriam unice quærebat. Guilielmus Abbas prædicta Sponsæ verba: *Ego dilecto meo, & ad me conversio ejus*, pereleganter Matri dolorosæ adaptat; juvat hic audire propria illius verba: *Planè, inquit, ego Dilecto meo per maternum commoriebar affectum, ita ut ejus in me martyrium redundaret, & quasi Commartyrem faceret. Ego tunc Dilecto meo ad declarandam mei in ipsum amoris quantitatem, & ejus*

& ejus ad me tunc conversio facta est ad declarandam filialem ejus charitatem. Quantum enim me diligeret, in ipso passionis articulo præclare ostendit, cum videns me piam Matrem & discipulum stantem, quem diligebat, ad me de cruce conversus dixit mihi: *Mulier ecce Filius tuus; Discipulo autem: Ecce, Mater tua.* Planè illius ad me in tanta non salforum acerbitate dolorum tam filialis conversio, quam filialem in me animum gereret, insigniter declarabat.

O tristis conversio & sanguinum Sponsi & Sponsæ sanguinum: *Ego Dilecto meo, & ad me conversio ejus.* Sed neque post Filii sui in cælum ascensionem hujus sui crucifixi Amoris Mater amoris & doloris oblivisci poterat, sed semper eum quasi recens pendentem in cruce, vel in sepulchro jacentem contemplata est: unde docet Sophronius Author antiquus: *Eam præ nimio amore in loco, quo sepultus est, habitasse credimus, quatenus piis pasceretur internus amor obtutibus, non quod jam viventem quæreretur cum mortuis, sed ut suis consolaretur aspectibus, & quem genuerat, mentis complectebatur amplexibus.* Amor Christi desiderium pariebat, desiderium verò gliscens quasi novis reparabatur ardoribus. O si ita versaretur in memoria nostra DEUS ubique præsens, & Christus JESUS: & hic crucifixus, quemadmodum fuit in assidua contemplatione & in conspectu dolorosæ Matris, quam citò perfecti essemus. Sed nos miselli similes sumus struthioni sublime non sapienti, qui, cum grandis sit corpore & capite parvo, ac quasi anserino, cum imminet ipsi vitæ periculum, caput solum in arena, aut in gramine abscondere affolet, putans sic à nemine se conspici, cum ipse neminem videat; cujus stolidam naturam etiam perdix imitatur, in adventu aucupis caput in cæspite occultans; ita & pueri ac infantes ludere consuecunt, caput velo, aut oculos manu obvolvendo, sic à nullo se deprehendendos autumant. O pessimus ludus: *Nemo nos videt!* ergo qui plantavit aurem, non audiet, aut qui finxit oculum, non considerat?

Sophron.  
serm. de As-  
sumpt.

Dan. 13. 20  
Psalm. 93. 9

3. Recordor hic gloriosissimi, juxta ac pientissimi Imperatoris Leopoldi Primi, qui pro suo Symbolo aquilam elegit ad cælum volantem, oculisque irretortis radiantem solem contemplantem, cui hanc ex Vate Regio mutuata in scriptis epigraphen: *Oculi mei semper ad Dominum.* Alludebat prudentissimus Imperator ad varios illos casus, rerumque discrimina, quibus, dum imperabat, erat obnoxius, ex quibus tamen omnibus periculis, quia DEO suo unice confitebat, eumque præsentem ubique veneratus est, misericorditer erutus est; unde meritò cum Davide cantare poterat: *Oculi mei semper ad Dominum, quoniam ipse eveller de laqueo pedes meos; & in aliò loco: Providebam Dominum in conspectu meo semper, quoniam à dex-*

Psalm. 24.  
15

Psalm. 15. 3

O pientissima Virgo! non à veritatis tramite aberrabo, si te simili aquilæ, immotis oculis DEUM & Justitiæ Solem in hac terra contemplanti,



S. Bernhard.  
serm. 2. in  
Salv. Reg.  
S. Antonin.  
c. 44. §. 8.  
3. Reg. 10  
4.

comparavero. ita ante me fecit Mellissus tuus Bernhardus, qui te *aquila grandi magnarum alarum* assimilavit, quæ licet corpore in terra degebas, mente tamen semper in cælo apud Dilectum tuum hærebas. *Omnis Maria actio*, ait S. Antoninus, & *intentio semper fuit intenta in DEO*. Proinde recte cum Psalte dicere poteras: *Oculi mei semper ad Dominum*; longè felicior illa Sabâ Reginâ, quæ se beatam existimabat, eò quòd Salomonis Regis sapientissimi præsentia, aspectu & familiari colloquio frui potuit. O quantò felicior es, pretiosissima Mater, quæ quotidie per annos triginta & amplius speciosum formâ præ filiis hominum, qui infinites plus est quàm Salomon, præsens videre, contemplari, & cum eo, tanquam Mater, conversari poteras: *Toties*, ait Mellissus, *MARIA Filium audivit non modo turbis loquentem in parabolis, sed & Discipulis seorsim Regni DEI mysteria revelantem: Vidit miracula facientem, vidit deinde in cruce pendentem: Vidit expirantem, vidit resurgentem, vidit ascendentem, &c.* Et licet nunc ille in cælum abiisset, attamen cum Vate Jessæo ei peculiari modo Virgo dicere poterat: *Adhæsit anima mea post te*. O si tali modo & anima nostra adhæreret præsentī ubique DEO, qui nobis juxta Doctorem Angelicum præsens est per essentiam intimè nobis coexistendo, & omnia penetrando. Per potentiam, omnia in nobis operando: *In ipso enim vivimus, movemur & sumus*. Et per præsentiam, omnia etiam minutissima perspicendo, & perlustrando; ita Apostolus: *Non est enim ulla creatura invisibilis in conspectu ejus; omnia autem nuda & aperta sunt oculis ejus*. Supra quod præclare Doctorum Phoenix S. Augustinus: *DEUS*, inquit, *totus oculus est, totus manus est, totus pes est. Totus oculus est, quia omnia videt: Totus manus est, quia omnia operatur; totus pes est, quia ubique est*.

S. Bernhard.  
serm. Sig.  
Magnum.

psal. 62. 8

S. Thomas  
Aquinas. 1.  
p. 1. q. 8. a. 4.  
Astor. 7. 27

Hebr. 4. 13

S. Augustin.  
ep. 2. ad  
Fortuahanum.

Marth. 26.

70  
Marth. 26.  
58

S. Ambros.  
l. 10. c. 96

S. Hieron.  
lib. 3. sup.  
Ezech. c. 3.

4. O si ita Petrus DEUM ubique locorum præsentem considerasset, & Christi lateri fidelis semper comes adhæssisset, nunquam amantissimum Dominum ac DEUM suum negasset: *At ille negavit coram omnibus dicens: Nescio, quid dicis*. Rationem eruit Divus Ambrosius ex illis Evangelistæ verbis: *Petrus autem sequebatur eum à longè*. Supra quod sanctus ille Ecclesiæ Doctor ita commentatur: *Bene à longè sequebatur, cum proximè negaturus; neque enim negavisset, si Christo proximè adhæssisset; & ecce quamprimum præsentem Christum iterum habuit, flevit amare*. En quàm necessaria sit nobis DEI ubique præsentis memoria: *Certè, subintrat hic S. Hieronymus, si cogitaremus DEUM videre, & esse præsentem, nunquam, quod ei displicet, faceremus*. Et paulò post: *Memoria DEI excludit cuncta flegitia*.

Luc. 15. 16

O si filius ille prodigus semper in conspectu Patris sui ambulasset, nunquam ad tantam miseriam devenisset, ut inter porcos de siliquis malesuadam famem cuperet extinguere: *Et cupiebat implere ventrem suum de siliquis, quas porci manducabant, & nemo illi dabat*. Rationem assignat Magnus Aurelius

Augu-

Augustinus: Adverte, inquit, *profectus est in regionem longinquam*; & quam illa regio longinqua? *Regio longinqua*, pergit idem sanctissimus Pater, *oblivio DEI est, fames verò in regione illa est indigentia verbi veritatis*. En hic miserandum peccatoris statum, qui dum præsentiæ DEI obliviscitur, & peccando Patrem suum Cœlestem deferit, in regionem longinquam abit, dum à regno DEI ad regnum diaboli, & à cœlo ad gehennam transit, ubi in æternum famem patietur ut canis: *O quam profunda cæcitas*, exclamat Cassiodorus, *DEUM ante oculos non habere*.

S. Augustin.  
l. 2. quæst.  
Ev. 9. 33.

Cassiod. super psal. 9.  
v. 26.

O si illi Judæi execrandi ac impii Deicidæ Divinissimum JESU faciem, in quam desiderant Angeli prospicere, in domo Caiphæ melius considerassent, & non tam turpi obduxissent velo, fortè nunquam Regem gloriæ crucifixissent: *Et velaverunt eum*, ait S. Lucas, & *cæperunt quidam*, ait S. Marcus, *conspicere eum, & velare faciem ejus*. Ad quid, oro, scelerati illi Divinam Christi faciem obscuro velo obdlexerunt? Respondet S. Hieronymus, *quia majestas Christi radiabat in vultu*, & Janfenius apud Cornelium, *ut sic eum liberius verberarent, & vexarent, ne Divino vultu ejus & oculis absterrentur, & coercerentur*.

Luc. 22. 64.  
Marc. 14.  
65  
Cornel. in  
Matth. 26.  
63

Ita quoque, subintrat hic S. Augustinus, faciunt mali, tepidi, & impii Christiani, qui liberiori se vitæ dedunt, vellentque DEUM cæcum esse: *Diræxerunt enim in corde suo: Oblitus est DEUS, avertit faciem suam, ne videat in finem*. Tales perversi Christiani ipsis Paganis, Gentilibus pejores de novo exspuunt in faciem JESU, & colaphis eum cædunt, *tanquam præsentiam ejus exterminantes, & repellentes*. Ita citatus sanctus Augustinus.

psal. 9. 12

5. De Ophni & Phinees duobus filiis Heli summi quondam in Lege Sacerdotis & Judicis habet Scriptura: *Porro filii Heli, filii Belial, nescientes Dominum*. Et quomodo, dices, poterant nescire Dominum, qui Gentiles non erant, nec in fide Conditoris errabant, imò qui & alios tanquam Legis Doctores debebant instruere; quomodo poterant nescire Dominum; Observat hic Mendoza, quòd duplex DEI sit notitia, speculativa & practica; speculativè ergo DEUM hi duo nequam filii Heli cognoscebant, sed non practicè, dum vivebant, quasi non esset DEUS, quia sacra ejus prophanebant, Legem proculcabant, Sacrificia violabant: *Sic agebant*, ait Mendoza, *ut agunt illi, qui nesciunt Dominum*.

1. Reg. 2.  
12

Mendoza in  
1. Reg. 2.

Heu! quot etiamnum in hoc infelici sæculo reperies Christianos, qui quidem speculativam DEI habent notitiam, eumque ubique præsentem, & intima cordis lustrantem profitentur, sed non practicam, dum in praxi ejus præcepta iniquè contemnunt præsumptione, hinc ad omnem impietatem sibi laxant habenas; causa omnium horum malorum prima est: *Quia non proposuerunt DEUM ante conspectum suum*; & inde fit, *ut abundet iniquitas, quia refrigescit charitas, & DEI oblivio*. Et dic, obsecro, lodes, unde tot perversi Libertini? tot Catholici, qui nec frigidi nec calidi sunt, digni, ut ab ore

psal. 53. 5  
Matth. 24.  
12  
Apoc. 3. 10



Christi evomantur? Unde tot fraudes politicorum, injustitiæ tribunalium, libidines in omni sexu? Horret animus, dum considerat, quòd hæc lues pestilentissima orbem penè inficiat universum, & repleat infernum. Quot laborant crassa ignorantia articulorum fidei, quos explicitè scire & credere tenentur? Quot incurii suæ vivunt salutis, toti intenti captandis vanis honoribus, fabricandis ædibus, colendis agris, vineis, hortis, colligendis divitiis: Quot in continuis sordescunt rixis, litibus & odiis immortalibus, ut rarò de DEO ubique locorum præsentem & de vita æterna cogitent? O Christiani! si tamen hoc nomine digni estis, de quibus justè conqueritur DEUS: *Populus meus oblitus est mei, diebus innumeris.* Ah miseri! evigilate aliquando.

jerem. 2.

32

Genes. 3. 8

S. Chrysost.  
hom. 17. in  
Gen.

6. Adam generis humani Proto-Parens, ubi peccatum admisit, inter densas arborum umbras in paradiso se occultavit: *Abcondit se Adam & uxor ejus à facie Domini.* In quem Scripturæ locum Divus Chrysostomus: *Vide, inquit, quàm insipientes faciat peccatum, abscondere se tentat à DEO, qui ubique præsens est.* Heu quoties miseri nepotes, hujus nostri Proto-Parentis imitatur insaniam.

Genes. 4. 8

Cain domi in conspectu parentum non ausus est illud immane patrare fratricidium, sed egressus est, ubi neminem videbat præsentem: *Cumque essent in agro, conjurrexit Cain adversus fratrem suum Abel, & interfecit eum.* O impie & execranda! quò ibis, ut DEUS te non videat? En alius speculator adstat desuper: *Quid fecisti? Vox sanguinis fratris tui clamat ad me de terra?* Ito nunc, peccator, & quære locum, ubi DEUS te non possit cernere peccantem: *Si peccare vis,* ait S. Augustinus, *quare, ubi te non videat DEUS, & fac, quod vis.*

S. Augustin.  
serm. 46. de  
Verb. Dom.

Deambulabat quondam David post meridiem cibo & somno pastus super solarium, ubi ex adverso palatii sui Bethsabeam Uriæ uxorem pulchram ac formosam, in horto se lavantem conspicatus est; & quia oculi sunt in amore duces, mox cogitationes lascivæ otiosi Regis feriebant animum. O David, *averte oculos, ne videant vanitatem;* fuge, fuge ab hoc incurso & dæmonio meridiano, si vis obtinere victoriam, apprehende fugam. Quid multis? ait David intra se: *Nemo nos videt:* Ito, ito citò, Ephebe, & dic huic & huic in aurem, Regem illius desiderare præsentiam. Dictum factum: *Et missis nuntiis tulit eam.* O casum miserandum in Rege tam sancto! & quæ causa hujus tam probrosi lapsus? Dixi: *Vidit Mulierem,* & dum illius speciem contemplantur, mentem à Deo ubique locorum præsentem avertit; hinc illæ postea Davidis lacrymæ: *Exitus aquarum deduxerunt oculi mei,* &c. O quàm benè Doctor Angelicus: *Si Dominum, inquit, præsentem, & omnia videntem, & judicantem cogitaremus, aut vix aut nunquam peccaremus.*

2. Reg. 11.  
4.psalm. 118.  
126.  
S. Thom.  
Opusc. 58.  
cap. 2.

Cur Joseph inter medias aulae Putipharis illecebras toties ab hera sollicitatus nullis concupiscentiæ fluctibus succubuit, sed relicta chlamide aufugiens,

giens, potius vitam, quam castitatem perdere elegit, causa est, quia ubique DEUM præsentem habuit, ac reveritus est: *Quomodo ergo, inquit, possum hoc malum facere, & peccare in DEUM meum?* Ubi Septuaginta legunt: *Coram DEO?* Ecce quomodo hæc unica præsentis DEI memoria victoriam in omnibus tentationibus pariat: *Memento DEI*, solebat dicere S. Ignatius Martyr, & non peccabis; & S. Ephrem: *Continuâ DEI recordatione turpes animi passionēs recedunt, instar maleficorum prætere accedente.*

7. Revertor ad Matrem amoris & doloris, quæ adamussim adimplevit illud Veritatis & Filii sui effatum: *Quoniam oportet semper orare, & non deficere.* Et quomodo, dices, SS. Deipara semper poterat orare, & nunquam in oratione deficere? Nunquid vitam contemplativam cum activa conjunxit? Nunquid tenuem victum & amictum manu & arte quærebat: *Parca erat*, ait S. Ambrosius, *ad loquendum, studiosa ad legendum, intenta ad operandum*, nunquam otio dedita: *Suño manè*, ait Hieremias Drexelius, *ad sanctissimas occupationes redit. Primus omnium labor precari, in templo & Divino cultui adesse usque ad horam nonam (nostratum horarum methodo) inde labor & opus, necesse, satcir, lanam facere, linea & serica templo parare, atque hoc usque ad horam tertiam pomeridianam seu vesperem. Inde lectio & precatio iterum eam tenuit, dum Angelus adsuit, à quo cibum accepit.* Hinc constans est etiam celeberrimorum Scriptorum assertio, eam Christi tunicam inconsutilem & desuper contextam per totum, quam milites sub cruce non audebant in partes scindere, artificiosâ manu elaborasse; item & mappam illam, quâ Christi mensa in suprema cœna erat contecta, super quam & SS. Eucharistiæ Sacramentum institutum est, quam SS. Deipara artificiosè intextis liliis adornavit, quæ etiamnum hodie Ulyssipone in templo Societatis Jesu religiosè asservatur. Mitto alia, quæ B. Virgo propriis manibus elaboravit, de quibus plura R. P. Antonius Spinellus S. J. in Throno Deiparæ. Ex quibus, subinferes, luculenter rerum consideranti apparet beatissimam Virginem non potuisse semper & assiduò orare.

Ad propositum respondet Venerabilis Beda: *Semper orat, qui semper secundum Deum operatur*, illumq; in omni loco præsentem veneratur, quod peculiariter, imò & primariò fecit pretiosissima Dei Mater, continuè in conspectu Dei ambulans, & operans, mente assiduè ad Deum erectâ: *Providebam Dominum in conspectu meo semper.* O anima Christiana! discè hîc à Matre amoris & doloris, quomodo cautè te oporteat ambulare, & semper stare in conspectu DEI, quæ de seipsa ait: *In habitatione sancta coram ipso ministravi.* Proinde omnia secundum illius exemplar summa cum diligentia operaberis, quia propter Deum facis, & in conspectu ejus laboras: *Videre*, dicebat quondam pientissimus Rex Ezechias ad Regni sui Ministros, *quid faciatis - - Sit timor Domini vobiscum, & cum diligentia cuncta facite.* Quod & gentilis Seneca agnovit, dum dixit: *Sic vive cum hominibus, tanquam Deus videat; sic loquere cum Deo, tanquam homines audiant.*

Genes. 39. 9

S. Ignat. M.

ep. 7. ad

Hexonem.

S. Ephrem.

Tractat. de

virtut.

Luc. 18. 1

S. Ambros.

lib. 2. de Vir-

ginibus.

Drexel. de

Rosis B. V.

cap. 8. §. 1.

Walterus

de triplici

cœna lib. 3.

cap. 38.

Spinell. cap.

29

Beda apud

Cornel. hic

in Luc. 18.

v. 1.

psalm. 15. 8

Eccles. 24.

14.

2. Paral.

19. 6

Seneca ep.

10



428 *Confid. LX. B. Virgo semper in præsentiâ Dei ambulans.*

8. Cæterum sæpius B. Virgo per virgam à Spiritu S. præfigurata est. Primò per virgam Josephi Ægyptiorum Pro-Regis, quam Jacob moriens humiliter venerabatur: *Adoravitque fastigium virgæ ejus.* Secundò per virgam Assueri, quam Rex super Esther Reginam in singulare benevolentia signum extendit: *Qua accedens osculata est summitatem virgæ ejus.* Tertiò per Virgam Aaronis florentem & tot patrantem prodigia: *Invenit germinasse virgam Aaron in domo Levi; & turgentibus gemmis eruperant flores.* Quartò per virgam, quæ Davidem in omni sua tribulatione consolata est; *Virga tua & baculus tuus, ipsa me consolata sunt;* & denique per virgam, quam Prophetarum Princeps Isaïas in spiritu prævidit, ex qua floridus Nazaræus & verus flos campi, qui est Christus Deus noster, prodiret: *Et egredietur virga de radice Jesse, & flos de radice ejus ascendet.* Et cur toties, haud immeritò quæres, B. Virgo virgæ assimilata est; Respondet S. Antoninus: *Dicitur autem B. MARIA Virga, quia semper recta fuit, nunquam inclinata ad terrena, sed semper recta ad cælum;* solet enim virga nunquam deorsum crescere, & in terram descendere, sed semper cælum versùs se erigit; ita SS. Deipara, vult dicere S. Antoninus, non ad ista terrena & transitoria se inclinavit, sed semper ad instar rectissimæ virgæ ad DEUM, tanquam ad ultimum suum finem se erexit, semper ambulans in conspectu ejus: *Providebam Dominum in conspectu meo semper.* Unde omnia benè & rectè fecit, fueruntque ejus operationes tum activæ tum contemplativæ perfectissimæ, & quia oculus ejus erat simplicissimus, ideò & totum corpus erat lucidissimum.

Vide ex his, & considera, anime mi! quomodo præsentis Dei memoria hominem ducat ad omnem perfectionem; si vis ergo perfectior esse, quàm hæcenus fuisti, juxta exemplar dolorosæ Matris & aliorum Sanctorum, Deum ubique tibi præsentem cogita: *Ambula coram me, & esto* (plures interpretantur) *& eris perfectus.* Hæc memoria præsentis ubiq; Numinis Eliam ad tantum sanctitatis gradum evehit, ut vivus in curru igneo per turbinem in cælum raperetur, cui familiare fuit: *Vivit Dominus, in cujus conspectu sto.* Hunc Magistrum secutus est Discipulus optimus Elisæus, qui & ipse ubique Deum præsentem reveritus est: *Vivit Dominus exercituum, in cujus conspectu sto.* Henoch quia *ambulavit cum Deo*, hoc est, prout exponit Cornelius, quia tam sanctè & piè vixit, quasi Deum semper præsentem præ oculis haberet, vivus ab Angelis in paradysum translatus est: *Et non apparuit, quia tulit eum Dominus.* Jeremias inter tot decumanos persecutionum ac tribulationum fluctus semper Deum sibi præsentem cogitabat: *Dominus mecum est, tanquam bellator fortis.* Finio cum seniore Tobia: qui moribundus filio suo hoc inter alia salutare mōnitum dedit, quod & tibi optime Lector, omnibus viribus inculco: *Omnibus autem diebus vita tua in mente habeto Deum, & cave, ne aliquando peccato consentias, & prætermittas præcepta Domini DEI nostri, &c.* Hoc fac,


& vives.

CON,



# CONSIDERATIO LXI.

B. Virgo & Mater amoris ac doloris docet nos terrena despiciere, & solùm coelestia desiderare.



Quando veniam, & apparebo ante faciem DEI?

*Psal. 41. 3.*



**I**uid est mundus? Magnifica illa & quadrifida statua est Regis Nabuchodonosoris, cujus caput ex auro, pectus ex argento, venter ex aere, tibiae ex ferro & pedes ex luto fictili erant: Et abscissus est lapis de monte sine manibus, & Daniel. 2. 34 percussit statuam in pedibus ejus ferreis & fictilibus, & comminuit eos: tunc contrita sunt pariter ferrum, testa, aes, argentum & aurum. O vanitas! ubi nunc sunt quatuor istae Monarchiae, Chaldaeorum scilicet, Persarum, Graecorum & Romanorum, per hanc statuam praefiguratae?

H h b 3.

Quid



z. Reg. 4. 13 Quid est mundus? Stella Heli est summi quondam in Lege Sacerdotis & Israëlitarum Judicis, qui, cum triste nuntium de arca capta, & de duobus filiis in bello trucidatis, accepit, de sella sua retrorsum cadens, fractis cervicibus expiravit: *Cecidit sella retrorsum*, & quare retrorsum? Quia sella ista non habebat *reclinatorium*, quo dorsum inclinaret. En mundi typum, nullus hîc reclinatorium & firmam sedem habet. Ubi nunc sunt illi centum, viginti & septem potentissimi Imperatores, qui hætenus Romano præfuerunt imperio? Ubi septuaginta quinque Hispaniarum Monarchæ? Ubi sexaginta Christianissimi Galliarum Reges? Ubi tot Magnates, Principes & Potentes hujus Sæculi? Ubi illorum Ministri, adulatores, parasiti, servi, milites & subditi? Ubi mortales omnes, quotquot hætenus extiterunt in mundo? Sap. 5. 9. Audite Sapientem: *Pertransierunt omnia illa tanquam umbra*. O vanitas vanitatum!

Iob. 3. 14 Quid est mundus? *Tela aranearum est*, ita patientissimus Job. Et nunquid considerâsti aliquando araneæ laborem, quomodo assiduâ meditatione se exerceat, quomodo currat & recurrat, ac seipsam evisceret, donec suum perficiat reticulum, ut unam, alteramve capiat muscam? Tandem omnem laborem ac texturam unica ancillæ scopa confundit, & misera aranea pedibus proculcatur; ita mundanorum curæ, labores & studia sunt, si non pro DEO & propter DEUM fiant: *Et telus*, inquit Isaias, *aranearum texuerunt*.

Jonæ. 4. 14 Quid est mundus? Hædera Jonæ est, unâ florens die & alterâ decidens: *Et lætatus est Jonas super hædera latitiâ magnâ, & paravit DEUS vermem, & percussit hæderam, & exaruit*; cui hæderæ rectè illud Apostoli pro Lemmate inscribes: *Momentaneum est, quod delectat*. En hîc exitum & mercedem cosmophilorum, jocando, ridendo, ludendo, otiando, comotando, luxuriando regnum cælorum perditur, & *in puncto descenditur ad infernum*.

Ecccl. 9. 12 Quid est mundus? Hamus est, quo pisces capiuntur, & rete, quo volucres cæli illaqueantur, ita sapientissimus Ecclesiastes: *Nescit homo finem suum; sed sicut pisces capiuntur hamo, & sicut aves laqueo comprehenduntur, sic capiuntur homines in tempore malo, cum eis extemplo supervenerit*. O quot animæ missellæ, quia mundum sectatæ sunt, in hoc perditionis prolapsæ sunt rete, quod illis paravit, & tetendit venator tartareus: *Cadent in retiaculo ejus peccatores*. Sed quid sequitur? *Singulariter sum ego, donec transeam*, hoc est, B. Virgo. & Mater amoris ac doloris, quæ hoc rete peccati tum originalis, tum actualis sola evitavit, non enim erat de hoc mundo, quæ soli DEO semper adhærebat, quia *conversatio ejus erat in cælis*, unde Lemma:

Ad sidera sursum.

2. Miror, quare dilectus ille Christi Discipulus & Filius MARIÆ adoptivus hanc SS. Matrem suam, à moriente JESU in peculiare donum & thesaurum sibi legatam, describat sole amictam, lunamque calcantem pedibus suis: *Mulier amicta sole, & luna sub pedibus ejus?* Et quare dicitur beatissima Virgo Mulier amicta sole? Juvat hic audire Mellissimum: *Putasne, inquit, ipsa est mulier amicta sole? quæ velut alterum solem inluit sibi. In sole & fervor & splendor stabilis: In luna solus splendor atque is omnino mutabilis & incertus, qui nunquam in eodem statu permanet. Jure ergo MARIA sole perhibetur amicta, quæ profundissimam Divinæ Sapientia, ultra quàm credi valeat, penetravit abyssum.* Proinde per hunc solem rectè intelligitur verus justitiæ Sol, qui est Christus DEUS noster, unde rursus idem S. Doctor: *In te, inquit, manet* (Sol Christus) *& tu in eo: & vestis eum, & vestiris ab eo: vestis eum substantiâ carnis, & vestit ille te gloriâ suæ majestatis: vestis solem nube, & sole ipsa vestiris.* Sed quare dices, SS. Deipara ab eodem S. Joanne describitur, quòd lunam sub pedibus calcet: *Et luna sub pedibus ejus?* Observa, anime mi, per lunam, sidus instabile & nunquam in eodem statu permanens, omnia ista mundana, transitoria, ac temporalia designantur, quæ SS. Virgo in hac vita mortali pedibus suis calcavit, dum omnia ista terrena despexit, & mente purissima solum Deum sectata est. Et quia Filius per omnem vitam paupertatem sibi elegit in sponfam, non habens, ubi caput reclinaret: *Pauper sum ego, & in laboribus à* *juventute mea;* ita & SS. Mater ejus, licet esset unica filia ac hæres divitum ac nobilium parentum, voluntariè paupertatem præ omnibus elegit divitiis: *De divitiis, ita ait ipsa ad S. Birgittam, ego & Joseph nihil reservavimus nobis, nisi necessaria vita ad honorem DEI, reliqua dimisimus propter honorem DEI.* Et in alio loco subjicit eadem SS. Deipara: *A principio vovi in corde meo, nihil unquam possidere in mundo - - Et omnia, quæ habere potui, dedi indigentibus, nihilque nisi tenuem victum & vestitum reservavi.* Unde post Filii in cælum reditum non in domo Lazari, aut Josephi ab Arimathæa, vel in domo Principis Nicodemi aut aliorum divitum ac nobilium, qui animo gratissimo hanc suam Dominam suscepissent, commorata est, sed curam, prout observat Dionysius Carthusianus & plures alii, centum & viginti puellarum in se suscepit, quarum juxta normam hujus SS. Virginis in recenti illa Ecclesia propositum fuit perpetuò vitam castam agere, & Evangelicam sectari paupertatem, quas Virgines pientissima Virgo ad omnem virtutem & sanctimoniam verbo & exemplo instruxit, ad quem primum religiosum Virginum cœtum S. Ignatius Martyr in Epistola quadam salutem misit: *Salvo congregationem Virginum.* O felices illæ Virgines, quæ sub tali ac tanta erudiebantur Magistra, quibus non aliam præscripsit lectionem, quàm ut DEum pura mente sectarentur, & mundum istum immundum contemnerent: *Nolite diligere mundum, neque ea, quæ in mundo sunt.*

Apoc. 12. 1.  
S. Bernh. l. 1. c. 1.  
in Apoc. 12.

Loc. citi

Ps. 87. 17.

Revel. S. Birg.  
lib. 7. c. 25.

Lib. 1. Rev.  
cap. 10.

Dionys. Carthuf.  
in 1. sententia dist.  
16. qu. 2.

c. Ign. M.  
ep. 5. ad Philipp.

1. Joan. 2.  
15.



Phil. 3. 8.

3. S. Paulus insignis mundi contemptor de seipso testatur, quòd illa omnia, quæ mundus adorat & æstimat, puta divitias, favores, delicias, honores, gloriam, eloquentiam, dignitates, voluptates, & quidquid orbis pretiosum miratur, pro Christo & propter Christum nihili duxerit, sed potius ut detrimenta ac damna, imò ut stercora reputaverit: *Veruntamen existimo omnia detrimenta esse propter eminentem scientiam Jesu Christi Domini mei, & arbitror ut stercora, ut Christum lucrificiam.* Vide hîc, & perpende, quousque assurrexerit excelsus Pauli animus.

Gal. 6. 14.

Quid commemoro pretiosissimam Deiparentem? An non multò magis omnia ista terrena & mundi bona propter eminentem scientiam & charitatem dilectissimi Filii sui illi videbantur ut detrimenta & stercora, tantum ut Christum lucrificeret? Et si ille Doctor Gentium de seipso asserit: *Mihi mundus crucifixus est, & ego mundo:* mundus mihi tergum vertit, & ego mundo; mundus mihi exosus est, & ego mundo; mundus mihi mortuus est, & ego mundo; adeoque in una eademque cruce confixi sumus ego & mundus; quantò potius SS. Deipara & Mater dolorosa hoc poterat dicere: *Mihi mundus crucifixus est, & ego mundo,* quia amor meus est solus crucifixus JESUS? Et quomodo difficile illi erat aspernari mundum, quæ seipsam contemnere & annihilare à vitæ primordio didicit: *Mundum & omnem ornatum sæculi contempsit propter amorem Domini mei Jesu Christi.*

Judith. 10.

3.

Non sic Juditha, licet Vidua sancta, nobilis, & singulari castimonix laude conspicua; non sic, inquam, Juditha, de qua refert Scriptura, quòd, exutis viduitatis suæ vestimentis, unxerit se myro optimo, crines capitis sui discriminaret, mitram capiti imposuerit, & vestimentis jucunditatis suæ induta, ad castra Assyriorum contenderit: *Assumpsitque dextraliola, & lilia, & in aures, & annulos, & omnibus ornamentis suis ornavit se, &c.* Et in alio loco, ubi jam obsessam liberavit Bethuliam, hostemq; ad tartarum misit, refert Scriptura, quòd magna cum pompâ, procerumq; stipata catervâ in publicum processerit: *Erat autem diebus festis procedens cum magna gloria, &c.* Ita & Esther, licet mulier pia & sancta, ut placeret Assuero Regi, pretiosis unctis unguentis, regalibusq; ornata vestimentis in publico apparere voluit: *Die autem tertio induta est Esther regalibus vestimentis, &c.* Ruth Moabitæ, licet pauperi, sed modestissimæ Viduæ, hoc Noëmi suggestit consilium: *Lavare igitur, & ungere, & induere cultioribus vestimentis.* Vide hîc, prudens Lector, quomodo fœminæ etiam virtuosæ sint aliquo modo philocosiæ, & ornatus corporis sui studiosæ, quod abundè patet in illa paupercula Vidua, debitis quondam oppressa, cui Elisæus

Judith. 16.

27.

Esth. 5. 1.

Ruth. 3. 3.

4. Reg. 4. 2.

Propheta, ut creditoribus solveret, abundans oleum impetravit: *Cui dixit Elisæus: Quid vis, ut faciam tibi? dic mihi, quid habes in domo tua? at illa respondit: Non habeo ancilla tua quidquam in domo mea, nisi parum olei, quo ungar.* Ecce, paupercula erat vidua, pressa debitis, oleum tamen domi habuit, & solli-

git

citè custodivit, in quem finem? *Quo ungar.* O bonum Numen! erat pauperrima cuticula, voluit nihiloscius esse pulchra. Vide hic alterius sexûs misérias & fallacias, & cave, ne in hoc rete incidas.

O pientissima Virgo, & Domina totius universi! quâlis erat tuus ornatus? Quæ tua in hoc mundo erant pretiosa ac cultiora vestimenta? Observant Epiphanius, Nicephorus, Cedrenus & alii, quod vestes SS. Deiparæ ex simplici & nativa lana, nulloque tincta colore, adeoque cinerei coloris fuerint. O anima Christiana, collige vel ex hoc, qualiter seipsam & mundum universum æstimârit SS. Virgo! & nunquid *byssus & purpura indumentum ejus*? Ita est, subintrat hîc Cornelius: Byssus, qui candidi coloris est, ejus virginitatem plûs quàm Angelicam designat, purpura illius ardentissimam in Deum & proximum charitatem, unguenta optima virtutes ejus excellentissimas, & suavis odor vestimentorum illius bona exempla, quibus orbi illuxit universo: *Et odor vestimentorum tuorum sicut odor thuris.* Verùm (quod peculiariter observandum est) vestimenta hujus dolorosæ Viduæ & Matris Christi fuerunt cinerei coloris; & quid, obsecro, aliud denotabant, quàm contemptum mundi, cui vivens jam mortua erat Virgo, cum Apostolo non aliud quærens, quàm *habentes alimenta, & quibus tegamur, his contenti sumus.*

4. O quàm alius est nunc mundi stylus! quot etiamnum hodie impiam & arrogantem sectantur Jezabelem, de qua Scriptura commemorat: *Depinxit oculos suos stibio, & ornavit caput suum, & respexit per fenestram, &c.* Et quid sequitur? *Et erunt carnes Jezabel sicut stercus super faciem terræ.* Ite nunc, comptuli & comptulæ, ite, delicatuli & delicatulæ, ite, sepulchra dealbata, quæ foris quidem apparent splendida, intus autem plena sunt putoribus, vermibus ac sordibus; ô quid fiet de vobis in morte, qui in vita obliti estis Dei Creatoris vestri? *Dic mihi,* exclamat Mellifluus, *ubi sunt amatores mundi, qui ante pauca tempora nobissem erant? nihil ex eis remansit, nisi cineres & vermes.* Attende diligenter quid sunt, vel quid fuerunt. *Homines fuerunt, sicut tu: Comederunt, & biberunt, riserunt, duxerunt in bonis dies suos, & in puncto ad inferna descenderunt.* Et visne tu sequi?

Vide ex his, & perpende, anime mi! quantò melius sit cum dolorosa Matre mundum hunc despicere, & cum ea solum desiderare cœlestia, Deumque purâ mente sectari: *Fallax gratia & vana est pulchritudo.* Amanum consule, & quis gloriosior? Sedet in regali convivio, pransitat cum Rege & Regina, finito convivio raptatur ad patibulum: *Suspensus est itaque Aman in patibulo, quod paraverat Mardochæo.* En gratiæ humanæ & mundani amoris finem: *Nolite confidere in principibus, in filiis hominum, in quibus non est salus.* Vana igitur est gratia, sed & vana est pulchritudo. Absolonem Principem & juvenem pulcherrimum considera. Ille, qui patris affectabat solium, nunc pro throno regio habet patibulum; ille, qui tot votis sibi sceptrum optavit, nunc loco

*Mater Delorosa.*

lii

triplici



triplicis sceptri tribus transfigitur lanceis. Ille, qui regiam ambiebat coronam, nunc loco diadematis propriis capellis, quercui per modum coronæ implexis, coronatur. Ille, qui paulò antè crispatis superbiebat crinibus, nunc ei facti sunt in laqueum, & in interitum; ô quàm *patiens redditor est Altissimus*:

Eecl. 5. 4.

2. Reg. 18.

17.

En pœnam Talionis, sic mundus suos remuneratur servos: *Et tulerunt Absolon, & projecerunt eum in saltu in foveam grandem, & comportaverunt super eum acervum lapidum: magnum nimis.* Ecce, quàm vana sit mundi pulchritudo, quia ejusmodi mollicelli & mollicellæ plerumque tantum externo mentiuntur fuce se esse pulchros, cum interiùs pleni & plenæ sint fordibus & putoribus intolerabilibus. Hoc habet lues venerea, & tandem quid restat nisi ignis æternus? Audi

Job. 31. 11.

patientissimum Jobum: *Hoc enim, inquit, nefas est & iniquitas maxima: ignis est usque ad perditionem devorans, & omnia eradicans genimina.*

HOV. 31. 32.

Quid ergo consilii? *Fallax est gratia & vana est pulchritudo*, ubi mox subjungit Sapiens: *Mulier timens Dominum, ipsa laudabitur.* Hæc mulier timens Dominum, ejusque in omnibus adimplens SS. voluntatem, non alia est, quàm SS. Deipara, quæ licet corpore fuerit præclaro ac integerrimo, & insuper venerabili & augustâ prædita pulchritudine; qualem etiamnum hodie imagines à S. Luca depictæ præferunt, omnem tamen evanidam ac fallacem mundi pulchritudinem fugit, rejecit, & contempsit, unicè contenta DEO, tanquam summo Bono suo, quem & unicè amavit, unicè quæsiuit, unicè desideravit; pro-

Cant. 1. 12.

inde longè meliori jure quàm Sponsa illa dicere potuit: *Dilectus meus mihi: inter ubera mea commorabitur.* Quasi diceret: Omnibus his contemptis terrenis, illi soli vivo, cui omnia vivunt, illi soli servio, cui omnia inserviunt, & faciunt

Cant. 5. 2.

verbum ejus, illi soli adhæreo, qui est vita mea, spes mea, amor meus, & merces mea magna nimis. O Sionidæ; ô filiæ celestis Jerusalem, ô SS. Angeli!

Ccl. 6. 17.

*Dicite Dilecto, quia amore langueo.* O dulcis amor! quàm bonum est cum dolorosa Matre unicè amare JESUM & hunc Crucifixum. Et si Paulus de se gloriatur: *Ego stigmata Domini JESU in corpore meo porto*: quantò justius dolorosa Mater de seipsa dicere poterat: *Ego stigmata Domini JESU in corpore meo porto*, imò jugiter per omnem vitæ cursum in corde meo portavi, proinde vilescit mihi mundus, & omnia, quæ in mundo sunt. O quoties in hac lacrymarum valle hæcipientissima Vidua post Filii in cælum reditum ad DEUM

Ps. 119. 5.

suspiravit: *Heu mihi, quia incolatus meus prolongatus est: Habitavi cum habitantibus Cedar; Multum incolatus fuit anima mea. Quando veniam, & apparebo ante faciem DEI?* Qui amor semper novis, quoad vixit, adauctus est amoris faci-

Dionys. Car-

bus? Non sic, ait Dionysius Carthusianus, Jacob Patriarcha affici potuit ad vi-

dendum filium suum: Joseph dominantem in Egypto, quantum afficiebatur piissima

de Assumpt.

B. V.

Mater & Virgo ad conspiciendum unicum suum filium JESUM gloriosissimum atque regnantem in cælo, nempe quò intensius, ardentius, incomparabiliusque ama-

vit Unigenitum suum secundum utriusque ipsius naturam, eò præcordialius anhe-

labat.

labat ad facialem ejus intuitum, ad immediatam ac intimam unionem, ad beatissimam visionem, præsertim quia ejus suavitatem gloriose ac frequentissime erat experta, per quod ad plenarium gustum accendebatur validius, juxta illud, quod increata Sapientia loquitur: Qui edunt me, adhuc esurient.

Eccl. 24. 20.

5. Quàm ardens desiderium Moyſes Dux ac Legifer Hebraici populi habuerit, poſt tot in deſerto per quagraginta annos exantlatos labores tandem aliquando videndi, acingrediendi terram illam deſiderabilem & à Deo ſibi & populo promiſſam, Sacræ Paginæ abunde declarant, qui tamen ob leviſſimam culpam hujus ardentiffimi voti ac deſiderii ſui compos factus non eſt, ſed cum eſſet centum & viginti annorum, vegetus adhuc viribus, cujus oculi necdum (prout in ſenibus fieri aſſolet) caligaverant, nec dentes moti ſunt, ſolum de longe in ſupercilio montis terram illam promiſſionis conſpicatus eſt. Juvat hîc audire Scripturam: *Dixitque Dominus ad eum; hæc eſt terra: pro qua juravi Abraham, Isaac & Jacob, dicens: Semini tuo dabo eam. Vidisti eam oculis tuis, & non tranſiſtis ad illam: Mortuusque eſt ibi Moyſes ſervus Domini in terra Moab, jubente Domino.*

Deut. 34. 4.

Collige ex hoc, anima Chriſtiana, vehementiſſimum deſiderium, quo Mater amoris & doloris poſt Chriſti in cælum aſcenſum ſiagravit, Dominum ac DEUM ſuum poſt tot exantlatos per omnem vitam labores videndi ac ſummo hoc bono ſuo fruendi. O quoties cum Sponſa per duos illos & viginti annos, quibus hæc dereliſta Vidua in primitiva illa Eccleſia, ubi ſanguis Chriſti recens fuſus adhuc calebat, in ſolatium primorum Chriſtianorum adhuc in terris remanſerat, in cælum & ad dilectiſſimum Filium ingeminavit: *In lectulo meo per noctes quaſivi, quem diligit anima mea: Quaſivi illum, & non inveni. Surgam & circumibo civitatem: Per vicos & plateas, quaram, quem diligit anima mea: Quaſivi illum, & non inveni.* O dulciſſime JESU! qui hanc tuam SS. Matrem magis quàm cæteras creaturas jam tunc dilexiſti, & etiamnum diligis, quare illi cauſa fuiſti tam longi, tam acerbi, tam diuturni martyrii? Verè *judicia tua abyſſus multa.* Ideo tanto adhuc tempore pretioſiſſimam Matrem ſuam in cruce pendere voluit, ut merita illius, prout alibi per tranſennam inſinuaviſmus, in immenſum accreſcerent, per omnem æternitatem remuneranda. Et ſi quondam Salomon omnes mundi theſauros in comparatione humanæ ſapientiæ nihil duxit: *Et præpoſui illam regnis & ſedibus, & divitias nihil eſſe duxi in comparatione illius.* Quamto magis beatiffima Virgo in comparatione Divinæ & æternæ Sapientiæ, & in proxima poſſeſſione ſummi illius Boni, ad quod totis viribus anhelabat, dicere poterat: *Et præpoſui illam regni & ſedibus, & divitias nihil eſſe duxi in comparatione illius?* Proinde omnia iſta, & quidquid in orbe pretioſum eſſe poteſt, nihil æſtimavit, ut ſolo DEO ſuo frucretur: *Et nunc quæ eſt expectatio mea, nonne Dominus?*

Cant. 3. 2.

ſal. 35. 7.

ſa. 7. 8.

ſal. 33. 8.



6. O anima Christiana! disce à dolorosa Matre terrena hæc contem-  
 S. Bernh. re, & ardenti desiderio ad cœlestia aspirare: Cui Christus, ait Mellissuus, incipit  
 pag. 1726. dulcescere, ei necesse est amarescere mundum. O munde immunde! & quis te di-  
 Judic. 4. 19. ligat? Tu similis es Jaheli, quæ modicum lac Sisaræ belli Duci præbuit, & in-  
 terim ei clavum ferreum per capitis tempora adegit: *Ingressa absconditè & cum  
 silentio posuit super tempus capitis ejus clavum, percussumque malleo defixit in ce-  
 rebrum usque ad terram, qui soporem morti consocians, defecit, & mortuus est.*  
 O quoties, mortales miseri, pro unica lactis guttula & sensuali voluptate vitam  
 psal. 4. 3. perdimus æternam: *O filii hominum, usquequò gravi corde!*

O munde immunde, tu similis es Dalilæ, in cujus sinu, cùm Samson indor-  
 miret incautus, fortitudine sua privatus, captus, orbatus oculis, & in servitudi-  
 Judic. 16. 21. nem morte amariorem abductus est: *Quem cùm apprehendissent Philistiim, sta-  
 tim eruerunt oculos ejus, & duxerunt Gazam vinctum catenis, &c.* Ite nunc,  
 mundani & mollicelli, & in vestra Dalila (mundo vaferrimo) confidite. O  
 S. Aug. scr. 3. qualis anguis hîc latet in herba: *O infelicitas generis humani!* exclamat S. Au-  
 de 12m. gustinus, *amarus est mundus, & diligitur, si dulcis esset, qualiter amaretur? Tur-  
 batur, & tamen amatur: Quid sit tranquillus esset? Flores mundi quomodo collige-  
 res, qui à spinis non revocas manum?*

O munde immunde! tu similis es Belo idolo Babylonico, qui extrinsecus  
 splendebat ex auro, intrinsecus verò ex fœtido erat formatus luto, unde Daniel  
 Dan. 14. 6. ad Regem Babyloniorum: *Ne erres Rex, iste enim intrinsecus luteus est, & forin-  
 secus arcus.* Ita sunt orbis imperia ac regna, forinsecus homini mundano vi-  
 dentur splendida, intrinsecus autem sunt lutea. Augustum Octavianum Ro-  
 manorum Imperatorem, orbisque Dominum consule, qui moriens, teste Sue-  
 Baruch. 3. 16. tonio, pro supremâ exclamavit periodo: *Omnia fui, sed nihil expedit: Omnia  
 fui, sed nihil sum.* Subintrat hîc pro veritatis confirmatione Baruch Propheta:  
*Ubi sunt, inquit, Principes gentium, & qui dominantur super bestias, quæ sunt super  
 terram? qui in avibus cœli ludunt, qui argentum thesaurizant & aurum, in quo con-  
 fidunt homines, & non est finis acquisitionis eorum?* Et post pauca interjecta re-  
 spondet: *Exterminati sunt, & ad inferos descenderunt, & alii loco eorum surrexe-  
 runt.* O modicum! ô vanitas! ô longa æternitas!


7. O munde immunde! tu similis es Achitopheli, versipelli & impio  
 consiliario aulico, cujus consilium ab omnibus prudentissimum & quasi Divi-  
 num æstimabatur, dum se tempori & personis affabrè sciebat accommodare,  
 dum nunc Davidi pia, nunc impia Absoloni subministrabat consilia; sed quid  
 captavit hic vanus honorum & rerum æstimator? Idem quod canes famelici,  
 qui volitantes in aëre muscas capiunt, quibus nec famem satiant, nec repellunt.  
 2. Reg. 17. Audi Scripturam: *Porrò Achitophel videns, quòd non fuisset factum consilium  
 suum, dispositâ domo sua suspendio interiit.* O curas hominum, quantum est  
 23. in rebus inane!

O munde

O munde immunde! tu similis es Ammoni in convivio residenti, jocanti, bibenti, epulanti, & quid accidit? *Percutite eum, & intersecite.* Similis Bal- 2. Reg. 13.  
thafari commessanti, & tripudianti, cujus interim cervicibus Divinæ justitiæ 28.  
imminebat gladius: *Eadem nocte interfectus est Balthasar Rex Chaldaeus.* Simi- Dan. 5. 30.  
lis diviti illi, cujus ager abundantes ferebat fructus, & cum de novo ædifican-  
do cogitat horreo, interim fertur suprema sententiā: *Stulte, hæc nocte animam* Luc. 12. 20.  
*tuam repetunt, qua autem parasti, cujus erunt?* Similis Adoniæ filio Haggith, pa-  
tre Davide senescente, regios ambientem honores: *Elevabatur dicens: ego re-* 3. Reg. 1. 5.  
*gnabo.* Et quid evenit? *Hodie occidetur Adonias.* Similis Jonathæ, qui, cum 3. Reg. 2. 14.  
ad mortem patris iussu duceretur, exclamavit: *Gustans gustavi in summitate*  
*virgæ paululum mellis, & ecce morior.* O paululum mellis quot jam decepisti! 1. Reg. 14.  
heu quot suspirabunt in morte: *Paululum mellis gustavi, & ecce morior, & pereo* 43.  
æternum. O brevis voluptas! ô pœna æterna! *si habes,* inquit S. Isidorus, s. Id. cit.  
*sapientiam Salomonis, si pulchritudinem Absolonis, si fortitudinem Samsonis, si à Pepin, ser.*  
*longevitatem Enoch, si divitiis Anci, si potestatem Octaviani, quid prodesset tibi,* de S. Barthol.  
*si tandem caro tua daretur vermibus, & omnia tua demonibus cum divite epulone*  
*crucianda sine fine?* O quàm melius igitur est cum dolorosa Matre contemnere  
mundum, quæ jam trimula illum, omnemque ejus ornatum contempsit.

Pro dictorum coronide ad ipsum omnium bonorum fontem, hoc est, ad Christum Jesum & hunc Crucifixum & dolorosæ Matris Filium accedamus. Et dic, obsecro, mitissime Jesu, Amor Crucifixæ! cur moriens in cruce exclamasti: *Sitis?* Quid sitis? An quia *aruit tanquam testa virtus tua, & lingua* Ioan. 19. 28.  
*tua adhasit faucibus tuis ex defectu humoris & sanguinis, quem propè jam* psal. 25. 6.  
omnem profudisti? Respondet hic Rupertus Abbas: *Ideo sitiens moritur, ut ostendat, nihil esse in mundo, quod sitim expleat.* Ita, ô mi Jesu! nihil prorsus in hoc mundo satiare nos potest, nisi tu solus Deus noster; unde inquietum est cor nostrum, donec requiescat in te. Omnia hic transeunt, omnia abeunt, omnia pereunt: *Omnis consummationis vidi finem;* solum regnum tuum, ô Christe Jesu! quod immenso sanguinis tui pretio nobis comparasti: *Empti* 1. Cor. 6. 20;  
*estis pretio magno, non habet finem.* Ad hoc ergo regnum cum dolorosa Ma-  
tre aspiremus, hoc quæramus, & mundum, qui totum in maligno positus est, contemnamus: O felix, qui mundum potuit contemnere: *Mundus transit* 1. Ioan. 2.  
*& concupiscentia ejus, qui autem facit voluntatem DEI,* 17.  
*manet in æternum.*





## CONSIDERATIO LXII.

De felicissimo obitu, funeralibus & sepultura dolorosæ Virginis ac Matris DEI MARIAE.



Desiderium habens dissolvi, & esse cum Christo.

*Philipp. 1. 23.*



Omaræ eloquentiæ oraculum Marcus Tullius Cicero, postquam diu in primo Tusculanarum quæstionum libro hanc quæstionem ventilasset, an homini virtuoso mors sit expectanda, aut potius fugienda? Tandem in hanc abiit sententiam: *Exoptanda bonis mors, fugienda malis.*

Ita est: Exoptanda bonis est mors, quia pretiosa in conspectu Domini mors Sanctorum ejus. Abelem consule à fratre ob opera bona interfectum; Abrahamum in senectute bona & plenum dierum morientem; Moysen in terra Moab

*Psal. 115. 5.*

*Gen. 4. 8.*

*Gen. 25. 8.*

Moab jubente Domino & in osculo ejus obeuntem; Judam Machabæum propter salutem patriæ in bello cadentem; Eleazarum per mortem suam virtutis & fortitudinis exemplum relinquentem, &c.

Econtrariò mors malis fugienda, ac summè timenda est, quia *mors peccatorum pessima*. Cain considera tandem à Lamech occisum; Sodomitas & Gomorrhæos sulphure & igne de cælo lapso subversos; Pharaonem cum exercitu suo aquis maris rubri opertum; Chore, Datan, Abiron & eorum complices Moyßi rebellantes vivos ad infernum detrufos; Achitophel proprio suspendio intereuntem; Absolonem in quercu cælum inter & terram suspensum; Agag pinguisimum gladio Samuelis per medium disiectum: *Siccine separat amara mors?* Mitto innumeros alios. Ex quibus abundè patet, mortem expetendam à iustis, timendam à malis.

Quis autem inter mortales omnes virtuosior, putior ac sanctior dolorosa Matre? De qua, ait S. Augustinus, *cum de peccatis agitur, nullam planè mentionem haberi volo*. Proinde nullatenus mortem temporalem exhorruisse, sed potius summis eam votis exoptasse rectè creditur, habuit enim hæc SS. Virgo ardens & vehemens desiderium semper cum Filio suo, quem plus quam animam suam diligebat, permanendi, unde neque per passionem ab eo separari potuit; crevit autem in dies hoc ejus desiderium, ubi post gloriosam Filii ascensionem se vidit in terris tanto adhuc tempore, hoc est, viginti duorum annorum spatio relictam, quæ tamen omnia prudentissima Virgo semper cum voluntate divinâ conjunctissima æternæ Sapientiæ humiliter submisit.

2. Tandem, ubi hæc SS. Deipara ad annos ætatis Septuaginta duos pervenerat, appropinquabat tempus, quo ex hoc mundo ad dilectissimum Filium crederetur migratura. O quoties lacrymis inter preces mixtis, ardens cor suum in Sacrificium Divinissimo Filio suo obtulit? Quoties in cælum ingeminavit illud Davidicum: *Quemadmodum desiderat cervus ad fontes aquarum, ita desiderat anima mea ad te DEUS*. Quoties præ nimio summi Boni possidendi desiderio aures sui Dilecti verbis affectu plenissimis pulsavit: *Educ de custodia animam meam, &c.* Ad instar aviculæ tenui filo alligatæ, cum Lemmate:

### Cupio dissolvi.

Et si tanto desiderio æstuabat Jacob videndi filium suum Joseph: *Sufficit mihi, si adhuc Joseph filius meus vivit, vadam, & videbo illum*. Si tanto desiderio Sponsa ad dilectum suum anhelavit: *Num quem diligit anima mea, vidisti?* Si Paulus Divini amoris telo saucius ardentissimo flagrabat desiderio, post tot exantlatos pro Ecclesia labores cernendi Christum: *Corrector autem è duobus: Desiderium habens dissolvi, & esse cum Christo*. Si S. Joannes dilectus ille Christi Discipulus, nunc senex absoluta suâ Apocalypsi, nil aliud habebat in votis,

corde



Apoc. 22.  
20

corde & ore, quàm *veni Domine JESU*: Quàntò ardentius & avidius pretiosissima Virgo & Mater dolorosa, quæ post gloriosam Christi ad cœlos ascensionem adhuc tanto tempore inter tot casus, rerumque discrimina supervixerat, ad amantissimum Filium suum suspirabat: *Cupio dissolvi & esse cum Christo?* Proinde ad Angelos, qui sæpius hanc sui Principis Matrem visitabant, & latus ejus velut aulici stipabant, cum Sponsa dicebat: *Adjuro vos filia Jerusalem, si inveneritis Dilectum meum, ut nuncietis ei, quia amore langueo.*

Cant. 5. 8

3. Tandem cùm optatissima illa dies adventasset, quâ amantissimus Filius hanc SS. Matrem suam ex hisce mortalis vitæ ærumnis ad cœlestis regni gloriam transferret, Gabrielem Archangelum submisit, qui miro coruscans lumine, ramumque palmæ in manu deferens, Virgini dixit: *Concupivit Rex decorem tuum: Ecce, Filius tuus Dominus JESUS te Matrem venerandam expectat, &c.* O gratissimum nuntium! Itaque migratione suâ, subintrat hic Nicephorus, ad hunc modum cognita, lumen ad eam infertur, domus purgatur, genere propinqui, ut par erat, accersuntur, pieque & ordine, quæ ad transitionem eam pertinent, præparabantur: nuntium etiam illa, quem acceperat, his, qui cum ea erant, exponit, & præterea victoriæ mortis trophæum, erat autem palma ramus, monstrat. Rectè autem ei Archangelus palmæ ramum præsentavit, quia nemo unquam mortalium illustriori victoriâ mundum, carnem, dæmonem superavit, quàm hæc SS. Virgo; & si SS. Martyribus in signum victoriæ dantur palma in manibus eorum, quântò potius Reginæ Martyrum, quæ plûs cunctis Martyribus, etiam collectivè sumptis (prout alibi explicavimus) in anima perpeffa est: *Sola anima MARIÆ*, ait Nierenbergius, *supergressa est Martyrum cruciatus & tormenta universa.* Et licet reipsa sanguinem suum pro Filio non effuderit, doloris tamen gladium constantissimè usque ad vitæ finem in corde suo portavit, quotidie Filio suo ex compassionis affectu commoriendo, & per meditationem SS. Passionis ejus ad tam sanctam & felicissimam mortem se præparando; audi ipsam hanc SS. Deiparam ad S. Birgittam loquentem: *Ego paravi me ad exitum circumiens omnia loca more meo, in quibus Filius meus passus fuerat, quia ex illorum locorum aspectu efficacior ratio eorum, quæ pertulit Christus, excitabatur.* O anima Christiana! discè hic à SS. Deipara, quànani sit optima ad beatam mortem obtinendam præparatio, pia nimirum recordatio, ac sedula meditatio Dominicæ Passionis: *Certa*, inquit

Psalm. 44.

12

Metaphr.  
orat. de vita  
& dormit.  
SS. Deipar.  
Nicephor.  
lib. 2, histor.  
cap. 21.

Apoc. 7. 9

Nierenb.  
de amore  
B. V. c. 15.  
Svanib. &  
alii.

S. Birgitt.  
lib. 6. c. 62

S. Leo serm.  
9. de Quatrag.

S. Leo Papa, *atque secuta est expectatio promissa beatitudinis, ubi est participatio Dominicæ Passionis.*

4. Adeste nunc, filia Jerusalem! adeste, Sionide! adeste omnes, & videte Regnam vestram præ amoris magnitudine & violentia in Dilectum suum languentem, & totam amore emollitam. Sponsa illa à dilecto suo sanguinem Sponso ad cellam vinariam, hoc est, ad Divinissimum COR JESU, invitata, adeò Divini amoris vino sese opplevit, ut Sponso absunte præ nimia

amoris vehementia animo linqueretur, ac viribus deficeret, proinde socias suas advocavit, ut opem & suppetias ferrent, floresque & poma languenti animo admovent, quorum odore & fragrantia deficientes reficerentur vires: *Fulci-* Cant. 2. 5.  
*te, inquebat, me floribus, stipate me malis, quia amore langueo.*

O beatissima Virgo! tu per illam sponsam aduinbrata es, nunc in profecta ætate tua præ amoris teneritudine paulatim viribus deficiens, & in vili lectulo tuo decumbens, ineffabili tamen cordis dulcedine in DEUM absorpta, imò & penitus in Dilectum tuum transformata: *Talis enim, ait S. Augustinus, quisque est, qualis ejus dilectio est; terram diligit? Terra es; DEUM diligit? Quid dicam? DEUS eris.* S. Augustin. Tr. 2. in epist. S. Ioan.  
Quis autem majori, & per omnem vitam charitate interrupta DEUM T.O.M. plus amabat, quam Mater pulchræ dilectionis? O phoenix amoris! quæ per constantissimam & vivacissimam memoriam duo ligna crucis & passionis instrumenta in vita tua colligens, nunc accedente ardentissimo justitiæ Sole, velut suavissimum quoddam amoris holocaustum conflagrasti, & in novam ac æternam vitam renata es: *Certè, ait Mellissus, amoris sagitta pertransiit eam, scilicet animam Virginis, ut veniret amor usque ad nos, & de plenitudine illa omnes acciperemus, & fieret Mater charitatis.* S. Bernhard. serm. 29. in Cant.

§. De Jacob magno illo Patriarcha recensent Sacræ Paginæ, quòd ex hac mortali vita ad meliorem transmigraturus omnes filios suos meruerit præsentibus videre, quibus omnibus ac singulis singularia ac paterna monita dedit: *Benedixitque singulis benedictionibus propriis, &c.*

Considera, anime mi! novam consolationem, quam Dominus SS. Matri suæ amoris languore decumbenti adjungebat, dum voluit, ut omnes Apostoli in diversis nunc orbis partibus dispersi non sine prodigio Hierosolymam pervenirent, & dilectæ Genitricis suæ migrationi præsentibus adessent, qui cum aliis Christianis, velut pulcherrimæ novellæ olivarum sacrum Virginis lectulum circumdedere, ex animi teneritudine & cordis dolore multas lacrymas profundentes, quòd Ecclesia adhuc tenera ob absentiam talis Matris, ac summæ Gubernatricis acerbum admodum vulnus esset acceptura; quos pientissima Deipara benignè consolata est. Audiat Simeon Metaphrastes: *Cum jam adesset tempus excessus, illa quidem veræ vitæ Mater in Sion jacebat in grabato; per nubem autem congregat suos Filius Discipulos, ut venerandum ejus corpus mandarent sepultura. Postquam verò vidit eos Deipara, cognovit autem causam, propter quam omnes statim accersiti fuerant, & uniuscujusque audit petitiones, eos quidem, ut par erat, impertit benedictionibus.* Metaphr. orat. de dormit. Deipar.  
Addit Nicephorus: *Cum ergo hæc & similia verba consolatoria à Virginis ore hausissent, & illud imprimis, quòd Virgo se illorum jugem apud Filium memoriam habituram, & singulorum Advocatam atque Patronam, perpetuâ intercessione suâ futuram promiserit, Divina voluntati se tantò libentius submitterunt.* Niceph. l. 2. hist. c. 21.  
O pientissima Domina! & nos miselli humiliter à te flagitamus similem maternam benedictionem, præsertim cum



nobis ex hac lacrymarum valle aliquando migrandum erit ad longam, longissimam æternitatem, &c.

6. Verum pergamus ulteriùs. David, cum Arcam Veteris Testamenti, quæ hæctenus in terra aliena, & ut plurimum sub papilionibus habitavit, ex domo Abinadab in domum Obededom transferret, omnes electos ex Israël, hoc est, triginta millia congregavit, ut huic solemnissimæ interessent festivitati cum psalteriis, tympanis & sistris, cum cymbalis & tubis, &c. *Surrexitque David, & abiit, & universus populus, qui erat cum eo de viris Juda, ut adducerent Arcam DEI, super quam invocatum est nomen Domini exercituum, sedentis in Cherubim super eam, &c.*

Arca DEI animata dolorosa Virgo & Mater est, hæctenus habitans in terra aliena, in papilionibus, in exilio & in ærumnis ac miseriis ferè assiduus; aderat nunc tempus, ut cursu vitæ sanctissimè consummato, de captivitate hujus sæculi ad cœlestem transferretur imperium; & ecce, non millia millium duntaxat Angelorum, sed & ipse Rex Regum dignatur huic SS. Matri suæ obviam procedere; sic enim postulabat amor talis Filii erga talem Matrem, ut, quæ prius ante annos viginti duos ipsi in cruce patienti & morienti tam fideliter adstitit, nunc quoque in morte à Filio non relinqueretur deserta: *Occurrit ergo, ait S. Anselmus, stipatus mille millibus, imò innumerabilibus Angelorum agminibus Deus ipse huic purissima Matri suæ de hoc mundo migranti, quem B. Virgo vultu supra modum hilari & incomparabili animi cum gaudio excepit; & quemadmodum olim columba contra hostium insidias non aliam requiem quæsierat, quam habitare in foraminibus petrae & caverna maceriae; ita hæc mystica columba avolans de hoc mundo, ut vocem Dilecti sui audivit: Aperi soror mea, amica mea, columba mea, immaculata mea, non aliam expetebat requiem, quam æternum habitare in dulcissimorum Vulnerum Dilecti sui foraminibus, & Divinissimi Cordis ejus cavernâ, proinde credibile valde est, ait Bruni & alii, hanc SS. Deiparentem ex præsentia Filii, renovatis quodammodo viribus, de lectulo suo surrexisse, & positis humigenibus, ac brachiis supra pectus complicatis, hæc suprema verba pronunciâsse: In manus tuas Fili commendo Spiritum meum, quo dicto purissimum Spiritum in manus, imò in Cor dilecti Filii sui tradidit, jubilantibus interim & cantantibus Angelis, &c.*

Ô felix mors! ô beata fors! & si Beati, qui in Domino moriuntur, quanto magis ipsa Mater Domini, quæ vitæ generavit authorem? O animæ miserae, desolatae & mille oppressæ ærumnis! venite ad hanc SS. Matrem, Advocatam & Protectricem vestram, venite, inquam, & magna cum fiducia ad hunc gratiæ thronum accedite, nullus enim speravit in ea, & confusus est; nullus ei unquam devotus extitit, qui ab ea in calamitatibus, ac præsertim in hora mortis fuisset desertus; & si insidiatur diabolus in abscondito, quasi leo in spelunca sua, ut rapiat pauperem, vos tamen, Sodales Mariani! in hujus SS. Matris vestrae

S. Anselm.  
de Excell. V.  
cap. 8.

Cant. 2. 14

Cant. 5. 2

Apocal. 14.

13

vestræ potentissimo patrocínio confidite, vicit enim mundum, & caput infernalis serpentis jam pridem in ortu suo, ac nunc demum in morte contrivit. Juvat hic audire Ludovicum Blosium, magnum illum Theologiæ Mysticæ Lud. Bloz. Doctorem: Nullum, inquit, MARIA Virgo aspernatur, nulli se negat, omni- in Canon. bus suum pietatis aperit, & vel leviter invocata præstò est. Et in alio loco: vitæ Spirit. Citius cælum cum terra peribit, quam ipsa aliquem serio se implorantem suâ ope cap. 18. destituit. Idem in Specul.

7. Pergamus nunc ad funeralia huic SS. Deiparæ impensa. Joseph Ægyptiorum Pro-Rex olim corpus Patris sui Jacob aromatibus conditum Spir. c. 12. magno cum luctû in terra Chanaam sepelivit: Celebrantes exequias planctu Genes. 50. magno atque vehementi, impleverunt septem dies. Moysen in terra Moab defunctum omnis Israël plangebant: Fleveruntque eum filii Israël in campes- Deut. 34. 8. tribus Moab triginta diebus. Juditham luxit omnis populus septem diebus. Ju- Judith. 16. dam Machabæum strenuissimum, juxta ac piissimum belli Ducem, pro salute patriæ in prælio occisum, omnis lugebat populus: Et fleverunt eum omnis 1. Mach. 9. populus Israël planctu magno, & lugebant dies multos. S. Stephanum in prima Ecclesiæ persecutione pro Christo lapidibus obrutum curarunt viri timorati, 20 & fecerunt planctum magnum super eum. De Christo in cruce mortuo vaticinatus est Zacharias: Et asspicient ad me, quem confixerunt: & plangent eum Zachar. 12. planctu, quasi super unigenitum, &c. 19

Non sic in felicissimo obitu B. Virginis Mariæ, non sic, non enim talis ibi auditus est clamor, fletus & ejulatus, sed ad hujus exequias, ait Sophronius, Sophron. Angeli famulabantur, & universæ cælorum congratulabantur curiæ. Et S. Ilde- serm. de Assumpt. phonsus: Vidi, inquit, Jerusalem descendente de cælo à DEO ornatam, ut Reginam mundi MARIAM secum eveheret ad sublimia. Audiamus & S. Laurentium Justinianum, qui cum S. Anselmo, S. Antonino, S. Vincentio Ferrerio, Assumpt. B. Petro Damiano & aliis asseverat, Augustissimam Deiparam ab omnibus Angelis & beatis Spiritibus humili obsequio in illo felicissimo obitu fuisse honoratam: Totus, inquit, ut creditur, Angelorum, Archangelorum, caterarumque S. Laurent. virtutum DEO famulantium eidem occurrit exercitus, ibi planè Virgineum Corpus Justin. serm. exanime jacens dormitionem acceperat, suavis concentus, jucunda laus, harmonia de Assumpt. cælestis, exhortatio mutua celebrabatur, &c. O quale ac quantum discrimen Proverb. 14. inter sortem & mortem justorum ac impiorum! In malitia sua, inquit Sapiens, 32 expelletur impius: Sperat autem justus in morte sua. Voluit autem Christus Dominus SS. Matri suæ hunc exhibere honorem, quia ipsi prius tam fideliter adstitit sub cruce, ibi enim dolores mortis experta est; proinde conveniens fuit, ut nunc sine omni dolore amoris victima obiret, & quia cum novissimo virorum ipsa novissima Mulierum facta est, nunc rectè à Filio omnium Electorum prima constituta est: Merito, ait Mellissus, facta est omnium Domina, quæ se omnium exhibebat ancillam.



Niëphor.  
lib. 2. hist.  
Eccl. c. 22.

S. Melitus  
Episcop. in  
Bibliothe-  
ca SS. Patr.  
serm. de As-  
sumpt. B. V.

S. Juvenal.  
in epist. ad  
Marcian.  
Imper. de  
obitu B. V.  
Forer. in  
serm. Trice-  
simal. serm. 1.  
Ioan. 19.

4 L


Ecclesia in  
prat. de  
Cruce.

1. Cor. 5.  
10

8. Interim SS. Apostoli ad hoc sacrosanctum & illibatum Virginis Corpus condigno, quo poterant, honore sepeliendum sese accingunt, ad quod decentissimè in feretro depositum, teste Nicephoro, innumerabilis hominum multitudo confluxit, & quibuscunque affecti erant morbis, solo aspectu, vel attactu illico sanabantur; adornatur itaque sollemnissima processio cum facibus & luminibus, cum hymnis & canticis, & sacrum Corpus in humeris sublatum ipsi SS. Apostoli per civitatem Solymæam honorifico & triumphali applausu ad pedem montis Oliveti, prope hortum Gethsemani in vallem Josaphat deportant; & ecce novum miraculum, ait S. Melitus, *nubes lucida instar coronæ apparuit super feretrum sicut apparere solet magnus circuitus juxta splendorem lune, & Angelorum exercitus erat in nubibus canticum suavissimum occinens, ita ut egressus de civitate populus miraretur dicens: Quis est iste sonitus tantæ suavitatis?*

Quæres hîc, Mariane Lector! quare SS. Deipara in valle Josaphat, inter montem Sion & Olivetum positâ, sepeliri voluerit, ad cujus sepulchrum, prout refert S. Juvenalis Episcopus Hierosolymitanus, complurimis diebus in aëre Angelicus ille concentus perseveravit. Et hinc putat Forerius venire Tricesimum, quia fideles à Virginis transitu ex hoc mundo tot dies in Divinis persolvendis laudibus ad ejus sepulchrum impendebant, qui mos ab Apostolorum temporibus usque ad nostram derivatus est ætatem. Econtra Christus dilectissimus Filius ejus in horto Josephi ab Arimathæa monumentum suum elegit: *Erat autem in loco, ubi crucifixus est, hortus, & in horto monumentum novum, in quo nondum quisquam positus erat; ibi ergo posuerunt JESUM.* Et cur JESUS in horto sepultus, MARIA autem in valle Josaphat?

Adverte. In horto voluptatis peccavit Adam Primus, in horto passionis suæ initium & finem dedit Adam Secundus. In horto perditionis, in horto reparati sumus. In horto mors, in horto vita: *Ut unde mors oriebatur, inde vita resurgeret*, hinc Incarnata Patris Sapientia hortum pro sua sepultura elegit; sed B. Virgo in valle Josaphat sepeliri voluit, quia ibidem SS. Parentes erant sepulti, quia erat *lilium convallium*, & quàm maximè quia in hoc loco universum genus humanum & peccatores omnes ad supremum congregabuntur judicium, *ut referat unusquisque propria corporis, prout gessit, sive bonum, sive malum.* Ut ergo demonstraret, Matrem se esse generis humani, asylum & refugium peccatorum, ideò hanc vallem pro sepultura elegit. O peccatores omnes, respirate, nam & ipsa peccatores recipit, &c.



# CONSIDERATIO LXIII.

B. Virgo non ampliùs Dolorosa, sed Gloriosa à dilecto Filio ad cœlestem gloriam assumitur.



Quæ est ista, quæ ascendit de deserto, deliciis affluens, innixa super Dilectum suum? *Cant. 8. 5.*



**B**enedictus DEUS, cujus miserationum non est numerus; potentia & magnitudinis nullus finis, qui Jonam præter naturalem usum, in ventre ceti servavit incorruptum, Daniellem in lacu leonum, ne à leonibus in fame intemperatissima devoraretur, tres illos pueros in camino ignis

ardentis, quorum etiam vestimenta servata sunt illæsa, sine cujus nutu ac voluntate ne quidem capillus de capite Sanctorum perit, ille inquam, talis ac tantus, apud quem non est impossibile omne verbum, non servasset SS. Matrem

Ionæ 2. 17  
Dan. 6. 23  
Dan. 3. 23

Luc. 11. 8  
Luc. 1. 37



Matth. 27.

52

S. ieron.

ep. ad ric-

liod. vide

hic Cornel.

Psalm. 15.

10

suam in anima & corpore à corruptione integram? Sileant Mariomastiges, obmutescant miseri, & obturent ora sua canes, hanc SS. DEI Matrem allatrantes, & corporalem ejus in cœlum assumptionem negantes; si juxta Evangelium multa corpora Sanctorum, qui dormierant, surrexerunt, & exeuntes de monumentis post resurrectionem ejus venerunt in sanctam civitatem, & apparuerunt multis, atque cum corporibus, attestante S. Hieronymo & aliis SS. Patribus apud Cornelium, in cœlum ascenderunt, quare hæc gratia SS. Deiparæ neganda est, quæ plena gratiâ fuit? Si juxta S. Augustinum *caro Christi, caro MARIÆ est*, de quo dictum est: *Non dabis Sanctum tuum videre corruptionem*; meritò etiam de hac SS. Deiparente dicere possumus: *Nec dabis Sanctam tuam videre corruptionem*.

Deut. 27. 5

3. Reg. 6. 7

Cant. 3. 9

Exod. 25.

11

Jos. 2. 12

Altare illud, quod DEUS in Deuteronomio ædificari jussit, erat ex lapidibus, quos ferrum non tetigit. In templo Salomonis construendo nec malleus, nec securis, nec omne ferramentum audita sunt. Ferculum fecit sibi Rex Salomon de lignis Libani, quæ nulli cariei erant subjecta. Arca illa Fœderis Domini ex lignis imputribilibus erat compaginata, & intus ac foris auro purissimo exculta. In communi excidio Jerichuntino sola domus Rahab à devastatione conservata est immunis, &c.

O gloriosissima Virgo! tu quondam per has umbras in Veteri Testamento præfigurata es, non ergo conveniens fuit, ut immaculatum Corpus tuum in sepulchro corruptioni esset obnoxium. Hinc rectè & piè à fidelibus creditur, quòd mox tertio post tuum obitum die unigenitus Filius innumeris stipatus Angelis cum purissima anima tua de summo cœlo in campum Gethsemani & vallem Josaphat, ubi ad radices Oliveti Virginis sepulchrum erat, descenderit, atque virtute Divinâ innocentissimam illam animam rursus Corpori Virgineo conjugavit. O quanto omnium & Angelorum & beatorum mentium cum jubilo, dum uno momento SS. anima corpori quatuor gloriæ dotibus affecto, & Solis instar resplendenti fuit unita; juvat hic audire dulcia illa & amoris plenissima verba tanti Filii ad tantam Matrem: *Surge amica mea, speciosa mea, & veni; sonet vox tua in auribus meis: Vox enim tua dulcis, & facies tua decora. Veni de Libano, veni, coronaberis, &c.* Ad quem gloriosissima Virgo: *Ecce venio, ut faciam voluntatem tuam DEUS meus.* O imensum, ô ineffabile gaudium exsuperans omnem sensum! quis effari, quis explicare poterit, quàm suaviter Filius hanc Sacratissimam Matrem suam fuerit amplexatus, quàm benignè eam susceperit, & quanto ac solemnissimo cum jubilo eam ad cœlestia regna sublevavit!

Cant. 2. 14

Cant. 4. 8

2. Juditha laudatissima illa & magni animi femina pro salute populi Israëliti admodum anxiosa ac sollicita, ubi vitam suam pro conservanda Bethulia generoso animo evidenti mortis periculo exposuit, & nunc cælo ac prostrato Holoferne belli Duce & hoste Idumæorum insensissimo in urbem &

patrium solum cum opimis spoliis reversa est, custodes civitatis stans à longè inclamavit: *Aperite portas, quoniam nobiscum est DEUS*, quam exinde ca- Iudith. 13.  
put Holofernis cum conopeo, in quo recumbebat, referentem Ozias Pontifex 18  
& omnis populus summis laudibus extulerunt: *Benedicta es tu filia à Domino DEO excelso præ omnibus Mulieribus super terram*, &c. O quanto nobilior erat ille applausus, quo superni Spiritus ac cives cœlestes Reginam suam, devicto generis humani hoste, de magna tribulatione nunc ad regiam suam venientem exceperunt: *Quæ est ista* (ita attoniti Virginis magnitudine suc- Cant. 8. 5  
clamabant omnes) *quæ ascendit de deserto, deliciis affluens, innixa super Dilectum suum?*

Elias quondam in curru igneo ad cœsos ascendit: *Cumque pergerent, & in- 4. Reg. 2.  
sedentes fermocinarentur, ecce, currus igneus & equi ignei diviserunt utrumque: 11  
& ascendit Elias per turbinem in cælum.* Christus orbis melioris Reparator ac Redemptor in nube lucida: *Videntibus illis elevatus est, & nubes suscepit eum ab actor. 1. 9  
oculis eorum.* Lazarus ministerio Angelorum ad cælum in sinum Abrahamæ deportatus est: *Factum est autem, ut moreretur mendicus, & portaretur ab An- Luc. 16. 22  
gelis in sinum Abrahe.* Verùm B. Virgo & Mater pulchræ dilectionis ad majorem magnificentiae splendorem & majestatis ostentationem innixa super Filium ad empyreum cælum elevata est: *Ascendit innixa super Dilectum suum; in quem locum Mellissus: Super hunc (Dilectum) innititur Mater illa felicitis. S. Bernh. in  
fina, & in aureo reclinatorio Divinae Majestatis recumbens, inter Sponsi, imò Fi- Cant. 8. 5  
lii sui brachia requiescit.* O quanta dignitas, quam specialis gloria, inniti super illum, quem reverenter colunt Angelica Potestates, &c. Hinc pro Emblemate proponitur Monocodiata seu avis paradisiaca compari suo innixa, unâque in cælum volans cum inscripto ex hoc textu Canticorum mutuato: *Innixa super Dilectum;* vel si magis tibi cum Aresio aridet:

### Innixa ascendit.

3. Recordor hîc illius opulentissimæ Reginae Sabæ, de qua sacri Regum Annales testimonium perhibent, quod Hierosolymam multo ac splendido cum comitatu tum procerum, tum servorum, à finibus terræ venerit, ut sapientiam Salomonis coram audiret, & quæ prudenter in regno suo ordinaverat, in Æthiopiam, patrium solum inveheret: *Et ingressa Jerusalem multo cum comi- 3. Reg. 10.  
tatu & divitiis, camelis portantibus aromata, & aurum infinitum nimis, & gem- 2.  
mas pretiosas, venit ad Regem Salomonem, &c.*

Plûs hîc, quàm Salomon, plûs quàm Regina Saba. O quanto nobiliore Matth. 12.  
cum comitatu & Angelorum & Archangelorum, super dilectissimum Filium 42  
suum innixa, ingressa est cœlestem Jerusalem SS. Virgo, nunc in Reginam totius universi à SS. Trinitate inauguranda! *Divitiæ* illius erant tot cœlestium  
cha-



v. 10.

charismatum dona ac gratiæ, quibus à DEO trino & uno erat abundantissimè cumulata; *aurum infinitum nimis*, immensa ejus charitas fuit, quæ DEUM super omnia, & proximum sicut seipsam per omnem vitam dilexit; per aromata odorifera, de quibus Scriptura refert: *Non sunt allata ultra aromata tam multa, quàm ea, quæ dedit Regina Saba Regi Salomoni*, rectè illius incomparabiles virtutes intelliges, quarum odore fragrantissimo ipsum DEUM ad se attraxit de cœlo; *gemma pretiosa* præsignabant ejus prærogativas & merita, quibus omnibus aliis præeminebat Sanctis & creaturis. O pientissima Virgo! dic nobis, qualis tibi in ingressu cœli cœlorum in primo intuitu summi illius Boni fuerit sensus ac animus? Quæ prius in vita & passione Filii mare extitisti dolorum, infamis Nati in cruce pendentis infamis Mater, sprete & risa à Pontificibus, populo & carnificibus, & vix non impiorum sacrilegis contrita pedibus, nunc *secundum multitudinem dolorum tuorum in corde tuo consolationes latificaverunt animam tuam*, dum Oceanus omnium gratiarum ac felicitatum nunquam minuendus replevit cor tuum, DEO T.O. M. velut in Matrem suam omnium bonorum ac gratiarum plenitudinem effundente: *Quis cogitare sufficiat*, subintrat hîc Mellifluus, *quàm gloriosa hodie mundi Regina præcesserit nos, & quanto devotionis affectu tota in ejus occursum cœlestium legionum prodierit multitudo? quibus ad thronum gloriæ canticis sit adducta? Quam Divinis amplexibus suscepta à Filio, & super omnem exaltata creaturam cum eo honore, quo tanta Mater digna fuit, cum ea gloria, quæ tantum decuit Filium? Christi generationem & Mariæ assumptionem quis enarrabit? Ah Domina! unicam stillulam gratiæ efficacis etiam pro me misello impetra, non enim amas, & deseris; Mater es, non potes oblivisci Filii tui, licet indignissimi.*

Psalm. 93.

19

J. Bernhard.  
serm. de Assumpt.  
B. V.

Genes. 8. 4

4. O præcellsa Filia Sion, cui ulterius te comparabo; O clemens, ô pia, ô dulcis Virgo MARIA, quid ultra dicam de te? Arca Noëmica diu iratis diluvii fluctibus jactata, tandem decrescente cataclysmo super montes Armeniæ, quæ omnium orbis partium celsissima est, placidè refedit: *Requievitque Arca super montes Armenia.* O Beatissima! ô intemerata Virgo! tu per illam Noëmi Arcam adumbrata es, ubi per annos ferè septuaginta duos in hoc turbulento mundi pelago jactata fuisti, nunc cessantibus dolorum, tribulationum ac persecutionum fluctibus super montes Armeniæ in cœlesti gloria placidè quiescis, super omnes Angelorum choros exaltata.

Gen. 2. 18

Hîc verificatum fuit illud, quod DEUS quondam primo Adamo dixit: *Faciamus ei adjutorium simile sibi*, ne videlicet esset solus in paradiso terrestri; ita quoque conveniens fuit, ut secundo Adamo Christo JESU adjungeretur Socia in cœlesti paradiso SS. & innocentissima Mater, quæ unà cum ipso in anima & corpore regnaret, ut eorundem nunc fieret in cœlo particeps gaudiorum, quemadmodum prius in vita omnium dolorum; & quia Virginis Corpus

(prou,

(prout affirmat doctissimus Suarez) humanæ salutis initium dedit, dum ex illius Sanguine Corpus & Sanguis Christi, quod in cruce nostræ salutis pretium extitit, desumptum est; hinc rectè concludit idem Suarez, omnino rationi fuisse consentaneum, ut idem Virginis Corpus hanc redemptionem peculiari modo participaret, & gloriosa animâ & corpore cælos ascenderet. Juvat hîc audire S. Augustinum: *Promissio, inquit, Christi est, ubi ego sum, illic & Minister meus erit: Si hæc est generalis sententia omnium per fidem & operationem bonam Christo ministrantium, quâto magis & quodammodo specialius est MARIE? MARIAM namque operis exhibitione, ut quæ Christum generârit, infantem nutrierit, lactaverit, paverit, educârit, & insuper fidei rigidissima veritate ministram fuisse Christi, præ omnibus aliis hominibus, omnis qui sanè sapit, intelligit: Si ergo cum corpore ibi non fuerit, ubi Christus Ministros suos esse vult, ubi erit? Si erit, an non majori gratia quàm alii Ministri, anticipatâ carnis resurrectione? Nam si solum æquali gratiâ cum aliis Ministris Christi, ubi æqua DEI censura, quæ unicuique reddit secundum merita? Si ergo merito MARIE viventis præ omnibus donata est gratia, mortuæ erit minuenda? absit; quia si omnium Sanctorum mors est pretiosa, MARIE sanè est pretiosissima, quam tanta comitata est gratia, ut Mater DEI dicatur & sit.*

Suarez. 3.  
p. tom. 2.  
dis. 21. sect. 2.  
S. Augustin.  
lib. de AC-  
sumpt. Vir-  
ginis.  
Tom. 9.  
Operum.

5. Et si placet ulteriùs progredi; an non Arca illa Fœderis Domini à sapientissimo Regum incredibili cum pompa, majestate ac solemnitate in conspectu omnis populi in magnificentissimum templum ac Sanctuarium illata est: *Tunc congregati sunt omnes majores natu Israel cum principibus tribuum & Duces familiarum filiorum Israel ad Regem Salomonem in Jerusalem: ut deferrent Arcam Fœderis Domini, &c.* O quanto majori cum applausu, pompâ & lætitiâ totius curiæ cœlestis hæc animata DEI Arca SS. Deipara à vero & pacifico Salomone Christo Jesu ad cœlestè Sanctuarium translata, atque introducta fuit: *Attolle oculos, ait B. Petrus Damianus, ad assumptionem Virginis, & salvâ Filii majestate invenies occursum hujus pompæ non mediocriter dignorem: Soli quippe Angeli Redemptori occurrere potuerunt, Matri verò Filius ipse cum tota curia tam Angelorum, quàm Justorum occurrens evexit ad beatâ consortium sessionis.* Et sicut Christus in admirabili ascensione sua captivam duxit captivitatem, dum omnes animas rectè credentium è limbo & purgatorio secum in cælum inexit; ita inquit Cancellarius Parisiensis in assumptione B. Virginis MARIE evacuatum est purgatorium. O quanto cum jubilo omnium purgantium animarum!

B. Damian.  
serm. de  
Assumpt.  
Virg.  
Ephes. 4. 8.

Verùm quid nos gaudii ac consolationis ex hac gloriosa Sanctissimæ Virginis in cælum assumptione possumus haurire? Audi rursus Mellissimum: *Præmisit, inquit, hodie peregrinatio nostra Advocatam, quæ tanquam Judicis Mater & Mater misericordiæ suppliciter & efficaciter salutis nostræ negotia pertrahabit, &c.* Hinc Regius Vates eam non ad dexteram Filii sedentem, sed stantem vidit: *Adstitit Regina à dextris tuis in vestitu deaurato, stare enim adjuvantis, se-*

Gerfon. tr.  
4. sup.  
Magnific.  
S. Bernhard.  
serm. 4. de  
Assumpt.

Psal. 44.  
10



Hugo à S. Viçt. lib. 4. de Laud. V. dere judicantis est, *Virgo*, inquit Hugo à S. Viçtore, „ *ad dexteram Filii sui stare perhibetur, ad insinuandum nobis patrocinium & protectionem, quam de nobis coram supremo tribunali Filii sui in cælo habet.*

Et si quondam Josue invictissimus ille; juxta ac piensissimus belli Dux in terra promissionis, jubente Domino, cis & trans Jordanem certa quædam asyla, seu sex civitates refugii posuit, in quibus noxii à justitia puniendi tuti poterant morari: *Separati urbes fugitivorum, de quibus locutus sum per manum Moyse, ut confugiat ad eas, quicumque animam percusserit nescius: & possit evadere iram proximi, qui ultor est sanguinis.* Ita verus noster Josue, qui est Christus DEUS noster, peccatoribus delinquentibus legem suam, si ad frugem velint redire, sex civitates refugii, ad quas pro omni necessitate securi possunt confugere, ordinavit, videlicet quinque SS. Vulnera sua, in quibus columba & anima gemens à facie persequentis inimici, securè inhabitat, & sextum refugii locum SS. Matrem suam dolorosam, nunc in cælis super omnes creaturas exaltatam; proinde rectè à Damaso appellatur *civitas vivens Regis exercituum, & civitas refugii.* Audi & Ludovicum Blosium: *MARIA* Virgo, inquit, *peccatores ad se piè & humiliter fugientes blandè suscipit, fovet, protegit, & Filio suo maternâ fiduciâ reconciliat.* Penès te nunc est, ô tepide Christiane! si ad hanc refugii civitatem, SS. Virginem non maturè vis confugere: injuriam DEO facis, si hanc SS. Matrem ejus aspernaris, cui ipse DEI Filius erat subditus: *Et si magna fuit, subintrat hic Seraphicus Doctor, erga miseros est misericordia MARIA adhuc exultantis in mundo, sed multò major erga miseros est misericordia ejus jam regnantis in cælo.*

6. Placuit autem Christo Domino SS. Matrem suam, cujus sacrum Corpus non in ima profunditate vallis Josaphat, sed in pede montis Oliveti propè hortum Gethsemani sepultum est, eodem in loco; quo ipse Triumphator ad cælos ascendit, unâ cum corpore glorificato ad cælestem gloriam sublevare. Et cur, dices, ad pedem montis Olivarii? Quare non in monte Thabor, ubi prius Christus transfiguratus est? Cur non in monte Sion, ubi SS. Eucharistiæ Sacramentum instituit, in quo loco & S. Deipara Vidua pluribus annis habitavit, quotidie Divinissimo epulò refecta? Vel cur non in monte Carmeli, ubi quondam illa nubecula parvula tanquam vestigium hominis (Virginis typus) apparuit?


Respondet S. Cyrillus Hierosolymitanus: *Christus, inquit, de monte Olivarum in cælos ascendit: illic maximum certamen incepit; hic autem post certamina coronatus est.* Ascendit autem elevatis manibus & per modum crucis extensis, ut demonstraret nobis viam, quâ sit eundem, nempe *per crucem ad lucem.* In hoc quoque loco sed paululum inferiis illi placuit & SS. Genitricem suam ad cælestem & æternam gloriam assumere, ut, quæ sociâ fuit omnis passionis, fieret & gloriæ, triumphi & consolationis; & sicut prius abundabant passio-

nes Christi in ea, ita per Christum nunc abundaret in illa consolatio nunquam in æternum finienda. O felix crux, quæ ipsum Filium DEI & SS. Matrem ejus tantoperè exaltasti: *Humiliavit se usque ad mortem, mortem autem crucis; & quid sequitur? Propter quod & DEUS exaltavit illum, &c.* Et nos, heu Phil. 2. 8. modicæ fidei! quare adhuc formidamus crucem? An nobis DEUS aliam pinget viam, quàm dilectissimo Filio & dolorosæ Matri ejus in cælum?

7. De Davide recensent Regum libri, quòd cum Amalecitis à vespera usque ad vespèram alterius diei cruento prælio dimicavit, in quo non victrices duntaxat palmas, sed & omnem prædam à Siceleg abactam recuperavit. Cum exinde lis in castris oriretur, quomodo opulenta illa spolia forent dividenda; David prudenter decrevit, ut æqualiter inter illos, qui cum hoste pugnarent, & inter eos, qui in castris ad sarcinas tuendas remanserant, dividerentur: *Æqua enim pars erit descendantis ad prælum, & remanentis ad sarcinas, & similiter dividunt.* 1. Reg. 30. 24

Anima Christiana! revoca in memoriàm cruentum illum confictum, quem Christus Filius David in passione sua, ac præsertim in cruce, cum diabolo, peccato, mundo, carne, Judæis & Gentilibus habuit, in quo præsens erat & SS. ac dolorosissima Mater ejus, prælianti Filio assistens, non quidem ipsa pugnans, aut sanguinem suum effundens, sed quasi remanens ad sarcinas; vicit interim Orcum; hostesque omnes fortissimus Triumphator JESUS per mortem & resurrectionem suam, & ut Victor gloriosissimus cum erepta è lympo præda cælum ingressus est: *Ascendens in altum captivam duxit captivitatem,* Ephes. 4. 8. inter quos Beatos æqualiter partam prædam, gloriàmque essentialè in cælo distribuit: *Dedit dona hominibus.* Verùm, ô pietissime JESU! ubi est SS. Mater tua? Decet, ut illius non obliviscaris, sed æqualiter cum illa divides, quia omnes cruciatus, quos tu in corpore, illa in anima tulit. Et quid dico? *Divisum imperium cum Jove Mater habet;* Sicut enim ipse cum anima & corpore ad inmensam & nunquam terminandam gloriàm intravit, ita voluit, ut pretiosissima Mater cum corpore & anima ad eandem gloriàm assumèretur; ubi adimpletum illud fuit, quod de pacifico Salomone Scriptura cõmemorat: *Et surrexit Rex in occursum ejus, adoravitque eam, & sedit super Thronum suum.* 3. Reg. 2. 19 *positusque est thronus Matri Regis, quæ sedit ad dexteram ejus.* O potentissima cœlorum Regina, ô MARIA! quid habet indignissimus servulus tuus, nisi ut se valde coram majestate tua humiliet, memor semper propriæ vilitatis & iniquitatis: *Satiare, ô Mater misericordiæ, gloriâ Filii tui!* (clamo ad te cum Gueric. Abbate) *satiare, & dimitte reliquias parvulis tuis: Tu jam sedes ad mensam Domini, nos sub mensa catellos benignè respice, ut familia tua famelica præ-* Abb. serm. 4. de Assumpt. *stoletur à te. alimoniam vita, & ut in æternum tecum vivamus.*






## CONSIDERATIO LXIV.

B. Virgo olim dolorosissima, nunc gloriosissima triplici coronâ à SS. Trinitate in cœlo coronatur.



Veni de Libano Sponsa mea, veni de Libano, veni: coronaberis. *Cant. 4. 8.*



**I**Ria quondam vota Magnus ille Aurelius Augustinus habuisse perhibetur: Videre Christum in carne versantem, Paulum concionantem, & Romanum triumphantem. Si parva licet componere magnis, optâsem ego (si ita dicere fas est) per cœlorum rimas incomparabilem illum spectare triumphum, quo gloriosissima Virgo & Mater non amplius doloris, sed pulchra dilectionis, & timoris, & agnitionis, & sanctæ spei, super dilectum Filium innixa inter Archangelorum & cœlestium Spirituum myriades ad cœlos assumpta, atque triplici aureolâ & coronâ à SS. Trinitate redimi-

dimita est; ô quis dicet, quali cum pompa & majestate? & quis concipiat animo?

Olim potentissimi S. R. I. Imperatores triplici coronâ erant cincti, & ornati, inter quos unum in apricunt produco Carolum V. Germanorum Herculem invictissimum, qui anno salutis nostræ 1520. die 29. Octobris Aquisgrani coronâ ferreâ, paulô pôst Mediolani coronâ argenteâ, & demum Bononiæ in Italia anno 1530. die 24. Februarii à Clemente VII. Pont. Max. in magnifico templo S. Petronii coronâ aureâ solemniter cum pompa coronatus est.

Plus hîc in exaltatione & coronatione olim dolorosissimæ, sed nunc gloriosissimæ Matris DEI MARIÆ, quæ exactissimè quondam in terra inter mortales conversata, consilium Filii conservavit: *Recumbe in novissimo loco*, hinc semper inter omnes novissima vocari, & haberi voluit: *Hi omnes erant perseverantes unanimiter in oratione cum mulieribus & MARIA Matre JESU*. Proinde jure meritissimo à dulcissimo Filio nunc audire meruit: *Ascende superius*, & quidem super omnes Angelorum & Beatorum choros, tanquam omnium creaturarum honoratissima; illi enim omnes servi ac subditi erant. hæc autem Mater DEI & Regina omnium, cui subditus erat ipse DEI Filius, hinc dignissima, ut à Filio diademate coronaretur nobilissimo, neque unâ duntaxat sed triplici coronâ, seu aureolâ: *Virginum*, quia per perfectissimum carnis dominium longo intervallo omnes Virgines superavit; *Doctorum*, quia Doctrix Doctorum erat, Apostolorum, Evangelistarum & omnium Christianorum; & *Martyrum*, quia plus omnibus (si objectum respicis) etiam collectivè sumptis, passa est, eorumque Regina meritò appellanda.

2. Et hoc est, ad quod pulcherrimè quondam allusit Sponsus ille candidus & rubicundus: *Veni de Libano, Sponsa mea, veni de Libano, veni: coronaberis de capite Amanæ, de vertice Sanir, & Hermon, de cubilibus Leonum, de montibus pardorum*. Enimverò, ô gloriosissima Virgo! hæcenus in terra per totum vitæ tuæ curriculum inter hostes & persecutores, in cubilibus leonum & in montibus pardorum habitasti, Filii infamis apud Judæos infamis Mater, innumeris circumdata doloribus, ab illa enim hora, quâ Filium tuum castis concepisti visceribus, cum illo in cruce usque ad vitæ tuæ finem fuisti: *In signum igitur*, subintrat hîc Bernhardinus Senensis, quod crucifixa crucifixum conceperis, ordinavit summa Sapientia DEI, quod eodem die Christum conceperis, quo etiam fuit passus; longè constantior, quàm quondam Respha, quæ strato subter se in petra cilicio, & in eo cubans, duobus filiis suis ob alienam & publicam culpam à Gabaonitis crucifixis, ut totius populi in fame & ariditate fierent piaculum, tam diu fidelis Mater, ne à canibus, avibus aut feris eorum cadavera dilaniarentur, sub dio perdia & pernox immota adstitit, donec in commodum totius regni cælum desideratas stillaret pluvias. Plus

Philipp.  
Cruver. &  
alii in vit.  
Imp.

Luc. 14. 10.  
Astor. I. 14.

Cant. 4. 8.

S. Bernhar-  
din. Sen. tom.  
3. ferm. 6.  
art. 1. c. 1.  
2. Reg. 21.  
10



cifixæ fuit, proinde dignissima, ut à SS. Trinitate audiret: *Veni: coronaberis*, non unâ sed triplici coronâ, hoc enim insinuat, triplex illa amicissima Divini Sponsi invitatio: *Veni, veni, veni.*

Cornel. in  
Cant. 4. 8.

Dixi, Imperatores triplici fuisse insignitos coronâ: *Argenteâ, ferreâ, & aureâ*; ita & SS. Virgo, argenteâ in mysteriis gaudiosis, ferreâ in mysteriis dolorosis, & aureâ in mysteriis gloriosis. Mariane Lector! recita diligenter rosarium tuum, & triplici hâc coronâ SS. Deiparam coronâsti. Juvat hîc audire Cornelium à Lapide: *B. Virgo*, inquit, *evocata est ex Libano, Amana, Hermon, & Sanir, cum ex Judæa & hoc mundo evocata est ad Christum in cælum, ibique coronata Regina celi & terræ cum triplici aureola, scilicet eminentis virginis, doctoratûs, & martyrii: fuit enim ipsa primiceria Virginum, Doctorum & Martyrum.* Hanc triplicem coronam tibi, Mariophile! in nostro Emblemate præsentamus, cum inscripto:

### Cursum completo.

S. Ambros. &  
S. Chrysost.  
uterque de  
Ss. MM.

Ita est: *Tolle Martyrum certamina*, ait S. Ambrosius, *tulisti coronas, tolle cruciatus, tulisti beatitudines*; sic oportuit Christum pati & dolorosam Matrem ejus, & ita, & ita, & non alio modo intrare in gloriam suam; & tu, delicate miles, quæras aliam viam? *Ipse quidem*, sunt verba S. Chrysostomi, *per tribulationes pervenit, tu autem per requiem vis ire? Quomodo ergo sequeris, non sequens? Quomodo coronaberis, si non certaveris?*

Esth. 2. 17

3. De Esther recensent sacræ Paginæ, quia corporis & animi pulchritudine, modestiâ morum, gratiâ & sanctitate vitæ omnes Mulieres tum temporum intervallo superabat, ideò ab Assuero potentissimo Persarum Monarcha speciali amore præcæteris omnibus fuisse dilectam; in quem finem eam non duntaxat in sponsam, sed etiam in Reginam elegit, propriisque manibus coronam regni capiti ejus imposuit: *Et posuit diadema regni in capite ejus.*

S. Bonav. in  
Speculo t. 7.

Plus hîc quàm Esther. O pientissima Virgo! tu illa formosa es, incredibili pulchritudine prædita, omnium oculis gratiosa & amabilis, quam Pater æternus in Filiam, Filius in Matrem, & Spiritus S. in Sponsam elegit, hinc non uno, sed triplici diademate coronata es, Pater enim coronavit te coronâ potentix, Filius scientiæ ac sapientiæ, & Spiritus S. charitatis & pietatis: *Esther Regina est B. Virgo MARIA*, inquit Doctor Seraphicus, *quæ ducta est in cubiculum Regis in assumptione, in cubiculum quietis æternæ, gratiam veri Regis habens super omnes mulieres, id est, super omnes intelligentias Angelicas, & super omnes beatas animas, ut sit in MARIA gratia super gratiam omnium Beatorum: Nam revera in capite ejus Rex Regum diadema regni posuit tam impretriabile, tam delectabile, tam mirabile, quòd hoc omni lingua inenarrabile, omni ingenio inscrutabile est.*

4. Recordor hîc illius coronæ, quâ David quondam à regni sui proceribus, principibus ac satrapis, ob expugnatam munitionem Rabbath, tanquam Victor gloriosus coronatus est. Audi Scripturam: *Congregavit itaque David omnem populum, & profectus est adversum Rabbath: Cumque dimicasset, cepit eam: Et tulit diadema Regis eorum de capite ejus, pondus auri talentum, habens gemmas pretiosissimas, & impositum est super caput David, &c.* 2. Reg. 12. 29

Quid commemoro inaugurationem, inunctionem & coronationem sapientissimi Solymæorum Regis? *Sumpsitque Sâdoc Sacerdos cornu olei de tabernaculo, & unxit Salomonem: & cecinerunt buccina, & dixit omnis populus: Vivat Rex Salomon: & ascendit universa multitudo post eum, & populus canentium tibis, & latantium gaudio magno, & insonuit terra à clamore eorum.* 3. Reg. 1. 39. Esther. 8, 15

De Mardocheo habet Scriptura: *Mardocheus autem de palatio & de conspectu Regis egrediens, fulgebat vestibus regiis, hyacinthinis videlicet & aëreis, coronam auream portans in capite, & amictus serico pallio atque purpureo; omnisque civitas exultavit, atque latata est.*

Arca illa Fœderis Domini intus & foris auro purissimo vestita, pretiosa quoque coronâ à Beseleel ornata est: *Et fecit illi coronam auream per gyrum.* Exod. 37. 2

Faceffe cum his umbris. Arca animata purissimo charitatis auro vestita, B. Virgo & Mater JESU erat, dulce manna & panem vivum, qui de cælo descendit, in se continens. Hanc SS. Trinitas post tot decumanos exantlatos in terra labores ac dolores, velut dignam cæli terræque Reginam coronare statuit; & quâ coronâ?

*Et in capite ejus, ait dilectus Christi Discipulus, corona stellarum duodecim,* Apoc. 12. 1. ad significandum, quod tot digna sit coronis, quot omnibus conveniunt prædestinatis, in duodecim istis lucidissimis stellis indicatis. O beatissima Virgo! ô dignissima Mater DEI! ô piissima Mater nostra! quantum jam mutata ab ipsa es? Olim in cruce, nunc in luce; olim Mulierum novissima; nunc prima; olim cum Filio in ligno pendente maledicta, nunc inter omnes benedicta; olim dolorum, nunc gaudiorum pelagus; olim lacrymnis, nunc Divinis affluens deliciis. O quantum supergressa es creaturas universas! tu es illud Apoc. 12. 1. signum magnum, quod apparuit in cælis: Mulier amicta sole, & luna sub pedibus tuis: *Tu ipsa es, ait S. Bonaventura, quâ majorem DEUS facere non potest. Majorem mundum facere potest DEUS, majus cælum facere potest, majorem Matrem, quàm Matrem DEI, non potest facere DEUS.* S. Bonav. in Spec. B. V. cap. 8. O Domina! nunc tandem adimpletum est illud tuum vaticinium: *Beatam me dicent omnes generationes, quia fecit mihi magna, qui potens est, & sanctum nomen ejus, quia sic à SS. Triade coronata Dominatum in omnes creaturas accepisti, omnes enim, qui Christo Filio tuo serviunt, & tui servi sunt: Servi tui sumus, quacunque jusseris, faciemus.* Luc. 1. 48. Genes. 12. 13. O Domina totius universi! ô cæli terræque Imperatrix, cui à Filio data est omnis potestas, & in manu tua vita & mors: *Dic, obsecro, quæd soror nostra sis, ut bene sit nobis propter te, & vivat anima nostra ad gratiam tui, &c.* 4. Reg. 19. 5.



5. Verum progrediamur ulterius. Anno nostræ salutis 1690. die 19. Januarii vidimus Augustæ Vindelicorum præsentem, quàm festivo Serenissimorum Electorum cum applausu, Procerum Germanorum pompâ, & júbilo totius populi in Imperatricem Romanorum fuerit coronata Serenissima Eleonora, Magdalena, Theresia, Sacræ Cæsareæ & Regiæ Majestatis, Leopoldi Primi Romanorum Imperatoris semper Augusti Augusta ac dignissima Conjunx. Ubi omnia tandem de more ad tantam solemnitatem adornandam erant parata, & sacrum Officium ab Eminentissimo S. R. I. Electore Primati, & Archiepiscopo Moguntino, assistentibus Serenissimo Colonienfi & Eminentissimo Trevirensi, & aliis Episcopis ac Prælati usque ad Evangelium inclusivè erat decantatum, surrexit e throno suo potentissimus Imperator pius & justus Leopoldus, in capite suo inæstimabilis pretii gestans coronam & dextrâ regale Sceptrum, manuducens ad altare Serenissimam Reginam ac Consortem suam, ab Eminentissimo Consecratore Moguntino in Cathedra confidente, assistentibus (prout dictum est) Trevirensi & Colonienfi, in Imperatricem coronandam, & inaugurandam, quem Consecratorem & Pontificem Imperator hisce verbis altâ & gravi voce allocutus est: *Postulamus, inquit, Reverendissime Pater! ut Consortem nostram, nobis à DEO conjunctam, benedicere & corona Imperiali decorare dignemini, ad laudem & gloriam Salvatoris nostri JESU Christi.* Ad quod Pontifex Reginam talem in modum à Cæsare præsentatam certis precibus, ex Pontificali Romano desumptis, benedixit, & à DEO T.O.M. omnem ei felicitatem ac bonum precatus est; exinde dexterum illius brachium & inter scapulas oleo Catecumenorum inunxit: tum adjuvantibus Eminentissimis Archi-Episcopis & Electoribus Colonienfi ac Trevirensi coronam Imperialem ejus capiti imposuit, dicens: *Accipe coronam gloriæ, ut scias, te esse consortem regni, populoque semper DEI prospere consulus, & quanto plus exaltaris, tanto amplius humilitatem diligas, in Christo JESU Domino nostro.* Peractâ hac coronatione Pontifex Consecrator Reginæ Sceptrum in manu tradidit: *Accipe,* inquit, *virgam virtutis ac veritatis, & eslo pauperibus misericors & affabilis: Viduis, pupillis & orphanis diligentissimam curam exhibeas, ut omnipotens DEUS augeat tibi gratiam suam, qui vivit & regnat in sæcula sæculorum.* Quibus omnibus summa cum solemnitate peractis, Imperatrix in vestitu deaurato in throno collocata est, ubi novus Procerum & præsentis populi in Ecclesia Cathedrali audiebatur applausus & aggratulatio, multos annos & omnem felicitatem huic Serenissimæ ac Clementissimæ Imperatrici suæ apprecantium.

Anima Christiana! surgamus altius, & ab Ecclesia militante ad triumphantem in mente nostra ascendamus. Et quid video? *Ecce positus est thronus Matri Regis.* Et quænam illa Mater Regis cælestis? quæ prius steterat sub probrosissima cruce, habitavitque hæctenus inter tot primitivæ Ecclesiæ perfectiones in monte Libano, hoc est, in Jerusalem in monte Sion, in cubilibus leonum,

Ex Romano Pontificali.

leonum, & in montibus pardorum inter hostes infensissimos, ludibrium Pontificum, populi, carnificum, nunc sub triumphanti crucis vexillo gloriosissima Mater JESU à Spiritu Sancto ejus paranympho & ab universa curia cœlesti ad coronationem invitatur: *Veni de Libano, Sponsa mea, veni de Libano*, Cant. 4. 3: *veni: coronaberis.* Consecrator & Summus Pontifex erit ipse Pater æternus, ad quem Filius, assistente Spiritu Sancto SS. Matrem suam manu apprehensam adducit, nunc in Reginam & Imperatricem omnium Angelorum & hominum inaugurandam & coronandam: *Postulamus*, inquit, *Reverendissime Pater! ut Consortem, imò Matrem nostram, nobis à te DEO conjunctam, benedicere & coronâ Imperiali & cœlesti decorare dignemini, ad laudem & gloriam Sacrosancti Nominis tui.* O quis dicet, quo affectu hæc beatissima & humilissima Virgo SS. Trinitatem adorârit, atque venerata sit; quàm submissas ei pro tot donis gratias egerit, quantâ submissione ejus SS. voluntati se subjecerit? Credo, SS. illam animam penitus tunc esse liquefactam præ tanta dulcedinis & inæstimabilis gaudii magnitudine. Et quis animo comprehendat, quâ charitate & affectu eam benedixerit Pater æternus: *Benedicta es tu Filia à* Judith. 13: *Domino DEO excelso præ omnibus mulieribus super terram. Benedictus Dominus,* 23 *qui creavit cælum & terram, qui te direxit in vulnera capitis inimicorum nostrorum: quia hodie nomen tuum ita magnificavit, ut non recedat laus tua de ore hominum, qui memores fuerint virtutis Domini in æternum, pro quibus non pepercisti animæ tuæ, propter angustias & tribulationem generis tui, sed subvenisti ruinæ ante conspectum DEI.* Hæc cum quondam Ozias Princeps populi Israël ad Juditham gloriosam illam Victtricem dixisset, omnis populus levavit vocem suam: *Et dixit omnis populus: Fiat, fiat.* Credo, & firmiter mihi persuadeo, totam quoque cœlestem curiam Augustissimæ Imperatrici suæ hic acclamasse: *Fiat, fiat.* Universi autem adorantes Dominum, dixerunt ad eam: *Benedixit te Dominus in virtute sua, quia per te ad nihilum redegit inimicos nostros.* Tum attestante Regio Vate cœlestis Pater eam oleo supernæ unctio- nis inunxit: *Dilexisti justitiam, & odisti iniquitatem, propterea unxit te Deus,* Psal. 44. 8. *Deus tuus oleo latitiæ præ consortibus tuis; Cui & coronam gloriæ imposuit: Et posuit diadema regni in capite ejus; Sceptrumque potentiae porrexit in ma-* Esth. 2. 17 *nu: Accipe virgam virtutis & veritatis, & esto pauperibus misericors & affabilis; Viduis, pupillis & orphanis diligentissimam curam exhibeas.* Denique in vestitu deaurato circumdata varietate collocata est in throno Regina universorum: *Positus est thronus Matri Regis, quæ sedit ad dexteram ejus.* O piens- 3. Reg. 2. *tissima Domina! inter tot cœlestium Spirituum & supernorum civium exultantium applausus aggratulamur & nos tibi miselli, servi & subditi animi-* 19 *tus; verè Domina, optimam partem elegisti, quæ non auferetur a te in æternum; Luc. 10. 42 sed memento, obsecro, quia propter nos ad tantam dignitatem evecta es; Suc-* *curre ergo miseris, juva pusillanimes, &c.*




6. Tandem coronatâ Reginâ & in throno regio locatâ, solent venire Illustres, Nobiles, subditi & vasalli, homagium ei præstantes, & fidelitatem pollicentes. O si vidiſſes, anime mi! omnes Angelorum choros & Beatorum ordines, quâ submissione & hyperdulæ cultu hanc suam SS. ac potentissimam Reginam adorârunt, omnemque ei promiserint fidelitatem! inter quos non ultimierant viginti quatuor illi Reges ac Seniores, qui omni submissionis affectu: *Mittebant coronas suas ante thronum.* Per quem thronum Petrus Cluniacensis SS. Deiparam intelligit, quam *totius Deitatis solium* appellat; & S. Bonaventura eam vocat *thronum gratiæ DEI.* Juvat hîc audire V. P. Antonium Spinelum: *Et quoniam, inquit, hi Seniores ab ea tot beneficia sunt consecuti, quibus olim victores fuerunt, nunc autem coroati existunt: idcirco venerabundi non tantum Virginis gloriæ ac felicitati gratulantur, & plaudunt; sed etiam venerabundi ipsam Virginem adorantes, secundum Deum, eidem gratias agunt immortales, suosque triumphos acceptos ei etiam referunt, idque aperte testantur, ac profitentur, cum coronas suas ante Deum & ante Thronum, hoc est, Virginem ponunt.*

Et nos quid agimus, Sodales Mariani, in communi hac omnium Cœlitum, Serenissimæ Reginæ suæ recens à SS. Trinitate coronatæ aggratulantium, & applaudentium lætitiâ? Omnes viæ ac plateæ ex purissimo auro & lapide pretioso in cælo constructæ jucundis personant laudibus & plausibus; omnia MARIÆ laudem prædicant: *Gaudeamus & exultemus, & demus gloriam ei, &c.* Et nos quid agimus? *Adamus & Eva,* ait S. Damascenus, *nostri generis auctores exultantibus labiis altè exclamarunt: Beata tu Filia, qua violati mandati pœnas nobis sustulisti: Tu mortali corpore à nobis accepto, immortalitatis indumentum nobis peperisti: Tu cum à lumbis nostris ortum accepisses, beatitudinem nobis rependisti, dolores delevisti, mortis fascias perfregisti; ad veterem sedem quasi postliminio nos revocasti: nos paradysum clausimus, tu ligni vitæ iter patefecisti; ex latris tristitia nostrâ culpâ venerunt, ex tristibus contra latiora per te redierunt: Tu vitæ fons, & cœli scala; verè inter mulieres beata es, atque aded beatissima.* Et nos quid agimus? *Surrexerunt & filii ejus, hoc est, Sancti omnes (cuncti enim sunt filii MARIÆ) & beatissimam pradicaverunt, & nos quid agimus? O Domina totius universi! ô Serenissima Regina! congratulamur & nos tibi in unum, licet miselli, licet à patria extorres, licet millenis preffi miseriis; Mater nostra es, & post DEUM spes unica salutis nostræ. O Domina! converte ad nos misericordes tuos ac maternos oculos, & post hanc lacrymarum vallem ostende nobis JESUM, benedictum fructum ventris tui.*

Apoc. 4. 10  
Petr. Clu-  
niae. lib. v.  
epist. 1.  
Anton. Spin.  
Soc. Jes. in  
Thron. Deip.  
cap. 17. fol.  
210.

Apoc. 19. 7  
S. Ioan. Da-  
mascen. de  
Dormit. V.  
orat. 2.

Proverb 31.  
28




## CONSIDERATIO LXV.

De cultu, quem Magnæ DEI Matri debemus, ejus-  
que potentissimo in cœlis patrocinio.



Et sicut qui thesaurizat, ita & qui honorificat Ma-  
trem suam. *Eccles. 3. 5.*

- I.  Uemadmodum canes solent allatrare lunam, ita hæretici  
MARIAM, quæ *pulchra est ut luna*. Novi præconem *Cant. 6. 9.*  
hæreticum, qui in publica concione pretiosissimam Dei-  
parentem marsupio comparavit: Marsupium, inquiebat,  
dum auro turget, in honore habetur; at ubi aurum ex-  
emptum est, marsupium abjicitur; ita, reposuit ille Mariamastix, MARIA  
honoranda est; quando Christo & Verbo gravida fuit, meritò ab Angelis ac  
hominibus ut Mater DEI honorari & coli potuit, sed ubi Christum in lucem  
edidit,



- edidit, amplius curanda non est. Sed dic, obsecro Sodes! si ejusmodi mar-  
supium pretiosissimis intertextum fuisset gemmis ac margaritis, an illud ab-  
jecisses? Et quid pretiosius DEI Matre, quam splendor elegit, quam Ange-  
lus honorificentissime salutavit: *Ave gratia plena, Dominus tecum, benedicta*  
*tu in mulieribus?* Quare ergo tu eam contemnis, quam Angelus tantum ex-  
tollit? Quid peccavit in te *Mater illa pulchra dilectionis, & timoris, & agni-*  
<sup>24</sup>  
*tionis & sanctæ spei?* Si Christus ejus gubernationi ultrò se subjecit: *Et erat*  
*subditus illi;* cur tu eam allatras impie? Et nunquid Christus, cum in hac  
mortali vita cum hominibus conversaretur, exactè Decalogum servavit?  
ergo & quantum præceptum ad amissum adimplevit; ergo honorificavit Ma-  
trem suam? quòd si ipse DEI Filius eam tantoperè coluit & amavit, tunc  
illi omnem honorem neges? In quem finem pro corpore Emblematis no-  
stri Arcam DEI (Virginis typum) statuimus, ad cujus conspectum Dagon  
immundus à sua sede & folio in terram dejicitur, cum inscripto à Divo Pau-  
lo mutuato:

### Cui honorem, honorem.

- Ita est, cui *timorem, timorem, cui honorem, honorem:* Si quis, ait Veritas,  
mihi ministraverit, honorificabit eum Pater meus: Et quis magis Christo mini-  
stravit, quàm SS. Mater ejus, quæ eum neque in cruce deferuit; hinc meruit,  
ut à moriente Filio omnium Mater designaretur Christianorum, & hoc jure  
& vi. verbi Christi ad S. Joannem, tunc totam Ecclesiam (prout alihi dixi-  
mus) repræsentantem: *Ecce Mater tua.* Audis hoc, hæretice? Si non vis  
agnoscere MARIAM ut Matrem, non habebis Christum ut Patrem, qui enim  
Matrem spernit, & Filium spernit: *Audi Fili mi disciplinam Patris tui, & ne*  
*dimittas legem Matris tue.*

2. Salomon Regum sapientissimus Bethabeæ Matri suæ ad se ingredien-  
ti omni honoris significatione occurrit: *Surrexit Rex in occursum ejus, adora-*  
*vitque eam.* Quòd si Salomon Matri suæ tantum impendit honoris, quantò  
magis Christus dignissimam Matrem suam honorat in cœlis? Qui dixit, in-  
quit Hippolitus, *Honora Patrem & Matrem, ut decretum à se promulgatum ob-*  
*servaret, omnem gloriam Matri & honorem impendit.* Et tu, hæretice & tepide  
Christiane! qualem SS. Matri DEI exhibes honorem?

- Holofernes belli Dux, ubi Bethuliam obsidione cinxit, mox aquæductum  
incidi jussit, ut aquam ab urbe averteret, & sic Judæos siti conficeret: *Porrò*  
*Holofernes, dum circuit per gyrum, reperit, quòd fons, qui influebat, aquadu-*  
*ctum illorum à parte australi extra civitatem dirigeret: & incidi præcepit aquadu-*  
*ctum illorum, &c.*

En stratagemata diaboli, qui tunc aquæductum incidit, cum hominem Chri-  
stianum à cultu, amore & æstimatione Magnæ DEI Matris avertit, ipsa enim  
per

per os Ecclesiastici de se ait: *Sicut aqueductus exivi de paradiso, dixi, rigabo hortum meum, &c.* Supra quod Cornelius: *B. Virgo, inquit, quasi aqueductus excepit Sapientiam Divinam, ipsamque personam Verbi, ut eam pareret, & in homines transfunderet.* Hunc ergo mysticum aqueductum callidissimus generis humani hostis fideli animæ obstruere nititur, ut eam exinde in suam redigat potestatem, signum enim probabilissimum est æternæ reprobationis, esse socordem & negligentem in cultu, amore & veneratione Magnæ Matris DEI; sicut e contrario signum Divinæ prædestinationis est MARIE esse verè devotum. Optime Lector! inspicere cor tuum, an in illo hæc vera & sincera erga SS. Deiparam resideat devotio, quam si in te reperis, ô te felicem! en signum habes tuæ futuræ prædestinationis, & in novissimis invenies requiem.

Eccles. 24.

41

Cornel. hic.

Eccl. 6. 28.

3. Recordor hic illius domus Obededom, à Domino DEO quondam mirum in modum benedictæ, quia in ea Arca DEI trium mensium spatio inhabitaverat: *Et benedixit Dominus Obededom & omnem domum ejus.* Benedicta illa domus, benedicta illa familia, benedictus ille homo, in quo inhabitat hæc mystica Arca Domini, volo dicere, pietas & devotio erga SS. DEI Matrem MARIAM, quoniam omnium bonorum ubertate cœlitus replebitur, diligit enim Virgo diligentes se: *DEUS, inquit Mellissus, totius boni plenitudinem posuit in Maria, ut proinde si quid spei in nobis est, si quid gratia, si quid salutis, ab ea noverimus redundare.*

2. Reg. 6.

11

S. Bernhard.  
serm. de Nat.  
B. V.

Jacob magnus ille Patriarcha, ubi quondam mirabilem illam scalam conspicatus est à terra ad cœlum usque pertingentem, & Angelos ascendentes & descendentes per eam, ac denique ipsum cœli terræque Dominum huic scalæ innixum, attonitus exclamavit: *Verè non est hic aliud, nisi domus DEI & porta cœli.* Supra quod Andreas Cretensis: *O beatissima, inquit, tu es porta cœli, de qua Jacob dixit: Quàm terribilis est locus iste! verè non est hic aliud nisi domus DEI, & porta cœli.* Et Divus Augustinus in persona Virginis: *Porta facta sum cœli: janua facta sum Filio DEI.* Hinc & Ecclesia eam salutatur: *Alma Redemptoris Mater, quæ pervia cœli porta manes.* O mortales omnes! quid agitis: En patet vobis cœli porta, cur non intratis per eam? habetis & scalam Jacob, per quam usque ad cœlum, plus dico, usque ad conspectum Altissimi potestis pertingere: *Facta est, ait sanctus Fulgentius, MARIA scala cœlestis, quia per ipsam DEUS descendit ad terras, ut per ipsam homines ascendere mereantur ad cœlos.*

Genes. 28.

17

Andr. Cretens.  
or. 2.S. Aug. in  
serm. 14. de  
Nat. Dom.S. Fulgent.  
de Laud. V.

4. De sapientissimo Rege Solymæo perhibent Sacræ Paginæ, quod thronum sibi paraverit ex ebore candidissimo & auro fulvo nimis, ac tandem subjungit Scriptura: *Non est factum tale opus in universis regnis.* Subintrat hic Doctor Seraphicus: *Thronus, ait, Salomonis est MARIA, grandis omnino in gratia & in gloria.* O felices illi, qui ad hunc gratiarum thronum causas suas appellant, *Non enim est factum tale opus in universis regnis.* Ezechiel v. cap. 2.

3. Reg. 10.

20

S. Bonavent.  
in Spec. B.



Ezech. I.

26

S. Bonavent.

in Spec. B.

V. cap. 11.

S. Chrysost.

hom. 8. in

Matth.

S. Ephrem.

de Laud. V.

S. Epiphani.

ser. de Laud.

Deipara.

Isa. 6. 1.

S. Chrysost.

serm. 4. de

hac visione

S. Damascen.

orat. 2. de

Dormit. V.

S. Anselm.

lib. de Ex-

cellent.

Virg. cap. 2.

S. Bonav. in

Psal. Virg.

quondam vidit thronum ex pretiosissimis Saphiris constructum, & in eo hominem sedentem, igne & mirabili splendore circumdatum: *Quasi aspectus lapidis Saphiri similitudo Throni.* Saphirus, ait Plinius, carulei & celestis coloris est, aureis interstinctus notis, ceu stellulis. O B. Virgo, ait Doctor Seraphicus, *tu es ille Thronus Saphirinus, super firmamentum Angelicum elevatus.* Homo in eo sedens, & ingenti circumdatus splendore, Christum præsignavit, qui novem mensium spatio in hoc pretiosissimo throno reledit, quem & Magi in gremio Matris suæ sedentem invenerunt: *Invenerunt, inquit S. Chrysostomus, Magi Puerum cum MARIA, quæ eum in suo gremio collocavit;* unde & S. Ephrem eam salutat: *Ave Throne Creatoris mei gloriosissime;* Et S. Epiphanius *Dico, inquit, illam esse cælum, thronum simul & crucem, extendens enim sanctas ulnas Dominum portavit; Thronus Cherubinus, cruciformis & celestis, &c.*

Isaias Prophetarum Princeps vidit aliquando *Dominum super solium excelsum & elevatum,* & ante solium DEI adstantes Seraphinos, qui *duabus aliis velabant faciem ejus, & duabus velabant pedes ejus.* Vatablus & alii hîc legunt: *Duabus velabant facies suas, & duabus velabant pedes suos.* Ad quid hoc? grande hîc latet mysterium: Velabant facies suas, prout eleganter exponit S. Chrysostomus, præ reverentia, non audentes aspicere contra Dominum & solium ejus; velabant quoque pedes suos præ verecundia, quia in consideratione tantæ dignitatis in perfectum viderunt oculi eorum, cujus imperfecti symbolum pedes esse solent; per solium autem S. Damascenus SS. Deiparam intelligit: *Tu, inquit, es solium illud regium, cui adstiterunt Angeli Dominum & effectorem insidentem cernentes.*

Ex quibus hæcenus enarratis facile colliges, quo cultu & veneratione, quo amore & reverentiâ SS. Virgo à fidelibus sit colenda, quem cultum SS. Patres Hyperdulæ appellant. Certè Angeli Serenissimæ Reginæ suæ thronum, licet vacuum, præterire non audent, nec solent, nisi eidem capite inclinato, & poplite flexo reverentiam fecerint. Ubi, obsecro, ô Christiani tepidi! est honor & amor noster erga talem ac tantam cœli terræque Reginam, omnium Angelorum hominumque Imperatricem? Dignissima Mater DEI est, & quid ultra requiris? An quid post DEUM excellentius aut sublimius esse potest? *Hoc solum, ait S. Anselmus, de S. Virgine prædicari, quod sit Genitrix DEI, excedit omnem altitudinem, quæ post DEUM dici vel cogitari potest.* O quàm beati sunt illi servi ac Clientes Mariani, qui hanc piam Matrem dignè colunt, amant, ac venerantur: *qui illam, sunt verba S. Bonaventuræ, dignè coluerit, justificabitur, & qui neglexerit illam, in peccatis morietur.* Audis hæretice?

5. Cæterum inquirunt Sacrarum Litterarum Interpretes, utrum Oza, Heli & filii ejus Ophni & Phinees æternum fuerint damnati? De Oza recenset secundus Regum Liber, quod, cum Arcam labantem sustentare vellet, subitanæ morte fuerit castigatus: *Iratusque est indignatione Dominus contra Ozam, & percussit eum super temeritate: qui mortuus est ibi juxta Arcam DEI.* De Heli Sacerdote sacer textus commemorat, quod audiens Arcam DEI à Philistæis esse captam, præ angore & pavore deficiente spiritu, in sella sua retrorsum lapsus sit, & fractis cervicibus expiravit: *Cumque ille nominasset Arcam, cecidit de sella retrorsum juxta ostium, & fractis cervicibus mortuus est.* De Ophni & Phinees, qui cum Arca DEI ad prælium contra Philistim profecti sunt, refert idem Regum Liber: *Facta est plaga magna nimis, & ceciderunt de Israël triginta millia peditum: duo quoque filii Heli mortui sunt Ophni & Phinees.* De his, inquam, quæritur, an æternum fuerint damnati?

De Oza censet Angelomus, Abulensis, Dionysius ac plures alii, eum temporali tantummodo morte fuisse castigatum, & sic evasisse æternam, item hic. Heli in hac vita tam durè à DEO punitum, ut ei parceret in futura, duos autem filios Heli, licet prius in officio suo administrando peccarint, nihilominus non in æternum à facie DEI esse rejectos, quia, prout benè observat Justinus Miechoviensis & alii, in vita sua ut plurimum circa cultum & religionem Arcæ Fœderis erant occupati, Arca autem illa B. Virginem & DEI Genitricem MARIAM præfigurabat: *MARIA, ait S. Ildephonsus, Arca dicitur Novi Testamenti, in qua verus DEUS versatus non in figura & in anigmatibus, sed in veritate.*

Erat autem illa Arca populo Israëlítico in omni necessitate commune asyllum & unicum refugium: *Arca, ait S. Athanasius, sufficiebat illis pro quavis acie in subsidium.* Plus MARIA, Arca DEI animata, suis prodest cultoribus ac clientibus: *Equidem vir mortis es, dicebat quondam Salomon ad Abiathar, sed hodie te non interficiam, quia portasti Arcam Domini.* Idem tibi eveniet, anime mi! non interficieris, non reprobaberis, non damnaberis æternum, si hanc mysticam Arcam MARIAM devotè colueris; audi ipsam B. Virginem ad S. Birgittam loquentem: *Nullus, inquiebat, in vita hac est tam frigidus ab amore Divino, quin, si invocaverit Nomen meum cum integro proposito penitendi, statim ab ipso diabolus recedat.*

6. Ficus illa per plures annos infructuosa, cum nunc jussu Domini è terra deberet excindi, & in ignem mitti: *Succide ergo illam, ut quid etiam terram occupat?* Adhuc patronum suum invenit: *Domine! dimitte illam & hoc anno, &c.* En tui typum, anime mi! quod hætenus non velut arbor infructuosa fueris succisus, & igni infernali traditus, B. Virgini gratias age,

Quæ



quæ te filium prodigum hucusque tanquam benigna Mater conservavit, quia fortè pauculas ei preces dixisti: *Ipsa*, inquit Cæsarius, *est orbis conservatrix, & tribulorum consolatrix, fida sibi famulantium defensatrix; per ipsam peccatores illuminantur, desperati ad confessionem reparantur, &c.*

Ezechiel olim conquestus est, quòd non esset vir, qui apud DEUM pro terra se interponeret, ne dissiparet eam: *Et quasi vi de eis virum, qui interponeret spem, & staret oppositus contra me pro terra, ne dissiparem eam, & non inveni.* DEO T. O. M. infinitæ sint laudes, habemus nunc in cælo

Mulierem, quæ apud DEUM & Judicem Christum sese pro nostra causa interponit. O Sacratissima Virgo! tu es Mulier illa fortis, quæ omnipotenti Numini manus ligas, ne secundum nostra nos puniat demerita: *Non*

*est*, dicebat quondam cum gemitu Isaias Propheta, *qui consurgat, & teneat te.* Sed tu, subintrat hîc S. Bonaventura, *ô B. Virgo, detines Filium, ne peccatores percutiat.* Rebecca mediatrix facta est inter Isaac & Jacob, The-

cuitis inter David & Absolon, Esther inter Assuerum & Mardocheum, Abigail inter David & Nabal; verum tu, ô Sanctissima, ô mitissima Virgo, facta es Mediatrix inter DEUM & Hominem, inter Christum Judicem & peccatorem; proinde rectè concludimus, quod olim Ægyptii fame pres-

si ad Joseph Pro-Regem dixerunt: *Salus nostra in manu tua est*: Ita, inquit Richardus à S. Laurentio: *Salus nostra in manu MARIE est.*

7. Et quid est, quod ab hac Sacratissima Virgine non possumus sperare? Amat nos, quia Mater Christi est, Christus autem est frater noster, ergo & MARIA est Mater nostra, quia os nostrum, & caro nostra est, du-

cens à primis generis humani progenitoribus suam, prout nos, originem: *Scio Domina*, inquit B. Petrus Damianus, *quia benignissima es, & amas nos amore invincibili, quos in te, & per te Filius tuus & DEUS tuus summa dilectione dilexit.* Et si Esther Mulier illa sancta populum ac genus suum tantum adamavit, ut non vocata ad Regem Assuerum intraret, tradens se ultro mortis periculo, ut populum suum salvaret, & ab interitu liberaret:

*Dona mihi animam meam, pro qua rogo, & populum meum, pro quo obsecro.* Quanto magis dilexit nos in terra, & etiamnum in cælo nos diligit pretiosissima Virgo, attendens, quam nobiscum habet, affinitatem; proinde non cessat pro miseris nostris apud benedictum Filium suum supplicare. Merito ergo illi dicere possumus, quod quondam ad Juditham cives Bethulien-

ses in angustiis constituti dicebant: *Ora pro nobis, quoniam mulier sancta es.* Et quid vos ad hoc, hæretici?

Sperare adhuc in ejus potentissimo patrocinio possumus, quia Deo gratior est ac magis chara, quam omnes simul creaturæ, Mater enim DEI est, abyssus gratiarum & misericordiarum Oceanus, illi servi sunt. Hinc est, quòd

quòd Sancti & Beati omnes in cœlo illam tanquam Reginam maximâ prosequantur reverentiâ & amore juxta illud Davidis: *Vultum tuum deprecabuntur* Psalm. 44.  
*omnes divites plebis.* Et si Job olim de se dicebat: *Quia ab infantia mea crevit mecum miseria, & de utero Matris egressa est mecum;* longè meliori jure de hac Sacratissima Deipara asserere possumus, misericordiam cum illa à primis vitæ annis in nostri commodum verè maximum crevisse; hinc rectè ab Ecclesia nuncupatur *Mater misericordia*, de qua & Salomon: *Lex clementia in lingua ejus.* Job. 31. 18 Proverb. 31. 26

Sperare insuper in ejus intercessione possumus, quia potens est, *fecit enim illi magna, qui potens est, & sanctum Nomen ejus.* Potens, inquam, est, quia de se ipsa ait: *In Jerusalem potestas mea;* subaudi hîc per Jerusalem non militantiæ duntaxat Ecclesiam, sed & triumphantem, in qua potentissima Mater Creatoris plenariam videtur habere potestatem, quia Mater DEI est. Ita Doctor Seraphicus: *Quia Dominus potentissimus tecum est, ideo & tu es potentissima secum, potentissima es per ipsum, potentissima apud ipsum, ita ut verè dicere possis illud: In Jerusalem potestas mea.* O mortales omnes! ad quid moras trahitis? Ite, ite ad hanc potentissimam, juxta ac clementissimam Reginam, imò & Matrem vestram. Ite ad Joseph, dicebat quondam Pharaò presbis fame subditis: & Christus: Ite ad Matrem meam: *Ecce Mater vestra: Quid vis,* dicebat quondam Assaerus Rex, *Esther Regina? quæ est petitio tua? etiam si dimidiam partem regni mei petieris, dabitur tibi.* Et MARIA totius universi Domina minus possit apud DEUM & Filium suum, quàm quondam Esther apud Assuerum? *Quis,* ait Mellissius, *misericiordiæ tuæ ô Benedicta, longitudo & latitudinem, sublimitatem & profundum queat investigare? nam longitudo ejus usque in diem novissimam invocantibus eam subvenit universis; latitudo ejus replet orbem terrarum, ut tuâ quoque misericordiâ plena sit omnis terra: sic & sublimitas ejus civitatis supernæ invenit restaurationem, & profundum ejus sedentibus in tenebris & umbra mortis obtinuit redemptionem.* S. Bonavent. in Spec. B. V. cap. 8. Genes. 41. 55 Esther. 5. 3 S. Bernhard. serm. 1. de Assumpt.

8. Et quid dico ulterius de hac clementissima cœli terræque Regina: laudent alii, per me licet, officiosam Rebecam; puellam decoram nimis, juxta ac misericordem, quæ seniozem Abrahami servum ex itinere fessum, ac sitibundum cum comitibus ac camelis in æstu frigidâ recreavit: *Quæ respondit: Bibe Domine mi, celeriterque deposuit hydriam super ulnam suam, & dedit ei potum.* Genes. 24. 18 Extollant alii piam illam Sunamitidem, quæ Elisæum Prophetam, iter agentem, benignè excepit, nutrit, lectulum stravit, mensam, cellulam, & candelabrum paravit: *Transibat Elisæus per Sunam: erat autem ibi mulier magna, quæ tenuit eum, ut comederet panem, &c.* 4. Reg. 4. 8 Comendent alii Tabitham viduam & pupillis amabilem, & operibus charitatis ac misericordiæ conspicuam, quam Petrus Apostolus in solatium pauperum à mortuis resuscitavit: *Circumfeterunt illum omnes viduæ flentes, & ostendentes ei tunicas & vestes, quas faciebat* Actor. 9. 39

*Mater Dolorosa.*

N n n

ciebat



466 *Consideratio LXV. De cultu & patrocinio B. V*

Hugo Card.  
de Laud.  
B. V.  
Revel. S.  
Birg. lib. 3.  
cap. 30.

*ciebat illis.* Ego autem super omnia commendo, & extollo misericordiæ Matrem MARIAM: *Non potest esse,* ait Hugo Cardinalis, *tanta peccatoris miseria, quin major sit Virginis misericordia.* Juvat hîc pro solatio nostro audire S. Agnetem V. ita quondam ad S. Birgittam loquentem: *Habuit MARIA latitudinem excedentem, hoc est, misericordiam; nam sic pia & misericors fuit, & est, & maluit omnes tribulationes sufferre, quàm quòd animæ non redimerentur; nunc autem conjuncta Filio non obliviscitur innatæ bonitatis suæ, sed ad omnes extendit misericordiam suam, etiam ad pessimos, ut sicut sole illuminantur & inflāmantur cœlestia & terrestria, sic ex dulcedine MARIE nullus est, qui non per eam, si petitur, sentiat pietatem.*

Luc. 15. 6

S. Jacob in  
Liturgia.  
S. Bernhard.  
serm. 4. de  
advent.

Quid igitur restat, nisi ut huic SS. Virgini & Dominæ nostræ ex animo congratulemur? Si pastor ille, qui ovem perditam invenit, & Mulier illa, quæ amissam drachmam reperit, amicos suos invitârunt, ut sibi congratularentur, quia id invenerunt, quod tantopere desideraverant; quantò magis congratulemur nos clientes Sacratissimæ Matri & Advocatæ nostræ, quia invenit gratiam apud DEUM non pro se duntaxat, sed & pro genere humano universo; hinc rectè S. Jacobus in Liturgia: *Tibi, ô plena gratiâ, universa creatura gratulatur, Angelorum cætus & hominum genus.* Finio cum Melisso; *Fac, ô Benedicta, per gratiam, quam invenisti, ut qui te mediante fieri dignatus est particeps humilitatis & miseria nostra, te quoque intercedente participes nos faciat beatitudinis & gloriæ suæ JESUS Christus Filius tuus,*

*Dominus noster, qui cum Patre,*

*&c.*



# CONSIDERATIO LXVI.

Præcipuus cultus B. Virgini ac Matri Dolorosæ impensus, est sedula ejus virtutum imitatio.



Imitatores mei estote, sicut & ego Christi.

*1. Cor. 4. 16.*

I.



Uantorum prodigiorum operatrix fuerit virga illa, seu baculus pastoralis, quo Moyses quondam pascebat, & minabat oves Jethro, satis abundè Sacræ declarant Pagine. Per hanc virgam, tot portenta coram Pharaone & servis ejus in Ægypto fecit, Nilumque & omnes aquas

in sanguinem vertit: *Ecce percutiam virgâ, quæ in manu mea est, aquam fluminis, & vertetur in sanguinem.* Per eandem mare rubrum divisit, & sicco pede ac vestigio populum Israëliticum in Palæstinam traduxit: *Tu autem* EXOD. 7. 15.

Nnn 2

eleva 16



Psal. 77.

29

Num. 20.

11

S. Aug. Tr.

26. in Ioan.

Richar. à S.

Laur. lib. 12.

de Laud.

3. v.

*eleva virgam tuam, & extende manum tuam super mare, & divide illud, ut gradiantur filii Israël in medio mari per siccum. Cum idem electus DEI populus non haberet, quo sitim in terra deserta, invia & inaquosa cum jumentis restingeret, ope ejusdem virgæ largissimas aquas produxit: Percussit petram, & fluxerunt aquæ. Percussit autem Moyse hanc petram bina vice: Cumque elevasset Moyse manum, percutiens virgâ bis silicem, egressæ sunt aquæ largissima, ita ut populus biberet & jumenta. Supra quod S. Augustinus: Percussa, inquit, est petra de virga bis; gemina percussio duo ligna crucis significat. Verim Richardus à S. Laurentio per eandem virgam rectè SS. Virginem Deiparam intelligit: Hac, inquit, est virga Moysis, per quam fecit signa in Ægypto, & ad quam in omni necessitate recurrerat; cui prodigiosæ virgæ mare rubrum dividenti, & viam ad terram desiderabilem populo aperienti, ac monstranti, rectè pro Lemmate inscribes:*

## Illuc iter, quò ostendam.

1. Petr. 2.

21

Exod. 13.

21

S. Epiphan.

orat. de

Laud. V.

Isa. 19. 1.

Ioan. 9. 4

Ita est: *Illuc iter, quò ostendam*, quò enim præbant Christus & SS. Mater ejus, oportet, ut & nos sequamur vestigia eorum: Christus, ait S. Petrus, *passus est pro nobis, vobis relinquens exemplum, ut sequamini vestigia ejus.* Populus ille Hebraicus, cum exiret de terra Ægypti, non duntaxat hanc Ducem virgam Mosaicam, sed & columnam nubis per diem, & ignis per noctem sequebatur: *Dominus autem præcedebat eos ad ostendendam viam per diem in columna nubis, & per noctem in columna ignis, ut Dux esset itineris utroque tempore.* Per hanc columnam nubis & ignis S. Epiphanius & B. Virginem subaudit: *Nubes levis, inquit, in quam Dominus ascendit, MARIA est*, protegens nos ab æstu Divini Justitiæ Solis, quæ nubes est, de qua & Isaias vaticinatus est: *Ecce Dominus ascendit super nubem levem.* Sed & columna ignis est MARIA de nocte nos illuminans, per quam noctem rectè ingruentem mortem intelligimus: *Venit nox*, ait Veritas, *quando nemo potest operari.* O quàm beati tunc erimus, Clientes Mariani! si tunc nobis hæc mystica columna nubis & ignis micans meritis & lucens exemplis ad æternam beatitudinem monstrabit viam: *Illuc iter, quò ostendam.*

Exod. 25.

46

2. Cum quondam DEUS Moyse populi Ducem ac Legiferum exactè docuisset, quomodo arcam & propitiatorium cum duobus Cherubinis fabricaret, tandem illi formam tabernaculi cum suis vasis ac supellectile præscripsit, ubi in fine subjunxit: *Inspice, & fac secundum exemplar, quod tibi in monte monstratum est;* videlicet in monte Sina, ubi Moyse 40. diebus cum DEO commoratus multa arcana vidit, & didicit, ut juxta ideam & exemplar ibi conspectum ambularet, & faceret.

Sodalis Mariane ! tibi non solum in exemplar proponitur Christus in monte Calvaria cruci affixus, sed & dolorosa Mater ejus MARIA stans juxta crucem : *Inspice, & fac secundum exemplar, quod tibi in monte monstratum est.* Inspice in ea exemplar summæ obedientiæ, fidei, spei, charitatis, patientiæ, fortitudinis, perseverantiæ, humilitatis, paupertatis, puritatis, contemptus mundi, omniumque virtutum ; neque sufficit hanc ideam inspicere solum, sed & necesse est, si illam dignè colis, & verè amas, ut virtutes illius, saltem quantum potes, imiteris : *Ut impetres, inquit Mellissus, ejus orationis suffragium, non deseras conversationis exemplum ;* & S. Augustinus : *Summa, ait, religio est, imitari quod colimus.*

S. Bernhard.  
hom 2. super  
missus est.

S. Augustin.  
serm. de ss.

Fidelissimus ille armiger Jonatham Dominum suum per præaltos ac præruptos petrarum scopulos contendentem sine mora secutus est, & individuus ei comes in cruento prælio adhæsit : *Dixitque ei armiger suus, perge, quò cupis, & ero tecum, ubicunque volueris.* Ethai vir in paucis egregius Davidem Regem suum à facie Absolonis fugientem generoso sectabatur animo : *Vivit Dominus, & vivit Dominus meus Rex, quoniam in quocunque loco fueris Domine mi Rex, sive in morte, sive in vita, ibi servus tuus.* Abimelechum socii in omni periculo secuti, ejusque mores imitati sunt : *Et arrepti securi, præcidit arboris ramum, impositumque ferens humero dixit ad socios : Quod me videtis facite, citò facite ; igitur certatim ramos de arboribus præcidentes, sequebantur Duce, &c.*

1. Reg. 14.

7.

2. Reg. 15.

21

Judic. 9. 48

Agendum Cliens Mariane ! ascendamus & nos in montem, & hunc Calvarium, atque inspiciamus exemplar, quod à Crucifixo & Crucifixi Matre ibi nobis monstratum est. Consideremus cumprimis fidem dolorosæ Matris, quam stans ad crucis radicem in summo luctu publicè & inspectante ferè orbe terrarum, professæ est, hunc nimirum in maledicto ligno pendentem hominem, vulneratum, plagatum, cruentatum, & pecudi excoiatæ quàm homini similiorem, DEI & suum esse Filium, *DEum verum de DEO vero, &c.* Vide econtrario vacillantem Petri fidem à minimo ventulo concussam ; stat interrim Virgo immunota, ubi terra contremiscit, saxa diffiliunt, & ad ruinam inclinant omnia ; stat, inquam, firmius credens, & sperans, quàm Abraham aut ullus hominum ; proinde meritò de illa dicere poteris, quod olim de dicto Abrahamo : *Contra spem in spem credidit, ut fieret Mater multarum gentium.*

Matth. 26.

70

Rom. 4. 18

Quid de obedientia & resignatione in Divinam voluntatem hujus dolorosæ Virginis enarro ? Per unicum illud FIAT in Verbi incarnatione juxta mentem S. Bernardini Senensis plus promeruit, quàm omnes homines suis actibus, ratio est, quia per illum actum dignitatem Matris DEI saltem de congruo, prout Scholæ loquuntur, meruit, quæ major est, quàm si universi hujus mundi regimen ei fuisset commissum. Accedit, quòd per illud FIAT in omnem Filii passionem pro salute mundi perferendam assensæ fuerit ; un-

S. Bernhard.  
din. serm. 15.  
de Fest. B. V.



de ejus obedientia & resignatio longè major quàm Abrahami extitit, dum ille Filium suum super struem lignorum DEO T. O. M. in holocaustum immolare voluit, hæc autem actu dignissimum Filium suum Patri æterno pro redemptione mundi in acceptabile Sacrificium obtulit. Disce hîc, anime mi, etiam in rebus arduis DEO ac Superioribus obedire; vide, & considera, quomodo inobedientia Vasthi Reginæ cunctis fuerit offendiculo, obedientia autem dolorosæ Matris omnibus sit exemplo. Disce & firmam sæpius in DEUM excitare fidem, quam bona comitentur opera, nam *domestici ejus vestiti sunt duplicibus*, supra quod Richardus à S. Laurentio: *Vestes servorum MARIE sunt fides & operatio. Fides vestis interior, quæ ornat animam in oculis DEI; operatio exterior, quæ coram hominibus nos Christo patienti similes facit.* Disce ulterius te in omnibus Divinæ committere voluntati: *Intemerata Virgo*, ait citatus S. Bernhardinus, *semper habuit continuum aspectum ad DEI beneplacitum promptumque consensum.* Fac hoc & tu & vives.

3. Et quid dico de immensa hujus SS. ac dolorosæ Virginis in DEUM & proximum charitate? Voluit quondam DEUS, ut arca Veteris Testamenti foris & intus aureis laminis velaretur: *Et deaurabis eam auro mundissimo intus & foris, faciesque supra coronam auream per circuitum.* Mensa illa panum propositionis ex nitidissimo auro erat fabricata: *Et inaurabis eam auro purissimo, &c.* Propitiatorium pari ratione ex pretiosissimo auro erat præparatum: *Facies & propitiatorium de auro mundissimo.* Regale illud solium sapientissimi Solymæorum Regis simili obryzo micabat auro: *Fecit etiam Rex Salomon thronum de ebore grandem, & vestivit eum auro fulvo nimis.* Candelabrum illud septiceps in templo quondam asservatum, ex auro speciosissimo erat constructum: *Facies & candelabrum ductile de auro mundissimo, &c.*

Omnia hæc contingebant illis in figura, nobis autem Christicolis non aliud præfigurabant, quàm sanctissimam & intemeratam DEI Genitricem Mariam, verè auream Matrem nostram, quia per aurum amor designatur, ipsa autem est *Mater pulchra dilectionis.* Arca fuit, quia in se Divinum continebat manna, & quidem tota aurea, quippe charitate in DEUM proximum plena; proinde rectissime illud sibi usurpare poterat: *Ordinavit in me charitatem.* Mensa panum propositionis erat omni puritate nitidissima, & auro purissimo (ferventissima scilicet charitate) fulgida, nobis exhibens & subministrans Panem vitæ & Angelorum. Propitiatorium erat aureum, quod peculiariter amorem Virginis dolorosæ in genus humanum ardētissimum præsignavit, quia pro peccatis nostris Filius ejus *propitiatio* factus est, ipsa, prout loquitur S. Ephrem: *Propitiatorium universæ terræ.* Erat & thronus veri ac pacifici Salomonis ex purissimo virginitatis ebore elaboratus, & fulgido charitatis auro vestitus, quia in hoc regali folio Christus, *Qui plus est quàm Salomon*, requievit. Candelabrum denique ductile erat omnibus charitatis face in vita prælucens, ac tunc præ-

Genes. 22. 9  
Esther. 1.  
12  
Proverb. 31.  
21  
Richard. à  
S. Laurent.  
lib. 2. p. 1.  
S. Bernhar-  
din. Tom. 2.  
serm. 51.  
Exod. 25.  
11  
Exod. 25.  
24  
Exod. 25.  
17  
3. Reg. 10.  
18  
Exod. 25.  
31  
Eccles. 24.  
24  
Cant. 2. 1.  
1. Ioan. 2. 2.  
S. Ephrem.  
or. de Laud.  
Virg.  
Matth. 12.  
42

præsertim, ubi tenebræ factæ sunt super universam terram, ubi sol, mundi oculus Matth. 27. oculos suos avertit, ne Dominum suum cerneret morientem; tu, ô pretiosissima Virgo! tanquam lucerna fulgens, non sub modio, sed super montem Calvarium posita, tuarum splendore virtutum universo orbi in maligno posito præluxisti. O charitas immensa! quam nec flumina, nec persecutionum fluctus, nec totus cruentissimæ passionis Oceanus poterant obruere: *Et quod* P. Drexel. *maximas huic amoris faces subdit,* ait V. P. Drexelius, *Vidit & audivit Filium in* Opusc. 13. *cruenta trabe & preces & lacrymas pro inimicis, pro irrisoribus, pro parricidis fun-* cap. 1. §. 2. *dere. Nec ulla Mater felicius imitata est Filium, quàm hæc Divina, plùs quàm Paulus, qui optabat ipse anathema esse pro fratribus suis; Christus autem re ipsa in cruce maledictum pro nobis factus est, & dolorosa Mater ejus stans sub cruce probrosissima maledicti & infamis Filii maledicta & infamis Mater passim audiebat. O anime mi! discè hîc, quo charitatis fervore in Deum & proximum flagrare debeas? Non quærens, inquit Apostolus, quod tibi utile est, sed quod multis, ut salvi fiant, & Dilectus Christi Discipulus: Qui* 1. Cor. 13. 5 *non diligit, manet in morte, &c.* 1. Ioan. 3.

4. Vis, ut de hac dolorosa Virgine plura agglomerem argumenta? Audi & auribus percipe, imò in stylo ferreo pectori tuo inscribe. Hæret anceps Josephi animus, & jam meditatur abitum: *Voluit occultè dimittere eam*; quid Matth. 1. 19 *ad hoc humilis Virgo?* Silet & rem totam Divinæ committit Providentiæ. Imminet partus, offertur non aliud quàm pecudum hospitium: *Non erat eis* Luc. 2. 7. *locus in diversorio.* Silet iterum mitissima Virgo, & patientissimè rerum omnium suffert penuriam. Adest dies primæ sanguinis effusioni destinata: *Ut* Luc. 2. 21 *circumcideretur Puer.* Simeon prædicit acerbissimum doloris gladium & crucem: *Ecce positus est hic in ruinam, & in resurrectionem multorum in Israël,* Luc. 2. 34 *& tuam ipsius animam pertransibit gladius.* Herodes minatur Puero mortem Matth. 2. & interitum; sequitur fuga in Ægyptum & per septem annos exilium, silet 16 *tamen patientissima Mater, & æquo animo omnia sustinet adversa. Et nunquid tunc Angelo, prout observat S. Joannes Chrysostomus, dicere poterat: Incerta ista res est, ac prorsus ambigua: Tū paulò antè dicebas, quia salva-* S. Ioan. Chry- *bit populum suum, & nunc seipsum quidem non potest de periculis liberare, sed fuga* lost. hom. 8. *nobis est necessaria, & peregrinatio ac transmigratio longinqua. Contraria omni-* in Matth. *no sunt facta promissis, &c.* Verùm nihil horum opposuit prudentissima Virgo, non ignorans, alia humana & vana, & alia Divina esse judicia; proinde cum omni resignatione, non obstantibus quibuscunque difficultatibus, Divinam amplexa est voluntatem.

Progredior ulterius. Perditur in templo Filius duodennis, quem per tridu- Luc. 2. 44. *um non sine lacrymis quærit: Joannes Baptista innocentissima per impium* Marc. 6. 27 *gladium occumbit victima: O quàm tristia & infausta hæc Divinæ Matride cæde consanguinei sui fuerunt nuntia! Joseph castissimus maritus infirmatur* ad



S. Bernhar-  
din. Tom. 3.  
art. 2. c. 3.  
p. 462.  
Matth. 13.  
55  
Marc. 6. 4

ad mortem, & extremum Sponsæ Virgineæ vale dicit: *Adfuit*, ait S. Bernhar-  
dinus, *morienti JESUS & MARIA*. Videt pientissima Mater, quòd Filius  
per suam doctrinam & tot miracula non referret nisi convitia, contemptus,  
irrisiones, minas, calumnias & lapides, &c. *Nonne hic est fabri Filius, non-  
ne Mater ejus dicitur MARIA? Et scandalizabantur in illo*. Quæ tamen  
omnia mansuetissima Virgo incredibili morum suavitate tolerat. Tandem  
dilectissimus Filius amarissimæ Matri valedicit mortem probrosissimam in  
infame crucis trabe subiturus; In horto humi prostratus usque ad mortem &  
sanguinis effusionem coangustatur; Judas proditor pessimus eum amicé sa-  
lutando & osculando in manus tradit peccatorum; capitur, & per torren-  
tem Cedron protrahitur; cæditur impudenter in facie veridicus Salvator; ve-  
latur in facie, & multa percussione ac contumeliis per noctem oneratur;  
apud Præsidem Pilatum iniquissimè traducitur; ab Herode dementis instar  
albâ veste amicitur; imperio Romani Judicis ad columnam vincetus atrocis-  
simè flagellatur; spineo & cruento ferto coronatur; toto corpore lacera-  
tus innumeræ exponitur multitudini, acclamantibus omnibus: *Crucifige,  
crucifige eum*; crux gravissima lassus ejus humeris injicitur; sub cruenta cruce  
subsedit humi; vestis ei extrahitur, & loco solaminis amarissimo potatur  
felle; clavis ferreis infami affigitur trabi; maledictus pendet in ligno, ut  
omnium mederetur vulneribus; moritur heu vitæ Author, ut nos peccato  
mortuos ad vitam revocaret æternam; mortuus crudeli lancea in pectore  
transfigitur; de cruce depositum afflictissima Mater materno gremio excipit.  
O pientissima! qualis tunc tibi erat sensus? Quis animus? Qualis mœror?  
Dicat, qui potest, ego hoc explicare non possum; & tamen in his omnibus  
afflictissima Matrem nullum impatientiæ aut indignationis edidit signum,  
nec ullam spirabat vindictam, nec hostibus malè precata est, sed potius cum  
Filio oravit: *Pater dimitte illis, quia nesciunt, quid faciunt*.

LUC. 23. 34

§. O anima Christiana! da mihi talem Matrem, quæ in unico, ac uni-  
cè dilecto Filio talia ac tanta cogatur cernere, cujus tamen animus non con-  
tabescat mœrore ac dolore; & quomodo, oro, possibile fuit, Domina mea!  
tam immensum exhaurire dolorum Oceanum? causam audi: Virgo hæc  
Sacratissima cum Divina voluntate semper erat conjunctissima; & quoties  
in vitæ curriculo ac præsertim tempore passionis secum ingeminavit: *Ita  
Pater, quoniam sic placitum fuit ante te: Ecce, ancilla Domini, fiat mihi secun-  
dum verbum tuum*. Disce hic, quisquis es, anime mi! imitari virtutes SS.  
Matris tuæ, frustra enim eam Matrem tuam vocas, si degener es filius, non  
enim sufficit, si obiter ejus festa colas, si rosarium subinde aut certas ei pre-  
ces dicas, si templa & peregrinationes ejus quandoque invisas, si in Sabbato  
exiguam serves abstinentiam, si sacrum ejus scapulare aut cingulum manci-  
patûs (ut vocant) aut S. Monicæ gestes, &c. Et interim de profectu &

Matth. 11.

26

LUC. 1. 38

imita-

imitatione virtutum ejus parùm sollicitus impuram ac sensualem ducas vitam, omniæ salutis tuæ curam in potentissimum Virginis patrocinium rejiciens, hoc, inquam, non sufficit, cum SS. Deipara tales exigit cultores, qui virtutes Marianas non verbis sed moribus suis exprimunt, *non enim est speciosa laus in ore peccatoris*, æmulare igitur charismata meliora. Rebecca illa ubi sponsa suam vidit tam humilem, in agro contemplantem, & ire peditem, mox de camelo suo descendit, & præ pudore pallio se cooperiens ad Isaaci pedes se abjecit: *Conspetto Isaac, descendit de camelo, &c.* En Sponsus tuus, anima Christiana! candidus & rubicundus humiliavit semetipsum usque ad mortem crucis, & Divina Mater ejus infamis Nati infamis Mater sub cruce facta est, hic novissimus virorum, hæc novissima Mulierum; & tu in alto sedes camelo honorum, dignitatum, divitiarum, æstimationum, ambitionum, deliciarum, voluptatum? Descende, descende, & humilia te. *Esto vilis*, ait S. Bernhart. S. Bernh. in  
*du, quantum potes, nunquam Christo vilior eris, ipse siquidem Rex Regum & Cant. Cant.*  
*Dominus Dominantium vilissimo pretio venalis exponebatur; ipse à vilissimo populo vilissima patiebatur, ipse vilissimo loco tanquam latro cum latronibus neci famosissima tradebatur, ipse cum contemptissimis hominibus contemptissime tractabatur; etenim tanquam malefactor bonus Dominus capitur, tanquam furiosus mansuetus vinculis adstringitur, tanquam pestifer Salvator accusatur, tanquam homicida vita hominum turpissima morti addicitur & damnatur, tanquam leprosus & immundus mundator criminum extra mœnia ejicitur, tanquam flagitiosus ab omnibus confundendus ac subsamandus vestibus expoliatur, & nudus in cruce elevatur, & tanquam vilissimus vermis DEUS ipse conspuitur & proculcatur.* Et si ille talia ac tanta pro te, quid tu pro illo? Si omnes illi Christi patientis dolores SS. Matri compatiendi fuerunt communes, quid tu pro illa? Et nunquid insignem facis Christo injuriam, si illius immemor vivis passionis, & velut ingratum pecus tuis innatas concupiscentiis, voluptatibus, vitiis? Ita B. Virgini ac Matri dolorosæ planè injuriosus es, & sodalis ingratisimus, si ipsi tanquam filius non compateris, quem sub cruce per Christum tanto cum dolore & lacrymis generavit.

6. Refert Joannes Pierius de Pica, quæ, ubi Romæ aliquando buccinatores audierat, tantæ rei novitate obtupefacta alto silentio per aliquot dies conticuit, tandem repente quasi de somno expergefacta omnem illum buccinatorum sonum, harmoniarum & musices numeros summâ omnium admiratione imitata est. Ovss Labani, quia virgas à Jacob decorticatas, & in canalibus, ubi aqua effundebatur, positas, sedulò contemplatæ sunt, similem in fœtibus reddiderunt formam: *Factumque est, ut oves intuerentur virgas, & parerent maculosa & varia, & diverso colore respersa.* Quid in ovibus rationalibus non possit Christi JESU Crucifixi & sanctissimæ Matris ejus dolorosæ exemplum, si eorum vitam & mores attentiore mente fuerint contemplatæ?

Mater Dolorosa.

O o o

Habet

Joan. Pier.  
 Hierogl.  
 l. 23. c. 17.

Genes. 30.  
 30



Threnor. 4.

20

Origen. in  
Catena.

Ruth. 2. 3.

S. Gregor.

Thaum. ser.

1. de An-

nunt. idier.

de Laud. B. V.

Justin.

Miechov.

Tom. 2. disc.

232.

Hadr. Lyr.

in Trisag.


pausa. 9. &amp;

alii.

Habet hoc umbra, quòd hominis gestus & gressus, nutus omnes & corporis motus exactè imitetur; unde rectè Origenes supra illud Threnorum: *In umbra tua vivemus: In umbra*, inquit, *ejus* (loquitur de Christo) *vivemus, hoc est, ad imitationem ejus.* De Ruth recenset Scriptura; quòd post terga metentium spicas collegerit; colligamus & nos reliquias virtutum dolorosæ Virginis Mariæ, fortitudinis videlicet, obedientiæ, charitatis, patientiæ, resignationis, paupertatis, fervoris in bonis, mansuetudinis, contemplationis, silentii, mortificationis, puritatis, &c. Et quemadmodum pictores sæpè inspicere assolent exemplaria, ut ea pingendo imitentur, ita nos Clientes, ac Sodales, imò filii Mariæ, hujus pientissimæ Matris nostræ exemplar virtutum jugiter intueamur, ut ea imitemur, & hic est cultus præcipuus imitatio virtutum: *Hac*, ait S. Gregorius Thaumaturgus, *credentium firmamentum & piorum perfectum exemplum, & doctissimus Idiota: Virtutum exemplar MARIA est.*

7. Coronidem huic nostræ imponat Considerationi S. Philippus Benitius, cui, ejusque primis Sociis, cùm in die Parasceves Christi Redemptoris nostri cruciatus & SS. Matris ejus dolores pià ac gratà mente recolerent, ipsa hæc SS. Deipara Angelis Passionis Dominicæ instrumenta præferentibus, stipata apparuit, illa verò vestem nigram ac lugubrem, quam imposterum in suorum dolorum gestarent memoriam, unâ manu, & alterâ regulam S. Augustini, quam profiterentur, præ se tulit: *Et hic*, inquiebat, *vester erit habitus & servi MARIE Virginis vocabimini.* Qui præclarus Ordo anno Christi 1231. fundatus etiamnum hodie appellatur Ordo Servorum Mariæ, quibus septem primis sacri Ordinis Sociis & Fundatoribus, cùm Florentiam introissent, infans ex brachiis Matris pendens cum aliis infantibus acclamavit: *Hi sunt servi MARIE.* Quàm beato autem fine omnes isti servi dolorosæ Matris DEI expirârint, vide R. P. Casparum Taufsch S. J. in libro de dolorosa Matre apud me fol. 600. ubi & plures praxes colendi hanc dolorosam Matrem reperies.

Quid nunc restat, Lector Mariane! quàm ut hanc SS. Deiparam sub cruce totius generis humani Matrem constitutam pià devotione recolamus, atque veneremur, quæ sanguinem suum, quem in incarnatione Filio obtulit, in passione per eundem Filium effudit, & gladio Simeonis faucia humanæ salutis, quantum fieri poterat, collaboravit. Faxit DEUS, ut hæc devotio erga dolorosam Virginem ubique locorum in Ecclesia DEI crescat, & in honorem illius pluribus in locis erigantur Sodalitates. O felices clientes illos, qui sub tutela ac protectione dolorosæ Virginis moriuntur.



# CONSIDERATIO LXVII.

In B. Virginis patrocinio in SS. Rosario omnibus  
Christianis magna fiducia collocanda est.



Et tenebit me dextra tua.

*Psalm. 138. 10.*

I. **L**etissimus est ille Labyrinthus Creticus, quem quondam  
Dædalus faber Atheniensis artis suæ peritissimus iussu Re-  
gis Minois construxisse fertur, in quo & Minotaurum in-  
clusit, qui viatores per inextricabiles & multiplices via-  
rum inflexus errantes tandem crudelem in modum de-  
voravit. Accidit, ut & Theseus Ægei Athenarum Regis filius eundem laby-  
rinthum ingrederetur, truculentum illum occisurus Minotaurum, cujus mi-  
sera Ariadna filia Regis Minois filum illi porrexit, cujus ope non Laby-



rintho duntaxat evasit, sed & monstrum illud immane, crudele, horrendum trucidavit.

S. Augustin.  
serm. 3. ad  
fratres in  
Exemo.

Quid aliud est mundus iste immundus, quàm talis labyrinthus, exte-  
riori quidem vultu aliquam præ se ferens suavitatis speciem, reipsâ autem  
sequeces suos decipiens, ac perdens: *O munde proditor*, inclamat Magnum  
illud Africanæ Ecclesiæ Sidus S. Augustinus, *qui cuncta bona promittis, &*  
*cuncta mala profers, promittis vitam, & donas mortem, promittis gaudium,*  
*sed largiris mœrorem; promittis quietem, sed ecce turbatio, promittis stare, sed*  
*citò recedis: Non ergo diligendus es munde, quoniam omnino transis, & con-*  
*cupiscentia tua velut fumus evanescit.* Oportet ergo, ut inter tot animæ cor-  
porisque pericula, rerumque discrimina, nobis maturè de fida Ariadna cum  
Theseo provideamus, quæ salutis nobis semitam per tot anfractus adèò in-  
tricatos non tam edoceat, quàm & manu suâ ad tutam salutis viam ac cœle-  
stem patriam deducat. Ariadna ista SS. Virgo in SS. Rosario est, quæ non  
ignara mali, quia dolorosa Mater, miseris succurrere didicit, & Minotau-  
rum illum infernalem jam pridem, imò jam in ortu suo contrivit. Juvat  
hic audire Christianum Poëtam:

*Quam bene cœca regit filo vestigia Theseus,  
Semivirum postquam percudit ense bovem?  
Cernis, ut immensis arboribus antra resolvens.  
Perplexæ, ad tutas exeat ille vias.  
Nos procul, heu patriâ via dividit inviâ sede,  
Et circum semper nos Labyrinthus agit.  
At quid Virginæ Matris data fila sequetur,  
Tutior, edomitis hostibus, astra petet.*

Psalm. 133.

10

Hinc rectè nostræ Considerationi illud Davidicum præfiximus: *Et te-*  
*nebit me dextera tua*, Labyrintho autem, ex quo B. Virgo & Regina SS. Ro-  
sarii viatorem lapsam manu suâ, filoque dato ad securam salutis æternæ viam  
reducit, pro Lemmate inscribere placuit:

### Hac duce tuta via est.

Genes. 21.

14

Genes. 37.

15

Luc. 15. 4

2. Ita est: *Te duce tuta via est.* Agar cum Ismaële filio in deserto à  
recto tramite aberrantem Angelus de cœlo lapsus in viam rectam reduxit:  
*Errabat in solitudine Bersabee, &c.* Josephum in agro errantem vir quidam  
edocuit, quâ viâ in Dothaim securè ad fratres suos perveniret: *Invenitque*  
*eum vir errantem in agro, &c.* Ovem illam in solitudine à grege suo aber-  
rantem pastor ille bonus in viam rectam, & ad ovile suum retrodixit: *Va-*  
*dit ad illam, quæ perierat, donec inveniat eam, &c.*

O pien-

O pietissima Domina! quot peccatorum myriades, per cœcos voluptatum labyrinthos tendentes, & sic à toto cœlo aberrantes per SS. Rosarium tuum ad cœlestis patriæ tramitem reduxisti? Funiculus ille coccineus è fenestra quondam suspensus, in devastatione Jericho universæ domui Rahab tutissimum salutis signum extitit: *Appendit funiculum coccineum in fenestra, &c.* Pluribus autem, imò innumeris Sacratissimum Rosarium MA-RIÆ è peccatorum cœno & dux & semita salutis fuit; & nunquid *funiculus triplex difficile rumpitur?* Funiculus ille triplex pulcherrima figura Sacratissimi Rosarii est, quod tria Sacratissima mysteria, videlicet: *Gaudiosa, Dolorosa, & Gloriosa* connectit, epitomenque præsignat totius Novi Testamenti & doctrinæ Christianæ, in hoc enim cuncta salutis nostræ mysteria & vita Christi JESU ac SS. Matris ejus piâ meditatione recolitur.

Proinde quod olim fuit fortissimæ Mulieri Thebanæ fragmen molæ, quo impii Abimelechi caput confregit: *Et ecce, una mulier fragmen molæ desuper jaciens, illis capiti Abimelech, & confregit cerebrum ejus.*

Quod Judithæ heroinæ fuit gladius, quo in castris Assyriorum arrogantissimum Holofernus caput resecurit: *Cumque evaginasset illum, apprehendit comam capitis ejus, & ait: Confirma me DEUS in hac hora; & percussit bis in cervicem ejus, & abscondit caput ejus.*

Quod Davidi Puero funda fuit & lapis, quibus Goliath immanem illum Gigantem & carneam turrin generose stravit: *Prævaluitque David adversum Philistæum in funda & lapide.*

Quod Jaheli fuit clavus ille ferreus, quo dormientem in tentorio Sisaram terræ affixit: *Tulit itaque Jahel uxor Haber clavum tabernaculi, assumens pariter & malleum; & ingressa abscondit & cum silentio posuit super tempus capitis ejus clavum, percussumque malleo defixit in cerebrum usque ad terram: Qui soporem morti consocians defecit, & mortuus est.*

Quod denique Joabo fuerunt tres illæ lanceæ, quibus cor Absolonis impiissimi parricidæ in quercu pendentis transverberavit: *Tulit ergo tres lanceas in manu sua, & infixit eas in corde Absolon.*

Hoc nobis Christicolis Sacratissimum Rosarium est; fragmen, inquam, molæ: quo insidiantis diaboli caput conterimus; gladius, quo inimicos S. Matris Ecclesiæ humiliamus; funda & lapis, quibus contra carnem, mundum & dæmonem prævalemus; clavus ferreus, quo tentationes & passionis affigimus; & triplex tandem lancea, quâ contra omnes animæ, corporisque hostes decertamus: *Qui ex toto corde, inquit Michaël ab Insulis, ad serviendum Virgini in hac fraternitate se obtulerit; eamque toties salutaverit, ejusque dulce Filii nomen toties devotè invocaverit, finaliter non peribit.* O verba consolatione plena!



3. Verùm progrediamur ulterius. Ubi minutæ sunt aquæ diluvii, & odoratus est Dominus holocausti in oëmici suavitatem, placuit Divinæ Majestati de non amplius in ducendo diluvio certam statuere tesseram; in quem finem arcum tricolorem, seu iridem in nubibus cœli radiantem assignavit:

Genes. 9. 13

*Arcum meum ponam in nubibus, & erit signum fœderis inter me, & inter terram.*

Cornel. hic.

Cornelius à Lapide per hanc iridem Verbum incarnatum. & carne velatum subaudit, per triplicem autem colorem, viridem videlicet, gratiarum & virtutum ejus florem, per rubicundum ejus cruentam passionem, & per cœruleum, seu cœlestem, assiduam ejus contemplationem & orationem, &c.

Addamus nos, quòd hic tricolor arcus pulcherrimum sit Sacratissimi Rosarii Symbolum, quod in tribus potissimum coloribus, seu mysteriis *Gaudiosis, Dolorosis, & Gloriosis* consistit. Et quid color viridis aliud præsignat, quàm incarnationem Verbi, per quam prima salus & spes mundo apparuit, quæ peculiariter in primis quinque gaudiosis elucet mysteriis? Et quid color purpureus in iride aliud adumbrat, quàm dolorosa illa quinque Dominicæ Passionis mysteria, in quibus pretiosissimus orbis Salvator JESUS pro nostra, omniumque salute omnem sanguinem profudit, & dolorosa Mater ejus MARIA versa est in sanguinem; ita B. Albertus Magnus: *B. Virgo, inquit, conversa est in sanguinem, quando intellexit dulcissimum Filium suum traditum & captum, &c.* Et quid cœruleus ille, igneo nonnihil & subflavo mystus color, aliud in arcu illo nobis demonstrat, quàm gloriosa illa quinque mysteria, quæ gaudium annuntiârunt universo mundo? O anima Christiana! *Vide arcum, & benedic eum, qui fecit illum*, positus enim est hic arcus mysticus in signum pacis & fœderis DEUM inter & hominem, cœlum inter & terram: *Habentibus devotionem*, ait B. Alanus, *ad ipsam* (B. Virginem in SS. Rosario) *signum est permagnum ordinationis & prædestinationis ad gloriam.*

B. Albert.  
Magn. serm.  
Dom. Advent.

Eccles. 43.  
12

B. Alanus  
p. 5. cap. 4.

4. De Moyse recensent Sacræ Litteræ, quòd, cùm oves Jethro pasceret, eas aliquando ad interiora deserti minaverit, ut orationi & silentiori contemplationi vacaret intensius. Et ecce ubi ad montem Horeb & ad intimam pervenit eremum, subito advertit rubum quendam ardentem, & in igne incombustum: *Apparuitque ei Dominus in flamma ignis de medio rubi: & videbat, quòd rubus arderet, & non combureretur.* Ignis hæc erat visio, quia ingens latebat Sacramentum: *Ignis in rubo*, ait Cornelius, *est DEUS in carne, sive Verbum caro factum.* Et quisnam erit ille rubus, in quo Dominus (Theodoretus putat fuisse Filium DEI) Moysei opilioni apparuit? Aliqui dumetum fuisse asserunt sentibus horridum, alii verum rubum, seu fruticem hamatum, qui vel solo vulnerabat actu. Sed Eucherius in hunc locum affirmat fuisse rosetum sylvestribus abundans rosis. In hoc ergo spinoso ro-

Exod. 3. 2

Cornel. hic.

feto placuit Divinæ Bonitati sese Moyſi reddere ſpectabilem, ut illum & afflictoſ conſolaretur Judæos, tum temporis intervallo ſub intolerabili Ægyptiorum jugo vix non oppreſſos : *Vidi afflictionem eorum, &c.*

En Cliens Mariane pulcherrimum Sacraſſimi Roſarii typum. Roſa Sylveſtris quinque diſtinguitur foliis, & Roſarium per quinquagenas dividitur. Roſa iſta corpori medicinalis eſt, plùs SS. Roſarium animæ. Roſa illa licet non culta grati ſpargit odoris fragrantiam, Roſarium uſque ad ultimos terræ fines ſuaviſſimum extendit virtutis odorem. Roſa iſta vel alba, vel rubea, vel flava eſt, an non triplex iſte color tria Sacraſſimi Roſarii myſteria pulcherrimè adumbrat? O beatiffima Virgo & Regina Sacraſſimi Roſarii, tu per illud roſetum, in quo Dominus Moyſi apparuit, præſignata eſ : *Ut frutex*, ait S. Gregorius Nyſſenus, *incendit ignem, & non crematur : itidem etiam Virgo & lumen parit, & non corrumpitur.* Quantam ergo fiduciam, O Sodales Mariani! in hac Sacraſſima Deipara poſſumus collocare, ſi illam ut Matrem ac Reginam noſtram filiali colimus, ac diligimus amore? *Salutate Mariam, quæ multum laboravit in vobis.*

S. Gregor.  
Nyſſ. orat.  
de Chriſt.  
Nat.  
Rom. 16. 6

5. David quondam per citharam ſuam malignum ſpiritum à Saule fugavit : *David tollebat citharam, & percutiebat manu ſua, & reſocillabatur Saul, & levius habebat ; recedebat enim ab eo ſpiritus malus.* Cithara hæc Sacraſſimi Roſarii figura extitit, tolle hanc citharam myſticam, ſi te invadit diaboli & carnis tentatio, ſi te undique apprehendunt mala, cithariza, quantum potes, & recedet à te ſpiritus malus, & melius habebis : *Bonum eſt confiteri Domino, & pſallere nomini tuo Altiffimè ! ad annuntiandum manè miſericordiam tuam, & veritatem tuam per noctem, in decachordo, pſalterio, cum cantico in cithara.*

1. Reg. 16.  
23

Pſal. 91. 1

Et quis ignorat, quàm potentes fuerint unius Moyſis præces, quæ totius populi impetrarunt ſalutem; dum enim juſtiſſimum Numen ob conſlatum & adoratum aureum vitulum populum vellet diſperdere : *Dimitte me, ut irasceatur furor meus contra eos :* Moyſes repoſuit : *Recordare Abraham, Iſaac & Iſraël, ſervorum tuorum, &c.* Et quid ſequitur? *Placatusque eſt Dominus, ne faceret malum, quod locutus fuerat adverſus populum ſuum.* Vide hîc, & conſidera, anime mi ! quomodo unius Moyſis oratio Omnipotentis DEO manus ligaverit, ne populum peccantem & idololatrantem à facie terræ deleret. Si tantum valuit apud DEUM unius hominis juſti oratio; quantum magis proderit oratio multorum juſtorum? Si decem fuiſſent juſti in Sodomis, non fuiſſent civitates illæ cœleſti igne ſubverſæ : *Quid ſi inventi ibi fuerint decem? & dixit : Non delebo propter decem.* Plures ſine dubio juſtæ & innocentes ſunt animæ in Archifraternitate Sacraſſimi Roſarii, quæ à Solis ortu uſque ad ejus occaſum ſe extendit; quid ergo tot piæ mentes apud DEUM poterunt efficere?

Exod. 32.  
10

Genef. 18.  
32



Jofue. 10.

12

Iſa. 38. 8.

Jacob. 5. 18

Jonæ. 2. 3

Dan. 13. 24

S. Ambrof.

ſup. ep. ad

Rom.

S. Bernhard.

ſerm. de Nat.

B. V.

Exod. 32.

13

Rom. 1. 16

Ioan. 8. 56

Gen. 21. 6

Gen. 22. 6

Genef. 28.

12

Exod. 32.

10

Oratio Joſue Solem ad occaſum properantem ſiſtebat: *Sol contra Gabaon ne movearis.* Oratio Ezechix eundem Solem decem lineis retrogredi fecit: *Et reverſus eſt Sol decem lineis per gradus, quos deſcenderat.* Oratio Eliæ mundo pluviā impetravit: *Oravit & cælum dedit pluviā, & terra dedit fructum ſuum.* Oratio Jonæ de abyſſo maris & utero piſcis ad Dominum penetravit, eumque ab interitu eripuit: *De ventre inferi clamavi, & exaudiſti vocem meam.* Oratio Sufannæ, cum omne abeſſet conſilium humanum, ad cœlos pervenit, eamque priſtinæ ſaluti & honori reſtituit: *Exaudivit autem Dominus vocem ejus.* Quid apud DEUM non faciet tantus populus Confraternitati Sacratiffimi Roſarii inſcriptus: *Impoſſibile eſt,* ait S. Ambroſius, *preces multorum non exaudiri; & ſi illæ non exaudirentur, exaudiet tamen Filius Matrem: Advocatam, ſubintrat hic Melliffuus, habere vis ad Chriſtum? ad Matrem recurre: Exaudiet utique Matrem Filius.*

6. Obſervandus eſt autem hic ille modus, quo Moyſes pro ſalute populi ad DEUM oravit, ejuſque furorem mirè placavit: *Recordare,* inquebat, *Abraham, Iſaac & Iſraël,* ſeu Jacob, &c. En ruruſ typum elegantiffimum in Sacratiffimo Roſario B. V. MARIÆ expletum. Abraham repræſentavit prima quinque myſteria gaudioſa, ad Abraham enim promiſſiones de Verbo incarnando factæ ſunt: *Nuſquam enim Angelos apprehendit, ſed ſemen Abrahæ apprehendit;* de quo Veritas Chriſtus: *Abraham exultavit, ut videret diem meum, vidit, & gaviſus eſt.* Cui & Dominus riſum fecit, cùm ei Iſaacum communicavit. En myſteria gaudioſa. *Recordare Iſaac.* Et nunquid in Iſaaco quinque alia & doloroſa Sacratiffimi Roſarii myſteria adumbrata ſunt, dum ſeſe voluntariè DEO ad victimam præſentavit, & ligna holocauſti propriis humeris ad montem *Dominus videbit* transportavit: *Tulit quoque ligna holocauſti, &c.* Vis & myſteria glorioſa? *Recordare Jacob,* qui poſt longam à fratre Eſau exantlatam perſecutionem in Melopotamiam fugiens, ac in via dormiens mirabilem illam ſcalam vidit, per quam Angeli in cœlum aſcendebant, & in terram deſcendebant, viditque Dominum innixum ſcalæ ſe conſolantem, unde evigilans gaudio & ſtupore plenus exclamavit: *Verè Dominus eſt in loco iſto: Non eſt hic aliud niſi domus DEI & porta cæli.* En hic umbram Roſarii glorioſi & myſteriorum ejus.

Anima Chriſtiana! ſi cum Moyſe deſideras Omnipotenti DEO ligare manus, ne te ſecundum tua demerita puniat, & in æternum à facie ſua projiciat: *Dimitte me, ut irſcatur furor meus;* En habes fortiffimum ligamen, Sacratiffimum Roſarium. Imitare proinde hunc orandi modum per quinque Sacratiffima myſteria: *Recordare Domine Pater, Deus cœli & terræ, Filii tui incarnati, &c.* *Recordare Filii paſſi & crucifixi; Recordare Filii tui glorioſe à mortuis reſurgentis, ac Sacratiffimæ Matris ejus Mariæ, quæ omnium horum quindecim myſteriorum particeps fuit, & ob gratiam ac merita illo-*

rum

rum dimitte universa delicta nostra, &c. *Talis oratio humiliantis se nubes pe-* Eccles. 35.  
21  
*netrabit, & non descendet, donec altissimus afficiat.*

7. Ad confirmandam hanc veritatem occurrit mirabilis illa expugnatio, quæ Josue invictissimus belli Dux juxta ac pientissimus Jerichuntem, civitatem munitissimam expugnavit: *Igitur omni populo vociferante, & clam-* Josue. 6. 20  
*gentibus tubis, postquam in aures multitudinis vox sonitusque increpuit, muri il-*  
*lico corruerunt: & ascendit unusquisque per locum, qui contra se erat, ceperunt-*  
*que civitatem, &c.* Si Josue ad expugnationem mœnium ferreos admovisset arietes, quibus olim Romani ad dejiciendos muros utebantur, si tormenta bellica applicasset, prout nunc temporum intervallo in belli expeditionibus adhiberi solent; si transversis cuniculis hostium excepisset cuniculos, & ope pulveris nitrati muros, turres, domosque solo æquasset, non equidem mirarer Jerichuntem tam subito destructam, everfam, dirutam ac depopulatam; sed quod ex solo populi clamore tubarumque sonitu, muri illico corruerint, res altioris indaginis est.

Observa, anime mi! *Jericho*, ait Lyranus, *significat civitatem culpæ.* Lyran. hic.  
*quam fecit amor sui usque ad contemptum DEI,* cujus muri dejiciuntur non tam per Verbum DEI, quàm & per clamorem populi, tubarumque sonitum, hoc est, prout ulterius commemorat idem Lyranus, *clamore devotæ orationis*, dum videlicet Sodales & Confratres Sacratissimi Rosarii uno quasi ore & voce ad cœlum clamant, & in animo devoto, contrito, ac humiliato coronam B. Virginis recitant, in qua publica oratione illud Sapientis verificatur: *Frater, qui adjuvatur à fratre, quasi civitas firma;* & si Os Veritatis Proverb. 18.  
*locutum est: Si duo ex vobis consenserint super terram; de omni re, quamcun-* 19  
*que petierint, fiet illis à Patre meo, qui in cælis est; ubi enim duo vel tres congre-* Matth. 18.  
*gati sunt in Nomine meo, ibi sum in medio eorum.* 19 Quânto magis fiet, & orantium exaudietur supplicatio, si tot millia Confratrum ac Sororum in Sacratissimo Rosario consenserint in unum, & per manus pientissimæ Matris ac Reginæ suæ vota ac preces suas SS. Trinitati obtulerint? *Quidquid illud,* ait s. Bernhard. Mellissius, *quod offerre paras, Mariæ commendare memento, si non vis su-* lib. 11. Ro-  
*stinere repulsam.* rum. cap. 6

8. Pro dictorum coronide duas consideremus Reginas, quarum prima est Bethsabee, quæ ubi ad Salomonem filium ingressa est, ut Adoniæ Abisag Sunamitidem postularet in uxorem, mox à Rege repulsam talit: *Quare postulas Abisag Sunamitidem Adoniæ? postula ei regnum.* 3. Reg. 2.  
Econtra Regina 22  
Esther à Rege Assuero plùs obtinuit, quàm unquam ausa fuit postulare: *Si inveni gratiam in oculis tuis ô Rex, & si placet tibi, dona mihi animam meam, pro qua rogo, & populum meum, pro quo obsecro;* cujus juxta petitioni non solum Rex annuit, sed & dimidium regni sui ultro illi in donum gratuitum obtu-

Mater Dolorosa.

Ppp

obtu-



**Esther. 5. 6** obtulit: *Etiam si dimidiam partem regni mei petieris, impetrabis.* Et quare; obsecro, una Regina suæ petitionis patitur repulsam, & alteri plus, quàm postulat, donatur?

**Esth. 15. 8**

**Ecclef. 24.**

18

**Richar. à S.**


**Laur. l. 12.**

**de Laud. V.**

**Prov. 1. 8**

Adverte: Non erat conveniens Bethsabæe intercessio, quia Adonias per illas nuptias clam & subdolè ad ipsum Salomonis suspirabat regnum, quapropter eodem adhuc die à sapientissimo illo Rege interfectus est. Contra Regina Esther omnium oculis gratiosa figuram B. Virginis & Reginæ Sacratissimi Rosarii sustinuit, de illa enim Sacræ Paginæ commemorant: *Ipsa autem roseo colore vultum perfusa, & gratis ac nitentibus oculis tristem celabat animum.* Nota tò roseo colore, MARIA enim est quasi plantatio rosa in Jericho; Supra quod Richardus à S. Laurentio: *MARIA*, inquit, *rosa dicitur, sed Jerichuntina, quia in Jericho crescunt rosæ speciosissimæ, habentes centum quinquaginta folia*, quot integrum Rosarium in se continet Ave MARIA. O felix anima! si sapius hanc Sacratissimam Rosarii Reginam ejusmodi roseo ferto coronaveris: *Audi Fili mi*, ait Sapiens, *ne dimittas legem Matris tuæ, ut addatur gratia capiti tuo, & torques collo tuo.* Torques Sacratissimum Rosarium est, ex pulcherrimis & variarum virtutum catenulis compositus, & pretiosissimis interstinctus gemmis, quò cœli Magnates conspiciunt & Clientes Mariani. Eja age, quisquis es, prudens Lector, & tu in Sacratissima Virgine lauda DEUM, laus enim MARIÆ est laus DEI; apprehende arma & scutum, Sacratissimum Rosarium tuum, quod quotiè die in obsequium Magnæ Matris tuæ evolves, *ut addatur gratia capiti tuo, & tandem vita æterna.*





# CONSIDERATIO LXVIII.

B. Virgo in SS. Scapulari clientibus suis in hac & in altera vita benigna Mater est.



Clypeus est sperantibus in se.

*Prov. 30. 5.*

I. **D**avid formâ egregiâ adolescens, cui non minus auctoritatis, quàm gratiæ inerat, cum contra Goliath Philistinum, immanem illum gigante n, in arenam nunc descenderet, singulari cum illo dimicaturus duello, prius sese ad hanc pugnam baculo suo pastoritio, quinque limpidissimis lapidibus, fundâ & perâ armavit, quibus armis & DEI potissimum protectioni confusus generoso animo hostem suum aggressus est, & potenti virtute superavit; *Trajectoque cavo terebravit vulnere frontem.* Audi Scripturam: *Et i. Reg. 17.*



*misit manum suam in peram, tulitque unum lapidem, & fundâ jecit, & circumducens percussit Philistæum in fronte, &c.*

Iob. 7. 1

Anima Christiana! Et nunquid *militia est vita hominis super terram*? Pugnandum tibi erit, nolis, velis cum dæmone, carne, mundo, morbis, tentationibus, aliisque innumeris periculis ac miseriis, ac tandem cum ipsa morte; proinde maturè in rem & salutem tuam vigila, atque de armis, quibus inimicos tuos expugnare valeas, tibi provide; arma autem Christiani hominis potissimè sunt baculus, quinque lapides, funda & pera. Per baculum Davidis D. Augustinus crucem Dominicam subaudit, sicut enim canis baculum, sic diabolus formidat crucem; per quinque lapides rectè quinque SS. Christi Vulnera intelliges, per fundam SS. Rosarium, & per peram SS. Scapulare, quibus Spiritualibus instructus armis infernalem Goliath, omnesque hostes tuos facili conatu superabis.

S. Augustin.  
serm. 197.

Annal. Angliæ  
l. 7. c. 5

De Arcturo Angliæ Rege recensent Britannia Annales, quòd clypeum sibi parari jusserit, in cujus interiore facie B. Virgo cum JESU parvulo Filio eleganti penicillo erat depicta, in quam SS. Deiparam quoties in bello aliquod imminerebat periculum, Rex oculorum aciem conjiciebat, ejusque opem impensius implorans de hoste gloriosè triumphabat. Contigit aliquando, cum in cruento prælio milites jamjam meditentur fugam, ut Rex inverso scuto pretiosissimæ Virginis ac Deiparæ imaginem trepidantibus ostentaret militibus, elatâ exclamans voce: *Ecce quâ nos militamus*; ad cujus beatissimæ Virginis & dulcissimi Filii conspectum milites de novo confirmati, resumpto animo in hostiles irruere turmas, & inimicum exercitum ingenti clade profligarunt: Cui clypeo exinde Rex hæc verba insculpi voluit: *MARIA salus patria.*

P. Andr. à  
S. Theres.  
Carmel. &  
plures ali.

Hunc Arcturum Regem anno salutis nostræ 1620. in pugna ad Pragmam probè imitatus est Venerabilis P. Dominicus à JESU MARIA, Carmelitarum Discalceatorum Generalis ac Præpositus dignissimus, vir morum innocentia & sanctitatis famâ notissimus, qui in cruento illo prælio, in quo à Serenissimo Bavaria Duce Maximiliano tessera militaris *Santa MARIA* erat, non duntaxat exercituum Dominum in cruce sublimem, tanquam ante ambulonem, sed & in pectore pro lorica & scuto inexpugnabili B. Virginis MARIE effigiem præferebat, quorum ope acies hostiles pulsæ, hostis cæsus, & insignis victoria in summum Reipublicæ Catholicæ commodum reportata est in Octava omnium Sanctorum, Dominica 22. post Pentecosten, ubi Evangelium cantari solet: *Reddite ergo, quæ sunt Cæsaris, Cæsari, & quæ sunt DEI DEO*; quam exinde sacram Deiparæ imaginem Serenissimus Bavaria Dux & paulò post S. R. I. Elector Maximilianus hoc inscripto exornavit: *Clypens est sperantibus in se*, cui Divæ Virgini & Matri, Carmelitarum gloriæ & Ecclesiæ Orthodoxæ protectrici, pro Emblemate scutum

Luc. 20. 25

Prov. 30. 5

tum mucronatum, prominente in ejus medio cuspide, subjicimus, cum Josus. 5. 18 inscripto: *Tutatur & armat*: vel scutum Josue, quo urbem Hai expugnavit: *Lava clypeum contra urbem Hai, quoniam tibi tradam eam, cum Lemmate*:

## Præsidium & decus.

Ita, ô beatissima Virgo, in SS. Scapulari & nobis scutum & lorica es, tutans & armans, defendens & arcens, *tutela, decusque*.

2. David invictissimus belli Dux, ubi ad regale solium evectus est, in urbe Solymæa juxta arcem Sion fortissimam turrin ex quadris lapidibus ferro & plumbo indissolubiliter compactis, cum propugnaculis construxit, ex qua non gladios aut lanceas, non arcus aut tela, neque alia instrumenta bellica, sed meros clypeos appendit: *Mille clypei pendent ex ea: Omnis armatura sortium*. Ad quid, obsecro, tot clypei in Davidica turri? Si litterarum inspicis, David scuta illa bellica non tam ad terrorem inimicorum, quam ad splendorem civitatis suæ in eminentiori turris loco suspendit. Verum SS. Patres per hanc turrin Davidicam communiter cum Ecclesia SS. Deiparam intelligunt, quæ *terribilis est ut castrorum acies ordinata*, ex qua mille clypei pendent: *Mille clypei*, ait S. Doctor Angelicus, *sunt mille remedia contra quavis pericula ex beata Virgine pendentia*.

Cant. 4. ♣

Cant. 6. 9.  
S. Th. Aq.  
Opusc. 4.

Eques ille optimis adornatus operimentis, qui contra impium Heliodorum, orantibus Machabæis, pugnabat, *Videbatur arma habere aurea*. Aliàs videbantur in aëre per quadraginta dies *cursum equorum per ordinem digestos, & congressiones fieri cominus, & scutorum motus, & galeatorum multitudinem gladiis districtis, & telorum jactus, & aureorum armorum splendorem, omnisque generis loricarum*. Aliàs etiam *refulsit sol in clypeos aureos & areos: resplenduerunt montes ab eis, & resplenduerunt sicut lampades ignis*. O Virgo pretiosissima! tu in Archifraternitate benedicti Scapularis tui clientibus tuis non galea & lorica tantum, sed & scutum aureum es, galea enim solum caput tegit, lorica pectus & humeros, sed scutum integram tutatur corpus; erant enim antiqua illa scuta bellica tantæ magnitudinis, ut unum eorum totum hominem facile tegeret, atque à telis totum corpus defenderet: Talis, inquam, clypeus, ô beatissima Virgo de monte Carmelo es, totum corpus Ecclesiæ protegens, & mundum tuo tutans patrocínio: *Dudum*, ait S. Fulgentius, *cælum & terra ruisent, nisi MARIA precibus sustentasset*; & S. Antoninus: *Data est tibi, ô Domina, omnis potestas in cælo & in terra, ut quidquid volueris, valeas efficere*.

2. Mach. 3.  
25  
2. Mach. 11  
3.  
1. Mach. 6.  
39

S. Fulgent.  
lib. 4. Mytholog.  
S. Antonin.  
serm. 2. de Coronat.  
MARIAE.



3. Cæterum varii varia in suis clypeis ac signis gentilitiis volebant pingi, ac insculpi Symbola. Wenceslaus Imperator in scuto suo navim incidit voluit, cum Lemmate: *Ventis parendum*. Otto Wittelspachius apud Lukium Equum Trojanum, cum inscripto: *Audendum*. Alexander de Medicis primus Hetruriæ Dux Rhinocerotem, cum Epigrapha: *Non redeo nisi victor*, Stanislaus Hossius venationis amans, venatorem humeris cervum portantem, cum Lemmate: *Onus meum leve*. Olympia Ursina in scuto suo flammam adumbrari voluit acuminatam, cui inscripsit: *Nunquam deorsum*. In scuto Lacedæmonum erat exaratum: *Aut in hoc, aut cum hoc*. In scuto Myrtili: *Auxilium nunquam deficiens*. Veneti in clypeo suo canem quondam præsentabant acuminato torque armatum, cum Lemmate: *Sauciat, & defendit*. Comes Abenspergicus, ubi Ratisbonæ Cæsaris militiæ & obsequio duos & triginta filios donavit, pro Symbolo aquilam cum pullis suis, solem intuentibus, adumbrari iussit, cum Lemmate: *Fideles omnes, generosi omnes*. Romani etiamnum hodie in scuto suo gentilitio has quatuor tenent litteras: S. P. Q. R. Originem hujus Emblematis ex Joanne Carthage-na accipe: Sabini, gens generosa & bello assueta, cum contra Romanos cruentum quondam bellum gererent, in scutis ac vexillis suis has quatuor litteras pingi, & insculpi voluerunt: S. P. Q. R. quod idem est: *Sabino Populo Quis Resistet?* quibus ex altera parte Romani ad bellum provocati eisdem verbis in vexillis & clypeis suis exaratis, respondebant: S. P. Q. R. hoc est: *Senatus Populus Que Romanus*. Fit pugna, vincunt Romani, subjugantur Sabini, & ut perpetuam dicti Romani ex hac parta insigni victoria haberent memoriam, ejusmodi quatuor litteras S. P. Q. R. in suo scuto gentilitio in Capitolio & passim super palatiorum portas adhuc hodie conservant.

Anima Christiana! hic rogo te, subsiste paulisper, & attentiore mente hæc moderna ac ferrea tempora considera, in quibus ob demerita nostra à iustissimo Numine assiduus conterimur bellis; & nunquid DEUS districtissimus scelerum Vindex in scuto & vexillo, quod contra nos erexit modo, has quatuor nobis exhibet litteras: S. P. Q. R. quas ita expono: *Scelera Punitturo Quis Resistet?* Non Angeli, non Sancti, non mortales & creaturæ omnes. Pentapolim consule igne cœlesti subversam, mundum universum per cataclysmum submersum, atque alia sexcenta, imò innumera flagella, quibus rebellem mundum omni tempore castigavit DEUS, unde rectè Balaam: *Cujus fortitudo similis est Rhinocerotis*, quod fortissimum ac ferocissimum animal à nullo hominum domari, aut teneri potest: *Cornua Rhinocerotis cornua illius, in ipsis ventilabit gentes usque ad terminos terra.*

Verum confidite, Clientes Mariani, præsertim qui clypeum salutis, SS. Scapulare gestatis, confidite, inquam, ecce beatissima Virgo de monte

Car-

Joan. Car-  
thag. & alii.

Genes. 19.

25

Gen. 7. 23

Num. 14. 8

Deuter. 33.

17

Carmelo obviat vobis quasi Mater honorificata, & irato Numini ac dulcissimo Filio aliud monstrat vexillum ac scutum, in quo pariter quatuor illi characteres auro sunt consignati: S. P. Q. R. quasi diceret: Fili mi! si solam attendis justitiam semotâ omni misericordiâ, rectè humanum deles genus, & quis resistet tibi: *Scelera Punituro Quis Resistet?* Sed ecce, tibi exhibent fratres mei in Sacro Scapulari aliud vexillum & salutis scutum, in quo pari modo quatuor illæ sunt piæ litteræ: S. P. Q. R. hoc est: *Scapulare portans Quando Rogat*; & quemadmodum funiculus ille coccineus in excidio Jerichuntino universæ domui Rahab salutis signum extitit: *Appendit funiculum coccineum in fenestra*: ita & benedictum Scapulare, si quis devotè gerit, piè & Christianè vivit, *signum salutis est, salus in periculis, sædus pacis & pacti sempiterni.*

Ecccl. 15. 2

Josue 2. 23

4. Videtur mihi SS. Deipara in Archifraternitate SS. Scapularis, ut quondam Rebecca, de qua Sacræ Paginæ commemorant, quòd hæc sollicita Mater dilecto filio suo Jacob vestimenta valde bona & odorata procuraverit: *Et vestibus valde bonis, quas apud se habebat domi, induit eum, pelliculasque hædorum circumdedit manibus, & colli nuda protexit*, ut sic faciliiori modo supremam à Patre moribundo reciperet benedictionem. Sed neque irritus fuit Matris ille conatus, statim enim ut pater sensit vestimentorum illius fragrantiam, benedicens ille ait: *Ecce, odor filii mei sicut odor agri pleni, cui benedixit Dominus: Det tibi DEUS de ore cæli, &c.*

Genes. 27.

15

En pulcherrimam figuram in RR. PP. de monte Carmelo, & in Confratribus SS. Scapularis adimpletam, quibus tanquam filiis suis præ cæteris dilectis pientissima Virgo & sollicita Mater de vestibus valde bonis & virtutum odore fragrantibus providit, & colli nuda benedicto Scapulari suo, ceu scuto protexit. Originem huius Archifraternitatis sic accipe. Anno à partu Virgineo 1240. in Ecclesia DEI floruit Beatus Simon Stock Anglus Sacri Ordinis Carmelitarum Prior Generalis, qui, cum SS. Virginem Deiparam impensius coleret, ardentissimis precibus ab ea flagitavit, ut aliquod amoris signum monstrare dignaretur, cui SS. Virgo Angelorum stipata catervis, & immenso circumdata splendore apparuit, eique Scapulare Ordinis tradidit, dicens: *Accipe dilectissime, hoc tui Ordinis Scapulare, mea Confraternitatis signum, tibi & cunctis Carmelitis privilegium: In quo quis moriens æternum non patietur incendium. Ecce, signum salutis, salus in periculis, sædus pacis & pacti sempiterni.* Hac cœlesti veste indutus B. Simon tam insigne donum & peculiare amoris erga se ac Sacrum Ordinem monumentum palam prædicare cœpit; hinc factum est, quòd non cives tantum, & agrestes, sed & Imperatores, Reges, Duces, Magnates, Illustres ac Nobiles utriusque sexus, imò & Summi Pontifices ad hanc Sodalitatem convolarint, & Sacrum Scapulare receperint. Observat autem hic rectè de Lezana, quòd prædicta

R. P. Joann.  
Bapt. de  
Lezana de  
Patronatu  
B. V. & pas-  
sim alii.



verba beatissimæ Virginis non simpliciter & absolutè, prout jacent, sint intelligenda, sed quantum ex parte Virginis & efficacissimæ ejus intercessionis pro illis Confratribus, qui non gentiliter, sed Christianè vivunt, mandata DEI observant, & simul devotè SS. Scapulare gestant, adimplentes leges & statuta Sodalitatis Mariane, illi sunt veri filii MARIÆ, cœlestis illius Rebeckæ, quibus à Dilectissimo Filio suo Christo JESU omnem benedictionem impetrabit: *Ecce odor Filii mei sicut odor agri pleni, cui benedixit Dominus.*

§. Verùm non solum favet SS. Deipara hîc in vita suis clientibus sacrum Scapulare gestantibus, sed & defunctis per potentissimam suam intercessionem mirè solet esse propitia. Caleb filia suæ Axæ, dum Othonieli viro fortissimo nupserat, pro dote & hæreditate terram irriguam assignavit: *Da mihi benedictionem: Terram australem & arentem dedisti mihi, junge & irriguam. Dedit itaque Caleb irriguum superius & inferius.* Confide, Confraternitas SS. Scapularis titulo DEI Genitricis decorata, tu es illa Axa Sponsa, cui Dominus pro dote dedit irriguum superius & inferius, seu supra & infra; superius hîc in terra pro fratribus & sororibus tuis adhuc in vita degentibus quàm plurima privilegia, communicationem bonorum operum, precum, suffragiorum & cæterorum bonorum spiritualium, & inferius in purgatorii flammis existentibus proximo post obitum Sabbato liberationem. Juvat hîc pro asserti confirmatione audire diploma Pauli V. Pontificis Maximi, quòd incipit: *Patribus Carmelitis populus Christianus potest piè credere de adjutorio animarum Fratrum & Confratrum Sodalitatis B. M. V. de monte Carmeli, videlicet beatissimam Virginem animas Fratrum & Confratrum in charitate cedentium, quæ in vita habitum gestaverint, & castitatem pro suo statu coluerint, Officiumque parvum de B. V. M. recitaverint, vel si recitare nesciverint. Ecclesia jejunia observaverint, & feria 4. & Sabbato à carnibus abstinnerint, nisi ubi in iis diebus Nativitatis Domini Festum inciderit; suis intercessionibus continuis, piisque suffragiis & meritis, ac speciali protectione post eorum transitum, præcipuè in die Sabbati, qui dies ab Ecclesia eidem B. Virgini dicatus est, adjuturam.*

De Jeremia refert Sacer Codex, quòd eum in lacum Melchiæ projecerint, in quo non erat aqua sed lutum, ut ibi in cœno usque ad collummersus moreretur; sed Abdemelech ejus misertus veteres submisit pannos, quos per funiculos ad Jeremiam demisit, & sic eum de lacu miseræ & de luto fœcis rursus in lucem eduxit: *Et extraxerunt Jeremiam funibus, & eduxerunt eum de lacu.* Per hunc lacum & obscurum barathrum rectè purgatorium intelligimus, in quod veteres dimittimus pannos, dum per SS. Scapulare & merita B. Virginis DEum rogamus, quatenus animas de lacu hoc inferiori & umbra mortis misericorditer liberare dignetur. Oportat hîc audire Bullam Clementis VII.

Die

Josue. 15.

19

Diploma  
Pauli V.  
Pont. Max.  
editum anno  
Dom. 1612.

Jerem. 38.

15

Die quo à saculo hujusmodi purgatorium accesserint, ipsa Virgo gloriosa DEI Genitrix MARIA Sabbato sequenti post illorum Confratrum seu Religiosorum ac Sororum obitus, visitando, à pœnis purgatorii hujusmodi eorum animas liberabit. Bulla Clementis VII. an. Dom. 1528.

Recordor hîc Petri Apostolorum Principis, qui, cùm aliquando non haberet, quo vesticigal seu didrachma in Capharnaum solveret, jussu Magistri sui hamum in mare misit, & in pisce capto staterem invenit: *Vade ad mare, & mitte hamum, &c.* Anima Christiana! imitare Petrum, prehendemum, SS. Scapulare, mitte illud in mare, hoc est, attestante D. Thoma Aquinate, in purgatorium, verè mare amarum. *Quia nullus*, ait idem, *in toto mundo amarior cruciatus invenitur, & eris pisces & animas capiens.* Matth. 17. S. Thom. in Suppl. tertiæ partis.

6. Elisæus ope pallii Eliæ, quod ab ascendente in cœlum ad sui memoriam huic dignissimo Discipulo relictum fuerat, Jordanem divisit, sicque pede eum transivit: *Et levavit pallium Eliæ, quod ceciderat ei: reversusque stetit super ripam Jordanis, &c.* Si vis, anime mi! securè Jordanem (quod nomen idem est, quàm flumen judicii) in morte tua transire, arripe pallium Eliæ, hoc est, benedictum Scapulare, serva regulas, ac Christianè vivas, & tutus ante tribunal Christi comparebis. 4. Reg. 2. 13

Loth Ahrahami fratri è Sodoma egredienti Angeli suasere, ut, si vitam & animam suam ab incendio salvare velit, ad montem se reciperet: *In monte salvum te fac, ne & tu simul pereas.* An non mundus iste immundus similis est Pentapoli plenus iniquitatibus? *Mundus totus*, ait dilectus Christi Discipulus, *in maligno positus est*, ubi S. Augustinus legit: *In malo igne positus est*, & Cornelius: *Experientia nos docet quàm mundus instar Sodomæ plenus sit cupiditate, superbiâ, fraude, luxuriâ, gulâ, avaritiâ, omnique malo, &c.* Si vis ergo, anime mi! inter tot tentationes & pericula salvare animam tuam: *In monte salvum te fac, ne & tu simul pereas*, hoc est, in monte Carmeli per SS. Scapulare, quod est clypeus & signum salutis, *in quo quis moriens æternum non patietur incendium.* Genes. 19. 17. 1. Ioan. 5. 19. Cornel. hic.

Abiathar Sacerdos, quia contra Salomonem cum Adonia conspiravit, eumque in Regem unxit, pœnam mortis ob læsæ majestatis crimen commertus est, sed quia Davidi quondam fidelis extitit, & Arcam Domini portavit, idèd in vita à Salomone conservatus fuit: *Abiathar quoque Sacerdoti dixit Rex: Vade in Anathoth ad agrum tuum, equidem vir mortis es, sed hodie te non interficiam, quia portasti Arcam Domini DEI coram David Patre meo.* O Christiani! toties rei facti sumus criminis læsæ Divinæ Majestatis, quoties lethale admisimus delictum; quòd autem de facto non in igne gehennali commertas persolvamus pœnas, gratias agamus DEO nostro & Judici Christo, qui ob gratiam & intercessionem SS. Matris suæ adhuc nobis pœnitentiæ spatium benignè indulgit: *quia portavimus Arcam Domini*, hoc est, Sacratissimum Scapulare.



3. Reg. 17.

9.

Arnold. Bost.

in suo de

Patronat.

Virg. lib.

cap. 1.

Lud. Blof.

in Monil.

cap. 12.

Lib. 4. Re-


vel. c. 138.

4. Reg. 5.

13


7. De Muliere illa Sarepthana pia & Religioſa recensent Regum Annales, quòd Eliam Prophetam à facie Jezabelis fugientem non duntaxat hospitio receperit, ſed & famelicum, poſthabito quoque propriæ vitæ periculo, paverit: *Surge, & vade in Sareptha Sidoniorum, & manebis ibi, præcepi enim ibi Mulieri vidua, ut pascat te.* Subintrat hîc Auctoꝝ gravis Arnoldus Boſtius hiſce verbis Sacratiffimam Deiparam alloquens: *Tu es illa Sarepthana, qua etiam modo Patri Eliæ in filiis præbes refocillamen & hospitium, &c.* Non hîc tantum in hac mortali vita ſedulam filioꝝ Eliæ in SS. Scapulari curam gerens, ſed & in altera quantocyus illis æterna procurans gaudia. Audi, & perpende, Cliens Mariane! quomodo pius Auctoꝝ Ludovicus Bloſius nomine ipſius Sacratiffimæ Deiparæ teſtetur: *Ego omnibus, qui mihi piè & ſanctè deſerviunt, volo in morte fideliffimè tanquam Mater piiffima adefſe; eosque protegere, ac conſolari; imò & poſt mortem ſuis devotis Sodalibus in purgantibus illis flammis exiſtentibus benigniffima Mater eſt, ita ipſa ad S. Birgittam: Sum Mater omnium, qui ſunt in purgatorio; quia omnes pœna, qua debentur purgandis pro peccatis ſuis, in qualibet hora propter preces meas quodammodo mitigantur.* Age ergo, quicquid es, homo Chriſtiane! imitare conſilium, quòd Naamo Syriæ Principi forti & diviti ſed leproſo dederunt ſervi: *Pater, ſi rem grandem tibi dixiſſet Prophereta, certè facere debueras; quantò magis, quia nunc dixit tibi: lavare, & mundaberis.* Hoc & ego tibi dico: Si rem grandem tibi dixiſſem, certè facere debueras, quantò magis, quia nunc dico tibi: Accipe Scapulare, obſerva regulas, & æternum non patieris incendium.






# CONSIDERATIO LXIX.

Mater amoris & doloris singulariter invocanda est,  
ut in hora mortis nobis assistere dignetur.



Tu nos ab hoste protege, & horâ mortis suscipe.

*Ecclesia in hymno de B. V.*



I.

Olent serpentes in gramine latitantes (prout rectè obser-  
vat Rupertus Abbas) contra homines non aperta vi, sed Rup. Abb.  
dolis ac insidiis pugnare, eosque in calce à tergo mordre in genef. 3.  
re, & sic veneno in totum corpus pro serpente interfice- 15  
re, unde Lemma ab Ecclesiastico mutuatum: *In silentio* Ecclef. 10.

*mordet.* Simili ferè modo antiquus ille serpens, ac generis humani hostis in- 11  
fensissimus diabolus calcaneo hominis insidiatur, eumque quasi à tergo mor-  
dere nititur; atque tunc præsertim omne virus suum contra hominem exerere  
assolet, quando illi ex hac mortali vita ad iudicium & ad longam, longissimam



Apoc. 12.  
12

Genes. 3. 15

2. Reg. 11  
2.

Genes. 3. 5

Luc. 16. 19

Josue. 7. 1

Matt. 15.

19

S. Vincent.

Ferr. serm.

1. de S. Petr.

ad Vinc. Al-

cuin. hic.

Joan. 19. 27

Genes. 1. 16

Tolet. in Jo.  
19. 26.

S. Bernhard.  
serm. Sig.  
Magn.

Isa. 49. 15

æternitatem migrandum est: *Va terra & mari*, ait S. Joannes, *quia descendit diabolus ad vos, habens iram magnam, sciens, quia modicum tempus habet*, ut hominem moribundum ad ruinam & æternam trahat perniciem; proinde nihil intentatum relinquit, quò tandem evadat victor. Et hoc est, ad quod allusit ipsa Veritas Deus, quando in paradiso serpenti isti tartareo, Evam seducenti, hanc edixit sententiam: *Et tu insidiaberis calcaneo ejus*. Et cur, obsecro, calcaneo? Quare non oculis? Davidem consule ob alienam Mulieris speciem oculis captum: *Vidit Mulierem se lavantem, &c.* Quare non auribus? Evam considera faciles nimium aures serpenti præbentem: *Eritis sicut Dii*. Quare non ori aut gulæ? Divitem Epulonem attende: *Epulabatur quotidie splendide*. Quare non manibus ac pedibus? Achan intuere: *Tulit aliquid de anathemate*. Quare non cordi? *De corde enim exeunt cogitationes mala, homicidia, adulteria, fornicationes, furta, falsa testimonia, blasphemia: hæc sunt, quæ coinquinant hominem*. Cur ergo dicit Dominus, quòd diabolus hominis insidietur calcaneo: *Et tu insidiaberis calcaneo ejus*?

Observe: *Calcaneum*, inquit S. Vincentius Ferrerius, *quæ est ultima pars corporis, signat mortem*. Et doctissimus Alcuinus *Diabolus*, ait, *insidiatur calcaneo nostro, quia extremum vitæ nostræ acrius oppugnat*. Sed Deo & Homini Christo laudes sint immortales ac infinitæ, quòd moriens in cruce Sacratissimam Matrem suam nobis adversus mortem patronam commendârit potentissimam: *Ecce Mater tua*: dum enim morienti Filio sub cruce fidelissimè & non sine fumo animi cruciatu adstitit, datum illi peculiariter est, ut filiis quoque suis spiritualibus ac clientibus in extremo vitæ articulo constitutis possit assistere, eis opem ferre, & dæmonum insultus repellere. Et quemadmodum luna nocti præesse dicitur: *Fecitque Deus duo luminaria magna: luminare majus, ut præesset diei, & luminare minus, ut præesset nocti*; ita Sacratissima Deipara in articulo mortis, quæ rectè cum nocte comparatur, suis dilectis Sodalibus, velut luna perfecta & plena illucescit. Audi Eminentissimum Toletum super illud: *Mulier ecce Filius tuus*, ita loquentem: *Omnes nos curæ, protectioni & intercessioni Virginis commendat, nobis autem fiduciam confert, ut tanquam ad Matrem & Dominam in omnibus nostris confugeremus*. Et S. Bernhardus: *Gratias*, inquit, *age ei, qui talem tibi Mediatricem benignissimâ miseratione providit*, quæ te neque in morte deseret, sed tibi obviabit velut Mater honorificata: *Et nunquid oblivisci potest Mater infantem suum, ut non misereatur filio uteri sui*? unde rectè Ecclesia eam in hymno salutat: *Maria Mater gratiæ, dulcis Parens clementiæ; tu nos ab hoste protege, & horâ mortis suscipe*. Ita ô Domina! ita fiat: *Et horâ mortis suscipe*; in quem finem pro corpore nostri Emblematis horologium adumbrari curavimus, ubi index digitus horam secundam monstrat, hoc est, felicem, cum inscripto:

Utinam secundâ.

2. Hanc

2. Hanc mortis horam secundam sibi optabat impius Balaam Prophe-  
ta, non ignorans, quòd æternitas à morte & ultimo vitæ momento pendeat: Num. 23.  
*Moriatur, inquiebat, anima mea morte justorum, & fiant novissima mea horum* 10  
*similia.* En quomodo mali, impii, athei & politici mortem felicem appet-  
tunt, sed vitam bonam fugiunt; prudentius ergo, sibi que utilius Balaam di-  
xisset: *Vivat anima mea vita justorum, ut moriatur morte justorum*, quam ta-  
men secundam mortem idolorum ille cultor ac fautor minimè invenit. O  
quantò feliciores vos estis, Clientes ac Sodales Mariani! quibus moriens in  
cruce JESUS Sacratissimam Matrem suam in S. Joanne pariter in Matrem tra-  
didit, neque enim illi sufficiebat vos cœlestis Patris sui facere filios, nisi etiam, ut  
vos conjunctiores sibi redderet, dilectissimæ Matris suæ filios efficeret: Vos Psal. 81. 6  
*Filii excelsi omnes.*

Elias, dum quondam per turbinem in curru igneo in cœlum evectus est,  
pallium suum Elisæo optimo discipulo reliquit: *Et levavit pallium Eliæ, quod* 4. Reg. 2.  
*ceciderat ei.* Plus Christus, ubi per turbinem passionis in curru igneo S. Cru- 13  
cis immensâ flagrans in genus humanum charitate recessit, vobis, ô cultores  
Mariani, reliquit, dum Sacratissimam Matrem suam, quæ velut pallium ipsi  
in hac terra fuerat, carne humanâ eum vestiens, & veluti pallio in utero ob-  
volvens, vobis consignavit. Elisæus ope pallii Eliæ Jordanem, id est, flu-  
men judicii, sicco pede transivit; vos, opitulante Virgine, felicem mortem  
obire, & sortem optimam in judicio sperare potestis: *Potentior enim*, ait S. Ildephons.  
S. Ildephonsus, *ad placandam iram Judicis invenire non potestis, quam illam,* serm. 9. de  
*quæ meruit Mater existere ejusdem Redemptoris & Judicis.* Assumpt.

3. Cum Barac strenuissimus belli Dux contra Sisaram moveret exerci-  
tum, cruento cum illo dimicaturus prælio, prius ad Debboram Mulierem  
prudentissimam, juxta ac piissimam se contulit, cui insinuavit: *Si venis me-* Jud. 4. 8.  
*cum, vadam; si nolueris venire mecum; non pergam; quæ dixit ad eum; ibo qui-*  
*dem tecum, sed in hac vice victoria non reputabitur tibi, quia in manu Mulieris tra-*  
*detur Sisara.* Ivit Barac, & à Debbora Prophetissa confortatus, ingenti fi- Hebr. 11.  
de ac spe rem aggressus, feliciter confecit, cujus etiam fidem commendat  
Hebræis Apostolus. Pugna & nobis imminet, Clientes Mariani! ex qua  
pendet felix, aut eheu nimitum infelix æternitas. O quanti momenti ista  
res est, ultimum vitæ nostræ momentum! huic Imperatorum, Regum ac  
Principum gravissima cedunt negotia, quia ab illis temporalis, ab illo ve-  
rò momento æterna pendet beatitudo; oportet ergo, ut de forti ac pru-  
dente Debbora nobis provideamus, quæ nobiscum ad hoc prælium se con-  
ferat, ubi non erit nobis colluctatio adversus carnem & sanguinem, sed adver- Ephes. 6. 12  
sus principes & potestates; adversus mundi rectores tenebrarum harum; propte-  
rea accipite armaturam DEI, ut possitis resistere in die malo. Debbora autem  
hæc nostra alia non est, quam Sacratissima Virgo Deipara, quæ jam



pridem antiqui illius serpentis caput contrivit; hanc, inquam, Sacratissimam, juxta ac potentissimam Heroïnâ stantem olim juxta crucem in cruento illo prælio, in quo sathan confRACTUS, & orbis redemptus est, ad ultimum certamen nostrum sæpius, imò quotidie humiliter ac impensissimè invitemus, *ut eripiat inopem de manu fortiorum ejus; egenum & pauperem à diripientibus eum.*

4. In Numerorum libro refertur, quomodo Dathan & Abiron Moyfi & Aaroni se opposcentes unâ cum familiis suis à terra absorpti, & in inferni barathrum fuerint demersi: *Descenderunt vivi in infernum; & quare hoc? Quia disrupta est terra sub pedibus eorum.* Supra quod pulcherrimè Richardus à S. Laurentio: *Terra, inquit, MARIA est, quâ subtractâ descendimus in infernum viventes sicut Dathan & Abiron.* O terra benedicta, de qua Propheta: *Aperiatu'r terra, & germinet Salvatorem.*

Jeremias Propheta, quem DEI clementia imminente captivitate Babylonica ad populum misit, ut eum ad pœnitentiam concionibus suis excitaret, mirandam aliquando visionem habuit: *Et factum est Verbum Domini ad me, dicens; Quid tu vides Jeremia? & dixi: Virgam vigilantem ego video.* Alii legunt & exponunt: *Virgam oculatam, vel oculos apertos & vigiles habentem.* Ad quid, obsecro, hæc virga vigilans & oculata? Virga hæc MARIA est: *Virga de radice Jesse, vigilans semper in nostrum commodum, clientumque suorum æternam salutem, de qua & Balaam vaticinatus est: Orietur stella ex Jacob, & consurget virga de Israel, & percutiet duces Moab, vastabitque omnes filios Seth.* hoc est, contrarias inferni potestates; *hac enim virgâ percussus pavebit Assur,* id est, diabolus & omnes ejus tartareæ legiones, Clientes Marianos in morte infestantes.

Moyfes quondam ope virgæ suæ, ingentium prodigiorum, operatrice, mare rubrum divisit, & sicco vestigio DEI populum in terram promissionis traduxit: *Eleva virgam tuam, & extende manum tuam super mare, & divide illud, ut gradientur filii Israël in medio mari per siccum.* O beatissima Virgo! Mater viventium & morientium, tu per illam virgam adumbrata es, quâ opitulante turbulentum hujus sæculi mare, ipsamque mortem feliciter possumus superare, & ad patriam illam desiderabilem, perpetuo melle & lacte manentem, pervenire: *Hæc est,* ait B. Petrus Damianus, *virga illa, quâ retunduntur impetus adversantium demoniorum; virga Aaron per quam fiunt signa & mirabilia.* Baculum autem crucis intellige, quo non solum verberatus est, sed occisus ille insatiabilis homicida, qui mortibus hominum pascitur, & nutritur; in Virgine virga & baculo cruce, miserorum spes, & consolatio continetur, sicut sublimis Propheta clarâ voce declarat: *Virga, inquit, tua & baculus tuus ipsa me consolata sunt.*

5. Vidit aliquando Jessæus Vates mentis suæ oculis Regis æterni solium, & ad dexteram illius adstantem Reginam mirabili splendore circumdatam, & auro, gemmisque interlucentibus coruscantem vestimentis: *Adstitit Regina à dexteris tuis in vestitu deaurato circumdata varietate.* Per quam supernorum civium Reginam alii Ecclesiam, sed S. Athanasius, S. Gregorius Neocæsariensis, Hugo Cardinalis, Alphonsus & alii, quos citat & sequitur Thomas le Blanc, rectè Sacratissimam Deiparam, cœli terræque Reginam intelligunt, quam quondam Propheta Regius in spiritu non in throno regio sedentem, sed à dextris Regis cœlestis assistentem conspicatus est: *Adstitit Regina à dextris tuis.* Et quare non sedit, sicut quondam Reginæ Bethsabeæ ad dexteram Regis Salomonis filii sui sedes erat parata: *Positusque est thronus Matri Regis, quæ sedit ad dexteram ejus?*

Adverte: *Stare*, inquit S. Augustinus, *auxilantis est, & advocati officium designat.* Quia ergo hæc potentissima cœlorum & totius universi Regina MARIA non sedens ad dexteram Christi supremi Judicis, sed stans observata est, Advocatæ officium in se suscepit: *Bene*, ait Hugo à S. Victore, *adstitit à dextris tuis, tanquam nostra patrocinatrix, gladium evaginandum peccatoris impediens.* Et doctissimus Idiota: *MARIA*, inquit, *non fedit, sed stat, ut peccatores adjuvet, ut ipsos protegat,* præsertim in agone ultimo constitutos, atque cum tota æternitate colluctantes, quorum periclitantium in se curam Virgo peculiarem solet suscipere. O si clamassent quinque illæ Virgines fatuæ non solum! *Domine! Domine!* sed & *Domina! Domina!* sine dubio ad cœlestes Agni nuptias fuissent admixtæ; sed quia nimis serò venerunt, non fumentes oleum secum, & janua jam erat clausa, ideò æternum fuerunt reprobata: *Nescio vos.* O vocem tremendam, quæ quasi tonitru & fulmen æternam in illas detonavit maledictionem: *Cum dixerit*, ait S. Chrysostomus, *nescio vos, nihil aliud quam gehenna & intolerabilis cruciatus relinquitur: imò verò etiam gehennâ istud verbum gravius est.*

Et quid, quæso, peccârunt fatuæ istæ Virgines? Dixi: Non sumplerunt oleum secum: *Oleum effusum est nomen tuum, ô beatissima Virgo.* Et clausa est janua; supra quod doctissimus Mansius: *Porta hac MARIA est, janua cœli, ipsa est cœlestis porta.* Væ ergo illi, cui hæc felix cœli porta in morte clausa est; econtra *beatus homo, qui vigilat ad fores meas quotidie, & observat ad postes ostii mei, qui me invenerit, inveniet vitam, & hauriet salutem à Domino.*

6. David puer pastoritius uno ex quinque limpidissimis lapidibus, quos sibi in torrente ad pugnam selegerat, robustissimum gigantem feliciter stravit: *Et misit manum suam in peram, tulitque unum lapidem, & fundâ jecit, & circumducens percussit Philistæum in fronte, & infixus est lapis in fronte ejus, & cecidit in faciem suam super terram.* Age animæ mi! dum nunc tempus est, mature

S. Bernhard.  
in Caut.

ture tibi de quinque similibus provide limpidissimis lapidibus, hoc est, de Sacratissimo Nomine MARIÆ, quod quinque litteris, seu pretiosis constat lapillis, in cujus Sacratissimi Nominis virtute in agone infernalem poteris superare Goliath: *Ubi Nomen MARIÆ*, inquit Melliſſius, *demonum nocumentum effugatur, quia MARIA terribilis est, ut castrorum acies ordinata.*

Jerem. 18.  
17

Cæterum inquirunt Sacri Doctores rationem, quare pretiosissimus orbis Reparator Christus in cruce inter sceleratos pendens dorsum contra Jerusalem converterit, & facie ad Occidentem spectarit: *Dorsum & non faciem ostendam eis in die perditionis?* Item quare moestissima Virgo & Matrum omnium afflictiſſima in eadem Calvariæ rupe juxta crucem stationem suam ad Aquilonem elegerit?

Anton. Spinell. in  
Throno B.  
V. cap. 25.

Jer. 1. 14.

Luc. 19. 48

Ad primum respondet Antonius Spinellus: *Nec sine mysterio Christus in cruce Occidentem respiciebat, quia scilicet adversus mortem, quæ per occasum significatur, pugnabat: hoc etiam situ ad gentes in Occidentali plaga positas, quarum Princeps erat Roma, perpetua Vicarii sui sedes futura, oculo sua misericordiae intendebat juxta illud Psalmi. 65. Oculi ejus super gentes respiciunt, &c.*

Dolorosissima autem Mater JESU partem Aquilonarem ad crucem tenebat, quia ab Aquilone pandetur malum super omnes habitantes terræ, ac tunc præsertim, quando illis cum dæmone, morte & tota æternitate erit colluctandum.

Ibi ô peccator, circumdabunt te inimici tui, & coangustabunt te undique; ibi peccantem te quotidie, & non pœnitentem, timor mortis conturbabit te; ibi tædebit animam tuam vitæ suæ, eo quod non cognoveris tempus visitationis tuæ. Prô quàm horrenda te manet agonia, quàm formidabilis lucta, si te mors in peccatis stertentem occupaverit. O si cognovisses & tu, ô anime mi! & quidem in hac die, quæ ad pacem tibi, quantam securitatem in morte tibi pariat vera & sincera devotio erga Sacratissimam & dolorosissimam Matrem MARIAM; hanc proinde sæpius & impensius invoca, atque per dulcissimum COR JESU amantissimi Filii sui quotidie roga, quatenus, sicuti Christo in cruce pendenti & agonizanti adstitit, ita etiam tibi in morte & agone, fortasse brevi, brevi venturo, assistere dignetur.

Anton. Spinell. loc. cit.  
num. 2.

Audi pro solatio memoratum Antonium Spinellum: *Singulari, inquit, DEI beneficio Virgo Sanctissima humano generi in præsidium tributa est, & idè ad hoc significandum versus eam partem, unde mala ingruunt, Aquilonarem scilicet, ad demonum furorem reprimendum, dum staret juxta crucem JESU, constitit, quasi civitas refugii munitissima, ad quam peccatores à facie Aquilonis fugientes tuto se recipere possunt.*

7. Venit hic mihi in mentem ille Prophetarum Filius, qui tempore Elifæi, grassante ingenti fame in regione, in agro colocynthidas, id est, cucurbitas agrestes collegit; ut ex illis sibi & cæteris Prophetarum filiis pulmen-

tum



tum coqueret; & ecce: *Cumque gustassent de coctione, clamaverunt, dicentes:* 4. Reg. 4.  
*Mors in olla vir DEI*, erat enim pulmentum illud amarissimum, pessimum 40  
 ac perniciosum, & tanquam venenum mortiferum. Quid ad hoc Elifæus?  
*Afferte*, inquit, *farinam*, quam cum in ollam misisset, *non fuit amplius quid-*  
*quam amaritudinis in olla.*

Dic, anime mi! quid *homini pacem habenti in substantiis suis* morte ama- Eccles. 41. 1  
 rius? *Siccine separat amara mors?* Ah quantus pavor, quanta erit consterna- 1. Reg. 15.  
 tio, si imminens iudicium & sempiterni gehennæ cruciatus illius peccatis de- 32  
 biti, animo repræsentabuntur? Hic enim verò de novo verificabitur: *Mors*  
*in olla*; tunc enim videbuntur illi omnes sensuales voluptates præteritæ ve-  
 lut amarissimum draconum fel & venenum aspidum insanabile. Quid er-  
 go in re tanti momenti consiliorum, quia hic semel periisse, æternum periis-  
 se est? *Afferte*, dicebat Propheta, *farinam*, quæ amaritudinem pulmenti in-  
 star amyli leniat, venenum tollat, ac gustui suave & sapidum reddat. Per  
 farinam istam nonnulli Doctorum & SS. Interpretum intemeratam semper  
 Virginem ac DEI Genitricem MARIAM intelligunt, quæ mortis angustias  
 clientibus suis mirum in modum indulcorare, iratumque Judicem mitiga-  
 re assolet; hinc Sponsus ad Sponsam: *Venter tuus sicut acervus tritici, val-* Cant. 7. 2  
*latus liliis.* De tritico habetur farina candidissima, & panis optimus cor  
 hominis confirmans. O felix, qui in morte utroque gaudet & SS. Viati-  
 co & assistentiâ dolorosæ Matris, sic nec quidquam amaritudinis erit in ol-  
 la mortis.

8. Felix ille Sunamitidis filius, qui in sinu genitricis suæ mortuus 4. Reg. 4.  
 est: *Posuit eum illa super genua sua usque ad meridiem, & mortuus est.* Et 20  
 quid sequitur? Paulò post adventante Elifæo *oscitavit puer septies, aperuit-*  
*que oculos, &c.* Ecce qui mortuus credebatur, de novo feliciter ad vitam  
 surrexit. O quàm felix ac beatus est ille MARIÆ Filius & Sodalis Maria-  
 nus, qui in sinu Matris suæ supremum poterit exhalare spiritum, ô quàm  
 felix! quoniam illi resurrectio debetur ad vitam meliorem, æternam ac fe-  
 licissimam; & si amicus amicum non deserit, quantò minus dolorosa Ma-  
 ter te deseret, si ejus fidelis amicus, filius ac cultor extiteris: *Fieri non po-* Blof. in Ca-  
*test,* ait devotissimus Blofius, *ut pereat, qui MARIÆ sedulus & humilis cul-* none vitæ  
*tor fuerit.* spirit. c. 13.  
 Poiner.

Finem huic Considerationi imponat dilectus ille Christi Discipulus, de lib. 3. de B.  
 quo plures & magnæ auctoritatis Scriptores recensent, quòd post gloriosam M. V. p. 4.  
 B. Virginis ac Matris DEI MARIÆ in cælum assumptionem ingens eum in- num. 4. Et  
 cesserit cupido, hanc Dominam ac Matrem suam, à Christo in ligno morien- Justin. Mic-  
 te sibi legatam, denuò in gloria cœlesti intuendi. Voti compos factus, & chov. Torn.  
 extraxisse raptus, JESUM & Sacratissimam Matrem ejus in immensa spectā- 2. disc. 379.  
 & alii.

*Mater Dolorosa.*


Rrr

vit

vit gloria, inter se tunc de decumanis illis tormentorum fluctibus in passione, cruce & morte quondam exantlatis, differentes. Discursu terminato, Filio supplicavit Mater, quatenus omnibus illis, qui piâ mente horum meminissent dolorum, aliquam, & gratiam singularem dignaretur impertire; annuit dilectissimus Filius Sacratissimæ Parenti suæ, & hæc quatuor spondit dona. 1. *Ut quisquis Virginem per ejus dolores precaretur, is ante obitum verum de peccatis dolorem impetraret.* 2. *Ut ipsius maximè instante morte præsidio maniretur.* 3. *Se ejus cordi supplicia sua inscripturum, & idè mercedem magnam aliquando præstiturum.* 4. *Se Matri jus omne dare & facultatem pro tali quilibet impetrandi.* Tu, si sapiens es, & non omnem negas humanam fidem, imitare hoc illustre exemplum, & Matris tuæ gemitus nunquam obliviscere, si in morte tua illam habere discupis propitiam, ô quàm beatus tunc eris, si sub illius umbra & protectione tuam in manus DEI commendabis animam. Finio cum S. Ephrem ita Sacratissimam Virginem deprecante: *Adeffo mihi nunc & semper, ô Virgo DEI Genitrix, Mater misericordiæ, benigna & clemens, in præsentem quidem vitæ cursu servens proteptrix atque auxiliatrix, hostiles quoscunque impetus à me avergens, & in via salutis me constituens, ac in extrema vitæ articulo miseram animam conservans.*


&c.

S. Ephrem.  
in orat. ad  
Virg.



# CONSIDERATIO LXX.

Matris amoris & doloris, verè Matris misericordiae amor beneficus in animas purgantes declaratur.



Respice in nos, & ostende nobis lucem miserationum tuarum. *Eccl. 26. 1.*

I. **I**versi sunt piscandi modi. Sunt, qui nalsà piscantur, in quam quidem facilem pisces inveniunt ingressum, sed revocare gradum, hoc illis opus & labor est. Et tali modo mundus suos capit pisces. Audi Socratem: *Quemadmodum, inquit, pisces, ô adolescentuli! qui nondum intra nassas sunt, volunt intrare, qui autem jam intus sunt, volunt exire (de matrimonio loquitur) sic & vos, ne idem vobis accadat, videte, quid facitis, &c.* *Socrat. ap. Diez. 2. p. verbo Mat.*



Ecclef. 9. 12 Alii piscantur hamo, cui exiguum affigunt vermiculum, quo inescantur, & capiuntur pisces: *Sicut pisces, ait Ecclesiastes, capiuntur hamo, sic capiuntur homines in tempore malo.* Ita piscari solet dæmon, levissimâ & spurcissimâ carnis voluptatulâ homines incautos inescans & capiens. Juvat hîc audire S. Augustinum: *Gaudet piscis, inquit, quando hamum non videns, escam devorat: Sed cum piscator eum adducere caperit, viscera ejus torquentur primo, deinde ab omni lætitiâ sua per ipsam escam, de qua latatus est, ad consumptionem trahitur. Sic sunt omnes, qui de bonis temporalibus beatos se esse putant, hamum enim acceperunt, & cum illo sibi vagantur. Veniet tempus, ut sentiant, quanta tormenta cum aviditate devoraverint.* Unde Habacuc: *Facies hominis quasi pisces maris.*

Sunt, qui retibus jactis æquoream inducunt prædam, ita jubente Domino piscati sunt Apostoli: *Laxate retia vestra in capturam.* Sic Divina Providentiâ etiamnum hodie pisces suos electos, hoc est, homines ad gloriam prædestinatos in retia adducit: ubi observandum, quod retia ex meris crucibus sint intertextæ, quos enim per beneficia non capit Divina miseria, hos crucibus & tribulationibus immixtis ad se compellit, ubi verificatur illud S. Gregorii Magni: *Mala, quæ nos premunt, ad DEUM ire compellunt.*

Multi in piscando utuntur verriculo, in cujus utriculo latitantes in littore pisces, vi, baculis & pedibus ocreatis trudent. Tali modo Concionatores zelosi ac PP. Confessarii animas in limo profundi hærentes, & in ceno peccatorum immerfas capere solent; ad quod alludit Veritas: *Compelle intrare.*

Est & alius piscandi modus, qui in lacubus & stagnis, in quibus ad triennium ordinariò sunt inserti pisces, adhiberi solet, ubi aquâ per cuniculos & fossas dimissâ, facili conatu pisces in limo & arena saltantes etiam manibus possunt comprehendi. Ita quondam piscatus est Cyrus Rex, prout auctor est Herodotus, & etiamnum Illustres ac Nobiles in suis dynastiis & prædiis lacus suos succidunt, ubi etiam in arido pisces manibus captant. Jucundum spectaculum, quod tamen omnes tangit. En typum, quomodo mors, velut piscator generalis omnes natitantes in gurgite hujus sæculi pisces capiat, & in triumphum ducat: *Simile est regnum celorum sagena missa in mare, & ex omni genere piscium congreganti, quam, cum impleta esset, & secus litus sedentes, elegerunt bonos in vasa, malos autem foras miserunt.* Sic erit in consummatione sæculi, &c.

Denique est alius pisces capiendi modus, dum de nocte intempesta ac quieta piscatores in navicula lucernam accendunt, ad cujus splendorem è suis cavernis ac foraminibus pisces turmatim egrediuntur, & sic piscatoribus in optatam prædam cedunt, quem piscandi modum hîc in nostro Emblemate adumbrari jussimus, cum inscripto:

Veniunt ad lucem.

Et

Et nunquid, anime mi! beatissima Virgo & Mater amoris & doloris lux est? Lucerna ardens? & lumen indeficiens? *Lux plena*, ait Sinaïta, *quia nunquam deficit*; *Lucerna*, inquit S. Cyrillus, *inextincti luminis*; *Lumen*, ait S. Ephrem, *totius orbis*, ad quam in tenebris & in umbra mortis sedentes, imò potius in lacu igneo ac flammieo purgatorii, velut pisces natantes, animæ assidue respiciunt, ac ingeminant; *Respice in nos, & ostende nobis lucem miserationum tuarum.*

Sinaïta lib. 6.  
contemp.  
S. Cyrill.  
hom. 6. contra Nestor.  
S. Ephrem.  
de Laud. V.  
Ecclesi. 26. 1

2. Hanc veritatem pulcherrimè adumbravit Ecclesiasticus, dum de hac cœli terræque Regina & Matre misericordiæ ita quondam vaticinatus est: *Gyrum cœli circuii sola, & profundum abyssi penetravi: in fluctibus maris ambulavi.* O quomodo hoc, & beatissima? Qualem abyssum penetrasti? Et in quibus maris fluctibus ambulasti? Quod Sacratissima Deipara animarum in purgatorio luentium, dum adhuc in hac mortali degebat vita, peculiaris extiterit patrona, nullus sanæ mentis ibit inficias; ad hoc enim alludit Gerson; quia juxta SS. litterarum testimonium *sancta & salubris est cogitatio pro defunctis exorare, ut à peccatis solvantur.* Ex quo rectè & prudenter infert, quòd etiam mens Sacratissimæ Virginis ejusmodi sanctis ac salubribus cogitationibus fuerit occupata, & pro animarum purgantium liberatione non rarò ardentissimas ad DEUM preces fuderit. Sed quòd post gloriosam in cœlum assumptionem gyrum cœli circuiet, profundum abyssi penetraverit, & in fluctibus maris ambulaverit, hoc equidem mirabile est, & sensibus nostris imperceptibile.

Ecclesi. 24. 8  
Gerson. serm. 1. de def.  
2. Mach. 12.  
46

Juvat hîc pro argumenti & conceptûs nostri solutione audire S. Bernhardinum Senensem: *Beata Virgo*, inquit, *in regno purgatorii dominium tenet, propterea inquit: Et in fluctibus maris ambulavi; pœna siquidem purgatorii ideo dicitur finctus, quia transitoria est, sed additur maris, quia nimirum est amara, & ab iis tormentis liberat beata Virgo maximè devotos suos, scilicet visitans, & subveniens necessitatibus & tormentis devotorum suorum, imò & omnium, qui ibi existunt, quia filii ejus sunt, cum sint filii gratiæ, & in gratia confirmati, atque de gloria certificati.* Hucusque S. Bernhardinus Senensis & optimè.

S. Bernhar-  
din. Senens.  
serm. 3. de  
nomine Maria.  
2. 2.  
cap. 3.

Eandem veritatem confirmat memoratus Gerson, qui asserit, Sacratissimam Deiparam, cum ad cœlestem gloriam super omnes Angelorum choros nunc exaltanda à Sacratissima Trinitate assumeretur, hanc à Filio peculiarem impetrâsse gratiam, ut totum purgatorium evacuaretur: *Piè credo*, inquit Gerson, *DEI privilegio in Virginis assumptione evacuatum esse purgatorium: dum enim Princeps coronatur, aperiuntur carceres, quantò magis in coronatione Deipara.*

Gerson. sup.  
Magnificat.

Dionis. Car-  
thuf. ser. 2.  
de Assumpt.  
B. V.

Sed & in aliis principalioribus festivitibus per annum pretiosissima Virgo visitare solet purgatorium. Audiatur hîc Dionysius Carthusianus: *Beata Virgo, inquit, singulis annis in Festo Nativitatis Christi ad purgatorii loca cum multitudine Angelorum descendit, & multas inde animas eripit, quoniam in nocte solemnitatis illius Christum Regem gloriæ peperit; etiam nocte Dominicæ Resurrectionis solet descendere ad purgatorium pro eductione animarum, eò quòd Christus nocte illa Sanctos de limbo eduxit.*

Exod. 2. 3.

5. Birg. lib.  
16. Rev. c. 59.

3. O sollicita Mater, quæ tantam suorum filiorum ac clientum gerit curam! Jochabed filioli sui Moysis peculiarem curam habuit, dum eum in fiscella benè clausa & bitumine oblita abscondit, & ne totam familiam impii Pharaonis objiceret furori, eum in Nili ripa in carecto, in loco palustri, densis juncis & caricibus septo, ne statim infans aquarum impetu abripere-  
tur, exposuit: *Cumque jam celare non posset, sumpsit fiscellam scirpeam, & linivit eam bitumine ac pice; posuitque intus infantulum, & exposuit eam in carecto ripæ fluminis.* Majorem animarum in purgatorio expositarum curam habet pientissima Virgo MARIA, quas non pœnarum exponit fluctibus, sed ingenti miseratione inde eripit: *Ego sum, inquit ipsa ad S. Brigittam, Mater omnium, qui sunt in purgatorio, quia omnes pœnæ, quæ debentur purgan-  
dis pro peccatis suis in qualibet hora per preces meas quodammodo mitigantur.*

4. Reg. 4. 27.

Sunæitis mulier illa honorata, opibus & pietate celebris, ubi per im-  
maturam mortem filium suum perdidit, nullam amplius requiem habuit, do-  
- nec tanto dolori inveniret lenimen: *Cumque venissent ad virum DEI in mon-  
tem, apprehendit pedes ejus: & accessit Giezi, ut amoveret eam, & ait homo  
DEI: Dimitte illam, anima enim ejus in amaritudine est, quam ubi Elisæus  
conspicatus & contemplatus est, ejus miseriis condolens, filium mortuum  
ingenti prodigio ad vitam revocavit.* Plus Mater amoris & doloris spiri-  
tuales filios suos diligit, pro quibus non cessat, si ad purgatorii ignem iusto DEI  
judicio ad tempus adjudicantur, apud Divinam Clementiam sese ut Medi-  
atricem interponere, donec eos è tenebris & umbra mortis ad meliorem vi-  
tam & lucem perducatur sempiternam.

Esther. 7. 3.

Esther omnium Hebræorum tum temporum intervallo ad lanienam  
& mortem destinatorum sollicita Mater effecta est, dum pro eorum salute  
liberè sese Regis furori objecit: *Si inveni gratiam in oculis tuis, ô Rex, & si  
tibi placet, dona mihi animam meam, pro qua rogo, & populum meum, pro  
quo obsecro.* Plus MARIA, quàm Esther, verè omnium afflictorum, ac  
præsertim animarum purgantium non tam Consolatrix, quàm & Mater,  
dum affectu plus quàm materno suis clientibus in subsidium venire assolet,  
quod clementissima Virgo servo suo V. P. Hieronymo Carvallio è Soc. Jesu  
de

Ro. Exem-  
pl. l. 3. c. 3.  
n. 24.



de animæ suæ salute valde anxio intimavit: *Matrem se esse non solum in hac vita, sed etiam in altera.*

4. O felix mendice, quem utpote ab utero matris suæ claudum quotidie Hierosolymis ad portam templi speciosam (ita cognominatam, quod omnium portarum esset maxima & elegantissima, ex ære Corinthio facta, per quam principalis in templum erat introitus) solebant portare, ut ibidem præ foribus ab introeuntibus eleemosynam peteret, & exciperet, cui exinde Petrus loco eleemosynæ in virtute Sacratissimi Nominis JESU integram sanitatem restituit: *Quem ponebant quotidie ad portam templi, quæ dicitur speciosa, &c.* O animæ purgantes, verè pauperculæ & miseræ, quæ fortè jam longo tempore ad speciosam templi cœlestis portam jacetis desertæ; claudæ, quia juvare vos ipsas non valetis; mendicæ, quia nihil omnino potestis mereri, & alienâ oportet vivere misericordiâ, infastæ, quia non in lecto aut plumis cum illo claudio, sed in ardentissimis prunis decumbitis: *Gravior, inquit S. Augustinus, erit ille ignis, quàm quidquid homo potest pati in hac vita.* Hoc solum vobis solatio est, quia cum illo claudio ad portam speciosam vobis licet colligere eleemosynam; porta hæc speciosa B. Virgo

Aster. 3. 2.

MARIA est: *Porta libertatis*, ita eam appellat Doctor Seraphicus: *Porta colorum*, ita S. Ephrem: *Porta lucis fulgida*, ita Ecclesia, & alio in hymno: *Felix cœli porta*, quæ pientissima Mater vos non deseret, si eam, prout decet, in vita amâtis & venerati estis, vel ipso Christo teste apud S. Birgittam: *Tues Mater mea, tu Regina cœli, tu Mater misericordiæ, tu Consolatrix eorum, qui sunt in purgatorio.* In cujus veritatis testimonium S. Birgitta refert, animam cujusdam militis, qui in pervigiis Festorum B. Virginis per annum jejunium servare, sæpiusque sacrum Officium recitare consueverat, per intercessionem Sacratissimæ Matris DEI à tribus gravissimis tormentis, quibus in illo igne purgante addicta erat, fuisse liberatam, quam animam Christus Dominus dulcissimæ Matri suæ hisce verbis donavit: *Benedicta sis Mater charissima, tibi nihil negari potest, fiat voluntas tua, ut petisti, ita fiat.*

S. Aug. in  
Psal. 37.S. Bonav. in  
Psal. min.  
quinq.  
S. Ephr. loc.  
cit. Eccles. in  
hymn. S. Birg.  
l. 1. Revel.  
& lib. 6.  
c. 39.

5. O felix Paralytice! qui triginta & octo annos ad piscinam probaticam jacebas, hominem auxiliatorem non reperiens, qui cum aqua ab Angelo movebatur, te in hanc medicinalem misisset piscinam. Causa tanto tempore dilata sanitatis erat, quia *hominem non habeo.* Et ecce, ubi desinunt humana, incipiunt adesse auxilia Divina, dum ipse DEI Filius huic misello dignatus est succurrere, eò, prout observat Guilielmus Tyrius & Cajetanus, quia jacebat ad piscinam, quæ beatissimæ Virginis ac Matris DEI insignis typus fuit, ibi enim, attestante S. Damasceno, in lucem nata est: *In lucem, inquit, editur Virgo in domo probatica.* Dic anime mi!

Joan. 5. 7.

quale ac quantum erit tormentum per tot annos detineri in igneo ac flam-

S. Joa. Damasc. l. 4. de  
fide Orthod.

meo

Matth. 5. 26. meo carcere. & expectare, usque dum reddatur novissimus quadrans? Hinc rectè Venerabilis Beda in illa verba Psalmi trigesimi septimi: *Domine, ne in ira tua corripas me*, docet: *Illam correctionem esse graviolem, quàm quid unquam passi sunt latrones, vel sancti Martyres, vel quidquid gravius excogitare potest homo*. O tormentum! heu quot miseræ animæ cum illo Paralytico in hoc loco pœnarum ingemiscunt: *Hominem non habeo*. Verùm consolamini, dilectæ animæ! consolamini, inquam, en habetis ipsam DEI Matrem, quæ, si aliquando, ut veri clientes illam amâstis, vobis quantocyus succurret, com-meritamque mitigabit pœnam, ita ipsa ad D. Birgittam: *Nulla est pœna in purgatorio, quæ propter me non remissior erit, & lenior ad ferendum, quàm aliter esset*. Joannem Ximenium è Societate JESU consule, cui in Feito OO. SS. coram imagine SS. Deiparæ oranti scrupulus incidit ob exiguam erga animas in igne purgante luentes compassionem, ad quem apertâ voce B. Virgo: *Ximene! memor esto animarum purgatorii*; cui cœlesti voci ipse quantocyus respondit: *Ita faciam*; Et ab illo momento usque ad felicissimam mortem omnia bona sua opera in suffragium animarum in purgatorio existentium obtulit. O si similem effectum apud te obtineret, optime Lector! hæc B. Virginis ac Matris DEI admonitio: *Ximene! memor esto animarum purgatorii*.

S. Birg. Re-  
vel. l. 8. c. 10.  
Vita P. Balt.  
Alvarez.  
cap. 45.

Luc. 10. 34.

Cant. 1. 2.

6. O felix Jerichuntine! qui quondam in latrones incidisti, à quibus non duntaxat omnibus spoliatus es bonis, sed & cruentis ac lethalibus afflictus plagis. Felix tamen, quia in auxilium tibi venit mitissimus Samaritanus: *Et appropians alligavit vulnera, infundens oleum & vinum*. O charæ animæ in purgantibus existentes flammis, vos per illum Jerichuntinum præsignatæ estis, dum pari modo in latrones (dæmones) incidistis; sed felices in hoc, quia à cœli Jerusalem licet nunc extorres, attamen ab illa exclusæ non estis; & habetis insuper optimum Samaritanum, Christum JESUM & hunc Crucifixum, qui in vulnera vestra vinum, id est, Sacrosanctum Sanguinem suum in redemptionem vestram & lytrum liberaliter infundit, plagisque suis vestra curat peccatorum vulnera. Habetis & Matrem dolorosam sub cruce stantem, quæ oleum misericordiæ vobis subministrat, quia *oleum effusum nomen ejus*; & sicut oleum urinatoribus, bonas margaritas in fundo maris quærentibus, perspicuitatem asserre, & mare inquietum sedare solet; ita misericordiæ Mater amaro illos purgatorii fluctus sedabit, viamque ostendet, quomodo animæ, pretiosæ illæ margaritæ, ad lucem æternam securè poterint pervenire. O Sodales Mariani! hic non oportet imitari Sacerdotis illius legalis inhumanitatem, qui horrore plagarum moribundi illius perculsus, retrosum abiit: Nec Levitæ, qui ejusdem erat farinæ & inhumanitatis, quia, si defunctis non datis subsidium, vobis ipsis negatis, dum

dum illi in lustrali igne morantur, qui vestram in cœlo apud Deum sine intermissione procurassent salutem, si vestro beneficio ad inmensam illam gloriam pervenissent. Proinde sæpius & impensius pro ejusmodi in purgatorii igne detentis orandum erit animabus. *Oremus*, inquit S. Clemens Papa, *pro fratribus nostris, qui in Christo requieverunt, ut Deus, qui animam defuncti suscepit, remittat ei omne peccatum.*

S. Clem.  
Rom. 1. 5.  
Apost.  
Co. lit. c. 4.

*Oremus* & Matrem milericordiæ, ut & ipsa suam addat efficacissimam intercessionem, ita adhortatur nos S. Mater Ecclesia Catholica, cum pro defunctis orat, ibi omnes animas fideles, quæ ex hoc sæculo transferunt, SS. Deiparæ commendat: *Intercedente*, ait, *B. MARIA semper Virgine cum omnibus Sanctis, ad perpetua beatitudinis consortium pervenire concedas.* Ita Ferd. de Castiglionio in hist. ord. lib. 1. c. 14. re ipsa expertus est V. P. Roboaldus Ord. Prædicatorum, qui, cum die quadam in ara B. Virginis incruentum missæ Sacrificium pro defuncto quodam fratre ex eadem Divi Dominici familia offerret, cœlorum Reginam vidit immenso splendore circumdatam, & maternis brachiis suis animam fratris sui gestantem: *En*, dicebat, *amicuntuum, pro quo sacrificas, sacro peracto, ad Priorem, & ea, quæ vidisti, refer.*

7. Moveat te, Sodalis Mariane! ad ferendam animabus fidelibus opem gratissimus illarum animus, quia benefactoris sui nunquam in cælesti gloria erunt immemores, & salutis illius promovendæ semper studiosissimæ. Gratus erat Assuerus Rex Mardochæo, quia hunc suum Principem ab insidiis Balthanis & Thares eunuchorum eripuit: *Mardochæus igitur de palatio & de conspectu Regis egrediens, fulgebat vestibus regijs, hyacinthinis videlicet & aereis, coronam auream portans in capite, & amictus serico pallio, atque purpureo, omnisque civitas exultavit, atque latata est.* Grator erit in cœlo anima liberata suo benefactori, cui in omni necessitate ac præsertim in agone, ex quo pendet æterna salus, benignè succurret. Venerabilem P. Cherubinum Spoletanum interroga, cui agonizanti S. Hieronymus gloriosus apparuit, qui ei sexaginta milia animarum, quas è pœnolo isto carcere liberavit, & quas per vitæ cursum per zelosas suas conciones Deo & cœlo lucratus est, ingenti gloriæ splendore circumdatas monstravit, quæ omnes huic moribundo suo benefactori venerunt in subsidium, ejusque egredientem animam cum júbilo ad cœlestem patriam comitatz sunt. O felices, qui tales sibi in vita conciliant amicos, ut, cum aliquando defecerint, ab ipsis ad æterna recipiantur tabernacula.

Ferd. de Castiglionio in hist. ord. lib. 1. c. 14.

Esther 8. 15.

P. Eustach. in arte moriendi Exhort. 29.

Luc. 16. 9.

Gratus erat Abrahamo Rex Sodomorum, dum subditos, ab hostibus abductos, & cum illis Lothum suum fratrem captivum per verna- culos suos trecentos decem & octo restituit, quod beneficium tanti Rex ille fecerat, ut omnes redemptorum divitias Abrahamo in signum grati animi obtulerit; cui victori ac benefactori, qui tot animas à captivitate in libertatem asseruit, & Rex Salem Melchisedech benè precatus, benedixit:

*Mater Dolorosa.*

Sss

At



506 *Consideratio LXX.B. Virgo Mater animarum purgantium.*


**Gen. 14. 18.** *At verò Melchisedech Rex Salem, proferens panem & vinum (erat enim Sacerdos Altissimi) benedixit ei, & ait: Benedictus Abram Deo excelsò, qui creavit cælum & terram, &c. Quanto magis erunt gratæ liberatori suo animæ Christianæ, à tam misera captivitate liberatæ, & è tantis erutæ tormentis? in æternum laudabunt nomen ejus, & in omne ævum eum ut patronum venerabuntur, & ut patrem amabunt.*


**Josue. 6. 25.** *Gratus erat Josue, omnisque electus Dei populus Rahabæ mulieri Jerichuntinæ observatos exploratores, cujus domum & omnem familiam in còmmuni urbis excidio conservarunt immunem; Domum patris ejus, & omnia, quæ habebat, fecit Josue vivere, &c.*

**Judith 15. 14.** *Gratus erat Joacim summus Sacerdos, Ozias princeps & omnis populus Judithæ, benefactrici optimæ, maximæ, imò & Matri patriæ, quòd illius ope & industria à tanta strage & perditione fuerint liberati, cui in grati animi tesseram ex præda collecta, quâ Bethulienfes ditati sunt universi, omnem Holofernis thesaurum ac pretiosa quæque offerebant: Porro autem universa, quæ Holofernis peculiaria fuisse probata sunt, dederunt Judith in auro & argento, & vestibus & gemmis, & omni supellectili, & tradita sunt omnia illi à populo. Non minus suis fautoribus gratæ sunt animæ è purgatorii flammis exemptæ, quàm fuit ille populus Israëliticus Judithæ? quibus longè major grati animi sensus inesse solet; quæ animæ liberatæ, nunc charissimæ Sponsæ Regi Regum Christo JESU & SS. Matri ejus pro suis Salvatoribus & Patribus, qui eas cælo genuerunt, non cessabunt supplicare, quatenus & ipsi ex omnibus malis liberati ad immensam illam & cælestem assumantur gloriam. Accedit, quia & SS. Deipara coelitum Regina valde tenero amore prosequitur purgantes animas, quarum & ipsa Mater est; quod ergo uni ex his minimis fecistis, Clientes Mariani! & MARIÆ fecistis; & quemadmodum Deus & Homo Christus Pater misericordiarum est, & Deus totius consolationis, sic B. Virgo Mater est misericordiæ, cujus amor in purgantes animas omnium matrum excedit amorem. Finio, prout incepi: Respice in nos, & ostendi nobis lucem miserationum tuarum.*

**Matt. 10. 42.**

**Eccl. 26. 1.**





## EPILOGUS.

Cum Matre dolorosa per multas cruces & tribulationes oportet nos intrare in regnum DEI.



Requievit arca super montes Armeniae.

Gen. 8. 4.

I.



Ulla victoria sine præeunte pugna, nullus honor sine onere, nulla pax sine bello: *Non est corona*, ait Os Aureum, S. Chrysoſt. *sine certamine, non aſtas sine hyeme, meſſis sine labore*, re- ho. 4. ad Caſſ. *gnam Chriſti sine cruce.* Quærunſ ſacri Doctores, quare mitiſſimus orbis Reparator Chriſtus poſt glorioſam à mortuis reſurrectionem dulcem mellis favum guſtaverit:

*At illi obtulerunt ei partem piſcis aſſi, & favum mellis?* In promptu cauſa eſt, Luc. 24. 42. ſubintrat hîc Jacobus de Vitriaco, quia prius in paſſione & cruce guſtavit amariſſimum fel: *Et dederunt ei vinum bibere cum felle miſtum*; poſt exantlatos au- Matt. 27. 34. tem

tem tot labores & cruciatus nunc ut gloriosissimus de morte Triumphator so-  
vissimum mel manducabat, ut insinuaret, quod

*ulcia non meruit, qui non gustavit*

Dic anime mihi, quis post Christum de hoc amaritudinum calice plus omnibus bibit, quam SS. Virgo & Mater dolorosa? Joseph Ægyptiorum Pro-Rex omnibus quidem fratribus suis tempore famis frumentum & pecunias subministravit; sed Benjamin fratri suo juniori etiam calicem suum occultè in saccum immitti iussit: *Scyphum autem meum argenteum pone in ore sacci junioris.* Et qua ratione hoc? Nunquid Joseph hunc suum & germanum & uterinum fratrem plus cæteris omnibus adamavit? Quare ergo illum reum rapinae statuit, & du- quam reliquos, tractavit? Amor hoc fecit, ait S. Ambrosius, hoc ipso quia plus ipsum dilexit, plus eum cruciavit: *Scyphum misit, ut fratrem, quem diligebat, pia fronte revocaret: reum statuit rapinae: ut obsidem teneret gratia.* O tormenta misericordiae, amat & cruciat! Et quis unquam filiorum plus dilexit matrem suam, quam dulcissimus Iesus? An non COR JESU erat COR MARIE? *Audacter dico*, ait B. Virgo ad S. Birgittam, *quod dolor ejus erat dolor meus, quia Cor ejus erat Cor meum.* Quare ergo hanc Sacratissimam & innocentissimam Matrem suam tam durè in hoc mundo habuit, & calicem passionis felle amarissimo mistum primò inter omnes huic SS. Genitrici communicavit? O tormenta misericordiae: amat & cruciat! ut illam magis in cælo exaltaret, ejusque merita per omnem æternitatem coronanda, in immensum augetet, ideò plus omnibus humiliavit, plus cruciavit.

Pro Symbolo Arcæ Noëmicæ considera turbulentis hæctenus atque decumanis jactatam fluctibus, per quorum tamen impetum non est contracta, sed magis exaltata est. Tandem ubi feri illi diluvii fluctus mense septimo non nihil decreverant, arca in summis Armentæ montibus placidè quiescere cœpit; proinde rectè illi pro Lemmate inscribes: *Erigitur, dum concutitur.* Vel illud Picinelli: *Vexavit, & extulit*, aut si magis aridet:

**Non mergitur, sed extollitur.**

Hesich. ser.  
2. de Deip.

*Arca Noë salutaris*, ait Hesichius, SS. *De parva est*, hæctenus per vitam, quasi in immenso tribulationum pelago jactata; sed eò magis nunc exaltata in cælo, quò plus in terra fuit humilitata. Juvat hinc audire Melissium: *Arca Noë*, inquit, *significavit Arcam gratia, excellentiam scilicet MARIE: Sicut enim per illam omnes evaserunt diluvium, sic per istam peccati naufragium. Illam Noë, ut diluvium evaderet, fabricavit: Istam Christus, qui est pax nostra & requies, ut humanum genus redimeret, sibi præparavit.* Per illam octo

*anima*

S. Bernh. ser.  
de B. Maria.  
somo. 2.



anima tantum salvantur, per istam omnes ad æternam vitam (qua per octonarium numerum significata est) vocantur. Per illam paucorum facta est liberatio, per istam generis humani salvatio. Illa centum annorum fabricata est spatio, in ista omnium virtutum est perfectio. Illa facta est de lignis larigatis; ista de virtutibus consummatis adificata est. Illa superferebatur aquis diluvii, ista non sensit naufragia illius vitii. Addamus nos. Illa post superatam tam diuturnam ac horrendam diluvii tempestatem tandem placide in summis Armeniæ montibus quievit: *Requievit Arca super montes Armenia*; ista nunc post toleratum tam Gen. 8. 4.  
cruentum passionis diluvium super omnes Angelorum choros exaltata in summis cœlorum montibus & collibus æternitatis Deo proxima in sempiterna pace placidissime quiescit, ac triumphat. En vexavit, & extulit.

2. Miraberis, Lector prudens, quare SS. Evangelistæ, qui tam exactè Christi Jesu passionem conscribere, tam pauca de dolorosa Matre commemorarint; solus Joannes hujus afflictissimæ Matris Dei aliquam mentionem, sed quasi per transfennam facit, dum asserit: *Stabant autem juxta crucem Jesu Mater* Joa. 19. 25.  
*ejus, & soror Matris ejus Maria Cleopha, & Maria Magdalene.* Et quare tam pauca? Observa: Probè agnoscebant Sacri Evangelistæ, utpote superiore spiritu illuminati, nulla hîc sibi sufficientia suppetere verba, quæ tantorum dolorum & afflictionum acerbiter pientissimæ Matris Dei pro dignitate possent exprimere, proinde silere magis, quàm loqui placuit; solus autem S. Joannes amantissimus ejus cliens futuræ humanæ mortalitati consulens, hanc dolorosissimam Matrem sub cruce stantem laconico verbo & stylo proposuit: *Stabat autem juxta crucem Jesu Mater ejus*; per quod implicite & reliquos omnes afflictissimæ Matris Jesu dolores abundantissime explicavit, rationem assignat Reverendissimus Fridericus Fornerus Episcopus Hebronensis & Sufferaganeus Bambergensis: *Nam Vulnera Christi patientis, inquit, erant vulnera etiam Matris condolentis; omnesque ictus Corpus Christi cruciantes animam Virginis reperiiebant; & erat veluti cera sigillata, in qua ad vivum exprimebantur: erat echo, per quem gemitus resonabant, & velut copia, in quam ex originali Christo omnes illi dolores, nullo dempto transferebantur, &c.* Proinde sufficit S. Joanni hoc unicum verbum *stabat*. Ubi ulterius observandum, quòd dilectus hic Christi Discipulus SS. Virginem primam præ reliquis mulieribus juxta crucem stantem nominaverit: *Stabat autem juxta crucem Jesu Mater ejus, & soror* Jo. 19. 25.  
*Matris ejus Maria Cleopha, & Maria Magdalene,* in aliis verò Scripturæ locis Evangelistæ ordinariò SS. Deiparam tum viris, tum mulieribus postponunt: *Hi omnes erant perseverantes unanimiter in oratione cum mulieribus, & MARIA* Actor. 1. 14.  
*Matre JESU.* Et quare, obsecro, S. Joannes eam primam juxta crucem collocavit? Rationem assignat Sylveira: *Ubi sermo, inquit, est de crucis ignominia, Sylveira to. 5,*  
*quæ à filio in Matrem derivabatur prima Maria scribitur, quia præcipue, & prima* l. 8. c. 17.  
*opprobriorum ejus erat particeps; extra verò hanc occasionem eximia humilitas postre-*  
*mum*

*num sibi elegit locum.* Proinde rectè super omnes creaturas usque ad Dei solium exaltata est, quia novissima.

Pf. 109. 7.

Gen. 7. 17.

Rom. 3. 18.

1. Reg. 16. 23.

Pf. 56. 3.

S. Bonav. in  
carmine V.

Job. 38. 31.  
Forner. in pa-  
radis. Spirit.  
conc. 69.  
Pf. 56. 9.

Et quemadmodum de Christo dicitur: *De torrente* (hoc est passionis) *in viabibet: propterea exaltabit caput;* ita & pretiosissima Virgo, quia unà cum Filio de hoc passionis torrente in viabibit, meritò nunc super omnes Angelorum choros exaltat caput; ubi adimpletum est illud: *Multiplicata sunt aqua, & elevaverunt arcam in sublime à terra.* O anima Christiana! disce cum humili Ancilla Domini humiliari, disce subdi, disce patienter ferre adversa omnia, quia his omnibus dignum cœlum est: *Non sunt condigna passiones hujus temporis ad futuram gloriam, quæ revelabitur in nobis.*

3. Venit hîc mihi in mentem David cum sua cithara, quæ illi in omni fortunæ tempestate unico erat solamini, unico præsidio. Cum Saul atrâ laboraret melancholiâ, David evocatus tollebat citharam, & percutiebat manu suâ, & refocillabatur Saul, & levius habebat, recedebat enim ab eo spiritus malus. Alia vice cum Saul nunc factus hostis infensissimus cum tribus armatorum millibus adventaret, ut Davidem perderet, & mactaret, David absque mora cum hac cithara sua ad speluncam deserti Engaddi confugit, ubi in latebris, velut in obscuro carcere conclusus, generoso & alacri animo DEO T. O. M. laudem decantabat: *Cantabo, & psalmum dicam: Exurge gloria mea, exurge psalterium & cithara.* Quid agis David? Ubique te mala premunt; foris pugnæ, intus timores, & tu ludis citharâ?

Per hanc citharam S. Bonaventura SS. Deiparam intelligit, quæ ab illo cithara S. Spiritûs appellatur, semper in omni fortuna cum Divina concordans voluntate, & licet hæc cithara mystica, cum Filius tam indigna pro homine indigno pateretur, in luctum versa sit, & organum in vocem flentium; supra quod eleganter Reverendissimus Fornerus: *Organum istud Angelicum prorsus conticuit, & in vocem flentium degenerans, nil aliud quàm gemitus, suspiria, singultus & lacrymas reddidit, & profudit, &c.* In gloriosa tamen Filii resurrectione & ipsa quoddamodò de novo resurrexit: *Exurge gloria mea, exurge psalterium & cithara: exurgam diluculo: Quæ gloria pretiosissimæ Virgini non alia, quàm dilectissimus Filius erat, nunc in corpore glorioso, immortalis & impassibili regnans in cœlo, qui prius inter latrones pependit in ligno. O qualis est hæc rerum metamorphosis!*

O anima Christiana! attolle paulisper mentis tuæ oculos in cœlum, & considera, quàm immensâ nunc gloriâ & ineffabili gaudio piissima perfundantur viscera dulcissimæ Virginis MARIÆ; transiit nunc hyems, imber passionis abiit & recessit: Nunc sol & luna stant in habitaculo suo; stellæ lætæ sunt & lucent ei cum jucunditate, qui fecit illas, & SS. Matri ejus. O Mater! non amplius dolorosa, sed gaudium universæ terræ, mare dulcedinis & torrens lætitarum; Mulier amicta sole, gaudium Angelorum, & corona cœli-  
tum



tum, tantam ac tam immensam gloriam tibi crux peperit, prius compassa patienti Filio, nunc cum eo regnans in æternum. Anime mi! vide nunc finem tribulationis patienter cum dolorosa Matre exantlatæ. S. Symphorianum adolescentem & gloriosum pro Christo Martyrem sic Mater heroina, cum ad supplicii locum raperetur, adhortata est: *Fili, ô Filium, esto vita illius memor, quæ tibi parata est in cælo; vide ibi, & te ad æternam gloriam invitantem Deum; neque enim vita tibi supplicii eripietur, sed in meliorem beatiorumque commutabitur.* Hoc & tibi inculcat Mater doloris & amoris, Sodalis Mariane! age igitur, & certa bonum certamen.

4. Davidi ovium pastori, antequam gener Regis factus est, prius cum Golia decertandum fuit: *Quid, inquit generosus ille juvenis, dabitur viro, qui percusserit Philistæum hunc, & tulerit opprobrium de Israël.* Cui milites in castris Saul respondebant: *Virum, qui percusserit eum, dabit Rex divitiis magnis, & filiam suam dabit ei.* Hæc promissio Davidi animos addidit, ut contempto omni vitæ periculo, generoso cum gigante pugnare duello, de quo victoriam nullis unquam sæculis satis decantandam reportavit. Homo Christiane! plus dabitur tibi, si egregie in hac vita cum animæ tuæ hostibus decertaveris, & dolorosam Matrem, saltem pro tuo posse, imitatus fueris: *Qui vicerit; possidebit hæc, & ero illi Deus, & ille erit mihi Filius.*

Jacob, priusquam formosam illam Rachelem in sponsam sibi acquireret, duram Labano servitutem servire debuit: *Servivit ergo Jacob pro Rachel septem annis; & videbantur illi pauci dies præ amoris magnitudine.* Intuere cælum, anime mi! & in adversis tuis æternam illam considera beatitudinem. Ecce plus hîc in SS. Dei Matre, quàm in formosa Rachel. Quoties ergo tibi durus videtur iste labor ac servitus temporaria, te ipsum cum S. Augustino solare: *Quanto labore digna est merces, qua non habet finem?*

Joseph per meras tribulationes ad tantam in Ægypto erectus est dignitatem. Prius humiliaverunt in compedibus pedes ejus. Et quid sequitur? *Misit Rex, & solvit eum, Princeps populorum, & dimisit eum; constituit eum Dominum domus suæ & principem omnis possessionis suæ.* O quanta merces te manet, amice Lector! si nunc exiguo tempore cum dolorosa Matre patienter sustinueris labores ac tribulationes, &c. quæ æternum in te gloria pondus operabuntur; imò ipse Deus erit merces tua magnanimis. O quanta tunc erit felicitas, pientissimæ Matris Dei & cælorum Imperatricis potentissimæ esse Filium & Cohæredem, atque cum Filio Dei & Virgine Matre gaudere in æternum! *Quid tibi, subintrat hic sanctus Antistes Hipponensis, deesse potest, ubi Deus est, cui nihil deest?* Addamus nos: Ubi Mater Dei, Mater amoris & pulchræ dilectionis est, quid tibi deesse potest Sodali & Clienti, imò filio Mariano? Et nunquid & ipsi potestas data est in cælo & in terra? O quàm felix tunc eris, si familiari ejus frui poteris colloquio, ab ea amari, & cum ea in pos-

Vita 22.  
Augusti.

1. Reg. 17. 26

Apoc. 21. 7.

Genes. 29. 20.

S. August. in  
Ps. 20.

Ps. 104. 18.

2. Cor. 4. 17.  
Gen. 15. 1.

S. Aug. l. 1. de  
Spir. & anima.

Matt. 28. 13.



Exod. 33. 19. possessione omnis boni latari in omnem & per omnem æternitatem: *Ostendam omne bonum tibi. Et quid ultra requiris?*

5. Lignum illud, quod Deus quondam Moyfi in deserto Sur ostendit, Exod. 15. 23. omnem aquarum amaritudinem mirum in modum indulcoravit: *Et venerunt in Mara, nec poterant bibere aquas de Mara, eò quòd essent amara: Et murmuravit populus contra Moysen, dicens: Quid bibemus? At ille clamavit ad Dominum, qui ostendit ei lignum, quod cum misisset in aquas, in dulcedinem versa sunt.* Per lignum istud non crux tantum Dominica, sed & Virgo ac Mater dolorosa congruenter potest intelligi, cuæ omnem nostrarum miseriarum amaritudinem tunc indulcoravit, dum Deum genuit & Hominem, & dum juxta crucem Mater, Advocata & Mediatrix nostra facta est: *Eccè Mater tua.*

Jo. 19. 27. Proinde rectè ab Ecclesià vocatur: *O dulcis Virgo MARIA!* subjicit Mellifluus: *Overè lignum vitæ, quod solum fuit dignum portare fructum salutis; & si illud dulce vitæ lignum (prout vult Cornelius & alii) visua innata homini*

Exod. 15. 23. poterat prorogare vitam in æternum, quantò magis mississima Virgo & Mater dolorosa, sed nunc gloriosissima in cælo, impetrare nobis poterit vitam sempiternam, omnemque nostram amaritudinem in optatam vertere dulcedinem? O Sodalis Mariane! cole impensius hanc SS. Matrem tuam, & in fine cernes, quod insinuat Mellifluus: *A Domina nostra rei habent veniam, justi gratiam, Angeli latitiam, &c.*

S. Bernh. ser.  
de B. V. fol.  
352.

Gen. 3. 9.

Et quid ulterius dico de te, ô pietissima! Ferculum Salomonis es, de quo in sacro Epithalamio: *Ferculum fecit sibi Rex Salomon de lignis Libani: columnas ejus fecit argenteas, reclinatorium aureum, ascensum purpureum: media charitate constravit propter filias Jerusalem.* Per hoc, inquam ferculum, ô Sanctissima! tu præsignata fuisti, quia verum Salomonem & pacificum Regem Regum, Christum Jesum in utero & ulnis tuis quasi in ferculo gestasti. Columnæ argenteæ duo fuerunt brachia, quibus dilectissimum Filium tuum in infantia; atunc demum post ejus cruentam mortem sedens sub cruce strinxisti. Reclinatorium erat virgineus sinus acpectus tuum, in quod se reclinavit amantissimus Filius vivens & mortuus. Ascensus purpureus fuit martyrium tuum, quia plus quàm Martyr fuisti, imò omnium Regina martyrum toties in sanguine Filii tui purpurata. Media charitate constravit propter filias Jerusalem; textus Hebraicus vertit: *Et medium tenet ipse incensus amore,* hoc est, Christus, ait Cornelius, qui totus est amor & ardor, medium cordis tui occupat, in eoque quasi in solio regali confidet, tuamque charitatem diffundit propter filias Jerusalem, id est, propter animas devotas, ad te veluti ad SS. Matrem suam in quavis difficultate recurrentes, quibus tanquam Mediatrix Dei & hominum pia Mater benignè assoles subvenire: *Ipsa, inquit Mellifluus, Mediatrix nostra, ipsa est, per quam suscepimus misericordiam tuam Deus.* Proinde decet, ut totis medullis cordium, totis præcordiorum affe-

S. Bernh. ser.  
2. de Assumpt.  
B. V.

ctibus

Quibus hanc cœli terræque Reginam veneremur, quia sic est voluntas ejus, ait iterum Mellissius, qui totum nos habere voluit per *MARIAM*.

6. O mortales omnes, ac vos præsertim Sodales Mariani! quid agitis? Si *MARIA* fons ille paradisi est, de quo Moyses commemorat: *Fons ascendebat de terra, irrigans universam superficiem terræ*; supra quod B. Albertus Magnus: *Fons, ait, MARIA est, ascendens in assumptione de terra miseria & tenebrarum, & irrigans gratiâ, veniâ, gloriâ universam superficiem terræ*, quare ergo non ad hunc gratiarum & benedictionum fontem properatis?

Gen. 2. 6.  
B. Albert.  
M. in Biblia  
Mariana lib.  
Cancell.

Si *MARIA* est illa limpidissima cisterna juxta portam Bethlemiticam sita, abundans saluberrimis ac purissimis aquis, quam David quondam tanto ardore concupivit: *O si quis mihi daret potum aquæ de cisterna, quæ est in Bethleem juxta portam!* supra quod S. Methodius: *Tu B. Virgo, Bethlemica illa cisterna es, quam veluti vitæ refocillatricem David desideravit, ex qua immortalitatis poculum cunctis emanavit.* Cur ergo, ô mortales miseri, non pariafectu, amore & desiderio cum Davide ad hanc saluberrimam anhelatis cisternam?

4. Reg. 23.  
15  
S. Method.  
orat. in hypantem.

Si *MARIA* est arbor illa præcellsa Danielis in medio terræ sita: *Magna arbor, & fortis, & proceritas ejus contingens cælum: aspectus illius erat usque ad terminos universæ terræ, &c.* Quare ergo, clientes Mariani! non sub umbram hujus mylticæ arboris confugitis? *Arbor in medio terræ*, inquit S. Bernhardinus Senensis, *MARIA est in medio omnis creaturæ, &c.* De cujus benedicto fructu participant universi, cælum & terra, Angeli & homines, justî & peccatores: *Omnibus*, ait Mellissius, *Misericordia suâ sinum aperit, ut de plenitudine ejus accipiant universi, captivus redemptionem, ager curationem, tristis consolationem, peccator gratiam, Angelus lætitiâ.* O pientissima! quis te non sincero corde diligit? Quis non veneretur, & æstimet te? Si ex fructu cognoscitur omnis arbor, attestante hoc ipsa veritate; an ergo melior fructus esse potest, quàm JEsus benedictus fructus ventris tui? Verè dixisti Poëta:

Dan. 4. 8.  
S. Bernhard.  
ser. 1.  
de nom. Mar.  
rix. 2. 1. c. 2.  
S. Bernh.  
ser. m. 4. de  
Assumpt. V.

Match. 7. 10

*Non venit ad veniam, qui nescit amare MARIAM.*

7. Finem huic tenuissimo opusculo nostro imponat S. Jacobus Discipulus & Frater Domini, qui ut afflictos fideles ad patientiam animaret, exemplum Jobi & aliorum Prophetarum, ac tandem ipsius Christi Domini eis proposuit, ut in illos, velut speculum intuentes, suam corrigerent, & juxta normam conformarent vitam: *Ecce Judex*, inquit, *ante januam assistit; exemplum accipite fratres, exitus mali laboris & patientiæ.* Prophetas, qui locuti sunt in nomine Domini; ecce beatificamus eos, qui sustinuerunt. Sufferentiam Job audistis, & finem Domini vidistis, quoniam misericors Dominus est & miserator.

Jacob. 5. 9

Hoc & ego vobis & mihi insinuo, animæ Christianæ! En Judex, qui peccatorum acerrimus est vindex, jam ante januam assistit, qui vestram coronabit patientiam: *Sufferentiam Job audistis* (ubi mox S. Jacobus typum cum antitypo jungit) & *finem Domini vidistis*, hoc est, vitam, passionem & mortem Christi in cruce consummatum, atque compassionem SS. Matris ejus sub cruce stantis: *Ecce beatificamus eos, qui sustinuerunt*. Agite igitur, fideles animæ! si ita oportuit Christum, Judicem vestrum, & SS. Matrem ejus pati, & ita & ita & ita & ita, & non aliâ viâ ad æternam intrare gloriam, certè nec vobis Deus, si amat vos, aliam ad cælum viam pinget: *Patientes igitur estote fratres, usque ad adventum Domini: Ecce agricola expectat pretiosum fructum terræ, patienter serens, donec accipiat temporaneum & serotinum; patientes igitur estote & vos, & confirmate corda vestra, quoniam adventus Domini appropinquabit*. O quàm felices, ô quàm beati tunc eritis, si JESum patientem & SS. Matrem ejus compatientem imitati fueritis, &c.

Idem S.  
Jacob.

Gen. 28. 11.

Jacob nonnisi super duos indormiens lapides cælum apertum vidit: *Talit de lapidibus, qui jacebant, & supponens capiti suo, dormivit in eodem loco, &c.* Tu super dulcem indormiens culcitram cælum non videbis apertum. Moyses antequam ad Deum in rubo ardente & non combusto apparentem accederet, prius calceamenta de pedibus suis exuere debuit: *Ne appropies huc, solve calceamentum de pedibus tuis*; causa erat, quia locus ille desertus spinis erat & tribulis abundè refertus, ut omnes exinde colligerent, qui ad Deum vult venire, etiam pedibus cruentatis per spinas ambulare non gravetur. Tobix oculos nonnisi amarum fel illuminavit & restituit, ubi subjungebat Angelus:

Exod. 3. 5.

Tob. 12. 13.

*Quia acceptus eras Deo, necesse fuit, ut tentatio probaret te*. Observa hanc lectionem pro te, prudens Lector! si acceptus es Deo, necesse est, ut tentatio probet te. Finio cum devotissimo Kempensi, qui Novitiis hanc lectionem præscripsit: *Si consolari in omni tribulatione quaritis, accedite ad MARIAM Matrem JESU, & omnia gravamina nostra, aut citò recedent, vel leviora fient. Eligite hanc benignissimam Matrem Jesu præ cunctis parentibus & amicis vestris in Matrem specialem & Advocatam ante mortem, & salutate eam salutatione Angelica frequenter, quia hanc vocem audit valde libenter; MARIA libenter pro vobis orabit pro sua clementia, & JESUS Matrem suam libenter audiet pro sua reverentia,*

Amen. Ita fiat.





# INDEX

Rerum memorabilium, Conceptuum  
prædicabilium, Figurarum Biblicarum, ac materiæ  
notabilium in hoc Volumine comprehensarum, ubi pri-  
mus Numerus Considerationem, & secundus ini-  
tialem Numerum in Margine cujuslibet  
Considerationis indicat.

## A.

**A** Aron pretiosâ coronatus tiarâ typus  
Christi. Considerat. 30. num. 5.

Aaron quomodo in sponsum Synagogæ  
est electus? Confid. 9. n. 1.

Abel, Noë, Isaac, Moyfes, David &c. ty-  
pus Christi. Conf. 32. n. 5.

Abiathar arcam gestans quare ab interitu  
servatus? Conf. 13. n. 7. & Conf. 68.  
n. 8.

Abigail insignis typus B. Virginis MA-  
RIÆ. Conf. 22. n. 7.

Abneri occiso cur Rex David lacrymis suis  
parentavit? Conf. 43. n. 3.

Abraham solum per triduum gladium  
portabat in manibus, MARIA autem  
per omnem vitam in Corde suo. Conf.  
18. n. 5.

Abraham in peregrinos beneficus. Conf.  
14. n. 1.

Abraham cur petræ comparatur. ex qua  
excisi sumus? Parænes. n. 2.

Abraham Filium DEO offerens à DEO  
benedictus. Conf. 42. n. 5.

Absolon tribus lanceis transfixus typus  
Christi. Conf. 46. n. 3.

Abyssus abyssum invocans, quid? Conf.  
34. n. 1.

Achab Rex mutans habitum in prælio, ty-  
pus Christi. Conf. 15. n. 5.

Achis Rex occisus quomodo à Matre Re-  
gina deplanctus. Conf. 49. n. 3.

Achitophel typus Judæ Iscar. Conf. 26.  
n. 3.

Achitophel typus fallacis mundi. Conf.  
61. n. 6.

Adam quare post lapsum in medio ligni  
Paradisi se abscondit? Conf. 35.  
n. 6.

Adonias mortis reus quare fugiens ad alta-  
re servatus est? Conf. 36. n. 5.

*Index Rerum memorabilium, Conceptuum prædicabilium &c.*

- Adjutorium simile sibi B. Virgo est. confid. 12. n. 4. & confid. 63. n. 4.
- Ægyptus regio quare ad fugam à Christo electa? confid. 19. per totum.
- Agar non poterat videre Filium Ismaëlem morientem. confid. 40. n. 3.
- Ager plenus, cui benedixit Dominus, MARIA est. confid. 9. n. 6.
- Ago cur toties Christus assimilatur? confid. 27. n. 1.
- Agnum ad lanienam raptatum S. Franciscus prece & pretio redimit. Confid. 27. n. 1.
- Agnus inter vepres hærens typus Christi spinis coronati. confid. 30. n. 5.
- Agnus à lupo asportatus typus Christi capti. confid. 27. n. 1.
- Agnus à S. Clemente Papa conspectus, pedibus fontem excitat. confid. 51. n. 4.
- Agnus quare olim in lege non una die cum Matre fuit immolatus? confid. 52. n. 2.
- Alapam à Malcho Christo inflictam audit Mater Dolorosa. confid. 27. n. 6.
- Altare olim septies sanguine victimæ aspersum typus Matris Dolorosæ. confid. 50. n. 2. & seq.
- Altare animatum Cor Matris Dolorosæ. confid. 36. n. 5.
- Alphonfus Rex quare Filium in victimam obtulit? confid. 37. n. 4.
- Amasa conspersus Sanguine in terra jacens, typus Christi. confid. 32. n. 3.
- Aman ab Esther nihil impetravit. confid. 13. n. 6.
- Aman mundi typus. confid. 61. n. 6.
- Amicitia mundi fallax, quod patet in Joab, Aod & aliis. confid. 26. n. 1.
- Aminadab primus post Moysem mare rubrum ingreditur. confid. 37. n. 3.
- Ammon mundi typus. confid. 61. n. 6.
- Anno Sanguine in Trophiolo scriptum, Amorem excitat. confid. 44. n. 6.
- Amor Dolorosæ Matris fortis ut mors. confid. 32. n. 5.
- Amatores veri Dolorosæ Matris sunt pauci. Parænes. n. 4.
- Ana primas thermas invenit. confid. 22. n. 5.
- Analogia Nativitatis & Passionis Christi. confid. 15. n. 3.
- Anima hominis Naviculæ comparatur. confid. 36. n. 1.
- Animæ purgantes assimilantur piscibus in tenebris ad lucem venientibus. confid. 70. n. 1.
- Ancilla Naami Principis typus B. V. humilis ancillæ Christi. confid. 8. n. 7.
- Ano Regina quomodo Abiam Filium suum mortuum deplanxit. confid. 43. n. 4.
- Apis argumentosa Mater Dolorosa. confid. 48. n. 1.
- Apum naturam oportet nos imitari. confid. 48. n. 1.
- Apicula sedula B. Virgo in templo commorans. confid. 6. n. 5.
- Apis quare lapillum contra venti furias portare affolet? confid. 14. n. 3.
- Apis flores visitat, non vitiat. confid. 14. n. 4.
- Aquila typus Christi in cælum ascendentis. confid. 54. n. 1.
- Aquila eclipsatum solem contemplanis symbolum Matris Dolorosæ. confid. 34. n. 1.

*Index Rerum memorabilium, Conceptuum prædicabilium &c.*

Aquila typus animæ DEUM meditantis  
& contemplantis. confid. 60. n. 3.  
Arbor Danielis omnes protegens, typus  
Matris Dolorosæ. Epilog. n. 6.  
Arbor ex fructu cognoscitur. confid. 3.  
n. 6.  
Arca Noë Dolorosa Virgo est. confid.  
35. n. 4.  
Arca Jordanem transiens, typus B. V.  
MARIE. confid. 14. n. 2.  
Arca Noëmica figura B. V. confid. 9. n. 7.  
Arca Noë in diluvio sine damno servata,  
typus Immaculatæ Virginis. confid. 2.  
n. 5.  
Arca fœderis quâ pompâ Hierosolymam  
deducta est? confid. 62. n. 6.  
Arca super montes per fluctus exaltata,  
B. Virginis Dolorosæ umbra. confid.  
63. n. 4. & in Epilogo pro Emblemate.  
Arca mira patrans prodigia typus B. V.  
confid. 41. n. 4.  
Arcam DEI portantes quare solvati? con-  
fid. 65. n. 5.  
Arcus Cœli Christus crucifixus. confid.  
51. n. 2.  
Arrha & dos B. Virginis crux & gladius.  
confid. 15. n. 1.  
Argia Regina Græciæ super cadaver Po-  
lynycis conjugis expirat. confid. 49.  
n. 5.  
Ascensio Christi quomodo facta? confid.  
54. n. 3.  
Ascendentis Christi in cœlum typus Elias,  
Enoch & alii. confid. 54. n. 4.  
Ascendentis & in cœlo exaltati JESU fi-  
guræ Joseph, Mardocheus, Samson,  
David, Job &c. confid. 54. n. 5.  
Ascensio Domini quale gaudium causavit  
in Corde MARIE. confid. 54. n. 7.

Assuerus quare virgam super Esther ex-  
tendit? confid. 2. n. 2.  
Assuero cur sola Esther placuit? confid.  
3. n. 4.  
Assuerus quare ex omnibus puellis solam  
Esther in reginam elegit? confid. 8.  
n. 1.  
Assuerus cur dimidiam regni sui partem  
Esther obtulit? confid. 35. n. 5.  
S. Augustini Ep. tria vota. confid. 64.  
n. 1.  
Ave & cur non salve Angelus ad B. Virgi-  
nem dixit? confid. 12. n. 2. item con-  
fid. 3. n. 5.  
Avicula incubans pullis quare olim in le-  
ge libera dimissa? confid. 52. n. 2.  
Aurora consurgens quomodo B. Virgo in  
sua Nativitate? confid. 4. per totum.  
Aurora luctam inter Jacob & Angelum  
finiens, typus B. V. confid. 4. n. 5.  
Aurora cur aurea hora? confid. 4. n. 6.

**B.**

Baculus & virga Davidem consolantur.  
Cur? confid. 36. n. 6. & confid. 42. n. 3.  
Baculus quomodo Jacobo in transitu Jor-  
danis fuit auxilio? confid. 42. n. 3.  
Bajulatio ponderosæ Crucis quomodo à  
Christo facta? confid. 32. n. 3.  
Baguritha Jonatham & Achinam defen-  
dens pallio, typus B. V. confid. 36. n. 4.  
S. Barula puer & M. quomodo ab ipsa  
Matre in mortem præsentatus? confid.  
24. n. 6.  
Belo idolo similis est mundus. conf. 61. n. 7.  
Benjamin Christo S. Joannes. conf. 38. n. 4.  
Benoni, id est filii doloris sunt omnes  
Christiani respectu Dolorosæ Matris.  
confid. 39. n. 4.



## *Index Rerum memorabilium, Conceptuum predicabilium &c.*

Berzelai Davidi fidelissimus typus S. Joan.  
nis Evang. conf. 38. n. 1.  
Bethsabea quàm pretiosâ coronâ suam  
coronavit Filium. conf. 30. n. 3.  
Bethsabea Regina in throno exaltata typus  
B. V. MARIE. conf. 65. n. 2.  
Botrus Cypri expressus JESUS & hic cruci-  
fixus. conf. 59. n. 1.  
Brutus erga Cæsarem amicus ingratus.  
conf. 26. n. 1.

### C.

Calix ut transeat, quare Christus in hor-  
tò dixit? conf. 25. n. 5.  
S. Calliopi Mater, dum Filium crucifi-  
xum amplexatur, præ dolorum  
magnitudine expirat. confid. 43.  
n. 4.  
Calculus ignitus Verbum incarnatum. &  
forceps aurea B. Virgo. Cur? conf.  
13. n. 7.  
Candela una in candelabro trigono quare  
in hebdomade Sancta non extinguitur?  
conf. 42. n. 1.  
Candelabrum septisidum typus dolorosæ  
Matris. conf. 42. n. 1.  
Canis atrociter percussus movet ad com-  
miserationem, & cur non Christus fla-  
gellatus? conf. 28. n. 5.  
Capilli B. Virginis quare sicut greges ca-  
prarum? conf. 19. n. 4.  
Captivitas Christi B. V. & Matri quam do-  
lorosâ? conf. 26. n. 2.  
S. Carolus Borromæus quotidie Matrem  
Dolorosam invocabat. conf. 36.  
n. 4.  
Castarum mentium laus, figuræ & enco-  
mia. conf. 7. per totum.

Charitas B. Virginis in DEUM & proxi-  
mum. conf. 66. n. 3.  
Cherubini duo Christus crucifixus & Ma-  
ter dolorosa. Parænes. n. 5.  
Cherubinus ante portam Paradisi quo-  
modo sublati? conf. 34. n. 5.  
Cherubini duo aurei typus B. Virginis &  
S. Josephi. conf. 2. n. 6.  
CHRISTUS quare Sol justitiæ? conf. 13.  
n. 1.  
Christus quare simul & semel fasciculo  
Myrrhæ & Cypri botro comparetur?  
conf. 13. n. 5.  
Christus in cruce carnem & MARIA im-  
molabat animam. conf. 33. n. 5.  
Christus majorem crucis partem porta-  
vit, pedem nobis reliquit. conf. 32.  
n. 5.  
Christus non humi, sed in aëre erat cruci  
affixus. conf. 33. n. 2.  
CHRISTUS ex compassione ergo SS.  
Matrem suam in cruce flevit. conf. 34.  
n. 2.  
CHRISTUS quare capite inclinato in  
cruce expiravit? conf. 36. n. 7. & conf.  
43. n. 6.  
Christus quare non ad postulationem Ju-  
dæorum de cruce descendit? conf. 41.  
n. 4.  
Christus quare in cruce dixit: Consum-  
matum est? conf. 43. n. 3.  
Christus quare dixit: Pater in manus tuas  
commendo spiritum meum? conf. 43.  
n. 5.  
Christus quare clamans in cruce expira-  
vit? conf. 43. n. 5.  
Christus quare Passionem suam cum SS.  
Matre sua divisit? conf. 44. n. 1.  
Christus quomodo venit in profundum  
maris? conf. 52. n. 1.

Chri-

*Index Rerum memorabilium,*

Christus cur sitiens tradidit spiritum? confid. 61. n. 6.

CHRISTUS in cruce moriens quorsum faciem suam direxit? confid. 69. n. 6.

CHRISTUS cur primum post passionem favum mellis comedit? Epilog. n. 1.

Christus Pelicanus, botrus & myrrha, Quomodo? confid. 25. n. 4.

Christus à SS. Matre nunquam faciem avertit. confid. 3. n. 1.

Christi incarcerationi typus Jeremias, Joseph, Daniel, &c. confid. 28. n. 5.

Christus quare ad Patrem dixit: Quoniam tu es, qui extraxisti me de ventre Matris meæ? confid. 7. n. 3.

Christus summè sibi complacebat in SS. Corde MARIÆ. confid. 7. n. 3.

Christus crucifixus & Mater Dolorosa afflictiis mentibus optimum solamen. confid. 44. n. 4.

Christus quomodo laverit in vino stolam suam, & in sanguine uvæ pallium suum? confid. 29. n. 4.

Christus crucifixus, plagatus & totus cruentatus quàm lamentabile Matri dolorosæ spectaculum. confid. 33. per tot.

CHRISTUS crucifixus optimum meditationis nostræ objectum. confid. 33. n. 4.

Christum Filium crucifixum quomodo Mater dolorosa meditata est? confid. 33. n. 5.

Christus quomodo crucis palmam ascendit? confid. 33. n. 2. & seq.

Christi crucifixi figuræ variæ adducuntur. confid. 33. n. 2. & seq.

*Conceptuum prædicabilium &c.*

CHRISTUS à mortuis resurgens primò SS. Matri suæ apparuit. confid. 53. per tot.

Circumcidi quare Christus voluit? confid. 16. n. 1. & seq.

Circumcisus est Christus ad instar vitis. confid. 16. n. 1.

Circumcisio Christi duplicem fontem elicit & sanguinis & aquæ. confid. 16. n. 2.

Circumcisio CHRISTI puelli fuit gladius in Corde Dolorosæ Matris. confid. 16. n. 2.

Circumcisio de filio Mater sanguinem & præputium sibi reservavit. confid. 16. n. 3.

Circumcisio Filii quomodo considerata à SS. Deipara. confid. 16. n. 4.

Circumcidendus nunc Filius infans votum patiendi ad Patrem renovat. confid. 16. n. 5.

Circumcisionis Christi causæ morales referuntur. confid. 16. n. 6.

Cithara Davidica typus B. Virginis. Epilog. n. 3.

Cithara quare in luctu à Davide pulsata? confid. 29. n. 1.

Citharæ duæ mysticæ Christus patiens & Mater compatiens. confid. 29. n. 2.

Civitas refugii Virgo Dolorosa. confid. 35. n. 14.

Civitates sex refugii. Cur? confid. 63. n. 5.

Claudia Virgo vestalis sola navim traxit onustam. confid. 6. n. 5.

Clotildis linteum sanguine suo conspersum fratri transmittit. Cur? confid. 29. n. 6.

*Index Rerum memorabilium, Conceptuum prædicabilium &c.*

- S. Coletæ Mater Dolorosa filiolum suum in frustra concisum exhibet. confid. 18. n. 6.
- Columba amata & castigata typus Dolorosæ Matris. confid. 20. n. 2.
- Columba in foraminibus petræ Virgo Dolorosa post Filii resurrectionem. confid. 62. n. 6.
- Columba una dimissa & altera immolata, typus JESU & Mariæ. confid. 24. n. 5.
- Columba in medio accipitrum Mater Dolorosa. confid. 35. n. 3.
- Columba Noë quare non invenit sibi locum in terra? confid. 6. n. 5.
- Columba Noëmica typus pacis & Christi resurgentis. confid. 53. n. 1.
- Columna nubis & ignis typus Matris Dolorosæ. confid. 4. n. 6. Item. confid. 3. n. 3. & confid. 66. n. 1.
- Constantia Matris Dolorosæ juxta crucem Filii. confid. 45. per totum.
- Cor Matris Dolorosæ quomodo speculum passionis Christi. Parænes. n. 5.
- Cor suum B. Virgo jam trimula DEO in holocaustum consecravit. confid. 6. n. 4.
- Cor Matris Dolorosæ altare, in quo ignis semper ardens conservabatur. confid. 6. n. 2.
- Cor B. Virginis sedes Spiritus Sancti. confid. 7. n. 2.
- Cor B. Virginis arca fœderis intus & foris deaurata. confid. 7. n. 2.
- Cor B. V. vas electionis, aula DEI, civitas DEI, fons, iris, natatoria Siloë, & mare inexhaustum. confid. 7. n. 5.
- Cor Mariæ luna plena. confid. 10. n. 5.
- Cor Mariæ propitiationis ara. confid. 10. n. 6.
- Cor B. V. altare, in quo se Filius Patri in sacrificium obtulit. confid. 12. n. 4.
- Cor Mariæ misericordiâ plenissimum. confid. 13. n. 6.
- Cor B. V. in resurrectione Filii immenso gaudio repletum. confid. 53. per tot.
- Cor Mariæ in Filii ascensione ad cœlum ingenti solatio affectum. confid. 54. n. 7.
- Cor B. V. Spiritus Sanctus in die Pentecostes novis replet gratiis. confid. 55. per tot.
- Cor Mariæ simile telæ candidæ. Cur? confid. 19. n. 1.
- Cor Matris Dolorosæ simile furno Chymico. confid. 49. n. 1.
- Core, Dathan, & Abiron à terra vivi absorpti. confid. 26. n. 5.
- Coronatio Regum quibus olim facta ceremoniis? confid. 30. n. 2.
- Coronatio Christi quàm dissimilis? confid. 30. n. 2.
- Coronationi Christi præsens adstat Mater Dolorosa. confid. 30. n. 3.
- Coronari spinis quare Christus voluit? confid. 30. n. 4.
- Coronato Filio tam cruento ferto quid Mater sensit? confid. 30. n. 5.
- Coronatio B. Virginis in Cœlo quomodo facta? confid. 64. per totum.
- Coronatio Davidis, Salomonis, Machabæi & Arcæ fœderis. confid. 64. n. 4.
- Coronatio Serenissimæ Eleonoræ, Magdalensæ, Theresiæ S. R. I. Imperatricis Augustæ Vind. peracta. confid. 64. n. 5.



*Index Rerum memorabilium, Conceptuum prædicabilium &c.*

Coronatio B. Virginis à tota SS. Trinitate facta est. confid. 64. n. 5.

Coronata est MARIA coronâ Stellarum duodecim. confid. 64. n. 4.

Coronata in Cœlis DEI Genitrici omnes cœlites homagium præstabant. confid. 64. n. 6.

Corvus quare post diluvium invenit sibi locum, & non columba? confid. 7. n. 2.

Crocodilus plorat, & hominem devorat, typus Judæ & fratrum ejus. confid. 26. n. 1.

Crux Christi navis nostra ad cœlum. Parænes. n. 1. & confid. 35. n. 2.

Crux per omnem vitam in corde Dolorosæ Virginis fuit. confid. 21. n. 2.

Crux recta ad cœlum viâ. Epilog. per tot.

Cultor MARLÆ in peccatis vivens mortalibus, in Virginem injurius est. confid. 10. n. 6.

Cultus, qui Matri Dolorosæ defertur, DEO gratissimus. confid. 34. n. 1.

Cultus B. Virgini ab Ecclesia Catholica exhibitus contra hæreticos defenditur. confid. 65. n. 1.

Cultus quinam debetur Magnæ DEI Matri? confid. 65. per totum.

Cultus præcipuus Magnæ DEI Genitrici impensus, est sedula ejus virtutum imitatio. confid. 66. per totum.

Cypressus symbolum constantiæ. confid. 45. n. 1.

**D.**

Dagon idolum quare ad præsentiam arcæ corruit in terram? confid. 65. n. 1.

*Mater Dolorosa.*

Dalila mundi immundi typus. confid. 61. n. 6.

Darius Rex quare pro salute Danielis tantum laboraverit? confid. 31. n. 5.

David Rex quare totis viribus coram arca DEI saltavit? confid. 14. n. 6. Item confid. 4. n. 3.

David quales impensas pro templo DEI ædificando paraverit? confid. 6. n. 6.

David gradiens ante arcam cur tot victimas immolavit? confid. 19. n. 6.

David Goliath occidens à nobis imitandus, & quomodo? confid. 17. n. 5.

David afflictis & angustatis refugium singulare, confid. 22. n. 6.

David è faucibus leonum oves eruit. confid. 35. n. 6.

Davidem quid ad pugnam animavit cum Golia ineundam? Epilog. n. 4.

David prædam belli quare æqualiter etiam inter non pugnantes dividi voluit? confid. 63. n. 7.

David Cedron pertransiens in fuga, typus Christi. confid. 27. n. 4.

Dathan, Core & Abiron quare vivi descendunt in infernum? confid. 69. n. 4.

Debbora heroina quomodo typus Martiris Dolorosæ? confid. 45. n. 5. & confid. 69. n. 3.

Denudatio Christo, antequam cruci suspiceretur, dolorosissima. confid. 33. n. 3.

Desponsatio B. Virginis cum S. Josepho quomodo peracta? confid. 9. per tot.

Desponsationis MARIAM inter & Josephum plures ceremoniæ. conf. 9. n. 2.

Deus, Deus meus, ut quid dereliquisti me? quàm dolorosum Matri Dolorosæ? confid. 43. n. 2.

Uuu

Deus

## *Index Rerum memorabilium, Conceptuum predicabilium &c.*

Deus quomodo hominem amat, & simul castigat? confid. 20. per totum.

Deus non inter delicias, sed inter spinas quærendus. confid. 20. n. 3.

DEUS apparens in monte Sinai quare terribilis, in monte autem Horeb & in rubo totus placabilis? confid. 14. n. 6.

Diabolus imitatur Holofernem, aquæ ductum incidentem. confid. 65. n. 2.

Diabolus quomodo leo rugiens. confid. 2. n. 1.

Disma latronis miranda in cruce conversio. confid. 36. per totum.

Dolores Matris Dolorosæ frequenti memoriâ recolendi. Parænes. n. 6. & per totum.

Dolores Filii patientis Matri compatiendi fuerunt communes. confid. 47. n. 2. & seq.

Dolores Matris Dolorosæ explicari non possunt. confid. 49. n. 5.

Dolor Virginis ex visis & auditis tot injuriis Christo Filio illatis. confid. 23. per totum.

Dolores omnes Virgo Dolorosa æquissimo tulit animo. confid. 23. n. 4. &c.

Dolores Virginis Dolorosæ in resurrectione Filii in summam animi versi sunt dulcedinem. confid. 53. per totum.

Domus Obededom, Labani, Putipharis & Zachari quare benedicta? conf. 14. n. 6.

## E.

Ecce homo quàm lamentabile Matri Dolorosæ spectaculum. confid. 31. per tot.

Elephas viso sanguine animatur ad prælium. confid. 59. n. 1.

Elias Thesbites à vidua sustentatus, Matris Dolorosæ typo. confid. 22. n. 5.

Elias ab Angelo confortatus typus Christi in Oliveto agonizantis. confid. 25. n. 6.

Elizæ Mulier Sarephthana succurrens, typus B. V. confid. 68. n. 7.

Eliezer quare Rebecca in aures suspendit? confid. 15. n. 1.

Eliezer in siti potatus à Rebecca, B. Virginis typo. confid. 22. n. 1.

Elisabetha Regina ad conspectam crucifixi iconem se emendat. confid. 58. n. 4.

Elogia varia B. Virgini à SS. Patribus attributa. confid. 12. n. 1. & confid. 53. n. 7.

S. Elzeario Mater Dolorosa commendatur in Matrem. confid. 38. n. 6.

Emblemata plura de Immaculata Virgine confid. 3. n. 8.

Emblemata de B. Virgine in lucem nata. confid. 4. n. 5. de SS. Scapulari B. V. confid. 68. n. 3.

Emblemata patientiæ. confid. 41. n. 1.

Ephebus Mauritio Saxonizæ Duci vitam conservat. confid. 44. n. 4.

Episcopus animarum nostrarum Christus, quomodo in ara crucis sacrificavit? confid. 33. n. 5.

Esau pulmento lentis primogenita vendit. confid. 26. n. 5.

Esther conservans populum suum ab interitu, typus B. V. Mariæ. confid. 36. n. 4.

Esther summitatem aureæ virgæ tenens, typus B. Virginis. confid. 10. n. 5.

Esther

*Index Rerum memorabilium, Conceptuum predicabilium &c.*

Esther pretiosis inuncta unguentis, typus  
B. V. **MARIÆ**. confid. 6. n. 6.

Esther duos famulos secum accipiens, fi-  
gura B. Virginis. confid. 5. n. 3.

Esther coronata quomodo typus Mariæ.  
confid. 64. n. 3.

Eva vas perditum; Virgo Dolorosa vas in  
honorem. confid. 3. n. 2.

Eva, Sara, Rebecca, Rachel, Judith,  
& aliæ Fœminæ quare non in **DEI**  
Matrem fuerunt electæ? confid. 8.  
n. 1.

**SS.** Eucharistiam accipiens etiam carne &  
sanguine **MARIÆ** reficitur. confid.  
12. n. 2.

**SS.** Eucharistiâ Mater Dolorosa ante Filii  
passionem refecta, confortata est.  
confid. 25. n. 6.

Evangelistæ quare tam pauca de Matre  
Dolorosa scripserunt? confid. 1. n. 2.  
Item in Epilogo. n. 2.

Ezechias quare in infirmitate sua orans fa-  
ciem ad parietem convertit? confid.  
11. n. 6.

Ezechias moribundus, ubi solem ad gra-  
dum X. retrogradientem vidit,  
subito sanatus est. Cur? confid. 34.  
n. 1.

**F.**

Fasciculus Myrrhæ Dolorosæ Virgini fuit  
ipse dilectus Filius. confid. 17. n. 1. &  
confid. 58. n. 5.

Ferculum Salomonis typus **MARIÆ**. &  
quomodo? confid. 14. n. 5. Epil. n. 5.

Ficus infructuosa symbolum peccatoris,  
pœnitentiæ fructus procrastinantis.  
confid. 65. n. 6.

Fidejussor optimus Christus **JESUS** & hic  
crucifixus. confid. 59. n. 1.

Figuræ de B. Virgine sunt potissimum ar-  
ca deaurata, mensa panum propositio-  
nis, propitiatorium, thronus, can-  
delabrum ductile, lucerna fulgens, &c.  
confid. 66. n. 3.

Filius Sunamitidis typus clientis **Mariani**  
in sinu Matris morientis. confid. 69.  
n. 8.

Flagellationis Christi causæ variæ. confid.  
29. n. 5.

Flagellatio quàm infamis apud Romanos,  
confid. 29. n. 3.

Flagellationi Christi interfuit Mater Do-  
lorosa. confid. 29. n. 3.

Flagellatio Christi quàm horrenda &  
cruenta. confid. 29. n. 4.

Flagellatio Christi cruenta piscina salutife-  
ra. confid. 29. n. 4.

Flos campi quare Christus? confid. 30.  
n. 1.

Fluctus omnes induxit **DEUS** super Ma-  
trem Dolorosam. confid. 37. n. 3.

Fœmina circumdans virum quomodo B.  
Virgo? confid. 12. n. 4.

Fons parvus crescens in fluvium **CHRI-**  
**STUS** in Circumcisione. confid. 16.  
n. 2.

Fons duplex in morte S. Canuti Regis &  
Martyris exortus. confid. 16. n. 2.

Fons ascendens in medio terræ typus Ma-  
riæ est. Epilog. n. 6.

Fons pietatis quomodo Virgo Dolorosa  
conf. 35. n. 3.

Fortissimum rerum omnium est charitas  
confid. 51. n. 1.

Fortitudo heroinarum Jahelis, Judith,  
Mulieris Thebæ, Joannæ & Salome.  
Matris Machabæorum. confid. 37. n. 2.



## *Index Rerum memorabilium,*

Fratres Joseph quàm crudeles. confid. 31. n. 7.

Fuga Christi & Matris Dolorosæ in Ægyptum. confid. 19. per totum.

Fuga quare à Christo in Ægyptum & non in aliam regionem facta? confid. 19. n. 3.

Funiculus coccineus à Rahab in fenestra suspensus, quid? confid. 2. n. 3.

Funiculus coccineus typus Sanguinis Christi. confid. 46. n. 4.

## **G.**

Gabriel B. Virginem de futura Christi passione melius, quàm olim Danielem informavit. confid. 15. n. 1.

Gaudium omne B. Virginis in hoc mundo tristi absynthio erat permistum. confid. 21. per totum.

Gaudium B. Virginis in resurrectione Filii inenarrabile. confid. 53. per totum.

Generationem Christi quomodo Ezechias Rex in Solario prævidit? confid. 12. n. 1.

Genitrix DEI utpote Domina totius universi libera est ab omni tributo. confid. 3. n. 6.

Genitricem Dei esse excedit omnem humanam & Angelicam celsitudinem. confid. 65. n. 4.

Gladium Simeonis Dolorosa Mater semper in corde suo portavit. confid. 18. n. 3. & seq.

Gladium Simeonis quis fecit? confid. 18. n. 6.

Gladius Cherubini, Aod, Samuelis & Abrahami, qualis? confid. 18. n. 5.

## *Conceptuum prædicabilium &c.*

Gladius Joab usque ad interfectionem deficiens quid? confid. 18. n. 6.

Granadilla flos passionis explicatur. confid. 21. n. 1. & seq.

Grano frumenti quare se ipsum Christus assimilavit. confid. 50. n. 1.

Gratiâ plena quomodo B. Virgo? confid. 10. per totum.

Gratiam invenit Abigail apud David, Ruth apud Booz, Esther apud Assuerum, sed B. V. apud Deum. confid. 10. n. 2.

Gratia Dei à nobis per Mariam quærenda est. confid. 10. n. 7.

Gratiarum actio longè major à nobis Christianis debetur Dolorosæ Matri, quàm olim Judithæ à Bethuliensibus. confid. 37. n. 6.

Gratulatio ad Matrem Dolorosam de invento in templo Filio. confid. 20. n. 8.

S. Gregorius Magnus considerans Magdalenæ lacrymas in amarum fletum prorumpit. confid. 44. n. 2.

Guiscardus Comes cor suum Sigismundæ post cruentam mortem offert. confid. 46. n. 1.

## **H.**

Hædera Jonæ mundi typus. confid. 61. n. 1.

Hædos quomodo pascat Virgo Dolorosa? confid. 36. n. 3.

Hæmus inescatus carnis & mundi typus. confid. 61. n. 1.

Heli audiens arcam Dei esse captam, subito expirat. confid. 26. n. 6.

Heli

*Index Rerum memorabilium, Conceptuum prædicabilium &c.*

Heli cur retrorsum cadens extinguitur? confid. 61. n. 1.  
 Heliotropio Dolorosa Mater assimilatur. confid. 60. n. 2. & confid. 19. n. 1.  
 Henricus Angliæ Rex mortuus ad præsentiam filii perduellis Sanguinem sudat. confid. 49. n. 6.  
 Herodes cur statuit Christum infantulum tam citò e medio tollere. confid. 19. n. 1.  
 Herodis amentia, dum ob saltum filix dimidium regni sui obtulit. confid. 35. n. 5.  
 Heroinæ plures, inter quas præminet Mater amoris & doloris. confid. 37. n. 2.  
 Hirundo mirabilis industria stans super bacillum per mare navigat. confid. 35. n. 1.  
 Holda Prophetissa typus B. V. MARIÆ. confid. 10. n. 4.  
 Holocaustum Noëmi Deo acceptum, plus SS. Cor B. V. Dolorosæ. confid. 6. n. 1.  
 Homo quomodo jumentum apud Deum? confid. 15. n. 6.  
 Honor Matri Dolorosæ impensus Christo gratissimus. confid. 34. n. 1. Item in Parænesi n. 4.  
 Hora secunda pro articulo mortis optanda & à Matre Dolorosa impensius exoranda. confid. 69. n. 1. & seq.  
 Horæ Passionis Christus etiam in nuptiis Cananæis memor. confid. 22. n. 3.  
 Horologium Achaz quare typus B. V. Mariæ? confid. 12. n. 1.  
 Hortus Gethsemani cur à Christo pro Passionis initio electus? confid. 25. n. 2. &c.

Hortum Gethsemani an Mater Dolorosa intraverit, & sanguineo Filii sudori an præsens fuerit? confid. 25. n. 2. & seq.  
 Humilitas virtutum omnium stabile fundamentum. B. Virginem ad tantam dignitatem exexit. confid. 8. per tot.  
 Humilitas vera valde rara inter homines. confid. 8. n. 6.

**I.**

Jacob cur munera Ægyptiorum Pro Regi miserit? confid. 6. n. 4.  
 Jacob quare super lapides somnum capessit? confid. 17. n. 5.  
 Jacob Jordanem cum baculo transiens typus Christi. confid. 54. n. 3.  
 Jacob revixit, ubi Filium Josephum vidit. confid. 53. n. 2.  
 Jacob super lapides indormiens typus patientiæ. Epilog. n. 7.  
 Jacobi ardens desiderium videndi Josephum in Ægypto regnantem. confid. 61. n. 4.  
 Jabel mundi figura. confid. 61. n. 6.  
 Jeremias cur ad domum figuli jussus est accedere? confid. 3. n. 2.  
 Jeremias quomodo ruinam Hierosolymæ deploravit? confid. 45. n. 3.  
 Jerusalem urbi non poterat nocere Senacherib. confid. 3. n. 4.  
 Jephthas quare tanto cum luctu virginis tatem suam deploravit? confid. 7. n. 1.  
 Jezabel mundi immundi typus. confid. 61. n. 3.  
 S. Ignatius Ep. & M. Romæ in amphitheatro spectaculum factus. confid. 33. n. 1.

*index Rerum memorabilium, Conceptuum prædicabilium &c.*

- S. Ignatius Soc. JESU Fund. imaginem Dolorosæ Matris jugiter in pectore suo portavit. Parænes. n. 2.
- Imago Abrahami filium suum immolantis Sanctos ad lacrymas & compassionem movet. confid. 58. n. 4.
- Imitarios oportet Virginem Dolorosam, ut armiger Jonatham, & Ethai Davidem. confid. 66. n. 2.
- Imitari si non studes Dolorosam Matrem, frustrâ eam colis. confid. 66. n. 5.
- Imitari debet Christianus Matrem Dolorosam, ut pica Romæ buccinatores, ut oves Jacobi virgas, ut umbra corpus, ut Ruth messorum, ut pictor suum exemplar. confid. 66. n. 6.
- Impatentia Jacob Patriarchæ, Jobi & Matris Sisaræ belli ducis. confid. 41. n. 2.
- Impatentia Eliæ, Elisæi, filiorum Zebedæi, Pauli & Epirotinæ. confid. 41. n. 3.
- Impatiens Dolorosa Mater nunquam extitit. confid. 41. per totum.
- Incarnatio Verbi per Scalam Jacob adumbrata. confid. 11. n. 1.
- Incarnatio Verbi an facta fuisset, si Adam non peccasset? confid. 11. n. 2.
- Incarnatio & passio singulariter meritis B. Virginis attribuenda. confid. 11. n. 2.
- Incarnatio Verbi revelata Adamo in somno. confid. 11. n. 3.
- Incarnationem Verbi agnoverunt Lamech, Noë, Abraham & alii. confid. 11. n. 3.
- Incarnatio Verbi per rorem cœli adumbrata. confid. 11. n. 5.
- Incarnationis typus erat Deus in rubo. confid. 11. n. 6.
- Incarnati Verbi typus, Angelus in camino ignis ardentis. confid. 11. n. 6.
- Incarnatio summum generi humano beneficium. confid. 11. n. 6.
- Incarnatio Verbi omnia prodigia & miranda superat, quod per varias figuras demonstratur. confid. 11. n. 7.
- Incarnatio DEI Filiû mox B. Virgo gladium doloris sensit. confid. 12. per tot.
- Incarnationem Verbi Maria de congruo meruit. confid. 12. n. 5.
- Incarnatus antequam Deus fuit, erat orbis terribilis, quod per varias probatur figuras. confid. 13. n. 1.
- In incarnatione Verbi Sapientia ædificavit sibi domum. confid. 12. n. 3.
- Intentio Virginis Dolorosæ semper ad DEUM erat directâ. confid. 60. n. 7. & 8.
- SS. Innocentium strages SS. Cor Virginis Dolorosæ profundè fauciabat. confid. 19. n. 6.
- S. Joannes Bapt. quare in utero matris exultavit præ gaudio? confid. 4. n. 6.
- S. Joann. Evang. cur fugit in captivitate CHRISTI, & econtra constans in Calvariæ monte perseveravit? confid. 45. n. 2.
- S. Joannes Ev. cur cum Bercelai compareretur? confid. 38. n. 1.
- S. Joanni Ev. quomodo facta est hæreditas præclara? confid. 38. per totum.
- S. Joanni Ev. quare Christus SS. Matrem suam & non S. Petro, aut alii Discipulorum commendavit? confid. 38. n. 2.
- S. Joannes Ev. cum Ethai quare assimilatur? confid. 38. n. 3.



*Index Rerum memorabilium, Conceptuum prædicabilium &c.*

- S. Joanni Ev. quomodo & qualiter à moriente JESU Mater Dolorosa fuit recommendata? confid. 38. n. 3.
- S. Joan. Ev. cum armigero Jonathæ comparatur. confid. 38. n. 4.
- S. Joannes Ev. verus Christi Benjamin. confid. 38. n. 4. & 5.
- S. Joannis Ev. potens intercessio apud Deum. confid. 38. n. 5.
- S. Joan. Ev. indefessis obsequiis Matri Dolorosæ inserviit. confid. 39. n. 1. & seq.
- S. Joan. Ev. videt JESUM & Mariam in cælo te præterita passione peramicè colloquentes. confid. 69. n. 8.
- S. Joan. Ev. quomodo in ultimo testamento, & in quem finem SS. Matrem suam legavit? confid. 39. n. 3.
- S. Joan. Ev. quare Discipulus Christi morientis appellatus? confid. 40. n. 2.
- Joan. Pechamus à Christo JESU crucifixo mirè consolatur. confid. 44. n. 5.
- Joab apprehendens cornu altaris mori voluit. Quid hoc? confid. 43. n. 4.
- Joas inter principes pueros occisos cur solus servatus? confid. 19. n. 6.
- Job quare quotidie pro peccatis filiorum Deo holocausta immolavit. confid. 59. n. 6.
- Jonas typus Christi. confid. 15. n. 5. ac præsertim. confid. 31. n. 1.
- Jonathas quomodo mundanorum typus? confid. 61. n. 6.
- Jordanis ad præsentiam arcæ quare conversus est retrorsum? confid. 2. n. 4.
- S. Josephus quare in patrem nutritium Christi electus? confid. 21. n. 6.
- S. Joseph. dignior Sponsus Mariæ, quàm olim Aaron Synagogæ. confid. 9. n. 1.
- S. Josephus quo ætatis anno conjugium cum B. V. inierit? confid. 9. n. 4.
- S. Josephus mulierem fortem invenit, de qua Salomon commemorat. confid. 9. n. 3.
- S. Josephus Sponsam suam Nazarethum ducit. confid. 9. n. 3.
- S. Josephus quare Sponsam suam sanctissimam voluit dimittere? confid. 9. n. 4.
- S. Josephus verè fidelis servus & prudens, quem constituit Dominus super familiam suam. confid. 9. n. 5.
- S. Josepho specialis benedictio & hæreditas à DEO relicta fuit. confid. 9. n. 6.
- Joseph Patriarcha filius accrescens, typus Christi per omnem vitam. confid. 48. n. 2.
- Joseph 20. argenteis venditus typus Christi in mortem venditi. confid. 26. n. 4.
- Joseph quàm decorus aspectu. confid. 31. n. 1.
- Joseph per meras tribulationes ad Proregem in Ægypto exaltatus est. Epilog. n. 4.
- Joseph ab Arimathæa quomodo Corpus JESU à Pilato impetravit? Parænes. n. 3.
- Josephus à Leonissâ Dolorosæ Matris cultor & amator eximius. confid. 44. n. 5.
- Josias Rex corde saucius typus Christi in pectore transfixi. confid. 46. n. 2.
- Iris in circuitu throni Mater Dolorosa est: & quomodo? confid. 35. n. 3.
- Iris occidente sole in lacrymas desinens, typus Dolorosæ Matris. confid. 44. n. 1.
- Isaac quare non fuit immolatus? confid. 59. n. 2.

## *Index Rerum memorabilium, Conceptuum prædicabilium &c.*

Isaac quomodo typus Christi in oratione mentali? confid. 59. n. 2.

Judas quare crocodilo comparatur? confid. 26. n. 1.

Judas Iscar. pluris unguentum Magdalene, quàm ipsum Christum æstimavit, quod plures etiamnum faciunt, confid. 26. n. 5.

Judæi, si Dominum gloriæ cognovissent, eum non crucifixissent. confid. 46. n. 6.

Judæi licet Christicidæ, à Dolorosa tamen Matre amabantur. confid. 44. n. 3.

Judith ob salutem civium non parcens animæ suæ, typus Matris Dolorosæ. confid. 37. n. 6.

Judith sola in cubiculo orans, ac meditans, typus B. V. Mariæ. confid. 56. n. 2.

Julia visis vestimentis Pompeji conjugis sui cruentatis, subitanè morte extinguitur. confid. 44. n. 4.

## L.

Laborandum juxta exemplar Matris Dolorosæ, dum tempus est, confid. 57. per totum.

Labyrinthus Creticus typus mundi. confid. 67. n. 1.

Lac B. Virginis durum saxum emollit. confid. 19. n. 4.

Lacrymæ Dolorosæ Matris quantum nos movere debeant? confid. 29. n. 6.

Lacrymæ Matris Dolorosæ quàm pretiosæ. confid. 49. per totum.

Lacrymæ Sunamitidis Agar, Resphæ, Annæ, Evæ, & aliarum mulierum evanidæ. confid. 49. n. 2.

Lacrimæ Matris Dolorosæ plures fuerunt in passione Filii sanguineæ. confid. 49. n. 1. & 2.

Lacrymæ pœnitentis Magdalene quàm efficaces. confid. 51. per totum.

Lacrymas quare Christus moriens in cruce profudit? confid. 45. n. 8.

Lagena Gedeonis confracta quomodo typus Christi in cruce morientis? confid. 43. n. 2.

Lamenta Dolorosæ Matris. confid. 28. n. 5. Item confid. 49. n. 3. & in pluribus loc.

Lancea Longini quomodo clavis paradisi? confid. 34. n. 5.

Lanceæ dolorem Cor Matris Dolorosæ abunde excepit. confid. 46. per totum.

Latro per intercessionem Matris Dolorosæ veniam & gratiam invenit. confid. 35. n. 1.

Latro bonus similis sciuro, vel hirundini, & quomodo? confid. 35. n. 2.

Latro plus impetravit à Christo, quàm unquam petere ausus fuit. confid. 35. n. 5.

Latroni converso qualis fuit patria? confid. 35. n. 5.

Lectulus Salomonis quomodo typus B. Virginis? confid. 2. n. 5.

Leones duo sepulchrum S. Pauli primi Eremitæ effodiunt. confid. 50. n. 2.

Leprosi in obsidione Samariæ ad castra hostilia fugientes nobis, & quomodo imitandi? confid. 46. n. 6.

Liber generationis Christi quomodo B. V. Maria? confid. 1. n. 1. & seq.

Liber scriptus stylo ferreo Mater Dolorosa est. confid. 1. n. 1.

*Index Rerum memorabilium, Conceptuum prædicabilium &c.*

Liber hic mysticus (dolorosa Mater) quomodo legendus? confid. 1. n. 3.

Liber dulcis & amarus quomodo Virgo ac Mater dolorosa? confid. 1. n. 3.

Liber regnante Josia inventus omnibus terrorem incussit. Cur? confid. 1. n. 4.

Liber decalogi pretiosissimus periit, de quo nec una littera superstes. confid. 1. n. 4.

Liber utilissimus Mater dolorosa est, ex cujus sedula lectione & meditatione omnes possunt fieri docibiles DEI. confid. 1. n. 5. & 6.

Liberalitas B. Virginis, quæ etiam non rogata succurrit. confid. 22. per totum.

Lignum aquas amaras sanans, quid significat? confid. 46. n. 5.

Lignum ferrum ad se de aqua trahens, quomodo typus dolorosæ Matris? confid. 35. n. 3.

Lignum vitæ in paradiso quomodo Mater dolorosa? confid. 35. n. 4.

Lignum in medio paradisi quomodo Virgo dolorosa? confid. 35. n. 6.

Lignum aquam amarissimam indulcorans, typus Christi crucifixi & SS. Matris dolorosæ. Epilog. n. 5.

Lilium convallium quare Christus? confid. 30. n. 1.

Lilium inter spinas cur Mater doloris & amoris? confid. 30. n. 1.

Litteræ quas B. Virgo propriâ manu exaravit. confid. 52. n. 6.

S. Lucianus Martyr & Presbyter super cor suum ante martyrium pro Christo subeundum sacrificat. confid. 50. n. 4.

*Mater Dolorosa.*

Luctus ingens dolorosæ Virginis Filium perditum per triduum quærentis. confid. 20. n. 2.

Luctus Israël, Viduæ in Naim, Rachelis & Sunamitidis &c. confid. 24. n. 2.

Luminare minus quomodo Virgo dolorosa? confid. 35. n. 4.

Luna pallida & eclipsata quomodo dolorosa Mater? confid. 43. n. 1.

Luna plena quomodo B. Virginis Mariæ figura? confid. 10. n. 1.

Luna nova Judæis per Esther orta, figura B. Virginis in lucem natæ. confid. 4. n. 2.

Luna, an sole stante in pugna Josue, & ipsa stetit? confid. 45. n. 3.

**M.**

S. Magdalena comes indivulsa Matris dolorosæ. confid. 51. n. 3.

S. Magdalena nubes rotunda. confid. 51. n. 2.

S. Magdalens lachrymæ salutares. confid. 51. & per totum.

S. Magdalena in passione constantior, quàm Discipuli. confid. 51. n. 3.

S. Magdalena osculando, & lacrymis rigando pedes JESU, de cruce depositi, non poterat satiari. confid. 51. n. 4.

S. Magdalenam, velut ferrum, Christus crucifixus ut magnes ad se attraxit. confid. 51. n. 5.

S. Magdalena cerva sitibunda, Christus crucifixus fons vivus, ad quem spiravit. confid. 51. n. 5.

Xxx

S. Mag-



*Index Rerum memorabilium, Conceptuum predicabilium &c.*

S. Magdalena margaritha perdita, Christus mercator eam inveniens. confid. § 1. n. 5.

S. Magdalena ovis perdita, Christus pastor bonus. confid. § 1. n. 5.

S. Magdalena aqua crassa, Christus Sol Iustitiæ illam accendens. conf. § 1. n. 6.

S. Magdalene lacrymas quare Christus non prohibuit, prout fecit cum Vidua in Naim. confid. § 1. n. 6.

SS. Magi à B. Virgine in fide orthodoxa fuerunt instructi. confid. 17. n. 6.

Malleus quare in ædificatione templi non fuit auditus? confid. 3. n. 4.

Mare amarum quomodo SS. Cor Matris dolorosæ? confid. 47. n. 4.

Maria prima votum virginittis emittit. confid. 7. per totum.

Maria amat diligentes se. confid. 3. n. 8.

Maria cur toties terræ comparatur? conf. 8. n. 3.

Maria quare perturbata fuit in salutatione Angelica? confid. 8. n. 4.

Maria quare mysterium incarnationis Verbi S. Iosepho, castissimo Sponso suo non aperuit? confid. 8. n. 4. & confid. 9. n. 5.

Maria ob summam humilitatem omnibus creaturis posthaberi voluit. confid. 8. n. 5.

Maria quomodo paradus, lectulus Salomonis, planta virginittis, crater tornatilis, thesaurus sanctittis, & microcosmus gratiarum. confid. 12. n. 1.

Maria medium terræ, in quo DEUS salutem nostram operatus est. confid. 12. n. 6.

Maria quare non Filium suum, sicut olim Anna suum Samuelem in templo reliquit? confid. 18. n. 1.

Maria quare non in stabulo Bethlemico, sed juxta crucem in Matrem nobis designata est? confid. 39. n. 4.

Maria quare dicatur, quod Filium suum primogenitum & non unigenitum pepererit? confid. 39. n. 5.

Maria quomodo iratum DEUM fecit placabilem. confid. 13. per totum.

Maria in templo comorata quotidie præsens interfuit sacrificio matutino & vesperino. Et cur? confid. 6. n. 7.

Maria ingrediens cælum longissimè Sabæ Reginæ pompam transgressa est. conf. 63. n. 3.

Maria arca animata, quomodo in Sanctum Sanctorum illata? confid. 63. n. 5.

Maria quare ad pedem montis Olivetani ad cælum assumpta est? confid. 63. n. 5.

Maria cur triplici coronâ in cælo à SS. Trinitate coronata? confid. 64. & seq.

Maria quare comparatur cum throno Salomonis, Ezechielis & Isaïæ? confid. 65. n. 4.

Maria in corpore & anima in cælo regnat. confid. 63. n. 4.

Maria interponit sepem inter Christum Judicem & peccatorem. confid. 65. n. 6.

Maria quare amet nos, plus quàm Esther suum populum? confid. 65. n. 7.

Maria benignissima est, per misericordiam suam omnes in Veteri Lege mulieres longè superans. confid. 65. n. 5.

Mariæ omnes creaturæ cur meritò debeant aggratulari? confid. 65. n. 8.

Maria Virga Mosaica viam ad cœlestem Palæstinam adaperiens. confid. 60. n. 1.

Maria

*Index Rerum memorabilium, Conceptuum prædicabilium &c.*

Maria exemplar, quod in monte nobis monstratum est. confid. 66. n. 2.

Maria devotè invocata clientibus suis in agone succurrit. confid. 69. per totum.

Maria cur juxta thronum DEI stans dicitur, & non sedens? confid. 69. n. 5.

Maria singularis Patrona animarum purgantium. confid. 70. per totum.

Maria prima juxta crucem, in aliis negotiis ultima ponitur. Cur? Epilog. n. 2.

Maria an præsens in ascensione Filii. confid. 54. n. 2.

Maria post Filii in cælum ascensionem quare tanto tempore adhuc in terris relicta confid. 54. n. 2.

Mariæ mens in ascensione Filii. confid. 54. n. 6.

Maria docet nos optimum orandi modum. confid. 56. per totum.

Maria quomodo semper de Christo Filio cogitavit? confid. 58. n. 5.

Maria qua ratione & maximum & minimum in hoc mundo dici potest? conf. 8. n. 2.

Maria soror Moyfis quomodo typus B. Virginis? confid. 7. n. 4.

Maria Ægyptiaca per dolorosam Matrem quomodo conversa? confid. 26. n. 6.

SS. Martyres ibant gaudentes ad dolores, non sic dolorosa Mater. Cur? confid. 47. n. 3.

Mathathiæ dolor ob templum devastatum. confid. 26. n. 6.

Mater dolorosa cum Sara comparatur. Quare? Parænes. n. 2.

Matris dolorosæ amor in genus humanum. Parænes. n. 3.

Mater dolorosa plus quodammodo passa est, quàm Filius. Parænes. n. 6.

Mater dolorosa quomodo rosa, oliva, luna pallida &c. confid. 25. n. 4.

Matris dolorosæ dolor & amor in captivitate Filii. confid. 26. n. 6.

Mater dolorosa quomodo filium, crucem bajulantem secuta? confid. 32. n. 2.

Mater dolorosa quomodo vale ultimum dixit dilectissimo Filio, crucis patibulum ad Calvarium montem ferenti; ubi plures enumerantur figuræ. confid. 32. n. 4. & seq.

Mater dolorosa, quomodo fidelem Ethai & alios in ascensu Calvariæ imitata est? conf. 32. n. 5.

Mater dolorosa, quomodo se habuit in cruenta Filii crucifixione? confid. 33. per totum.

Mater dolorosa, an fuerit in aula Caiphæ? confid. 28. n. 4.

Mater dolorosa quomodo Cooperatrix nostræ salutis? confid. 28. n. 4.

Mater dolorosa Sacrosancto Filii Sanguine abundè proluta est. confid. 34. n. 2.

Matrem dolorosam cur voluit DEUS, ut Filio patienti ferè in omnibus doloribus assisteret? confid. 34. n. 3.

Mater dolorosa sub ligno crucis reparavit, quod Eva quondam per lignum paradisi destruxit. confid. 34. n. 3.

Mater dolorosa cur primò ex parte sinistra ad crucem stetit? confid. 34. n. 3. item confid. 36. n. 3.

Mater dolorosa stans juxta crucem omnibus singulare refugium. confid. 34. n. 3.

Mater dolorosa quos affectus stans ad pedem crucis elicit? confid. 34. n. 4.

## *Index Rerum memorabilium, Conceptuum prædicabilium &c.*

- Mater dolorosa, quare non eminus, sed proxima juxta crucem stetit? confid. 34. n. 4.
- Mater dolorosa à Christo crucifixo S. Mechtildi Virgini in Matrem legata & commendata. confid. 34. n. 4.
- Mater dolorosa modum docet, quomodo nos oporteat Christum JESUM & hunc Crucifixum meditari. confid. 34. n. 4.
- Mater dolorosa, quòd non sub cruce mortua sit, ingens prodigium. confid. 34. n. 4.
- Mater dolorosa flexis genibus cum Filio in cruce patiente orabat: *Pater dimitte illis &c.* confid. 35. n. 3.
- Mater dolorosa quomodo latroni Paradisum impetravit? confid. 35. n. 5.
- Matris dolorosæ affectus, dum Filius latroni pœnitenti Paradisum promisit. confid. 35. n. 5.
- Mater dolorosa verè Martyr charitatis. confid. 37. n. 3.
- Mater dolorosa quare S. Joanni fuit à Christo commendata? confid. 38. per totum.
- Mater dolorosa Scala candida in cœlum, & quomodo? confid. 38. n. 7.
- Mater dolorosa non tantum S. Joanni, sed & omnibus Christum colentibus in Matrem commendata est. confid. 39. per totum.
- Mater dolorosa valde potens est ad intercedendum pro nobis. confid. 38. n. 7.
- Mater dolorosa cur præsens in omni ferè passione unigeniti sui? confid. 37. n. 4.
- Mater dolorosa Mater sollicita est pro nostra obtinenda æterna salute. confid. 39. n. 7.
- Matrem dolorosam Christus moriens omnibus in matrem dedit. confid. 40. n. 2.
- Mater dolorosa quare sub umbra crucis mater nostra effecta est? confid. 40. n. 4.
- Mater dolorosa cur proximè cruci adstiterit? confid. 41. n. 4.
- Mater dolorosa quomodo à sole decolorata? confid. 41. n. 4.
- Mater dolorosa agonizantium fidelium fidelissima mater. confid. 42. per totum.
- Mater dolorosa arca securissima, per quam æternum animæ possumus evadere naufragium. confid. 42. n. 4.
- Mater dolorosa ob Filium oblatum plus, quam Abraham benedicta. confid. 42. n. 5.
- Mater dolorosa clientem fidelem non deseret. confid. 42. n. 6.
- Mater dolorosa exemplar constantiæ in omni adversitate. confid. 45. per totum.
- Mater dolorosa cor cordi JESU rependit, & quomodo? confid. 46. per totum.
- Mater dolorosa sanguinem Filii crucifixi in vasculo colligit. confid. 46. n. 4.
- Mater dolorosa rectè ab Ecclesia Regina Martyrum appellatur. confid. 47. per totum.
- Mater dolorosa, tanquam civitas DEI olim sub typo Hierosolymæ excisæ, ab Hieremia deplorata. confid. 47. n. 3.
- Mater dolorosa stans sub cruce osculando pedes Crucifixi amoris sui non pote-



## *Index Rerum memorabilium, Conceptuum predicabilium &c.*

- poterat exlariari. confid. 48. n. 1. & seq.  
 Matris dolorosæ cura pro sepultura Filii in cruce extincti. confid. 50. n. 2.  
 Matris dolorosæ consolatio, dum Filium mortuum in gremio recepit. confid. 50. n. 2.  
 Mater dolorosa quare non una cum Filio fuit immolata? confid. 52. per totum.  
 Mater dolorosa quomodo per mergulam adumbratur? confid. 52. n. 1.  
 Matris dolorosæ animi contritio magna, velut mare. confid. 52. n. 1.  
 Mater dolorosa post Filium superstes unicuique Ecclesiæ primitivæ erat solatium. confid. 52. n. 2.  
 Mater dolorosa per omnem vitam Christum JESUM & hunc crucifixum meditabatur. confid. 59. per totum.  
 Mater dolorosa quare toties montem olivarum & Calvariæ post Filii in cælum ascensionem visitavit? confid. 59. n. 2.  
 Mater dolorosa quomodo cum Filio suo de torrente in via bibit? Epilog. n. 2.  
 Mater Machabæorum septies Martyr, typus Matris dolorosæ. confid. 34. n. 2.  
 Mater Chananæa typus Matris dolorosæ. confid. 39. n. 6.  
 Matres sollicitæ solent esse in proles, ut Jochabed & aliæ &c. confid. 39. n. 7.  
 Meditandi modum oportet nos à dolorosa Matre addiscere. confid. 59. n. 3.  
 Meditationis fructus denotantur per figuras varias. confid. 59. n. 4.  
 Mel quare Christus post resurrectionem suam comedit? confid. 52. n. 1.  
 S. Melitonis Martyris mater commendatur. confid. 45. n. 2.  
 Membro uno in corpore patiente, communi patiantur omnia. confid. 23. n. 1.  
 Metellus quomodo Patri suo vitam conservavit? confid. 42. n. 6.  
 Miraculum ingens, quod in passione & morte Filii Dolorosa Mater non fuerit extincta. confid. 43. n. 4.  
 Mons pietatis quomodo Mater Dolorosa? confid. 35. n. 4.  
 Moribundi hominis explicantur angustie. confid. 27. n. 3.  
 Mors in olla indulcoratur per Matrem Dolorosam. confid. 69. n. 7.  
 Mors bona exoptanda, mala timenda. confid. 62. n. 1.  
 Mors quam amarâ memoria ejus. confid. 42. n. 2.  
 Mors dulcis & optata redditur per Matrem Dolorosam. confid. 42. n. 2.  
 Mors crucifixi JESU quam lamentabile Matri Dolorosæ spectaculum. confid. 43. per totum.  
 Mors Dolorosæ Matris quam pretiosa in conspectu Domini. confid. 62. n. 3.  
 Mors B. Virginis Mariæ quare non fuit deplancta, ut mors Jacobi, Moysis, Judæ Machabæi, S. Stephani, &c. confid. 62. n. 7.  
 Mortificatio valde nobis est necessaria. confid. 17. n. 4.  
 Mortificationem Virgo Dolorosa per omnem vitam habuit. confid. 17. n. 4.  
 Moyses de longè Palæstinam vidit, sed non eam intravit. confid. 61. n. 5.  
 Moyses cur nudis pedibus ad rubum ardentem debuit accedere? Epilog. n. 7.  
 Moyses infantulus in scirpea fiscella expositus, typus Christi nascentis. confid. 15. n. 5.

## *Index Rerum memorabilium, Conceptuum prædicabilium &c.*

Moyſes cur ſolus inter pueros Hebræos ſubmerſos ſervatus? confid. 19. n. 6.

Mulieres plerumque ſunt philocoſmæ, ut patet in Judith, Eſther, Ruth & vidua oleo ſe inungente. confid. 61. n. 3.

Mulier Serephana colligens duo ligna, typus Matris doloroſæ viduæ. confid. 58. n. 2.

Mulier abſcondens fermentum in farinæ ſatis tribus, typus B. V. confid. 57. n. 3.

Mulier ſapiens ædificat domum: tales fuerunt plures, ſed potiſſimum Virgo doloroſa. confid. 57. n. 2. & ſeq.

Mulier, cui datæ ſunt alæ, typus B. Virginis. confid. 6. n. 7.

Mulier drachmam perditam inveniens, typus Matris doloroſæ. confid. 52. n. 3.

Mulier parturiens in Apocalypſi, typus Doloroſæ Matris. confid. 15. n. 3.

Mulierem fortem qualem Salomon olim quæſivit? confid. 37. n. 1.

Mulier fortis, imò omnium fortiſſima Mater Doloroſa eſt. confid. 37. per totum.

Mulier an jure poſſit laudari? confid. 47. n. 1.

Mundum & terrena deſpicere docet nos Mater Doloroſa. confid. 61. per tot.

Mundi inſtantis & fallacis variæ figuræ. confid. 61. n. 1. Item n. 6. & 7.

Mundi contemptor inſignis fuit S. Paulus. confid. 61. n. 3.

Mundus ſitim non ſatiet. confid. 61. n. 7.

Munera SS. Trium Regum pro omni hominum ſtatu explicantur. confid. 17. n. 6.

Murus & antemurale Virgo doloroſa nobis eſt. confid. 35. n. 4.

Myrrha quare olim à matronis e collo & in pectore geſtata? confid. 17. n. 1.

Myrrham relicto auro & thure, eligit ſibi Virgo Doloroſa. confid. 17. per totum.

Myrrham quare SS. Magi Chriſto & SS. Matri ejus obtulerunt? confid. 17. n. 3.

Myrrha Chriſtum ad ſepeliendum fecit. confid. 17. n. 3.

Myrrha mortificationem pulcherrimè adumbrat. confid. 17. n. 4.

## N.

Naam quomodo à lepra mundus? conf. 29. n. 4.

Nabuchodonosor ſelectiſſimos pueros ad ſuum obſequium elegit. confid. 3. n. 4.

Nata eſt B. Virgo juxta piſcinam probaticam in Jeruſalem. Cur? confid. 4. n. 7.

Nativitas B. Virginis per auroram adumbrata. confid. 4. n. 1.

Nativitas B. Virginis præſignata eſt per diverſas figuras. confid. 4. n. 3. & ſeq.

Nativitas Chriſti diſcribitur. confid. 15. per tot.

Navis inſtitoris quomodo Mater & Virgo doloroſa? confid. 14. n. 6. item conf. 57. n. 3.

Nicodemus & Joſephus lacrymis doloroſæ Matris fuerunt commoti, ut corpus JESU de cruce depoſitum ſepelirent. confid. 50. n. 2.

*Index Rerum memorabilium,*

- Nobili personæ major accrescit injuria, si contemnitur, quàm ignobili. confid. 28. n. 2.
- Noctitorax in domicilio, typus Christi capti, illusi & incarcerati. confid. 28. n. 4.
- Nomen JESU B. Virgo in circumcissione genu flexo Filio imponit. confid. 16. n. 7.
- Nomen JESU quomodo SS. Virgini dulce & amarum? confid. 16. n. 7.
- Nomen JESU quia Angeli apostatæ noluerunt agnoscere, & adorare, è cælo fulminati sunt. confid. 16. n. 7.
- Nomen JESU ex Saulo Paulum fecit; mendicum sanavit; Goliam stravit; Jobum erexit, & Martyres confortavit. confid. 16. n. 7.
- Nomen MARIÆ per 5. lapides Davidis, quibus Goliam superavit, adumbratum. confid. 69. n. 6.
- Nomen MARIÆ cur B. Virgini impositum, cur non nomen Evæ, Saræ, Rachel, Esther, Annæ &c. confid. 5. n. 1.
- Nomen MARIÆ simile aurantio, malo dulci & amaro. confid. 5. n. 1.
- Nomen MARIÆ cur Angelus non pronuntiavit in salutatione? conf. 5. n. 2.
- Nomen MARIÆ quid propriè significat? confid. 5. n. 4.
- Nomen MARIÆ quomodo Stella maris? confid. 5. n. 5.
- Nomen MARIÆ turris fortitudinis. conf. 5. n. 5.
- Nomen Mariæ myrtha maris. conf. 5. n. 6.
- Nomen MARIÆ quinque pretiosissimæ gemmæ. confid. 5. n. 7.
- Novitio Virgo dolorosa panem crudum in latere Filii intingit. confid. 56. n. 7.

*Conceptuum prædicabilium &c.*

- Nox in Passione quàm amara Christo & SS. Matri dolorosæ. confid. 28. per tot.
- Nubecula parva super mare oriens, typus B. Virginis. confid. 4. n. 3.
- Nubecula quomodo typus Christi? conf. 16. n. 4.
- Nubes levis quare dicatur Virgo dolorosa? confid. 19. n. 2.
- Nubes fecunda cur Mater dolorosa? confid. 35. n. 4.
- Nuditas Adami, Noëmi, legatorum Davidis, Filii prodigi, & arcæ fœderis. confid. 33. n. 3.
- Nuptiæ Cananæ quomodo B. Virgini acciderint dolorosæ? confid. 22. n. 3. & confid. 46. n. 5.
- Nuptiis in Cana quare Christus & SS. Mater ejus interfuerunt? confid. 22. n. 2.

**O.**

- Obededom quare benedictus propter arcam? confid. 65. n. 3.
- Obedientia dolorosæ Matris fuit exactissima. confid. 66. n. 2.
- Oceanus passionum erat cor afflictissimæ Matris JESU. confid. 52. n. 1.
- Oculi dolorosæ Matris quare sicut piscina in Hesebon? confid. 44. n. 1.
- Oliva cur sola inter arbores in diluvio intacta & semper virescens permanfit? confid. 2. n. 5.
- Oliva campi quomodo typus dolorosæ Matris confid. 35. n. 4.
- Olivarum torcular quare in monte Oliveti? confid. 25. n. 2.
- Oliveti hortum an & Mater dolorosa sit ingressa, dum Filius Sanguinem sudabat? confid. 25. n. 3.



## *Index Rerum memorabilium, Conceptuum prædicabilium &c.*

- Onias Summus Sacerdos quomodo typus Christi? confid. 32. n. 2.
- Oratio quomodo debet esse constituta, ut à DEO exaudiatur. confid. 56. per totum.
- Oratio nostra quare subinde tam tepida? confid. 56. n. 2. & 5.
- Oratio Matris dolorosæ post Filii resurrectionem quam? confid. 56. n. 4.
- Orandi forma à Christo & dolorosa Matre nobis discenda. confid. 56. n. 4.
- Orantium benè ad DEum afferuntur figuræ variæ. confid. 56. n. 6.
- Orare quomodo semper possumus, & nunquam deficere? confid. 57. n. 1.
- Oratio Matris dolorosæ quomodo erat assidua? confid. 60. n. 7.
- Oratio Josue, Ezechix, Eliæ, Jonæ, Susannæ &c. efficacissima. confid. 67. n. 5.
- Oratio est tuba Josue, quâ Jericho expugnatur. confid. 67. n. 7.
- Oza, Heli, Ophni & Phinees, an sint æternum damnati? confid. 65. n. 5.

## P.

- Passium MARIÆ quomodo per Eliæ passium præsignatum? confid. 69. n. 2.
- Palma pacis & amicitix symbolum. confid. 14. n. 1.
- Palmam crucis quare Mater dolorosa pro se elegit? confid. 45. n. 5.
- Paradisus quare à DEO conditus est? confid. 12. n. 7.
- Passere uno in lege immolato, quare alter vivus dimissus. confid. 52. n. 2.

- Passio Filii erat semper in recentissima memoria dolorosæ Matris. confid. 23. per totum.
- Passionis suæ futuræ Christus sæpius mentionem ad SS. Matrem suam fecit. confid. 23. n. 2.
- Patientiæ Christianæ Symbola. confid. 41. n. 1.
- Patientia dolorosæ Matris juxta crucem stantis. confid. 41. per totum.
- Patientia probatur homo, ut Tobias, Job, David, Eleazarus, Machabæi, & omnes Sancti DEI. confid. 41. n. 5.
- Patientia est porta ferrea, ducens nos ad cœlestem Jerusalem. confid. 41. n. 5.
- Patientia dolorosæ Matris per omnem vitam. confid. 66. n. 4.
- Patientia nobis necessaria est, ut reportemus repromissiones. Epilog. n. 7.
- Patriarchatum encomia, quibus Matrem dolorosam in Christi resurrectione honorabant. confid. 53. n. 6.
- S. Paulus semper cum Christo crucifixus, quanto magis SS. Mater? confid. 58. n. 4.
- Paupertas dolorosæ Matris in exilio septennali. confid. 19. n. 5.
- Peccatorum singulare refugium Mater doloris & amoris est. confid. 45. per totum.
- Peccatorum verè pœnitentium benigna Mater dolorosa Virgo. confid. 36. per totum.
- Perseverantia à Matre dolorosa nobis ad discenda. confid. 45. per totum.
- Petra inter decumanos fluctus stans immobilis, dolorosa Mater. confid. 37. n. 1.

## *Index Rerum memorabilium, Conceptuum prædicabilium &c.*

- S. Petrus Apostolus cur solus in monte Olivario à Christo increpatus? conf. 57. n. 6.
- S. Petrus post lapsum per Matrem dolorosam benignè consolatur. conf. 52. n. 5.
- Pharus & portus omnibus periclitantibus est Mater dolorosa. conf. 36. n. 1.
- S. Philippus Benicius cum sacro Ordine suo cultor & amator B. V. ac Matris dolorosæ singularis. conf. 66. n. 7.
- Pica imitatrix buccinatorum Romanorum. conf. 66. n. 6.
- Pincerna in aula Pharaonis quare servatus, & cur pistor suspensus? conf. 13. n. 6.
- Piscandi diversi modi cum doctrina morali & accomoda. conf. 70. n. 1.
- Piscina probatica typus Sanguinis Christi. conf. 25. n. 4.
- Plagas omnes quare Deus miserit super Cor MARIE? conf. 47. n. 4.
- Porta semper clausa, & sanguine Agni aspersa Virgo dolorosa est. conf. 3. n. 1.
- Porta aurea in templo, ad quam mendicus paralyticus eleemosynam colligit, typus insignis B. V. M. conf. 12. n. 7.
- Præsentia DEI cum dolorosa Matre semper & in omni occasione nobis est proponenda. conf. 60. per totum.
- Præsentiam DEI exterminantes misere perierunt, & pereunt. conf. 60. n. 5.
- Præsentia DEI considerata à lapsu in peccatum præservat. conf. 60. n. 6.
- Præsentis ubique DEI memoria Abrahamum sanctum effecit. conf. 60. n. 1.
- Mater dolorosa.*
- Præsentis Dei oblivio Petro causa lapsus fuit, item filio prodigo, & Judæis faciem Christi velantibus. confid. 60. n. 4.
- Præsentis DEI memoriam quia Adam, Cain, David & alii non habebant, ideo tam turpiter lapsi sunt. confid. 60. n. 6.
- Præsentis DEI memoria Eliam, Elifæum, Enoch, Jeremiam & Tobiam viros effecit perfectos. conf. 60. n. 8.
- Præsentat. B. Virginis quomodo in templo fuerit peracta. confid. 6. per totum.
- Primitiæ frugum cur olim DEO oblatae? conf. 6. n. 2.
- Processio lætuosa Christi crucē ad montem Calvariæ bajulantis. conf. 32. n. 3.
- Pulchritudo Mariæ omnium pulchritudinem superavit, de qua re variæ figuræ. conf. 7. n. 5.
- Purgantium animarum patrona fidelissima Mater dolorosa. conf. 70. per totum.
- Purgantibus animabus plus prodest Maria quàm Jochabed suo Moyfi, Sunamitis filio, & Esther suo populo. conf. 70. n. 3.
- Purgantes animæ piscibus, de nocte ad accensum lumen venientibus, comparantur. conf. 70. n. 1.
- Purgantis animæ typus, mendicus ad portam templi sedens, & mendicans. conf. 70. n. 4.
- Purgantis animæ figura paralyticus ille, qui 38. annis ad piscinam probaticam jacens aquæ motum expectavit. conf. 70. n. 5.

## *Index Rerum memorabilium, Conceptuum prædicabilium &c.*

Purgantis animæ alius typus Jerichuntinus in latrones incidens. conf. 70. n. 6.

Purgantes animæ à pœnis liberatæ, suis benefactoribus gratissimæ; quod per varias figuras probatur. conf. 70. n. 7.

Purgatorium B. Virgo etiamnum sæpius visitare assolet. conf. 70. n. 2.

Purgatorii pœnæ quotidie luentibus sunt leviores propter intercessionem B. V. MARIÆ. conf. 70. n. 5.

### Q.

Quærere quomodo JESUM cum Matre dolorosa nos oportet. conf. 20. per tot.

Quærere ubi debemus JESUM cum Matre dolorosa. conf. 20. n. 3. ubi plures reperies figuras.

Quærentis dolorosæ Matris duodennem Filium suum figuræ sunt Anna, Sponsa, Pastor bonus, Mulier drachmam quærens, Ruben &c. conf. 20. n. 4.

Querelæ dolorosæ Matris erga peccatores. conf. 18. n. 6.

Querelæ Matris dolorosæ contra Judam proditorem. conf. 26. n. 3.

Querelæ dolorosæ Matris contra Judæos ingratißimos deicidas, conf. 49. n. 3.

### R.

Rachel plorans filios suos, typus Matris dolorosæ. conf. 27. n. 2.

Rachel Deos aureos sub stramine abscondens typus B. V. M. conf. 15. n. 2.

Rachel quomodo typus B. Virginis parturientis. conf. 15. n. 2.

Rachelis pulchritudo consolatur, & animat Jacobum. Epilog. n. 4.

Rebecca filium hædorum pelliculis contegens, typus dolorosæ Matris. conf. 15. n. 4. & conf. 68. n. 4.

Rebecca in peregrinos officiosa typus B. V. MARIÆ. conf. 22. n. 1.

Rebecca conservans Jacob filium, ne ab Esau occideretur, typus B. V. Mariæ. conf. 36. n. 4.

Regina Martyrum dolorosa Mater est ex pluribus titulis. conf. 47. per totum.

Regina cœli latrare prima vice Angeli in resurrectione Christi in honorem dolorosæ Matris cantarunt. conf. 53. n. 4.

Regina SS. Rosarii plius, quàm Esther & Bethsabee impetrat. conf. 67. n. 8.

Regnum divisum Christum inter & Mariam, tum dolorum, tum gaudiorum. conf. 5. n. 4.

Regnum Christi in ligno crucis. conf. 32. n. 6.

Resignatio dolorosæ Matris in Divinam voluntatem. conf. 19. conf. 23. conf. 32. & aliis pluribus in locis.

Resurrectio Filii à mortuis dolorosæ Matri gaudium inexplicabile. conf. 53. per totum.

Rete diaboli sola evasit Virgo dolorosa. conf. 3. n. 7.

Ros in solo vellere, quid? conf. 3. n. 4.

Rosarium B. V. filium Ariadnæ. conf. 67. n. 1.

Rosarium plures peccatores ad DEUM reducit. conf. 67. n. 2.

Rosa-



*Index Rerum memorabilium, Conceptuum prædicabilium &c.*

Rosarium funiculus Rahab. confid. 67. n. 2.

Rosarium funiculus triplex, quod difficile rumpitur. confid. 67. n. 2.

Rosarium lapis mulieris Thebanæ, gladius Judithæ, funda Davidis, clavus Jahel, lancea Job. &c. confid. 67. n. 2.

Rosarium arcus tricolor. conf. 67. n. 3.

Rosarium rubus ardens. confid. 67. n. 4.

Rosarium cithara Davidica. confid. 67. n. 5.

Rosarii tria mysteria per Abraham, Isaac & Jacob pulchre adumbrata. confid. 67. n. 6.

Rosarium tuba Josue. confid. 67. n. 7.

Ruth spicas colligens typus Matris doloris & amoris. confid. 58. n. 2.

**S.**

Saba & Esther perculsæ, quomodo typus Matris dolorosæ? confid. 31. n. 6.

Saba Hierosolymam cum pompa ingreditur, typus B. V. confid. 63. n. 3.

Saba Salomoni aurum & aromata præsentans typus B. V. confid. 6. n. 4.

Sacrificia omnia olim in templo oblata, præsignabant Christum cruciandum. confid. 20. n. 1.

Sacrificium Abrahæ cur DEO acceptissimum, & non Dacis Jephte? confid. 6. n. 3.

Sacrificium DEO summe acceptabile erat Cor dolorosæ Virginis. confid. 6. n. 3. & seq.

Salome vidua & Mater filiorum Zebedæi quare per orationem suam nihil à Christo impetravit? confid. 56. n. 1.

Salomon integros ovium & taurorum greges immolavit. confid. 6. n. 4.

Samson plures hostes occidens mortuus quàm vivus, typus Christi. confid. 43. n. 5.

Samson ligatus vincula dirupit, & quare non Christus? confid. 27. n. 4.

Samson portas æreas confringens & in montem asportans, typus Christi à mortuis resurgentis. conf. 53. n. 2.

Samson quare ausus est cum leone in vinea pugnare? conf. 2. n. 1.

Sanctimonialis Ordinis sui desertrix à Matre dolorosa increpatur, & à Christo graviter punitur. conf. 35. n. 6.

Sanguis JESU melius loquitur, quàm Abelis. conf. 16. n. 3.

Sanguis Agni oranem lapsum à B. Virgine longè avertit. confid. 3. n. 1. & 4.

Sanguis Christi quàm efficax. confid. 34. n. 2.

Sanguis Christi animæ infirmæ plus medicinalis, quàm Jordanis fluvius Naamo leproso, piscina paralytico. confid. 46. n. 4.

Sara quantum gavisæ est, ubi Isaac filium suum, quem mortuum credidit, vivum conspicatæ est. confid. 53. n. 6.

Sarephana mulier quare typus B. Virginis dolorosæ? conf. 22. n. 5.

Sciurus quomodo flumen trajicere soleat. conf. 35. n. 1.

Scala & porta cæli Maria est. conf. 65. n. 3.

Scala Jacob typus crucis. conf. 38. n. 7.

Scapulare B. V. clypeus in adversis. conf. 68. per totum.

Scapulare adumbratum per peram Davidis. conf. 68. n. 1.

*Index Rerum memorabilium, Conceptuum prædicabilium &c.*

- Scapulare clypeus Arcturi & Josue contra Hai. confid. 68. n. 1.  
Scapulare clypeus Davidis. confid. 68. n. 1.  
Scapulare cum diversis comparatur clypeis, de quibus plura lemmata. conf. 68. n. 3.  
Scapulare B. Simoni Stock Carmelitarum Generali à B. Virgine traditum. confid. 68. n. 4.  
Scapulare purgantibus animabus proficuum. confid. 68. n. 5.  
Scapulare funiculus & pannus, quibus mediantibus Jeremias è lacu extractus est. confid. 68. n. 5.  
Scapulare hamus, quo capiuntur animæ. confid. 68. n. 5.  
Scapulare per pallium Eliæ adumbratum. confid. 68. n. 6.  
Sedecias Rex captus, & ab omnibus desertus typus Christi. confid. 27. n. 6.  
Sedes David qualis ab Angelo B. Virgini promissa? confid. 32. n. 6.  
Sella Heli non habens reclinatorium, mundi figura. confid. 61. n. 1.  
Sententia in Christum lata, qualis? conf. 31. n. 5.  
Sententiam mortis in Christum latam, audivit Mater dolorosa. confid. 31. n. 5.  
Sepultura quomodo Christus à dolorosa Matre mandatus? confid. 50. n. 5.  
Serpens in deserto exaltatus, Christi typus. confid. 33. n. 1.  
Serpens cur hominis calcaneo insidiatur? confid. 69. n. 1.  
Servi MARIE vestiti sunt duplicibus. confid. 66. n. 2.  
Simeon quare Matri dolorosæ futuram Filii passionem prædixit? confid. 18. n. 3.  
Simeon quare viso Christo infantulo, mox mortem subire optavit? confid. 18. n. 2.  
Simulacra quare Christo in Ægypto adventante, corruerunt? conf. 19. n. 2.  
Sindon, in qua Christi Corpus involutum est, mirè animum spectantis movet. confid. 29. n. 7.  
Sol in decimo gradu consistens, typus Christi crucifixi. confid. 33. n. 1.  
Sol in signo Virginis temperat calorem, quid? confid. 13. n. 1.  
Sol in meridie occidens, est Christus crucifixus. confid. 43. n. 1. & confid. 44. n. 1.  
Specula sibi opposita sunt Christus crucifixus & Mater dolorosa. conf. 34. n. 4.  
Spes ingens in Patrocinio B. V. Mariæ collocanda. conf. 65. n. 7.  
Spiritus S. lætificat in Adventu suo SS. Cor Virginis dolorosæ. confid. 55. per totum.  
Spiritus S. introduxit post tot exantlatos dolores B. Virginem in cellam vinariam. confid. 55. n. 3.  
Spiritus S. per digitum in sanguine holocausti intinctum, olim adumbratus. confid. 55. n. 4.  
Spiritus Sancti gratia est guttula, quam epulo in inferno flagitat. confid. 55. n. 5.  
Spiritus Sanctus sub diversis figuris cur apparuit? confid. 55. n. 6.  
Spiritus Sancti septem dona quomodo Matri dolorosæ communicata? conf. 55. n. 7.  
Sponsa quærens dilectum suum, typus B. V. dolorosæ. confid. 20. n. 3. conf. 28. n. 1.

## *Index Rerum memorabilium,*

- Sponsa quare dixit: Trahe me: post te curremus? confid. 52. n. 4.  
Sponsa dilectum in hortum invitans, quomodo typus B. Virginis? confid. 12. n. 5.  
Sponsa signaculum Sponsi super cor & super brachium suum portans, typus dolorosæ Matris. confid. 56. n. 1.  
Sponsus quare pascens, & cubans in meridie à Sponsa quæsitus? confid. 45. n. 6.  
Spuere in JESUM quanta ignominia! quod per plures figuras explicatur. confid. 28. n. 3.  
Statua Nabuchodonosoris mundi typus. confid. 61. n. 1.  
Stare Matris dolorosæ sub cruce quid sit? confid. 45. n. 5.  
Stella matutina, maris, & vespertina dolorosa Virgo est. confid. 32. n. 1.  
Stella maris quare Mater dolorosa dicitur? confid. 45. n. 4.  
Stella polaris quomodo dolorosa Mater? Parænes. n. 1.  
Struthio typus insipientium peccatorum. confid. 60. n. 2.  
Sulamitis quomodo typus B. V. confid. 6. n. 1.  
Sunamitis figura Matris dolorosæ, & quomodo? confid. 48. n. 1.  
Symbolum Leopoldi I. Romanorum Imperatoris gloriosissimi. confid. 60. n. 3.  
Sympathia perfectissima Christum inter & dolorosam Matrem fuit. confid. 23. n. 1. Item confid. 27. n. 5.

## T.

- Tela araneorum mundi figura. confid. 61. n. 1.

## *Conceptuum predicabilium. &c.*

- Tempus pretiosum B. Virgo & Mater semper optimè impendit. confid. 57. per tot.  
Tempus salutis, quia neglexerunt Virgines fatuæ, ideò reprobata. confid. 57. n. 5.  
Temporis bene locandi typus formica. confid. 57. n. 7.  
Tempus salutis M. Magdalena citò & bene impendit. confid. 57. n. 7.  
Tempus salutis optimè observârunt duo cæci in Jericho. conf. 57. n. 7.  
Tempus quia Esau neglexit, à benedictione Patris reprobatus. confid. 57. n. 4.  
Tempus quia Sponsa non attendit, ideò ab ea dilectus declinavit. confid. 57. n. 4.  
Tempus qui perdit, fur maximus est. confid. 57. n. 5.  
Tempus, quia Petrus non rectè impendit, ideò à Christo increpatus. confid. 57. n. 6.  
Tenebræ in Ægypto mundi ante adventum B. V. in hunc mundum. confid. 4. n. 1.  
Tenebræ & eclipsis solis & lunæ unde oriantur? confid. 43. n. 1.  
Terra Sacerdotis sola à tributo immunis. confid. 2. n. 5.  
Testamentum Christi in cruce quale? confid. 39. n. 1. & seq.  
Testamenta varia, Eliæ, Jacobi, Davidis, Jonathæ & Mathathiæ. confid. 39. n. 2.  
Testamentum Christi in cruce morientis designat unumquemque fidelem. conf. 3. n. 3.  
Thecuitis mulier prudens typus B. V. M. confid. 22. n. 5.



## *Index Rerum memorabilium,*

- Thecuitis Davidem placans figura B. V. confid. 35. n. 1.  
Theoclia filium amplexans in cruce suspensum, mortis cadit victima. confid. 49. n. 2.  
Thesaurus sine fundo est SS. Cor JESU. confid. 48. n. 7.  
Thronus Salomonis typus B. V. confid. 65. n. 4. Item thronus Ezechielis, Isaïæ &c. ibid.  
Tobias quare cæcus effectus? Epil. n. 7.  
Tobias moriens filio matrem impensè commendat. Parænes. n. 6.  
Toga Julii Cæsaris in Senatu occisi populum Romanum ad lacrymas & compassionem movet. confid. 44. n. 3.  
*Tolle, Tolle*, quam luctuosus clamor in auribus & corde dolorosæ Matris. confid. 31. n. 4.  
Torcular passionis & Mater dolorosa calcavit cum Filio, confid. 25. n. 1. & seq.  
Tria videbantur Salomon difficilia, & quantum penitus ignorabat. Quid hoc? confid. 54. n. 1.  
Tulipa flos sole recedente languescens. confid. 28. n. 2.  
Tunica polymita Josephi Christo & Matri dolorosæ accommodatur. conf. 21. n. 3.  
Turtur figura dolorosæ Virginis. confid. 20. n. 2. & confid. 58. n. 1.

## V.

- Valedictio dolorosæ Matris. confid. 24. per totum.  
Valedictio Tobix, Isaaci, Davidis, Jacobi, Pauli &c. confid. 24. n. 1.

## *Conceptuum prædicabilium &c.*

- Valedictionis verba Christum inter & Matrem dolorosam. conf. 24. n. 3.  
Valedictio Thomæ Mori. conf. 24. n. 4.  
Valedictio duarum sororum nobilium. confid. 24. n. 5.  
Valedictio S. Barulæ pueri ac Martyris à sua dilecta Matre. confid. 24. n. 6.  
Vasthi Regina cur repudiata? confid. 66. n. 2.  
Venter Virginis quomodo acervus tritici, vallatus liliis. confid. 7. n. 1.  
Velum capitis dolorosæ Matris Christi crucifixi sanguine conspersum adhuc hodie asservatur in Bohemia. confid. 41. n. 4.  
Vestis dolorosæ Matris erat ex lana nativa cinerei coloris. confid. 61. n. 3.  
Villicus iniquitatis quare dixerit: Fodere non valeo? confid. 48. n. 6.  
Vinum nobilissimum sanguis Christi. confid. 46. n. 5.  
Victima immaculata olim DEO erat immolanda. confid. 3. n. 4.  
Virga vigilans Jeremiæ monstrata, typus B. V. M. confid. 69. n. 4.  
Virga Moysis MARIA & quomodo? confid. 30. n. 4.  
Virga Aaron sola florens typus B. V. M. confid. 2. n. 5.  
Virga duces Moab percutiens Virgo dolorosa est. confid. 41. n. 3.  
Virgis diversis Virgo dolorosa comparatur. confid. 60. n. 8.  
Virginitatis & pudici cordis encomia. confid. 7. n. 3.  
Virginitatis conservandæ remedia. confid. 7. n. 6.  
Virginitatis pulcherrima aureola. confid. 7. n. 6.

*Index Rerum memorabilium, Conceptuum prædicabilium &c.*

- Virginitas quantum à DEO amata? confid. 7. n. 6.
- B. Virgo quomodo futuram Christi passionem meditata est. confid. 18. n. 3. & seq.
- B. Virgo quare tam durè à DEO habita? confid. 20. n. 6. & seq. plures figuræ.
- B. Virgo quomodo summè à DEO amata & tamen castigata. confid. 20. n. 5.
- B. Virgo post Filii ascensionem in cælum præfuit 120. Virginibus. confid. 61. n. 3.
- B. Virgo, quæ habere potuit, pauperibus erogavit. confid. 61. n. 2.
- B. Virgo stigmate Filii jugiter in Corde suo portabat. confid. 61. n. 4.
- B. Virginis ardens desiderium videndi DEUM. confid. 61. n. 5.
- B. Virgo mortem non timuit, sed optavit. conf. 62. n. 1.
- B. Virgo cupit dissolvi, & esse cum Christo. conf. 62. per totum.
- B. Virgo præ amore in dilectum languefcit viribus. conf. 62. n. 4.
- B. Virgo moriens præfentes habere voluit SS. Apostolos, quibus maternam benedictionem impertit. conf. 62. n. 5.
- B. Virginis anima quo jubilo & pompâ in cælum fuerit assumpta? confid. 62. n. 6.
- B. Virgo quomodo sepulta? confid. 62. n. 8.
- B. Virgo quare in valle Josaphat sepeliri voluit? confid. 62. n. 8.
- B. Virginis corpus ab omni corruptione præservatum, quod per plures probatur figuras & rationes. conf. 63. n. 1.
- B. Virginis anima quomodo de novo corpori fuit unita. confid. 63. n. 1.
- B. Virgo quanto cum applausu omnium Cœlitum fuit excepta. confid. 63. n. 2.
- B. Virgo cur non in curru igneo, aut in nube, sed innixa super dilectum in cœlum ascendit? confid. 63. n. 2.
- Virgula fumi ex aromatibus typus B. V. MARIÆ. confid. 6. n. 1.
- Vitis pereleganter cum Christo comparata. confid. 16. n. 1.
- Umbra Sacratissimæ Crucis nobis viatoribus in vita & in morte tutissima. confid. 40. per totum.
- Umbra Juniperi Eliæ salutaris. Cur? confid. 40. n. 4.
- Umbra Theredinthe Jacob elegit, sub qua idola infodit. Cur? confid. 40. n. 4.
- Umbra Moyses Pastor in meridie cum ovibus suis quærit. Cur? confid. 40. n. 4.
- Umbra arboris Danielis hominibus & jumentis proficua. Cur? confid. 40. n. 4.
- Umbra desideratam Sponsa quærit in meridie. Cur? confid. 40. n. 5.
- Umbra crucis quomodo requies dolorosæ Matris, sub qua non sedit, sed stetit. Cur? confid. 40. n. 1. & n. 3.
- Umbra mali Evæ & generi humano nociva, sed sub umbra crucis Mater dolorosa reparat, quod Eva destruxit. conf. 40. n. 3.
- Umbra crucifixi Salvatoris quomodo sit omnis homo vivens. confid. 40. n. 3.
- Umbra tutissima Julio II. Pont. Max. erat crucifixus JESUS. confid. 40. n. 1.
- Umbra hederæ Jonæ instabilis; sic & mundanorum. confid. 40. n. 6.
- Umbra Petri ægros sanat. confid. 40. n. 6.
- Um-

*Index Rerum memorabilium, Conceptuum prædicabilium &c.*

**U**mbra dextri brachii Christi in cruce  
pendentis, latroni saluberrima. confid.  
40. n. 6.

**V**oluntas Divina dolorosæ Matri prima  
regula in omnibus eventibus. confid.  
19. n. 1.

**U**rbanus III. Pont. Max. captâ urbe Hie-  
rosolymâ subito expirat. conf. 27. n. 2.

**U**rfula Benincasa quàm mirabili arte Chri-  
stum crucifixum pinxit. confid. 58. n. 6.

**SS.** quinque Vulnerum Christi prima cul-  
trix fuit Mater dolorosa. confid. 48.  
pertotum.

**SS.** quinque Vulnera Christi per varias  
figuras adumbrata; per 5. siclos; 5.  
lapides Davidis; 5. civitates refugii;  
5. rubinos Judithæ; 5. panes; 5. ta-

lenta; 5. porticus in piscina; 5. lam-  
pades ardentes &c. confid. 48. n. 4.  
& seq.

**U**xor Phinees parturiens & moriens.  
Cur? confid. 49. n. 4.

**X.**

**X**imenius S. J. admonetur à B. Virgine,  
ut animabus purgantibus succurrat.  
confid. 30. n. 5.

**Z.**


**Z**acharias quomodo B. Virginem in do-  
mo sua excepit. confid. 14. n. 1.

**Laus DEO, Deiparæque Virgini, nobis autem  
confusio faciei.**

**Finis hujus libri.**









K o

SPECIAL 85-B  
790



